

ციალა არდამელია

იანანელი ამბაკალები

...

ქამი მთვალს!

...

სიყვარული სიკვდილის უმღებ



ციალა არდაშელია

იაTnanel i anOrZal ebi

•

Jami noval s!

•

siyvarul i sikvdil is

Sendeg

(`Seni raSebi Wi xvineben, aqil evs!~)

გამომცემლობა „მერიდიანი“

თბილისი 2013

მითოსურ რომანში „იათნანელი ამორძალები“ აღწერილი ამბები ხდება უშორეს წარსულში, აიეტის მეფობის ხანაში. კუნძულ იათნანზე (დღევანდელ კვიპროსზე), ხმელთაშუა ზღვის აუზში რომ მდებარეობს, ცხოვრობენ მითიური აიაიელების შთამომავალნი, რომელთაც წინააპრებისგან მემკვიდრეობით მიიღეს მალალი კულტურა, დამწერლობა, საწმენოება. დროთა ვითარებაში, მომხდურთა მოძალების შედეგად, იათნანას მკვიდრნი დაძაბუნდნენ და გადაშენების პირზე მივიდნენ... ძველი ტრადიციის თანახმადვე, ამორძალთა მემკვიდრეებად მიიჩნევენ ქართველ, კერძოდ, კოლხ ქალებს.

„იათნანელი ამორძალები“ პირველად 1988 წელს დაბეჭდა გამომცემლობა „მერანმა“. მეორე გამოცემა განხორციელდა საქართველოს მწერალთა კავშირის თაოსნობით. მესამე — გამომცემლობა „მერიდიანი“.

რომანი „უამი მოვალს!“ — 80-იან წლებშია დაწერილი. იგი ნახევრადმითოსური ნაწარმოებია. მოვლენები ილიას მკვლელობის და შემდგომ განვითარებული პროცესების კვალზე მიმდინარეობს. რომანში ახლებურადაა გააზრებული ამირანის სახე და მისი როლი ქართველი ერის სულიერი ცხოვრებისა და განვითარების პროცესებში.

დრამატული ნაწარმოები: „სიყვარული სიკვდილის შემდეგ“ ანუ „შენი რაშები ჭიხვინებენ აქილევს!“ — მითოსური თემის გაგრძელებაა, იგი აქილევსისა და ამორძალთა დედოფლის — პენტესილეას ორთაბრძოლის ასახვაა, ადამიანის რაობის, მისი ზნეობრივი ფასეულობების წარმოჩენაა.

„... არ ვიცი, რომელ უშორეს წინაპართა ფესვების კარნახით ხატავდა ავტორი ამ ცოცხალი სუნთქვით სავე შთამბეჭდავ ამბებს, ის კი ცხადია, რომ მას სურს პირველყოფლისა ახალგაზრდობა დააფიქროს — ვინ ვართ, საიდან მოვდივართ და რას უნდა გავუფრთხილდეთ, რათა არ წაგვშალოს, არ წაგვლეკოს თანამედროვეობად წოდებულმა უსულგულო სტიქიონმა.“

ქალბატონმა ციალა არდაშელიამ შესძლო უნიჭიერესი მწერლის სახელის მოპოვება — წინაპრებისგან ბოძებულმა ტალანტმა თავისი გაიტანა და ჩვენი ქართული ლიტერატურის უძვირფასესი შენაძენი — მკითხველის ხელთ არის.

ქალბატონ ციალა არდაშელის — ნიჭით მძიმედ დატვირთულ მწერალსა და ბრწყინვალე მამულიშვილს მომავალ გამარჯვებებს ვუსურვებ. უღრმესი პატივისცემითა და სიყვარულით — **ჭაბუა ამირეჯიბი.**“

მხატვრები: **ნუგზარ მგალობლიშვილი,**
ნანა გერასიმოვა

© გამომცემლობა „მერიდიანი“, 2013

© ც. არდაშელია

ISBN 978-9941-10-750-4



და თუ ქვეყანა წარბდენილია,
ამის მიზეზი თქვენშივეა, იქვე იძიეთ“.
დანტე ალიგიერი

ნანოლი I

მესეფენი

ბიჭი კუნძულ სკიროსიდან შინ ბრუნდებოდა, იათნანაზე.

ჩქარობდა, ძალიან ჩქარობდა. უკვე ორ თვეზე მეტი იყო, არ ენახა გულისსწორი. მთელი ერთი დღე და ერთი ღამე მიცურავდა. ძალუმად აწვებოდა ნიჩბებს და განუწყვეტლივ ფიქრობდა გოგოზე, რომელიც, ვინ იცის, როგორ დარდობდა მის დაგვიანებას.

ბიჭი გომიშში, დედის ძმებთან და ბიძაშვილებთან ერთად ყვინთავდა ზღვაში, ეძებდა მარგალიტებს, და ერთი სული ჰქონდა, სანამ ძვირფასი მძივით დაუმშვენებდა თავის რჩეულს მაღალ, თეთრ ყელ-კისერს.

და აი, დილის ბინდ-ბუნდში გამოჩნდა იათნანას ნამგალივით მორკ-ალული სანაპირო.

ბიჭმა ხელი შეუშვა ნიჩბებს, ღრმად და შვებით ამოისუნთქა. მერე გახარებულმა ქიაფრად მოხასხასე აღმოსავლეთს ახედა. მზე ამოდოდა.

ერთბაშად აინვართა, ხელები ზეალაპყრო და ფართო ღიმილი შეაგება ძონისფერ მნათობს. წამიც და მის ბაგე-პირს მხურვალე ლოცვა-ვედრება მოსწყდა: „ჰოი, ცხრათვალა მზეო! მზეო ჯილოსანო! მზეო სხივოსანო! სახენათელო და პირმცინარე ღვთაებავ ჩვენო!

ჰოი, ტკბილმონყალევე, სასოებავ და ნუგეშო ჩვენო, მზეო-ბარბალო! შუქთა მკმეველო! ასულო დიამრთისაო! გაგვისინათლე და გაგვიოლე ცხოვრების გზასავალი, რამეთუ შენი მოდგმა ვართ ჩვენ-აიიას შთამომავალნი. რამეთუ შენი მაღლი გვცხია ჩვენ და შენს უღრუბლო და უბინდო ხატებას ვეთაყვანებით დანყივ-დაბადებიდან, რამეთუ შენს მოციაგე სახელს ფიცულობს მოდგმა შენი და მთელი ცისქვეშეთი – შენი სამეუფო და საბრძანისი!

ჰოი, ზეციურო ასულო დია-უფლისაო, მწევ და ქომაგო ჩვენო, მზეო ბარჩხალავ! გვიკურთხე და დაგვიმწყალობე დღენი ჩვენნი უკუნითი უკუნისამდე! დიდება შენდა, ზეციურო, დიდება შენდა!“

ბიჭი გალაჯული იდგა ორჩხომელში და კისერზე ხელებგადანასკვული, თვალმილულული ნელა-ნელა ირნეოდა ნავის რხევის კვალობაზე. ბაგეზე საამო ღიმილი დასთამაშებდა. მერმე როგორღაც ზანტად, დაია-ზებით გაიზმორა. მზისგან გარუჯულ, პრიალა გულმკერდზე ხელის ნე-

ბები ჩამოისვა, ჰე, ჰეიო, შესძახა ომახიანად და ნიჩბებს მიუჯდა კვლავ.

ჰაერი მზით იყო გაჭოლვილი, მზის სხივებს აეთინათებინა ლურჯ-მწვანედ მობიბინე ზღვის ზედაპირიც. ტალღების ჩუმი ტყლაშუნი თუ არღვევდა იალონის იდუმალ გარინდებას.

დილის სიფრიფანა, მსუბუქ ნისლში ანაზდად გამოიკვეთა ჟანგის-ფერი, ფრიალო კლდე – სოლივით შეჭრილი ზღვაში.

ბიჭმა მსწრაფლ აარიდა მას მზერა.

ყოველი იათნანელი გაურბოდა ამ კლდესთან მიახლოებას, რადგან უხსოვარი დროიდან ეს კონცხი ითვლებოდა ფათერაკიან, საბედისწერო ალაგად. მის ხსენებასაც გაურბოდნენ, ვაშინერსო,¹ – იძახდნენ მასზე კუნძულის მკვირდნი. აქ, ზღვის უძირო სიღრმეებში ბინადრობდნენ მზე-თუნახავი მესეფენი. ეს მაქცია დიაცები განაგებდნენ ტაროს-ამინდსა თუ უამინდობას, დარსა თუ ავდარს. კოჭებამდე გრძელი და ხშირი თმა ჰქონდათ მესეფეებს და ლაჟვარდისფერი თვალები.

ჯადოქრული სილამაზის წყალობით ზღვის ასულნი მყისვე ახვევდნენ თავბრუს ყველას, ვინც კი გაბედავდა და მიუახლოვდებოდა მათ სანახებს.

ჩვეულებისამებრ, მზაკვარი დიაცი ზღვის აქოჩრილ, თეთრმაქმანიან ტალღაზე შემოსკუპდებოდა ხოლმე, მომხიბლავ ზღვისფერ თვალებს ააჟუჟუნებდა, ქათქათა, ბროლის კბილებს გამოაჩენდა და შეუდგებოდა ოქროსფრად მზინავი, სირმის თმის ვარცხნას ოქროს სავარცხლით, თან ისე გულისწამლებად ააღულუნებდა მაფშალიასდარ ხმას, ისე ააკვნეს-აატირებდა, რომ უმაღვე ბნიდავდა და თანგავდა ყოველ სულიერს თუ უსულოს; ნეტარებით წალეკილნი, ტან-იოგში დაშლილნი, დარეტიანებულ-დაბურსალებულნი უფიქრელად, უდარდელად და თვინიერად მიექანებოდნენ ზღვის ფსკერისკენ, სადაც იდგა ჯადოქართა დიდებული, ზურმუხტოვანი სრა-სასახლე და იქ... სამუდამოდ ივანებდნენ.

ბიჭი ნავს კონცხიდან საკმალდ შორს მიაცურებდა, მაგრამ ჟამით-ჟამამდე შიშნარევი მზერით მალულად გახედავდა ხოლმე კლდის პირქუშ, გოროზ სილუეტს.

უეცრად ბიჭს თვალები გაუგანიერდა და ელდანაცემს, ნიჩბები ხელში შეაცივდა.

ტიტველი, რუხი კლდის ასაკიბ-დასაკიბ ბილიკს წყობა-წყობად შეჰყოლოდნენ შავმოსასხამიანი ლანდები. ტაატიო, სვენებ-სვენებით მიიწვევდნენ მალლა, თხემისკენ და როცა ააღნიეს კინნიბუროს, ეს უცნაური რაზმი კლდის ქიმზე შეჯგუფდა, წამით თითქოს აირივნენ ერთიმეორეში.

¹ ტაბუ

მერმე ეს მოტორტმანე შავი გორგალი ერთბაშად გადაიხსნა და შუაში თეთრსამოსიანი არსება გამოჩნდა. შავმოსასხამიანებმა ხელში აიტაცეს იგი და მოზომილი, პატარა ნაბიჯებით მიკუსკუსდნენ ქარაფის კიდესთან. თეთრსამოსიანს მეყსეულად გადასძვრა თავსაბურავი და მზეზე თვალისმოძქრელად აელვარდა სამოსზე გადმოშლილი თმის ტვერი. შერჩოქოლებულმა შავმოსასხამიანებმა თითქოს სცადეს ქალისათვის თავსაბურავის წინანდებურად შემოხვევა, მაგრამ მერმე, ეტყობა, გადაიფიქრეს თუ სხვა რამ მიზეზით, თავშიშველი, გაბანრული ქალი ციმციმი მიიტანეს ძგიდესთან, გააქან-გამოაქანეს და... ზღვაში მოისროლეს. ჰაერში გაიფრიალა გაშლილმა თმამ და... თეთრსამოსიანი ტალღებში გაუჩინარდა.

შავად შესუდრულები კიდევ ერთხანს ქანაობდნენ, იტკეპნებოდნენ ადგილზე, მერმე დაცალცალკევდნენ და ერთიმეორის მიყოლებით, ნალიკ-ნალიკ ჩაუყვნიენ ბილიკს.

ბიჭმა ღრმად ამოიხვნეშა და აკანკალებული ხელი შუბლზე მოისვა: „რა ხდება?...“

ვერაფრით ვერ მიმხვდარიყო, რას ნიშნავდა ყოველივე, რაც თავის თვალთ იხილა, რასაც უცაბედად შეესწრო.

გაოცებული მზერა მიმოავლო ირგვლივ. მნათობი აღარსად ჩანდა. ცარგვალი ერთიანად დაეფარა ლეგა ღრუბლებს.

ანაზღეულად წამოუბერა ქარმა და ზღვის ტალღები ყალყზე შეაყენა. ისევ დაიზუზუნა ქარ-ბორიამ. ახლა უფრო ძლიერად, უფრო გამეტებით და ერთიანად მირეჯგვ-მორეჯგვა აზავთებული ტალღების რემა.

ბიჭმა შემფოთებით მიანყვიტა მზერა კლდეს. უეცრად მოვარდნილი ნისლის ჯანღში არც კონცხი ჩანდა, არც ნაპირი. დამფრთხალმა და აზრშერყეულმა სცადა ალაღბედზე ეცურა, ეგების როგორმე მივადგე სანაპიროსო. მაგრამ ამის გაფიქრება იყო და ნიჩბები ხელიდან გაუცვივდა. მისგან შორიახლოს, აზვირთებულ ტალღაზე შემომჯდარ გრძელთმიან დიაცს ჰკიდა თვალი. ზისნახე¹ არ იღიმებოდა, აღარც თმას ივარცხნიდა ოქროს სავარცხლით, აღარც მღეროდა ჯადოსნური ხმით. წარბებს ქვემოდან მრისხანედ იმზირებოდნენ ჩამუქებულ-ჩაშავებული, დიდრონი თვალები.

წამიც და... მეორე დიაცმა ამოჰყო თავი ტალღებს ქვეშიდან. მას მოჰყვა მესამე, მეოთხე... მერმე მესეფეთა მთელმა ამ ლაშქარმა ერთმანეთს ჩაჰკიდა ხელები და... გალენჩებული ბიჭის თვალწინ უცნაური ფერხული გამართეს. ცერზე შემართული ტალღების ქოჩრებზე უვლიდნენ დავლურს გრძელთმიანი დიაცები. ხანგამოშვებით შეჩერდებოდ-

ნენ, თითქოს ძალას იკრებდნენ, მერმე ერთს შეჰკვივლებდნენ გამყინავი, ჟრუანტელის მომგვრელი ხმით და ისევ განაგრძობდნენ როკვას: ხან ცისკენ აიტყორცნებოდნენ თვალშეუვლები სისწრაფით, ხანაც თავქვე მოექანებოდნენ და გამეტებით ენარცხებოდნენ გაცოფებულ ტალღებს, ხანაც ერთ ადგილზე ტრიალებდნენ ციბრუტივით, იგრიხებოდნენ და იკლაკნებოდნენ შლეგური ჟინითა და გახელებით, და თითქოს ხელჩართულ ბრძოლაში იწვევდნენ გარს მომდგარ უჩინარ მტრებს.

ცხენის ფაფარივით უფრიალებდათ ქარში თითბრისფერი თმები. თევზის ქერეჭივით შემოტმასნოდათ მოქნილ ტანზე ვერცხლისფერი, ბრჭყვივალა სამოსი. გოროზ სახეებზე თვალების ნაცვლად თითქოს უზარმაზარი კოცონნი ენთოთ და... იწვოდა და იხრუკებოდა ირგვლივ მთელი არემარე ამ გაუსაძლისი, აუტანელი მხურვალეებისგან.

გაშმაგებული ზღვის ღრიალსა და გუგუნში, ჭექა-ქუხილის ზათქსა და ზრიალში, მესეფეთა წივილსა და კივილში – ამ ყურისწამლებ გნისასა და ორომტრიალში უშველებელი ტალღები პანანკინტელა ნაფოტივით აბურთავებდა ორჩხომელს, რაღაც სასწაულით რომ უძლებდა გააფთრებულ შემოტევას და თითქოს რაღაც უხილავი ძალის მეშვეობით ნელ-ნელა, ნვალებით, მაგრამ გარდაუვალად უახლოვდებოდა ნაპირს. ბიჭი გრძნობდა, მასზე რომ აღარაფერი იყო დამოკიდებული და ამიტომაც ხოფებს ჩაფრენილი, თვალდახუჭული მინებებოდა განგების ნება-სურვილს, რამაც ნავიანად უვნებლად გამორიყა იგი ქვიშაზე.

...და როცა ლასლასით მიმავალ სახეგანაცრისფერებულ, ქანც-განყვეტილ და თვალბჩაცვინილ ბიჭს თემშარაზე შემოხვდა წელში მოკაკული, არგნიანი ბადიდი¹, იგი უანგარიშოდ, მისდაუნებურადვე მიაფრინდა მოხუცებულს სახეში და... რა ხდებაო, ბაბუავ, იათნანაზე, ჰკითხა მოუთმენელი ხმით და ბერიკაცმაც მყისვე, დაუყოვნებლივ მიუგო ჩიფჩიფით: - უბედურება, შვილო ჩემო, უბედურება დატრიალდა ჩვენს თავზე! ნეტარმა ღმერთებმა ხელი აგვალეს. უზენაესი დია-უფალი გაგვირისხდა! სასტიკად ვისჯებით ჩვენი უკეთურობისთვის!.. უგუნურმა იათნანელებმა სიკვდილით დასაჯეს ციცი გეგეშხე! ახავაია, ჩვენი ცოდვა. ახავაია!

– ციცი გეგეშხე!? – გაიოცა ბიჭმა, გულში კი გაივლო: „ნეტა... ვინაა ციცი გეგეშხე?“ მაგრამ ხმამაღლა რატომღაც აღარაფერი თქვა და მხოლოდ თვალი გააყოლა ცუხცუხით, ჯოხის კაკიკუკით მიმავალ მოხუცს, თავისთვის რომ მიბუტბუტებდა რაღაცას.

¹ მზეთუნახავი

¹ ღრმა მოხუცებული

სამსჯავრო

მარმარილოს სვეტების ღიობებში ჩანდა წვერნამახული კვიპაროსები და ლურჯად მოხასხასე ზღვის უბე.

ეს ტანასვეტილი, მუქმწვანე ხეები ბავშვობიდანვე სევდიან გუნებაზე აყენებდა, რადგან მათი ხილვა უნებლიეთ იწვევდა გლოვის შეგრძნებას, ხსოვნაში მაშინვე აღდგებოდა ხოლმე საფლავთა ბორცვები და მიცვალებულთა მივიწყებული სახეები.

ან ეგება... უფრო ღრმა, უფრო იდუმალი და შეუცნობი კაეშნის მატარებელი იყო მათი არამინიერი მშვენება? ვინ იცის!..

მერცხლები ჟივილ-ხივილით ნამდაუნუმ ჩამოიქროლებდნენ ხოლმე სვეტებთან, ლამის შიგ შემოჭრილიყვნენ.

ანაზღად შორს, ზღვის უსასრულო, ჰაეროვან სილურჯეში თოლ-იასავით მოფარფატე თეთრაფრიანი ნავი გამოჩნდა და მყისვე, ხსოვნის ფსკერიდან გამოიხზო ან გარდასული, მივიწყებული სურათები, წარსულის ბუნდოვანი ანარეკლები, წამიერი შთაბეჭდილებანი. მერმე ეს ჩვენებანი ერთმანეთში აირია, დაბზრიალდა, თავდაყირა დადგა ყველაფერი, ფერები ერთმანეთში აიჭრნენ და...

თავად თითქოს ზემოდან მოექცა ამ რია-რიას და უცხო სმზერით დაუნყო თვალიერება ყოველივეს: ეს მშვიდი, ამაყი იერით მჯდარი ქალი თვითონ კი არა – ვიღაც სხვა, უცნობი და შორეული არსება გახლდათ თითქოს, სულგაცლილი, მიღმიერი სამყაროდან თუ ზესკნელის სანახებიდან გადმომზირალი, ოდნავი გაოცებითა და თან ცნობისნადილით შეპყრობილი, ერთობ გულმოდგინე მონდომებით რომ უჭვრეტდა თავის მიტოვებულ სხეულს.

მოულოდნელად შორეთიდან, უფსკრულის ძირიდან თუ ქვესკნელის ჯურღმულიდან გაურკვევლად და ბუნდად ახმიანდა რაღაცა. ხმაური თანდათან ძლიერდებოდა, იზრდებოდა და ჯიუტად და დაჟინებით ცდილობდა შემოენგრია თავდასაცავად აღმართული ჯებირები, მაგრამ ასევე ჯიუტად და დაჟინებით ისხლტდა მას საგულდაგულოდ დაგმანულ-დახშული, თითქოს საგანგებოდ ამოქოლილი ყურთასმენა და გაურჩებულ-გაკერპებულ გონებამდე აღარ უშვებდა ამ აბეზარ მოძალადეს.

და ჟღერალებდნენ უთავბოლოდ, რკინის კარების ჟანგიანი ანჯამებივით, უაზრო და უსაგნო ბგერები, ხოშკაკალასავით რომ ცვიოდნენ ძირს, ქვის ფილაქნებზე, ხან კიდევ ჩაქურჩის შეყოვნებული დარტყმის ხმას რომ გამოსცემდნენ და მერმე ჰაერში იკარგებოდნენ უკვალოდ და უმისამართოდ.

... სიჩუმე ისეთი მკვეთრი, სრული და მოულოდნელი იყო, რომ თავის-დაუნებურად შეტოკდა. გონება უმაღ გამოერკვა ბურანიდან. გულგრილი, უმეტყველო მზერა შეავლო ამაღლებულ ფიცარნაგზე გრძელ, დაბალ მერხთან სავარძლებში ყვავებივით ჩამორიგებულ შავმოსასხამიან მსაჯულთა შუბლდაბლვერილ, კუმტ სახეებს.

თუნთიას სიტყვა შეენყვიტა და ახლა, ჩანდა, ისვენებდა, თავისივე რაკირუკით დარეტიანებულ. პირი ფართოდ დაებჩინა ნაპირზე გამორიყული თევივით და მოსასხამის სახელოთი ქლოშინით იმშრალედა გახვითქულ, გაფიჟინებულ სახეს. უზომოდ გამობერილი, ვეება მუცელი მერხის ძგიდეზე შემოდო და დასაკლავად გათოკილი ღორის ფერდევით უთახთახებდა. მოტვლეპილი და წაგრძელებული თავი ოფლისგან ალაპლაპებოდა.

„ერთობ გასჭირვებით დიდნოლეებს, რაკილა ასეთ ვიგინდარაზე შეუჩერებათ არჩევანი, თუმცა... ან კი ვინ უნდა მოეძებნათ სხვა, უფრო სულმდაბალი კაცი?“

დიაცს ძლივს შესამჩნევმა, გესლიანმა ღიმილმა შეურხია ტუჩები: „ვაი, დედასა ბედკრულო იათნანავ! ასე როგორ დაკნინდი და დაძაბუნდი!“

...თუნთიამ ამასობაში სული მოითქვა და... კვლავ უწყვეტ ნაკადად გადმოსკდა მის ბაგე-პირს სიტყვების ნიაღვარი, წარღვნითა და ღვარცოფით რომ ემუქრებოდა ირგვლივმყოფთ.

– ეს წარმოუდგენელი, საზარელი მკვლელიობა...

– რჩეული ფინიკიელი დიდვაჭარი... უბრწყინვალესი, უგონიერესი, უკეთილშობილესი...

– ჩვენი ერთგული და ძლიერი მოკავშირის უგამოჩინებულესი, უღირსეულესი შვილი უფალი აპე...

– ესე ვერაგული მკვლელიობა თხრამლს სცხებს მთელს ჩვენს კუნძულს, მთელს ჩვენს გვარტომს, მთელს იათნანას!

– შელახულია ჩვენი სტუმართმოყვარეობის ოდინდელი, მამა-პაპური, ღმერთების მიერ ნაკურთხი წეს-ჩვეულება!

– ესე გაუგონარი, არნახული, არსმენილი სისასტიკე დიაცისგან...

– მე, ვითარცა თარხონის ქურუმი და მსაჯული, მოვითხოვ...

– და ვითარცა იათნანელი, მთელი იათნანის სახელით...

– უნდა დაისაჯოს ისე... რომ...

– უნდა... უნდა... უნდა...

სჭექდა და ჰქუხდა უფალი თუნთია. ზანზარებდა სამსჯავროს კედლები.

„ნუთუ აღარა აქვს დასასრული ამ ტაკი-მასხრობას?“

შეურხველად იჯდა ნელგამართული ქალი და მოგონილი სიმშვიდით გასცქეროდა ზღვის კაშკაშა სილურჯესა და შორს მოფარფატე ნავს, თანდათანობით რომ უჩინარდებოდა თვალსაწიერზე.

დროგამოშვებით მის მჭიდროდ მოკუმულ ტუჩებს წყნარი ღიმილი ეპარებოდა, მეფარული ნიშნისგებით რომ იყო დაფერილი.

ანაზღვეულად სიტყვათა ღვართქაფში ერთმა სახელმა გამოიყვანა ქალი იმ ზიზლიანი, გულგრილი გარინდებიდან, მთელი მისი არსება რომ მოეცვა. უნებურად სმენად იქცა, თუმცა გარეგნულად არაფერი დაიმჩნია. სახეზე ერთი კუნთიც არ შეტოკებია.

„ბოჩი?“

– ახლა მოვუსმინოთ ჩვენს წარჩინებულ პიროვნებას, დიდად პატივცემულ უფალ ბოჩის!

„ნუთუ ეს შენა ხარ, ბოჩი? რას დამსგავსებხარ, ბიჭო? ვაი, შენ ჩემო დღეო! ასე რამ შეგცვალა, შე უხანოვ, ახავაი! რაფერ მოტეხილხარ ჯერ-აც ახალგაზრდა კაცი!... თუმცა... დიდინოლას საპატიო მაცხოვრებელი და სასახლის წარჩინებულთა ახლობელი ხომ გახდი! ძვირფას უცხოურ მოსასხამსა და ტანსაცმელშიც ხომ გამონყობილხარ! თითებზეც აგე, რამდენი ბეჭედი აგიორჩხოლავებია!

მაშ, შენ უნდა მოუთხრო ახლა ამ უცხო (როგორც მაყურებელთა, ისე ვითომ ქურუმ-მსაჯულთა საკრებულოს შორის უმეტესობა არაიათნანელია, ამას თუ „ამჩნევ“, ბოჩი ძვირფასო?), მაშ, შენ უნდა ეზრახო-მეთქი ამ უცხო, ცნობისმოყვარე, უსაქმურ და ბნელ ბრბოს – წინასწარ მოსყიდულსა და დაქირავებულს – და მის შესაფერ ბერიკა ქურუმ-მსაჯულებს შენი ცოლის – თუნდაც ყოფილის, მაგრამ ოდესღაც საყვარელი ქალის, შენი შვილების დედის – თავს გადახდენილი სასტიკი ამბავი, შენგან მიტოვებულ, მაგრამ მაინც შენს საკუთარ კარმიდამოში, შენს საკუთარ ოხორეში¹ რომ დატრიალდა, ამბავი, შენვე რომ ჰკვებე და ასაზრდოე!

თუმცა... ეგების მარტო შენ არა?... ასეა თუ ისეა, მაინც ფრიად საყურადღებო იქნება ამ ყურებდაცქვეტილი „რჩეული“ საზოგადოებისთვის შენი მონაყოლი...

აბა, ჰეი! დაიწყე ჩემო ძვირფასო. მეც გულისყურით მოგისმენ – შენ რომ იცოდე!.. მართალია, იათნანელ მამაკაცთა ფასი კარგა ხანია ვუნყით იათნანელმა დედკაცებმა, მარა მაინც! ვნახოთ... ეგება... ვინ იცის!..“

– უფალო ბადრა! ღირსეულო ქურუმ-მსაჯულნო!.. სიმართლე რომ ვთქვა, მე, ცოტა არ იყოს, მიჭირს აქ გამოსვლა სიტყვით... მაგრამ ვინაიდან საჭიროება და გარემოება ითხოვს, ვინაიდან ფიცი მაქვს დადებული ღმერთის საკურთხევლის წინაშე („რომელი ღმერთის, ბოჩი ძვირ-

ფასო? ფინიკიური თუ იათნანური ღმერთების წინაშე?“) იძულებული ვარ ვილაპარაკო ის, რაც ვუნყი და რასაც მე თავად შევესწარი...

– ბრძანე, გეთაყვა, ბრძანე, ჩვენ გისმენთ ყურადღებით! – შეაგება მთავარმსაჯულმა ღირსმა ბადრამ, ამასთანვე მთავარი ქურუმიც რომ გახლდათ დიდინოლასი და მეფე-დედოფლის შემდეგ პირველ დიდებულად რომ ითვლებოდა მთელს იათნანაზე.

ბოჩიმ ხმა ჩაინმინდა, წამით იყუჩა, მერმე თავი აიღო, თვალები სადღაც შორს, სივრცეს მიუშტერა და ტკეპნა-ტკეპნით განაგრძო შეწყვეტილი სიტყვა:

– დაბა ნამარკელისგან მოშორებით, ამ რამდენიმე წლის წინ გავანყვე ახალი კარ-მიდამო, გავმართე ახალი დოხოროე¹. ზაფხულობით იქ ჩამომყავდა ჩემი თი² დასასვენებლად, ძველ სახლში კი დარჩა ჩემი პირველი ცოლი... ორ ქალიშვილთან ერთად („სახელის წარმოთქმასაც გაურბიხარ, არა, ბოჩი ძვირფასო?“) უფროსი ვაჟები კი... ფინიკიის დიდნოლაში, ტიროსში ცხოვრობენ... („აჰა! ვაჟები ახსენე, შემოგვევლე? შენს მიერ გადაკარგულნი უცხოეთში? ვაგლახ მე, ვაგლახ მე!“). წლეულს, ზაფხულსაც ჩავედი ჩემს მამულში ცოლშვილითურთ. თან გვახლდა ჩემი მეუღლის ძმა, ან გარდაცვლილი აპე... მას ბევრი აქ დამსწრეთაგანი იცნობდა ალბათ.

– ვინ არ იცნობდა ესოდენ სახელოვან და დიდებულ კაცს – იათნანელთა დიდ მეგობარსა და მოყვარეს – ასე მუხანათურად და უწყალოდ მოკლულს ამ დედაკაცის მიერ! – წარმოთქვა მთავარმსაჯულმა შეუკავებელი რისხვითა და გულისწყრომით და თითი მიაშვირა განცალკევებით მჯდარ დიაცს. დარბაზში მყოფნი შეჩორქოლდნენ. აქა-იქ მუქარა, გინება და წყევლა-კრულვა გაისმა. მთავარმსაჯულმა უფალმა ბადრამ აცალა საკრებულოს ბოლმის გადმონთხევა და მხოლოდ ამის შემდეგ მოუნოდა მას სიჩუმისკენ. როცა ხმაური მიწყნარდა, ბოჩის სთხოვა, განეგრძო სიტყვა. მაგრამ ბოჩი კარგა ხანს ხმას არ იღებდა სახეგაქვავებული. („ჰეი! შენ შინაგანად უკვე აიზღარბე, ბოჩი ძვირფასო... თუმცა არ იმჩნევ! მაგრამ ჩემზე უკეთ, აბა, ვინ გიცნობს, შემოგვევლე!“).

– დიახ... იმას ვამბობდი... იმ სამწუხარო დღეს, უბედურება რომ მოხდა, მე შინ არ გახლდით... საქმეებმა შემაყოვნეს ნავსადგურში („უფრო უპრიანია სთქვა, ნავმისადგომის მეძავებმა დამაგვიანეს-თქო, ჩემო ბოჩი!“), საღამოჟამს, როცა დოხოროეში დავბრუნდი... იქ უამრავი კათა³ ირეოდა. ხოლო... ჩემი მეუღლე შუშუ მწარედ დასტიროდა გულგანგ-

¹ სასახლე

² ოჯახი, სახლეული.

³ ხალხი.

მირულ თავის ძმას... – ბოჩი დადუმდა.

– უფალო ბოჩი, ალბათ უნცი, რომ ციცი გეგეშხე – შენი ნაცოლარი – არაფერს ამბობს იმაზე, თუ რამ ჩააგონა მას ეს მკვლელობა, რა მიზეზით ჩაიდინა ესოდენ საზარელი საქციელი. პირში წყალი ჩაუგუბებია და დუმს ჯიუტად: მხოლოდ ესლა განაცხადა, ღირსი იყო და მოვკალიო. მორჩა და გათავდა. სულ ესაა და ეს! ამადაც სამსჯავროსთვის ფრიად საგულისხმო და მნიშვნელოვანი იქნება, უფალო ბოჩი, შენი მოსაზრებანი ამ მკვლელობის თაობაზედ.

„ვაშა და დიდება შენდა, ღირსო ბადრაგ!.. ნამდვილად ტომბა¹ ქკუის კაცი ბრძანდები მე და ჩემმა ღმერთმა!

ოლონდ... შენ, შენ რისთვისღა ჩავილუნია თავი, ბოჩი გენაცვალე?.. რაო?.. აქედან შორს, ერთობ შორს ხომ არ გაგიტყუეს ფიქრებმა მიყსეულად?.. ეჭვი... იქითკენ... გავლილი წლებისკენ?.. ან ეგება...“

ბოჩი კვლავ ჩუმად იყო. ციცი ოდნავ მოჭუტული თვალებით უყურებდა ქმარყოფილს.

მართლაც, ვინ იცის, ახლა, წლების გადასახედიდან, ასეთ უჩვეულო, ზარდამცემი ვითარების ფონზე, რამდენგვარი მოგონებანი არ წამოიშალნენ ანაზღაფულად სულის უშორესი და ფარული მღვიმეებიდან, რა და რა სახის სურათები არ იხატებოდა ახლა წამიერად ორივეს თვალწინ. და, ვინ იცის, გონების თვალმა, რომელი შემთხვევა თუ შთაბეჭდილება, სიტყვა თუ მიხრა-მოხრა, გამოხედვა თუ უცაბედი შეხება, აზრი თუ ნაჩუმარი ფიქრის ნაწყვეტი, თითო-ოროლა ნაფლეთი თუ მთელი წყება მოვლენების – ამოტივტივა ხსოვნის ფსკერიდან, დროით და მანძილით რომ იყვნენ ერთმანეთისგან დაშორიშორებულნი, დაკუნულ-დაჩხილნი, მაგრამ ერთი მთლიანის განუყოფელ ნაწილებს რომ შეადგენდნენ მაინც. რას უფრო მიაპყრო მზერა ამ უხილავმა თვალმა, რა შეარჩია?

თუმცა გონების თვალწინ დატრიალებული ამ აბურდულ-დაბურდული გორგალისთვის მეტისმეტად ძნელი იყო ნასკვის პოვნა, მით უფრო შეუძლებელი ჩანდა დალაგება და თანმიმდევრულად წარმოსახვა ყოველივე იმისა, რაც უკვე მოხდა, რამაც მედინი დროის წყალობით ჩაიარა და ახლა სიზმარულ მოგონებადღა თუ შემორჩენოდა მეხსიერებას და, სხვათაშორის, რის დავინყებასაც ზოგჯერ ასე გულმოდგინედ ცდილობდა ორივე – ხან ნებსით, ხანაც უნებლიეთ, მაგრამ, გინდა არ გინდა, განვლილი წლები და თავს გადახდენილი ამბები სამუდამო ტვიფართაა აღბეჭდილი ხოლმე გონების უჩინარ დაფაზე და ჟამს ელოდება, რათა მიყურებულ-მიმალულმა თავი აინყვიტოს, ერთბაშად მოსკდეს ნიაღვარივით და ერთიანად წალეკოს ცნობიერება.

¹ ღრმა.

შ ე ხ ვ ე დ რ ა

თავქვეშ ხელებამონყობილი, გაუნძრევლად გაშოტილიყო წნორის ჩრდილში და თითქოსდა თვლემდა. მაგრამ ფეხის უმცირეს ჩქამზე მსწრაფლ წამოსწია თავი. ჯერ ცალ იდაყვზე დაყრდნობილი, დაბლიდან შესცქეროდა უხმოდ, უსიტყვოდ. მერმე როგორღაც ზანტად წამოიძარ-თა და... მსხვილი, მიჯრით მინყობილი კბილები გამოაჩინა.

იდგა ასე სახეგადაბადრული და... ხმას არ იღებდა. წელს ზემოთ შიშველს, ზოლებიანი, მოკლე სელის ძიქვა¹ და რბილი წაღები ეცვა.

გოგომ ელვისუსწრაფესი მზერა ესროლა და შემდეგ ხაზგასმული დაუდევარი იერით აუჩქარებლად, დინჯად გასწია წნორის ტოტებზე მიბმული ორჩხომელისკენ. ის იყო თოკებს შეავლო ხელი და უცებ მხრის თავზე ცხელი სუნთქვა შეეფრქვა: – მე მოგენმარები, ციცი!

მყის შემოტრიალდა. და ლამის იყო, ზედ შეასკდა, ისე ახლოს იდგა ბიჭი: იძულებული შეიქნა, თავად დაეხია უკან.

ბიჭს შეკავებული ღიმილისგან ფართო, თაფლისფერი თვალები უცემციემებდა. გოგომ შუბლი შეიკრა. აიმრიზა.

– საიდან იცი ჩემი სახელი? – ჰკითხა ანაზღად, საკმაოდ უკმეხი კილოთი და მზერა გაუმართა.

ბიჭი წამით დაიბნა. მოგრძო, ოდნავ ტლანქნაკვთებიან სახეზე სინითლე წაეკიდა ერთბაშად. თითქოს აღარ იცოდა, სად წაელო ხელები, სად დაემალა. და ეს ზორბა, კუნთოვან-ძალოვანი ჭაბუკი უცებ პატარა ბავშვივით უმნეო და უსუსური მოეჩვენა გოგოს.

ეოცა და რალაც ესიამოვნა კიდეც ციციის ქვეშეცნეულად. ვერ კი გაიაზრა ოლონდ, მაინც რა მოეწონა! წამისწამში თვალში მოხვდა ბიჭის ხელების მტევანთა თითქოს სგანგებოდ თლილი გრძელი თითები და ლარივით სწორი ფეხები.

– საიდან ვიცი?.. დიდინოლადან!² – მცირე ხნის შეყოვნების შემდეგ მიუგო ბიჭმა და საჩქაროდ დაატანა: – განა... შენ კი არ გახსოვარ? – და გამომცდელი, დაკვირვებული მზერით შეხედა სახეში. გოგომ ჯერ თვალი აარიდა, მერმე ზურგი შეაქცია და კვლავ ნავისკენ დაიხარა.

ასხოვდა, როგორ არა! პირველი იყო ჭიდაობასა და მშვილდოსნობაში. შეუძლებელი იყო არ ეცნო ბოჩი გაბელანი, მაგრამ ახლა რატომღაც გაგულისებულს, არ უნდოდა ამის გამჟღავნება. არადა, სიცრუის თქმასაც მოერიდა.

ბიჭი უხერხული ღიმილით შეიშმუშნა. ეტყობა, არ მოელოდა გოგოსგან ასეთ საქციელს.

¹ შარვალი.

² დიდი ქალაქი, დედაქალაქი.

– მე შენ ალიონიდან გელოდები აქ! – აღმოხდა უცებ და ისევ გვერდით დაუდგა ციცი. მან ხელი უშვა თოკებს, მობრუნდა:

– მე... მელოდებოდი?

– ხო, შენ!

– კი მარა... რათაო, რისი გულისთვისო? – კვლავინდებურად განგებისად შეიოცა გოგომ და წარბები აწკიპა.

– ნახვა მინდოდა შენი და იმის გულისთვისო! – მოსჭრა უცებ ბიჭმა, მერმე უბოდიშოდ გასწია გოგო განზე, ერთმანეთში ჩახლართული თოკები სწრაფად, მარჯვედ გახსნა და ასევე მარჯვედ დაამაგრა ხოფები ნაგზე, მერმე ისევ წინ დაუდგა სახტადდარჩენილ, ენაჩავარდნილ ციცის და თვალეში ჩახედა ხანგრძლივი მზერიით.

„ჰმ! ერთი ამას დამიხედეთ!“ – გაივლო გოგომ გულში გაოცებით. პირწმინდად გამქრალიყო ბიჭის ამასწინანდელი დაბნეულობა და ვითომც აქ არაფერიაო, ღიმმორეული, თამამად, კადნიერადაც კი მისჩერებოდა გოგოს.

– კი მარა... რა იცოდი, რომ აქ მოვიდოდი? – ენა დაება ციცის, თუმცა ძალიან ცდილობდა, როგორმე შეენრჩუნებინა სახეზე გულგრილი იერი.

– ვიცოდი!

ბიჭი უცებ ნავის კიდეზე ჩამოჯდა:

– სიმართლე თუ გინდა, გუშინაც გელოდებოდი აქ და გუშინწინაც, აი, ამ დილით კი... ბედმა გამიღიმა!

– რას მეუბნები!

– მზის მადლმა!

ბიჭი თითქოს ვერ ამჩნევდა გოგოს აგდებულ კილოს, მის აბზუებულ ტუჩებს. ციცი თუმცა გაყინილი იდგა მომღიმარე ბიჭის წინაშე, მაგრამ იქ, შიგნით, გულის სიღრმეში უცნაური წრიალი შესდგომოდა. თავისდაუნებლიეთ, ერთი კვირის წინანდელი ამბები დაუტრიალდა თვალწინ.

... შვიდი დღის წინ, ობიშხა¹ დღეს გამართულ შეჯიბრებებში ნამარკელელი ბოჩის სახელი ყველას პირზე ეკერა დიდნოლაში. მაგრამ ციცი თითქმის არანაირი ყურადღება არ გამოუჩენია მაშინ მის მიმართ, თუნდაც იმიტომ, რომ გარეგნულად მასზე ბევრად უკეთესი ბიჭები ეხვივნენ გარს. გარდა ამისა, ბოჩი გაბელანი ერთობ სიტყვაძვირი, მოუხეშავი და გულჩათხრობილი ჩანდა, ციცის კიდევ ხალისიანი, მკვირცხლი, ენამოსწრებული ყმანვილები მოსწონდა ხოლმე. ესეც არ იყოს, საკუთარი წარმატებებით ისე იყო თავბრუდახვეული და აღგზნებული, სხვებისთვის, თუნდაც გამარჯვებულთათვის, ნაკლებად ეცალა.

¹ ობის დლა-პარასკევი, შვიდეულის მეშვიდე, უკანასკნელი, უქმე და დასვენების დღე კოლხ. კალენდარში.

ახლა კი, ბოჩის პირდაპირობამ და გულახდილობამ, რალაცნაირად ამოაგდო თითქოს კალაპოტიდან, თავგზა აუბნია, თუმცა კი, რაც შეეძლო, ცდილობდა, არაფერი დასტყობოდა. ის კი არა, ერთობ უზრუნველი, უდარდელი იერი აისახა და თავადაც ნაგზე ჩამოჯდა, ბიჭისგან მოშორებით.

– რითი ჩამოხვედი ასე დილაუთენია? – ჰკითხა სასხვათაშორისო ხმით და დახრილი ქუთუთოებიდან აღმაცერად გახედა ბიჭს, მზერას რომ არ აცილებდა გოგოს. იგი შეტოკდა. გოგოს ხმის ორჭოფულმა კილომ გამოიყვანა ნუთიერი გარინდებიდან.

– გამოვცურე ზღვა.

– რაო? – გოგო უნებურად მთელი ტანით შებრუნდა მისკენ: – რა სთქვი?.. გამოვცურეო? – „ნამარკელიდან ნიშონამდე?.. ერთი კონცხიდან... მეორემდე?“

– ხო. გამოვცურე. რად გიკვირს?

ბოჩი ისეთი ალაღმართალი, წრფელი ღიმილითა და თვალეებით უყურებდა, რომ გოგომ საპასუხოდ ვერაფერი მოიფიქრა და გაჩუმება არჩია. მაგრამ მოუთმენლობით შეპყრობილს, დუმილი გაუძნელდა.

– კი მარა... რა გრჯიდა ასე ჯიმაგე?¹

– ვინ გითხრა, რომ გავისარჯე?.. მე მსიამოვნებს ცურვა და მერე... ნელანაც ხომ გითხარი, ნახვა მინდოდა შენი!

– აი, მნახე. რაი მერე? – ნელში გასწორდა გოგო და გვერდზე ოდნავ თავგადაწეულმა, გამომწვევად შეანათა თვალეები.

ბიჭი ლაჯებში ხელებმომწყვედიული პირუჩუმრად შესცქეროდა. და ამ მზერამ გოგოს მოულოდნელად გული შეუქანა, მერმე თითქოს ცხელი ტალღა გადაეველო... თვალეები დახარა.

– ლამაზი ცირა ხარ შენ, ციცი გეგეშხე, უსაშველოდ ლამაზი და... მომწონხარ ძალიან! – ხმადაბლა, მღელვარებაშეკიდებული ხმით ამოთქვა ბიჭმა უეცრად და გადმოიხარა, შეფაკლულ ლოყაზე მკვეთრი მოძრაობისგან ჩამოცურებული კულული ფრთხილად, სათუთად გადაუწია უკან. იმავე წამს მის მშვენიერ, ნიჟარისებრ საყურეს მიელაციცა თითებით. ისე ახლოს იყო ბიჭის უცებ გადაფითრებული სახე, ისეთ სითბოს და აღერსს აფრქვევდა ნალვერდალივით ანთებული მისი თვალეები, რომ ციცის წამით სუნთქვა შეეკრა. იჯდა მონუსხულივით ხმაგაკმენდილი და განძრევა ვერ მოეხერხებინა. გული კი, გული ისე გამალებით უცემდა, ლამის საგულედან ამომხტარიყო.

ფეხზე წამოიჭრა, რომ მღელვარება დაეფარა.

– ნუთუ მართლა? – გვიან შეეპასუხა ნაძალადევი სიცილით და ბიჭის

¹ ძმობილო.

მიერ ყურს უკან გადაწეული ბუნუნის თმისა, მისი გამოჯავრებით, ისევ ჩამოიშალა ლოყაზე. ბიჭი კვლავ უყურებდა დაჟინებით, თვალმოუწყვეტილად და ციციის ნელ-ნელა შეაცვივდა ტუჩებზე დამცინავი ღიმილი. უხერხულობის დასაფარავად, ვითომცდა არაფერიო, ისევ ჩამოჯდა ნავის კიდეზე და ფეხები პატარა ბავშვივით ააქანავა.

ანაზღად ბიჭმა ოდნავ აბზეკილ ცხვირზე თითი დააჭირა და ენის მოჩლეკით უთხრა:

– ხო. მართლა მასეა, ცირასქუა! და რას იზამ! – მერე თავი უკან გადაიგდო და ხმამაღლა, ლაღად, გულიანად გაიცინა. გოგომ კვლავ რომელიღაც ნადირს მიაშვავა იგი, ოღონდ რომელს? ვეღარ გაიხარა უცებ.

„შეხე, რა თავხედი ვინმეა!.. მაცალე... მე შენ გიჩვენებ სეირს!“

– შენ ოშორელი ხარ არა, წარმოშობით? – მოულოდნელად ჰკითხა.

– საიდან იცი? – გაიკვირვა ბიჭმა და უფრო ახლოს მიინია მისკენ, სახეზე ჩააშტერდა. ციცი გვერდზე გაჩოჩდა.

აჰა! კარგია! იპოვა საბაბი ბიჭის გასაბიბრებლად და გასაქილიკებლად. ნელანდელი თავისი დაბნეულობის გამოც შურს იძიებდა ამით.

– საიდან უნდა ვიცოდე? კილოზე გეტყობათ და მერე... რ-ს ისე აგდებთ ზოგ სიტყვაში, თითქოს გეზარებათო მისი სრულიად გამოთქმა.

– მე იათნანაზე გავიზარდე. ოშორა ბუნდად მახსოვს.

– და მაინც იმათებურად უბნობ... – მცირე ხნის შემდეგ ნაზეზე ორივე ხელთ ჩაჭიდებულმა, მიამიტური ხმითა და უცოდველი სახით დაუმატა: – გამოგაძევეს, არა, დორიელებმა ოშორადან?

– რატომ? ჩვენით წამოვედით! – წყენის ჩრდილმა გადაუარა ბიჭს სახეზე. მოიღრუბლა. გოგომ უნდობლად ჩაიფხუკუნა.

– რა გაცინებს? – შეუტია ერთბაშად დაბლვერილმა ბიჭმა და თვალის თვალში გაუყარა. გოგო შეკრთა. არ მოელოდა ბიჭისგან ასეთ გულისმოსვლას. წამით დაიბნა. აირია.

– აღარ გედგომებოდათ და წამოხვედით იქიდან, ხომ მართალია? – შეარბილა კილო და წამწამები დააფახულა მზერადახრილმა. რატომღაც აღარ ინდომა საუბრის გამწვავება. თან თითქოს შეეცოდა ბიჭი და თავისი ფარული ნიშნისგების გამოც შერცხვა, ცოტა არ იყო.

– მართალია ეგ! – უცებ დაეთანხმა ბიჭი და სახემოქუფრულმა მზერა ძირს დაიღო. შეატყო ციციმ, მტკივნეული იყო მისთვის ამ საგანზე ლაპარაკი, მტკივნეული და... უსიამო.

ფრთხილი, უჩუმარი მზერით შეათვალა ბიჭის დიდი, ქოჩორა თავი, მალალი კისერი, მზისგან გაზანგული, განიერი ბეჭები. ბიჭმა უცებ ამოხედა. გოგო ისე შეჩქვიფდა, თითქოს ქურდობაში დაიჭირესო.

იგრძნო, რომ მთელი სახე აელენა. ყურებიც კი ნაკვერჩხალივით გაუხდა. გავნითლდით? უარესად გაუვარვარდა სახე და ყელ-კისერი. მაგრამ ბიჭი თავის საფიქრალს მისცემოდა და გოგოს დარცხვენას თითქოს ვეღარ ამჩნევდა. მის დიდრონ, ლამაზ თვალებში უჩვეულო ნაღველი ჩაგუბებულყო.

– ისინი ბევრნი იყვნენ, ჩვენ – ცოტანი! – თქვა ბოლოს ყრუ, დაბეჭილი ხმით და მუხლისთავებს დაეჭვინა იდაყვებით.

– მერედა... თავიდან რისთვის შემოუშვით?

– თავიდან?... თავიდან მოყვრებივით მოსულან. მერე და მერე მომრავლებულან... – გაჩუმდა. ერთხანს გახევებული იჯდა, მერმე შეირხა და თითქოს, ფიქრშიაო, განაგრძო: – ჩემი ბებია ამბობს – გაღმა-გამოღმა ზღვისპირეთში, მთელს ეგეის კუნძულებზე და უფრო შორს, ხმელეთზეც ჩვენი გვარტომისანნი ცხოვრობდნენო მხოლოდ. მაგრამ ჯერ აქველებმა გამორეკესო ისინი თავიანთი მიწა-წყლიდან, მერე კი დორიელებმა. ჩვენიანები არამცთუ ხმელეთზე, კუნძულებზეც აღარ დააყენესო... აი-აიას მოდგმის სისხლი და ოდინდელი წეს-ჩვეულება კუნძულებზე იათნანელებმაღა შემოინახესო წმინდად. ასე იძახის ჩემი დადი.¹

„ამასვე ამბობს ჩვენი ქურუმი ნიცაც!“ – გაუელვა ციციის წამსვე.

– მართალი უთქვამს შენს ბებიას. იათნანაღა იყო დარჩენილი აქამდე შეურყვნელად, მაგრამ ახლა... არც ჩვენ გვადგია კარგი დღე. ამას შენც ხედავ!

– და მაინც... იათნანა – იათნანაა! – წამოიძახა უეცრად გახალისებულმა ბიჭმა, ტუჩები ყურთან მიუტანა და უჩურჩულა: – სანამდინ შენისთანები კიდევ არიან. ხომ ასეა, ციცი?

და ვიდრე რაიმეს მოისაზრებდა, ბიჭმა ხელში აიტაცა გოგო და... ნავეში ჩასვა. თვითონ ხელის ბიძგებით წყალ-წყალ მიყვა მარჩხ მდინარეში ზღვის შესართავამდე, შემდეგ ორჩხომელის კიდეს გადმოალაჯა და ნიჩბებს მიუჯდა უმფოთველი, მშვიდი სახით.

გონსმოსულმა ციციმ ამასობაში ნავეში შენახული ქილოფის ფარფლე-ბიანი ქუდი დაიხურა და წვრილი თასმებით შეიკრა ნიკაპთან. მერმე ნამზეური, წვრილი მკლავები მუხლებზე შემოიხვია და შინაგანად გაფაციცებულმა, ქვემ-ქვემად თვალყურის დევნება დაუნყო ბიჭის ყოველ მოძრაობას.

იათნანელი გასათხოვარი ქალიშვილების დარად ნელს ქვემოთ დანაოჭებულნი, არშიაშემოვლებული, უსახელო, გულამოჭრილი მოკლე კაბა ეცვა, მუხლებს რომ ძლივს უფარავდა. ოქრომკედით მოსირმული ქამარი

¹ ქალიშვილო.

¹ დიდედა, ბებია.

შემოერტყა ნელზე, პატარა ფეხებს კი ლამაზი, მწვანე ფერის ჩაფულა¹ უმშვენებდა. ჭილოფის ფარფლებიანი ქუდიდან მხრებზე ტალღებად გადმოღვროდა ოქროსფერი სქელი, ხვეული თმა.

ჩვიდმეტი წლის იყო მხოლოდ და ყველაფერი უხაროდა და ახალისებდა ამ ქვეყანაზე: ეს იისფრად მოლალანე უსაზღვროდ მაღალი და კრიალა ცა, მუქლურჯად ალივლივებული ზღვის ტალღები, მოცივლივ ნიავი, თმებს რომ უწენავდა ალერსიანად, გამჭვირვალე ნისლში ჩაძირული აიალონის მთა-კუნძულის შუაგულში ზვიადად რომ წამომართულიყო და ყოველი მხრიდან რომ მოსჩანდა მისი ბივრილისფერი მწვერვალები, თვალს ახარებდა ზღვის ვინრო სანაპიროდან ერთიმეორეზე საფეხურებად შემოდგმული ზურმუხტოვანი ბორცვები. ტყიანი სერების, ხანაც კლდოვანი ბექობის თავზე აღმართული თეთრი მარმარილოს სვეტებიანი სამლოცველოები.

კოპნია ორ და სამსართულიანი ქვის და ალიზის სახლები, ზეთისხილის ბაღები, ქედების ფერდობებზე შეფენილი ზვრები, ხეხილნარი, ჭალები, ჩანჩქერიანი ხევხუვები. ტყით დაფარული მთების გრეხილი. ლურჯი და მწვანე ფერების ნიაღვარი. მზით გაბრდღვიალებული სანახები. ეს – იათნანა იყო – ბუნებისა და კაცთა ხელით მორთულ-მოკაზმული.

უხაროდა, რომ მკვიდრი იყო ღმერთებისგან დალოცვილი ამ მიწა-წყლისა, რომ მისი ენითუთქმელი მშვენების ნაწილს წარმოადგენდა – მისი მზისა და ცის მონათალს მცირეს.

უხაროდა, ჯან-ლონით სავსე რომ იყო და მარდი, სხარტი სხეული რომ ჰქონდა, ტოლს რომ არ უდებდა არავის არც ცხენის ჯირითში და არც ნავის ტარებაში. უხაროდა, დიდი დღე ს ა ს ნ ა უ ლ ე ბ ი ს დროს დედაქალაქში, ჭუბურთაში რომ დაჰყავდათ მშობლებს, უფროს და-ძმებს და სახლიკაცებს, რათა პატარაობიდანვე შეჩვეოდა, შეთვისებოდა და შემდეგ, თავადაც მონაწილეობა მიეღო ღვთაებათა სადიდებელ ზეიმებსა და მსხვერპლშენივებში, კაბდურის² საგალობლებსა და საუფლო ცეკვა-თამაშობებში. თუმცა უფროსებისგან ესმოდა, ძველებური მადლი და ელფერი დაჰკარგაო მახვამურთა³ ლოცვა-ვედრებამაც, მთელს იათნანაზე შეირყენაო მამაპაპური წეს-ჩვეულება სხვადასხვა მიზეზთა გამო, მეტადრე კი – უცხოთესლთა ზეგავლენით, ასე რომ მომრავლებულანო მის დაბა-ქალაქებში და მაინც... ყველაფრის მიუხედავად, მშვენიერი, ლამაზი და კეთილი ეჩვენებოდა ეს ქიანა⁴ და თავისი რინა⁵ ამ

¹ ჩუსტი.

² ქურუმთა საგალობელი კილო.

³ ქურუმები.

⁴ ქვეყნიერება, ქვეყანა.

⁵ არსობა, არსი, არსებობა.

ცისქვეშეთში.

ამგვარ მის სულიერ მღელვარებას ზედ დართვოდა ახლა ამ თითქმის უცნობ ბიჭთან განმარტოებით ყოფნის გამო გამონვეული უჩვეულო განცდა.

ვერა და ველარ მორეოდა დაბნეულობის, შეშფოთების თუ... რალაც-ნაირი შებოჭილობის უცნაურ, გაუგებარ გრძნობას, მისდაუნებურად რომ დაუფლებოდა მთელ მის არსებას. სხვა დროს არასდროს, არავისთან განეცადა მსგავსი ფორიაქი სულისა და არც არასდროს დასჭირვებია ამოდენა ძალისხმევა მის დასაფარავად.

ბიჭი კი თითქოს თავისთვის იყო, ძლიერად აწვებოდა ხოფებს და ორჩხომელიც სწრაფად და მსუბუქად მისრიალებდა ოდნავ მოტორტმანე ზღვის ზედაპირზე. იგი ვითომ ზედაც არ უყურებდა გოგოს, ისე იყო ჩაფლული თავის ფიქრებში, მაგრამ ქალის უტყუარი ალლოთი გრძნობდა ციცი, რომ ბიჭს გამუდმებით მისკენ ეჭირა თვალი. ზოგჯერ იჭერდა კიდეც მის ფარულ, ქვემ-ქვემა მზერას და ძლივს შესამჩნევ, წყნარ ღიმილს. ეს ჩუმი ღიმილი უფრო და უფრო უფორიაქებდა სულს, საგონებელში აგდებდა და, ცოტა არ იყოს, აღიზიანებდა კიდეც.

„რად მივეცი ნება, ჩამჯდარიყო ჩემს ნავში?... თუმცა... ვინ მკითხა ნებართვა?“

ასევე დაუკითხავად მიეშველა ბიჭი ლუზის წყალში ჩაშვებაში. ანკესის განწყობაც რომ დააპირა, ციციმ არასდიდებით არ დაანება და ბიჭიც იძულებული გახდა, მეთვალყურის როლს დასჯერებოდა.

– გიყვარს ანკესით თევზაობა? – ჰკითხა ცოტა ხმის შემდეგ. ციციმ ხმის კილოზე შეატყო, ბიჭი რომ იღიმებოდა.

„ნეტაი, რას იკრიჭება სულ, ეგ ოჯახქორიო“, გაიფიქრა გუნებაში წყრომით და ვითომ არაფერი გაუგონიაო, მომეტებული გულისწადინით და საქმიანი იერით ჩააშტერდა წყალს.

– გიყვარს, არა? – არ ეშვებოდა იგი ყურმოყრუებულ გოგოს.

– მიყვარს, კი.

– ოსაროთი⁶ თუ გიყვარს ოჩხში⁷ თევზაობა?

– ოსაროთიც მიყვარს.

– ძალიან?

– ძალიან!

– კიდეც... რა გიყვარს ასე... ძალიან?

– კიდეც მიყვარს... თავის-უფლება! – დაუმარცვლა გოგომ ისე, რომ თვალის არ მოუშორებია ანკესისათვის – მიყვარს, ჩემთვის რომ ვარ, მარ-

⁶ თევზის საჭერი.

⁷ თევზთ საბუნაგო ადგილი.

ტოკა, და ხელს არავინ მიშლის ფიქრსა თუ... საქმიანობაში.

– მეც მიყვარს მასეთი თავისუფლება! – არ ცხრებოდა ბიჭი, თითქოს არაფრის ბაიბურშიც არ იყო.

მერე ერთ ხანს იყურა და ციციმ იფიქრა, მგონი მეშველაო, მაგრამ ლაპარაკის საღერღელაშლილ ბიჭს თურმე რა გააჩერებდა!

– ბოდიშს ვიხდი, ციცი, რომ განუხებ, მარა... ძალიან მინდა გავიგო, – ბიჭი თავისებური ტკეპნა-ტკეპნით წარმოთქვამდა სიტყვებს, თან ტუჩებს ძლივს უყრიდა თავს: – წელან რომ თქვი შენ, იმნაირი თავის-უფალი ქალისა და თავის-უფალი კაცის სიყვარულზე რა აზრის ხარ, მაგალითად?

საფრთხე მყის იგრძნო გოგომ, გადარაჯდა, თუმც სახეზე არაფერი დაიმჩნია.

– სიშლეგა ეს! – მოსჭრა ცივად და შუბლი უფრო შეიკრა.

– მაპატიე ციცი... ვერ გავიგე?..

– ღია-ღმერთო? რა არის გაუგებარი? სიყვარული სწეულეება ანუ... ერთგვარი სიშლეგა-მეთქი და, ამიტომაც საძრახისი და სათაკილოა. გაიგე ახლა?

– ვერა. – გაიჭყანა ბიჭი და თავი გადააქნია, მერე კეფა მოიქექა და შემპარავი ხმით განაგრძო:

– ისე ჭკვიანურად უბნობ, ციცი, რომ, სწორედ გითხრა, ვითარცა ერთ უბირ ახალგაზრდას, მიჭირს გაგება, მარა... მაინც გაგებდავ და შეგეკითხები კიდევ: პირადად შენ თუ ყოფილხარ ასეთ... საძრახის მდგომარეობაში, ანუ, ესე იგი... საკუთარი გამოცდილებიდან მეზრახები ასე, თუ?.. – ბიჭს ისეთი მოკატუნებული იერი ჰქონდა სახეზე, ისეთი უცოდველი კრავის თვალებით და მორიდებული ღიმილით შეჰყურებდა გოგოს ნიჩაბზე მკლავებდაყრდნობილი, რომ ციციმ ძლივს შეიკავა უცებ მოვარდნილი სიცილი. მაგრამ უმაღვე მიიღო მკაცრი გამომეტყველება და მოემზადა, რათა საკადრისი პასუხი გაეცა თავხედი, ონავარი ბიჭისთვის, მიამიტობას ასე ოინაზურად რომ თამაშობდა, ოღონდ ეს კია – თავის თავს ატყობდა, თანდათან უფრო და უფრო უჭირდა ეს კატა-თავგობანას თამაში.

– არაა სავალდებულო, ყოველივე საკუთრივ შენ გამოსცადო. ზოგჯერ სხვათა გამოცდილებაც და მაგალითებიც საკმარისია ჭკვიანი კაცისთვის, – კვლავ დამრიგებლური კილოთი წარმოთქვა გოგომ და სიტყვა „ჭკვიანს“ ხაზი გაუსვა ბიჭის გამოსაჯავრებლად.

ბოჩიმ უხმოდ ჩაიცინა, მერმე ერთი ღრმად ამოიოხრა და ისევ ისე მოსაწყობილი იერით ეზრახა გოგოს:

– ხოო... ასეა ალბათ!.. მარა... შენ რომ ასეთი გონიერი ცირა ბრძან-

დები, ეგება ისიც აუხსნა და გააგებინო ჩემისთანა შტერსა და მიუხვედრელს, რანაირად შეიძლება თავიდან აიცილოს კაცმა ეს საჯაყი ავადმყოფობა? ანდა... რაფრად შეიძლება უნამლო უკვე დასწეულეს და გაუბედურებულს-თქვა?

უყურე შენ! ეს ბიჭი თავდაპირველად მცონარა, უნდილი და უტყვი მოეჩვენა, სინამდვილეში კი... ხედავ, რა ენაგაღესილი და ლაზლანდარა ვინმე ყოფილა? და მერმე მართლაც, არის რაღაც მასში... ნადირის...

„ფრთხილად, ციცი გეგეშე!“

– რატომ გაჩუმდი, ციცი! – ბიჭს ნიჩბებისთვის ხელი შეეშვა და მონკურული თვალებით უმზერდა გოგოს: – ის შენი სენია თუ სიშლეგე, გინდა თუ არა, მაინც ყველამ რომ უნდა მოიხადოს ყვავილ-ბატონებივით, ამაზე რას იტყვი, ა?

– რატომ ყველამ?.. ვინ მოგახსენა, რომ ყველასათვის სავალდებულოა? – აბრუ არ გაიტება ციციმ, თუმცა გრძნობდა, წინანდებური რიხი და თვითდაჯერება აკლდა ხმაში: ბოჩი კი ერთხანს თითქოს რაღაც საგონებელს მისცემიარ, დუმდა. მერმე თავი ასწია და დაოკებული მღელვარებით უთხრა:

– მომისმინე, ციცი: იათნანელი ქალიშვილები რომ გულადნი და უშიშარნი არიან, ეს ქვეყანამ იცის, მარა იათნანელი ცირები კაი ცოლებიც არიან აგრეთვე. შენ... არ გსურს ვინმეს ცოლობა?

– არა. არ მსურს.

– რომ გამოჩნდეს ბიჭი, ვინც ამ სურვილს გაგიჩენს?

– ეგეთი არავინ მეგულება ამ არემარეში!

– რომ გამოჩნდეს-მეთქი, მაშინ?

– უკეთუ გამოჩნდება, მერე... ვნახოთ. ახლა, თუ ღმერთი გნამს, ხელს ნუ მიშლი. ამდენ ქაქანში ერთი თევზიც ვერ დავიჭირე.

– როგორ არა, დაჭერილი გყავს. თან რამხელაა!

– აბა სად? – უნებლიეთ ამოსწია ანკესი ციციმ.

ბოჩიმ გულიანად გადაიხარხარა. მერმე უცებვე მოსხიპა სიცილი.

– განა მართლა არ იცი, ასეთი ბიჭი რომ უკვე გამოჩნდა ამ არემარეში?

გოგომ ბიჭისკენ მოიხედა, თვალები ნაჭუტა:

– ნუთუ მართლა?

ბიჭი აღარ იღიმებოდა.

– ციცი! მომისმინე! შენ ჩემი უნდა გახდე დღესვე, გაიგე? დღესვე. მორჩა და გათავდა!

– რაო, რაო? – წამოიწია გაგულისებულმა გოგომ. მაგრამ ბიჭის აგიზგიზებულ თვალებს რომ შეეფეთა, უნებურად წამწამები აუხამხამდა, ვე-

ღარ გაუძლო ამ მწველ მზერას და მონუსხულივით დადუმდა!

– ხო, ცირასქუა. მასეა. შენი ნავითვე გაგიტაცებ დღესვე და ნამარკელში ჩაგიყვან. ნახავ აგერ! მერე... ირიკავონ, რამდენიც უნდათ ვილაც-ვილაცეებმა!

– შენ... იცი... რას გეტყვი? შენ მართლა და მართლა... – განწყვეტილი მძივივით დაბნეულ სიტყვებს ამოდ ეძებდა განრისხებულ-აღშფოთებული ციცი და თითებს უანგარიშოდ აფათურებდა გულისპირზე.

„როგორ ბედავს?... მთლად თავს გაუვიდა, ხო იცი!.. ამას ვინ ვგონივარ მე... ბოლოს და ბოლოს?“

– მარა, მანამდე უნდა გააკოცო უსათუოდ! – და თითქოს ნახტომისთვის მოემზადაო, ისე შეიმართა ბიჭი.

– შენ... ხომ არ შეიშალე? – ციცი უცებ ზეზე აიჭრა და შიშამდგარი თვალებით შეაცქერდა.

– კი, შევიშალე, მას უკან შევიშალე, შენ რომ თმაგაშლილი, კივილით მოაქროლებდი ცხენს მარულაში. და მაშინაც, საკურთხეველთან, კმევის დროს, თეთრსამოსიანი რომ როკავდი და სულისწამლებად გალობდი. ყვავილებისა და ტოტებისგან მოწულ გვირგვინს რომ გადგამდნენ თავზე კაბდელები¹ და შენი მშვენიერი თმა ოქროსავით რომ ბზინავდა მზის სხივებზე – მაშინაც გადავცდი ჭკუას და დავიფიცე ცის ბინადარი ღმერთები – დია-უფალი ნანა და მზელვთაება ბჟალარა², იმ თმას მხოლოდ მე უნდა მოვეფერო, სხვა არავინ-თქვა. და ეს ფიცი უნდა აღსრულდეს ახლავე, ამ წუთას!

სულ სხვა ბიჭი იდგა ახლა გოგოს წინ: ტანასხლეტილი, თვალებალა-პლაპებული – მართლაც რომ ნახტომისთვის შემართულ ავაზას ჰგავდა – ქედფიცხელსა და შეუპოვარს.

ამ ფერისცვალებით გაოგნებული გოგო, მოჯადოებულივით მისჩერებოდა ბიჭს და არ ინძრეოდა..

მან ნაბიჯი წინ წადგა. ციციმ ანგარიშმიუცემლად დაიხია უკან და...

თვალისწამში ორთავიანი წყალში აღმოჩნდნენ.

ბოჩიმ წამიერად გაბრუნებულ გოგოს უშველა ნავში ამოსვლა, მერმე თავადაც ამობორცყდა ორჩხომელში.

– ნუ მეჭიდავები, ციცი, თორემ... ისევ წყალში ჩავცვივდებით. კაი, დანყნარდი ახლა. ძა! დამშვიდდი!.. აი, შენი გერგელაც³. თმა მასე გქონდეს გაშლილი, მალე გაგიშრება. თუ გინდა, კაბაც გაიხადე – ნუ გეშინია, არ შეგხედავ, ზურგით დავჯდები. ხო, კაი, კაი. იყავი ეგრე. შენ რა, მხეცი ხო არ გგონივარ მართლა!

¹ კაბდურის მგალობლები.

² მზე (მოფერებით).

³ ფარფლებიანი ქუდი.

... კიჩოზე ნახევრადმინოლილმა, მკლავზე თავი ჩამოსდო ციციმ, თვალები დახუჭა და შეეცადა, დამშვიდებულიყო.

თევზის და მლაშე წყლის სუნი ცხვირში უღივინებდა. მზემ დააცხუნა ზურგზე და ოხშივარი აუვიდა. ჩამოშლილი თმა თითქმის მთელ სახეს უფარავდა, მაგრამ თვალმინაბული მაინც გრძნობდა ბოჩის დაჟინებულ მზერას.

– გძინავს, ცი?

გაიტრუნა. მხოლოდ ბეჭები შეარხია ოდნავ.

– გაბრაზებული ხარ ჩემზე, არა? ძალიან?

გოგო კრინტს არ ძრავდა. უცნაური ის იყო, რომ სულაც არ იყო გულმოსული, პირიქით, რომ წარმოიდგენდა, როგორ ჩაცვივდნენ წყალში ორივენი, გუნებაში ეცინებოდა კიდეც. საოცარია, რატომ ვერ ახერხებს ამ ბიჭზე გაბრაზებას?

– ა, ციცი? ხმას არ მცემ? დამემდურე, ხო? ხომ არ გინდა კიდეც გაკოცო?

თავი აიღო შეშფოთებულმა. ბოჩის შეკავებული სიცილისგან ანაპერწკლიანებულ თვალებს რომ შეეფეთა, ტურზე იკბინა, რომ თავადაც არ წასკდომოდა სიცილი. ბოჩის არ გამოპარვია გოგოს გუნება-განწყობილების შეცვლა, ნიჩბებს ხელი უშვა და... აროხროხდა. გოგომ სცადა, არ აყოლოდა, მაგრამ ველარ შეძლო და...

– ჰო, რა სახე გქონდა, ცი... წყლიდან რომ თავი ამოყავი? ოხოხო! – ბიჭს მუცელზე ორივე ხელი მიეჭირა და იჭაჭებოდა. გოგო რაც უფრო ცდილობდა, მით უფრო ვერ ახერხებდა ამ ჯებირებგადმომსკდარი კისკისის შეკავებას.

და უცებ, მოხარხარე ბოჩის რომ უყურებდა, თავში გაუეღვა, ეს ბიჭი გაჩენილია იმისთვის, რომ დატკბეს ამ ცხოვრების ყოველი სიამით, და წინ ველარაფერი დაუდგებო. მაგრამ ეს იყო ბუნდოვანი, თითქოს წამიერი შეგრძნება, მაშინვე რომ გაქრა და გაუჩინარდა.

მერმე, როცა ცოცხათი დანყნარდნენ, ბოჩიმ ხოფებს წამოავლო ისევ ხელი და ჩუმი ხმით ჰკითხა:

– შევრიგდით ხომ ციცი? ა?

კვლავ მკლავზე ჩამოსდო თავი გოგომ, გაისუსა. თითქოს რალაცნაირად ჯადოქმნილი იყო. ვერა და ვერ აეხსნა, რა ემართებოდა! ეგება მართლა ჯადო გამიკეთა ამ ბიჭმაო, ფიქრობდა შიშნეულად, აკი ოშორელე-ბზე იძახიან, მენცარნი და მზაკვარნი არიანო.

თავი წამოსწია. ეუცნაურა ნავის მიმართულება, გაცვებით მოხედა ბოჩის. გოგოს უხმო შეკითხვაზე, მან მოკლედ უპასუხა, წამარკელში მივდივართო.

– რა, რა, სთქვი? – წამოჯდა ერთბაშად ციცი.
 – ნუ გეშინია, მართლა კი არ გიტაცებ, ძა... ჩემი დადი მინდა გაგაცნო. იცი რა ბებია მყავს? ნახავ აგერ!

– კი მარა...
 – მიგიყვან და მალევე გამოვბრუნდებით. შეხედე, ა. ჯერ მზე სადა დგას? დაღამებამდე ნიშონში ვიქნებით, შენ ფიქრი ნუ გაქვს!
 – ბოჩი, მომისმინე...
 – ციცი, იცი, რას გეტყვი? ჩემს იქით შენ მაინც არ გაქვს გზა და მეც არ მაქვს შენს იქით გზა. ასე რომ, მოვრჩეთ ამაზე ლაპარაკს. შენ ეს მითხარი...
 – მოიცა, მოიცა... მე არაფერს მეკითხები, არა, ბოჩი გაბელანთ ძეო?
 – აყელყელავდა ისევ გოგო.
 – რავა არა. ხო გკითხე წელან!
 გოგო წამით თვალდაჭყეტილი მისჩერებოდა სახეგაცინებულ ბიჭს, ასე უტიფრად რომ უმართავდა მზერას. თავი გადაიქნია გოგომ:
 – აი, თურმე რანაირი კაცი ხარ, ბოჩი გაბელანო, შენ!
 – აბა!.. ესა თქვი! დადიც მეტყვის ხოლმე ზოგჯერ, შენ ისეთი მაკვარანცხი ვინმე ხარ, ვინც არ გიცნობსო. ისე, სიმართლე რო გითხრა, არ მიყვარს, ცუდუბრალოდ ფაფხური. აი, როცა ნაღდი საქმეა... ისე, მართლა, გლახა ბიჭი არ გეგონო, ცი! ამ ხელებს ხო უყურებ?... ჰოდა, ბევრი რამ შეუძლიათ ამათ, ნეტარ ღმერთებს გეფიცები! შენ არაფერი მოგაკლდება, რაც საჭიროა. ნახავ აგერ! და... იცი მერე რაფერ მეყვარები?... ო, შენც შეგიყვარდები. ისე შეგიყვარდები, უჩემოდ ერთი ნუთითაც ვერ გაძლებ, მზისა და წყლის მადლმა! თუ არადა, ნახავ აგერ!

– მეტისმეტად ხო არ ხარ შენს თავში დაჯერებული, ბოჩი ჩემო, ჰა?
 გოგოს მრისხანედ შეკრულ შუბლს რომ შეხედა, ბოჩიმ კეფა მოიქექა კვლავ და საოცრად მოსაწყლებული, თან გაფაციცებული თვლებით გამოხედა:
 – მეტისმეტად არა, ციცი, მეტისმეტად არა, ღმერთებს გეფიცები. არ იფიქრო, მართლა ისეთი ბაქია და თავხედი ვიყო, რავარიც ვჩანვარ ალბათ შენს თვალში. ანდა... შენდა ღირსად მიმაჩნდეს ჩემი თავი, მარა... ახლა, რაკი მარტონი ვართ ნავში მე და შენ და... თან რო გამიგია, მენავეს-თან არ ჩხუბობენო...
 – ეს ჩემი ნავი გახლავთ, უფალო ბოჩი! – შეატეხა სიტყვა გაგულსებულმა გოგომ: – და ამდენად, მენავეც აქ – მე ვარ! ხო არ გავიწყდება, ცურვა მეც რომ ვიცი და ეგება ნამარკელიდან ნიშონამდე ვერ გამოვცურო შენსავით, მარა... თუ საჭიროებამ მოითხოვა, აქედან ნაპირამდე მოვახერხებ, რაფერც იქნება!

– მართალი ხარ, ციცი, შენ! დასურო, შენ ხარ ამ ნავის მინჯე!¹ – კვერი დაუკრა წამსვე ბიჭმა, მერმე მარჯვენა ხელის ფრჩხილებს ერთობ გულ-მოდგინედ დააცქერდა და ხმის გაგრძელებით დასძინა: – მარა... ნავი და ნავის მფლობელიც ახლა ჩემს ხელშია და ურჩობამ, ვნახეთ უკვე, რავარი ნაყოფიც გამოიღო! – თავი ასწია, მზერა გაუმართა გოგოს. ასი ჭინკა ხტუნავდა ბიჭის თვალეში და რომ არ გასცინებოდა, ციციმ სასწრაფოდ იბრუნა პირი.

– ჰოდა, აღარ ღირს, მე მგონი, ნავიკიდოთ ხელმეორედ. ხო მასეა, ცი?... ნახე, ამასობაში თმაც გაგიშრა. რათ იწნი? გქონდეს გაშლილი... თუმცა, ასეც გიხდება!

ბიჭის ქორული მზერა გოგოს შხვართი ფეხებიდან წამიერად ასხლტა და სახეზე მიელამუნა დაუფარავი ნდომითა და სურვილით.

...ნამარკელიდან ცოტა მოშორებით შეაჩერა ორჩხომელი ბოჩიმ. ნაპირზე გადმოვიდნენ თუ არა, ხელში ხელი ჩაჰკიდა გოგოს და ასე პატარა ბავშვივით ხელჩაჭიდებული, წაიყვანა იგი ქვაფენილიან ვიწრო ქუჩაზე. ერთი-ორჯერ სცადა ციციმ, ხელი გაემშვებინებინა, მაგრამ ბოჩიმ ისე მოუჭირა თავისი ვეება ტორი, რომ ბოლოს დანებება არჩია გოგომ.

ხმამალლა, ხალისიანად ესალმებოდა ბოჩი შემხვედრთ, ქალ-ვაჟის დანახვაზე რომ ჩერდებოდნენ და აღტაცებულ მზერას აყოლებდნენ უცნობ ასულს.

ეს ოშორელთ ფონიო², გზადაგზა უხსნიდა იგი ციცის, რომელიც პირველად იყო აქეთკენ და ცნობისმოყვარეობით ათვალეირებდა დამრეც ფერდობებზე, ტერასებად შეფენილ, იათნანურისგან გასხვავებულ კოხტა ორ-სამ სართულიან ქვის და ალიზის სახლებს, საცალფეხო, ქვის საფეხურებიანი ბილიკებით რომ უერთდებოდა მთავარ ქუჩას დაბისას.

მზე თანდათან უფრო და უფრო აცხუნებდა. წყალმონყურებულ ქალ-ვაჟი ქუჩის ბოლოს, ქვის ფილებით ლამაზად მოპირკეთებულ ჭას-თან შეჩერდნენ. ამგვარი ჭები და წყაროები თითქმის ყოველი ქუჩის ბოლოს იყო. ბიჭმა ბადიით წყალი ამოიღო და იქვე, ლამაზადვე ნაშენ ნიშაში დადებულ მცენარეული ორნამენტით დამშვენებულ თიხის ჯამს დაწვდა, პირთამდე გააპიპინა და გოგოს გაუნოდა. ციცი ხარბად დაენაფა ყინულივით ცივ წყალს. წყურვილი რომ მოიკლა, სველი ხელები დასიცხულ ლოყებზე მოისვა ღმილით: „ოჰ, რა სიცოცხლეა!“ – გაიფიქრა სიამით და ამ დროს, მოულოდნელად ბიჭმა პეშვით წყალი შეაშხეფა სახეზე. გოგოს შეკრთომა-შეკვივლებაზე, მეორეჯერაც მოუნაცვლა, მერმე მესამედაც, მეოთხედაც... ახორხოცებულმა, გული რომ მოიჯერა წუნაობით,

¹ პატრონი.

² უბანი.

მერმე ისევ ხელი ჩაავლო გოგოს და ლელვისა და ბრონეულის ხეებით დაჩრდილულ შუკაში გადაუხვია. გაბარჯლულ ტოტებში მზე ვერ ატანდა და რალაცნაირი, თითქოს მურუჭი სინათლე იდგა. გარშემო სიმშვიდე და მყუდროება გამეფებულიყო.

ბოჩი ხელს არ უშვებდა ციცის და ისე მიალაჯებდა გრძელი ნაბიჯებით, ოდნავ თავნიწნახრილი. გოგო თითქმის სირბილით მოსდევდა გვერდში. ბიჭი ზოგჯერ შედგებოდა, მაღლიდან გადმოხედავდა და ალერსიანი, თბილი ღიმილით:

– ხო არ დაიღალე, ცი? – მოეფერებოდა თვალებით და: – ჩემი ცი, ჩემი ცი! – ნამით მიიკრავდა გვერდზე და მერმე ისევ გააბიჯებდა მდუმრიად.

„ჩვენში ბიჭებმა კვანწია, ლალი სიარული იციან, მოხდენილი მიხრა-მოხრა აქვთ, ეს კი... ერკვემალივით დააბოტებს!“ – გაუელვა თავში გოგოს და ჩუმად ჩაელიმა: „ეეჰ, ციცი გეგეშია! მგონი ამ ბიჭს ხელიდან ვეღარ დაუსხლტები. ქვესკნელში რომ ჩაძვრე, იქაც ჩამოგყვება ალბათ... ეტყობა, თუკი რაიმეს ამოიჩემებს, სანამ არ შეისრულებს გულისნადილს, მანამ არ მოისვენებს!“

შუკა მომთავრდა და ქვის დაბალი ყორეთი შემორაგულ სახლ-კარს მიადგნენ.

ორსართულიანი მომცრო ყუდე¹ ქვის საძირკველზე იდგა. ქვისგან ნაგები პირველი სართული ქვისვე ლამაზად გათლილი ფილებით იყო მოპირკეთებული. მეორე სართულზე ორი ფართო, თანაბად განლაგებული სარკმელი იყო გაჭრილი ქუჩის მხარეზე.

ბოჩი ალაგესკენ კი არ წავიდა, პირდაპირ ყორეს გადააბიჯა, გოგოც უმაღვე გადაასკუპა და შიდა ეზოსკენ წააკიალა. ვო დადი, ვო დადიო, თან ხმამაღლა, მოუთმენელი ხმით დაიძახა რამდენჯერმე, ცოტაც და... სახლის ქვედა სართულის საუცხოო სვეტებით დამშვენებული აბარნიდან² თავსაფარწაკრული. ტანკენარი ქალი გამოვიდა და თვალი მოიჩრდილა, მერმე გაღიმებული გამოეშურა ქალ-ვაჟისკენ, მაგრამ უცებ შუა გზაზე შეჩერდა, თავსაფარი ნელა მოიძრო, თმაზე ხელი გადაისვა და გაუნძრევლად მდგარი, მიაშტერდა გოგოს. ციციც ადგილზე გახევებულიყო თითქოს და გაფართოებული თვალებით უმზერდა დიაცს, ღია ნაბლისფერი, სქელი ნაწნავები უსურვაზივით რომ შემოგრაგნოდა თავზე. მის ღვთივმშვენიერ, თითქოსდა მარმარილოსგან ნაძერწ სახეზე უჩვეულო ნათელს აფრქვევდნენ დიდრონი, ჟრუნის თვალები. ყარყარა კისერი. სხეულის სხარტი აღნაგობა – უკვდავ ღმერთთა შესაგვანი. ნუთუ თვალები ატყუებდნენ ციცის? ხნეირი, ასაკოვანი დიაცი თუ... გასათხოვარი ცირა

¹ სახლი.

² აივანი.

იდგა მის წინ?

– დადი! შეხე – ვინ მოგიყვანე – ზისნახე მესეფე! როგორ მოგწონს?

მაგრამ ქალს თითქოს არა გაუგია რაო, გალურსული მისჩერებოდა გოგოს უცნაური, ჩაციებული მზერით. მერმე შეიხრა. თითქოს ზმანებიდან გამოერკვაო, ხელის გულები ერთმანეთს შეატყუპა და ცისკენ თვალაპყრობილმა, ძლივს გასაგონი ხმით ჩაილაპარაკა:

– ჰოი, მზე-ბჟალარავ, გამადლობ ამ სასწაულისთვის!

მერმე პირდაპირ ციცისკენ გამოსწია მსუბუქი, პატარა ნაბიჯებით ისე, თითქოს მიწას არც აკარებდესო ფეხს. დაუახლოვდა გოგონას თუ არა, ისევ შედგა და... მოულოდნელად სამჯერ შემოუარა ირგვლივ. ამის შემდგომ წინ დაუდგა, თავზე ხელი შემოავლო სამჯერვე: შემოგველე მე, შემოგველე მე, შემოგველე მეო, დაიჩურჩულა ლოცვასავით და შუბლზე ეამბორა.

...მერმე ისხდნენ ჩუქურთმიანი, ვერცხლით მოჭედილი, თხის ნატივით დაფენილ საკარცხლულეებში მეორე სართულის აბარწაზე, ვაზის ტალავერით რომ იყო გადაბურული. ქვის პრიალა ზედაპირიან სვეტებსაც ვაზი შემოხვეოდა.

ტაბლაზე ედგათ ხასხასა ცისფრად შეღებილი, შროშანას ყვავილით საუცხოოდ მოხატული, ღვინით სავსე სურა და მალაღფეხიანი, იშვიათი ხელოვნებით ნაკეთები ლარნაკი – ხილით დამშვენებული.

აივნიდან დიდებული ხედი იშლებოდა. თვალსანიერზე ილანდებოდა ბალ-ვენახებითა და ყანებით მოფენილი დაბლობი, შუადღის ხვატში ჩაბინდული მდინარის დაკლაკნილი ზოლი და ტყიანი მთის კალთები.

... სანამ ზემოთ ავიდოდნენ, ბოჩიმ დაათვალიერებინა ციცის პირველ სართულზე მდებარე საოქრომჭედლო პალატი. ციცი გულწრფელი აღტაცებითა და განცვიფრებით სინჯავდა ოქროს, ვერცხლის, სპილენძის, თითბრისა და ბრინჯაოს ნაკეთობებს, სამკაულებს, ქვისა და მარმარილოს იშვიათ პატარა ქანდაკებებს, პირად ბეჭედებს.

პალატში ციცის ჯმუხი, ტანმაღალი, შავტუხა კაცი დახვდა, წინსაფარფარებული ბრინჯაოს თასს რომ უტრიალებდა. გოგონას დანახვაზე იგი თითქოს გაქვავდა ადგილზე და თვალდაუხამხამებლად, ოდნავ ღიად დარჩენილი პირით შესცქეროდა ციცის, ფარული მღელვარებისა და მორცხვობისგან ლოყები რომ ალანძვოდა და სულგანაბული რომ უსმენდა ბოჩის ახსნა-განმარტებებს.

ციცი პირველად იყო ოშორელთა კეთილად ნაგებ სახლში და თვალის ნამიერი შევლებაც საკმარისი იყო მისთვის, რათა დარწმუნებულიყო იათნანურ და ოშორულ ნაგებობათა შორის სხვაობაში.

კრეტელთა დარად, ოშორელებსაც სახლის მეორე სართულზე გან-

ლაგებული ოთახებისკენ ასავლელი კიბე შიგნიდან ჰქონდათ. სინათლე პირველი სართულის დიდ დარბაზში, სადაც საკურთხეველი და კერა იყო, ჭერის ჭის მსგავსი ხვრელიდან იჭრებოდა. იათნანელებიც ხმარობდნენ ფერად ბათქაშს კედლებისთვის, ოღონდ იათნანაზე მიღებული არ იყო ზღვის ბინადართა ფრესკები: ამჯობინებდნენ მცენარეთ და ფრინველთა ნახატებს. პალატების ნერჩისათვის¹ არც თაბაშირის ფილებს ხმარობდნენ – იატაკს ქვის თლილი ფილებით აგებდნენ. თუმც იათნანელებსაც თიხის მილებით გამოჰყავდათ საგანგებო წყალსაცავებიდან თუ წყაროებიდან – ასე ბლომად რომ იყო იათნანაზე – სასმელი თუ სახმარი წყალი, მაგრამ ოშორელთა მსგავსად, არც ცალკე აბაზანები და ფეხისადგილები გააჩნდათ და არც იატაკის ფილებს ქვეშ ჰქონდათ გაყვანილი თიხის მილები, საიდანაც სიბინძურე და ჭუჭყიანი წყალი გადიოდა.

არც ასეთი და ამდენი აივნები იცოდნენ, მთელ პირველ და მეორე სართულს რომ შემორტყებოდა. არც სახლის სარდაფებში ინახავდნენ სურსათს და ღვინოს. მარანი და სურსათის შესანახი ქვევრებისთვის ეზოში ცალკე ნაგებობა ედგათ, აგრეთვე პურის საცხობი, ყვერბი და საერთოდ სამზარეულო საცხოვრებელი სახლიდან მოშორებით ჰქონდათ.

მაგრამ ციციისთვის ეს თვალშისაცემი მსგავსება თუ სხვაობა შენობათა თუ მონყობილობათა – მაინც არ იყო მთავარი. ის ქვეშეცნეულად გრძნობდა, რომ რაღაცნაირ სხვა, უჩვეულო სულიერი წყობის გარემოცვაში აღმოჩნდა და ამ აღქმის თუ განცდის ძირითადი მიზეზთაგანი უთუოდ ბოჩის ბებია გახლდათ.

როცა ტაბლას აწყობდა, იგი თვალეებით ესიყვარულებოდა ქალ-ვაჟს, თავის ჯადო ღიმილში ხვევდა ორთავეს და ციცი თავისდაუნებურად, ამ ღიმილის ანარეკლს იჭერდა ბოჩის ღიმილშიც.

მერმე, მცირე ხნით რომ იჯდა ქალ-ვაჟს შორის, ასევე უფრო მზერით ესაუბრებოდა ორივეს – ღიმილადქცეული. კრიალა კბილების მწკრივი თეთრად უელავდა, უჩვეულოდ ლამაზ თვალეებში სევდის უჩინარი ჩრდილი ფარფატებდა დრო და დრო. ხოლო, როცა ჯამით ღვინოს წრუპავდა, რაღაც გაუგებარ სიტყვებს დუღუნებდა თავისთვის, საგალობელს ღიღინებდა თითქოს. შემდეგ დგებოდა და მიდიოდა, მარტო ტოვებდა გოგო-ბიჭს და ციციის ისეთი შეგრძნება უჩნდებოდა, თითქოს მათ შორის ტრიალებდა მაინც მისი ორანი, რომ ყველაფერი, რაც მის ირგვლივ იყო, თითქოს მიღმეირ, არაამქვეყნიურ სამყაროს განეკუთვნებოდა და თავადაც თითქოს ტკიბლ ბურანში მყოფი, ისე აღიქვამდა ყოველივეს, როგორც სიზმარეულს, ზმანებისეულს, არამინიერს, იდუმალეებით მოცულს და... გული მიღევით უცემდა.

¹ იატაკი.

ბოჩი, ციციისკენ გადმოხრილი, შეთქმული ღიმილითა და თვალეების უცნაური ციმციმით ამცნობდა ხმადაბლა:

– დადის მესიაკონ¹ ქალს ეძახიან, ციცი. იგი ახალგაზრდობაში მახვამური² იყო ბჟათას ოხვამეში³, ოშორაში. დადი გრძნეული, მისანი ქალია მართლა, მრავალი სასწაულის მოხდენა ძალუძს დადის, ოღონდ... აღარ იქმს ამას. გაჭირვებულთა და სნეულთა შველაზე კი აროდეს ამბობს უარს. არამცთუ ძე-ხორციელი, ყოველი სულდგმული ეცოდება, ჭიანჭველა რომ ჭიანჭველაა – ფეხს არ დაადგამს, ცოდვათა იძახის. ყველასი ესმის, ყველას ყველაფერს უგებს... მშობლები რომ დამეხოცნენ... დადი გახდა ჩემთვის დედაც და მამაც. და არა მარტო ჩემთვის. დადის გაზრდილია უჩა ბეგოც, ძაძუც და კიდევ სხვები. ციცი, ვიცოდი, მოგეწონებოდა ჩემი დადი!

მონუსხული უჭვრეტდა ციცი ამ საარაკო დიაცს, რომელზეც თავადაც ბევრი რამ სმენოდა უფროსებისგან. უმზერდა და დადიც თანდათან თავისი ღიმილის შუქში ისე ანანავებდა, რომ მზად იყო მის კალთაში თავი ჩაედო მორჩილად და უსაზღვროდ ტკიბილ და საამურ ძილს მისცემოდა.

როცა ისევ მარტო დაიგულავა თავი, ბოჩი კვლავ გადმოიხარა ციციისკენ და საიდუმლოთი სავსე ხმით აჩურჩულდა: – დადის ძველებური წიგნებით სავსე აქვს სკივრი. დადი ამბობს, იმ კირბებში უძველესი ანბანით სწერიან ჩვენი გვარტომის თავგადასავალი უხსოვარი დროიდან... ჩვენო, ღმერთების დიდი დედის, ნანას ასულის – ქალღმერთ მზისა და ღვთაება ოკეანოსის შთამომავალნი ვართო. მათი შეუღლება მოხდაო კუნძულ აიაიაზე, საიდანაც ამობრძანდებოთ თავად მნათობი ჩვენი.

შემდეგო, ურჩობისა და ამპარტავნობისთვის, განურისხდნენო ღმერთები აიაიელებს! სასტიკად დასაჯესო ისინი და კუნძული ზღვაში ჩაიძირაო. გადარჩენილი აიაიელნი მიმოიფანტნენო დედამიწის სხვადასხვა კუთხეში. ნაწილი დამკვიდრდაო ხმელთაშუაზღვის სანაპიროებსა და ეგეოსის კუნძულებზე, ნაწილი – შუამდინარეთში, ნაწილი – დასაბამიერ სამშობლოში, კავკასიონის ქედებთან, კოლხ-იბერთა სამეფოში, ნაწილი ათქვიფაო სხვა ტომებში... ოშორელნი, იათნანელნი, მაკრისელნი, ქორიბანტელნი, ჰეაკნი და სხვანი, აიაიელთა თურნი⁴ არიანო. ასე ამბობს ჩემი დადი.

„ამასვე გვამცნობენ ჩვენი ქურუმნიც!“ – გაიფიქრა გულში გოგომ.

– მერმე? რა მოხდაო მერმე? – იკითხა ცოტა ხნის სიჩუმის შემდეგ ციციმ დაუფარავი ცნობისწადილით.

¹ ბრძენი, გონიერი.

² ქურუმი, მლოცველი, მონმინდარი.

³ მზის საყდარი.

⁴ შთამომავალი, მოდგმა.

– მერმე?.. არ ვიცი. დადი თვითონ გიამბობს ყოველივეს, მისი რძალი რომ გახდები! – ბოჩიმ თვალი ჩაუკრა გოგოს და გაიჭყანა თავისებურად. შემდეგ ხარისთავიანი, პატარა ყანნი ღვინით გაავსო, ორივე ხელით მალლა ასწია, ჩვენი ბედნიერებისა იყოსო, თქვა და სულმოუთქმელად გამოსცალა. მერმე პირი ხელის ზურგით შეიმშრალა და გულლიად შესცინა გოგოს.

...უკან რომ ბრუნდებოდნენ, ბოჩის ისევ თავის ვეება ტორში მოემწყვდია ციციის პატარა ხელი და ალგზნებულ-ალტაცებული რალაცას ელაპარაკებოდა დაგუდული ხმით. მაგრამ გაბრუებულ ციციის მისი მოსმენის თავიც აღარ ჰქონდა უკვე.

ნავში რომ სხდებოდნენ, ბოჩიმ ხელში აიყვანა იგი ერთბაშად, მერმე იდგა ფეხებგაბარჯგული, ბალღვით არწევდა გოგოს და იცინოდა ბედნიერი და კმაყოფილი სიცილით. მისი ღველფვიით აბზინვარებული თვალებიდან თითქოს ნაპერკლები ცვიოდა გარშემო.

მერმე ფრთხილად დასვა გოგო ძირს და თავად ნიჩბებს მიუჯდა.

მიმწუხრის მიწურვილი მზე ნელ-ნელა იძირებოდა დასალიერში, თითქოს ენანებო საბჟალუს¹ დატოვება. აჰა, ჩაიღვენთა ბოლოს, თუმცა ერთხანს კიდევ ენთო მენამული დაფიონი. მსუბუქი და გამჭვირვალე სილურჯით შემოქობილი სანაპიროც თანისთანობით ჩაინთქა სიმრუმეში.

ცის უბე მყის გაივსო უთვალავი, ურიცხვი მურიცხებით.²

მთვარის მოვანების ჟამი დაისის ჰაეროვან სევდაში ჰხვევდა გარემოს.

იდუმალი ღამე იყო. უჩვეულოდ ბრწყინავდა მთვარიანში ჭავლმოდებული ზღვის ზედაპირი და ტალღების ძლივსშესაგრძნობი, ჩუმი დვრინილა არღვევდა ამ ღვთიურ გარინდებას. ვარსკვლავებით მოჭიქული ზეცა დაუძღვევლი ჟინითა და სურვილით თავისკენ ეწეოდა თითქოს ციციის. და მასაც მოუნდა, აფრენილიყო მალლა, ზევით და ყვავილებით დაეკრიფა თვალებბრიალა ვარსკვლავები, შეეკრა ისინი ერთ დიდ, საოცნებო თაიგულად და ჩამოეტანა ძირს, დედამინაზე.

უკვე ვეღარ არჩევდა სიზმარ-სიცხადეს. უცნაური სიამით წალეკილი გული ძლივსლა ფეთქავდა თითქოს. ყელში რალაც თბილი გორგალი აწვებოდა და თვალებიც უნებლიეთ ენამებოდა. რად, რისთვის, რის გამო! – ვერ გაერკვია ოღონდ ვერას დიდებით და არც ჰქონდა სურვილი, გამოეძია რაიმე.

– ცი, მიმღერე რამე! – ზმანებიდან გამოიყვანა იგი ბოჩის დაგუბულმა ხმამ. გამოფხიზლდა თითქოს ნამიერად და გულაჩქროლებული, უხმოდ,

¹ მზისქვეშეთი.

² ვარსკვლავები.

უსიტყვოდ შეჰყურებდა განიერ, გაზიდულ მხრებს ბიჭისას, მთვარის თითბრისფერ სხივებში ბრინჯაოსავით მოლაპლაპეს, კრიალა კბილებს, ცეცხლივით ანთებულ თვალებს და... „ავაზა“! ელვასავით დაიკლაკნა გონებაში. მაგრამ... ეს ავაზა სულ რომ არ არის საშიში და ავი? პირიქით. საოცრად თვინიერი და მორჩილია იგი და... ისეთი სითბო, ალერსი და ნდობა იღვრება მისი თვალებიდან... მთელი მისი არსებიდან... რომ თავდაც უნებლიეთ ემორჩილება თითქოს ამ უხილავ, ძალუმ გრძნობას.

– რა... ვიმღერო? – უაზროდ ეკითხება კვლავ, გონდანისლული.

– რაც გინდა. სულერთია!

გოგომ თვალები მილულა. გაინაბა ისევ. მერმე წყნარი, ოდნავ აკანკალებული, სუსტი ხმით წამოიწყო:

– „თუთა ახალი, გუმაახალი,

ახალი თუთა, გამახარი,

ცაში კარი სი გომინჯი,

სი ჯვეში დო მა ახალი!“

„შენ, ახლო მთვარე, გამაახლე!

შენ, ახლო მთვარე, გამახარე.

შენ ცის კარიბჭე გამისხენი,

შენ დაძველდი და მე მუდამუამ

ნორჩად მამყოფე“.

იქორებოდნენ ზღვის ტალღები, ორჩხომელი ირნეოდა აკვანივით და იაკიმი¹ მთვარის სხივებში სცურავდნენ სამთავენი: გოგო, ბიჭი და ვერცხლისფრად მომინანქრებული ზღვა.

...ნაპირზე მოციმციმე კვარები პირველად ციციმ შეამჩნია. ალბათ მაშხალებით აპირებენო ნიშონელნი ზღვაში სათევზაოდ გასვლას, გაივლო გონებაში, მაგრამ მეორე წამს გულზე გაჰკრა: „მე ხომ არ მეძებენო?“

ბოჩის სთხოვა, ქვიშონას შესართავთან ჩამოვალ, შენ კი ნავით გაბრუნდი უკანო.

არაო, იუარა ბიჭმა, მე უნდა მიგიყვანო შინ. გოგოს არ სურდა მისი გამოჩენა ახლა აქ, ამ კათაში. მიუხვდა ბიჭი. კარგიო, ისე იყოს, როგორც შენ გნადიაო, ოღონდ, შენი ნავი არ მჭირდება, ისე გავცურავო უკან. სწრაფად აკოცა ლოყაზე გოგოს და დგაფუნით გადაეშვა წყალში, აბა კარგად იყავი, ციცი. ორ დღეში სტუმრებს ელოდეთ, მოაძახა ხალისიანად, ხელი დაუქნია ფართო ღიმილით და ნამარკელისკენ მხარულით გასცურა. ციცი თვალს ადევნებდა, სანამ სიბნელეში არ გაუჩინარდა.

„ჰოი, მთვარე წინამძლოო! შენს ბედნიერ თავს ვლოცულობ! დაცავი ბოჩი ფათერაკისგან, ავსულისგან, ალქაჯისგან, მზაკვარისგან.

¹ ძალიან ნათელი.

მშვიდობით მიიყვანე შინ, დაილოცოს შენი სახელი!“

იმ შიშისა და მოუსვენრობის მიხედვით, რასაც განიცდიდა ახლა, ხვდებოდა, რომ ამიერიდან მორჩილი უხდებოდა გრძნობას, აქამდე წარმოდგენა რომ არ ჰქონდა და რომელსაც ქვეშეცნეულად გაურბოდა კიდევ.

...ორ დღეში მართლა მოვიდნენ გეგეშიებთან სტუმრები: ორი ქალი და ერთი მამაკაცი. ციცის უმცროსმა ძმებმა ჭიშკართან ჩამოართვეს ცხენის აღვირები მოსულთ.

წამსვე იაზრა ციციმ, თუ ვინ იყვნენ ისინი, მაგრამ არაფერი დაიმჩნია, ოღონდ ეს კია: გული საშინლად აუფართხალდა. იმ საღამოს შემდეგ, ასე გვიან რომ დაბრუნდა შინ, უბრადა იყო შინაურებთან. ოხორეში მიჩვეული იყვნენ, რომ იგი ზოგჯერ მარტოკა დადიოდა და იგვიანებდა კიდევ, მაგრამ წინასწარ ყოველთვის იცოდნენ ეს ამბავი. იმ საღამოს კი მეტისმეტად შეაგვიანდა და რაკი გაფრთხილებულნი არ იყვნენ, შეშფოთებულიყვნენ სახლელენი.

მეზობლებისა და ახლობლების შეწუხებისთვის საყვედური უთხრეს. იცოდა, ღირსი იყო ამ საყვედურის, მაგრამ მაინც იუცხოვა იგი და... გაიბუსხა.

სტუმრებმა, რაკი ძალიან ცხელოდა, ეზოში, ვაზის ტალავერს ქვეშ მოიგუნებეს მოსვენება და მასპინძლებიც დაჰყვნენ მათ ნებას.

ისხდნენ ძელსკამებზე და დარბაისლურად საუბრობდნენ იმ მთისას, ამ ბარისას, უწინარესად, ცხადია, ამინდზე... რომ აგერ მეოთხე თვეა, თუმც შემოდგომის პირია, გვალვას მაინც არ დაადგა საშველი. ეტყობა, ფრიად გამწყარალა იათნანელებზე წყლის ღვთაება ვობი და ა.შ.

უბნობდნენ ყველაფერზე, ოღონდ არა იმ მთავარზე, რისთვისაც იყვნენ სინამდვილეში მოსულნი.

მასპინძლებიც, რასაკვირველია, ხვდებოდნენ, იმ სიშორიდან დარზე სამუსაიფოდ რომ არ იყვნენ მობრძანებული სტუმრები. დამხედურებმა მაშინვე იგუმანეს, მაშვლობის ამბავი რომ ტრიალებდა აქ, ოღონდ ვისზე უნდა ეფიქრათ? ვინ იყო ხელის მთხოვნელი? – აზრზე ვერ მოდიოდნენ.

კარგა ხნის მიეთ-მოეთის შემდეგ მოსულთა ნაუბარში ბოლოს და ბოლოს გამოიკვეთა ის ოხორე, რომელიც აგზავნიდა ამათ გეგეშიების უფროსი ქალიშვილის სათხოვნელად. გაირკვა სასიძოს ვინაობაც.

მართალია, ბოჩი-შიტას და გაბელას სკირი¹ - ობოლია, დედ-მამა ადრე გარდაეცვალა, ჯერ კიდევ ომორაში ცხოვრების დროს, არც და-ძმა ჰყავს. სამწუხაროდ, მარტოხელა ბიჭია, მაგრამ, სამაგიეროდ, ეს ოცდაო-

რი წლის ყმანვილი მთელს ნამარკელის მუხურში¹ გამორჩეულია თავის ტოლ-ამხანაგებში... რა გინდა მისი ხელიდან არ გამოვიდეს: ოქრომჭედლობა გინდა, ქვის ძერწვა-კვეთა, ხის დამუშავება, თუ მინის მოვლამეურნეობა. და, რაც მთავარია, ბოჩი გაზრდილია მთელს იათნანაზე და ახლო-მახლო კუნძულებზე სახელგანთქმული დიაცის – ბრძენი შოუ ბჟალახეს – ომორას კუნძულის მზის ღვთაების ყოფილი ქურუმის მიერ.

ამასობაში ხის დაბალ, მრგვალ მაგიდაზე, მინაში ღრმად ჩასობილი, მსხვილი ფეხი რომ ჰქონდა, სუფრა გაიშალა.

ციცის დედა, მამა და შინ მობრუნებული, ქმარგაყრილი მამიდა სახტად იყვნენ დარჩენილი, მათთვის სრული მოულოდნელობა აღმოჩნდა ეს ამბავი, თუმცა გულმოდგინედ ცდილობდნენ საპატიო მოციქულებითვის არ შეემჩნევიებინათ შეცბუნება. მართალია, გაუგონიათ და იციან, და დიდად სცემენ პატივს შოუს ჭკუას და განსწავლულობას, სმენიათ მისი ყოჩალი შვილოშვილის სახელიც, მაგრამ... ქალის მითხოვება ყმანვილზე, რომელსაც არც და-ძმა ჰყავს, არც მშობლები – არაა სასურველი, რადგან სახლობის მრავალრიცხოვნება დიდი სიკეთეა. ასეთ თიში შესული ქალი არ დაიჩაგრება ოჯახური ჭაპანის ზიდვით, მაგრამ უმთავრესი, რასაკვირველია, მამა-პაპადან მომდინარე წესია – თვით ქალიშვილმა უნდა გადანყვიტოს თავისი ბედი. თუკი მოინადინებს ბოჩიზე გათხოვებას, მათი საფიცარი, უფროსი ასულის ნება-სურვილს წინ რა დაუდგება!

ჯერი ციციზე დადგა.

დედამ აღერსიანად მოიხმო გოგონა და ისიც მორცხვად თავდახრილი წარდგა მშობლების წინაშე. ბოლო წუთებამდე არ ჰქონდა გადანყვიტილი, რა ეთქვა! ეს ორი დღე რაც ბოჩის დასცილდა, საშუალება მიეცა, თითქოს უფრო საზრიანად შეეხედა ყოველივე იმისთვის, რაც თავს გადახდა. აენონ-დაენონა. ბოლოს და ბოლოს, ერთი დღის ნაცნობობა ესოდენ გადამწყვეტი შესაძლოა არც ყოფილიყო.

და ახლა, უცხოთა და თავისიანების პირისპირ რომ აღმოჩნდა, რათა პასუხი გაეცა მათთვის, შეეყოყმანდა. კვლავ აენენ-დაენენა ფიქრები, გონება დაეფანტა და... უწყალოდ დაიბნა.

განსაკუთრებით იმოქმედა მამის მღელვარებისგან ოდნავ გაბზარულმა, ყრუ ხმამ:

– წესია, შვილო, ქალი რო მოინიფება, უნდა გათხოვდეს; ნავიდეს თავისი დედ-მამის სახლიდან და ახალი ბუდე გაიკეთოს... აი, მოვიდნენ ეს საპატივცემულო კათა... იცნობ, შვილო, ბოჩია გაბელანს, ნამარკელელ ყმანვილს?

¹ შვილი.

¹ მხარე, თემი.

– ვიცნობ! – უფრო ჩაღუნა თავი სახეაღწევილი და გულაჩუყებულმა.
– ეს დარბაისელი კათა გამოგზავნა, შვილო, ბოჩიმ... რას მიუგებ მათ?... გსურს თუ არა ბოჩის ცოლობა? – ეს დედის სიტყვები იყო უკვე, უფრო მკაცრად და ცივად წარმოთქმული.

წამიერად თვალში მოხვდა ციციის იმ სამახსოვრო დღეს ბოჩის მიერ ნაჩუქარი იშვიათი ხელობის სამაჯური, წინააღმდეგობის მიუხედავად მკლავზე რომ გაუკეთა წამოსვლის წინ. და უცებ ისე ცხადად, ისე ახლოს გაისმა ბოჩის ლალი, გულარხინი სიცილი და დაჯერებული კილოთი წარმოთქმული სიტყვები: „სურს, როგორ არა, სურსო“, რომ მოიხედა კიდეც უნებური შეკრთომით, მართლა ხომ არ მიდგას ზურგს უკანო. ამ შეგრძნებამ კი ღიმი მოჰგვარა და რომ დაეფარა, ცოტა არ იყოს, უადგილო მხიარულება, თავი უფრო დახარა და ტუჩები მალულად მოიკვინტა.

– ველოდებით, შვილო, შენს პასუხს! – ეს ისევე დედა გახლდათ.

– დიახ, მსურს! – ამოთქვა, როგორც იქნა.

დედა, მამა და მამიდა გაშეშდნენ თითქოს. თავად ციციისთვისაც სადღაც მოულოდნელი იყო ეს თანხმობა.

სამაგიეროდ, სტუმრებს სახეზე ნათელი მოეფინათ. თუმც ბოჩისგან საკმაოდ დაიმედებულნი მოდიოდნენ გეგეშეებთან, მგარამ მაინც საალაბედოდ ჩანდა ეს საქმე. ვინ უწყის, რა შეუჩნდება ერთბაშად ტვინში გასათხოვარ ქალიშვილს, უცებ რა შეუჩხიკინებს? ქალისგან ხომ საკვირველი არაა ათასგვარი მოულოდნელი საქციელი.

– შენ გაიხარე, შვილო! მზის მონათალი ხარ გარეგნულად, ცის ნათელივით თეთრი და სპეტაკი, წყაროსთვალავით წმინდა, ნუკრივით უმანკო, შროშანივით კდემამოსილი და ზუთხივით ხატულა. ნეტარმა ღმერთებმა ორივენი – ის ჩვენი ბოხვერა, ობოლი ბიჭი და შენ – მზე და მთვარესავით შეგაბეროთ ერთი მეორეს! – დაილოცეს გახარებულებმა, წამოიშალნენ და სათითაოდ გადაჰკოცნეს მორცხვად განაბული გოგონა.

ქორწილი

რადგან ბოჩი ჩქარობდა, ქორწილი ერთ თვეში გადაწყდა. დაინიშნა დღეც: შემოდგომის მეორე თვის - გუმათუთას¹ ბოლო შვიდეულის ცაშხა² – ღმერთების დიდი დედის – კერიის, ცოლქმრობისა და ნაყოფიერების ქალღვთაება ნანას დღე.

ბოჩი ხშირად აკითხავდა თავის დანიშნულს და ხან ნავით

სეირნობდნენ, ხანაც ცხენებს დააჭენებდნენ ტყისპირა მინდვრებსა და ახოებში, ხან ფეხით დახეტიალობდნენ ტყესა და ღრეში – სოკოების თუ მაყვლის საკრეფად.

ზოგჯერ ციციის დობილები და ძმობილები უერთდებოდნენ დანიშნულებს და ქალ-ვაჟის გასართობად მასხრობდნენ, ქილიკობდნენ, ლალობდნენ...

ერთხელაც, ჯოხებზე „ამხედრდნენ“ და ბავშვური გატაცებითა და ხალისით „დააჯირითებდნენ“ თავიანთ „რაშებს“ და ხმამაღლა გაჰკიოდნენ:

„ეკენია, ეკენია,

კეკე ცხენსუ გეხენია,

ონაგირი ხარხუნტელი,

დუდი მონოჭკარჭუნტელი“-ო. ხან კიდეც ნაკრუხალ მზეს ეხვეწებოდნენ:

„მორთია, ჩხანაია,

თოლფე ობარჩხალაია,

მორთია ჩხანაია,

ოჭკუმალსუ ფჩანანია!“

ხან განმარტოებით ისხდნენ ზღვის პირას გვერდიგვერდ და სულგანაბულნი შეჰყურებდნენ ჩამავალ მზეს...

მთელი იმ ხნის განმავლობაში, რაც ერთად იყვნენ, ბოჩი საოცრად თავდაჭერილი იყო და ძალზე ცოტას ლაპარაკობდა. ციციისაც თანდათან უქრებოდა უანგარიშო შიშისა თუ გადამეტებული სიფრთხილის გრძნობა, სამაგიეროდ, უჩვეულო კრძალულება და რიდი ეუფლებოდა საქმროს მიმართ.

ბოჩი თვალეში შესცქეროდა ციციის და ერთთავად მზად იყო, ყოველი მისი, თუნდაც უმნიშვნელო სურვილი ამოეცნო და შეესრულებინა. რაკილა ციციის დრო და დრო სიამოვნებდა ტოლ-მეგობრებში ყოფნა, ბოჩი თან ყვებოდა მათ.

ციციის ტოლ-სწორებში განსაკუთრებით გამოირჩეოდნენ ნება და ხვიჩა.

ნება თვალმარლი, სახემწყაზარი, გაკნაჭული გოგონა იყო. მისი მოღულუნე, ნაზი ხმა გულისგულამდე აღწევდა, მითუმეტეს, თუ ხვიჩასთან ერთად მოიღერებდა ყელს და არაკრაკდებოდა.

ხვიჩა ტანწვრილი, ლურჯთვალეა, მეოცნებე ბიჭი იყო. თუმცა ციციისთან ბავშვობიდან გახლდათ თანშეზრდილი, ახლა რატომღაც თავს არიდებდა მას და ციციც ძველებურად ველარ ეთამამებოდა ბოჩის რიდით და ხათრით, რადგან ატყობდა, ხვიჩას დანახვაზე ბოჩი თითქოს იზღარბებოდა. ერთხელ ველარ მოითმინა და იენამწარა კიდეც: იმ შენს

¹ ღვინობისთვე, ოქტომბერი.

² ცის დღე-ცაშ დღა – ხუთშაბათი.

მეზღაპრეს, მგონი, ზეზეურად სძინავსო.

– ხვიჩა არავის არაფერში ჩამოუვარდება, თუმცა ასე გაჩხიკული კი გამოიყურება! – უთხრა წყენაგარეული ხმით ციციმ და მოიღუშა. მეცაო, ისეთი სახით იკითხა ბოჩიმ, ისე მაცილივით ატრიალებდა თვალებს, ციციის უნებურად გაელიმა. ერთხელაც, ვითომ სასხვათაშორისოდ თქვა, შენ როგორ გგონია, მე ვერ ვამჩნევ განა, რომ შენი სოფლის თითქმის ყველა ახალგაზრდა შენზე როა შეყვარებული? და განა მარტო შენი სოფლის? ბევრს უნახავად უყვარხარ, მთელს იათნანაზე შენზე ლექსებს გამოთქვამენ და სიმღერებს მღერიანო?

– არ იცი, ხომ? – ჩაეკითხა და თვალებში ჩაუძვრა.

მხრები აჩჩია ციციმ. არაფერი მიუგო. გულწრფელად უკვირდა, თუ ვინმესგან გაიგებდა ქებას. სწორფერებში არ ეგულებოდა არც ერთი უსახური გოგონა და ბუნებრივად ეჩვენებოდა, თავადაც რომ არ იყო ულამაზო, გულმიუსვლელი. და შემდეგ: თუნდაც უმშვენიერეს არსებად შეერაცხათ, ამას თავის დამსახურებად ვერ მიიჩნევდა, რადგან კარგად უწყოდა, გარეგნული იერი ჩვენზე რომ არაა დამოკიდებული. ასეთებად არსთა გამრიგე გვაჩენსო, ფიქრობდა, ხოლო თუ პირად მის ღირსებას შეაქებდნენ, იმას, რაც თავის მონდომებისა და მონადინების წყალობით ჰქონდა მოპოვებული, ასეთი ხოტბა სიამოვნებდა და უხაროდა კიდეც, თუმც ესეც კია: ამ შესხმით ქედმაღლობის, მედიდურობის, მით უფრო, დიდგულობის ნატამალიც არ შეჰმატებია. არც არასდროს გასჩენია ვინმეზე განსაკუთრებული შთაბეჭდილების მოხდენის სურვილი. უაზრო, ე.წ. ქალური კეკლუცობა და პრანჭვა-გრეხა სავსებით უცხო რამ იყო მისთვის, ისევე როგორც ცუდმედიდობა. შესაძლოა იმიტომაც, რომ ყოველთვის, ყოველ ფეხის ნაბიჯზე მხოლოდ სიყვარულს, კრძალვას და პატივისცემას გრძნობდა ყველასგან. მაგრამ ახლა, ბოჩისთან მარტო მყოფი, თავის თავს ამჩნევდა, რომ ზოგჯერ შეფარულად კეკლუცობდა კიდეც და თავს აწონებდა ბიჭს. ხანდახან ზედმეტადაც კი სარგებლობდა თავისი უპირატესი მდგომარეობით, და არც პატარ-პატარა ეშმაკობებს გაურბოდა ხოლმე.

ერთხელ სთხოვა ბოჩის, სახლამდე არ გამაცილო, მარტო წავალო. რათაო, ვერ გაიგო ბიჭმა. ასე მინდაო, უთხრა გოგომ. არაო, არ დაუთმო ბოჩიმ. ციციმ მაინც თავისი გაიტანა გაჯიუტებულმა. რაკი შენ ასე გასურსო!.. – ბოჩიმ გულზე მორჩილად მიიღო ხელი და გაეცალა.

უზარმაზარი ფიჭვის ძირში შედგა ციცი და მიმავალ ბოჩის უყურებდა. გული მოეწურა ერთბაშად. ბოჩის სიარულშიც კი ეტყობოდა გულნატკენობა. „რისთვის, რატომ გავანანყენე?“ – გაუგებარი იყო თვით მისთვისაც ეს ახირებულობა.

თუთარჩელა დღესავით ანათებდა არე-მიდამოს. იდგა ხის ქვეშ, ჩრდილში, და სინანულით შესცქეროდა თანდათან როგორ შორდებოდა ბოჩი. იქნებ მოხედოსო – ინატრა გულში ანაზდეულად, მაგრამ ბოჩი ოდნავ თავნახრილი, თავისებური გრძელი, მძიმე ნაბიჯებით მიალაჯებდა და ეტყობა, უკან მოხედვას აღარც ფიქრობდა.

– ბოჩია! – აღმოხდა უნებურად.

წამსვე შემოტრიალდა, თითქოს ამ ძახილს ელოდებოდაო, მეორე წამს გოგოსთან გაჩნდა.

უნდოდა ამ მორჩილებისთვის მოხვეოდა, ეკოცნა, მაგრამ... მხოლოდ ღიმილი შეაგება აღელვებულმა.

– რა იყო, ცი? – დაიხარა. თვალებში ჩახედვა: – ხომ არ შეგეშინდა?

– არა. არაფერი. ისე დაგიძახე. მაპატიე. ახლა წადი. გაბრუნდი.

თითები ნაზად მოუთათუნა ლოყაზე გოგოს, მერე ყელზე ჩამოუცუხრა.

– არა უშავს, ციცი, ჩემი ჟამიც დადგება. გადაგიხდი ყველაფერს! – ჩურჩულით უთხრა და როგორღაც უცნაურად ჩაიციხა: – ოჰ, რომ იცოდე, როგორ ვიყრი ჯავრს ჩემი წვალებისათვის! – ხმა გაეზარა, ტუჩებზე ძლივს შესამჩნევმა, ნანვალებმა ღიმილმა გადაურბინა. მერე ისევ დაიხარა ციციკენ.

– როგორი სახე გაგიხდა, იცი? შეშინებული ხობხის ბჟიტივით! რაო, შენ მართლა ხომ არ შეგეშინდა? – ჩვეულებისამებრ, თავი უკან გადაიგდო და ხმამალა გაიციხა:

– აკი ასეთი ვარო, ისეთი ვარო. არაფრის არ მეშინიაო? – უცებ თავისკენ მოიზიდა გოგო, მის ფუშფუშა, რბილ თმაში ჩამალა სახე და აბუტბუტდა:

– იმ დღეს, დადისთან რომ მიგიყვანე, არ უნდა გამომეშვი, უკან. მარა შენი მომეხატრა, ეწყინება მეთქი... არადა, რათ მინდოდა ეს ნიშნობა? – თავი დაუჭირა, სახეში ჩახედვა ხანგრძლივი მზერით. თვალები მორღვეოდა ბიჭს, სახე მღელვარებისგან გადასტეტკვოდა. უცებ დაიხარა და სწრაფად, მზურვალედ აკოცა გოგოს რამდენჯერმე ტუჩებში, დახრილ ქუთუთოებზე, ბოლოს ხელი შეუშვა!

– წადი ახლა! მე აქედან გიყურებ! – უთხრა მბრძანებლური კილოთი და ციციც უხმოდ დაემორჩილა.

თუმცა ნანყვეტ-ნანყვეტ, ერთმანეთში არეულად, მაგრამ მაინც მკვეთრად, მკაფიოდ შემორჩა მესხიერებას ის, რაც შემდეგ მოხდა...

განსაკუთრებული სიცხადით კი თვალწინ უდგას მალა, ბორცვის კინბურთოში აღმართული სამლოცველოსკენ, ქურუმის წინამძღოლობით ამავალი ნეფე-დედოფლის ხატება. დედოფალს ხელში ყვავილები და მტრედი უჭირავს, ნეფეს – ბროწეულის ნაყოფი.

მზის კაშკაშა სხივებით ალიცლიცებული ცისქვეშ გორაკის ფერდობზე ამ აღმასვლას ისე აღიქვამდა, როგორც ზღაპრული, უცნობი და თვალწარმტაცი სამყაროსკენ დაუსაბამო, უბოლოო ლტოლვას. და როცა მარმარილოს მალაღსვენებელიან საკურთხეველთან მტრედი გაუშვა ცაში, წამსვე ისეთი შეგრძნება დაეფულა, თითქოს ქალღვთაება ნანას, რომელსაც ჩვილი ჩაეკრა მკერდში და რომელსაც ყვავილებს, მცენარეთა ნაყოფსა და მტრედს სწირავდნენ იათნანელები, თავისი სული მიუძღვნა სამერმისო, ზეციური ნეტარებისათვისო.

სამუდამოდ დაახსომდა ციციის აგრეთვე სიტყვა, ახალდაქორწინებული რომ მიმართა ქურუმმა, როცა მან ზედაშე დაუღვარა დედაღვთაებას:

– შვილნო ჩემნო – მზექალავ და მზექაბუკო! დიდი აიაიას გვარტომის მოდგმავ და ფესვო! ღვთაება ნანას საკურთხეველთან დაილოცა გულის კავშირი ესე. ქორწინება მოხდა თქვენის ნებით და ლოცვა-კურთხევით თქვენთა მშობელთა და მახვამურთა. ამიერიდან ერთარსება ხართ თქვენ, მთლიანი და განუყოფელი. ტკივილი თუ სიხარული ერთის – ტკივილი და სიხარულია მეორისთვის, სიკეთე და კეთილდღეობა ერთის – სიკეთე და კეთილდღეობაა მეორისთვის, დანაშაული და შეცოდება ერთის – დანაშაული და შეცოდებაა მეორისთვის. თქვენ, ორივენი თანასწორად ვალდებული ხართ ერთი მეორისა და ნეტარ ღმერთთა წინაშე!

ამიერიდან არ ეგების თქვენს შორის რაიმე დაფარული, გაუცხადებელი.

მე შევთხოვ ღმერთებს ჩვენსას: უზენაეს ქალღვთაებას ნანას – მშობელს და მფარველს ყოველთა სულდგმულთა, ჩვენს მზე-ბარბალს – მნეს და ქომაგს აიას ძე-თურთა, წინამძღოლ მთვარეს – მამას და მცველს ჩვენსას, ციურ მნათობ, დილის ციაგს და ცისკრის ვარსკვლავს, მწყემსთმფარველ ჯუმას, მრისხანე და სამართლიან თარხონს, წყალთა მეუფეს ვობის, ზღვათა ღვთაება ოკეანოსს, ცის კაბადონს და ყველა ჩვენს დიდებულ ღვთაებას – კურთხეულ ჰყონ კავშირი ესე წმინდა და ურღვევი, გამრავლოთ ვარსკვლავებით, მზე და მთვარესავით შეგაბეროთ ერთმანეთს, და დღეგრძელგყოთ სამითაჟამიოდ!

...უკან გამობრუნებულნი, ვაზის თალარის ქვეშ გამოატარეს. ფერხთით ყვავილებსა და ლორთქო ჟვერებს უყრიდნენ. გუგუნებდა საქორწინო სიმღერა „კუჩხი ბედინერი“.

ყოველი ქორწილი – მთელი სოფლის დღესასწაული გახლდათ. ამა-დაც ყველანი – დიდიან-პატარიანად ზეიმობდნენ. იყო საყოველთაო სიხარული, მილოცვები, ლოცვა-კურთხევა, სიცილ-ტკარცალი, ცეკვა-თამაშობა.

ვის ჩიჩილაკი ეჭირა ხელში – თეთრი და ხუჭუჭა წილამურებით¹ დამშვენებული, ვის სუროს, დაფნის, თუთის, რცხილის ტოტები, ვის ყურძნის აკიდოები და ჯაგნები, ვის ხილით სავსე კალანჩხები და ფერად-ფერადი ყვავილები.

გეგეშეების ეზოში, რცხილის ვეება ჩეროში ისხდნენ სოფლის უხუცესნი: თმადათოვლილი, თეთრწვერა კაცები და დადბერა² დიაცები, ისინი, ვინც განაგებდნენ სოფელს, ზრუნავდნენ და მფარველობდნენ თითოეულ მის მკვიდრს, ზიარი და მონაწილენი იყვნენ ყოველი მათგანის ჭირისა თუ ლხინისა.

ნაშუადღევს, მას შემდეგ, როცა წესით და რიგით ჩატარდა პატარძლის სახლში საქორწინო წეს-ჩვეულება, ნეფე-დედოფალი ნავსადგურამდე მიაცილეს და... ნავების წყებაც ადგილიდან დაიძრა, მექორწილებმა ნამარკელისკენ აიღეს გეზი.

საზეიმო ქარავანს მენწინავებოდა გამორჩეულად მორთულ-მოკაზმული ორჩხომელი, სადაც მეფე-დედოფალი იმყოფებოდა. გაჩირაღდნებული ორჩხომელი მაყართა მარჯვე ხელებს სწრაფად და მსუბუქად მიჰყავდა ზღვის წყნარად მოლივლივე ტალღებზე.

ეს განუმეორებელი სანახაობა ციციის მთელი ცხოვრების მანძილზე გაჰყვა ერთ უმშვენიერეს, ღირსსახსოვარ მოგონებად და წარსულის წარმტაც სამკაულად.

...ნავში რომ ჯდებოდნენ, ბოჩი ანაზდად დაიხარა ციციისკენ და ყურში უჩურჩულა: – ჩემი მტირალა გოგო!.. იცი, არ მეგონა, თუ ჩემთან წამოსვლა ასე დაგალონებდა!

ციციმ შეჰღიმა მხოლოდ. მშობლებთან გამომშვიდობებისას, ციციმ ცრემლი ვერ შეიკავა და ახლა ბოჩი ამ გულჩვილობას ნახევრად ხუმრობით და ნახევრად ეჭვგარეული კილოთი საყვედურობდა. თუმცა თვალები კი ემშაკურად უთამაშებდა და სახეზე ბედნიერებისა და კმაყოფილების ღიმილი არ შორდებოდა.

* * *

ომორელთფონი მაშხალებით და კვარებით გაბრდღვიალებული შეეგება მექორწილთ. ეს ზღაპრული შეხვედრაც დაახსომდა ციციის სამა-

¹ ჩიჩილაკის ბურბუშელა.

² საპატრიცემულო მანდილოსანი.

რადუამოდ და ის დიარაც¹, სამ დღე და ღამეს რომ გასტანა.

ქორნილის მეორე დღეს გაიმართა მარულა. მას მოჰყვა შეჯიბრი ჭიდაობაში, მშვილდოსნობაში, შუბის ტყორცნაში ანუ ისინდში. დარჩეული გოგონები და ბიჭები, ზოგი ხანმოთუელნიც – ეცილებოდნენ ერთი მეორეს პირველობაში, ანუ სიჩაუქესა და სიმარჯვეში.

გამარჯვებულთ ხაცეცი² მუხის ფოთლების გვირგვინს ადგამდა თავზე და ვერცხლის ან ბრინჯაოს თასით თუ სურით აჯილდოებდა.

როგორც ნიშონელნი, ისე ნამარკელებნი თავს არ იზოგავდნენ, ოღონდ ნეფე-დედოფლის თვალი დაეცებოთ და გული გაეხარებინათ.

ბოჩიმ შუბის ტყორცნაში მიიღო მონაწილეობა და გამარჯვა კიდეც. შეკრებილებმა ჯილდოდ ციციის კოცნა მოითხოვეს. როცა ჰკოცნიდა, ბოჩიმ, ყურში ჩაუფურჩულა: – ასე ვიცით ჩვენ, ოშორელთფონელებმა!

ციციის გაელემა და გაიფიქრა:

„რაფერ უყვარს პირველობა ყველაფერში! რა ბავშვურად ყოყლოჩინა და თავმოთნე ხდება... თუმცა... უხდება კიდეც ეს თავმონონება!“

წესით, ციცისაც შეეძლო მონაწილეობა მიელო შეჯიბრებაში, მაგრამ ახლა ისე იყო ალგზნებულ-აფორიაქებული, ტვინისა და სხეულის დაძაბვის თავი აღარ ჰქონდა.

სანამ ქორნილი გრძელდებოდა, მეფე-დედოფალს, წესისამებრ, ცალ-ცალკე აწვევდნენ.

მეოთხე დღეს, დილაადრიანად გოგონებისა და ვაჟების გუნდმა მთელმა მაყრიონმა და მდადემ-სახემწყაზარმა ნებამ – მიაცილეს საქორნიო ქოხამდე ნეფე-დედოფალი.

ფაცხა მომცრო გორაკზე იდგა და ზღვას გადაჰყურებდა. იგი ლერწმისგან, ტირიფებისა და ხვიარებისგან იყო მონწული. დაბალფეხებიან ხის მოჩუქურთმებული სანოლის წინ, სოხანეზე ეგო დიდი, ჭრელი ნოხი, ყვავილებით მოფენილი...

აქ, განმარტოვებით უნდა გაეტარებინათ ციციის და ბოჩის ერთი თვე. თვის გასვლის შემდეგ ისევე მაყრიონი მიაცილებდა ფაცხიდან ბოჩის სახლამდე, სადაც გაგრძელდებოდა ახალდაქორნიებულთა ჩვეულებრივი ცხოვრება – ყოველდღიური ოჯახური საქმიანობითა და საზრუნავით სავსე. მაგრამ შემდეგაც, კაი ხნის განმავლობაში ხაცეცი განსაკუთრებული მზრუნველობისა და ყურადღების საგანი გახლდათ ყოველი ახლობლისა თუ გარეულისთვის. ყველა ცდილობდა რითიმე ესამოვნებინა მისთვის, ყველანი თვალეში შესცქეროდნენ და პატარძალიც, თავის მხრივ, თავს მოვალედ მიიჩნევდა, არავინ ეწყენინებინა, ალერსიანად და

თბილად მოქცეოდა შინაურსაც და გარეშესაც.

მაგრამ ის ერთი თვე, ქოხში გატარებული, სულ სხვა იყო მაინც, და ისიც ზღაპრულ ზმანებასავით შემორჩა ციციის ცნობიერებას.

საჭმელ-სასმელი ორ-სამ დღეში ერთხელ ამოჰქონდათ მათთვის დობილებსა და ძმობილებს. დანარჩენი დრო დილიდან საღამომდე ხან ზღვაზე იყვნენ და თევზაობდნენ, ხანაც ტყეში დაბორიალობდნენ და გვიან ბრუნდებოდნენ საოცნებო ფაცხაში – ყვავილებით, ბალახეულობითა და ფარდავით მოფენილ სოხანეზე წვებოდნენ და უყვარდათ ერთმანეთი. მთვარე უწევდა სანათურის მაგივრობას, ხოლო თუ წვიმიანი ამინდი შეესწრებოდათ, რაც ასე იშვიათი იყო, სურნელოვანი ფიჭვის კვარი ანათებდა ამ ზღაპრულ ქოხს და ჯადოსნურ განწყობილებას უქმნიდა ორთავებს.

ციცი ვერ წარმოიდგენდა ვერასდროს, თუ ამდენი სინაზის, სიფაქიზისა და მიხვედრილობის შეგრძნება აღმოაჩნდებოდა ამ, ერთი შეხედვით, თითქოს ოდნავ ალიჟვერა ბიჭს – საოცარ, ჯერაც გაურკვეველ ურთიერთობაში არაფერი რომ არ ემლებოდა. ეს იყო ალბათ ცით მომადლებული ნიჭი და უნარი, უფრო კი გუმანი და ალლო, ვიდრე ცოდნა, და ალბათ მთავარი მაინც ის გახლდათ, რომ ბოჩის უყვარდა. უყვარდა გულწრფელად, მთელი თავისი არსებით. ყველაფერი ეს აადვილებდა ურთიერთდაახლოებას, აადვილებდა სასიყვარულო ურთიერთობაში გამოუცდელი, გაუნაფავი და მიამიტი გოგონას ქალად ქცევას. ალბათ ამიტომაც მოიგონეს მათმა წინაპრებმა ეს განმარტოებული ქოხიც და ერთად და მარტოდ ყოფნის ეს ერთი თვეც, როცა არავინ და არაფერი გიშლის შეეგუო და შეეთვისო ერთი მეორეს. ალბათ ესეც იყო იათნანური ოჯახების სიმტკიცისა და სინმინდის ბალავართაგანი.

იმ ერთ თვეს ციცი და ბოჩი იყვნენ ნამდვილი მეფე და დედოფალი. მოსამსახურედ და ქვეშევრდომად ჰყავდათ მთელი ქვეყნიერება, მთელი იათნანას კუნძული, ყოველი იათნანელი დედაკაცი და მამაკაცი.

ამ ხნის მანძილზე მხოლოდ ორჯერ ესტუმრა მათ დადი, ხელძღვენი დატვირთული. უფროსებს, წესით, არ ჰქონდათ უფლება სწვეოდნენ ახლადდაქორნიებულთ. მხოლოდ თანატოლები, ისიც ერთობ მცირე ხნით, თუ ხდებოდნენ ქოხის ბინადართა სტუმარნი.

დადის დანახვაზე მყისვე ის წამი მოაგონდა ციციის, როცა იგი კიბის თავზე მდგარი, ჯამით ხელში იდგა და ელოდებოდა პატარძლის მოახლოებას.

ციციმ, როგორც დიდი ხნის ახლობელ და ძვირფას პიროვნებას, ისე შეჰლიმა მაშინ და როცა დადიმ ჯამიდან ფეტვის მარცვლები გადააყარა თავზე, ისეთი შეგრძნება გაუჩნდა, თითქოს ზეციდან ბედნიერების

¹ ნადიმი.

² პატარძალი.

კალთა დააბერტყაო ქალღვთაებამ და ის კოცნა და მოხვევნაც ცის დედოფლის მშობლიურ მოფერებად აღიქვა.

ხოლო შემდეგ, როცა დადიმ დიდ მუხას შემოატარა ისინი ანთებულ-ლი სანთლებით ხელში, როცა მარანში დალოცა საზედაშე ქარვისფერი ღვინოთი ნეფე-პატარძალი – თხემით ტერფამდე ჟღერანტელმა დაუარა ციცის. დადის წარმტაცი, შთაგონებული სახე და თვალები წარუხოცელი ტვიფარით აღიბეჭდა მის გონებაში და მას სიცოცხლის ბოლომდე არ ეწერა დავინყების უკუნში ჩაძირვა.

...დადი ზუსტად იმდენ ხანს დარჩა, რამდენიც საჭირო იყო იმისათვის, რომ თავი არ შეეწყინებინა მათთვის. მართალია, ციცის გულით არ უნდოდა დადი წასულიყო, მაგრამ ქვეცნობიერად გრძნობდა, რომ ბოჩის აღარ სურდა მეტ ხანს მისი დარჩენა, თუმცა აღმერთებდა თავის ღვთივმშვენიერ ბეზიას. (წესით, ქმრის არა თუ მშობლებს, ახლო ნათესავებსაც პატარძალი სახელით ვერ მიმართავდა: ან სხვა სახელი უნდა შეერქმია, ან გაურკვევლად, სახელდების გარეშე მოეხსენიებინა. ის კი არა, მეუღლისთვისაც, სხვათა თანდასწრებით, სახელი არ უნდა დაეძახა. ქმარიც ასევე უნდა მოქცეოდა ცოლს. ასეთი იყო ოდინდელი წესჩვეულება, მათი მშობლებიც ერთმანეთს მხოლოდ თოლიგეთი ანდა შურიგეთი მიმართავდნენ ხოლმე. მაგრამ ეს ძველებური წესი უცხოელთა ნაბაძეთ, ნელ-ნელა ისპობოდა, ახალგაზრდობა ნაკლებად მისდევდა მას. ციცის კი მოსწონდა ეს წესი და მით უმეტეს, დადისთან ცდილობდა დაეცვა იგი).

ბოჩი სიყვარულშიც ისეთივე ხარბი აღმოჩნდა, როგორც სხვა სიამოვნებათა მიმართ სჩვეოდა ხოლმე სულსწრაფობა... მუდამ მის წინ უნდა ეტრიალა ციცის, მხოლოდ მისით უნდა ყოფილიყო დაკავებული. ეჭვიანობდა აშკარად თუ ფარულად ყველასა და ყველაფრის მიმართ: ეჭვიანობდა ზღვისადმიც, თუკი ოდნავ მაინც დაახანებდა წყალში, ეჭვიანობდა ნიავის მიმართაც, თუკი ციცის სიამოვნებდა ნიავის ლამუნის, ეჭვიანობდა ყოველი წუთის, ყოველი წამის მიმართ, რომელიც მას არ ეკუთვნოდა.

მაშინ ახალისებდა და ართობდა კიდეც ციცის ამგვარი დამოკიდებულება და აღარ ეჩვენებოდა იგი მისი ხასიათის განსაკუთრებულ თვისებად, რომელიც შემდეგში უფრო ცხადად გამოიკვეთებოდა, გამოაჩენდა ამ მესაკუთრულ, მხოლოდ „ჩემი“ და „მე“-ს ბუნებას.

მაშინ კი, მაშინ ყველაფერი დიდებული იყო და თუკი ბედნიერება არსებობს ამ ქვეყანაზე, ციცი და ბოჩი ბედნიერნი იყვნენ.

...ერთხელ, გამთენიის ჟამს ზღვის საშინელმა გუგუნმა გამოაღვიძა ორივე. თითქმის ერთდროულად. წამოცვივდნენ და გავარდნენ გარეთ.

ზღვა ბობოქრობდა. მთებისოდენა ტალღები ცოფიანად ეხლებოდა ნაპირს, მერმე ნამსხვრევებად ქცეული, ერთიანად დაშლილ-დაღვნილი, ხრიალით მიიხვეტავდა ქვიშა-ლორლს. მერმე ისევ საშინელი ბრდღვინვა-ღრიალით, უცნაური გამმაგებით ასკვებოდა ნაპირს, რათა კვლავ დაფშვნილიყო ნაწილ-ნაწილ და... ამ ჯიბრიან წადილს არ უჩანდა ბოლო.

იყო რალაც ზარდამცემი და დიდებულიც ამთაგორებული ტალღების ამ ლენვა-ხეთქებაში.

– რა განრისხება იცის ზღვამ, არა, ციცი?.. რა ბუმბერაზულია მისი გულისწყრომა!

ბოჩი შეუკავებელი აღტკინებით გასცქეროდა ჩაშავებულ და გადარეულ სტიქიონს, მოგლეჯილ, დევისხელა ხეებს პატარა ნაფოტივით რომ აბურთავებდა.

– კაცის გულივითაა ზღვა!.. – თითქოს ხმამაღლა ფიქრობდა ბოჩი და დოინჯშემოყრილი, თვალს ვერ აცილებდა ამ გონისშემარყვეველ სანახაობას. მართლაცაა! კაცის გულს არ ჰგავს ზღვა? როგორი წყნარი, მშვიდი, უდრტვინველი და ნაზი შეუძლია იყოს და... ამავე დროს, რა მძვინვარე, დაუნდობელი და სასტიკია – თუკი განრისხდა!

უცნაური ძრწოლვა და მღელვარება იპყრობდა ციცის, ასე აზავთებულ, ფაფარაშლილ ტალღებს რომ უმზერდა. აშინებდა და აფრთხობდა ეს ზათქი და გრიალი, თუმცა ცდილობდა ბოჩისთვის არ ეგრძნობინებინა თავისი შემფოთება.

– მე... მშვიდი, წყნარი ზღვა უფრო მიყვარს, – ჩაილაპარაკა ციციმ ძლივს დაფარული კრთომით და უნებლიეთ უფრო აეკრა ბოჩის, მაგრამ ბოჩი თითქოს აღარ უსმენდა მას და თავის ფიქრებს უფრო ეხმინებოდა: – ზღვა საოცარია ყოველთვის: მშვიდიც და გადარეულიც და როცა უყურებ... გინდა მოიარო ქვეყნიერება კიდე-კიდემდე!

აღარ წვიმდა, მაგრამ ცა ისევ ისე ჩამოქუფრულიყო. გაფუებული, შავლეგო ღრუბლები ინენებოდნენ, ნაფლეთ-ნაფლეთებად დაქუც-მაცებულნი, კვლავ უერთდებოდნენ ერთმანეთს და საოცარ სურათებს ხატავდნენ ცაზე: ხან ცხვირნამახულ, საბრძოლო გემებს წააგავდნენ ისინი, აფრებგაშლილთ, ხანაც კორტოხებზე შემომდგარ სასახლეებს და ეს ჩამოძენძილი, მუნაფილი¹ ცა, აყალყებული ტალღების წრეგადასული გრიალ-გუგუნის, ჩამრუმებული ირგვლივითი რალაცნაირ არამინიერ, არაამქვეყნიერ განწყობილებას ზადებდა.

ციცი და ბოჩი ხელიხელგადახვეულნი, ფეხშიშველნი მდუმრიად მიუყვებოდნენ სანაპიროს. ტერფები სველ, გრილ სილაში ეფლობოდათ, წვივებზე თეთრი ქაფი ემხეფებოდათ და ისეთი შეგრძნება ჰქონდათ,

¹ მოღრუბლული, აქ – ჩაშავებული.

თითქოს უცებ, მოულოდნელად გამოირიყნენ სადღაც უდაბურ, უკაც-რიელ ტრამალში – ძე-ხორციელის ჭაჭანება რომ არ იყო არსად და ამ ბინდის საუფლოში, ქვეყნიერების კიდევან მხოლოდ ეს გაშმაგებული, ყურისწამლები გნასი იდგა და აწრიალებული, უმწეო თოლიების უსუსური ყიპყიპი – სხვა არაფერი.

თითქოს მარტოოდენ ის და ბოჩილა დარჩნენ ამ მრუშე ცისქვეშეთში, მიუსაფარნი, ეულნი, მიტოვებულნი ყოველი სულიერი არსების მიერ, გარიყულნი კაცთა მოდგმისაგან: მაგრამ მარტოობის ეს შეგრძნება სულაც არ იყო დამთრგუნველი, სულის შემხუთავი და უსასოო. პირიქით, თითქოს რაღაც საიდუმლოებას ნაზიარებნი, უხილავი ძაფებით უკავშირდებოდნენ ზესთაზენურ ძალებს, თითქოს სული საოცარი ძალისხმევით ისწრაფოდა ამ მინიერი ყოფიერებიდან გაღწევას და შორს, სულ სხვა, მიღმიერ, უკიდევანო სივრცეებში განავარდნებას.

იყო რაღაც ამ შეგრძნებაში ისეთი, რასაც ზოგჯერ ოხვამეში, კაბდელთა გალობის დროს რომ განიცდიდა ხოლმე.

ბოჩის ხანგამოშვებით ჟრჟოლა უვლიდა ტანში.

– შეგცივდა? – ჰკითხა ციციმ ცოტა არ იყოს გაკვირვებულმა და ყურადღებითა და თანაგრძნობით ახედა.

– არა. სიცივის ბრაღი არაა ეს! – თქვა და უფრო მაგრად მიიკრა ქალი გვერდზე. თვალები უშტერდებოდა წამდაუნუმ. დროდადრო თითქოს ითიშებოდა კიდევ:

– ხომ რა პატარა და უსუსური ჩანს კაცი ამ ვეება ძალის წინაშე, – როგორღაც ყრუდ, სვენებ-სვენებით წარმოთქვამდა სიტყვებს: – და მაინც... ერთი სული მაქვს ზოგჯერ, შევერკინო მას და... ან ამ ტალღებით დავიღუნო, ან არადა თავად ამოვივლო ლაჯებში, დავფშვნა, დავამსხვრიო, მერმე მოვაჯდე ქეჩოზე და ნაცემი ფინია ძალღივით გავიგდო წინ, ვანკ-მუტუნო და ვავიშვიშო დამარცხებულ-დამცირებული და მოთვინიერებული, – კბილებში ცრიდა სიტყვებს, თვალეში უცნაური ალი ულაპლაპებდა.

ბოჩიმ წამით იყურა ისევ. აღარ კანკალებდა ახლა, თუმცა კუნთები დაჭიმული ჰქონდა კვლავინდებურად.

– არ მახსოვს, ციცი, გიამბე თუ არა შენ, ბიძაჩემზე, ფინიკიაში, ტიროსში რომ ცხოვრობს!

ციციმ თავი გააქნია უარის ნიშნად.

– მამაჩემის უფროსი ძმა ჯერ კიდევ სულ ახალგაზრდა წასულა ოშორადან ფინიკიაში. ახლა იგი დიდი კაცია იქ, სახელიანი და უსაზღვროდ მდიდარი... ამ რამდენიმე წლის წინ იათნანაზე ჩამოვიდა, ჩვენი აქ ყოფნა გაუგია და... გვინახულა. მე მაშინ თხუთმეტ-თექვსმეტი წლის ვიყავი.

პირველად ვნახე ბიძაჩემი – ლამაზი, ბრგე, თმაჭალარა, თავაზიანი მამაკაცი. მაშინ ბაბუა ქუჯიც ცოცხალი იყო... ბევრი ისაუბრეს, თავს გადახდენილი ამბები მოიგონეს... ბოლოს, ჩემი წაყვანა მოინდომა ფინიკიაში გამოუშვითო, სთხოვა დადის და ბაბუას, სიმდიდრესთან ერთად სახელსა და პატივს შეიძენსო. მეო ყველაფერში ხელს შევეუნებო, მერმე ისევ დაბრუნდებო თქვენთან. არ ქნეს ჩვენებმა. განსაკუთრებით არ ინდომა დადიმ: უკვე მოხუცებულნი ვართო ჩვენ, ერთადერთი ეს ბალანა შეგვრჩაო და ვერ გავიმეტებთო უცხო ქვეყანაში გასაგზავნად. მაშინაო, ერთი-ორი წლით მაინც გამატანეთო, ჰაკაფთას¹, ბაბილონს და ფინიკიას მოვატარებ, ბევრ რამეს ნახავს საგულისხმოს, ყურადსაღებს და გამოსადეგსო. დადის არ უნდოდა მცირე ხნითაც გავეშვი, მარა შემატყო, სული რო მიკანკანებდა და... შევეცოდე... ბაბუაც არ იყო უარს ამაზე.

ბოჩი გაჩუმდა. თვალწინ ერთბაშად წარმოუდგა ის სურათი, გახარებული რომ მივარდა ბებიას და კოცნა დაუნყო. არ მეგონა, თუ ასე გაგახარებდაო ჩვენგან ნასვლა, ვითომ იხუმრა დადიმ, მაგრამ ცრემლიანი თვალეებით კი იღიმებოდა. არა. არ იყო დადი მაშინ მართალი. მათი დატოვება კი არ უხაროდა, არამედ ის, რომ ნახავდა იმ შორეულ და უცნობ ქვეყნებს, ამდენს რომ ოცნებობდა მათზე, უხაროდა, რომ იმოგზაურებდა...

– მერმე? – ჰკითხა ციციმ წამიერად გარინდებულ ბოჩის. იგი შეირხა. თავი გაიქნია, თითქოს რაღაც აბეზარ ფიქრს თუ ჩვენებას იშორებო.

– რა მერმე?... მერმე აგერ ვარ ახლა, შენთან! – კვლავ მხარზე ხელი გადახვია ციცის და სახეში ჩახედა. ნაძალადევი მოეჩვენა რატომღაც ციცის მისი სიცილი.

– რა ნახე-მეთქი იქ? როგორ მოგეწონა იქაურობა?

– აბა, რა უნდა გითხრა, ციცი? – მხრები შეათამაშა ბოჩიმ და მცირე ხნის შემდეგ დაუმატა: – სულ სხვანაირი ქვეყნებია, სულ სხვანაირი ცხოვრება... ჯიშადის² ისეთი დობორე უდგას ტიროსში, რომ სიზმარშიც ვერ ნახავს კაცი. აურაცხელი სიმდიდრის – ოქრო-ვერცხლის, მონა-მხევლებისა და გემების მფლობელია.

– ქალები? რანაირი ქალები ჰყავთ? ლამაზები თუ არიან? – შეანყვეტინა ანაზდად ციციმ მოუთმენელი ხმით.

– ქალები?... იცი, იმდენად ლამაზები როდი არიან, მარა... ისე უვლიან თავიანთ თავს, ისე იმშვენიერებენ სახეს და სხეულს სხვადასხვანაირი ფერ-უმარილით და ნელსაცხებლებით, ისეთ სამოსს და სამკაულებს ატარებენ, რომ... მათხოჯიც კი მიმზიდველად გამოიყურება.

¹ ეგვიპტე.

² ბიძა.

– კაცები თითო ცოლს არ სჯერდებიან, არა?
 – ხო. მასეა ეგ! მათში მიღებულია მრავალცოლიანობა. მათი ღმერთები ამის ნებას რთავენ.
 – ბიძაშენსაც... ბევრი ცოლი ჰყავს, არა?
 – წეს-ჩვეულება აქვთ ეგეთი მაქაურებს...
 – რამდენი ჰყავს მაინც? მითხარი...
 – სამი სჯულიერი...
 – ხოლო ისე, ისე ვინ მოთვლის, არა?.. – ციცი წამიერად გატვრინდა, მერმე თითქოს ფიქრშიაო, ისე იკითხა:
 – შენი ჯიშადი ხომ ოშორელია?
 – ოშორელი? – უცებ სიცილი აუტყდა ბოჩის, მაგრამ ციცის მოღრუბლულ სახეს რომ შეხედა, სიცილი დაიოკა.
 – ბავშვი ხარ, ციცი შენ, სულ მთლად ჩიჩქი! – უთხრა მერმე შემწყნარებლური ხმით და თვალებით გაუღიმა, მიესიყვარულა.
 – დაიცა... რათა ვარ ბავშვი?.. რა ვთქვი ასეთი სასაცილო?
 – რას დაგიდევს, გოგო, ხათა ჯიჯი¹ ოშორელობას? სასაცილოა, აბა არა!
 – მისთვის სულ ერთია ვინ იქნება, არა?.. ეს გინდოდა წელან გეთქვა, ხომ?
 – ხათა ჯიჯისთვის მთავარია – იცხოვროს კარგად, თავის გუნებისდა მიხედვით, ხოლო სად, რომელ ქვეყანაში დაიდებს ბინას... ამას არავითარი მნიშვნელობა არა აქვს მისთვის.
 – გასაგებია. ამადაც ეპატარავა უთუოდ თავის სარბიელად ოშორა და უფრო ვრცელი და კათამრავალი ქვეყანა აირჩია! ჰაკაფთაში რომ მოხვედრილიყო – ჰაკაფთელი იქნებოდა, ბაბილონი – ბაბილონელი!
 – აი შენ ენამწარობ, ციცი, მარა ბიძაჩემი მაინც დიდად წყალობს ოშორელთ და... საერთოდ, ჩვენი გვარტომის კათას. მის მზეს ფიცულობენ, ვინც კი იქ ცხოვრობს, ჩვენებური. ეგრეა!
 – შენ... ვითლა გამოგიშვა?.. საკვირველია პირდაპირ!
 – დადომ ფიცი ჩამოართვა და... მეც შევფიცე ბებია და ბაბუას, დავბრუნდები-თქვა დათქმულ ვადაში.
 – ფიცი რო არა, დარჩებოდი?
 ბოჩიმ გვერდულად გამოხედა ციცის, რომელსაც დრო ეხელთა და მკლავებიდან დასხლტომოდა. ბოჩი ერთხანს უძრავად მდგარი, უყურებდა წინ მიმავალ ციცის.
 – ციცი! – დაუძახა ბოლოს. ქალმა უკან მოუხედავად განაგრძო გზა. ბოჩი მსწრაფლ წამოეწია.

¹ ბიძა მოფეებით.

– ცი, რა მოგივიდა?
 – გამიშვი რა ხელი...
 – რა მოგივიდა-მეთქი? – უფრო მაგრად მოხვია მკლავები, თავისკენ მოაბრუნა თითქმის ძალით და სახეში ჩააცქერდა.
 – არაფერი. რა უნდა მომსვლოდა? – ქალს ქუთუთოები დაეხარა, ტუჩები გაებუტა.
 – მაინც, მაინც?
 – არა, ერთი რამ მიკვირს ისე: ბიძაშენი იმდენ რამეს გპირდებოდა თურმე და... ვით არ დარჩი იქ? ლამაზი ქალებიც ბლომად გეყოლებოდა. სიმდიდრე, ძალაუფლება, განცხრომა. მეტი რაა საჭირო ბედნიერებისთვის? – ციცი შეჩერდა. თითქოს შესაფერის სიტყვებს ეძებდა და ვერ პოულობდა: – ნუთუ... ფიცის გატეხის შეგეშინდა? ბიძაშენი აკი არ მორიდებია წინაპართა ღმერთებს?
 თითქოს პირველად ხედავსო, ბოჩი დაკვირვებული, დაჟინებული მზერით დასცქეროდა ციცის წამოგზნებულ სახეს, აბზინვარებულ თვალებს; ტუჩებზე გამომწვევი, დამცინავი ღიმილი გასწოლოდა ქალს. ამნაირი ციცი არასდროს უნახავს სხვა დროს.
 ხელები შეუშვა ერთბაშად. განზე გადგა და გამძვინვარებულ ზღვას გახედა ფიქრიანი თვალებით.
 – რად გაჩუმდი?.. არ იცი რა თქვა, ხომ?
 მყის მოუბრუნდა შემართულ ქალს და... ხმის გაგრძელებით, თითქმის ჩურჩულით უთხრა:
 – მე აღარ ვინდომე იქ დარჩენა და წამოვედი მარტო ფიცის გამო კი არა... აქაურობა მომენატრა მე ძალიან.
 ციცი დადრკა. რატომღაც გული აუჩვილდა, თვალებზე ცრემლი მოადგა.
 – შენ არ უწყი, ციცი... შენ ვერ წარმოიდგენ, რა პატარაა ჩვენი იათნანა იმ უზარმაზარი ქვეყნების წინაშე! ერთი ციცქნა, ნამცეცა და მაინც...
 – ადრე ჩვენც ვიყავით დიდი, ჩვენც ვრცელი მიწა-წყალი გვეჭირა, სანამ... დავიფანტებოდით. თუ... დავფანტავდნენ! მოძალადენი! ჩვენი გვარტომელნი ახლაც ბევრგან სახლობენ და არავის ჩამოუვარდებიან თურმე არც მიწა-წყლის სიმრავლით და არც სიმდიდრით, მაგრამ...
 მაგრამ ქვეყნის სიმცირე თუ სიდიდე რა ბედენაა!.. მთავარია... – წამით შეყოყმანდა, თითქოს ენა შეუბრკოლდა. მერმე შეეცადა ის აზრი, რამაც ახლა უცაბედად თავში გაურბინა და შეაკრთო, სიტყვიერად გადმოეცა:
 – სადაც არ უნდა იყო – დიდი თუ პატარა ცისქვეშ, მთავარია, მე მგონი – ვინ ხარ შენ თვითონ, რა სულიერი! აკი ვამბობთ კიდევ იათნანელები: რა სულიერი ხარო! ესე იგი, კაცის თუ ცხოველის სული გიდგასო.

– ჰოი, რა სასწაული გოგო ხარ შენ, ციცი გეგეშხე! – გაიცინა ბოჩიმ უეცრად და ქალს მყისვე შემოესალტა, თვალეებში ღრმად, ხანგრძლივად ჩახედა კვლავ: – რანაირი თვალეები გაქვს ახლა, იცი? ამ ზღვასავით ჩამუქებული და უძირო... ზღვასავით ცვალებადია შენი თვალეების ფერი, ცი! – შმაგად დაუნყო კოცნა. მერმე უცებვე დაცხრა, ქალის თმაში ჩამალა სახე და აბუტბუტდა: – ეჰ, რამდენიც არ უნდა იხეტილო უცხო ქვეყნებში, უნდა დაუბრუნდე მაინც შენს მშობლიურ ბუდეს. შენს სამუდამო ნავსაყუდელს. ასე არაა განა?.. რაფერ მიყურებ, ცი?.. ალბათ ფიქრობ... ოჰ, ჩემი საყვარელი მაცირია!, ჩემი ჭკვიანი და სულელი გოგო! – მხარზე მოხვია ხელი: – მოდი, დავბრუნდეთ, ცი, ჩვენს დოხოორეში!.. გვეყოფა ამდენი წაწნალი!..

უკან რომ მოდიოდნენ, წამოჟინჭლა. ზღვა ისევ ისე ბობოქრობდა, გამედგრებით ეხლებოდა ნაპირს და ცხვირპირდალენილი, ხრი-ალით, გულში ჩაბრუნებული ბოლმითა და მუქარით იხევდა უკან, რომ ხელმეორედ, უფრო მეტის გახელებით და ჟინით დაცხრომოდა თავის ოდინდელ დაუძინებელ მტერს, აგრერიგად რომ არ ეპუებოდა მის მრისხანებას.

ბოჩი უეცრად შედგა.

– ზღვაში შევალ ახლა მე, ციცი, და შენ... არაფრის შეგეშინდეს. აქ დამელოდე! – ძალიან მშვიდი, ძალიან წყნარი იყო მისი ხმა. თვალეებში კი – მოუთოკავი, ველური ჟინი ენთო.

– ბოჩია, ხომ არ გადაირიე? – შეიცხადა ციციმ და მთელი ტანით ჩამოეკიდა ბოჩის მკლავზე.

– ნუ გეშინია, ჩემო გოგო!.. არაფერი მომივა. ნახავ აგერ!

ქალი ჩამოიშორა და ზღვისკენ გაალაჯა. განწირული ხმით იკვივლა ციციმ და ქვიშაში ჩაემხო მუხლმოკვეთილი.

გონს რომ მოეგო, ბოჩი ჩაჩოქილიყო მის წინ და ეხვეოდა და ჰკოცნიდა:

– რა იყო, ცი?.. რა მოგივიდა? აი, შენთან ვარ, გენაცვალე! მაჰატიე რა... ჭირიმე შენი, ჩემი საყვარელი მაცირია!

მდულარე ცრემლები წასკდა ციციის თვალთაგან. გულამომჯდარი, პატარა ბავშვივით სლუკუნებდა და რაც უფრო მეტს ეფერებოდა ბოჩი, მით უფრო ვერ იკავებდა თავს.

– კაი რა, ციცი. რა მოგივიდა?.. დანყნარდი რა, გვეედრები, გემუდარები!

მერმე ერთბაშად ხელში აიყვანა ქალი და ქოხისკენ გააბიჯა. ზღვა ისევ ღმუოდა ცოფმორეული, ისევ წარღვნით ემუქრებოდა ქვეყნიერე-

ბას, მაგრამ ბოჩი ახლა მისკენ არ იხედებოდა.

იგი ღიმმორეული დასჩერებოდა ცრემლით მორწყული ციციის სახეს და გული უზომო სიამით უცემდა: „ციციის ვუყვარვარ... ციციის ვყვარები-ვარ თურმე მე!.. ჰეი, ზღვის ღვთაებავ, დიდო ოკეანესო!.. მზაკვარო მესეფენო!.. გესმით ჩემი?.. ციციის ვუყვარვარ მე, ცისა და წყლის მადლმა!“

* * *

სახლში მობრუნებულთ, მეორე თუ მესამე დღეს, ნება – ციციის მდადემ და სიყრმის მეგობარმა გაუმხილა ჩუმად, ხვირა ზღვაში დაიხრჩო. არავინ უწყოდა დანამდვილებით, თუ როგორ მოხდა ეს: ამის წინებზე ზღვა რომ იყო გავეშებული, მაშინ შესულა თითქოს საბანაოდ და აღარც უნახავსო მერმე ცოცხალი ვინმეს. ერთი კვირის შემდეგ შემთხვევით უპოვიათო მეზადურეებს ნაპირზე გამორიყული მისი ცხედარი, ყვებოდა თვალცრემლიანი, სახედამწუხრებული ნება და ციცი გუმანით გრძნობდა, კიდევ რალაცა „სხვა“, ფარული აზრი იმალეებოდა მის სიტყვებში, ბოლომდე რომ არ ამხელდა ნება.

ეს იყო პირველი მძიმე დარტყმა, ახალი ცხოვრების დასაწყისში რომ მიაყენა განგებამ ციციის.

ხვირა მისი კბილა იყო, ერთად გაიზარდნენ, ერთად თამაშობდნენ პატარაობისას. ერთად იზიარებდნენ ლხინსაც და ბავშვურ გასაჭირსაც. ზღვისფერ, ლამაზ თვალეებში მუდამ სევდა ედგა ხვირას მაშინაც კი, როცა იცინოდა. ნაღვლიანი იყო მისი სიმღერებიც და მსმენელთ უნებლიე ცრემლს ჰგვრიდა. მაგრამ ეს არ გახლდათ მძიმე კაეშნით გამონვეული ცრემლები. არა. ნაღველი თითქოს მსუბუქი, ჰაეროვანი იყო, და დაფერილი ჩანდა მთვარის იდუმალი ხატებით. მერმე და მერმე უფრო ამჩნევდა ციცი, რომ იათნანური სიმღერების უმეტესობა სევდით იყო მოსევადებული: გულის სიღრმემდე შემძვრელი, მიმწუხრის სევდით. მოგვიანებით დადიმ აუხსნა: ესო, უხსოვარ დროში დაკარგული, ბედნიერი ცხოვრების ხსოვნაო, მახარია, სიმღერის კილო-კავში ჩაღექილ-ჩანურული. ესო, ფარული წუხილი და სინანულიაო, მოუბრუნებელ, ოქროს ხანაზე.

საბრალო ხვირა! ძმასავით უყვარდა იგი ციციის, აკი მაყრადაც მოყვებოდა ქორწილში, მაგრამ ახლა, როცა ცოცხალი აღარ იყო, თითქოს ერთბაშად აეხილა თვალი და მთელი სიცხადით შეიცნო მისი იდუმალი, გაუმხელელი გულისთქმა, მისი გრძნობის სიღრმე.

ბოჩისგან მალულად იგლოვა ბედდამწვარი ხვირა. მისმა დაღუპვამ აუხილა თვალი სხვებზედაც, სიყვარულის გამჟღავნებას რომ ვერ უბედავდნენ და მისი გათხოვება ბოჩიზე ცამონმენდილზე მეხის გავარდ-

¹ პატარა გოგო

ნასავით რომ აღმოჩნდა მათთვის. ციციის ახლა აგონდებოდა ბოჩის სიტყვებიც, ადრე რომ უთხრა და რომლისთვისაც დიდი ყურადღება არ მიუქცევია მაშინ.

ასე იყო თუ ისე, ხვიჩას უბედო ბედი – მისი უდროო სიკვდილი მთელ მის ცხოვრებას გაჰყვა სხვის თვალისთვის შეუმჩნეველ მწარე ტკივილად და სიმძიმედად.

კაი ხნის შემდეგაც, ოდესღაც ხვიჩას გამოთქმულ ლექსს თუ სიმღერას რომ მოისმენდა, თავისდაუნებურად ცრემლები წაწკაროვით ჩამოსდიოდა თვალთაგან, გულზე ნალველი შემოანეებოდა, აი ისეთი ნალველი, ძალიან ძვირფასი, ძალიან ახლობელი პიროვნების დაკარგვის მოგონება რომ იწვევს ხოლმე. და ეს ემართებოდა მაშინაც, თუნდაც ბოჩიც რომ ყოფილიყო მის გვერდით იმ დროს.

ოღონდ არ იცოდა, ხვდებოდა ბოჩი რაიმეს თუ ვერა, ეს კია – არასდროს დაცდენია საყვედურის მსგავსი რამ. პირიქით, თითქოს გამგებიანად აარიდებდა თვალს იმ წამებში და... ციციც ძლიერ მაღლიერი რჩებოდა მისი ამგვარი გულისხმიერების გამო.

ერთხელ საგანგებოდ მოინახულა კიდეც ხვიჩას საფლავი. ეს იყო მიცვალებულთა ხსოვნის დღეს, შურიშდლას¹, ვარდობის თვეში.

იმ მზიან, მშვენიერ დღეს ველის ფერად-ფერადი ყვავილები მიფანტ-მოფანტა ხვიჩას სამარეზე, მერმე ერთხანს იჯდა სევდიანი და მდუმარე და იქ, შიგნით, გულის უშორეს მღვიმეებში დაძრულ ხვიჩას სიმღერას ღიღინებდა უხმოდ, და ამ ტანასხლეტილი, პირმშვენიერი, ნალვლიანი ბიჭის სამარეზე მოტანილი მინდვრის ყვავილები იყო თითქოს სინანულის თუ გულის ტკენის ნიშანიც იმ დაუბრუნებელ და სანეტარო ჟამზე, სიყმანვილე რომ ჰქვია. მერმე, დროთა ვითარებაში, თვით ჩვენივე გული იქცევა ხოლმე აუხდენელ და გაცრუებულ ოცნებათა და იმედების სასაფლაოდ, თან რომ დავატარებთ კუბოს კარამდე.

და დ ი

... ზედიზედ თმაქორობა ბიჭები შეეძინათ ციციის და ბოჩის. ღმერთებს ჩუმად ევედრებოდა ციცი, რომ სწორედ ვაჟი გასჩენოდა, რადგან იცოდა, ბიჭის ყოლა უსაზღვროდ გაახარებდა ბოჩის. და მართლაც, ბიჭი რომ დაებადა, გაფაციცებით ეძებდა ბოჩისთან მსგავსებას, და პოულობდა კიდეც. მაგრამ სინამდვილეში, რაც დრო გადიოდა, ორივენი – გელა და გოჩაც უფრო დედაილები ხდებოდნენ. ბოჩისთვის კი – დედასთან მათი

¹ შაბათი – ამ დღეს გარდაცვლილის საფლავს ყვავილებით, ყვერით ამკობდნენ.

ეს ალიკვალობა, პირიქით, სიამაყისა და სიხარულის წყაროდ ქცეულიყო: ჩემი ბოკვერები დედასავით ლამაზი და მომხიბლავები არიან, ხოლო ხასიათით ჩემისთანა ვაჟკაცები იქნებიანო, იტყოდა ხოლმე თავმონონებით.

ხომ როგორ უყვარდა ბავშვები, ხომ თავს ერჩია, მაგრამ უმთავრესი ყურადღების საგანი მისთვის მაინც ციცი გახლდათ. როცა სახლში იყო და საქმიანობდა, ციციის ყველაფერი უნდა მიეტოვებინა და მის გვერდით ეტრიალა, მხოლოდ მისით ყოფილიყო დაკავებული, მხოლოდ მისთვის უნდა დაეთმო მთელი თავისი დრო და გულისყური. მუშაობის შემდეგ ხეტა ჩეროში, ფარდაგზე უყვარდა ხოლმე ბოჩის კოტრიალი ბავშვებთან ერთად, დიდხანს ეთამაშებოდა, ერკინებოდა, ებლარძუნებოდა, მერმე ჰერი, ერთბაშად წამოუსვამდა ორთავეს ხელებს და მათთვის განკუთვნილ სენაკში შელაღავდა. ციციის კი, უეჭველად, მის გვერდით უნდა მოეკალათნა. მერმე თავს კალთაში ჩაუღებდა და ხან რას უყვებოდა, ხან რას, ხანაც თვალმინაბული, გაშხლართული ინვა და თავს იმძინარებდა. ბავშვების გამო რომ მოუსვენრობას შეატყობდა ციციის - დადი მიხედავს, შენ ნუ გედარდებო, გაუიოლებდა საზრუნავს და ციციც იძულებული ხდებოდა, დამორჩილებოდა მის ნება-სურვილს.

ხოლო დადი მართლა იყო ამ პატარა, მცირერიცხოვანი ფანიის¹ სული და გული, მისი გაჭირვების ტალკვესი. ჯარასავით ტრიალებდა და ფუსფუსებდა დაუზარელად, მოუღლელად, ახალგაზრდული ჯანით აღსავსე: დაქანცვა რა იყო, არ იცოდა, თუმცა კი სამოცდაათ წელს კახისის გადაცილებული იყო; ბადრი მთვარესავით სავსე, თითქმის უნაოჭო სახე თეთრად უქათქათებდა, წელში გამართული სიარული იცოდა და როცა გაიღიმებდა თავისი უჩვეულოდ მომხიბვლელი ღიმილით, უნაკლო, თეთრი კბილების რიგს გამოაჩენდა ხოლმე. შენო, შენს ქმარ-შვილს მიხედე, ისინიც გეყოფა მოსავლელოდო, ეტყოდა ციციის. ბავშვებსაც ის დაგურგურებდა ნიადაგ, და ციციისაც და ბოჩისაც ხომ თავს ევლებოდა და ესათუებოდა.

ბევრი ლაპარაკი არ უყვარდა, მაგრამ თუ ხმას ამოიღებდა, პირიდან თაფლი გადმოსდიოდა თითქოს.

ყველაფერს ასწრებდა: ბალახ-ბულახის შეგროვებასაც, წამლები დამზადებასაც, საოჯახო საქმიანობასაც, მომსვლელთა მიღება-გასტუმრებასაც... არადა, საიდან არ მოდიოდნენ მასთან სწეულნი, ხეიბარნი, გაჭირვებულნი, უნუგეშონი, სასონარკვეთილნი და დადიც თავისი უებრო წამლებით ყველას ჰკურნავდა. ყველას საშველს აძლევდა. დადი ზოგჯერ ენით უფრო არჩენს, ვიდრე წამლითო, ამბობდნენ მასზე სიყვარულით და ასეც იყო. – თუმცა რალა წამლები და სიტყვა, ხანდისხან

¹ ოჯახი.

მარტოდენ თვალის შევლებით, ხელსაც არ დააკარებდა, ისე შევლოდა ავადმყოფთ.

როცა წამლების დამზადებას შეუდგებოდა, წინა სამი დღე და ღამე მარანში ჩაიკეტებოდა, მარხულობდა და ლოცულობდა. წინაპრათა სულელებს მოუხმობდა, მკურნალობის ღვათებას ცირცეს შემწეობას ევედრებოდა მხურვალედ.

ბოჩიმ ერთხელ უთხრა, ცოდვა ხარ დადი, შეეშვი ამ წამლებს, ისედაც უღმერთოდ იღლები, დაისვენე, ველარ გაუძლებ ამდენ ჯაფასო.

მეო, ჩემო მახარია, იმისთვის ვცოცხლობ, რომ გაჭირვებულს დავეხმარო და ამ საქმიანობას სიკვდილამდე ვერ შეველევიო.

არასოდეს, არავისგან დადის თავისი წამლობისთვის გასამრჯელო არ აუღია – არანაირი სახით. ჩემთვის რა უნდა იყოს ამაზე დიდი სიამოვნება, თუკი ვინმეს წავადგებო, წამოცდა ერთხელ დადის და... ბოჩიც ჩამოეხსნა, ამის მეტად აღარ დაუშლია მისთვის აქიმობა.

დადის თავისი, საკუთარი მტილი ჰქონდა გაშენებული, სადაც მხოლოდ სამკურნალო მცენარეები ხარობდნენ და დადი თვალისჩინივით უვლიდა და უფრთხილდებოდა მას.

ტყეშიც დადიოდა ბალახებისა და ყვავილების მოსაგროვებლად. ხანდახან ციციც მიჰყავდა და გზადაგზა უხსნიდა ხოლმე რძია-რძიისა თუ ბაიას, ოშოშიასა თუ შხანკოლას, ცერეცოსა თუ ყვალმითას, ფურისულას თუ მათიტელას, ომბალოსა თუ ლენცოფას, იელის თუ კურკანტელას, მრავალძარღვას თუ ცირცველას, ქაცვის თუ ქამენიას და ათასი სხვა მცენარის სამკურნალო თვისებებს. მართლაც რომ განსაცვიფრებელი იყო დადის განსწავლულობა ამ საქმეში. ჯერ მარტო ყვავილების, ბალახების სახელები დაახვევდა თავბრუს კაცს, მარტო მათი დამახსოვრება ჩანდა შეუძლებელი. ჩვენო, სამწუხაროდ, თანდათან ვკარგავთო დიდ ცოდნას. კირბებმა, მართალია, შემოგვინახეს ჩვენი წინაპრების სიბრძნე, მაგრამ ახლა კირბებსაც საფრთხე ემუქრება, მათი წამკითხავნი და მცოდნენი თითზე ჩამოსათვლელნიღა დარჩნენო და ადვილი შესაძლებელია, ისიც დაიღუპოს, რაც გადაგვირჩა, ისევე, როგორც სხვაც ბევრი რამ გამქარალა ჩვენი დაუდევრობით თუ დროჟამის სიავითო, იცოდა ხოლმე თქმა.

ერთხელაც, ტყეში ყოფნის დროს, დადი დანინაურდა. ციცი უკან მისდევედა მისურით¹ ხელში. რუზე რომ უნდა გადასულიყვნენ, უცებ დადიმ ნაბიჯი შეანელა, მერმე ერთბაშად შეჩერდა და სწრაფად ჩაიმუხლა, სახე ახლოს მიიტანა წყალთან, ყურადღებით დააჩერდა რალაცას. რა იყოო, დადი, შეეხმინა ციცი, მაგრამ მან ხელით ანიშნა – ჩუმად იყავიო და

ციციმაც ხმა გაკმინდა მყისვე. მერმე თვითონაც უხმოდ ჩაიყუნცა შორიასლოს.

დაჟინებით, შეურხეველად ჩასცქეროდა დადი წყალს. კარგა ხანს იყო ასე. ციციც არ ინძრეოდა და მოთმინებით ელოდა მის წამოდგომას.

როდის, როდის წამოიმართა დადი და მერმე უსიტყვოდ, ტანის თავისებური რხევით წინ გასწია. ციციც უხმოდ მიჰყვა.

კარგა ბლომად რომ მოაგროვეს ბალახეულობა – დადი არ ერიდებოდა არც შალდამში, არც შქერის თუ იელის ბუჩქებში ფორთხიას. ნაბლის ტოტებგადაბარჯულ ჩრდილში მოიგუნება ბოლოს დასვენება. ციცის წამუყო და ისიც გვერდით მიუჯდა.

ოფლიანი შუბლი და სახე შეიმშრალა დადიმ ქიცატი, გრძელი ფეხები გამართა, თავი ხის კორძიან ტანს მიადო და გაინაბა. ბაგეზე წყნარი, ჩუმი ღიმილი დასთამაშებდა. ციციც გატრუნული იჯდა, რათა ხელი არ შეეშალა მის ფიქრთა ღინებისათვის.

გამოხდა ხანი. დადი არ იძროდა. ციციმ იფიქრა, ალბათ ჩასთვლი-მაო და ამ დროს, თითქოს იგუმანაო ციცის ნააზრევი, შეტოკდა, ირიბად გამოხედა, თვალეები ეშმაკური ღიმილით უციმციმებდა:

– თითქოს საოცარი და დაუჯერებელია ყოველივე ის, რაც წელან ვიხილე, მახარია! – ოდნავ წამლერებით, საამო ღულუნით იცოდა ხოლმე დადიმ უბნობა. ციციმ ყურები ცქვიტა, სმენად იქცა, მაგრამ კითხვით არაფერი უკითხავს. დადიმ მცირე ხანს დააყოვნა და მერმე განაგრძო: – ჩემო მახა, ჭიანჭველანი, ვითარცა ზოგი სხვა ბინადარი ტყისა, თავიანთი, განსხვავებული ცხოვრებით ცხოვრობენ. აქვთ თავიანთი სახელმწიფო, ჰყავთ საკუთარი მეფე-დედოფალნი, ჯარის მეთაურნი, მხედრიონი. არიან ნოლათა, სოფელთა, ციხე-სიმაგრეთა ამგებნი უებრო. ომობენ ერთმანეთში ჟამიდან-ჟამამდე, ვითარცა კაცნი და ვითარცა კაცნი, ზავდებიან კიდევ. არიან შესაშური შრომისმოყვარენი... აი, შენ გელიმება, მახარია, ამაზე, გარნა წელან... წყალს რომ ჩავცქეროდი... - დადიმ აღარ დაასრულა და კვლავ ფიქრებს მიეცა. ციცი კი სულიმწარედ ელოდა, როდის გააგრძელებდა იგი დაწყებულ საუბარს. გულთმისანი ქალი იყო დადი და, ცხადია, იაზრა, ციცი ცნობისწადილით რომ იყო აწინაბებული. როგორღაც უცნაურად ჩაიღიმილა და შეწყვეტილი თხრობა განაახლა: – ჰოდა, იმას მოგახსენებდი, ჩემო მახა, რომ წელან იმ დროს შევესწარ სწორედ, მეთაურთ ჯარი რომ გადაჰყავდათ რუზე. ერთი წყება დაიხრჩო წინამძღოლიანად, მეორეც, მესამეც... მეხუთე ხიდად განვა, რათა დანარჩენნი გადაეტარებინა გაღმა. დაიხრჩენენ თვითონ, მაგრამ მოძმენი გადასხეს რუს მეორე მხარეს, სადაც დაბანაკებულ იყვნენ მხედრობანი მტერთა... მერმე აღარ ძალმიძდა მზერა, რამეთუ... - ისევ დადუმდა

¹ წნული კალათი.

დადი. კარგა ხნის სიჩუმის შემდეგ, კვლავ რომ ამოიღვა ენა, ციციის ამცნო, თუ ვითარი შეუცნობია ჯერაც კაცთათვის ცხოველთა, მცენარეთა, ფრინველთა, მწერთა და საერთოდ, სამზეოს სულდგმულთა ბუნებითი თვისებანი, მათი წეს-განჩინება. ასე, მაგალითად, ფუტკართა და ზოგი ბალახისმჭამელ ნადირთა ყოფა-ცხოვრება ბევრ რამეში კაცისას ჰგავს და ზოგ შემთხვევაში კი – სჯობია კიდევცო.

ერთ ხანს ენამზეობდა დადი იმ უცნაურ გონიერებაზე, რასაც ზღვის თუ ხმელეთის ზოგიერთი ბინადარნი იჩენენ ხოლმე.

ულრან ტყეში უთავბოლოდ როდი დაძრწიანო ნადირნი, ეზრახებოდა ციციის, არამედ ცხოველთ აქვთო არსთა გამრიგეს ანუ ჟინი ორთას მიერ დაწესებული წეს-ჩვეულება თანაცხოვრებისა ურთიერთ შორის. ცხოველთ აქვთო თავისი შუკები, სამეთვალყურეო ადგილნი, მინისქვეშა გასასვლელნი. ტყის ერთ მონაკვეთზე შეიძლება ცხოვრობდნენო სხვადასხვა ჯიშის ცხოველნი, ვთქვათ ირემი და გარეული ღორი, მელა და მაჩვი და მათ შორის, განსხვავებით კაცთა ნაშიერთგან, სუფევსო მშვიდობა, აღარ მოსდითო ჩხუბი და შეტაკებანი ერთიმეორეში. მოწესრიგებული აქვთო საზღვრები და ურთიერთობები. ამადაც არ ირღვევაო ჟინი ორთას მიერ დაწესებული ნონასწორობანი.

ჩვენო, მინის შვილთ გვეგონიაო, ყოველივე ვუნყით სხვებზე, სინამდვილეში კი, მცირე რამ გაგვეგებაო ჩვენსავე არსზე, ჩვენს ბუნებით ხასიათზე, რამეთუ თავად პანია ჭიანჭველები თუ ვართო იმ უსასრულობის წინაშე, სამყარო რომ ჰქვია, ისეთივენი, როგორადაც ჩვენ ჭიანჭველანი გვესახებიანო. ამადაც არა ხამსო მოკვდავთა გულზვაობა და ქედმაღლობა ერთი მეორის მიმართ და მეტადრე წინაშე ღმერთთა. ამადაც უნდა ცდილობდესო კაცთა მოდგმის ძე-თური იცხოვროს ისე, აღარ ერჩოდესო არა მხოლოდ სხვათა, არამედ ერთმანეთსაცო.

დადიმ იშვიათად თუ იცოდა ხანგრძლივი საუბარი, მაგრამ თუ ალაპარაკდებოდა, უნდა გესმინა სულ, თუმც ოდნავ ძველებურად უქცევდა და ზოგ სიტყვას ველარც იგებდა ციცი და მაინც ნატრობდა გულში, მალე აღარ გაათავებდესო ნეტა. მაგრამ იმედმა არ გაუმართლა. დადიმ ისევე უცებ შეწყვიტა რაგადი¹, როგორც ნამოინყო.

ტყიდან რომ გამოდიოდნენ, ციციმ კინალამ ფეხი დააბიჯა უნასს, კისერაღერილი, სისინით რომ გასრიალდა განზე. მოულოდნელობისაგან შეჰკივლა.

დადის ერთბაშად სახე ეცვალა. თვალეები უცნაურად მოენკურა. ტუჩები ააცმაცუნა. გველი დაიკლაკნა, დაიგრისხა. თვალის დახამხამებაში დადიმ კუდში წაავლო ხელი, ზევით აიტაცა ასხმარტალეული უხ-

სენებელი, მკლავზე დაიხვია სამაჯურებივით, მერმე ორი თითით თავი დაუჭირა და თვალეები გაუშტერა. არასოდეს ენახა ციციის დადის სახის ასეთი გამომეტყველება. თითქოს სულ სხვა არსება იდგა მის წინ: უცხო, უცნობი და... არამინიერი. ჩუმი, იღუმალი ღიმილი ურხევდა ბაგეს. მერმე დაიხარა და მიწაზე ფრთხილად დასდო გორგალი, რომელიც არც გატოკებულა. ერთხელაც მოუხედა თითქოს წელმოწყვეტილ ქვეწარმავალს და თავანუელმა ისე განაგრძო გზა, თითქოს აქ არაფერიო.

– მახარია ჩემო, გველი სიბრძნის ხატი იყო ჩვენთა წინაპართათვის და ამადაც სათაყვანო გახლდათ იგი, – უთხრა ციციის, შეტბუნება რომ შეატყო და ოდნავ ეშმაკური, მაცთური ღიმილით გაუღიმა, – ამადაც ქურუმნი ჩვენნი და მეფე-დედოფალნი თავიანთ გვირგვინს ამკობდნენ ხოლმე გველის გამოსახულებით. მაცალე ცოტა ხანს, შემოგველე და შენც გასწავლი იმ შელოცვებს და თავად ირწმუნებ ზოგს რასმეს.

ციციის თანდასწრებით დადიმ პირველად გამოამჟღავნა თავისი ჯადოსნური უნარი, მერმე რამდენჯერმე გახდა მონმე იმისა, თუ რა შეედლო დადის შელოცვებს. რამდენჯერმე თვითონ ნახა ცნობამხილელი, უგონოქმნილი კაცი რა აბრეშუმვიით რბილი და ცვილივით დამყოლი ხდებოდა დადის ხელში.

ამიტომაც იყო შოუ ბჟალახეს მხოლოდ შოუ მესიაკონით რომ მოიხსენიებდნენ ხოლმე მთელს იათნანაზე. უზომოდ დიდი რიდი და მოკრძალება ჰქონდათ მისი და, გატეხილად რომ ვთქვათ, ეშინოდათ კიდევ ცოტათი, რადგან იყო დადის ხელობაში რალაც მისნური, ჯადოსნური, ზებუნებრივი და ამდენად, ჩვეულებრივი გონისთვის შეუცნობი, აუხსნელი, მიუნვდომი, და ყველაფერ ამას კი, უსათუოდ ჰქონდა კავშირი ზესთაზენურ ძალებთან, მით უფრო, რომ იგი ოცდაათ წლამდე ქურუმად იყო ნამყოფი დიდი ბჟალარას სახელგანთქმულ სამლოცველოში, ოშორას კუნძულზე.

მართლაც, მცირერიცხოვანი გახლდათ გაბელანთ ფანია, მაგრამ ყოველ სამეურნეო საქმეში – ხვნა იქნებოდა ეს, თესვა, თოხნა თუ მოსავლის აღება-დაბინავება, ნადი ეხმარებოდათ. იათნანელთა წესისამებრ – ერთი ყველასთვის იყო და ყველა ერთისთვის. და ყოველგვარ ხანდას¹ სიმღერით ასრულებდნენ, რამეთუ უსიმღეროდ ვერ წარმოედგინათ არსებობა იათნანაზე. სიმღერა იყო ყველაფრის და ყოველივეს წამალი: ყოველ გასაჭირს და ჭმუნვა-წუხილს სიმღერით ჰშველოდნენ, ყოველი სატკივრის სალბუნი სიმღერა გახლდათ, სნეულთ და დაჭრილთ სიმღერით ჰკურნავდნენ, სიხარულს და ლხენას ხომ სიმღერით აგვირისტებდნენ.

¹ ლაპარაკი.

¹ შრომა.

ერთად იბადებოდნენ სიმღერა და იათნანელი და... ერთადვე კვდე-ბოდნენ!

... ერთხელ, მზის მიდრეკის ჟამს, დადი და ციცი მეორე სართულის აივანზე ისხდნენ, თითისტარზე ძაფს ართავდნენ და თან ტკბილად მუსაიფობდნენ, უფრო კი – ღუმდნენ, თავ-თავის საფიქალს ფიქრობდა ორივე.

დადის სამფეხა სკამზე დაესვენებინა ფეხები და ხანგამოშვებით წინ გადაშლილი საუცხოო ხედით ტკბებოდა. ძლიერ იშვიათად უწევდა დადის აქ დასასვენებლად ამოსვლა, ამიტომაც, როგორც კი თავისუფალ დროს იშოვიდა, მაშინვე მეორე სართულის აივანს მიაშურებდა. თვალწარმტაცი სანახები, აივინდან რომ მოჩანდა, საოცრად აგონებდა დადის თავის მშობლიურ ბჟათას და ქორონს და ამდენად ათმაგად უფრო ძვირფასი და სასურველი იყო მისთვის ეს შემოგარენი. თუმცა, ამ თავის ხვაშიადს იგი არავის უმხელდა, ციცისაც კი.

ბიჭები ეზოში თამაშობდნენ მეზობლის ბავშვებთან ერთად. ციცის თან მათზე ეჭირა თვალი და თან ნავმისადგომში წასულ ბოჩის ელოდებოდა და ხშირ-ხშირად ჭიშკრისკენ გაურბოდა მზერა.

ბოჩის ამჯერად დიდხანს არ დაუყოვნია. მალევე მობრუნდა. ჯერ საოქრომჭედლო პალატში ბეგოსთან შეიარა მცირე ხნით, მერმე ქალებს ამოაკითხა აივანზე. დადის შორიახლოს საკარცხლულში ჩაჯდა და გაყურებულ, ერთხანს თვალს ადევნებდა თითქოს ქალების საქმიანობას, სინამდვილეში კი სულ სხვაგან ქროდა მისი გონება. მერმე საკარცხლულის სახელურს უცებ ხელი დაარტყა, სახეზე გადამწყვეტი იერი მიიღო და დადის მიმართა, ერთი ფინიკიელისგან გემს ვყიდულობ, ოქრო მაკლდება და შენ ხომ არ გამიმართავ, დადი, ხელსო, ვალს მალე დაგიბრუნებო, საჩქაროდ დაატანა ნათქვამს.

დადი უსიტყვოდ ადგა და თავის საძილე ოთახისკენ გასწია. ცოტა ხანში იქიდან გამოიტანა საკმაოდ მოზრდილი ჩახვია¹ და ბოჩის წინ, ტაბლაზე დასდო.

– ბაბუაშენის დანატოვარია, ბოჩია, შვილო, ეს! სულ ეგაა! ნეტარმა ღმერთებმა ბედნიერად მოგახმაროს!.. ოღონდაც... ვალი რა სახსენებელი იყო, შემოგვევლე?.. ოდესმე განა დაგვიკავებია რაიმე შენთვის ან მე, ან სულკურთხეულ ბაბუას?

ბოჩი უხერხულად შეიმუშუნა და წამიერად დარცხვენილმა, ენის წვერზე იკბინა:

– ვიცი, განა არ ვიცი, დადი, რომ ჩემთვის არაფერს დაიშურებ... ვალი ისევ თქვი... სხვათა შორის... – მერმე მოლუშულმა ფრთხილი, გადარაჯებ-

ული მზერა ესროლა ბებიას შუბლქვემოდაც: – ისე... ვაწყობ კი, დადი, რომ მაინც და მაინც გულზე არ გეხატებათ არც შენ და არც ციცის, ჩემი განზრახული... – გაჩუმდა ისევ. თითქოს ბოლომდე აღარ დაასრულა სათქმელი. დადიმაც იყურა და შემდეგ ჩვეული წყნარი, მშვიდი ხმით უთხრა:

– შენ უკვე ზრდასრული კაცი ხარ, მახარია! შენი საქმის შენ უკეთ უწყი!

თუმც დადის ხმაში, როგორც ყოველთვის, ამჯერადაც სითბო და ალერსი იდგა, თვალებიც უღიმოდა თითქოს, მაგრამ ამისდა მიუხედავად, ციცი გუმანით გრძნობდა, რომ იგი მალავდა თავის ნამდვილ გულის-ნადებს. ბებუის ხელების მოძრაობით, თუ რა გამალებით ართავდა იგი ძაფს, ან ეგების სახის წამიერი, მოუხელთებელი გამომეტყველებით, ბოჩი ხვდებოდა დადის უგუნებობას და, თვინადაუნებურადვე, იბოლმებოდა.

– ერთი რამ ვერ გამიგია, დადი, რითია ცუდი, საკუთარი გემი რომ მეყოლება?.. ჩემს ნახელავს და ნაღვანს მევე რომ მოვუვლი უშუამავლოდ?.. ბაბუა ქუჯიც ხომ ნაოსნობდა თავის დროზე? ხათა ჯიჯიც?

დადიმ მხოლოდ გაუღიმა. ბოჩიმ რომ დაინახა, არც დადი და არც ციცი შეპასუხებას არ აპირებდნენ, უკვე დაუფარავი გაღიზიანებით განაცხადა:

– ჰოდა, აბა, მე თუ მკითხავთ, კაცმა სწორედ ის უნდა აკეთოს, რაც თვითონ სწადია, თუ მართლა თავის თავის უფალია იგი! თუმცა... იათნანელებს კი გვიყვარს ძალიან თავისუფლებაზე ლაპარაკი, მარა... სინამდვილეში... აი, ახლაც ისე გამოდის: თქვენს ნება-სურვილზე სიარულს ჰქვია თურმე თავისუფლება! რაც თქვენ არ მოგწონთ, დასაძრახისი ყოფილა!

ციციმ და დადიმ სწრაფად შეხედეს ერთმანეთს, რაც, ცხადია, ბოჩის არ გამოპარვია. დადიმ თავი ანება რთვას, თითისტარი იქვე, საფერხესთან დადგმულ კალათში ჩასდო და ბოჩის მიაპყრო მზერა.

– ერთობ მძიმე ბრალი დაგვედევინა, ბოჩია, შვილო, ერთობ მძიმე! – კარგა ხნის სიჩუმის შემდეგ მშვიდი ხმით უთხრა.

– მე... ბრალს კი არ გდებთ, დადი... მე მინდოდა მეტეკვა, რომ... – ბოჩის ენა დაეხა, სიტყვებს ძებნა დაუნყო ცოტათი შეცბუნებულმა.

– სათქმელი შენი შენ უკვე თქვი, ბოჩია შემოგვევლე! ახლა ეგების, მეც მაცალი!

– ბრძანე, დადი!

ციცისაც განზე გადაედო თითისტარი და შინაგანად გაფაციცებული, სმენად და მზერად ქცეულიყო.

– იმის თქმა მინდოდა, ბოჩია შვილო: შენთვის მე – არაფერი დამიმ-

¹ ქისა.

ლია! აბა, რაც არ ვიცოდი, რა უნდა დამეშალა, შემოგვევლე? პირუკუ: თავდაც ხედავ. როს მთხოვე, შეგენიე კიდეც, რაფერაც შემეძლო, ასე რომ ბრალდება შენი – თითქოსდა ჩვენ, მეტადრე მე – ვზღუდავდეთ თავისუფლებას შენსას, ვგონებ, მართებული არაა, ჩემო საყვარელო! ეს საყვედური, ალბათ, ზედმეტი სიფიცხისა და დაუფიქრებლობისგან მოგვივიდა!

– მეც უარი არ მითქვამს, დადი! – დაცდა ციციის თავისდაუნებურად.

– არ გითქვამს, მარა ხო ვიცი, არაფრად გეპრიანება! – წამოვარდა ანაზდად ფეხზე ბოჩი და თვალებიდან ცეცხლი დააფრქვია.

– უკაცრავად ვარ, დადი... სიტყვა შეგანყვეტინეთ...

– ბოდიშს ვიხდი... – ჩაიბურტყუნა ბოჩიმაც და სავარძელში ჩაჯდა ისევ.

დადამ მცირე ხანს შეიცადა და განაგრძო:

– ხოლო შენ რომ თავისუფლების ხელყოფას ეძახი, სხვა არაფერია, ჩემო მახარია, თუ არა მოვალეობის შეგნება. მე რამდენადაც ვუნყვი, კაცი მოვალეა თავის ძე-თურის, კერიის, თვისტომის, ქვეყნის წინაშე! მოვალეა დიდი ნანას, ნეტარი ღმერთების წინაშე და ამადაც, ნებისთ თუ უნებლიეთ, შებოჭილია კიდეც თავის მოქმედებებში უსათუოდ. ალბათ ამითაც განსხვავდება იგი დანარჩენ სულიერთაგან... უკეთუ, კაცთა მოდგმის თვინიერი სხვას არვის გააჩნია სიყვარულით ნაკარნახევი გრძნობა-მოვალეობისა!

– დადი, მე მინდოდა მეთქვა... მე ვფიქრობ, კაცი სრული თავისუფალი უნდა იყოს ამ ქვეყნად. მორჩა და გათავდა!

– რა ბრძანე, ბოჩია შვილო, სრული თავისუფალიო?... არა. არ ეგების ეგე! ვითარც სრული თანსწორი ვერ იქნების კაცთა მოდგმა, ეგრევე სრული თავისუფალი არ შეიძლება იყოს მისდღემში ამ სამზეოში და... ვერც ვერასდღებით იქმს ყოველისფერს იმას, რაიც სწადია და სურს.

– რათა, დადი, რათ არ ეგების?

– იმად, ჩემო სიცოცხლე, თუნდაც რომ იბადება, ცხოვრობს და კვდება ამ სანუთროში არა ნება-სურვილით საკუთარით, არამედ... არსთაგამრიგის წინასწარი განჩინებით და... ამ ღვთაებრივ წესრიგში არ ძალუძს მინის შვილს რაიმეს შეცვლა-გადაკეთება. სრული თავისუფალი მხოლოდლა მაშინ იქნება კაცი, სული რომ დატოვებს სხეულს თვისას, რომლითაც შემოგარსულია იგი მისდაუნებურადვე. და... მიაშურებს სავანეს ცისას... მძიმე, გაუგებარი ენით ხომ არ გეზრახები, ბოჩი შვილო?... ეგების სჯობია მერმისისთვის გადავდოთ ჩვენი საუბარი?

– არა. რათა! მე გისმენ, დადი, დიდი გულისყურით!

– კეთილი, დადა¹. რაკილა მასეა, მეც მსურს ვისარგებლო შემთხვე-

ვით... და გთხოვ, შენს გაზრდას, გამარკვით ერთ რამეში: გაკლია შენ ისეთი რამ, რაც შენი ასაკისა და მდგომარეობის ყმანვილ კაცს უნდა ჰქონდეს იათნანაზე?... ოქროს ხელები გაქვს და გამჭრიახი გონება. მზე-თუნახავი, გონიერი ცოლი გყავს და მარგალიტებივით ბაღნები. ქვეყანა შენ შემოგნატრის ასეთი განძის მფლობელს და ეს გასაგებიცაა: რამეთუ ღმერთთა დიდ წყალობას უნდა მიენეროს ის, რომ ციციისთანა ციური მაცნე შემომზიანდა ჩვენს ოხორეში. ყველას უყვარხარ და გაფასებენ იმდენად, რომ ნოლის უხუცესნი სხუნუზე¹ გისწრებენ, რაიც დიდი პატივია ყოველი ახალგაზრდისთვის. ჰოდა, ესოდენ ძვირფას საუნჯეთა მფლობელმა, რა უნდა შეიძინო უფრო ღირებული უცხო ქვეყნებში ხეტიალთით?... ეგების სჯობდეს, ბოჩი შვილო, გავუფრთხილდეთ, შევინარჩუნოთ ის, რაიც გავაჩნია? მოვუაროთ იმას, რაიც, ჯერ არ დაგვიკარგავს?... ეგეც მინდა უწყოდე, ჩემო მახარია: მარტოდენ ჭამა-სმისთვის, არც მხოლოდ განცხრომისა და სიამოვნებისთვის გაუჩინია ჟინი ორთას კაცთა მოდგმა. უწინარესად, სულიერი არსებაა იგი, სხვათა ჭირისა და ლხინის მოზიარე, სიკეთის მთესველი მოყვასთათვის.

ბოჩი შუბლშეკრული დასჩერებოდა თავისი წულის ჭვინტს, მერმე თავი ასწია, დაღვრემილმა გახედა ბებიას და უხალისოდ ამოღერდა:

– ეჰ, აბა, რა უნდა გეზრახო, დადი?... მე მარტო ნიო-ამუნი² და ტიროსი მანახა ჯიჯიმ და... რანაირად ცხოვრობს იქ კათა, რა დობორეები უდგიათ, რა საყდრები, რა ქალაქები აქვთ!

– მერედა, ჩვენც ხომ გვაქვს, შემოგვევლე, ჩვენი დედაქალაქი – მშვენიერი ჭუბურთა, ჩვენი ნოლები, ოხვამეები³, დობორეები...

ბოჩი ფეხზე წამოიჭრა ისევ:

– დადი, აბა, რა მოსატანია ჰაკაფთის პირამიდებთან, ლუქსორის ანდა კარნაქის ტაძრებთან და სასახლეებთან, ჩვენი? სათამაშოები გეგონება კაცს, მზის მადლმა! არ ვიცი მე, რანი ვიყავით უწინ, ოდესღაც, მარა ახლა...

– დაამთავრე, მახა! რად გაჩუმდი?

– ეჰ... – ბოჩიმ ხელი ჩაიქნია და საკარცხლულში ჩაეშვა მძიმედ.

დიდხანს იყო გაჩუმებული დადი. ციცისაც ხმა გაეკმინდა, თუმცა გული უდუღდა აღშფოთებისგან, მაგრამ დადიზე ადრე რაიმეს თქმის უფლებას თავის თავს არ აძლევდა. კარგა ძალი დრო გავიდა ამასობაში.

ბოლოს დადამ ნელი ხმით, სიტყვების ოდნავი დამარცვლით, ისევ, როგორც ეს ბოჩისაც სჩვეოდა ხანდახან, დაიწყო:

¹ საბჭო.

² ეგვიპტის დედაქალაქი, ბერძ. თებე.

³ სამლოცველოები.

¹ უფროსის მოფერებითი მიმართვა უმცროსისადმი.

– ჩემო მახარია, ბოჩია, შვილო, ერთი რამ მინდა უნყოდე: ყოველი გვარ-ტომი ცხოვრობს ისე, ვითარცა შეეფერება ეს მის ბუნებით თვისებას, სხეულისმიერს თუ სულისმიერს... თუმცაღა ბევრი რამ აქვს საერთოც კაცთა მოდგმას. გარნა ყოველი მათგანი მაინც თავთავისებურად ქმნის და აშენებს, მღერის და ცეკვავს, ტირის და იცინის... ზოგი უფრო ადრე მოევიწიება ამ ცისქვეშეთს, ამადაც, ჩემო საყვარელო, უფრო მეტიც ნახა, შეითვისა, მეტი გამოსცადა ავიც და კარგიც, ანუ უფრო გრძელი გზა გამოიარა განკაცების. ზოგი კი – ეს-ესაა ჩნდება... მაგრამ სუყველანი არსთა გამრიგის წეს-განჩინებით იშვენ და ამადაც, პატივის გების და ყურადღების ღირსია სათითაოდ ყოველი მათგანი, რამეთუ... საყოველთაოა, კაცობრიულია გრძნობა სიკეთისა, მშვენიერებისა, ღვთიურობისა...

ჩვენი ქალაქები და საყდრები ვერ მოვლენო სიდიდით ჰაკაფთურთან, თუნდაც ბაბილონურთან, ბრძანებ შენ და მართალიც ხარ, ოლონდ ეს კია: უკვდავ ღმერთთა მიერ შექმნილს, მოკვდავთა ნახელავი ველარანაირად გაუტოლდება, ჩვენი აიალონის მთის არ იყოს და მაინც... დიდი ქვეყანაა ჰაკაფთა უთუოდ და დიდი ერია ჰაკაფთელები, ბაბილონელები და ზოგი სხვაც. გარნა მე ასე ვაზრობ: ჩვენი თვისტომთა სამლოცველოები და დოხოვრები, დაბა-სოფლები თუ ქალაქები ჩვენი მთაგორიანი ბუნების ჩარჩოში ისე ზის, ვითარცა ოქროს ბეჭედში ზურმუხტის, ლალის, იასპის თუ ბივრილის თვალი. კაცის ხელით შექმნილი არ არღვევს ღმერთის მიერ შექმნილთან თანწყობას, თანაზომიერია და შესამებულია მასთან მთელი თავისი აღნაგობით, სულით და ხორცით. უწყი აღბათ ისიც, მხატვართა ჩვენთა თავად ჰაკაფთელებიც რომ ბაძავენ ზოგ რამეში, რამეთუ... მოლივლივე ზღვის ტალღებით მოძრავი, ხალისიანი, ფერადოვანი და ლალი კედლის ნახატები ჩვენი ჩვენსავე ბუნების ნიაღში იშვენ და ამ დედაბუნების და ჩვენი ხასიათის შესატყვისნი არიან უცილოდ. ხოლო უცხოელთა აზრით, შეუდარებელია როკვა და სიმღერა ჩვენი... საზოგადოდ კი, მე აგრე მგონია: ყოველმა თესლტომმა, ისე, ვითარცა ყოველმა სულდგმულმა, უნდა უნყოდეს კარგად, რაის შემძლეა ამქვეყნად, რა ხელეწიფების და რა – არა. ყოყორობის და კუდაბზიკობის გამოისობით, ანდა სულაც სხვათა მიმართ შურის თუ ბრმა ნამხედურობის წყალობით, არ უნდა წაეპოტინოს იმას, რაიც უცხოა და მიუღებელი მისი ბუნებითი ხასიათისათვის, რისი ქმნის უნარი არ უბოძებია არსთა გამრიგეს. ამის ცოდნა მოკვდავთა მიერ, ვფიქრობ, დიდი სიბრძნეა ამ ცისქვეშეთში.

დადი გაჩუმდა თუ არა, ბოჩი უმაღვე შეეპასუხა:

– ეჰ, აბა, რა უნდა სთქვას კაცმა? ერთობ ძნელია საუბარი ქალებთან! სამარისებური სიჩუმე ჩამონვა უცბად.

– რა მითხარი, შემოგველე? – დაარღვია ბოლოს მძიმე დუმილი დადიმ და დასძინა:

– კარგად ველარ გავიგონე!

– აბა რაა დადი? მე ერთს ვამბობ, შენ კიდევ – სულ სხვას იძახი!

– დაჯექი, მახა! ნუ ცხარობ!.. რა არის, შვილო, ეს წარამარა წამოხტომა, ხელების ქნევა, ხმამალალი ლაპარაკი? ვეჭვობ, ყვირილით დაარწმუნო ვინმე! და მერმე: ეგების გამაგებინო, ჩემო საყვარელო, როდიდან გახდა სათაკილო იათნანელი მამაკაცისთვის იათნანელ დედაკაცთან საუბარი?! საიდან მოიტანე, ვინ გასწავლა, ბოჩი შვილო, ამგვარი რამ?

– შენც არ თქვა, ახლა დადი, ფინიკიელებმა ხომ არ გაგაფუჭესო!

– მე არ მისხენებია ფინიკიელნი, ჩემო მახარია!

– რა ვიცი, აბა! ყველაფერ ცუდს ფინიკიელებს ვაბრალებ ხოლმე. თითქოსდა ჩვენ რძით დაბანილი, უცოდველი კრავები ვიყოთ! – არ შეეპუა ბოჩი ბებიას.

– მაპატიე, დადი, გული არ მითმენს... აღარ ძალმიძს თავის შეკავება.

– ციცი, აქამდე გაფაციცებით რომ უგდებდა ყურს ბებია-შვილიშვილის სიტყვიერ პაექრობას, საუბარში ჩაერთო: – ტყუილია განა, ბოჩი, რომ ფინიკიელთა ზნე-ჩვეულებით, ქალს სიტყვის თქმის უფლება არა აქვს საკუთარ სახლშიც კი, არამცთუ ჯარობაში ილაპარაკოს რამე! ან ძალღვივით არ სცემენ ცოლებს, როცა მოეპრიანებათ? ეგება არც უშვერ ლანძღვა-გინებას ერიდებთან დიაცთა თანდასწრებით? ან არ სვამენ გონის მისხდომამდე? ან არ ჰყავთ ორი-სამი ცოლი და ამდენივე, თუ მეტი არა, ხასა? ოქროთი არ ყიდულობენ ქალებს და ასევე არ ჰყიდიან ოქროზე, თუ მოეგუნებათ? მარა... ეგება შენც, ზოგ-ზოგი იათნანელი მამაკაცივით, მოგწონს ყველაფერი ეს? სთქვი ბარემ პირდაპირ და ის იქნება!

ბოჩის თითქოს არ გაუგონიო ციცის ნათქვამი, ისევე დადის მიუბრუნდა ბრაზისგან სახეაჭარხლებული:

– აკი შენ თავად ბრძანე წელან, დადი, ყოველ თესლტომს თავისი ზნე-ჩვეულება აქვსო, თავისი ბუნების შესაფერია. იმათ ასე მოსწონთ ცხოვრება. ასე უნდათ. რამდენი კაციჭამია ტომი არსებობს დღესაც დედამინის სხვადასხვა კუთხეში! ანუ შენი თქმით განკაცების საფეხურები რომ არ გაუვლიათ? ეგება იმათაც ბევრი რამ არ მოსწონთ სხვისი, კერძოდ, ჩვენი?

– კი, ჩემო მახარია. მართალს იტყვი, შემოგველე: თავ-თავისი აქვს წეს-ჩვეულება ყველას, თავის ნიშატს მისდევს ყოველი სულდგმული, გარნა მოწონებულს შენსას როს თავს მოახვევს სხვათა – ძალმომრეობით იქნება ეს თუ ვერაგობა-ცბიერებით და ამტკიცებ თანაც – ჩემი სჯობილო შენსას, უვარგისიო შენი, რაკილა მე არ მომწონსო იგი, ამადაც, შენც

უნდა იცხოვრო ჩემებურად, ანუ გადიდგულეზულ-გაზულუქებულხარ არა სიმაღლითა სულისმიერითა, არამედ სიმრავლითა ძალისმიერითა – აი, ეს უკვე, ვგონებ, საძრახისიცაა და ძნიად მოსათმენიც, ჩემო მახარია!

– მერედა, ვინ გვახვევს ჩვენ ძალით თავისას, დადი?

– საამისო პირი უჩანს დღევანდელ იათნანას, ჩემო საყვარელო! არა, მარტოდენ იარაღის სიმძლავრით და მომხვედურთა მრავალრიცხოვნებით ძლეულა გვარტომი ჩვენი. ამადაც მიმაჩნია: მეტი სიფხიზლის გამოჩენა მართებთ-მეთქი იათნანელთ, მეტადრე მამაკაცთ, რამეთუ კუნძულზე კი ვცხოვრობთ, გარნა კუნძული ჩვენი ღიაა ოთხივ კუთხით და გაშლილი, ყოველ მხრიდან გვიდგებიან უცხოელთა დრომონები და კატარღები. არც როდის უთქვამთ უარი იათნანელთ მშვიდობიან ურთიერთობაზე, უკეთუ კარგად უწყიან მშვიდობიანი ცხოვრების ყადრი და ფასი და არც როდის შემოუზღუდავთ თავიანთი ნოღები გალავნებით, არც ციხე-სიმაგრენი უშენებიათ აქაველთა, დორიელთა და სხვათა მსგავსად. შენც კარგად უწყი, ჩემო მახარია, რომ ჩვენში სხვატომელნი თავს ისე გრძნობენ, ვითარცა საკუთარ ოხორეში. მერმე, ვითარცა არაერთგზის მომხდარა, ვითომ მოყვრულად და მეგობრულად მოსული, ერთ მშვენიერ დღეს მტრად გიხდება. ჩვენს ოშორასაც ასე არ დაემართა განა და ბევრ სხვასაც? და კიდევ: თუმც გამიგრძელდა სიტყვა, მსურს საცნაურყო შენთვის ჩვენთა ძველთა სიბრძნე: არა ხამსო მარტოდენ ლომთა და ვეფხვთა ნავარდი, ვითარცა ვირთხანი და თავგნი ვერ იბოგინებენ მარტონი – თუმცალა ურიცხვნი არიანო. უპრიანიო ღლავს რომ სურდს ზუთხის ჩასანსვლა, ხოლო მშვენიერი ზუთხი რომ ცდილობდესო გადარჩენას თავის თავისას, – ეგეც ბუნებითი წესიო ყოველთა სულდგმულთა, რამეთუ რაოდენი ხერხიცაა ცხოველთ შორის თავდასხმის, იმდენივეაო თავდაცვის საშუალებანიც. არ ეგებისო, მახა, გადაშენება ზუთხის – არც რაიმე სხვა სულდგმულის, უკეთუ ამით ისპობაო ზ უ თ ხ ი ს ი ე რ ი, მარტოდენ მისეული ს ი ლ ა მ ა ზ ე, რაც აგრეთვე დაუშვებელი ბოროტებააო არსთა გამრიგის წინაშე...

და ბოლოს, მე ასე ვფიქრობ ბოჩია შვილო: იათნანა საფრთხის წინაშე დგას და ეს, უწინარესად, ჩვენი წყალობაა, ჩვენ გვიდევს ამაში ბრალი ყველაზე მეტად.

– რანაირად, დადი?

– დანყნარდი, მახა! დაიოკე გულისწყრომა... ამნამსვე მოგახსენებ ყოველისფერს: ამ ცოტა ხნის წინ შენ გვაუწყე თუ არა, დამხმარედ მოგიყვანთო მონა ქალს?

– მე... თქვენთვის ვზრუნავდი!.. მე თქვენ მეცოდებით და... იმიტომ!

– დიდი მარდი¹, მახა, რომ გეცოდებით თურმე, მაგრამ... რა გეზრახა შენ ამის თაობაზე შენმა მეუღლემ? რა უთხარი შენ, შემოგველე, შენს ქმარს?

– სანამ სული მიდგას, მონას არ შემოვუშვებ-მეთქი ყუდეში, დადი!

დადი ადგა, ციცისთან მივიდა და შუბლზე ეამბორა:

– აი, ვინაა ნამდვილი იათნანელი! აი, ვის ძარღვებში მიედინება აიას თურთა შეურყენელი სისხლი!.. ბოჩია შვილო, ერთი შეგონებაც უნდა შეისმინო, შენს ჩრდილს შემოგველე: ვისაც არარად უღირს სხვათა თავისუფლება, ის საკუთარ მონობასაც იოლად შეეგუება!

– თქვენ... გესმით კი, რას ლაპარაკობთ, ქალებო? – ბრაზმორეულს, ენა ებორკებოდა და ცხვირის ნესტოები ებერებოდა ბოჩის: – ლამის მთელი ქვეყნიერება, ყველა მეზობელი ჩვენი, არამცთუ სხვის – საკუთარი ტომის შვილებს ჰყიდიან და ვაჭრობენ ამით, ჩვენ კი... გამოვკიდებივართ ჩვენი მამა-პაპის ყავლგასულ ზნე-ჩვეულებას და... სასაცილონი ვხდებით სხვათა თვალში! და დაგვცინიან კიდევ – ვარსკვლავითიდან ჩამოსულ მზისწულებს გვეძახიან!

– მანამ ასე გვიწოდებენ, იათნანა ცოცხლობს. ოდეს არ დაგვიძახებენ ასე, აღარც იათნანა იარსებებს მაშინ ქვეყნიერებაზე, ბოჩი შვილო!

არც მანამდე და არც შემდეგ უნახავს ციცის დადის თვალების ამგვარი აკვესება, და არც სხვა დროს ყოფილა იგი ასე „ქადაგად დავარდნილი“!

შოუ ბჟალახე

ერთხელ დილაადრიანად დადიმ თავისთან იხმო ციცი.

რამდენჯერაც არ უნდა შესულიყო დადის სენაკში, ყოველთვის რალაცნაირი მოკრძალების გრძნობა ეუფლებოდა ციცის.

უკვე მერამდენე წელი იყო, რაც ამ ოხორეში შემოდგა ფეხი. მაგრამ ის, ძველებური მონინება და რიდი, არა და არ უქრებოდა. ხომ როგორი გულთბილი, მოსიყვარულე და ალერსიანი დიაცი იყო დადი, მაგრამ რალაც ჰქონდა ისეთი გარეგნობასა თუ ხასიათში, რაც მასთან ნამეტან გაშინაურებას გამოორიცხავდა. ერთადერთი ბავშვები თუ იყვნენ შეთამამებული დადისთან. ისინი საღამოობით, ხანაც დილ-დილითაც ლოგინში ჩაუგორდებოდნენ და სანამ ზღაპრების გუდას არ დააცლევინებდნენ, მანამ არ შეეშვებოდნენ. მერედა, რა ზღაპრების მოყოლა იცოდა დადიმ! პატარები კი არა, დიდებიც სულგანაბულნი უსმენდნენ ხოლმე.

... დადის საკმაოდ მოზრდილი, გრძელი სენაკი ორად იყო გადატიხრული. ტიხარის შუაში კარის ნაცვლად მძიმე, ყავისფერი ფარდა ეკიდა.

¹ მადლობა.

სენაკის ორივე თვალის კედლები დაფარული იყო ზღვის ბინადართა, ზღაპრულ ფასკუნჯთა, საოცარ ფრინველთა და ცხოველთა ფრესკებით. ისინი ოშორელ დიდოსტატთა ნახელავი გახლდათ, ისევე, როგორც ოშორული იყო იშვიათი სილამაზის დოქები, სურები, თასები, დორები, ჯამები, კედლის თაროებსა და ტაბლებზე რომ ინონებდნენ თავს. ოშორა ხომ ოდითგან განთქმული იყო სწორუპოვარი ოქრომჭედლებით, ხისდამამუშავებლებით, ჯამ-ჭურჭლის დამამზადებლებით, ქარგვის, კერვისა და ქსოვის უბადლო ოსტატებით. გრძელ ტაბლაზევე ელაგა სხვადასხვა ზომის მაშები, მინის ქილები, სინჯარები, სპილენძის და თითბრის პატარა ქვაბები – თანგირები, საცერი-სანერი, წვეთმზომი, თიხის ქოთნები და ჯამები, მოჭიქული ჭიქები, ქვიჯა, კოჭობი და მრავალი სხვა ხელსაწყო თუ ჭურჭელი, რომლებშიც ათასგვარ ფხვნილებს, მცენარეთა თესლებს, სამკურნალო ნაყენებს, მალამოებსა და საღებუნებს ინახავდა დადი. კუთხეში დიდი სკივრი იდგა, ტყავის წიგნებით სავსე. სკივრის პანია გასაღებს, ოქროს ძენკვზე ჩამოკიდებულს, უბეში ატარებდა დადი. ტიხარის მეორე ნაწილში წითელი ხის ჩუქურთმიან საწოლში, თავად ეძინა.

გაბელაანების სახლს არაჩვეულებრივი სილამაზის დგამ-ავეჯი ამშვენებდა. ისინი დადის მეუღლის – ქუჯი ბაბუას ნაოსტატარი გახლდათ: მალაღურგინი, მზის და ხარის თავებით ამოტვიფრული საკარცხლულები, მერხები, სამფეხები, ტაბლები, საწოლები – ყოველივეს განუმეორებელი ნიჭიერების ბეჭედი ესვა, ხოლო სკივრებისთვის შეუძლებელი იყო თვალი მოენყვიტა კაცს. ზოგი რამ ბოჩის ნახელავიც იყო, ამით თავი მოჰქონდა კიდეც ბოჩის, დადისაც ეამაყებოდა, ბაბუას ხელობას ასე დიდებულად რომ ფლობდა შვილიშვილი.

სენაკში მუდამ ტრიალებდა საამო სურნელება, ყნოსვას რომ უღიზიანებდა კაცს და ოდნავ თავბრუსაც რომ ახვევდა ხოლმე. ერთადერთი სარკმელი მკრთალად ანათებდა ოთახს და საგნებსაც იდუმალი ელფერი დაჰკრავდა. იდუმალების შეგრძნება სენაკში შესვლისთანავე იპყრობდა კაცს: უნებურად ფეხაკრეფით იწყებდა სიარულს, ხმადაბლა, ლამის ჩურჩულით ლაპარაკობდა. მალაღ შანდლებში თაფლის სანთლების ციმციმი კიდეც უფრო აძლიერებდა ამ შთაბეჭდილებას. როგორც კი თავისუფალ დროს მოიხელთებდა დადი, რაც მეტად იშვიათი იყო მისი მოუცლელობის გამო, შეიყვანდა თავის სენაკში ციციის და სკივრს თავს ახდიდა. როცა კირბებს ხელს შეავლებდა დადი, ისეთი სასოება და სინაზე ეხატებოდა სახეზე, თითქოს თოთო ბავშვი უჭირავსო ხელში, მერმე გვერდით მოისვამდა ციციის და უხსნიდა გაუგებარი ან ან გადავიწყებული სიტყვების, ნახატების თუ უცნაური ხაზების მნიშვნელობას.

ყოველი ასეთი განმარტოება დადისთან ერთად, უჩვეულო გუნება-

განწყობილებაზე აყენებდა ციციის, რაღაცნაირ, აუხსნელ შთაგონებას აძლევდა, თითქოს უხილავი ფრთები ესხმოდა და ლამის ცაში აფრენილიყო.

ახლაც დადის დაძახებაზე შურშურით გასწია მისკენ. დადი თავახდილ სკივრს მისჯდომოდა გაშლილ ორხოაზე, კალთაში ტყავის წიგნი ელო და თვალგამტერებით ჩასცქეროდა.

ფეხაკრეფით, ჩუმად მიუახლოვდა.

დადის მუდამ თალხი ფერის, გულდახურული, ნაოჭებიანი გრძელი კაბა ეცვა, ვერცხლის ფართო ქამრით შემოჭერილი. საქმიანობის დროს კალთის ბოლოებს აიკეცავდა-ხოლმე. კაბის ქვეშ ასევე თალხი ოსარე¹ მოუჩანდა. გვერდებზე ჩახსნილ გრძელ სახელოებს აიკრეფდა. მაგრამ ახლა პერანგისამარა, თავშიშველი იჯდა სამფეხაზე, თავისი სქელი, მშვენიერი ნაწნავები დაეშალა და მხრებზე გამოდგროდა თაფლისფერი თმა, რომელშიც თეთრი თითქმის არ ერია. მხრებში მოხრილს, ბადე-შალი მოეხურა და გარინდებულყო.

ერთადერთი სამკაული, რასაც დადი ატარებდა, იყო ოქროს უნატიფეს ძენკვზე აცმული ქარვის ყელსაბამი. მას არც დღე და არც ღამე არ იშორებდა. თვალის ჩინივით უფრთხილდებოდა და ესათუთებოდა. ეს მით უფრო უცნაური ჩანდა, რადგან დანარჩენი სამშვენიისების მიმართ საკმაოდ გულგრილად იყო განწყობილი.

ციციის მოახლოება მყისვე იგრძნო. ამოხედა. ფერგამკრთალი და ნაღვლიანი ერჩენა ციციის მისი სახე, რომლისთვისაც წლებს ვერაფერი დაეკლო – თითქოს ბუნება, ნეტარი ღმერთები საგანგებოდ ინახავდნენ ამ ღვთაებრივ სილამაზეს და სიბერეს ახლოს არ აკარებდნენ.

– მოხველ, ჩემო მახარია?.. მოდი, შემოგველე. დამიჯექ, აგერ, ახლოს ცოტა ხნით.

როცა ციცი მის გვერდით სამფეხაზე მოთავსდა, დადამ ორივე ხელის მტევანი ერთმანეთს შეატყუა და კალთაში ჩაიდო. ერთ ხანს კვლავ გალურსული იჯდა.

– ამ წიგნებს შენ გიტოვებ, ჩემო მახარია, – ამოთქვა მცირე ხნის შემდეგ თავისებური ლულუნა, წყნარი, ოდნავ გაგრძელებული ხმით და ფიქრიანი თვალეები მიაპყრო. – დანარჩენი შენ ალბათ უწყი, მეუფე თუ მათისთან რომ ინახება. მეუფე თუმათი თავის რჩეულ გოგო-ბიჭებს ასწავლის მათ ამოკითხვა-ამოცნობას...

ხოლო შენ, უკეთუ ამის საჭიროებას შეიცნობ, შეგიძლიან მხოლოდ მეუფე თუმათის გადასცე ეგენი...

– დადი!.. შენ ისე ლაპარაკობ... – ჭირის ოფლმა დაასხა უცებ ციციის.

¹ პერანგი.

– არ შემანყვეტინო, შემოგველე. ჩემი ასაკისამ არ უწყის, როდის რა შეიძლება მოუვიდეს. ყოველისფერისთვის მზად უნდა იყოს, ჩემო სულისდგმავ, ჩემო თვალის სინათლევ... – მიესიყვარულა დადი და ისევ იყურა წამით, მერმე შეირხა. თავისებურად მოიღერა ყელი: – შენი იმედი მაქვს, მახარია, ვიცი რომ რიგიანად მოუვლი ყოველივე ამას. – ანაზღად გადაიხარა. ტაბლაზე დადებულ რალაც გრაგნილს გადაწვდა: – აი, ამა-საც შენ და ბოჩის გიტოვებთ... ეჰ, ბოჩია, ბოჩია! – უეცრად მოხეტეილი რალაცნაირი სინანულით თუ გულის ტკივილით დაიჩურჩულა დადიმ და წამსვე ისევ გახევდა, თვალები გაეყინა: შინაგანი მზერით ალბათ ბოჩის თუ ხედავდა ახლა, სადღაც შორეთში გადაკარგულს თავის ხომალდი-ანად. მერმე თითქოს ფიქრშიაო, ისე წარმოთქვა ხმადაბლა: – ჰო, შენ და ბოჩიას გიტოვებთ ამ წიგნს და მხოლოდ ჩემი სიკვდილის შემდეგლა წაიკითხავთ მას...

ციცის შემოხედვაზე, თვალებით გაუღიმა და ანიშნა, ხმა არ გაიღო. ერთხანს რალაც საფიქრალს მისცემოდა, შუბლი წამდაუნუმ ეჭმუხნებოდა და ფართოდ თვალეზგახელილს, სახეზე უცნაური ჩრდილები გადაურბენდა ხოლმე. მერმე აიზეზეურა.

– კლიტეც შენთან იყოს, მახა! თვალისჩინივით გაუფრთხილდი ამა-საც! – ყელიდან ოქროს ძეწკვი მოიძრო და გასაღებიანად გადასცა. შემდეგ წელზე შემოხვია ხელი ალერსიანად და თბილი ღიმილით უთხრა:

– ანი წადი, მახარია, შევიმოსები და მეც მალე გამოვალ!

კარებამდე მიაცილა და ისე გაისტუმრა გარეთ, რომ სიტყვის თქმის საშუალება არ მისცა.

მთელი დღე ისე ეჭირა თავი დადის, თითქოს ამ დილით არაფერი მომხდარიყო, მაგრამ ციცი მაინც როგორღაც დადარაჯებული იყო, უჩუმრად თვალყურს ადევნებდა. წამდაუნუმ თვალი უმტერდებოდა დადის. ხელში ხან რა შეაცივდებოდა ანაზღეულად და ხან რა. რალაც-ნაირი წინაგრძნობა ანუხებდა ციცის. მოუსვენრობაში აგდებდა. გული დამძიმებული ჰქონდა.

სალამო ჟამს, ცოტა უქეიფოდ ვარ, მაპატიეთ, რომ გტოვებთო, თქვა დადიმ, თავისი განუმეორებელი, მომხიბლავი ღიმილით დაემშვიდობა ყველას და სენაკში განმარტოვდა.

გადევენება რომ დააპირა ციციმ, ღიმილითვე, მაგრამ შეუვალე გამოძეცველებით უკან გამოაბრუნა: არაფერი მჭირდება, შემოგველე, ადრე დავწვები, გამოვშუმდები და ხვალ ისევ ჩიტვივით ვიქნებიო, უთხრა.

დადის ზედმეტი თავაზი და უბნობა არ უყვარდა, იცოდა ეს ციციმ და ამიტომაც დაჰყვა მის ნებას. თუმცა კი მთელი ღამე წრიალებდა, თვალი წამითაც არ მოუხუჭავს.

დილაბნელზე ველარ მოითმინა და ჩუმად, ფეხაკრეფით შეიპარა მის სენაკში. დადი პირაღმა იწვა, გამოტილი, თვალეზი დახუჭული ჰქონდა და ხელები გულზე დაკრეფილი.

დადი აღარ სუნთქავდა!

მოედინებოდა უღევად, უწყვეტად... ბოლო არ უჩანდა ამ ზღვა-მდინარეს, თითქოს წაელეკა ამ ურიცხვ კათას ირგვლივ ყოველივე, მაგრამ... ფხიზლობდნენ გამრიგებები და მენესეები. და ყველაფერი მკაცრი, მითა-ჟამიდან მომდინარე, უძველესი, დაუნერელი წესითა და რიგით ტარდებოდა – თითოეულმა მოტირალმა, ჭირისუფალმა თუ მოსამძიმრემ იცოდა სად მდგარიყო, როდის ვისთან მისულიყო, რა ეთქვა, როგორ ეთქვა, ანდა როდის დაეტოვებინა იქაურობა.

არანაირი ზედმეტი ფუსფუსი, არანაირი ზედმეტი ხმაური. არაფერი არღვევდა საზეიმო გლოვის წეს-ჩვეულებას. საზეიმოს ვამბობთ, რადგან, ერთი მხრივ, გლოვა თითქოს სანახაობითს საზღვარს უახლოვდებოდა და ეს უცნაური ზეიმურობა თავისებურ ელფერს აძლევდა მწუხარების განცდას, მიცვალებულის ხილვა და ტირილი რომ იწვევს კაცში და ამასთან, თითქოს თავისებურად არბილებდა მას.

საიდან და ვინ არ მოდიოდა წამარკელში! რა და რა ჯურის კათა. ზოგს ფერადი, ნაირნაირი ყვავილები მოჰქონდა, ზოგს უბრალო, ნორჩი ტოტები. თავჩაქინდრული, მდუმარედ დგებოდნენ ცხედრის წინ. მერმე ასევე უსიტყვოდ, უხმოდ ბრუნდებოდნენ უკან. ზოგი მამაკაცი, განსაკუთრებით ხნიერნი, თავში ორივე ხელის ცემით, ჩუმი ქვითინით და „ახავაი“, „ახავაის“ შეძახილებით ემშვიდობებოდა მიცვალებულს, ხოლო თმაგაშლილი დიაცები მოთქმითა და ვაივივით – უსამძიმრებდნენ ჭირისუფალთ.

დაბალფეხებიან საწოლზე დასვენებულ, ყვავილებში ჩაფლულ დადის სახეზე სრული გულციობა ეხატა, ლამაზ ბაგეს კი ძლივს შესამჩნევი ღიმილი შეჰყინვოდა.

ცხედრის თავით მდგარი ციცი დამწუხრებული დასცქეროდა ამ ღვთაებრივად განსპეტაკებულ სახეს და ვერაფრით ვერ შერიგებოდა იმ აზრს, რომ დადი აღარ იყო, რომ ეს ტკბილმოუბარო ტურ-პირი სამუდამოდ დადუმდა, რომ სამისდღემშიოდ დაიხუჭნენ ეს გვირალი¹, შეუდარებელი თვალეზი. ის კი არადა, სულ ბოლო წუთამდე ეგონა, აი, ახლა, აი, ახლა წამოჯდება დადი, თვალეზს მოიფშენეტს და გაიკვირვებს,

¹ დიდრონი.

რა ღრმა ძილით მძინებიაო. მაგრამ... ვაგლახ! ამაო იყო ეს მოლოდინი: დადი გაუნძრევლად გამოტილიყო ლოდით ცივი და უგრძობელი. და ციციც ანგარიშმიუცემლად მიყვებოდა თავის მწარე ფიქრთა დენას.

ოჰ, როგორი არაფრობა ყოფილა თურმე სიცოცხლე კაცთა! სადღაა ხსნა და საშველი ამ არყოფნისგან, ერთი ხელის მოსმით რომ აღმოფხვრის მიწაზე კაცის ნაკვალევს ისე, ვით ზღვის ტალღები წაშლიან ხოლმე ქვიშაზე ნატერფალს ფერხთა!

ციცი არასდროს შეხვედრია ასე პირისპირ სიკვდილს, საყვარელი არსების სამუდამო დაკარგვის საშინელება აქამდე არ განუცდია. და თუმცა, სწამდა და სჯეროდა – ეს არ იყო საბოლოო გაქრობა, რადგან სული სხეულის დროებითი ტყვე და ხიზანი, მარადიული და უკვდავი იყო და მარადიულობასვე დაუბრუნდებოდა და მაინც... ამ გაქვავებული სხეულის ხილვა და წარმოდგენა იმისა, რომ თავადაც, როცა იქნება მოუნევედა ასე უძრავად გაშხლართვა და ჭია-ლუათა ლუკმად ქცევა – ზარავდა და ძარღვებში სისხლს უყინავდა.

სულ ტყუილია, სულ ტყუილია ყველაფერი... ეს უამრავი კათა... გლოვა-ზარი... საქმიანი ფუსფუსი!.. თავის მოტყუებაა, მოჩვენებითია და ყალბი ეს გოზგოზი. ფუჭი და განქარვებადია ყოველივე. მტვრად იქცევა და მინა შეჭამს ძე-ხორციელს და ამაოა ყოველი ძალისხმევა ამ გარდუვალობის წინაშე!

პატარა ნათია რომ მიჰგვარეს ეგ ზომ დაზაფრულს დარდისა და ტკივილისგან, უფრო აიფოფრა შინაგანად.

ესეც... ესეც... განწირულია! ამასაც უწევს წერა-მწერალის განწინება... ესოდენ სასტიკი, უსამართლო, უღმობელი!

და მაინც, როცა პანიამ თავისი ფუნჩულა ხელები მოუთათუნა ლოყებზე, ამ უმანკო თვალთა მზერამ და ღიმილმა, ამ უმწეო, ჩვილი სხეულის სიღბომ და სითბომ ერთბაშად მოუფონა გულზე, მოესალბუნა და მოესათუთა სულის ტკივილებს.

გამეტებით ჩაიკრა ბალღი მკერდში და გაისუსა. ალბათ ამისთვის... მხოლოდ ამ უმანკო ღიმილისთვის ღირს მოსვლა ამ ქვეყნად! მხოლოდ ამისთვის... ამისთვის!... სხვა ყოველივე ამაოა და... წარმავალი!

... შვიდი დღე და ღამე, რაც დადი ესვენა, არ წყდებოდა ხალხის ნაკადი და ამ შვიდი დღე-ღამის განმავლობაში ციციისთვის ხელი არ გაუნძრევინებიათ ბოჩის და მის ახლობლებს თუ მოკეთებებს, შორეულ თუ ახლო მეზობლებს, თითქმის მთელ ნამარკელს.

დადის ცხედარს მორიგეობით ღამეს უთევდნენ დიდი თუ პატარა, ხანდაზმულები, თუ ახალგაზრდები, ქალები თუ კაცები. ღამისთვის დროს იყო დარბაისლური საუბარი, წარსულ დღეთა მოგონება, ახლის

მსუბუქი გაკილვა, სინანული და წუხილი დაუბრუნებელზე, სიკვდილის უღმობელობაზე, ამ სოფლის ამაოებათა გამო სევდა-ნალველი და გულსტივილი. იყო ზომიერი ოხუნჯობაც და მახვილსიტყვაობაც, მწუხარებას რომ შეეფერებოდა, იმგვარი.

სამძიმარზე მოსული არავინ რჩებოდა უყურადღებოდ საგანგებოდ არჩეული მენესეებისაგან. მაგრამ ამ მხრივ ყველასაგან გამოირჩეოდა ძაძუ სულაბერე. ძაძუ დადის შორეულ ნათესავად ერგებოდა. ობოლი გოგონა შვილივით გამოეზარდა დადის. ბოჩიზე ბევრით არ იყო ძაძუ უფროსი. დადიმვე გაათხოვა იგი ერთ წესიერ, შრომისმოყვარე, ობოლ ბიჭზე. ქორწინების მეორე წლისთავზე საყვარელი ქმარი ზღვამ მოსტაცა ძაძუს. მერმე ერთადერთი ბიჭიც ხელიდან გამოეცალა და დარჩა სრულიად მარტო; დაცარიელებულ კარმიდამოსა და ძვირფასი მიცვალებულების საფლავებს ჰპატრონობდა და გლოვობდა.

პირქუში, მკაცრი გამომეტყველება, შავები, რომელსაც ის დღე და ღამე არ იხდიდა – ოსარეც კი შავი ეცვა ძაძუს – მთელი მისი აღნაგობა, ცხოვრების წეს-ყაიდა უწებლივით იწვევდა მის მიმართ მოკრძალებისა და პატივისცემის გრძნობას.

პირდაპირი, მიუკიბ-მოუკიბავი თქმა იცოდა ძაძუმ, მის გულწრფელობაში ეჭვის შეტანა შეუძლებელი იყო. ამიტომაც პატიობდნენ სიმართლის პირში თქმას, რაც წრეგადასულ მოურიდებლობასა და უკმეხობა-უხეშობაში არასოდეს გადადიოდა.

მთელ სოფელში ჭკუა ეკითხებოდა ამ ჯერაც ახალგაზრდა ქალს. მითუმეტეს, ჭირში ფასობდა მისი აზრი და სიტყვა. შოუ ბჟალახეს გაზრდილი რომ არის, ეტყობაო, ამბობდნენ მასზე თანასოფლელები. ძაძუმაც იცოდა თავისი თავის ყადრი. მაგრამ ქედმაღლობა, დიდგულობა და ამპარტავნობა მისთვის უცხო რამ იყო. თავისი საფიცარი დადის გარდაცვალება ისე იგლოვა, როგორც საკუთარი დედისა. დარდისა და მწუხარებისგან მობერებულ სახეზე მკაცრი, ოდნავ გოროზი იერი აღბეჭდოდა. თითქმის არასოდეს ილიმებოდა ძაძუ, მაგრამ თუკი გაილიმებდა, მთელი სახე უნათდებოდა. პანია, უფერული, თხელი ტუჩები ისე ჰქონდა მომუნული, თითქოს ეშინოდა, არიქა, ღიმილმა რამეფრად არ შემოიტოკოსო. თვალეში მუდამ მზადყოფნა ედგა სხვათა დასახმარებლად. და ყოველივეს ისე იქმდა, თითქოს ეს მისი უშუალო და უპირველესი მოვალეობა გახლდათ ამ ქვეყნაზე. უბედურებას არ გაეტეხა ქალის ნებისყოფა, არც სიკეთის ქმნის უნარი და სურვილი ჩაშრეტილიყო მის არსებაში.

ძაძუს შინაგანი ბუნება, მისი გულის სითბო თუ დარდი და ვარამი განსაკუთრებით საცნაური ხდებოდა მაშინ, როცა ის მოთქმას იწყებდა. ეს

გახლდათ საოცარი, ჟრუანტელის მომგვრელი თვალუა¹. მისი რაკრაკა ხმა თითქოს ზღვის ტალღებით ირხეოდა და ლივლივებდა, გეგონებოდათ კი არ ტირის, მღერისო. გულისმომწყველი, სულის ამწენავი და ამაფორიაქებელი იყო ეს გოდება. მსმენელებს უკითხავად გადმოსდიოდათ თვალთაგან ცრემლთა ნიაღვარი. როცა დაძუ მოთქმას ამთავრებდა, უკვე ხმამალა ქვითინებდა სუყველა. საიდან ამოდოდა ამ ტანმორჩილ ქალს ასეთი ძლიერი ხმა, ან ამ საგანგებოდ გულისმომკვლელ სიტყვებს რანაირად არჩევდა, ვინ მისცა ამ საერთოდ თავშეკავებულ და სიტყვაძვირ დიაცს ესოდენი შთაგონება?

დაძუ ცდილობდა, არაფერს დასტყობოდა ბოჩის არყოფნა. ციცის თუ ბოჩის ახლობლები თვალ-წარბში შესცქეროდნენ, მზად იყვნენ, უსიტყვოდ, მორჩილად შეესრულებინათ მისი ყოველი ბრძანება თუ მითითება...

დაძუ რომ მორჩებოდა თვალუას, მას შეენაცვლებოდნენ ლაბაშიების ასულნი – ბოჩის მოკიდებული დები. ლაბაშიების ფანიას ერთადერთი ვაჟიშვილი მოუკვდათ და ძველი წესისამებრ, ცოლ-ქმარმა შვილად აიყვანა ბოჩი, ხოლო დებმა ძმად მოიკიდეს იგი: ბოჩის თმა შეაჭრეს, დედისმაგიერისთვის ძუძუზე კბილი დაადგმევინეს, მერე დიდი დიარა გამართეს, დაიკლა უამრავი პირუტყვი – ხარი, ძროხა და ფრინველი. ამის შემდეგ ბოჩი ითვლებოდა ლაბაშიების ღვიძლ შვილად, ხოლო დებისთვის – ღვიძლ ძმად. და მართლაც, ჭირში ლაბაშიების თურმა ღირსეულად შეასრულა ახლონათესაობის ეს ოდინდელი წესი...

მენესებებსა და გამრიგებებში გამოირჩეოდა ჟანგარა, ზორბა ტანის, კაჭაფხებებიანი, თმა შეჭალარავებული კაცი; არავინ უწყოდა, რა გვარტომის იყო იგი, სადაური. ჯერ კიდევ ოშორაში ეპოვნა იგი დადის, სამი წლისა – უპატრონოდ მიგდებული. შებრალებოდა, წამოეყვანა სახლში, და გაეზარდა... შავ ბეგოს – ასე ეძახდნენ სიშავის გამო, ერთი თავისნაირი უსახური, მაგრამ გულკეთილი და მოხანდე² ქალი მოეყვანა ცოლად. ჩინებული სახლ-კარი გაემართა დადის ხელშეწყობით, გამრავლებულიყო. მაგრამ თავის გამზრდელს და კეთილისმყოფელს არ ივინყებდა, ხშირად აკითხავდა, საქმეში ხელს წაუკრავდა ხოლმე. ყველას შინაურად მიაჩნდა და ისიც იფერებდა თავის მდგომარეობას. მზრუნველობასა და ყურადღებას არ აკლებდა უქმროდ დარჩენილ დადის და ოხლად დარჩენილ ბოჩის. ციცის კი, ციცის ეთაყვანებოდა იმდენად, რომ თვალეში შეხედვას ვერ უბედავდა.

უჩა ბეგო ახლაც, ამ უბედურების ჟამს, ციცის და დაძუს მარჯვენა

ხელი იყო. ზღვა ხალხის დახვედრას, გასტუმრებას, წესის და რიგის მიხედვით, – უჩა ბეგო თაობდა და ღირსეულადაც უძღვებოდა საქმეს.

დაძუსთან ერთად ციცის წუთითაც არ მოშორებია ფათულია – ნათესაობაში ყველასგან გამორჩეული და საყვარელი მამიდა. ეამაყებოდა ციცის, გარეგნულად მამიდას რომ ამსგავსებდნენ.

წყნარი, მშვიდი, ფაქიზი მამიდა ფათულია მეტწილად თავისთვის იჯდა ხოლმე ჩუმად კუთხეში და უდრტვინველი იერით აფახულებდა თავის გრძელ და ხშირ წამწამებს; ათასში ერთხელ თუ ამოიღებდა ხმას და მაშინაც იმის შიში ჰქონდა, ვაითუ ზედმეტი რამე ვთქვაო. ჩუმად, უხმაუროდვე იცოდა საქმის კეთება. ხმამალალი სიტყვა აკრთობდა. ისე დადიოდა, თითქოს ერიდებოდა, თავის ჩრდილისთვის ფეხი არ დაეხეზებინა. ადამიანთა შორის იჯდა, მაგრამ ხშირად მისი გონება სადღაც შორს ქროდა. თვალეში ამ დროს უცხო, მხოლოდ მისთვის საცნაური ზმანებები ედგა და მაშინ ძლივს შესამჩნევი, იდუმალი ღიმილი უტოკებდა მომხიბლავ ტურ-პირს. ყველანი არაამქვეყნიურ არსებას ეძახდნენ. სიფრთხილითა და სინაზით ექცოდნენ როგორც შინაურები, ისე გარეშენიც. რალაცნაირი მოწინებისა და უხმო თაყვანების გრძნობას იწვევდა მისი უჩვეულო სილამაზე და ხასიათის თავისებურება. ციცი ხომ აღმერთებდა და აღმერთებდა თავის ღვთივმშვენიერ მამიდას.

თავიდანვე საოცარი ბედი დაჰყვა მამიდა ფათულიას. ნაბოლარას, ექვსი ძმის ერთადერთ დას, დედით და მამით ადრე დაობლებულს, ხელის გულზე ატარებდნენ ყველანი. ძმები ხომ, რომ იტყვიან, ცივ ნიავს არ აკარებდნენ. და აი, ერთ მშვენიერ დღეს, პატარა ფათუ დაიკარგა. გოგონა სახლთან ახლოს მდებარე ტყეში შესულიყო ყვავილების საკრეფად და აღარსად ჩანდა, ფათულია დაიკარგაო, სოფელი ფეხზე დადგა. გადაჩხრიკეს მთელი ტყე, არ დატოვეს არც ერთი კუნჭულ-ალაგი, მაგრამ მინამუქნაპირიდაჩაყლაპა, თუმზემაიტაცა, ფათულიაარსადჩანდა. სალამო ბორჯში, განანამები და სასონარკვეთილი ძმები და თანასოფლელები ტყის პირას, სოჭის ძირში მოულოდნელად გადააწყდნენ მშვიდად მჯდარ გოგონას, უზარმაზარი ყვავილების თაიგული რომ ეჭირა ხელში.

მისცვივდნენ გახარებულნი, აქ როგორ და საიდან გაჩნდიო. აკი ეს ალაგიც ბევრჯერ მოვათვალეირეთო.

– აქ ოჩოკოჩმა მომიყვანაო, – თქვა ფათულიამ და დანდობილად შეჰღიმა ძმებს. ოჩოკოჩმაო, გადაირივნენ ძმები, რას ბოდავს ეს ბაღლიო. მაშინ ფათულია მოუყვა თავისი წკრიალა ხმით, თუ როგორ მოხდა ყველაფერი.

კარგად ბლომად რომ მოუკრეფია სხვადასხვაგვარი ყვავილები და დიდი თაიგული რომ შეუკრავს – თან თურმე ყოველი ყვავილის სახ-

¹ მოთქმა.

² მშრომელი.

ელნოდებას იხსენებდა და რასაც ვერ მოიგონებდა, თავად სახელდახ-
ელოდ არქმევდა – უცებ მიხვდა, რომ გზა დაებნა, მეტისმეტად შორს
ნამოუტყუებია ტყეში ყვავილების ძებნას. რომ დარწმუნებულია, გზას
ვერ გაიგნებდა, ყვავილების კრეფა მაინც გაუგრძელებია, თუკი საშველი
არ არის, ბარემ გულს მაინც ვიჯერებო. კი მაგრამ, არ შეგეშინდა, მხეცს
შეეჭამეო, შეჰყვირა თურმე ერთ-ერთმა ძმამ.

– რატომ უნდა შეეჭამეო? – ისე გაუღიმა ფათულიას, ისეთი უმანკო
გაკვირვებით, რომ ვილაცას ნამოუძახნია: – ეს ბავშვი ამ ქვეყნის არააო.

„ისე, მართალი ხარ, ბაბა, შენ. ტყის ოთხფეხა მხეცის კი არ უნდა
გეშინოდეს, არამედ ორფეხა ნადირისო“, – უთქვამს რომელიღაცა მოხ-
უცებულს.

ფათულიას ყვავილების კრეფა რომ მოუმთავრებია, უცებ რაღაც
საშინელი ხმაური შემოესმა თურმე. თითქოს ვილაცა ხეებს ძირფესვი-
ანად თხრიდა და ლანა-ლუნით ისროდა აქეთ-იქით; სანამ რაიმეს მოის-
აზრებდა, უშველებელი დევ-კაცი ნამოსდგომია თავზე.

– ვინ ხარ შენ, რა სულიერი, ან აქ საიდან გაჩნდიო, – დაუგრგვინვია
ბუმბერაზს ისეთი ხაფი ხმით, რომ ტყე და მინა შეზანზარებულა. ფათუ-
ლიას კი თურმე წარბიც არ შეუხრია.

– მე ფათულია მქვია. ყვავილებს ვკრეფდი ტყეში და გზა დამებნა. შენ
თავად ვინ ბრძანდები და რა გქვია ძიაკაცოო?

– მეო? – დაიბნა თურმე ბუმბერაზი ერთბაშად: – მე ოჩოკოჩი ვარ,
განა ვერ მიცანი? – ბოლოს ძლივს ამოთქვა თურმე საქციელნამხდარმა.

– ოჩოკოჩი? ოჰ, ძალიან სასიამოვნოა შენი გაცნობა, ბიძია ოჩოკოჩი.
მე შენ სულ სხვანაირი მეგონე! – მიუგო ფათულიამ და თაიგული გაუნო-
და: – აი, მიირთვი ჩემგან საჩუქრად. დილას აქეთ ვკრეფ ამ ფერად-ფე-
რად და ნაირნაირ ყვავილებსო.

– დიდად გამადლობ, მაგრამ... რანაირი გეგონე მაინც, სხვანაირი? ხომ
არ მეტყვიო, – დაუბღვირა თურმე ოჩოკოჩმა.

– როგორ არა, გეტყვიო, მეგონა, ბანჯგვლიანი იყავი, ტანი სულ მთ-
ლად ბალნით გქონდა დაფარული. წვერი წელამდე მოშვებული, თმაა-
ბურძენული, ბოროტი და ავი იყავი მეგონე. შენ კი... ჩვეულებრივი
დეკაკაცი ყოფილხარ, კეთილი და უწყინარიო.

– ჰმ, ჰმ. საიდან იცი შენ, რომ კეთილი და უწყინარი ვარო? – ჩაჰკითხა
თურმე ოჩოკოჩმა.

– აი იქიდან, წელან რომ მოგესალმე, შენ დაიბენი და განითლდიო.

– უყურე ერთი ამ ეშმაკის ფეხსო! – ჩაიბუზღუნა თურმე ოჩოკოჩმა
თავისთვის. მერმე ეუბნება: – დიდი მადლობელი ვარ საჩუქრისთვის,
მაგრამ შენ დაიტოვე, ჯობია. ახლა კი წამოდი, თორემ ღამდება და შენ

მარტო შეგეშინდება ტყეში. შენინებიც ალბათ გეძებენ და ჯავრობენო.

ოჩოკოჩს საჩვენებელი თითი გამოუწოდებია გოგონასთვის, ფათუ-
ლიასაც ხელი ჩაუკიდნია და ერთად გამოუწევიათ. გზაზე ოჩოკოჩი
გამოსტყდომია: მე, „ტყაში მაფამ“ გამომაგზავნა შენთან, გზა აებნა და
მიეშველეო. მერმე დაემშვიდობა და ისევ ტყეს მისცა თურმე თავი.

ეს ბავშვი ნამდვილად ამ ქვეყნის არააო, კვლავ დაუსკვნიათ თანასო-
ფლელებს ერთხმად. ჩანს, შემთხვევით გაჩნდა ჩვენ შორის, ღმერთებმა
საგანგებოდ მოგვივლინეს საიდანლაცო და ლამის მუხლი მოუყრიათ
ციცქნა მაცირიას წინაშე.

ერთხელაც ფათულია, უკვე ნამოჩიტიული გოგონა, სახლიდან გაპა-
რულა: მეზობელი სოფლის ბიჭს გაჰყოლია ცოლად.

მესამე დღეს ძლივს მიაგნეს ძმებმა ერთ მთის სოფელში თავშეფარე-
ბულ გოგო-ბიჭს. გამოეგება თურმე ჯარგვლიდან შეიარაღებულ და სი-
ბრაზისგან გაცოფებულ ძმებსა და ნათესავებს ფათულია – უწყინარი და
მშვიდი ღიმილით.

რისთვის შენუხებულხართ, ჩემო ძვირფასო ძმებო, ჩემთვის ხომ ძალა
არავის დაუტანებია. ამ ბიჭს მე ჩემი ნებით გამოვყვივო.

რალას იზამდნენ, კბილების ღრჭიალით შეათვალაიერეს თურმე
ტროყა ბიჭი, ჯარგვლის კარს რომ იყო ნახევრადმოფარებული და პირში
ჩალაგამოვლებული და გულზე გახეთქილები, გამობრუნებულან უკან.

ექვსი თვის შემდეგ ფათულია დაბრუნდა სახლში, ძმებთან. ვერ შევეგ-
უეთ ერთმანეთს და დავცილდი ჩემს ქმარსო, განუცხადა თურმე გულშე-
მოყრილ ძმებს. ჰაი აქეთ, ჰაი იქეთ, მაგრამ მეტი ვერაფერი დააცდევინეს
ქალს. ჩაიგუბა პირში წყალი და იყო ისე. ასე რომ, დღემდე არავინ იცოდა
ნამდვილი მიზეზი ფათულიას შინ მობრუნებისა. ფათულიას ქმარმა კი
რამდენჯერმე მიუგზავნა შუაკაცები ძმებს, თვითონაც, ერთხელ, იხელ-
თა დრო და ფეხებში ჩაუვარდა, თურმე, ფათულიას ხვეწნა-ტირილით,
დამიბრუნდიო, მაგრამ არაფერმა გაჭრა: ფათულია – ეს ნაზი, სათუთი
ფათულია, შეუდრეკელი და მტკიცე პიროვნება აღმოჩნდა.

ხელის მთხოვნელი კი, იცოცხლეთ, არ დაჰკლებია ფათულიას, მაგრამ
ქალის პასუხი ერთნაირი იყო ყველას მიმართ: გათხოვებას არ ვაპირებ
საერთოდ და ჩამომეხსენითო. რაკი არაფერი სჭრიდა, თანდათანობით
შეეშვნენ. მით უფრო, რომ ხმა დაირხა, ფათულია ქურუმად კურთხევას
ეპირებო.

ციცის თან ახლდა აგრეთვე მისი სიყრმის მეგობარი, გაუთხოვრად
დარჩენილი ნება.

...ზღვის მიქცევა-მოქცევასავით მოედინებოდა და მიედინებოდა
ზღვა ხალხის ნაკადი.

დიდი ნოლადან მოვიდნენ იათნანას დედოფლის, იამზეს წარმოგზავნილები: დარბაისელი მანდილოსნები და თეთრწვერა მოხუცები. მოიტანეს დედოფლის თანაგრძნობის სიტყვები, მიუსამძიმრეს ციცი და ჭირის სუფრაზეც დარჩნენ.

...დედაბერი ჯოხზე დაყრდნობილი, ბადიშებმა მიიყვანეს დადის ცხე-დართან. ამ საცოდავს სხვისი დატირების თავი სადა აქვს, ძლივს მოხვანხვალბოსო, გაიფიქრა ციციმ და რომ ეგონა, აგერ-აგერ წაიქცევასო, უცებ თანმხლებნი ჩამოიშორა ბერდიაცმა, წელში გასწორდა, ყელი მოიღერა და ისეთი ხმით დაიწყო მოთქმა, გაოცებისგან ყველამ პირი დაალო, თვალები ჭყიტეს.

„ჩვენო საკვირველო შოუ მესიაკონო, ჩვენო სიამაყე და თავმოსანონებლო დადებჩა! შენ მიდიხარ იქ, სადაც ღირსეულად განისვენებენ შენი სულმნათი წინაპრები! მიდიხარ ზესკნელში, ღვთისშვილებთან. მაგრამ მე რად მტოვებ, შემოგველე, აქ? ამ გაძალღებულ, უმაქნის სიცოცხლეს რაღას ვაქნევ უშენოდ?“

დიდხანს მოთქვამდა დედაბერი. გულაჩუყებული ხალხი ვინაობას კითხულობდა მისას, მაგრამ არავინ არაფერი უწყოდა. ციციც პირველად ხედავდა მას.

ბერდიაცის თანმხლებ ბადიშებს ძლივს დაფარული გულგრილობა ეხატათ სახეზე. თვალები აცაბაცა გაურბოდათ. თუმცა, დროდადრო ცდილობდნენ ღირსეულიერი მიეღოთ სახეზე.

უნებურად, თავის პატარა ბიჭებს დაუნყო ძებნა ციციმ თვალთ. ისინი თუ ხედავენ ყოველივე ამას, თუ გრძნობენ და განიცდიან დიდი ბების ამ პატივისცემასა და სიყვარულს, რასაც იათნანელები მიაგებენო მას, ფიქრობდა.

გელა და გოჩა ჯერ საამისო აღქმისთვის, რასაკვირველია, პატარები არიანო, განაგრძობდა ფიქრს ციცი. მაგრამ...

ყველაზე მეტად გულს მაინც ბოჩის დაუსწრებლობა უსერავდა.

„ბოჩი, შვილო!“ რამდენი უთქმელი დარდი თუ სერვილი ჩააქსოვა დადამ ამ ორ სიტყვაში, ამ გულღვიძლისმიერ ამოხვრანაშიო, წუხდა ციცი. ბოჩი კი ამ დროს, ვინ იცის, სად იმყოფებოდა. სად, რომელ ქვეყანაში „აკვარახჭინებდა“ სარფიან საქმეს; (ასე იცოდა ხოლმე თქმა, როცა რაიმეთი კმაყოფილი ხელებს მოიფშვნებდა და მოშაინურად გაიღიმებდა).

მერე იყო ზარი: არნახული, არსმენილი. კუნძულის ყოველი საყდრის ქურუმები, ქადაგები და კაბდელები ერთად შეგროვილიყვნენ. წინ ქალები მიუძლოდათ დადის გაზრდილი ოშორელი მეთუფე თუმათის მეთაურობით. უკან კაცები მოყვებოდნენ. მერმე ქალები განზე გადგნენ და მარტო ქურუმმა მამაკაცებმა დაიწყეს გლოვის ზარის გალობა.

ზარი სხვა დროსაც მოუსმენია ციცის, მაგრამ ამის მსგავსი – არასოდეს. ეს იყო სულის შემძვრელი გოდება. ციცის ტანი აებურძგლა. ჟრუანტიელმა დაუარა და ერთბაშად... მდულარება გადმოსკდა თვალთაგან.

დიდი და პატარა, ქალი და კაცი ერთხმად ზღუქუნებდა.

ქურუმთა ზარის შთაბეჭდილება ჯერ არ განელებულიყო, რომ უფრო საოცარი სურათის მხილველნი შეიქმნენ.

ჯერ კიდევ შორიდან მოისმა ცხენების ფეხთა თქარა-თქური. თეთრი ტაიჭები შემოაგელვეს მხედრებმა ორლობეში. სწრაფად გაინ-გამოინია ხალხმა და გზა უტიეს ცხენოსნებს, რომლებმაც ჭიშკრისგან მოშორებით მონყევით შეაჩერეს ულაცები, დაქვეითდნენ, სადავეები მიუგდეს შემოგებულ მენესეებს და ეზოში შეინკაპნენ. მუქი თავსაბურავებიდან გრძელი, ოქროსფერი თმები გადმოშლოდათ ყუყასავით შავ მოსასხამებზე. ტანმადალ დიაცებს წინ მიუძლოდა შავი პირბადით სახედაფარული ქალი. წინამძღოლს ჯაჭვით მოჰყავდა პატარა, უცნაური ცხოველი. თუმცა გლოვის ნიშნად თავდახრილი მოაბიჯებდა, მიხრა-მოხრა, სიარული, მთელი მისი აღნაგობა და იერი მის დედოფლურ, ბრძანებლურ ბუნებას ავლენდა.

ცხედარს რომ დაუახლოვდნენ, წინ მიმავალმა პირბადე აინია – განცვიფრების შეძახილი აღმოხდა ერთბაშად სუყველას.

არნახული მშვენიების დიაცს უტყვი მწუხარება აღბეჭდოდა სახეზე. იგი ცხედრის შორი ახლოს შეჩერდა. მხლებლებიც შედგნენ – წინამძღოლისგან საპატიო მანძილზე.

ციციმ და მამიდამ სწრაფად გადახედეს ერთმანეთს. მამიდა ფათულის თვალებში უცნაური ალი აენთო. იდგა თავანუელი და მოჯადოებულებით შეჰყურებდა უცხო ოსურ პატონს¹.

სამარისებური სიჩუმე ჩამოვარდნილიყო. ამოდენა ზღვა ხალხს თითქოს სუნთქვა მოეპარა რაღაც სასწაულის მოლოდინში.

გულხელდაკრეფილმა მზექალმა მზერა მალლა აღაპყრო. ქანდაკადქცეული, გლოვის სვეტივით აღმართული იდგა ერთ ხანს, გასუსული ხალხის წინაშე. მერმე დიაცი შეირხა. კიდევ წამი და ჟრუანტიელის-მომგვრელი, ხიბლიანი ხმით წამოიწყო:

„შოუ ბჟალახე, შოუ მესიაკონო, შენ ისე იცხოვრე, ვით შეჰვერის აიაიას მოდემის ღირსეულ მახვამურ-ქალს. შენს ნაკვალევზე მხოლოდ სიკეთის მარცვლები გაბნეულან და გაღვივებულან, ამ მარცვლებს ტანი აუყრიათ, კვირტი გამოუსხამთ, ნაყოფით დახუნძლულან. ვით ბრონეულის ნაყოფსა და ყურძნის მტევნებშია ჩანურვილი მზის მცხუნ-

¹ ქალბატონი.

ვარება, მზის ღვთაებრივი ჩხორია¹, ისე ავსებულა შენი სული უკვდავი მზის მადლით, რათა დაუბრუნდეს ღვთაების მარადიულ საუფლოს, ზეალსავალს მისას.

ო, შოუ მესიაკონო, მზის ასულო და მზის მსახურო! სული შენი ფრთებგამლილი მიისწრაფვის მზის საბრძანისში, რათა დაიმკვიდროს იქ ადგილი სამარადისო.“

მზე-ქალის ფეხებთან თავჩარგული უცნაური ცხოველი ანკმუტუნდა, როგორც კი იგი დადუმდა.

ამ ხმამ, თითქოს ქვესკნელიდან ამომავალმა, ყველას ცივ ჟრუანტელად დაუარა ტანში. მზე-ქალმა უცებ ფეხი თავზე დაადგა ცხოველს, კატის და ძაღლის ნაჯვარს რომ ჰგავდა. ცხოველმა ხმა ჩაიწყვიტა.

მოულოდნელად მზე-ქალმა თვალი თვალში გაუყარა ციციის, მერე მამიდა ფათულიაზე შეაჩერა გამჭოლი მზერა:

„მიცანი?“

„კი... ტყის დედოფალი ბრძანდები“.

„არ შემეძლო არ მოვსულიყავი, ხომ არ დამძრახავთ?“

„ვით ეგების ეგ!“

„ჩემს ფეხთით დამხობილ ძუკნას ხომ ხედავთ? ძვაბრაა. დადისგან გამოდევნილი და შეჩვენებული ძვაბრალე.“

ყოველ მიწისშვილს ჰყავს თავისი ძვაბრა, იცით ეს თქვენ დადისგან. ეს ძვაბრა ჯერ ძალიან პატარაა. მერმე იზრდება. ხან კაჟან-დევად იქცევა, ხანაც გველეშაპად. გააჩნია, ვინ როგორ ასაზრდოებს და კვებავს მას. ზოგი თავიდანვე ახერხებს მის გამოძევებას თავისი გულ-გვამიდან. დადამ ყმანვილობაშივე შეძლო ეს. ჰოდა, დაძრწოდა ტყე-ღრეში ეს ნაგვემი, დანიხლული, ბოროტი ძვაბრა: ხან ვის სახეს იღებდა და ხან ვის; ხან ვითომ ჭინკა იყო, ხანაც კუდიანი დედაბერი, ხან კიდევ ჯადოქარი და ელოდებოდა ჟამს, თუ როდის ჩასახლდებოდა დაუძღურებულ, ძაბუნ სხეულში. ამ წყეულმა თუ არ მოძებნა თავშესაფარი, ისე არ ძალუძს მოსვენება, რამეთუ დღენიდაგ მხოლოდ იმაზე ოცნებობს, როდის აქცევს ურჩხულად თავის მსხვერპლს.

დადის ნათლითმოსილი სული უკვე მიუწვდომელია ამ წუნკალი ხვადავისთვის, მაგრამ შურისძიების წყურვილი მაინც ახრჩობს: ეგება თვალეში ამოჭირქნო, სხვა თუ ვერა მოვახერხებ რაო. არა და არ ასვენებს ავი განზრახვა.

დროზე ვიგულთამხილავე ყოველივე ეს და აი, თქვენც ხედავთ: დავადე ხაჯალური² და ვაიძულე, ეგლოვა და ექვითქვითა გამარჯვებულის

¹ სხივები.

² ხის ბორკილები.

ცხედართან, რამეთუ ყველამ უნდა უწყოდეს: „არავის ძალუძს, ძე-ხორციელს ნათელი სულის მატარებელი სხეულის შებილწვა, სულის, ვინც დათრგუნა და სძლია ბოროტ ძვაბრას!“

მთელ იათნანაზე დაირხა ხმა: შოუ ბჟალახე დაიტირაო „ტყაში მაფამ“¹ და მისმა მხლებელმა მესეფეებმა.

დადი ქვის სარკოფაგში, კლდეში გამოჭრილ გამოქვაბულში არ დაუკრძალავთ ოშორელთა წესისამებრ, არამედ – მისივე ანდერძის თანახმად – დაასაფლავეს იათნანურად – თიხის კუბოში ჩასვენებული მისი ნეშტი ბორცვის ფერდობზე მიაბარეს მინას.

შოუ ბჟალახეს (დადის) წიგნის შესავალი

„ჩემო მახარიებო, ჩემო ციცი და ბოჩია!

ის, რაც უნდა მოგიტხროთ ახლა, სხვა ჟამსაც მოგისმენიათ ჩემგან ნაწყვეტ-ნაწყვეტ, აქა-იქ, მაგრამ ამჯერად მნადიან ერთად თავი მოვუყარო სუყველაფერს არა, რასაკვირველია, არამედ მხოლოდ ზოგ მათგანს. ვიმედოვნებ, გულისყურით გაეცნობით და ვითარცა საჭიროა, ისე გაიაზრებთ თქვენი დადის თავსგადახდენილ ამბებს.

...ჩვენს გვარში მისხით მისხამდე დამკვიდრებული წესის თანახმად, მშობლებმა ბჟალარას საყდრის მახვამურებს მიმაბარეს. ბჟალარას მახვამურებთან გავატარე მეტწილად ზავშობა და სიყრმე, სანამ იმავე საყდარში მე თავად არ მაკურთხეს ქურუმად, მაგრამ რა საყდარი ეთქმოდა ჩვენს ბჟათას? სადღა იყო მისი ძველი დიდება, პატივი და სახელი?

...ჯერ კიდევ ბაბუაჩემს ახსოვდა, რა კრძალვით გვექცეოდნენ თურმე უცხოტომელნი ძველად, რამეთუ აიას კუნძულიდან გამოჰყოლოდათ წინაპართ ჩვენსას ცოდნის ნატეხნი, თაობიდან თაობას რომ გადაეცემოდა ხოლმე.

ჩვენი ზვრებისა და ყანების სიუხვე და დოვლათი აურწყავი ჩანდა, მშვენივრად ნაგები ქალაქნი და საყდარნი თვალს სტაცებდა მნახველთ. ტყენი, წყალუხვი მდინარენი და ტბანი ფრინველთ, ნადირთ და თევზთ ველარ იტევდნენ. აგებდნენ და იღვწოდნენ ხალისით, სიმღერით, უჭაპანწყვეტოდ.

ადრე არა ერთგზის მითქვამს თქვენთვის, უცხოელთ ყოველთვის უკვირდათ-მეთქი ოშორელთა და საერთოდ, ჩვენი თესლტომის უდარდ-ელობა, დაუდევრობა, უზრუნველობა, სილაღე და უშურველობა – ჩვენი ბუნებითი ხასიათის თითქოსდა ქარაფშუტობით ხსნიან ხოლმე ამას ისინი. ეს ეგების მართლაც ასე ჩანს სხვათა თვალში. თქვენ თავად უწყით,

¹ ტყის დედოფალი.

ახლაც კი, ჩვენს მოდგმას, არ დაეღევა საბაზი და მიზეზი მოსალხენად. რაკილა არსთა გამრიგის მიერ დალოცვილ, ნოყიერ მიწა-წყალზე ვსახლობთ და დიდი გარჯა და შრომა არ გვინევს მაინცდამაინც საარსებო ლუკმა-პურის მოსაპოვებლად, ჩვენც ვითომდა ამისა გამო დროსტარებასა და დიარებს ვართ გადაყოლილნი. სინამდვილეში ჩვენი მოლხენის წეს-ჩვეულებანი ხსოვნა უნდა იყოს იმ შორეულ და აწ გარდასულ ბედნიერ დღეთა, როცა წინაპარნი ჩვენნი მკვიდრობდნენ აიას კუნძულზე, როცა აიელნი უზღუდო და უგალავნო ნოლათ აშენებდნენ, როცა უშიშრად და გულღიად ხვდებოდნენ ყველას, ვინც კეთილი ნებით მოდიოდა მათთან, შუბი და მახვილი ველურთ და გონებაჩლუნგთ სჭირდებათო მხოლოდ თავიანთი ვითომდა უპირატესობის დასამტკიცებლად, აცხადებდნენ აიაიელნი. თავად აიაიელთ ძალადობას ვერავინ გაუბედავდა, რამეთუ მახვამურნი მათი, ქალღვთაება მზე-ბარბალის მიერ ხელდასხმულნი, ისეთ ზებუნებრივ ძალებს ფლობდნენ, რომ მათი მეშვეობით თავისუფლად გადიოდნენ კოჭიმელსა და კიმკიმელშიც. ამადაც იყო კირკეს მოდგმა ესოდენ უდარდელი და ლალი. მტერი არ ჰყავდათ და მტრობაც არ უწყოდნენ ამდენად. მერმე, როცა აიას შთამომავლებს მტრები გაუჩნდათ და მოუმრავლდათ კიდევ, კარგა ხანს ველარ ისწავლეს მაინც სხვათა სიძულვილი და მტრობა.

უცვლელი არაფერია ამქვეყნად. ჟამთა ვითარებაში აიას ქიანასაც შეეპარა ფერისცვალება.

ქურუმთა შორის თავი იჩინა მეტოქეობისა და მეშურნეობის ძაბრალისეულმა¹ გრძნობამ. ზოგმა მათგანმა ერთი მეორის ჯიბრზე ჩუმ-ჩუმად იწყო კირბების გაცემა იმათზე, ვისაც ბუნდი წარმოდგენა თუ ჰქონდა მათზე, მაგრამ რომელთაც ერთბაშად მოინდომეს დაუფლებოდნენ იმ უზარმაზარ სიბრძნეს, რასაც ხანგრძლივი, ბეჯითი მეცადინეობით, რუდუნებით, წვრთნითა და გარჯილობით იძენდნენ ხოლმე ხელდასხმულნი, ზოგმა ესეც აღარ იკმარა: დროდადრო იპარებოდნენ კუნძულიდან და ცდილობდნენ ველურ, კაციჭამია ტომებში გაეგრცელებინათ ის ცოდნა, რისთვისაც ისინი ჯერ უმწიფარნი და შეუმზადებელნი იყვნენ. ყველაფერს თავისი ჟამი აქვს, მახარიებო. ვითომ ცოდნითა და ცრუ სიბრძნით შეფერილ-შეკაზმული უმეცრება და სიბრყივე გაცილებით უფრო საშშია უცოდინარობაზე, რამეთუ იგი სათავეა კაცთა შორის ბოროტების, ძალადობის, სისასტიკისა და ავზნეობის. მახვამურთა ერთმა ნაწილმა დაარღვია ჟინი ორთას² მიერ მონესრიგებული სწორედ ეს თანაზომიერება.

¹ ეშმაკისეული.

² არსთა გამრიგე.

რა ბედნიერი იქნებოდა კაცთა მოდგმა, ყოვლისშემძლეობის ცრუ შეგნება რომ არ უბნელებდეს გონებას, არ უმრუდებდეს თვალთახედვის ისარს: რაგვარ დაითრგუნებოდა და დაინიხლებოდა ბოროტი ძვაბრა, ასე რომ ხარობს და ნეტარებს მიწისშვილთა ფუჭი, უსაგნო მედიდურობით, რომ შიშის, სიხარბის, შურის გამოისობით კაცთა მოდგმის ნაშიერნი ზეცას კი არ მიეღვივან, არამედ ძირს, ქვეწარმავლურად დახოხავენ, ციდამტკავლურად ზომავენ თვალსანიერს; სისინებენ, ქირქილებენ, ქირდავენ ერთი მეორეს და განუწყვეტილად ანთხევენ ბოლმასა და შხამს, ღვარძლს თესვენ და დურბელას... და ინამლება ჰაერი ამ ლენცოფას გესლით, ხანჭკოლსავით მწარე დურდოთი.

ხრწნა და უმსგავსოება სულ ეფრო და უფრო ძალუმად იკიდებდა ფეხს აიაიელთა შორის. ერთი შფოთი ჩამოვარდა. ატყდა კინკლაობა, დავა, ჩხუბი. საფრთხე დაემუქრა აიაიელთა არსებობას.

ღმერთები შემწყნარებელნი არიან, ჩემო მახარიებო, შეუგნებლად, უნებლიეთ ჩადენილი ცოდვათა მიმართ, იწყნარებენ მონანიებას, ხოლო მოაზრებულად ჩადენილი ცოდვა გონიერი არსების მიერ, დიდ გულისწყრომას იწვევს მათში. ამჯერადაც სასტიკად დაისაჯნენ აიაიელნი იმ დანაშაულობათა გამო, რასაც იქმოდნენ შეგნებულად. კუნძული ცეცხლმა და წყალმა შთანქა. გადარჩენილი აიაიელნი მიმოიფანტნენ დედამიწის სხვადასხვა მხარეში, ერთმა ნაწილმა თავის მონათესავე, წარმომავლობით თავის გვარ-ტომელთა: თუბალ-კაინის, მოსოხთა, იბერთა და კოლხთა მიწა-წყალს მიაშურეს, სხვა ნაკადი კი დამკვიდრდა აქ, კუნძულებსა და გაღმა-გამოღმა ნაპირებზე და უფრო შორსაც, ხმელეთის სიღრმეში, სისხლით ახლობლებთან. ეს მოხდა უშორეს, უხსოვარ ხანაში, ოდის წინამძღოლობისას.

...გუდათისა და სქურის ბრძოლებში თუმც კი ძლეულან მომხვედურნი, მაგრამ არც ოშორელთ დასდგომიათ კარგი დღე; უეცარ შემოსევას აქამდე უცნობ, უშქ, ველურ ტომთა, დაემატა თურმე კუნძულზე არნახული მიწისძვრანი, მთის ცეცხლოვანი ამოფრქვევა, დიდროობა და მისთანა უბედურებანი.

ვითარცა ვთქვი, მაშინ მტერს კი ასროლინეს კუდით ქვა, გარნა დროთა განმავლობაში მოოხრებულ, ნახევრად დაცარიელებულ ოშორაზე, თავად ოშორელთა ნებართვითა და ხელშეწყობით, თანისთანობით, ნელ-ნელაობით დაუნყიათ ჩამოსახლება აქაველთაგან დევნილ და დამარცხებულ უცხო ტომელთ. თავად გასაჭირში ჩავარდნილი ოშორელნი ყოველისფრით უმართავდნენ ხელს ლტოლვილთ, დიდსულოვნად და გულმონყალედ ეხმარებოდნენ, ვითარცა სწვეოდათ ხოლმე ეს საზოგადოდ სხვათა მიმართ, მეტადრე, რომ ეს ბარიბარ მოხეტიალე, ტყიური

კათა უკიდურესად ლატაკი, ბოგანო და არარაის მცოდნენი ჩანდნენ. მათ აღარაფერი გაეგებოდათ მინის მოვლისა, არც მშენებლობის ესმოდათ რაიმე. სამაგიეროდ, მერმე და მერმე ცბიერებასა თუ ვერაგობაში, სიხარბესა თუ შურიანობაში ტოლს არ უდებდნენ არავის. მით უფრო უცნაური და მოულოდნელი ჩანდა ეს იმგვარი ტომისაგან, ლამის უმად რომ მიირთმევდნენ ნადირ-ფრიველთა ხორცს და არა მხოლოდ ნადირთა!..

დრო გადიოდა. ოდეს ჩვენი მტერ-მოყვარენი დღემუდამ ძილ-ფხიზლობდნენ, რათა ათასგვარი ხერხითა და ფანდით დაუფლებოდნენ მინა-წყალს ჩვენსას, ჩვენებურები ამ დროს ა გ უ ნ ა ს ანუ ბ ა ხ უ ა ს სადიდებლად გათენებიდან გათენებამდე ტაკი-მასხარაობდნენ, ჰამპულაობდნენ ოჩოფეხებზე შემედგარნი, თხის ტყავმოსხმულნი თავიანთ ცუდლუტობასა და ლაზღანდარობას ღვთის სამსახურს ეძახდნენ. გ ა ბ ა ხ უ ა ს ე ბ უ ლ ომორელთათვის ბახუას სალოცავები იქცნენ თავაშვებულ ღრეობათა, ცრუ მისნობათა და ქადაგებათა ალაგებად.

და აი, ერთ მშვენიერ თუ უბედურ დღეს აღმოჩნდა, რომ ამ იოვოის და დელი დელას ძახილში ჩვენს საყვარელ ოშორაზე უცხოთესლნი-მოსული კათა-ველურთ და ტყიურთ რომ ვუნოდებდით შინაურობაში, ისე მომრავლებულიყვნენ, ისე ებარტყათ და ისე მკვიდრად დაფუძნებულიყვნენ ჩვენს ქიანაში, რომ... თითქმის აღარ დარჩენილიყო საცხოვრისი ჩვენთვის, კუნძულის პირვანდელ და ნამდვილ მკვიდრთათვის, მით უფრო, რომ რიცხოვრებდა მცირენი გახლდით: დროს ტარებასა და ღლაბუცობას გადაყოლილი ჩვენი დიაცნი თითო-ოროლა შვილს თუ აჩენდნენ და ისიც დიდი გაჭირვებითა და ყვედრებით. ჩვენ, ოშორელნი საკუთარ ქვეყანაში სტუმრად ვქცეულიყავით, ხიზანი კი – მასპინძლებად მოგვლენოდნენ და ახლა ჩვენ გაგვხდომოდა საქმე სამონყალოდ და სამათხოვროდ!

რაკილა ისე გამოდიოდა, რომ ჩვენ, ნებსით თუ უნებლიეთ, ხელს ვუნყობდით მოსულებს ჩვენივე მამულთა მითვისება-მისაკუთრებაში, ბოლოს ბრყევადად, უტივინობადად და სულელებადად გამოგვაცხადეს. ჩვენი ნაგებ-ნაღვანი სასახლენი, საყდარნი, ნოლანი თუ დაბა-სოფელნი უცხო ტომის მიერ ნაშენ-ნაღვანად იქნა მიჩნეული და მონათლული. დამწერლობა ჩვენი – თავმოსანონებლად და საამაყოდ რომ გვქონდა გადაქცეული, წერა-კითხვის უმეცარ, უვიც მოსულთ გაეთავისებინათ და უკეთ მოერგოთ თავიანთი საჭიროებისათვის. ასეთი ტუტრუცანანი, უნდილნი, უდარდელნი, ჩიტირეკიანი აბა რაის შემქმნელი უნდა ყოფილიყვნენო, დაასკვნეს მტერ-მოყვარეთა ჩვენთა-შინაურთაც და გარემეთაც – მით უფრო რომ მოსულთ, უკვე აგრერიგად მოლონიერებულთ და მომძლავრებულთ, ქადილი შესწევდათ სხვათა წინაშე,

ჰოდა, იწყეს ურცხვად და უტიფრად მისაკუთრება ყოველისფერ იმისა, რაიც წინაპართ ჩვენსას შეექმნათ ოდესმე. გვიან გონს მოსულნი თავს ვინუგეშებდით იმით, რომ სიტყვიერ პაექრობაში ვჯაბნიდით მოსულთ და ვახერხებდით, ენით მაინც ჩვენი სახელი რქმეოდა ჩვენსას და ამითაც დიდად მაღლიერი ვიყავით ჩვენი ბედის, ამითაც თავს ბედნიერად ვრაცხდით. მერმე, ეტყობა, ესეც გაგვიჭირდა, ოშორას სხენებაზე უკვე გარშემო მყოფნი მხოლოდ მოსულთ გულისხმობდნენ. ახლა უკვე ჩვენ ვითვლებოდით გადიდგულეებულ მოსულთა თვალში და სხვებისაშიც – საიდანლაც მოთრეულ, უცხო ტომად – ვინ უწყის, როგორ და რანაირად ჩამოთესლილთ ამ ღვთაებრივ კუნძულზე. რაკილა ასე დავიჩაგრეთ სულიერად და ხორციელადაც (თუმც ხორცისმიერი სიმშვენიერე ჯერაც შეგვრჩენოდა, მაგრამ ამის წართმევასაც არანაირი ხერხებით არ თავილობდნენ: ჩვენს დარჩეულ გოგო-ბიჭებს ოქროზე ყიდულობდნენ. დიახ, დიახ, ჩემო მახარიანო, ყიდულობდნენ მშობელთაგანაც კი, ოლონდაც თავიანთ ოხორეში შემოეყვანათ ისინი. და გაელამაზებინათ თავიანთი ჯიში და ჯილაგი.

რაკილა ყოველივე: ძალაც, სიმდიდრეც, ცოდნაც მოსულთა ხელში აღმოჩნდა მეთქი-ანუ, რაკილა მოსულნი ძალაუფლებას მთლიანად დაეუფლნენ, გადარჩენილი ჩვენი მოდგმა თანისთანობით მოსულთა ენაზე აჭიკჭიკდა. ჩვენი მელექსენი და მემუსიკენი, მთქმელნი და წიგნთა გადამწერნი მოსულთა ჰანგზე შეუდგნენ წინაპართა სასახლო საქმეთა გადაკეთებ-გადასხვაფერებას და მოკლე ხანში ბუმბერაზნი, გმირნი, ზეკაცნი და ღვთიშვილნი ჩვენი იქცნენ მოსულთა ბუმბერაზებად, გმირებად, ზეკაცებად და ღვთიშვილებად. ჩვენი თავაშვებული, უზნეო ბახუაც აღარ შეგვარჩინეს, სახელი გადაარქვეს მათებურად და გაითავისეს.

რაკილა მოსულთ უკვე ვერანაირად ვუმკლავდებოდით, მთელი ჩვენი ნიჭიერება, გვიან გამოფხიზლებული ტვინი და გონი წარვმართეთ ერთმანეთის მიმართ მტრობასა, შურსა და კინკლაობაში, ნაცვლად იმისა, რომ მჭიდროდ დავრახმულიყავით ერთი მოდგმის ყველა ტომი საერთო მტრის წინააღმდეგ. ცოდვათა ჩვენთა სიმრავლის გამო ღმერთებმაც აღარ მოგვივლინეს უწინდებური დევგმირები, ერს რომ წინამძლოლობდნენ ხოლმე და ამარჯვებინებდნენ კიდეც.

მოხდა პირუკუ: გონით და ღონით ძლიერნი ჩვენი გვარტომელნი, მოსულთა სამსახურში ჩამდგარნი, თავიანთ ძირსა და ფესვს, თავიანთ სისხლ-ხორცს არამცთუ ეხმარებოდნენ, ყოველნაირად მტრობდნენ კიდეც, რამეთუ ერცხვინებოდათ ოშორელობა და აიას არსებობასაც ზღაპრად და მოგონილ ამბად მიიჩნევდნენ.

ბევრი, ვისაც არ უნდოდა სამარცხვინო ყოფა, ვისაც არ სწადადა ათქვეფილიყო მოსულთა გვარ-ტომში, სტოვებდა ოშორას და მთელი ფანიითურთ მიდიოდა საცხოვრებლად იმ ადგილებში, სადაც ჯერაც მკვიდრობდნენ და მტკიცედ იდგნენ ფეხზე ჩვენი თესლტომელნი. ძალიან ბევრნი შორეულ კოლხეთში, დიდი აიეტის – ჩვენი დედამთავრის ძმის – მზის შვილთა საბრძანისში სახლდებოდა, ხოლო ოშორაში დარჩენილნი, ვითარცა უკვე ვთქვი, მოსულთა ჯილაგში აღრეულნი, თანდათან კარგავდნენ თავის მეობას, ან არადა ყოველმხრივ შეინრებულნი, სულს ლაფავდნენ და ილეოდნენ. ამ უკანასკნელთა შორის ვირიცხებოდით ჩვენ-ღვთაება მზის მახვამურთა დინო¹, მისი ძე-თურნი.

შოუ ბჟალახეს წიგნის გაგრძელება

...დამცრობილ-დაკნინებულ ბჟათას ოხვამეს თითო-ოროლადა შერჩენოდა ღვთაების მსახური. ისინიც მიხრწნილი ბებერნი გახლდნენ, დღეს თუ არა, ხვალ რომ გადაეგებიან, – ისეთნი. ერთადერთი მე ვიყავ მათ შორის ახალგაზრდა. გარნა გადაღრჯუებულ მახვამურთაც აღარ ასვენებდნენ. მრევლი ხომ თითქმის აღარ გვყავდა და ამადაც ოხვამეს შემონირულობანი აღარც შემოსდიოდა. ხელისუფალნი, მარტოოდენ მოსულთა და გადაგვარებულ ოშორელთაგან რომ იყო შემდგარი, ყოველ ღონეს ხმარობდნენ, რათა ისედაც გაჩანაგებული საყდარი, უფრო გაპარტახებულ-განადგურებულიყო. ჩუმჩუმად, ვერაგულად ათასგვარ ხრიკს იგონებდნენ, ათასგვარ ფანდს მიმართავდნენ, რომ ვინიცობაა, თავისი სურვილით მიეტოვებინათ სალოცავი იმ დარჩენილ ქურუმთაც.

ჰოი, რამდენგვარი შესაძლოა თურმე იყოს, ჩემო მახარიებო, მიწისშვილთა სულმდაბლობა, გაუტანლობა, ქვებუდანობა!

საყდრის მარმარილოს ფილებს ფიორ-ფიორ გვპარავდნენ და გვტაცებდნენ. სვეტებს და თავხეებს ცულით გვიმსხვრევდნენ. ჩუმად, საკურთხეველში ქურდულად შეიპარებოდნენ ხოლმე და ბინძურ კვალს სტოვებდნენ მუნ თავისას.

დაიხსომეთ, ჩემო საყვარელნო შვილნო, ის, ვინც სხვის სალოცავს შეურაცყოფს, მოვა დრო და ჟამი და საკუთარსაც შეაგინებს და შებლნავს, რამეთუ უკეთური სულისთვის აღარაფერი წმინდა და სათაყვანო არ არსებობს ამქვეყნად, თვინიერ საკუთარი მძორისა.

თითო კაკალ მლოცველთაც გვიმინებდნენ-მეთქი, გებრახეთ. გზად ხვდებოდნენ მალულად, მოკვლით ემუქრებოდნენ, ხანაც ქონების წართ-

მევი, შვილთა გაყიდვით, გადასახლებით და კიდევ ვინ უწყის, რით არა.

ჩვენი უხუცესი მახვამური თაია – ნელთა სიმრავლისა და დარდისაგან დაუძღურებულ-დაბეჩავებული, მომიხმობდა ხოლმე ხშირად თავისთან და ცრემლთა ფრქვევით მომიტხრობდა საყდრის ძველ დიდებაზე, ჩვენი გვარ-ტომის ან გარდასულ სახელზე. მაძლევდა საიდუმლო სკივრთა გასაღებთ, რათა თვალი შემეველო უძველესი ტყავის წიგნთათვის, ჩვენს წინაპართ რომ დაეტოვებინათ შთამომავლობისთვის, მათ ერთადერთ მცველად და მფარველად თავის შემდეგ – მე ვეგულეობდი. და ალბათ საკუთარ სულს ისე არ უფრთხილდებოდა, ვითარცა მათ. რამდენი ამისთანა განძი დავკარგეთ და გავანიავეთო, ჩიოდა და ლაპალუპით ჩამოსდიოდა ცრემლნი ჩამოძქვნარ ლოყებზე. ეს მცირედი ნაწილია იმისი, რაც გვქონდა და რითაც თავი მოგვქონდა და ვამაყობდითო. ვინძლო ეს მცირედი მაინც შევინარჩუნოთ, ეს მაინც გადავურჩინოთო ჩვენი გვარტომელთა მომავალსო.

თაია რომ მოკვდა, მართლაც მელა დავრჩი მეურვე ამ საიდუმლოდ გადამალული განძეულისა და კიდევ ორიოდე გადასხუცებული მახვამური.

სასონარკვეთილს, მხურვალე ლოცვად და ვედრებად დავარდნილს, ერთი საზრუნავილა გამჩენოდა: თითქმის გადაგებული ჩვენი გვარტომის წმინდა განძი როგორმე შემენახა და მომეველო. მაგრამ ვისთვის ან რისთვისლა დამეცვა ეს საუნჯე? ვის სჭირდებოდა იგი? ჩვენიანთ – აღარ. ხოლო ჩვენი მტერი მხოლოდ სათავისოდ გამოიყენებდა.

ჟამჟამ სრული უიმედობა შემიპყრობდა, გული ჯავრით მეფლითებოდა და მენენებოდა. ერთ-ორხელ წამომიარა კიდევ სურვილმა, ყველაფერი მიმეტოვებინა და აქედან გავქცეულიყავ სადმე შორს, დასაკარგავში. კი, კი, მქონდა ასეთი სურვილიც, ჩემო მახარიანო.

ამგვარი სულიერი სიძაბუნისა და სულმოკლეობის ჟამს უეჭველად გამომეცხადებოდა ძვაბრა, ხან პირმშვენიერი ვაჟკაცის სახით, რომელიც დღე და ღამ ჩემს კართან იყო ატუზული, ხანაც კუდიანი ბებრუხანა დიაცის იერით, ოთხად მოხრილი, ძლივძლივობით რომ დავკანჭალობდა საყდრის ეზოში. ესააო შენი ხვედრიც და მომავალიც, თუ არ გაცელები აქაურობას, ჩამჩურჩულედა ყურში უხილავი ძვაბრას სისინა ხმა. გაიქეცი. უშველე თავს. რად გინდა, ან ვის უნახავ განძს, არავის რომ არ სჭირდება, არავის რომ არ ენალვლება? რა თავში იხლი? ან რა გინდა ამ ოხვამეში, სადაც აღარვინ დადის სალოცავადო? ნადი. გაიქეცი. სადაც არ უნდა მიხვიდე, ყველგან სიამოვნებით მიგიღებენ, რამეთუ ღმერთთაგან ბოძებული გაქვს იმგვარი უნარი, ბევრ სხვა ქურუმს სიზმრად რომ არ მოელანდება, ორასი წელიც რომ იცოცხლოსო. სადაც ისურვებ ყოფნას, ყველგან გამორჩეული იქნები, და პატივდებული. თუ მახვამუ-

¹ სამძო.

რობას არ ინდომებ, ბრძანდებოდე სასურველი ქალი, დედა...

ლამლამობით მიტევდა ძვაბრა განსაკუთრებით, სრულიად მარტო რომ ვრჩებოდი საკუთარ თავთან. რალა დაგიმალოთ, მახარიანო, ლამის ეჯობნა, ლამის გადავეცდინე ამ ქასქანჯიელს. ისევ მარხვა და ლოცვა-ვედრება მშველოდა და საყდრისა და განძის მიმართ მოვალეობის გრძნობა, რასაც მეუფე თაია მინერგავდა იმთავითვე: მ ო ვ ა ლ ე ო ბ ი ს გრძნობა იმ ერის წინაშე, ვინც უკვე თითქმის გადაშენებულიყო, მ ო ვ ა ლ ე ო ბ ა წინაპართა სულთა ხსოვნის მიმართ!

წელანაც ვთქვი, რა და რა საშუალებათ არ ხმარობდნენ-მეთქი მოსულნი, რომ დავეშინებინეთ და ვაეძულებინეთ მიგვეტოვებინა იქაურობა. ვითარცა გითხარით, ბჟათას ქურუმთა შორის მხოლოდ მე გახლდით ახალგაზრდა და, სწორედ ჩემი მოშორება თავიდანვე ქცეულიყო ჩვენთა მტერთათვის უმთავრეს მიზნად. და თუმც კოვზი ნაცარში მრავლგზის ჩაუვარდათ – მიფარავდა და მწყალობდა ქალღვთაება „ბჟალარა“¹ და ჩვენი ღმერთები – მაინც არ იშლიდნენ განზრახულს, მით უფრო, რომ მათმა გულმოდგინებამ და მოწადინებამ მე არამცთუ დამაფრთხო და ფარხმალი დამაყრევინა, პირუკუ, უფრო გამაქეზა და აღმანთო ჩემი უბედური ერის და ჩვენი გავერანებულ-გატიალებული საყდრის დასაცავად და საქმეგოდ.

მე უკვე მაშინაც ვაქიმობდი სხვადასხვა სენით დაავადებულთ. ჰოდა, ვსარგებლობდი ამით და ხან მკურნალობის გზით, ხან ქადაგებით, ხანაც შეგონებითა თუ უბრალო თანაგრძნობით, ვცდილობდი ნუგეშინი მეცა გაჭირვებულთა და უმწეოთათვის, გამემხნევებინა სულით დაცემული და დავრდომილი თვისტომნი ჩემნი.

ეს ცდა და მონდომება, რასაკვირველია, შეუმჩნეველი არ რჩებოდა ჩვენს მოძულეთ, და აი, ჯერ მოსყიდვა-გადაბირება დააპირეს ჩემი: დიდ-ძალი ოქრო შემომთავაზეს, რათა ნებაყოფლობით უარი მეთქვა ბჟათას საყდრის სამსახურზე და უფრო მომცრო ოხვამეში გადავსულიყავ. რომ არ გამოუვიდათ ეს, და არც მათ უპირველეს და უდიდეს სალოცავში დავთანხმდი მახვამურობას – თუმც ნართაულად, გარნა საკმაოდ ნათლად მაგრძნობინეს, ურჩობა კარგს არაფერს მოგიტანსო – ძლიერ გაბოროტდნენ.

მე განმაცვიფრა ღმერთების ვითომ მსახურთა უპატიოსნებამ: ყველა ყველა და ამით უნდა ჰქონოდათ ცოტაოდენად მაინც პირისწყალი, სამართლიანობისა და სიმართლის გრძნობის მისხალი!

* * *

ერთხელაც... სენაკიდან დალილი-დაქანცული გარეთ გამოველ.

ნაშუადღევი იყო და მზის ჩახჩახა სხივებს აებრჭყვიალებინა ქვის ფილებით მოგებული ოხვამეს ეზო. სამლოცველოს ტანკენარი, ლამაზი ბოძები, ზემოდან ქვემოთკენ რომ ვინროვდებოდა, და სახურავი მზის ათინათზე რალაცნაირ, თავისებურ სინათლეს გამოამუქებდნენ თითქოს.

კვიპაროსთა ხეივანში, ორუმეში¹ ჩამოვჯექ ძელ-სკამზე და შაშვის გალობას მივუგდე ყური. კარგა ხანს რაკრაკებდა ფრთოსანი და მეც სულგანაბული ვუსმენდი ამ გასაოცარი ფრინველის ლოცვა-ვედრებას, არსთა გამრიგის მიმართ აღვლენილს.

ანაზღად ჩემს ფეხებთან კენჭი დაეცა. უმაღვე გამოვერკვიე. ეზოს განაპირა ბუჩქნარიდან ვილაც ყმანვილმა ხელი დამიქნია. მეუცნაურა ეს საქციელი. ფრთხილად მივიხედ-მოვიხედე. კაცის ჭაჭანება არ იყო გარშემო. ჩვენს სახლთან ახლოს, ჭასთან, მხოლოდ ერთი შაოსანი დიაცი საქმიანობდა რალაცას.

ჯერ ვიფიქრე, ყურადღება არ მიმექცია თავხედი ჭაბუკისთვის, გარნა მან შენუხებული სახით ხელმეორედ მანიშნა, მოდიო. მცირეოდენი ყოყმანის შემდეგ მაინც ავდექი და ნელი ნაბიჯებით გავწიე შქერის ბუჩქისაკენ. მივუახლოვდი თუ არა, ჭაბუკმა მოსულთა ენაზე სულმოუთქმელად, სხაპასხუპით მომაყარა, დილას აქეთია გელოდები და ძლივს, როგორც იქნა, მოვიხელთეო. თქმა რაიმესი არ მაცალა და ისევ ისევ აჩქარებით განაგრძო, შენთვის უსათუოდ დღესვე საიდუმლო უნდა მემცნო და სხვანაირად ვერ მოგახედებდიო, ბოდიშს მიხდიდა კენჭის სროლისთვის.

მადლობა ღმერთებს, ბოლოს რომ მაინც გამოჩნდიო. ამაღამ და, საერთოდ, ეს ორი-სამი დღე შენს სენაკში ნუ დარჩებიო, შენს სახლში გაათიე ღამე და ისედაც, ფრთხილად იყავი, შესაძლოა, შენიანებში მოლალტე ერიოსო.

თითქოს ნაცნობი სახე ჰქონდა ამ ახლადშეღერებულ ჭაბუკს. სადღაც ნანახი მყავდა უსათუოდ, ოლონდ სად, ერთბაშად ვერ მოვიგონე. შავი, ფართო თვალები უელავდა, ნაბლისფერი, ხუჭუჭა თმის კულულნი შუბლზე მისწებებოდა და წარამარა, ხელის გულით ინმენდა სახეზე მოხეთქილ ოფლს. ღანვები წამოგზნებოდა. გაფიცებულ, დამსკდარ ტუჩებს ენის წვერით ისველებდა.

იგი ნამდვილად ლელავდა, მაგრამ... ვინ იყო? რად ჩაიგდო თავი ხიფათში? რისთვის ენაღვლებოდა ჩემი ამბავი?

თვალებში შევხედე უსიტყვოდ. მზერა გამისწორა. უზაკველი და ნა-

¹ მზე.

¹ ჩრდილი.

თელი იყო ქაბუკის თვალები. მერმე თავის ხელებისკენ წაიღო მზერა და რომ არ შემემჩნია მათი კანკალი, ერთმანეთში ჩახლართა თითები.

– ახლა ნურაფერს მკითხავ, მეუფე შოუ!.. სხვიმის... ეგება... – შეტრი-
ალდა უცებ.

– სახელი!? სახელი მაინც მითხარ შენი!

– ნიკიფე მქვია! – მომიგო თავმოუბრუნებლად და კვლავ სხაპასხუ-
პით გამომეორა ნახევრად ზურგშექცევით მდგარმა: – არამცდარამც არ
დარჩე ამაღამ შენს სენაკში. იცოდე... ბევრ მოკეთესთან ერთად, ბევრი
მტერი და მოძულე გყავს!.. კარგად მენახე!

იგი ადგილს მოწყდა და უკანმოუხედავად გაიქცა.

ჩვენს ყუდეს სულ სამიოდე პატარა თვალი ჰქონდა. ჯერ კიდევ თა-
იას ახალგაზრდობაში იყო აგებული მის მიერ. რაკი თაია უშვილძირო
გახლდათ, გადანყვიტა თურმე ოხვამის ახლოს დაედო ბინა, განძეულო-
ბაც იქ შეენახა და სიკვდილამდე თავის მეთვალყურეობის ქვეშ ჰქონო-
და. მერმე და მერმე, თაიას სურვილითა და მისი ნებართვით, სახლში
საცხოვრებლად გადმოსულან მახვამურნი, საკუთარი სახლ-კარი რომ
არ გააჩნდათ, ან არავინ ჰყავდათ მიმხედავი, ანდა ერთობ შორს რომ
ჰქონდათ ბუათადან სამყოფელი და დაუძღურებულთ, სიარული უჭირ-
დათ.

მეც, რაც დრო გადიოდა, ამ სადგომში ვარჩევდი ყოფნას, მით
უფრო რომ კირბისნი და ოხვამის სხვა განძი, აქ მეგულეობდა, აკი მათი
ზედამხედველობა თაიამ სიკვდილის წინ სწორედ მე დამაკისრა.

ალიზისგან ნაგები ეს ერთსართულიანი, გრძელი, დაბალჭერიანი
შენობა საკმაოდ უშნო გახლდათ და მოუხერხებელი საცხოვრებლად.
ოთახები ერთიმეორეში გადიოდა. ბოლო, უფრო მოზრდილში, მე დავიდე
ბინა. ადრე მანდ თაია იყო დაყუდებული.

კედელში დატანებული საიდუმლო კარით ხოლმე გვირაბში ხვდე-
ბოდი, იქიდან კი ეზოს შორეულ კუთხეში ამოჰყოფდი ხოლმე თავს. ამ
გვირაბისა და კარის არსებობის შესახებ მხოლოდ მე და თაიამ ვუნყ-
ოდით.

სადგომთან რომ მივბრუნდი, გოგუცა უკვე ქასთან აღარ იდგა და
რომც ენახა ქაბუკი, ალბათ არც მიაქცევდა ყურადღებას, ისე იყო ჩა-
ფლული თავის საქმიანობაში.

... არ იქნა და არ დაადგა საშველი დაღამებას. დრო უცნაურად გაი-
წელა: თითქოს არც აპირებდა მნათობი მოსასვენებლად წაბრძანებას.

სენაკში ვიჯექ და ხან ბალახ-ბულახებს ვარჩევდი, ხანაც კირბისს
ჩავმტერებოდი, გარნა გული ვერაფრისთვის დამედო. თვალები უნე-
ბლიეთ სარკმლისკენ გამირბოდა. ჟამჟამ სისულელედ მეჩვენებოდა ქა-

ბუკის გაფრთხილება და ვცდილობდი, ფიქრი სხვა რამეზე გადამეტანა,
გარნა... მაინც მეფიქრებოდა. ასე იყო თუ ისე, რაღაც მუხანათობას რომ
მიმზადებდნენ, ამას გულიც მითქვამდა, გონებაც მიდასტურებდა.

ამასობაში მწუხრმაც მოანია. ლოცვის შემდეგ ძილი ნებისა ვუსურვე
ჩვენს ხანდაზმულ ქურუმ დიაცებს და გოგუცას, რომელიც ხშირად ღამე
ჩვენთან რჩებოდა, რადგან თავის პატარა ბიჭთან ერთად საკმაოდ შორს,
სოფლის ბოლოში ცხოვრობდა.

გაუხდელი მივნიქი ხის საწოლზე საგონებელში ჩავარდნილი: გამოვ-
სულიყავ მართლა გარეთ თუ არა? ჭოჭმანის მიუხედავად, ბოლოს მაინც
ავდექი და რაკი ქაბუკმა შინაგამცემზე მიმანიშნა, ჩუმად გადავატრიალე
კლიტე, უხმაურად გავაღე საიდუმლო კარი და მალე, გვირაბის გავლით,
საყდრის სამხრეთ ეზოში ამოვყავი თავი, იქ, სადაც მრავალი დიდრონი
ბუჩქი და ყვავილნარი გვქონდა გაშენებული და საიდანაც დღეს ნიკიფემ
კენჭი მესროლა.

თეთრ სამოსზე შავი მოსასხამი მქონდა მოხურული, მოსასხამის ქვეშ
კი დახვეული თოკის გორგალი მეჭირა. საბელის, თოკის და ამდაგვარ
რამეთა მარჯვე ხმარება ჯერ კიდევ ბავშვობაში გვასწავლეს ჩვენმა
მშობლებმა, რომელთაც დარჩეულ ბედაურთა რემა ჰყავდათ და მთელს
ჩვენს კუნძულზე განთქმული იყვნენ კიდევ ცხენოსნობით. თოკი თუ
ბანარი იარაღის მაგივრობას სწევს გამოცდილი კაცის ხელში. ეს თქვენც
კარგად მოგეხსენებათ, ჩემო საყვარელნო.

შქერის ტოტები გადავნიე და ისე მოვკალათდი, რომ ვერც ერთი სუ-
ლიერი არსება ვერ შემამჩნევდა, თუ პირდაპირ არ მოადგებოდა ბუჩქს
და არ გაჩხრიკავდა. ხოლო თავად მე სათვალთვალოდ უკეთეს ადგილს
ვერც ვინატრებდი.

გაზაფხულის პირი იყო. გორაკის თავზე, კვიპაროსის წვეროკინზე შე-
მომჯდარი თუთარჩელა მთვარის სხივებით განათებული ჩვენი საყდარი
ზღაპრულად თვალწარმტაცი გამოიყურებოდა. წარმოუდგენელი ჩანდა
ასეთ ღამაზე ღამეში რაიმე ბოროტების ჩადენა, თუ ავაზაკთა თავდასხ-
მა მართლა იყო მოსალოდნელი, მაინცდამაინც ხელსაყრელი ჟამი ვერ
შეერჩიათ საამისოდ, ასე ვფიქრობდი გუნებაში და ღამის გულარხინად
ველოდებოდი მოსალოდნელ საფრთხეს.

ისე ცხადლივ მახსოვს, მახარიებო, ყოველი ჩემი მაშინელი განცდა,
ფიქრი, მღელვარება, თითქოს აი აგერ, გუშინ საღამოს მოხდა ყოველივე,
თუმცა... სინამდვილეში, რამდენმა წელმა გაირბინა მას მერე!

უძრავად ჯდომამ, გაზაფხულის ღამის სიგრილემ, დაძაბულმა
ლოდინმა თუ... რაღაც გაურკვეველმა წინაგრძნობამ თავისი ქნა: კანკ-
ალმა ამიტანა, ვერა და ვერ დავიოკე თავი. არადა, არც ავისმზრახველნი

ჩანდნენ სადმე. (ჭაბუკის გულწრფელობაში ეჭვის შეტანა არაფრით შემეძლო: აშკარად ვატივობდი, რომ არ ცრუობდა, ჩემი წინაგრძობაც ხომ მიმონმებდა მოსალოდნელ ხიფათს), ყველაფერი კარგი და კეთილი ისე აგინდეთ, შვილებო, როგორც იმ ყმანვილის სიტყვა და ჩემი წინაგრძობა გამართლდა: შავმოსასხამიანი, ნიღბიანი ავაზაკნი ჩვენი ყუდის შესასვლელ კართან შეჯგუფულიყვნენ. ხომ როგორი ყურადღებით ვიყავ, რა გაფაციცებით ვადევნებდი თითქოს თვალყურს სუყველაფერს და მაინც გამომეპარა ის წამი, თუ საიდან და რანაირად აღმოჩნდნენ ისინი ჩვენი სადგომის შესასვლელ ზღურბლთან. დიდი, ძველებური მუხის კარი ება შენობას და შიგნიდანაც მაგრად იკეტებოდა ურდულით. ვით აპირებდნენ შეღწევას? ან კარი უნდა ჩამოეღოთ, ან უნდა შეენგრიათ. ერთიც და მეორეც უეჭველად ხმაურს გამოიწვევდა და გამოაღვიძებდა შიგნით მყოფთ. თუმცა... რა ბედენა იყო ეს ავაზაკთათვის? თუნდაც ფეხზე დამდგარ ბებერ ქურუმ დიაცთ რა უნდა დაეპირისპირებინათ ხუთი მოძალადე მამაკაცისთვის?..

გარნა... ანაზდად, კარი უხმაუროდ გაიღო – ჩანდა, შიგნიდან ვილაცამ ურდული გადასწია!

აი, ეს იყო ყველაზე უფრო თავზარდამცემი – შინაგამცემი და მოლაღატე მართლა რომ გვყოლია თურმე. ვინ უნდა ყოფილიყო ეს გარენარი? მაგრამ ამის განსჯის და ნუხილის დრო აღარ იყო: მოძალადენი სენაკებში შეცვივდნენ. წამი და... ატყდა საშინელი კვილ-წივილი, ხმაური, ბრაგუნი, ლენვა-მტვრევა...

გულ-ღვიძლი მენვოდა, გარნა ნებისყოფის საშინელი დაძაბვით ვახერხებდი შემეკავებინა თავი, დამეთრგუნა და მომეთოკა წამოხტომის და სენაკში შევარდნის სურვილი.

არ ვუნცი რამდენი დრო გავიდა. ასე მეჩვენებოდა, რომ უსაშველოდ დიდხანს გასტანა ამ ამბავმა. ავაზაკნი უკვე გარეთ გამოფენილიყვნენ და საყდრის ეზო-ყურეს მოსდებოდნენ ჩხრეკა-ჩხრეკით, ღარღალით, ლანძღვა-გინებით: „სად წაგვიხვალ, სად დაგვემალეები, შე მზაკვარო, შე როკაპო! უჰ, შენი... როცა იქნება, მაინც მოგიგდებთ ხელში, გვაცალე! შენს გადახუცებულ დედაბრებზე ხომ ვიყარეთ ჯავრი? შენი ჯერიც დადგება მალე, შე კუდიანო! აი სეირი მაშინ იქნება! მოიცა! მოგწვდებით შენც მალე!“

ნიღბებჩამოსხნილი, დაურიდებლად დაალაჯებდნენ ეზოში და ბილ-ნსიტყვაობით იკლებდნენ იქაურობას. მერმე საყდრის მრავალსაფეხურიან კიბესთან მოიყარეს თავი. წამით ხმა გაკმინდეს: ეტყობა, ჩუმად ბჭობდნენ რალაცას; აქამომდე თვალდახუჭული, გასუსული ვიჯექ და ხმადაბლა ვლოცულობდი. კანკალმა სრულებით გამიარა. საოცარი

სიმშვიდე და სიდინჯე დამეუფლა. შიშის ნასახი რაა? ნასახსაც კი არ ვგრძობდი.

წამოვიმართე, ბუჩქის ტოტები მივნი-მოვნიე, შავი მოსასხამი მოვიძირე, თოკის გორგალთან ერთად მკლავზე გადავიკიდე და... სავსე მთვარის ნათელ შუქში გახვეული, გავეშურე ცარახე¹ აღმართულ ბჭათას წინ თავმეყრილ მომხვედურებისკენ.

– ჰე, ჰეი, ღამის დაუპატიჟებლო სტუმარნო! ვის დაეძებთ ამ წმინდა სამყოფელში? – შევძახე შორიდანვე. ისინი ერთბაშად შემოტრიალდნენ ჩემსკენ და მოულოდნელობისგან დაბნეულნი და ენაჩავარდნილნი, უხმოდ მომჩერდნენ.

ამ წუთზე იყო დამოკიდებული ყოველისფერი! თუ აქ მიმტყუნებდა ძალა – დაღუპული ვიყავ. მაგრამ... რაც კი უნარი მქონდა, თითქოს მეყვესეულად დაიდრა სულის ჩემის უშინაგანესი, საიდუმლო ფენებიდან; ვიგრძენ – წამოვიდა ის, აქამდე გაუცნობიერებელი ცხელი ტალღა და მე უკვე აღარ ვიყავ მე – სხვა ვილაცას, საოცარ, უცნაურ არსებას შეეცვალა ჩემი პირვანდელი სახე-ხატება და ეს უჩვეულო სულიერი, განაგებდა ახლა მთელს ჩემს ნება-სურვილს, იგი მართავდა ჩემს ნებისყოფას.

– მე ხომ არ დამეძებდით, ვაჟკაცნო?... აგერ ვარ, თქვენ წინაშე! – თითქოს ჩემი ხმაც იყო, და არც იყო ჩემი, თითქოს სხვა, უხილავი, უცნობი არსება ეზრახებოდა ამ თვალგადმოქაჩულ, პირდაბრენილ, გამოთაყვანებულ ავაზაკებს, განძრევა რომ ვერ მოეხერხებინათ.

შორიანლოს შევდექე და მზერა მივუშტერე ხუთ ტოლო, თმააბურძგნილ და შავწვერებიან მამაკაცს, რომელთაც ისე დაინყეს ქანაობა აქეთიქით, ეს-ესაა მინა გამოცვლებათ ფეხქვეშ და ძირს დაედნეყებინაო. მხოლოდ ზმუილის მაგვარი ხმა აღმოხდათ პასუხად.

თვალის დახამხამებაში ხუთივეს სათითაოდ შევუკარი ხელები თოკით და ერთმანეთს გადავაბი, მერმე ჩემი შავი მოსასხამი დავფხრინე ნაჭერ-ნაჭერ, და ხუთივეს პირში ჩავჩურთე მჩვარი. არც ერთი არ გამძალიანებია: პირუკუ, თვინიერად და მორჩილად მიშვერდნენ ხელებს, თითქოს სიზმარში იყვნენ და არა ცხადში. მერმე, ცხვრებივით ერთად შექურულთ, ვეზრახე:

– ეყარენით დილამდე ასე აქ, ვიდრე მზე არ იხილავს თქვენს უკეთურ ცხვირ-პირს!

შემდეგ იმავე ძალით დამუხტული, გავემართე ჩვენი სადგომისკენ. პირველი, რაც მოვიმოქმედე, კარი მაგრად მოვხურე და ურდული გავუყარე ისევ. მხოლოდ მერმე შევიხედე სენაკებში.

ჩემს თვალწინ ამაზრზენი სანახაობა გადაიშალა: ნაცემ-ნაბეგვი, სა-

¹ ხელოვნურად გაკეთებული ბორცვი სამლოცველოს ასაგებად.

მოსემმოფხრენილი, თმაგანენილი, სახეშეშლილი ქურუმი დიაცნი ზოგი ძირს ფორთხიალობდა ვიშვიშით, თავში ცემით და წყევლა-კრულვით, ზოგი ქვედამხოზილი, უხმოდ, უსიტყვოდ ქვითქვითებდა, თმას იგლეჯდა და პირს იხოკავდა.

მინგრეულ-მონგრეული სანოლნი, გადაყირავებული ტაბლანი და სელნი უთანასწორო ბრძოლის უტყუარ სურათს ქმნიდა. ვიდექ შეძრწუნებული და თავში ჩაქუჩივით მიკაკუნებდა ერთი და იგივე აზრი:

„ნუთუ?... ნუთუ ეს ბებერი, უძლური დიაცნიც არ დაინდეს მაგ არაკაცება? ამათ... ამათ რას ერჩოდნენ? ამათ... რა დაუშავეს?“

ნუთუ... შესაძლოა ამგვარი სისაძაგლე ნაშობისგან დედაკაცისა?“

წარმოუდგენლად მეჩვენებოდა ყველაფერი ეს! და თან... დამნაშავედ ვგრძნობდი თავს ამ საცოდავთა წინაშე. ესენი ხომ ჩემი გამოსობით დაისაჯნენ ეგ ზომ სასტიკად.

მეორე სენაკის კარის ზღურბლზე წამიერად დავლანდე გოგუცას შავი სამოსელი. ერთბაშად ხმამალალი ქვითინითა და პირის ხოკვით გამოექანა იგი ჩემსკენ. ფერხთ ჩამივარდა და ანიკვინდა:

– ო, მეუფე შოუ, მადლობა ღმერთებს, შენ მაინც რომ გადაურჩი მაგ მხეცთ და ნადირთ. ვავა, ვავა! რა უბედურება დატრიალდა ჩვენს თავზე, რა ნახეს ჩემმა დასავსებმა თვალებმა, დიდუ, დიდუ, დიდუ!

საშინელმა აზრმა შემძრა. – ეს დედაკაცია ის, ვინც მოძალადეებს კარი გაუღო! ვიდექ მეხდაცემულივით და ვგრძნობდი, ის უცნაური ძალა მტოვებდა, რამეთუ... საკუთარი გულის ბაგა-ბუგის ხმას მკვეთრად და გარკვევით აღვიქვამდი, ლამის ბუდიდან ამოვარდნილიყო იგი.

ხელის შეუხებლად ჩამოვიშორე სოხანეზე დამხოზილი გოგუცა და პირველსავე მახვამურთან მივედი და ვცადე, წამომეყენებინა ფეხზე. მოხუცი ძაბული თავის ჩავარდნილ, უკბილო პირს ფართოდ აღებდა, მეჩხერ, ჭალარა თმას საგულდაგულოდ, ღერა-ღერა იწინქნიდა...

ბევრი რომ არ გავაგრძელო, მახარიანო, ასე იყო თუ ისე, შევძელ დამეწყნარებინა და მენუგეშებინა ის უბედური ბერდიაცნი. ახლა არ მახსოვს, ვერ ვიგონებ, რას ვეუბნებოდი მათ, ან საიდან მოდიოდა ის სიტყვები, მათ დასამშვიდებლად რომ იყო საჭირო. გარნა ახლაც წელანდეღივით ისეთი შეგრძნება მქონდა, მე კი არა, თითქოს ვილაც სხვა მოძრაობდა და სხვა მეტყველებდა ჩემს მაგივრად და როს საცოდავი მოხუცი დავაშოშმინე, ხმამალლა განვაცხადე: – იქ, ღია ცის ქვეშ ყრიან გათოკილი ავაზაკნი, მზის ამოსვლისთანავე მთელ ბუათას მოვუხმობთ და ასე გაბანრულთ და შერცხვენილთ ჩავაბარებთ სოფელს სამსჯავროდ. ხოლო შენ... – მივუბრუნდი ერთბაშად გოგუცას – უსაშველო, უნაპირო ზიზღი და სიძულვილი ყელში მანვებოდა ბურთივით, სულს

მიგუბებდა, სათქმელს მიხშობდა. ველარ მოვრეოდი ვერასგზით ამ მდაბალ გრძნობას: – ხოლო შენ... – გავიმეორე ისევე დაყოვნებით: – გაეცალე აქაურობას... სამუდამოდ!

და მოულოდნელად, ეს თითქოსდა მორჩილი, თვინიერი, მუდამ მშვიდი და წყნარი, დარბაისლური იერის მქონე შუახნის ქალი, ერთიანად გადასხვაფერდა და გარდაიქმნა. ისედაც წკვირალი სახე უფრო დაესხიპა, წვრილი, თხელი, ტუჩები ძაფივით გაეწელა, კბილები დაკრიჭა, ჯღამარა თვალები დაუელმდა:

– ოჰ, შე წყეულო მახაკვალო და მენცარო! შე შეჩვენებულო კუდიანო! კრულ იყავ სამითაჟამიოდ. შენი ბრალია ყველაფერი, შენი, შე მზაკვარო, მზაკვარო, მზაკვარო! – მოკრუნჩხული ხელები წინ გამოიშვირა, თითქოს სახეში უნდა მცემოდა და თვალები ამოეთხარა ჩემთვის.

ტვინში სისხლი ამივარდა, თვალთ დამიბნელდა და... ცნობამიხდილს, ანაზდეულად დაუძღვეველმა სურვილმა შემიპყრო, ყანყრატოში ვწვდომოდი და მიმეხრჩო ეს დედაბერი, ან არადა, თავი დამეჩეჩქვა მისთვის, ვითარცა ქვეწარმავლისთვის.

კი, ჩემო ძვირფასნო, კი, ჩემო მახარიანო, ასეთი სურვილი დამებადა მე ბუათას უპირველეს მახვამურს, ჩემი დღე და მოსწრება ლოცვათა და მარხვათა მეტი რომ არაფერი მიქნია.

წავინიე კიდეც მისკენ. ალბათ ყველაფერი ის, რაც გავიფიქრე და რასაც ამ წამში განვიცდიდი, სახეზე გამომეხატა, რამეთუ გაასპიტებული გოგუცა უცებვე დადრკა, მოიმჩვართა, მოეშვა ერთიანად და მხრებში თავჩარგულმა, უკან დაიხია ხელების საფსავით. ერთ ხანს იდგა ასე მოკუნტული, ნაცემი ძალღივით და ვერ გაებედა მზერა მაღლა აღემართა, მერმე გაბრუნდა და უკან მოუხედავად, გატუსტუსდა გასასვლელისკენ.

დათრგუნვილი და განადგურებული შეველ ჩემს სენაკში, – წამიერად, გარნა მაინც იზეიმა ჩემში ბოროტმა ძვაბრამ და ლამის კაცისმკვლელად მაქცია, მართალია, მხოლოდ წარმოსახვაში, გარნა... ეს ხომ სულ ერთია, ბოლოსდაბოლოს.

...დაბადებიდანვე თან დაჰყვება, კაცთა მოდგმას ეს ბოროტი ძვაბრა და კეთილი, ნათელი ჩხორია – სულ ერთია რა წრეში, რა გვარტომში, რა გარემოებაში იშვები, ყველას, უკლებლივ ყველას თან დაყვება-მეთქი ბოროტებისა და სიკეთის დვრიტა: ოღონდ გააჩნია, ვინ როგორ და რანაირად ასაზრდოებს ამ კვეთს – ესაა სწორედ მთავარი. ბოროტი ძვაბრა ვერაგი და მახარიანო, მოხერხებულად იცის ხოლმე ჩასაფრება სულში და არ უწყია, რა დროს გამოტყვევება, როდის გიყვლებს. ყოველთვის მზად უნდა იყოს კაცი მასთან შესახვედრად. ჰოი, რა მუხანათი და გაიძვერა

შეიძლება იყოს ეს წყეული ძვაბრაღე! რა სისაძაგლის, რა და რა საზიზღრობის ჩადენა არ ძალუძს ამ მაცთურ, გახრწნილ მხეცს – სულში უჩინრად ჩაბუდებულს; რას არ მოისაზრებს, რა სიავეს არ დაბადებს, თუკი წამითაც არის თვალი მოუხუჭე, თუკი თავის ნებაზე მიუშვი, თუნდაც მცირე ხნით. ოოჰ!

იგივე გოგუცა, მახარიებო, ბევრს ვფიქრობდი ამ ქვებუდან, გლისბ დიაცზე იმხანად, ძალიან ბევრს. და შემდეგაც, ხშირად შემასხენებდა ხოლმე თავს, ვით მოუშორებელი კბილის ტკივილი.

... ავაზაკთა თავდასხმა ჩვენს ოხვამეზე და გოგუცას თანამონაწილეობა ამ საქმეში ჯერ კიდევ მონელებული არ მქონდა, რომ მოხდა კიდევ ერთი შემადრწუნებელი ამბავი: ნიკიფე ვიღაც უცნობ პირებს დანით აეჩეხათ, მერმე ის უბედური ჭაბუკი ტომარაში ჩაეგდოთ და მდინარესთვის გაეტანებიათ. ერთი კვირის შემეგ მეთვეზეებს შემთხვევით ენახათ გვამი, რომელშიც ძლივს შეიცნეს საცოდავი ნიკიფე. არვინ უწყოდა, ვის რა დაუშავა ამ უწყინარმა, მშვენიერმა ყმანვილმა ბიჭმა.

ნიკიფეს დაკრძალვაზე მეც წაველ. სამძიმარზე მოსულ კათაში ერთ-ერთი იმ ღამის ბოროტმოქმედთაგანი შევიცან, ნიკიფეს ახლო ნათესავი გამოდგა იგი. ეს ავაზაკი ისერიგად იქცეოდა, ვითომ ბუზიც არ აფრენოდა თავზე. იმღამინდელ სირცხვილს და თავლაფის დასხმას ისე უკვალოდ ჩაველო მისთვის, რავარც ბევრ სხვა საძრახის საქმეს, რამეთუ მას და მის თანამზრახველთ მრავალი თანამგრძნობი ჰყავდათ სოფელში. ამადაც, არხინად და გამომწვევაც დაიარებოდნენ ხალხში – დარწმუნებულნი, რომ დასჯით მათ და ავან-ჩავანთა მათთა, არავინ დასჯიდა – სოფლის სამსჯავროც შედგებოდა ისეთ პირთაგან, რაფერნიც თვითონ ბრძანდებოდნენ, ხოლო ზნეობრივ დამცირებას, აბა, რას დაგიდევს შუბლზე ძარღვგანყვეტილი კაცი.

შევხედე თუ არა ამ არაკაცის უტიფარ, ურცხვ თვალებს, წამსვე ვიზარე, ერთ-ერთი მკვლელთაგანი რომ იყო ნიკიფესი. ველარ დავრჩი ბოლომდე. ეს უკვე ჩემს ძალღონეს აღემატებოდა. ჰო, თავი ყინჩად კი ეჭირა იმ ავაზაკს, მაგრამ ჩემს წამიერ მზერაზე ფერ-ფურმა გადაჰკრა...

დღე და ღამე არ მასვენებდა ნიკიფეს სიკვდილი და ჩემი უნებლიე დანაშაულის შეგრძნება: დარწმუნებული ვიყავ, ის უბედური ბიჭი ჩემს გამო რომ დაიღუა. მე გადამარჩინა სირცხვილს და პატივის აყრას, თვითონ კი შეენირა ამ ამბავს. ცხადი იყო, ნიკიფე ვიღაცამ დააბეზლა ამ გარენრებთან. მსტოვარი მხოლოდ და მხოლოდ გოგუცა შეიძლებოდა ყოფილიყო. მხოლოდ მას შეეძლო ეგუმანა ნიკიფეს იმდღევანდელი ჩემთან მოსვლის მიზანი. გარნა ღმერთებო! რისთვის? რად ჩაიდინა ეს გაუგონარი, ზარდამცემი ბოროტება?

გულს ვასკდებოდი, საქმით კი – ვერაფერი მეღონა. ჩემი უმწეობა და უსუსურობა მევე მსპობდა, მინასთან მასწორებდა, საკუთარ თავს მაძულებდა.

ნიკიფეს სიკვდილის შემდეგ ორი წელიც არ იყო გასული. ერთ დღეს, ასე სადილობის ჟამს, ძაბულიმ მაუნყა, შენი ნახვა უნდაო ვიღაც ქალს.

ტაბლას ვუჯექი და კირბიშებს ჩავკირკიტებდი. იმ თავდასხმის შემდეგ მტერნი შეგვეშენენ ერთხანობა: თითქოს კიდევ დაშინდნენ და ველარ გვიტევდნენ ძველებურად, აშკარად. ბჟათას თითქმის ისევე დაუბრუნდა ძველი დიდება, ბევრმა ჩვენთანა და მოსულთაგანმაც იწამა მისი ძლიერება, მით უფრო, რომ ოშორელთ თვალში, შოუ ბჟალახე თურმე ქალღმერთის მიერ უშუალოდ ხელდასხმული და ზიარებული მახვამური ყოფილა და ამადაც, შოუს სახელიც დღითი დღე იძენდა სასწაულთმოქმედის შარავანდს.

ჰო, იმას ვამბობდი, არ მეპიტნავებოდა ახლა არვის სტუმრობა, მაგრამ უარის თქმაც მეუხერხულებოდა.

სენაკში თავპირშეხვეული შაოსანი ქალი შემოვიდა. მარტონი რომ დავრჩით, თავსაბურავი გადაიძრო და საზარელი ქვითინითა და მოთქმა-გოდებით ფერხთ ჩამივარდა. გოგუცა იყო. სიმართლე რომ ვთქვა, ავლელი, გულმა ყელში დამინყო ცემა, იმდენად არ მესიამოვნა მისი დანახვა.

გოგუცა თავს ახლიდა აგურის ნერჩს, ჩემი კაბის კალთას ეპოტინებოდა და ჰკოცნიდა. სახე დასიებოდა ტირილისგან, ჭლარა თმა ასწევოდა. საშინელი შესახედავი იყო მწუხარებისგან სახეარეული დიაცი.

– მე არ მაქვს უფლება შენთან მოსვლის, მეუფეო შოუ... მე ბოროტი, შურიანი და ცოდვილი დედაკაცი ვარ... შენ ხომ რამდენი სიკეთე გიქნია ჩემთვის, რა გულთბილად და ალერსიანად მიმიღე თავიდანვე. მერმეც, როგორი ყურადღებით მექცეოდი. მე ესეც მშურდა შენი. შენი სიკეთე და სილამაზე მშურდა, შენი ახალგაზრდობა მშურდა, შენი გონიერება და სიბრძნე მშურდა. ვერ მომენელებინა, რომ უცოდველი და უმანკო იყავ, ყველა რომ პატივს გცემდა, ყველას რომ უყვარდი და გეთაყვანებოდა. რა საერთო უნდა მქონოდა შენთან, რა მქონდა შენი საზიარო, საყვარელს შენ ვერ წამართმევდი და ვერც ვერაფერს დამიშავებდი ვერასდროს. ამის გამოც მძულდი. ისიც მამოროტებდა შენს მიმართ, რომ ჩემნაირი ვერ იქნებოდი მისდღემში. ყოველნაირი შური და სიძულვილი არსებობს თურმე ამ ქვეყნად, მეუფეო შოუ: აი, ამდაგვარიც ყოფილა! ჰოდა, აღარ მომასვენა ბოროტმა ძვაბრამ... გავერიე იმ საზიზღარ, შავზნელ დანაშაულში, იმ ბინძურ საქმეში... კიდევ ბევრი რამ მაქვს სათქმელი, ბევრი სიგლახე მაქვს ჩადენილი, შემოგველე, მარა ლაპარაკისთვის დრო არა

მრჩება. უღირსი და ცოდვილი დედაკაცი წელმონწყევით მოვშავდი შენ-თან და მუხლის ჩოქვით, ყელგადაგდებული გვეედრები: ბიჭი მიკვდება და მიშველე რამე, შენი მზის მაღლმა. მინია ცოდო-ბრალმა, მარა ჩემზე მობრუნებულიყო ცარგვალის რისხვა, რალა ჩემს უცოდველ, უბრალო კრავს დაატყდა იგი! ერთადერთი ბიჭი მიკვდება, მეუფეო შოუ, ერთად-ერთი საფიცარი, თვალის ჩინი და სიცოცხლე ჩემი. სამი დღე და ღამე უგონოდ არის. რა არ ვქენი, ვის არ ვუხმე, ვინ არ შევალონე ჩემი ხვეწნა-მუდართი. ყველაფერი ამაოა. ბიჭი სიცხისგან ინვის და ითანგება. შენ შეგიძლია იხსნა და გადაარჩინო ჩემი უმანკო ბაია. ვიცი, რომ არ ვარ შენგან შველის ღირსი. ვიცი, რომ არ მაქვს უფლება გთხოვო შეწყალება, მარა შენი კეთილი გულის ამბავი ვიცი მე და ამიტომ მოვბედე პირშავ-მა, უღირსმა დედაკაცმა შენთან და მუხლმოყრილი გვეედრები, მოილო მონყალება და შეიბრალე ჩემი საცოდავი, უბედური ბიჭი!

კიდევ ბევრ რამეს შემომჩიოდა და შემომტიროდა ოთხად მოხრილი, გამწარებული ქალი. ვხედავდი, რომ წრფელი და გულისგულიდან წამო-სული იყო ეს ვაება, წუხილი და სინანული, ვხედავდი ამას ყოველივეს თვალნათლივ და აშკარად და... მაინც, უნდა გამოვტყდე, არ შემტოკვია გული სიბრალულით. ეს დიაცი უკვე არ ინვევდა ჩემს არანაირ თანა-გრძობას. გული ჩემი სამუდამოდ დახურულიყო მისთვის და... აქ, უკვე არაფრის შეცვლა არ შემეძლო, თავს ვერ მოვიტყუებდი, რამეთუ... გო-გუცას სახეს წამსვე და ჩემდა უნებურადვე, აეფარებოდა ხოლმე ნი-კიფეს დედის შესლილი თვალები, მისი ამაზრზენი, გულისშემძვრელი, სისხლისგამყინავი კვილ-წივილი და მოთქმა-გოდება. უძლური ვიყავ ამომეშალა ეს სურათი ჩემი გონებიდან – თუნდაც რომ სხვა, უფრო მძიმე მოგონებანი გამქრალიყვნენ უკვალოდ და უძიროდ.

გარნა... გონით ვძლიე გულცივობას – არსებობს, მახარიებო, ამგვარი თანაგრძობაც და სიკეთეც – მხოლოდ გონით გასიგრძეგანებული, მხოლოდ გონით ნაკარნახევი, რომელშიც გული არ მონანილეობს. ჰოდა, ამგვარი გონის რჩევა-კარნახით ნავევე გოგუცას.

გზაზე ენის ბორძიკით, ნანყვეტ-ნანყვეტ, არეულ-დარეულად მიაბო თავისი თავგადასავალი, ის, რაც მე უკვე ვიცოდი ისედაც.

დიახ, ვიცოდი, რამეთუ... ალბათ ეს თქვენთვის გაუგებარი დარჩება, გარნა ადრე მეც ვერ დავიჯერებდი, თუ... შესაძლო იყო ამგვარი რამ...

პირველად სწორედ გოგუცასთან დამემართა ეგ. შემდეგ იშვიათად, მაგრამ მაინც მქონდა მსგავსი ხილვანი (ასე მომივიდა, ერთხელ – თუმა-თისთანაც). ზოგჯერ თვით ჩემთვისვე მოულოდნელად, თითქოს ტვინში რალაც მესხნებოდა და უცებ... ვით ხელისგულზე, ისე გადაამეშლეოდა მავანის წარსული და... მომავალი.

მაშინ, როს თანხმობა განვუცხადე წამოსვლაზე, სიხარულისგან გადა-რეული ქალი ხელებზე წამეპოტინა საკოცნელად. წამით შევეფეთე მის თვალებს და უეცრივ... გველნაკბენივით შევეტოკდი... უნებლიეთ უკუვდე-ქე. ვიგრძენი, რომ სახე თითქოს სისხლისგან დამეცალა. იქ, შიგნიდან კი დაიძრა უჩვეულოდ ცხელი ტალღა და წამსვე, ელვისუსწრაფესად ჩემს თვალწინ გაიბრინა ამ ცოდვილიანი დედაკაცის წარსულის სურათებმა.

ეს დიაცი თავის დის ქმარს ყვარობდა მანამდეც, სანამ და მოუკვდე-ბოდა. ერთხელ მათ ქმარმა წაასწრო, გოგუცამ და მისმა საყვარელმა ბალიშით გაგუდეს კაცი და მერმე ეზოში, ხეზე ჩამოჰკიდეს, ვითომცდა თავი ჩამოიხრჩო. ხანდისხან ავი ზნე მოუვლიდაო ამ საცოდავს და მა-შინ თავად არ იცოდა, რას შვრებოდაო, „დასტიროდა“ მერმე გოგუცა მიცვალებულს. რაკი ქმარს ნათესაობა და სახლიკაცნი არ ჰყავდა – სხვა სოფლიდან იყო ჩამოსიძებული – შერჩა ეს მკვლელობა გოგუცას და მის საყვარელს. მერმე... საყვარელმა გოგუცას 13 წლის ულამაზესი გოგონა შეაცდინა. მეშვიდე თვეში რომ იყო გადამდგარი, მხოლოდ მაშინ გამოუტყდა ქალიშვილი დედას. გოგუცამ თავად დაიბრალა ორსულობა, ისე მოანყო საქმე – ვითომ თვითონ იმშობიარა, თავისი ქალიშვილი კი ამასობაში სხვა სოფელში შეასალა ვილაც ვირგლას. საყვარელმა ახლა მომდევნო გოგონა ამოილო ნიშანში – გარნა ამჯერად დროზე შეიტყო საფრთხე გოგუცამ და იმდენი ქნა, უმცროსი გოგონა შეართვევინა კიდევ საყვარელს. თვითონ კი ვითომ თავის შვილს – სინამდვილეში კი შვილიშვილს ზრდიდა.

გოგუცა თუმცაღა ცდილობდა ბოლომდე გულახდილი და გულწრფე-ლი ყოფილიყო ჩემთან, გარნა მაინც ვერ ახერხებდა ამას, რამეთუ ნი-კიფეს სახელი საერთოდ არ უხსენებია, მაინც დამიმალა ნიკიფეს ამბავი.

გოგუცასთან მეზობელნი შეკრებილიყვნენ. ჩემს დანახვაზე ყველამ მოკრძალებით მიტია გზა.

შევედი ოხორეში. სანოლზე უჩვეულო სილამაზის, ოქროსქოჩრიანი, სიცხისგან გათანგული ყმანივილი ინვა, იგი ხროტინებდა და უაზრო თვა-ლები მიეჩერებინა ჭერისთვის.

გულმა რეჩხი მიყო. თითქოს გარსშემოსალტული ყინულის ჯავშანი უცებ გალხვა.

ღმერთებო! ნუთუ შესაძლოა ასეთი სილამაზის გაჩენა დედამინაზე, ცოდვილიან კაცთა მოდგმას შორის?

გახურებული ტილო მოვაშორე და გათარანებულ შუბლზე ხელის-გული დავადე, ბიჭი ინვოდა. ჭირის ოფლით ეცვარებოდა აპრიალეული სახე და შუბლი. უმოძრაო თვალებში ჩავხედე. ბიჭი განწირული იყო. აღა-რაფერი ეშველებოდა.

ორი დღით ადრე რომ მენახა, ეგების... თუმც, ვის ძალუძს ძე-ხორციელს, განგების ნების შეცვლა? ასე უნერია თურმე წერა-მწერალს ამ საცოდავი ბიჭისთვის. რაიმეს შეცვლა ამ განჩინებაში შეუძლებელი იყო. სიბრალულის გრძობამ თვალეები დამინამა. გამოვტრიალდი გულჩათუთქული.

უბედური დედა თუ ბებია სახედაზაფრული, კივილჩამდგარ თვალეებს არ მაშორებდა. მზერა ავარიდე.

– შენ ტირი, მეუფეო შოუ? – დაიხავლა ანაზდად და უკან გამომედევნა. – მაშ, აღარ არის ჩემთვის ხსნა და საშველი? დავიღუპე, ხომ მეუფეო შოუ? აღარაფერი მესველება, ხომ? ახავაი, მე უბედური! ადრე რომ მოვსულიყავ, გადამირჩენდი ბავშვს. მარა წელი ველარ მოვათრიე შენთან. რა პირით უნდა შევხედო-თქო ბილნმა და დამნაშავე დედაკაცმა!

ამაოდ ვცდილობდი რაიმე სანუგეშო სიტყვა მეთქვა. თითქოს ყელი გადამეკეტა.

– ვავა, ვავა, მიტირეთ შემოგვევლეთ, ცოცხლად მიტირეთ ცოდვილი დედა! მიტირეთ და ჩამქოლეთ, მე უბედური! მინია ღმერთების რისხვამ ჩემი ცოდვებისთვის, მარა შენ, შვილო, შენ რათა? – უცებ მუხლებზე დაეცა და ხელები მალლა აიშვირა: – არ არის სამართალი ეს! არ არის. არა! მე უნდა მეზლო, მე – პირადად! და არა ჩემს უბრალო, უცოდველ კრავს!..

მეუფეო შოუ! გაფიცებ დაუღლეელი მზის მადლს, გაფიცებ ღვთაებას: შეევედრე, შეეხვეწე, რომ შემიბრალოს. გადამირჩინოს ჩემი ბიჭი. ოლონდ ახლა შემინდოს – ახლა მომიტევოს, და მთელი ჩემი სიცოცხლე ძაძით და ფლასით ვივლი და მუხლმოყრილი ვილოცებ დღენიადაგ, დაუცადებლად. გადამირჩინოს ოლონდ ჩემი ბიჭი. ისიც დედაა. მაგასაც ესმის დედის გულისტკივილი. დედა? დედა ვთქვი მე? ვაიმე, მე უხანო, ბედდამწვარი, ვინა ვარ მე?.. ვაგლახ მე, ახავაია! ვავა ჩემი ცოდვა! – ქალმა გამეტებით ნაიშინა თავში ხელები და საზარლად აქვითინდა.

მისცვივდნენ. ხელები გაუკავეს, დანყნარება სცადეს, ცოცხალ ბალანას რაფერ სტირი, ვით ეგებისო ეს... გარნა თავპირდასისხლიანებული, გავეშებული დიაცი დაუსხლტა გამკავებულთ.

სენაკის შესასვლელ კარს ეცა, მიხურა და ზედ აეკრა. თვალეები გადმოცვენაზე ჰქონდა: უზომო შიში, სასონარკვეთა, შეძრწუნება – ერთმანეთში არეულიყო.

– არა. არ შემოგიშვებ!.. ჩემი ბიჭი არაფერ შუაშია, ნიკიფე! ნიკიფე! ნუ... მოდიხარ. აღარ დაგანებებ... ჩემი ჭიჭო უდანაშაულოა. მე, მე წამიყვანე – მე სასიკვდილე, მე მზებნელი დედაკაცი! გაბრუნდი, გეხვეწები! გემუდარები!.. გაფიცებ შენი უბედური დედის სახელს! ოოჰ! ჭიჭო არა!..

შემლილი ქალი ფოთოლივით ცახცახებდა. კბილს კბილზე აცემინებდა, მერმე ვაიო, ერთი დაიღმუვლა და... გონწასული უგრძობლად ჩაიკეცა აბარნის ნერჩზე.

* * *

ძე ხორციელს, თასკოჩის¹, არავის შერჩება ბოროტება. რა დღეს, რა ხვალ ცოდო მაინც უწევს, მას თუ არა, მის შვილს, ბადიშს, ბადიშის ბადიშს, უკვე ეზოდან გამოსულს მომესმა ზურგს უკან ვილაც ბადიდის² ჩიფი-ჩიფი. თითქოს ნიშნისგებაც ისმოდა ამ ხმაში. აღარ მომიხედავს, მაგრამ რაღაცამ მწარედ გამკენწლა გულზე: მოხუცებულის სიტყვებმა ერთი ამბავი მომაგონა.

ერთხელ, უცხოელი მოხუცი ქურუმი მენვია ბჟათაში.

კარგა ხანს ვისეირნეთ ჩვენი საყდრის ეზოს კვიპაროსების ხეივანში, მერმე ხის ძელსკამზე ჩამოვსხედით, საჩრდილობელში.

უცხოელი ქურუმი, რომელიც მრავალ ქვეყანაში იყო ნამყოფი, ხოლო ხელდასხმა ჰაკაფთის მზის ტაძარში მიელო, ფრიად მჭევრმეტყველი, განსწავლული და გონებაგახსნილი მოძღვარი აღმოჩნდა. კარგა ხანს ვისაუბრეთ სხვადასხვა ერთა წარმოდგენათა, ღმერთთა რაობისა და სამყაროს არსის ირგვლივ. ბოლოს მეუფე ქსენონმა მითხრა, მე ყოველივე კარგად ვუწყი რა დღემიც ხარ, რა და რანაირ ქსელებს არ ხლართავენ შენს გარშემო ჩემი გვარტომის უგუნური და ბრიყვი პირნიო. რა სულმდაბლობას, რა სისაძაგლეს არ სჩადიან ხოლმე, მაგრამ მე შენთვის ვლოცულობ და შევეთხოვ ჩვენს ღმერთს, დაგიცვას და დაგიფაროს ბოროტისგანო.

მტკიცედ სდექ, შვილო! ღმერთთა უწყიან შენი სინმინდე და ზრახვათა სინრფელე, გონის უბოროტობა და გულის უმანკოებაო.

დიდ ხანს მეზრახებოდა შთაგონებით. მეო, აწი შეიძლება ველარ მოვიდე შენთან გარემოებათა გამო, გარნა გახსოვდეს, სულით შენთან ვარ, შენთვის ვლოცულობ, და აგრეთვე ჩემი გულბოროტი თანამოძმეთათვის, რათა გაუნათლდე გონება და მოწყალებისა და სიკეთის გრძობა გაეღვიძოთო, რამეთუ, არვის შერჩებაო ბოლომდე ცოდო-ბრალი. არც ძე-ხორციელს და არც ტომსა თუ ქვეყანას, რამეთუ: ჩადენილი დანაშაული უსათუოდ იწვევს შურისგების გრძობას და ასე დაუსრულებლივ, უწყვეტ ჯაჭვივით გრძელდებაო ეს უკეთური მდინარება სიავისა, ვიდრემდის არ აღსრულდებაო უკვდავ ღმერთთა განჩინება, უზენაესი ღვთაების ნება-სურვილიო.

¹ თესლკაცი.

² მოხუცი.

ჩვენი დამმონებელი გვარტომის ქურუმის კეთილშობილებამ – თუმცა იგი ერთადერთი გამოდგა მათი ღმერთების მახვამურთა შორის – ერთხელ კიდევ საცნაურყო ჩემთვის, – სიკეთე და დიდსულოვნება ყველგან, ყველა ქვეყანასა და ყოველ თესლტომში ერთნაირი რომაა, რამეთუ ბუნებით, არსით თვისით, საყოველთაოა იგი, ზოგადკაცობრიულია და არანაირ საზღვრებს არ ცნობს. ბედნიერია ის გვარტომი, ვისაც ნეტარ ღმერთთა ეს დიდი ნყალობა უხვად მოევლინება, ვის შვილებშიც ჭარბობს ყოველისმომცველი, უანგარო და უანგარიშო სიკეთის გრძნობა – ისე, ვით იყო ეს ოდესღაც აიაიაზე, გარნა... დღესდღეობით, სამწუხაროდ ჩვენდა, ყველგან და ყველაფერში იჯაბნება და ინიხლება იგი, ხოლო მძლავრობს და ზეობს ძალადობა: ვინ ვის მოერევა ღონით, იარაღით თუ ცბიერება-ვერაგობით, ვინ ვის დათრგუნავს და დაჩაგრავს – აი კაცობრივი, მინიერი რინას უმთავრესი მიზანთ-მიზანი, მისი არსისა და ყოფიერების თავი და ბოლო და სანამ ეს ასეა – გაუსაძლისია არსებობა სიკეთისა და მშვენიერებისა - ამ მზისქვეშეთში!

მოხუცმა ქურუმმა შემდგომ საქმითაც დაამტკიცა თავისი ერთგულება და დიდბუნებოვნება: განსაცდელში მყოფს მანძილიდან უხმოდ მამცნო მოახლოებული საფრთხე. მეც უსიტყვოდ მოვახსენე მადლობა. ჰო... ხდება ხოლმე, ჩემო მახარიებო, ზოგჯერ ამგვარი საუბარი შორი მანძილიდან – სამყაროს საიდუმლოს ზიარებულთა შორის.

...გოგუცას ამბავმა ერთ რამეშიც დამარწმუნა: ვიცი, შენ არ გეჭაშნიკება? – ციცი შემოგველე. – ეს და აიფხორები, გარნა მაინც უნდა გაუნყო: ზოგმა დიაცმა, უკეთუ თავის თავს ნება მისცა, უკეთუ შუბლის ძარღვი გაიწყვიტა ანუ აიწყვიტა – ძალუძს იმდაგვარი ბოროტებისა და სიგლახის ჩადენა, კაცს რომ მისდღემში არც დაესიზმრება ხოლმე. რასაკვირველია, ყველაზე არ ითქმის ეს, გარნა, ისე, ეტყობა, ბუნებამ დაუნესა დიაცს: სხეულისმიერი სისუსტე აინაზლაუროს მოხერხებითა და ეშმაკობით. რას იზამ! ჩვენი ჯილაგის ღირსებანი თუ მანკიერებანი ჩვენ, დიაცთ, უკეთ გაგვეგება, მახარია... წარმოდგენილი მაქვს, ვით ილუშები... მაგრამ შენ უნდა იცოდე ეს, შემოგველე, და მომავალში გაითვალისწინო, რათა... მეუფე თუმათივით, შენც ცალმხრივად არ შეაფასო კაცთა მოდგმა...

* * *

...მზემ ეს-ესაა აკრიფა ბარჩხალა ხსივები და ნელ-ნელა, დაიაზებით მიგოგმანობს დასავანებლად.

ვზივარ საყდრის ეზოში ძელსკამზე, ვუმზერ ჩემს წინ გადაშლილ

წარმტაც სურათს, მაგრამ უამური ფიქრებით დასევდიანებულს, უწინდებურ სიამეს აღარ მგვრის ბუნების სიმშვენიერე. აღარც მაფშალიას თუ შაშვის გალობა ატკობს ძველებურად ჩემს ყურთასმენას. ყოველისფერი გაუცხოებულია თითქოს ჩემთვის, გულში სიცარიელეს, სულში კი კაემანს დაუსადგურებია. მიცვალებულია მზე და ეს ნაზი, წყნარი საღამო უფრო ამძაფრებს ამ განწყობილებას.

...ანაზდეულად ცხენის ჭიხვინი და პატარა გოგოს კივილი შემოიჭრა ჩემს ცნობიერებაში, და აი, თვალნათლივ ვხედავ: ფაფარგაშლილი, ქვიშისფერი ბედაური თავანყვეტილი მიჰქრის გზაზე. მნათობს გაკიდებული რაშის ზურგზე ჭინკასავით შესკუპებული პატარა გოგო. ქერა დალალებს ნიავი უფრიალებს და უწენავს. თვლებში კვიმატური, ანცი ნაპერწკალნი უკიანთობს. ჟამიდან ჟამზე პატარა გოგო კივილითა და შეძახილებით აქეზებს ისედაც გახელებულ მერანს და მიჰქრიან ორთავენი შლეგური თავგამეტებით. აი, ცეროდენა მხედარმა ცხენი ზღვაში შეაგდო. და ახლა ცურვა-ცურვით, ნაპირ-ნაპირ მისდევენ ჩამავალ მზეს.

„ჰეი, საით, პატარა შოუ? საით მიჰქრიხარ, ძა?“

„ბჟალარას მივდექ, შოუ ცირასქუა, ბჟალარას უნდა დავეწიოთ მე და ქვიშორია“.

„ჰე, ამაოდ მისდევ, ძა, სულ ამაოდ. ველარ დაენევით ჩხანაიას. ველარ!

„მერე რა, შოუ ცირასქუა, მერე რა? მაინც მივდექ. მაინც მივფრინავ! შენ კი... დაბერებულხარ, შოუ ცირასქუა, სულით დაბერებულხარ, შემოგველე! მეცოდები, ძალიან მე-ცო-დე-ბი!“

იცინის პატარა შოუ, გულიანად ტკარცალებს თავგადანეული. მერმე ენას უყოფს თავის დიდ ორეულს და... განაგრძობს სრბოლას.

მიჰქრის ქვიშორია. კისკისებს შოუ ქალი. მზე ჩადის, ცაზე მენამული დაფიონი ანთია.

...ფართო, ვრცელ ეზოში კაცები ხედნიან ურა ცხენს, ულამაზეს ქვიშორიას. თოკით ხან აქედან ექაჩებიან, ხან იქედან, მერმე ახტებიან ზურგზე რიგრიგობით. მაგრამ ამაოდ. ამაყი, ლალი, ქედფიცხელი და გულზვიადი ქვიშორია გოროზად აბრიალებს დიდრონ თვალებს. გაავებული აბაკუნებს შხვართ ფეხებს, ფრუტუნებს, ჯარასავით ტრიალებს ადგილზე მანამ, სანამ ძირს არ დაახეთქებს მხედარს.

უყურებს ამ სურათს პატარა შოუ-ქალი და მთელი მისი არსება, სხეულის თითოეული ძარღვი თრთის და კანკალებს, კივის და იხვენება: გაუმვით. იყოს თავისთვის. ნულარ აწვალებთ. ნულარ დაიურვებთ!

მომინების ფიალა ევსებათ კაცებს. ოოხ! გაილახები ქვიშორია, შე მუდრეგო. და მერე როგორ! არა, აღარ აცდებია გამოლტვა მაგარი!

¹ გოგო, ძღაბი.

...სულ პანია, ცქნაფა გოგო იყო მამინ, მამამ რომ ცული აიღო, ეზოს გა-
ნაპირას მდგარ მაღალ, ტანკენარ ალვის ხესთან მივიდა – ხმოზა შეჰპარ-
ვია. უნდა მოვჭრაო, თქვა და ცული მოიქნია. გულგახეთქილი მივარდა
მამას პატარა შოუ: არ მოსჭრა ალვის ხე ბაბაია, თორემ მოვკვდებო.
ქვითინებდა გულამოსკვნილი და მამას მუხლებზე ეხვეოდა. მამამ ცული
გადაადგო, ხელში აიტაცა მტირალი ბაია, მოეფერა, დაუყვავა: აღარ
მოვჭრიო ბაბაია, ოღონდაც შენ არ იტირო, შენ დანყნარდიო.

ასე გადაარჩინა მამინ მშვენიერი ალვის ხე პატარა შოუმ.

ახლა... ახლა ქვიშორიას ნვალეზას რომ უყურებს, მზადაა, კვლავ
ფეხებში ჩაუვარდეს მამას და ბიძებს: გაუშვით, რა გინდათ? რას ერჩით?
იყოს თავის ნებაზე ქვიშორია!

ვერა. ვერ იქნება თავის ნებაზე ქვიშორია მამაძალი! ქვიშორია
დაისჯება ურჩობისთვის სასტიკად...

ერთბაშად, თითქოს ვიღაცამ თუ რაღაცამ ხელი ჰკრაო, ადგილს
მონყდა შოუ. თვით მისთვისვე მოულოდნელად მივარდა ქვიშორიას
და... თვალის ნაშში ზურგზე შეაფრინდა; თოკს ხელი უშვითო, ერთი კი
მოასწრო დაძახება. ყალყზე შეიმართა ქვიშორია უმალ, ამ ჭინკა გოგომ
ვითარ შემომბედაო, გადაირია. ერთი საშინლად, გაბმით დაიჭიხვინა,
აიჯაგრა, მერმე დაბზრიალდა ჩიკორივით და რაკილა ვერანაირად ვერ
მოიშორა თავხედი გოგუცუნა, ისკუპა, ლობეს გადაეველო და ისარივით
გავარდა შარა-გზაზე...

სადღაც უკან დარჩა დიდების ნივილ-კივილი და ზრიალი. პატარა
ალქაჯი ორივე მკლავით ჩაფრენია ქვიშორიას კისერზე და ზედ მისწე-
ბებია თითქოს.

მიქრის გავეშებული ქვიშორია ხან გზანვრილებზე, ხანაც შუკებსა და
ორლობებში, ენერსა თუ ტრიალ ველ-მინდორზე...

აღარაფერს და აღარავის ერიდება. თავდაუზოგავად ახტება ხაროე-
ბს, თხრილებს, ჯაგეებს, ლობებს, მიქრის და თავადაც არ იცის, საით
მიჭენაობს, საითკენ აქვს გეზი.

პატარა შოუ თვალდახუჭული, შიშნარევი აღტაცებით მისცემია
ქროლვის სანეტარო განცდას, ყურებში ქარი უშხუის, თმა ასწვნივია და
მანც ერთი სურვილია ამოძრავებს: აღარასოდეს აღარ შეწყდეს ეს
გამეტებული სრბოლა, ცის კიდურამდე იფრინოს ასე, დაუსრულებლივ...

ეს იყო არტახებდანყვეტილი თავისუფალი სულის ლტოლვა უსაზღვ-
როებისაკენ, და უძლეველი სწრაფვა უბოლოო მარადისობისკენ. ეს იყო
ჟამი სულის აღზევებისა, მისი დღესასწაული!

მერმე... გამოჩნდა ზღვის უკიდევანო სივრცე და ორთავემ დაუ-
რიდებლად შესტოპეს მის ვეება წიაღში. წყალმა თითქოს გახურებული

მისხლი გაუგრილაო, ქვიშორია შედგა. დაიფრუტუნა. სული მოითქვა,
მოლბა, მოთვინიერდა.

აღერილ კოხტა კისერზე ხელი მოუთათუნა პატარა გოგომ ალერ-
სიანი და მადლიერი ღიმილით უკვე ბედშერიგებულ პირუტყვს, მერმე
დასავლეთისკენ აბრუნებინა პირი ფერებ-ფერბით, იქითკენ, საითაც მი-
ყვლელობდა ჭიაფერი მნათობი.

ცურვა-ცურვით, ნაპირ-ნაპირ გაეკიდნენ ბჟალარას პატარა გოგო და
მისი დაურევებული ქურანი.

გოგონას ჟინი და წადილი ცხენსაც გადაედო თითქოს, ყელაღერილი,
მარდად მიაპობდა ქვიშორია აქორილ ტალღებს...

მისდევდნენ ორთავენი ბჟალარას, ნება-ნება რომ მირონინობდა
ცარგვალზე; საცაა უნდა მისწეოდნენ კიდეც. ცოტაც და...

ჩხანაია¹ გაუჩინარდა უცებ ზღვის ტალღებში. შეჩერდნენ გოგნებ-
ულნი. ცის კიდური ალისფრად ბრიალებს. მერმე ნელ-ნელა გაბაცდა
დასალიერი, მერმე მრუმე ფერმა იძალა... და უცებ: „მზე დედაა ჩემი, მთ-
ვარე – მამაჩემი, ხვიჩა, ხვიჩა ვარს კვლავები და და ძმია ჩემი“ – გახმიანდა
გოგონას გულში და... დახშირბინდდა.

...და როს აჟივჟივებულ თანასოფელელთა წინაშე თვინიერმა და მორ-
ჩილმა ქვიშორიამ და დაღლილ-დაქანცულმა, მაგრამ ბედნიერმა გოგომ
შუკაში შეაბიჯეს, თითქოს ყურის ძირში დარეკა ვილაცის წკრიალა ხმამ:
– გარდაუვალა ნება უფლისა! დრო-ჟამს ვერავინ გაუსწრებს. მოწვენა-
დი – მოინევა, მოსახდენი – მოხდება! უკეთუ, ასე იყო დასაბამიდან და
მის წინარე, ასე არის და ასე იქნება სამარადჟამოდ, მისხის მისხამდე!

...მეუცნაურა ჯეგე ჯიმადის სტუმრობა აქ, ჩემს სადგომში, სადაც ასე
იშვიათად ამოდიოდა ხოლმე ჩემიანი. ჯეგე ჯიბუტი – დედაჩემის მკვიდ-
რი ძმა – ისე იყო ჩაფლული ცხოვრების ყოველდღიურ ორომტრიალში,
ისე იყო დღიური საქმიანობით დაკავებული – ველარ იცლიდა ხოლმე ღვ-
თაებათათვის ლოცვა-ვედრების აღსავლენად.

დროსტარება, დიაცნი, ძმაკაცნი – აი, ჯეგე ბიძიას საზრუნავი.

კაცთა მიმართ დიდსულოვნად შემწყნარებელი გახლდათ და არას-
დროს უცდია მავან და მავანთათვის თავს მოეხვია თავისი ნება-სურვი-
ლი, თავისი ცხოვრების წეს-ყაიდა; არც თავისაში რევდა ვინმეს. გულ-
ლია, ხელგაშლილი, პურადი, მხიარული ჯეგე ჯიბუტი ყველას უყვარდა
– მტერსაც და მოყვარესაც. თუმც, მტერი რომ ვახსენე, მთლად სწორი
არ ვარ: მტერი ალბათ საერთოდ არ ჰყავდა ჯეგე ბიძიას ან თუ ჰყავდა –
არა გამოჩინებული, არა – ამკარა.

¹ მზე (მოფერებითი მიმართვა).

მეოთხე ცოლი ისე შეირთო ჯეგე ბიძიამ, დანარჩენი სამი – ცოლყოფილი დღემდე ფიცულობდა მის მზეს. ვით ახერხებდა ამას ჯეგე ჯიჯი – მისი საიდუმლო იყო; ყველა ყველა და მიტოვებული ქალის შურისგებას, ან თუ გნებავთ წყევლა-კრულვას თუ ლანძღვა-გინებას გადაურჩე, მართლაც რომ ჯეგე ჯიჯი უნდა დაიბადო.

რბილი, დახვეწილი მოძრაობა ჰქონდა, ქვეშ-ქვეშა გამოხედვა, კრიალა, ნათელი ღიმილი და მოზომილი სიტყვა-პასუხი. ბრგე, ახოვან, მწვანეთვალევა ვაჟკაცს ისე მსუბუქად დაჰქონდა ტანი, თითქოს მიწას არც ეკარებო.

მუდამ სუფთად, კოხტად ჩაცმულ-დახურული იყო. დიარაზე ყელს რომ მოიღერებდა, ლამის ცის კოჭიმელს უწევდა მისი პირველი ხმა. საუბრის დროს ლამაზ თითებს ისე ალერსიანად მოგიცაცუნებდა მკლავზე, ისე მოგელამუნებოდა და მოგელაციცებოდა თვალებით, რომ როგორი გაჯავრებულიც არ უნდა ყოფილიყავ, ცვილივით რბილი და კეთილმოსურნე ხდებოდი; იმგვარი შემპარავი ქათინაურების და თავაზიანობის ბადეში გაგხვევდა, – ივინყებდი უნებლიეთ ყოველგვარ უსიამოვნებასა და სანუხარს, სიძულვილს და მტრობას, და ყოვლისმიმტევებელ კრავად ქცეულიყავ ლამის.

და თუმც თმაში ჭალარა გამოერია, თავის თავისთვის, თავისი ბუნება-ხასიათისთვის არ უღალატინია, არც პენი და სილაღე დაკლებია დღეის აქამომდე. ისევე ისე მოხდენილად დააჯირითებდა რჩეულ ბედაურს სოფლის შარა-გზეზე და ყველგან, ყველა ფანიაში სასურველ სტუმრად ითვლებოდა, რამეთუ ჯეგე ჯიჯი უკადრისს არ იკადრებდა, იცოდა სტუმარ-მასპინძლობის და მეგობრობის, ახლობლობის, ნათესაობისა და მეზობლობის ფასი და ყადრი. ჯეგეს დანახვა სიხარულს და ხალისს იწვევდა; მისი უშრეტი, უღევი სიცოცხლისმოყვარეობა იყო ალბათ ის ჯადო, რითაც აგრერიგად ხიბლავდა გარშემომყოფთ, და აგრეთვე, ღმერთთაგან ბოძებული უზადო გარეგნობა, რაიც ძალაუნებურად იწვევდა აღტაცებას, თაყვანების გრძნობას, და... ნიჭიერება! დიახ, ნიჭიერება სიტყვის, სიმღერის, ქცევის. ყოველისფერს, რასაც იქმოდა თუ იტყოდა, ყოველისფერს ნიჭიერების ბეჭედი ესვა. ამადაც ჰპატიობდნენ ალბათ ბევრს რასმეს, მაშინ როს საერთოდ და საზოგადოდ – გამორჩეულობა, განსხვავებულობა – იწვევს ქვეცნობიერ, ხანაც შეუფარავ შურს და ბოღმას, ქიშპს და სიძულვილს მდაბიორთა სულელებში.

იჯდა ახლა ჩემს პირდაპირ მშვიდი, წყნარი იერით, მომჩერებოდა უხმოდ თავისი წყლიანი, ფართო, მწვანე თვალებით, რომელშიც ღიმი ჩაღვროდა, გარნა ფიქრიანი და ნაღვლიანი მეჩვენებოდა რატომღაც ეს ჩუმი, იდუმალი ღიმილი:

– ახლა რომ გიყურებდი, მომეჩვენა, თითქოს დედაშენი მეჯდა წინ და ზუსტად შენი თვალებით, შენი უდრტვინველი სიმშვიდით და მოთმინებით შემომცქეროდა... ლამის მოგმართე კიდეც „მზეხა, მომისმინემეთქი“, – სევდა ისმოდა ჯეგე ბიძიას ხმაში, სევდა ილანდებოდა თვალთა და ხმის კილოში. ფიქრიანად, თითქოს თავისთვის უბნობდა ჯეგე ჯიჯი: – ერთადერთი არსება, საცოდავი დედაჩემის შემდეგ, ვისაც ნამდვილად, უსაზღვროდ და გულწრფელად ვუყვარვარ – ყველა ჩემი ცოდვის, უკეთური საქციელისა თუ ავი თვისების მიუხედავად, ჩემი დაიაა. საერთოდ, ხშირად მიფიქრია, ჩემო შოუ, და გავვოცებულვარ კიდეც ჩვენი დების – ოშორელ ქალთა ამ ესოდენ თავგანწირული სიყვარულის რაობის გამო... ბევრი სხვადასხვა ჯურის დიაცებს ვიცნობ, მარა ჩვენიანთ რომ სიყვარული ძალუძთ ... სულ ერთია – იქნება ეს დედაშვილური, და-ძმური, ცოლქმრული თუ მეგობრული სიყვარული – თქმა არ უნდა, გამონაკლისს არ ვგულისხმობ... – არსად შეხვედრია! ამგვარივე ძალის სიძულვილიც შეუძლიათ – სიყვარულის ტოლფარდი და თანასწორი! – ერთხანს იყურა.

– ხო, იმის თქმა მიწოდდა, ჩემო ზისნახე...¹

ვაკონა იცი შენ... ბედმავე ძოკის ძე? ერთი ყოვლად უწყინარი, ჩუმი, წყნარი, ბეჩავი და მოხანდე კაცია. ჰოდა, ამწინებზე, ბერდოს ქორწილში ცოტა ნასვამი რომ იყო, წამოუხტა თურმე პოლიეექტ დორიელს. შენო, გგონია აღარ მახსოვს, რა ფანდებით და რა ხერხით წამგლიჯე მინის ნაკვეთიო? გგონია, დამაინყდა ყველაფერი? ჰაი, შე გუშინ ჩამოთესლილო ნაბიჭვაროო. მაპატიე, შოუ, ისეთი რამეები უძახა თურმე, ყველანი გაკვირდნენ. შეჰყვენენ-შემოჰყვენენ. პოლიეექტმა ხელი გაარტყა ვაკონას და ვაკონა – ეს ყოვლად უწყინარი კაცი, ეცა დორიელს ყორყში და ახრჩობდა. პოლიეექტს თანამომძენი წამოეშველნენ. აირია დიარა. ვინ ვის ურტყამდა, ვერაფერს გაარკვევდი თურმე. რომ იტყვიან, ძალლი პატრონს ვერ ცნობდა, ვილაცამ სატევარი იძრო. მამას გვიკლავენო, მოვარდა ვაკონას ქალ-ვაჟი: ეცნენ დორიელებს სატევარმომარჯვებულნი. ერთი მძიმედ დაუჭრიათ. ვაკონა კი ისეა თურმე გალახული, არავინ უწყის, გადარჩება თუ არა. გაუბედურდა ვაკონას მახორობა². რაც მთავარია, ერთმანეთს სამკვდრო-სასიცოცხლოდ გადაეკიდნენ თანასოფლელები. რომ გადარჩეს ვაკონა, რაღა ანი მისი სიცოცხლე? სამუდამოდ გაიფუჭა ურთიერთობა მოსულელებთან... ეს კიდეც მარტო მას კი არა, მის შვილებსაც და შვილთაშვილებსაც ძვირად დაუჯდებათ; რა დღეს, რა ხვალ მოსულნი იმასაც ნაღვლითავენ, რაც კიდეც შემორჩენიათ, რადგან ასეა თუ ისეა, მათ ხელშია ახლა, ჩემო მშვენიერო დისწულო,

¹ მზეთუნახავი.

² ოჯახი.

მთელი ჩვენი კუნძული. ისინი განაგებენ მის მკვიდრთა სვე-ბედს – ჩვენ-და სამნუხაროდ და სავალალოდ!..

ჯეგე ბიძია კვლავ დადუმდა. კარგა ხნის მერე, ისევ ამეცყველდა:

– მაპატიე, ჩემო შოუ, მარა... აი, რა ნაყოფი გამოიღო შენმა შეგონებებმა, ხელი გაანძრით, ნუ დაგიღუნიათ მორჩილად ქედით. გაუბედურდა სამუდამოდ ვაკონას ფანია, მისი ძე-თური... ძალა აღმართსა ხნავსო, ნათქვამია, და როცა დათვი მოგერევა, ბაბა დაუძახეო. როცა თავს ზევით ძალა აღარ არის, რა უნდა ქნა? იცოცხლე, კარგი იყო ჩვენი მამა-პაპა თავიდანვე ფხიზლად და მარჯვედ დახვედროდა ამ ვითომ მიამიტ და წრფელ მანანალეებს – შეფარულ ავაზაკებსა და მტაცებლებს, რომელთაც ვირეშმაკობითა და ცბიერებით აჯობეს და მოაღორეს ჩვენი დოცლაპია, დროსტარებას გადაყოლილი მეფე-დედოფალნი და მათი ნამბაძველი ერი, მაგრამ ახლა რაღა დროსია თითზე კბენანი?

გავიგე, რომ შენ განგიზრახავს თურმე გადავინყებული ჩვენი ანბანი შეასწავლო ბავშვებს, გადავინყებული ჩვენი სიტყვიერება აღადგინო. დიდებული სურვილია, ჩინებული განზრახვაა, ჩემო კარგო, მაგრამა... ვინ ამოგიდგება მხარში? ოშორელებს უკვე თითქმის აღარაფერი შერჩათ საკუთარი: არც ღმერთები, არც მამაპაპური წეს-ჩვეულები, აღარც საკუთარი ენა. გარეგნობით თუ იცნობ კიდევ ჩვენებურს, ხოლო უზნეობით – გადააჭარბეს კიდევ მოსულთ. ვინ იყო გარეული შენზე თავდასხმაში? ორი ჩვენებური, ოშორელი არ აღმოჩნდა განა?

– შენ გინდოდა გეთქვა ალბათ ჯიჯი, ყოფილი ოშორელნი-თქო... – ჩამოვართვი სიტყვა.

– მით უმეტეს! რა უნდა გაანყო ასეთ კათასთან, ჩემო მშვენირო? მარტოკა რას შეძლებ? თუნდაც შოუ იყო, ბჟალახე? იცი, შენმა ძმამ და უცხო ტომელმა რძალმა რა ბრძანა, შენს ზურგს უკან: რა საჭიროა, რაში გამოადგებათო ჩვენს შვილებსა და შვილიშვილებს ენა და ანბანი იმ ტომისა, ვინც უნდა გადაშენდეს და გაქრესო? ჩვენს სოფელშიც კი იშვიათად მეტყველებენო ამ ენაზე. სხვაგან, მით უფრო, რაში დასჭირდებათო იგი! გაიგე, შოუ? რაში დასჭირდებათ, რაში გამოადგებათო! გამოდგომაზეა დღეს საუბარი, და არა ოშორულ ღირსებასა და თავმოყვარეობაზე.

გამოგადგება კაცი? – გამოიყენე. არ გამოგადგება – რაში გენაღვლე-ბა: თავში ქვა უხლია, თუ გინდა. გამოგადგება სხვათა ენა – გამოიყენე, თუნდაც შენი, საკუთარის საზიანოდ. მთავარია: გამოგადგეს... შენდა საკეთილდღეოდ!

თქვენთან ვიყავი ამინიებზე. დარბაისელი მამაშენი დასაბმელი დამიხვდა: ბრძღვინავდა გაალმასებული, ცეცხლს ყრიდა პირიდან. ამაოდ აწყნარებდა ჩემი სათნო დაია. მამაშენი ყველაფერს მას აბრალებდა:

ჩემს საკუთარ მახორობაში ჩემს მშობლიურ ენაზე ხმა ვერ დამიძრავს. ჩემს შვილიშვილებს ოშორულად ვეზრახები, ისინი კი – სხვა ენაზე მეფლურტულეებიანო. შენი ბრალია ესო. ბიჭებს სხვა გვარ-ტომის ცოლები რომ მოჰყავდათ, შენ ეფოფრებოდიო. სიყვარულს რა ძალა დაუდგება ნინ? მთავარია კაცობა, თვარა რა მნიშვნელობა აქვსო ოშორელი იქნება თუ სხვა ტომელიო. აი, დასტკბით ანი. სიჭრელეს ნოლისას ანდა ნავსად-გურისას აიტანს კაცი, მაგრამა საკუთარი ფანისი სიჭრელეს რაფერ უნდა გაუძლოო. ტურა რომ ტურაა, მელაზე არ დაქორწინდება მისდ-ღემში, თუმცა კი ორთავე მხეცთა ჯილაგს ეკუთვნისო. მით უფრო, მართებს კაცთა მოდგმას გაუფრთხილდესო თავის ჯიშს. მასე რომ სულერთი გახდა ჩვენთვის ჯიშის რაობა, იმადაც მივედითო გადაგვარების პირზე. მოკლედ რომ ვთქვა, დიდხანს ბორგავდა და შფოთავდა მამაშენი. მზეხა კი, ყელგამონევით ემუდარებოდა, გაჩუმდი, კაცო, რძლებმა არ გაიგონონო. გაიგონონ მემრე. მით უკეთესიო, მეყო, რაიც აქამომდე ვით-მინეო. კი ამბობდა ამას, მაგრამა მაინც, თავისდაუნებლიეთ ხმას დაბლა უწევდა. ასეა, ბაბასქუა, საქმე... – ჯიჯი გაჩუმდა და თუმც ტაბლაზე კვლავინდებურად აკაკუნებდა თითებს, თან იმფერი დაკვირვებული მზერით მიცქერდა, თითქოს საგულდაგულოდ სწავლობსო ჩემი სახის ნაკვთებს, მაგრამ სინამდვილეში, ვაჭყობდი, ფრიად შორს რომ იყო ამ-ნუთას ჩემგან და ამ სენაკიდანაც. მერმე დაბალი, ჩუმი ხმით წამოიწყო ისევ, ვითომც თავის გუნებაში ედავებო ვილაც უჩინარ არსებას:

– ეგება, აიაიელთა ძველი ცოდვების გამო ნეტარ ღმერთებს ჯერაც არ დასცხრომიათ რისხვა ჩვენი მოდგმის მიმართ?.. ანდა... ნამეტნავად ქარბად ხომ არ ვიყენებთ ათასგვარ სათაკილო და უღირს საშუალებას იმის დასაბრუნებლად, რაიც დავკარგეთ? ანუ... ვერა და ვეღარ შევლევით მადლარს, კმაყოფილს, ლალ ცხოვრებას, თუმცალა უკვდავთა ნებით, საფანელი გამოგვეცალა საამისოდ? ეგება... სამართლიანად დავიმსახურეთ ის ხვედრი, რაც განგვიზადეს ცის ბინადართა?.. ან ეგება... სამართლიანობისა და უსამართლობის ჩვენეული, კაცობრივი საწყაოთი აწონილ-აზომილი სიმართლით ხელი არ მიგვინვდება უკვდავთა სამართალზე, ისე, ვითარცა გონიშვნადომელია ჩვენთვის სამყაროს საიდუმლოება?.. რას იტყვი ამაზე შენ, ჩემო შოუ?

არასდროს მომისმენია სხვა დროს ჯეგე ბიძიასგან ამგვარი მსჯელობა. იგი ერთობ რბილი, ერთობ ფრთხილი კილოთი წარმოთქვამდა სიტყვებს, თვალები კი უფრო მეტს მეტყველებდნენ, ვიდრე ენა. და მე დამცეცხლა არა იმდენად მისმა სიტყვებმა, რამდენადაც ბიძაჩემის შეფარულმა შემფოთებამ და ნუხილმა. ერთი შეხედვით დარდიმანდი, უზრუნველი, ქარაფშუტა ჯეგე ჯიჯი, ყველაფერს გარდა, ჩემს გამო დარ-

დობდა, ჩემი მომავალი სვე-ბედი აგდებდა საგონებელში...

რაც დრო გადიოდა, მეტად დამეტად მიპყრობდა სასონარკვეთილების გრძნობა. არადა... არც სხვანაირად შემეძლო ცხოვრება!

ვერა. ველარ შევძლებდი განვრიდებოდი თანამოძმეთა წუხილ-სატკივარს. ველარ ჩავიკეტებოდი სენაკში და მარტოოდენ ჩემი სულის ხსნისა და გადარჩენისთვის ველარ აღვაგლედი ღვთაებისადმი ლოცვა-ვედრებას. ველარ დარჩებოდი მარტოდენ მახვამური.

გულს მიწყლავდა და სულს მიწნავდა წინაპართა აჩრდილების კივილი მიღმიერი სამყაროდან. ველარ ამეტანა გულმშვიდად მამა-პაპათა საფლავების გადათხრა და მათი ძვლების ფრიალ-ფრიალი! ველარ დამეხუჭა თვალი და ველარ დამეხშო ყური ყოველივე ამის თვითმხილველსა და თვითმონამეს! ვერა, ველარ შევრიგებოდი ჩემი გვარ-ტომის უბადო ხვედრს, თუნდაც უკვდავ ღმერთთაგან დასაზღვრულს – ჩვენთა ცოდვათა გამო!

გარნა ვუნყოფი კარგად, რა ღირსებანიც გააჩნდა აიას ბედკრულ შთამომავალთ – ყველა იმ მანკიერებათა და ნაკლთა თვინიერ! – უმთავრესი – შეწყალების გრძნობა გახლდათ ყოველი გაჭირვებულის და შევიწროებულის მიმართ, რა რჯულისაც არ უნდა ყოფილიყო იგი! და... უანგარო თავგამოდება!

ესეც რომ არა, აღარ შემწევდა ძალი, მშვიდად მემზირა, თუნდაც ცოდვით დამძიმებულ თვისტომთა გაქრობის შემზარავი სურათისათვის და აღარაფერი მეღონა, შეძლებისდაგვარად ხელი არ გამენძრია მათ მისაშველებლად. მით უმეტეს, რომ ვითარცა ნამდვილი ოშორელი, პატარაობიდანვე მარადის ჩაგრულთა, ვნებულთა და სნეულთა მხარეზე ვიყავ მთელი ჩემი არსებით, ვინც არ უნდა ყოფილიყვნენ ისინი, რა გვარ-ტომისანი.

უსამართლოდ დაჩაგრულთა მიმართ სიბრალულის და თანალმობის გრძნობა თანდაყოლილი გახლდათ-მეთქი ჩემთვის, გადმოცემული სისხლით და არა შეძენილ-შეთვისებული ცხოვრებისეული გამოცდილებით თუ გონისმიერი მონდომებით. ხოლო ახლა, ვითარცა ვთქვი, თვით თვისტომნი ჩემნი, მარტოდენ დაჩაგრულ-შეინრებულნი კი არა, სასიკვდილოდ იყვნენ გადაგებულნი.

ვერა, ველარ შევგუებოდი-მეთქი ამ აზრს. ვერა, ველარ ავიფარებდი გულგრილობისა და აუზღვრეველი სიმშვიდი ნიღაბს – ღრმად განსწავლულ, გონდაუნჯებულ ბრძენთ რომ სჩვევიათ, რომელნიც გაუფალ წყვილია და უკუნს, სამყაროს უსასრულობასა და მარადისობას რომ ჭვრეტენ – ჩვენამდე რომ არსებობდა და ჩვენს შემდგომაც რომ იარსებებს მარადეჟამს, მარადისობას, ვისთვისაც სულ ერთია, ვინ ხარ, სადაური,

დედამინის რომელ კუნჭულ-ალაგში დაიბადე, კაცთა მოდგმის რომელ ნათესავს განეკუთვნები; – რომლისთვისაც არა აქვს მნიშვნელობა მინის შვილთა ყოფიერებას საერთოდ და ქვეყნიერებისას საზოგადოდ – პირმეტყველთა ამ არარაობით დათრგუნვილნი, მორჩილად იდრეკენ ქედს, და თვინიერად, უდრტვიწველად ეძლევიან სწრაფწარმავალი დრო-ჟამის მდინარებას, რამეთუ კაცთა სიცოცხლე – მალემსხვრევედი და წუთიერია და ამადაც, არ ღირს ამ მინის მლილთათვის თავის ატკივება, ფიქრი და ზრუნვაო.

მაშ, რაღა დამრჩენია მე, ვითარცა ერთ ამ მინისშვილთაგანს? რას ვაქნევ ჩემს უმაქნის, უსარგებლო და ფუჭ სიცოცხლეს, უკეთუ ამაოა ყოველისფერი? უკეთუ სიკეთე შობს ბოროტებას? ანდა რაღაა სიკეთე ბოლოს და ბოლოს?

მართალია ჯეგე ჯიჯი! ის, რაიც სიკეთე ჰგონია ერთს, მეორისთვის შესაძლოა უბედურება იყოს მხოლოდ. მაშ, ვით მოვძებნოთ ის ერთადერთი სწორი, უტყუარი და მართებული საზომი? ის ერთადერთი სწორი საწყაო?

ვერა. ველარ აღმედგინა ჯეგე ჯიბუტის სტუმრობის შემდეგ წონასწორობა. ვერა, ველარ მომეძებნა გამართლება ჩემი არსებობისთვის, რამეთუ სრული არარაობა ვჩანვარ უზენაესის წინაშე ჩემი ჭმუნვითაც, ურვითაც და გნებავთ, სიხარულითაც.

ჯეგე ჯიჯი ალბათ ვერც წარმოიდგენდა ოდესმე, რამხელა ლახვარი ჩამცა გულში მისმა სიტყვებმა, მისდაუნებურადვე!

სულის ამ დაუსრულებელი შფოთვა-წრიალის ჟამს ხსოვნის ფსკერიდან უცაბედად ამომიტივტივდა ან თითქოს გადავინწყებული, ან ეგების სულაც განგებ მიჩქმალულ-მიმალული, დავინწყების ნავლმიყრილი ხილვა თუ სიზმარ-სიცხადე – დიდი ხნის წინ განცდილი, გარნა ახლა ცხოველი სიმკვეთრით და მკაფიოდ გაცოცხლებული.

მონიფული გოგო ვიყავ მაშინ, მამაჩემმა – ბჟათას ყოფილმა მახვამურმა რომ წამიიყვანა ერთ უდაბურ ალაგას; უნდა გაჩვენოო იმგვარი რამ, რისი უნახაობაც შენგან არ ეგებისო. მამა გახლდათ ის კაცი ჩემთვის, ვისთანაც თვინიერ სისხლის მიერი ნათესაობისა, სულიერ მახლობლობას რომ ვგრძნობდი იმთავითვე.

ბევრი მატარა ხან აღმა, ხან დაღმა; ციცაბო კლდეებსა თუ ხეთა ტევრებში, ვიდრემდისინ არ აღმოვჩნდით ერთ ბეჭობზე, საიდანაც ვით ხელის გულზე ისე გადამეშალა უჩვეულო, გასაოცარი სურათი. წამით თითქოს გული გამიჩერდა. გავექვავდი.

ძირს, სამი მხრიდან მთებით შემოზღუდულ უშველებელ ზღვისპირა დაბლობზე გადაჭიმული იყო ნახანძრალი, ნაოხარი ნოლა, შუაზე მდინა-

რის ფართო ზოლით გადაჭრილი.

ნანგრევნი... ნანგრევნი... მარმარილოს სვეტთა თუ ბურჯთა ვეება ნატეხნი... ქვათა ნაგლეჯ-ნაფლეთნი... ქანდაკთა, ბჭეთა თუ საკურთხეველთა ნამსხვრევნი... დაღენილი კარნი ძვალთშესალაგათა... მიყრილ-მოყრილი ჩონჩხები მიცვალებულთა – აკლდამათა ნერჩხე.

... დავლასლასებდით იმ იავარქმნილ, ნაპარტახალ ქალაქში უთავბოლოდ, აზრშერყეული, გულშეძრული და თითქოს უსასრულო შორეთიდან ჩამესმოდა მამაჩემის მოგუდული, ბოღმისა და ტკივილის-გან ჩახლეჩილ-ჩახრინული ხმა.

ესო, ჩვენი, ოშორელთ ყოფილი დედა-ქალაქიაო, აქო, ჩვენი მეფე-დედოფალთა სამყოფელი იყოო; იგიო, ღვთაებათა ჩვენთა წმინდა სამლოცველო ალაგს წარმოადგენდაო, ან უკვე მინასთან გასწორებულს და გაცამტვერებულს ჩვენთა მტერთა მიერო.

აქო, ოდესღაც ჩქეფთა და დულდაო ცხოვრება ოშორელთა გვარტომისო, აქო, ამ დიდებულ და ჭრელ ნოლაში უშორესი ქვეყნიდან მოუშურებოდნენო გემთა ქარავნები წყება-წყებად, დატვირთულნი სხვადასხვაგვარი საქონლით, და აქედანვე გაჰქონდათო უთვალავი სიმდიდრე და განძეულობა. ნოლაში სხვადასხვა ჯურის, სხვადასხვა ენებზე მოლაპარაკე თესლტომი ცხოვრობდაო და ყოველ მათგანს თავთავისი უბანი ჰქონდაო იმთავითვე. გადიოდა დრო და თანდათან უფრო და უფრო იზრდებოდა და მშვენივლოდაო გერგეთა – ოშორელთ დედაქალაქი და ამავდროულად, იზრდებოდა და მრავლდებოდაო რიცხვი უცხოტომელთა, რომელთაც დროთა ვითარებაში ემატებოდათ შეფარული შური, სიხარბე, ბოღმა და სიძულვილი ოშორის მკვიდრთა მიმართო.

გარნა ჩემამდე უკვე ვეღარ აღწევდა ნაუბარი მამაჩემისა. უსაშველოდ გაფართოებულ ჩემს გუგათა წინ, ვითარცა ცხადში, ხელშესახები სიცხადით წამომართულიყო იმდროინდელი გერგეთა და თვალნათლივ აღვიქვამდი ბრწყინვალეებს და დიდებულებებს მისას და... დაქცევის საშინელებასაც.

...ვეებერთელა, თეთრი სასახლე – გაბრდღვიალებულ-გაჩახჩახებული უთვალავი სანათურებით, კვარებით, მაშუქებით თუ კანდელებით – ძილისთვის ემზადება. საკურთხეველბთან ქურუმნი და დოხოორეს ბინადარნი აღავლენენ ლოცვას ღვთაების მიმართ. იწვიან სანთლები და მურის საამო ნელსურნელებასაც შევიგრძნობ აშკარად, ცხადლივ.

ბრწყინვალე ხელმწიფე არგი – არდიანთა უძველესი თიიდან და დედოფალი ნათელი ანთიანთა უძველესივე თურიდან, – საძილე სენაკისკენ მიემართებიან. დოხოორეში ერთი-მეორეს მიყოლებით ქრება შუქი და სენაკებში ისადგურებს სიბნელე. მხოლოდ აქა-იქლა ბჟუტავენ სასახ-

ლის მცველთა მაშუქნი.

გარეთ კი... ქარ-ბორიას გააქვს გრიალი. გამგელეებული ასკდება იგი სახურავებს და კარ-სარკმელთ. ზოგან დიდრონ ხეებს თხრის ძირ-ფესვიანად, ზოგან-ბურქებს და ყვავილნართ. თითქოს ალქაჯთა და ეშმაკთა, მზაკვართა და ავსულთა ურიცხვი ლაშქარი მოდებია მთელ ნოლას ღრინცელით, ზათქით და ზარით, და უპირებენ ალგვას პირისაგან მინისა სახელგანთქმულ გერგეთას, რათა სამარადფამოდ მოისპოს სახსენებელი მისი.

ხოლო ვერაგი და ცბიერი მტერი – მოყვრის ქურქით შემოპარულ-შემოხიზნული, სულგანაბული ელოდება ჟამს სანეტაროს, ზურგში რომ ჩასცეს მახვილი მუხანათურად.

და აი, დგება ეს ჟამიც – ნანატრი მტრისათვის და ავბედითი – ოშორელთა დედაქალაქისათვის და მისთა მკვიდრთათვის.

... გასუსულან ავისმზრახველნი, სულს იპარავენ. ცხადად ვარჩევ სასახლის სხვადასხვა კუნჭულ-ალაგებში მიმალულ და მიყუჟულთა ბოროტ სახეებს, სიავის მოლოდინით მონკურულ თვალებს, აკანკანებულ კბილებს.

მოუთმენელი წადიერებით ელოდებიან იმ წამისწამს, როს მეორედ იყივლებს მამალი.

საბედისწერო ღამე დგება გერგეთასთვის და ყოველთა ოშორელთათვის.

აი, იყივლა კიდევ მამალმა მეორედ და... გასრიალდა, ვითარცა ქვეწარმავალი, ლანდი დოხოორის ერთი კუთხიდან – მეორისკენ. მას უჩუმრად ფეხაკრეფით მიჰყვება მეორე, მესამე... მალულად, უხმაუროდ ფუთფუთებენ ხან აქ, ხან იქ და აი... ცეცხლის ალი აბრიალდა ერთგან, მეორეგან... ცოტაც და ბირბილებს ხანძარი. ცეცხლის ბოლში ეხვევა მთელი სასახლე და მის შორიახლოს განლაგებული წარჩინებულთა დოხოორენი.

ქარი კი მძვინვარებს ისევ ისე და უმოწყალოდ, უღმობლად ფანტავს ირგვლივ ცეცხლის ნაპერწკალთ. დათარეშობს ავსული ქარი და გულმოდგინედ აღვივებს ახალ-ახალ კერათ კოცონთა, მარჯვედ მართავს ქარ-ბორია წინასწარ მოფიქრებულად, ერთდროულად ანთებულ ხანძრებს და მარჯვედვე სპობს და ანადგურებს ოშორელ თაობათა მიერ ათასწლეულობით ნაღვანს და ნაშრომს, სათუთად ნალოლიავებსა და ნარუდუნევს.

იწვის გერგეთა – უწმინდესი და სათაყვანო ალაგი ოშორელთ ნათესავის.

კვამლი აღვიძებს მეფე-დედოფალს. შეთქმულებს გადარჩენილმა

ერთ-ერთმა მცველმა ეს-ესაა შეგლიჯა კარი ავისმაცნედ საძინებელ სენაკში ხელმწიფისა, გარნა უკვე ფეხზე არიან მეფე-დედოფალი. დედოფალი შეშფოთებული გარბის უფლისწულთა თვალისკენ. მას ფეხდაფეხ მისდევს მეუღლე, გარნა ბოლი სუნთქვას უხშობთ განწირულებს, წკვარამში ველარ აგნებენ გზას, ეცემიან, დგებიან, ფორთხავენ...

– გვიშველეთ! – ხავის დედოფალი ძალაგამოცლილი.

– გვიშველეთ! – უხმობს მცველთ ხელმწიფე სასომიხდელი.

– უშველეთ! – უსიტყვოდ კივის მთელი არსება ჩემი. კივიან თვალები ჩემი, ხორხი ჩემი, გული ჩემი.

– უშველეთ! უშველეთ! უშველეთ!..

მაგრამ... ვაგლახ! ამაოა ყოველივე. ვაგლახ! უკვე აღარ ძალუძს არავის შველა მათი! ვაგლახ! განირა ისინი წერა-მწერალმა! გამოტანილია მსჯავრი საბოლოო!

ბრიალებს სასახლე – უზარმაზარი კელაპტარი. ინვის და იფერფლება ომორელთა საამაყო და სასახლო დედაქალაქი – გერგეთა!

ხაფანგში მომწყვდეული ნადირივით, შემლილი სახეებით აწყდებიან აქეთ-იქით გერგეთელნი.

კივილ-წივილი, მოთქმა-გოდება განწირულ ბავშვთა, დიაცთა, ბებერთა, ძველთა და ახალთა – აყრუებს ყურთასმენას. ინვის უცხოთესლთა უბნებიც, რამეთუ ცეცხლმა და ქარ-ბორბალამ აღარაც ისინი დაინდო – ველარ გამოზომეს, ველარ გაითვალისწინეს ყოველი ავისმზრახველთა და... ბოროტების წილ მათაც ბოროტება მიეზლოთ!

...ცისკრისას, ნავსაყუდელში ჩუმად შემოპარულ, წინასწარ გაფრთხილებულ ხომალდთაგან გადმომსხდარ მეომართა რაზმები მიეშურებიან დედაქალაქისკენ, რათა საბოლოოდ მოულონ ბოლო ცოცხლად გადარჩენილ მის მკვიდრთ.

ცისკრისას, ქარ-ბორბალა, ავნამოქმედარით თვისით თითქოს გულ-მოჯერებული, – ჩაცხრა, ჩანყნარდა.

თენდება ღრუბლიანი, ნისლიანი, შავი დილა გერგეთელთათვის, რომელთაც წინ ელოდებათ უბედურება იმგვარი, ოდეს სანატრელი გაუხდებათ ცეცხლისგან სიკვდილი.

და... ინყება!

ინყება ჩეხვა, კუნვა, მუსრვა, ქელვა დედათა, ჩვილთა, ყრმათა, მოხუცთა, დავრდომილთა, სუსტთა, უძლურთა.

ხოცვა-ჟღერვა სასტიკი, უწყალო, ულმობელი. მძვინვარება და კბილთა ღრჭენა, ბრდღვინვა და ქმენა გაასპიტებულთა, პირზე დორბლმომდგართა: ჩახა-ჩუხი, ხათქა-ხუთქი, ჟღარუნ-ჟღრიალი აბჯარ-იარაღთა.

თვალნალივ ვხედავ ამას ყოველივეს, რამეთუ... თანადროული ვარ თითქოსამამბავთა, მოწმედათვითმხილველი საზარელ სურათთა. ოლონ-დაც მე თავად-უჩინარი გახლავართ, შეუვალი და უგებელი მტერთაგან.

... შორეთიდან, უსაზღვრო შორეთიდან და ამავედროულად უახლოესი სამზერიდან ვუყურებ თითქოს ყოველისფერს ამას.

მწადიან: გადავეშვა ამ სისხლიან ორომტრიალში, გარნა... ადგილიდან ვერ ვიძვრი: მსურს თვალნი მაინც დავხუჭო, რომ აღარ ვიხილო სურათი საშინელი, გარნა ძალა აღარ მომდევს. ეგების დავიცო სასმენელნი ჩემნი-აღარ ძალმიძს ეგეც – არ მემორჩილებიან ხელები.

ღონენართმეულს რაღაც ძალა – ჩემს ნება-სურვილზე ძლიერი – მაკავებს ადგილზე და თითქოს ხელფეხშეკრულს, არ მადღევს განძრევის საშუალებას.

არა. არ უნდა გატოკდე! არა. არ უნდა დანკურო თვალნი და ყურნი აღარ დაიხშო, ვითარმედ: სახილველია შენდა მინის შვილთა კაცთამოდგმის სიმხეცე, გულქვაობა და მტარვალობა ეგოდენი, სისხლით თრობა ბორგენულთა!

გადმოკარკლული თვალნი. ღრანჭნი მოქცეულნი. ყიჟინა ველური. შუბთა ძკერება. მახვილთ კვეთება.

ა, აახ!

ჩვილთა და ყრმათა დანთხეული ტვინი ქვაფენილებზე, თავები – მიხილილი ბოძებსა და ხანძრისგან გარუჯულ კედლებზე! გამოშიგნული სხეულნი, გათელილ-შებილწული ულამაზესნი ასულნი და ასო-ასოდ აქნილი თოთო ბავშვნი, წინილასავით ნაწყვეტილი თავები ბაღლთა. დახლეჩილ-დაკუნული მკლავნი და ფერხნი. ცხელი სისხლი – ოხშივარადენილი! სისხლით მოთხვრილი ლაშები...

დია-უფალო!.. ნუთუ შესაძლოა მდედრის ნაშობთაგან სიბოროტე ეგოდენი?

დია-უფალო!.. რისთვის მამზერინებ ამ სატანჯველს უსაზმნოს?

ა. აახ!

პატარა ბიჭი ჩამძვრალა სასნაულებრივად გადარჩენილ ქვევრში. უსაშველოდ გაფართოებულ თვალთა შეძრწუნებული მზერა!

რა ხდება?!

გონიუწვდომელია ამ ცეროდენასთვის საშინელება ესე და...

განცვიფრება! უზომო, წრეგადასული განცვიფრება იპყრობს მთელს მის პანია არსებას.

აქამომდე ხომ მხოლოდ სიყვარული, სიკეთე და ალერსი ახსოვს გარშემომყოფთა, სიყვარული და სითბო ახსოვს და ფერება – დაუსრულებელი!

ახლა კი?.. რა ხდება ახლა?

შიშისგან ენაჩავარდნილი, ზარდაცემული პატარა ბიჭი ცახცახით ეკვრის ქვევრის კედელს და... მკაფიოდ, გარკვევით ჩამესმის ყურში მისი პანანკინტელა გულის ფეთქვა. ოჰ, რა გამალებით ტოკავს პანია გული, რა გამალებით!

„დია-მიშველე!“

უხმო ვედრება ასკდება ქვევრის კედლებს და... ჩემამდე აღწევს შეყვინებული რხევით.

„დია-მიშველე!“

სისხლმონყურებული მოძალადე მომარჯვებული შუბით დაძრწის ეზო-ეზო, ახრჩოლებულ-აბოლებულ ნანგრევებში ეძებს საკბილოს – ჯერაც ვნებადამცხრალი. უძღვებ, ხარბ თვალებს აცეცებს, ღოჯებიანი, ღლაბო პირიდან ლეზვი გადმოდის, სისხლში გასვრილ, ბანჯგვლიან ხელებში ჩაუბლუჯავს იარაღი და გამნარებით დაშლივინობს მსხვერპლის ძებნაში. ვინიცობაა, გაუღიმოს ბედმა და ამ გავერანებულ ნაქალაქარში შემთხვევით გადააწყდეს ვინმე სულდგმულს.

ქვევრი?

ხოხოხო! ნადავლი უცილო!

„მიშველე დია!“

ჩემს ყურის ძირთან მესმის გახშირებული სუნთქვა!

ბაღანა ქვევრში?

ხოხოხო! მადლობა ღმერთებს!

ო, დიდო ძევს! უნდა განყდეს, უნდა მოისრას ჯიში ბუნების ამ ლალ შვილთა!

უნდა გაისრისოს ჯიში — ტიტანთა სკირის!

დაქვესკნელდეს და ჩაინთქას ლუსკუმსა და ღურღუმელში ყოველი მათგანი!

ამოიძირკვოს და ამოიფესვოს მზის შვილთა სახსენებელი!

ო, ძევს!

– არ დანდობა, არ შეწყალება ოშორელთ ჯილაგის! სიკვდილი იქედნის ნაშიერთ!

ტარტაროსში! ტარტაროსში! ტარტაროსში! — სუყველა, დაუყოვნებლივ! ამნამსვე!

„ვაჟა დია!“

აფართხალებული სხეული ბიჭუნასი. აფართხალებული პანია გული... ეგ არა!.. მე, შე მზებნელო, მე!“

ბავშვისთვის დამიზნულმა შუბის წვერმა შიგ გულში გამიარა.

...გულწასული, ხელში ატატებული ვეტარებინე თურმე მამას მთელი

გზა ჩვენს ოხორემდე. ერთი თვე, ცნობამიხილი ამ საშინელი ხილვით, ვბორგავდი სარეცელზე და უკვე არავის რომ არ ეგონა ჩემი მორჩენა... გამოვბრუნდი, პირი სააქაოსკენ ვქენი!

...ჯეგე ჯიბუტის სტუმრობამ თითქმის ამგვარივე ლახვარი ჩამცა გულში. მცირეოდენი ყოყმანის შემდეგ მეუფე უტასთან – ას წელს გადაცილებულ მონმინდართან აველ მთის ერთ მივარდნილ გამოქვაბულში, სადაც განდეგილ ბერიკაცთან თავს იყრიდნენ ხოლმე ოშორელი ზიარებულნი საიდუმლო ღვთისმსახურების ჩასატარებლად და სადაც ადრე რამდენიმეჯერ მეც მიმიღია მონანლიეობა, გარნა ამჯერად დიდი ვერაფერიშვილი ნუგეში მომიტანა ამ შეხვედრამ. პირუკუ: ბუჯათაში დაბრუნებულს, უფრო გამიმძაფრდა და ამკარად გამომეკვეთა უიმედობის, მიუსაფარობისა და განწირულობის შეგრძნება.

... ახლა, დროის ამ სიშორიდან უკეთ მესმის და უკეთ შევიცნობ მაშინდელ ჩემს გუნება-განწყობილების მიზეზ-სათავეს, რაიც უპირატესად მაინც ასაკით, ყმანვილქალობით იყო უთუოდ განპირობებული.

მეუფე უტა მეზრახებოდა, ყოველი თესლტომი, ძე-თური ყოველი, ზეციური არსთა გამრიგის განჩინებით ევლინებო ამ ქვეყნიერებას და მისსივე ნება-სურვილით ტოვებო მას, ამადაც გარდუვალიაო ყოველი მათგანის ხვედრი. და თუმც ასეა და უწყიან ეგე მრავალთა, მაინც დიდი თუ პატარა სახელმწიფონი თავიანთ არსებობის ქვაკუთხედად, მის საფუძველთ-საფუძველად მიიჩნევენო ბრძოლას და ქიშპს პირველობისთვის უხანო საწუთროში. ამ ჭიდილსა და განევ-გამონევაში ხან ერთი იმარჯვებო დროებით და აღზევდებო, ხანაც მეორე. ხან ერთი ესაძირკვლება მეორეს, ხანაც მეორე მესამეს და ასე დაუსრულებლივ. ერთნი – სხვათა ბალავარზე აღაშენებენო რინას თავისას და გრძელდებო ჟამთა დინება ურთიერთ ცილობასა და შეხლა-შემოხლაში, ურთიერთშთანთქმისა და გადაშენება-გადაგვარების ყინსა და ნადილში. გარნა... აღმავალიაო განკაცების საფეხურნი და აღარაფერი არ იკარგებო ამ წუთისოფელში უკვალოდ და უძიროდ: არც ერთი გვარტომის სიკეთე და მადლი, ბოროტება და სიძულვილი, ორნატი მისი, ნაღვან-ნაშენი მისი: მისხალ-მისხალ აღინუსხებო ყოველივე არსთა გამრიგის მიერ.

მოდგამ ჩვენმა, მათ შორის აიაიელთა ნაშიერთაც – ოდესლაც, უხსოვარ დროში რომ იყოო განფენილი უვრცესს მინა-წყალზე და რომელთაც დასაბამი მისცესო სულიერ რინას მრავალთა სხვათა, ან ადგილი უნდა დაუთმოსო, სურს თუ არა, სხვა მოდგმის, სხვა გვარტომის შთამომავალთ მანამდის, ვიდრემდის...

ჟამი, მხოლოდ ჟამი განავებო კაცობრიული ცხოვრების გზასავალს. ამადაც ჟამის მოწვევამდე უნაყოფაო და აზრსმოკლებული

ქმედება ყოველი. ხოლო უამი როს მოინევაო, თუნდ უშორეს მომავალში იყოსო ნაგულისხმევი იგი, გარდუვალად აღორძინდება ან ძლეული და დამცრობილი მოდგმა ჩვენი. მოძალეთა მიერ გამოქვაბულის კლდეზე დატყვევებული და დაბორკილი სული ცხოველი – განივთებული დევგ-მირის სხეულში, მოვა დრო და არსთა გამრიგის ნებით, აიწყვეტსო ჯაჭვს და მაშინ... გაბრწყინდებაო კვლავაც სახელი მისი ოდინდელი შარავანდე-დით, გახდებაო კვლავად ერთი უმძლავრესი დვრიტათაგანი მომავალი საკაცობრიო ყოფიერებისაო.

მანამდისინ კი?... მანამდისინ გზა არ არისო სხვა, თვინიერ ქირთათ-მენის, ლოდინისა და ლოცვა-ვედრების.

მაგრამ... ველარ მშველოდა უწინდებურად მხურვალე ლოცვა-ღალა-დისი, მცირე ხნით თუ დამიამებდა გულის წყლულთ და სულის ვაებას, მცირე ხნით თუ გამიყურებდა სულიერ სატკივარს ჩემსას. მერმე ისევ ისე თავიდან იწყებოდა ტანჯვა, შფოთვა, გულის და ტვინის ღრღნა და თვითგვემა.

ასე ნელი-ნელ ვინვოდი უხილავ სახმილზე და ვგრძნობდი, ცოტაც და... განყდებოდა ის ბენვის ძაფი, ამ დუხჭირ, მიწიერ ყოფასთან რომ მა-კავშირებდა.

მძიმე სულიერი მდგომარეობა რომ დაგისურათხატეთ ჩემი – ჯეგე ჯიჯისთან საუბრის შემდგომ, – ამით იმის თქმა მსურდა თქვენთვის ჩემო მახარებო, რომ თავის მოკვლის სურვილი შეპირობებული იყო ყველა იმ უხილავი თუ ხილული მიზეზით, ზემორეთ რომ მოგახსენეთ.

და აი, ამ დროს... ჩემთან მოულოდნელად გამოცხადდა შიკრიკი ერთი. მაგრამ... მინამ ამ ამბავს გაიმბობდეთ, ისევ მომინევს დავიხიო ათიოდე წლით უკან და გავიხსენო ის შემთხვევა, რამაც შეარყია ჩემი არსება მთლიანად და ვითარცა ყოველგვარი სულისმიერი განცდა, ეგეც შეუმჩნეველი დარჩა სხვათა თვალთათვის.

...იმ ხანად მპარაობა, ავაზაკობა, ძარცვა, კაცთა გატაცება და მონად გაყიდვა უკვე ისე მოხშირებული იყო ოშორაზე, რომ არც არავის უკ-ვირდა და არც არავინ იყო დაზღვეული ამ უბედურებისგან. ერთი შემ-თხვევა, რომელიც უკვე გაიმბეთ, ერთ-ერთი ჯაჭვი გახლდათ ავკაცობის იმ რგოლიდან, ოშორაზე რომ ხდებოდა და რაიც წინასწარგამიზნულ, გააზრებულ და მოფიქრებულ ბოროტმოქმედებას შეადგენდა მკვიდრი ოშორელთა მიმართა – თუმცა უნდა ვთქვა, იმ ავაზაკებმა სასჯელი კი აიცდინეს, მაგრამ მაინც ჭკუა ეყოთ და თავი გაარიდეს ჩვენს სოფელს, რამეთუ ჩემი ახლობელთა შურისძიების მაინც შეეშინდათ...

ასეთი დანაშაულობათა გვერდით თანაარსებობდა იმგვარიც, რომელზეც სწორედ ახლა უნდა გეზრახოთ...

ერთხელ... ეს იყო შემოდგომის პირზე, კარგად მახსოვს, მზე ჯერ კიდევ ძალუმად აცხუნებდა, თუმცა საღამოები გრილი იყო და ნესტიანი. ჰოდა, ერთხელ შემოდგომის ერთ მზიან დღეს ჩვენმა შორეულმა ნათე-სავებმა მომაკითხეს და მთხოვეს, ნაყოლოდი თავიანთ დაბაში, ეგების რაიმე მეშველა თითქმის სასიკვდილოდ გადადებული ყმანვილისათვის, რაღაც გაუგებარი და გაურკვეველი სენისაგან დღითიდღე რომ ილეოდა თურმე. დავთანხმდი, რასაკვირველია, ცხენი მომგვარეს და წამიყვანეს ილონში, ზედ ზღვის ნაპირს რომ ეკვროდა.

ყმანვილი მართლაც მძიმე ავადმყოფი აღმოჩნდა. რაღაც მოჩვენება-ნი ჰქონდა და ციებ-ციხელებიანივით აძაგდაგებდა წამდაუნუმ. საუბარში ბიჭი თანდათან გამომიტყდა, რომ ტყეში ჭინკას შეეშინებინა თურმე. აქამომდე ყველას უმაღავდა ამ ამბავს და პირველად მე გამიმხილა ეს საიდუმლო. შელოცვით დაუწყე მკურნალობა გაჩხიბულს.

ო, სიტყვის დიდო ძალავ! დაილოცოს შენი მადლი! კვლავ მერამდენედ ვინამე, რა შეუძლია თურმე ენას, ამ ჯადო-თილისმას, და რამოდენა სი-ბრძნე და ცოდნა თავმოყრილი ჩვენს კირბებში!

წარმოვთქვამდი ამ უძველეს, ან თითქმის გადავიწყებულ სიტყვათ და აშკარად ვგრძნობდი მათ მომწუსხველ ზემოქმედებას. ჰოი, რა უშრეტი და უღევი ჩანდა ეს ჯადოსნური ნაკადი მარგალიტის მძივებივით ასხ-მულ-აკინძული! რა ხიბლი იყო ჩალვრილი მათში!..

მაღე ყმანვილი საგრძნობლად მოკეთდა, მიმქრალ თვალეში სი-ცოცხლის სხივი ჩაუდგა. მერმე ბალახებისგან დამზადებული წამალი ვასვი და ბიჭი ორ დღეში ფეხზე წამოდგა.

ყმანვილის მშობელთა სიხარულს საზღვარი არ ჰქონდა. უკან რომ ვბრუნდებოდი, ორი შეიარაღებული ახალგაზრდა გამომაცოლეს, რომ გზაში რაიმე ხიფათს არ გადავყროდი. მთელმა ფანიამ სოფლის ბო-ლომდე გამომაცილა...

გზად ნავსადგურის ბაზრობიდან მომავალი რამდენიმე ქალი და კაცი შემოგვიერთდა და ყველამ ერთად გამოვნიეთ ჩვენი ქორონისკენ.

ერთი მოკლე ხეობა უნდა გამოგვევლო. მოჩუხჩუხე ნაკადულთან გზა-ვრებმა დასვენება გადაწყვიტეს. ხასხასა მდელიოზე სწრაფად გაიშალა სახელდახელო სუფრა, უხვი ხორაგით სავსე. გაჩნდა ღვინოც და თუმცა ერთიმეორეში არეულად, უფრო მოსულთა ენაზე მეტყველებდნენ, გულ-ლიაობა და გულითადობა ჯერაც ძველებური, წამდვილი ოშორული შერ-ჩენოდათ; ოშორელთა ჩვეულებისამებრ წამსვე დაუახლოვდნენ კიდევ ერთიმეორეს; აქამდე უცნობი, სხვადასხვა სქესის, ასაკის და ხელობის კათა მალე თითქმის შინაურნი გახდნენ.

მე ცოტა მოშორებით, განზე ვიჯექი, ყურადღებას და პატივისცემას

არ მაკლებდნენ თანამეინახენი, მაგრამ მათ შემყურეს გული მიკვდებოდა: ოშორული სამეტყველო ბუნებისთვის სრულიად უცხო და უჩვეულო ენაზე უბნობა ყურს სჭრიდა. საშინელი მოსასმენი იყო მათი გამოთქმა და ნაძალადევი, არაბუნებრივი კილო. სიმღერაც წამოიწყეს ცოტა შეზარხოშებულთ, მაგრამ არც ოშორული მრავალხმიანი გამოსდიოდათ და არც მოსულთა ერთხმიანი.

ამ სინანულს და გულისტკივილს ემატებოდა უცნაური ფორიაქი სულისა: თითქოს რაღაც ცუდის მოლოდინში ვიყავ, გული საფარსაგოს მითქვამდა. გამიმართლდა კიდეც წინაგრძნობა: ანაზდად მეხის დაცემასავით გაისმა გამყინავი, მჭახე შეძახილები. თვალისწამში მეკობრეთა ალყაში აღმოვჩნდი. ყველა მამაკაცს მყისვე იარაღი აყარეს და გაკოჭეს.

– ფოცხვერა! ფოცხვერას რა ზმია! – დაირხა ჩურჩულით და ამ ცნობამ ცივ ჟრუანტელად დაუარათ ძარღვებში. ფოცხვერას სისასტიკე და დაუნდობლობა საყოველთაოდ იყო ცნობილი. განთქმული მეკობრე დროდადრო მოადგებოდა ხოლმე გემით ოშორას ნაპირს და თავზარს სცემდა არამარტო სანაპიროს, კუნძულის სიღრმეში მცხოვრებთაც. უხორცოსავით უხილავი, თვალშეუვლები და მოუხელთებელი იყო, თითქოს უჩინმაჩინის ქუდი ეხურა. ხან სად გამოჩნდებოდა და ხან სად ვისაც ხელთ მოიგდებდა, არავის ინდობდა: დიდს თუ პატარას, ხნიერს თუ ახალგაზრდას – ყველას მონათ ყიდდა.

გულმა რეჩხი მიყო და რავარც ვიჯექი, ისევე დავრჩი ადგილზე დამბლადაცემულივით. კისრის მოტრიალებაც ვერ მომეხერხებინა: თავში აზრის ნატამალიც არ მიჭაჭანებდა. გათავდა! მორჩა! ძარღვებში სისხლგაყინულს, ყოველგვარი მოსაზრების თუ მოქმედების უნარი დამკარგვოდა, თუმცა როგორღაც უფრო უცხო მეთვალყურესავით აღვიქვამდი ყოველივე იმას, რაიც ირგვლივ ხდებოდა.

ამასობაში ერთი მძარცველი მეც მეცა. მან სწრაფად მომიფათურა ხელნი მკლავებზე, ყელ-კისერზე, თან უდიერად, უტიფრად იღრიჭებოდა. კბილი კბილს დავაჭირე.

უნდა მოვითმინო!.. უნდა მოვითმინო!..

ჩემმა გამცილებელმა ბიჭებმა მოულოდნელად გაიბრძოლეს და გასკვანჭულთ, სცადეს ჩემი გამოქომაგება:

– ამას... ხელი არ ახლოთ... ეს... მეუფე შოუა!

ჩემს მხლებელთ შოლტი უცხუნეს და უცხუნეს ზურგზე, თავ-კისერზე და ერთად შეყრილ კაცებთან მირეკეს ისევე ისე ლანძღვა-გინებით.

– ყო! მახვამურიც მოჰყვა ჩვენს ზადეს!.. დიახაც, ჩვენს ბედს აწი ძალღიკ არ დაჰყევს! – აროხროხდა წამით შეჩერებული ახმახი მოძა-

ლადე, რომელსაც მყისვე მისცეს ბანი დანარჩენებმა.

წამიერად, წარბსქვემოდან თვალი ვკიდე ღაზლის გრძელი ნაჭრით თავნაკრულ, უჩვეულო ტანსაცმელში გამოწყობილ მეკობრეს, მარცხენა ხელს ჩემს ცხენს რომ უთათუნებდა კისერზე, მარჯვენათი კი დონიჯი შემოედგა და ზვიადი იერით უყურებდა მთელ ამ აურზაურს და ქოთქოთს. მისი სხარტად ნაგები ტანი უნებლიეთ იპყრობდა ყურადღებას და აგრეთვე ის ზიზღიანი გულციობა, რითაც უმზერდა ამ სანახაობას. ჩანდა, რომ ეს იყო ავაზაკთა მეთაური – ფოცხვერა.

როს მძარცველი კვლავ წამეტანა მკლავზე, ჩემდა უნებურადვე ფეხზე წამოვიჭერი და განრისხებულმა თვალეში შევხვედე. მას ერთბაშად ხელი გაუშეშდა თითქოს. ეტყობოდა, რომ ჩემმა მზერამ ისარივით გაუარა გულში. შებარბაცდა, სახეზე მიწისფერმა გადაჰკრა.

მკვეთრი მოძრაობისგან მანიკი¹ გამეხსნა და სარტყელი ძირს დამიციურდა. თვალთ მოვიძიე და ის იყო დავიხარე მის ასაღებად, რომ მეყსეულად ჩემს წინ მეკობრეთა მეთაური აღიმართა. მან ხელის კვრით განზე მიაგდო წამით დარეტიანებული ახმახი, და ელვის უსწრაფესად ჩემს სარტყელს დაწვდა, მერმე ტუჩებთან მიიტანა, მონიწებით ეამბოროა და თავდახრილმა, ორივე ხელით გამომიწოდა.

მეც უანგარიშოდ, უფიქრალად ჩამოვართვი იგი. და... ჩვენი თვალეები ერთმანეთს შეხვდნენ წამით. თითქოს გული გამიჩერდა და ირგვლივ ყოველივე ნკვარამში ჩაიძირა. აღარავინ და აღარაფერი ჩანდა გარშემო ამ ორი აბრიალებული კოცონის გარდა, მეკობრის სახეზე რომ ენთო. მერმე... უცნაური, საამო სითბოს ნაკადი დაიძრა სადღაც, შიგნიდან, გულზე გადამევლო, და უცაბედად ჩემდა სავალალოდ, ვიგრძენ, ღანვეები რომ ამეფაკლა.

„ღმერთებო! ღვთაება ბჟალარავ!.. რა ხდება.. რას ნიშნავს... ყოველივე ეს?“ – თითქოს დაიკვივლო ვილაცამ თუ რაღაცამ ჩემს არსებაში.

იგი ჩემს ხელთა მტვენებს მიწვდა ანაზდად და როცა მისი ცხელი ტუჩების შეხება ვიგრძენ ჩემს ცივ, მარმარილოსავით გაყინულ ნებებზე, უცნაურმა ჟრჟოლამ დამიარა თხემით ტერფამდე. წამით თითქოს ტან-იოგში დავიშალე. მერმე... ნებისყოფის საშინელი დაძაბვით შევეცადე, თავს დავუფლებოდი, სახეზე არ გამომხატვოდა აღელვება, გარნა თავბრუდახვეულს, ღონე მომღებოდა. ძალა გამომცლოდა.

– მეუფეო შოუ! გვედრები... მომიტევე... – ენარეული ბუტბუტებდა იგი და ისევე ისე მიკოცნიდა ხელთა ნებებს.

მეკობრეთა თავკაცი ფოცხვერა ჩემს წინ მუხლებზე დგას და პატიებას მთხოვს?.. ალბათ არა მარტო მე, სხვათაც, ვინც ამ სურათს უყურე-

¹ბალთა.

ბდა, – თავი სიზმარში ეგონა.

გარნა... რა პატიება უნდა ფოცხვერა-მეკობრეს? რას მემუდარება ასე გულმხურვალედ – ვნებისგან მორღვეული თვალებით... ანდა... საიდან იცის ჩემი სახელი?

ორზოსავით¹ დაბნეულს და დამუნჯებულს, თანდათან დამიბრუნდა თვალთა ჩინი. ხელები წავართვი. იგი მყისვე ზეზე წამოიჭრა.

უკუდგა.

მერმე მოხდა უფრო ზღაპრული და სასწაული რამ: მისი ბრძანებით შეკოჭილთ ხელები გაუხსნეს, დაუბრუნეს წართმეული ნივთები როგორც დედაკაცებს, ისე მამაკაცებს და თვისუფლად გაუშვეს ყველანი ოთხივე კუთხით, მათ შორის, რასაკვირველია, ჩემი მხლებელნიც. მეუფე შოუს უმადლოდეთო ამ წყალობას, – უთხრა მათ მეკობრეთა მეთაურმა, მერმე თავისი ხელით მომგვარა ცხენი, შემეშველა შეჯდომაში, თავადაც ნიავივით მოევლო თავის ლურჯას, ჩემთვის თითქოს გაუგებარ და მაინც ნაცნობ ენაზე გასცა რაღაც განკარგულებანი, მერმე მომიბრუნდა და თავდახრილმა გამომიცხადა, მე მიგაცილებო შენს ადგილსამყოფელომდე და...

აი, მე და მეკობრე ფოცხვერა მარტონი აღმოვჩნდით შარაგზაზე. ფოცხვერა მზერადახრილი, თვინიერი და მორჩილი იერით მომდევდა მოშორებით.

მზერა გულში ჩავიბრუნე. ვერა და ვერ ამეხსნა საქციელი მისი, ვერც დიდსულოვნება და სულგრძელობა ესოდენი, ვერც ეს გასაოცარი, მალ-მერთებელი მზერა!

ჩემთვის უცხო და საკვირველი არ იყო თუნდაც სრულიად უცნობ პირთა თავყვანება და კრძალულება, სიყვარული და რიდი, რასაც ჩემს მიმართ იჩენდნენ. იმასაც ამბობდნენ, თითქოსდა შოუ ბჭალახეს სილამაზე უნებურად აქვავებსო სულდგმულს, განა ამ გარემოებისთვის არასოდეს მიმიქცევია ყურადღება; პირუკუ, რაღაც დანაშაულსაც კი ვგრძნობდი თითქოს, ასე რომ მოქმედებდა ვინმეზე ჩემი გარეგნობა, მაგრამ თუ ამ თავზეხელაღებულ, გულ-ბოროტ ავაზაკზეც რაიმე გავლენას მოახდენდა შოუ ზისნახე, ვითარცა ზურგს უკან და პირშიც მეძახოდნენ ხოლმე ოშორელნი, – ვერა და ვერ დამეჯერებინა. ნუთუ ეს თავაზიანი, მორიდებული კაცი ის გულმხეცი, ქედმაღალი, გაუტანელი და დაუნდობელი ფოცხვერაა, – ულმობლად, შეუბრალებლად რომ უსწორდება თურმე ყველას, ვისაც კი ხელთ მოიგდებს?

ან ნუთუ... შესაძლოა, ესოდენ სრულქმნილი აღნაგობის, ამგვარ თვალთა მქონე – იყოს ეგზომ ავი, გულქვა და ბოროტი, ვითარცა სახ-

ავდნენ მას ოშორელები? არადა, მისი მარტოდენ სახელის ხსენებაც კი შიშის ზარს სცემდა არა მარტო ოშორას, ახლომახლო კუნძულის მცხოვრებთაც. ფოცხვერას შურისძიების მსხვერპლნი უპირატესად მაინც ოშორელნი იყვნენ, რამეთუ ოშორელთა ყოფილ მონას მათ მიმართ პირადი მტრობა და ბოღმა ამოძრავებსო, ამბობდნენ მასზე.

მაშინ, როს ჩავთვალე, დავილუპე-მეთქი, სწორედ მაშინ მოვიდა ხსნა და შევლა და მერმე ვისგან?

ოჰ, ის მზერა... ყოველისფერმა შეიძლება მოგატყუოს, მაგრამ არა თვალებმა! ღმერთო ჩემო! ის გამოხედვა! ხელთა ის თრთოლვა!..

თავპირშებურვილი მომყვებოდა ახლა იგი საპატიო მანძილზე და ხმას არ იღებდა. მთელი გზა საყდრამდე ასე უბრად გამოვიარეთ.

საყდრისკენ ამავალი ბილიკის დასაწყისში დავექვეითი.

ბილიკს ფეხით მიწოდდა შევყოლოდი და საერთოდაც, ფეხით ვარჩევიდი ხოლმე სიარულს, შიშიანობის მიუხედავად. ცხენით იშვიათად, საგანგებო შემთხვევის დროს თუ ვსარგებლობდი.

ფოცხვერაც ჩამოხტა ცხენიდან და შორიახლოს შედგა მდუმარედ.

მეც გატვრინული ვიდექ ერთ ხანს და სუნთქვას ვიპარავდი. ჩემს სიცოცხლეში პირველად არ ვუნყოფი, რა მეთქვა, ან ვითარ მოვქცეულიყავ!

ბოლოს მეკობრე შეირხა. თავი ასწია:

– მეუფე შოუ!.. – ხმა ჩაუნყდა და ყელი ჩაინმინდა. მერმე ანაზღად ხელი ჩაიყო გულის ჯიბეში და იქიდან რაღაც თხელი, ყვითელი ნაჭერი ამოიღო და გამომინოდა:

– მეუფეო... ხომ არ ცნობთ ამ ნაჭერს?

გეზად გავხედე ჯერ მას, მერმე მის გამომწვერილ ხელს.

თვალაჭრელებულმა ველარ გავარჩიე, რა იყო ეს, რა ნაჭერი ეჭირა ან მე რისთვის მაჩვენებდა?

– ველარა ცნობ, არა, მეუფეო შოუ? აღარ გახსოვს, რამდენიმე წლის წინ... ამ ნაჭრით ერთ უბედურ, საწყალ მონას სისხლი და ჭირის ოფლი რომ მოსწმინდე?

უმალვე რაღაცამ დამკრა თავში და ტერფამდე ზრიალით ჩამიარა. მთელი ტანით შევბრუნდი მისკენ და უზომოდ გაოცებულმა, მზერა მივანყვიტე მის ჯიქურად მომზირალ თვალებს.

ნუთუ?

– დიახ, მეუფეო შოუ... ის სასიკვდილოდ გამეტებული მონა მე გახლავართ – კოლხი ბერა – პონტოდან, ანუ... ფოცხვერა მეკობრე ამჟამად! – მწარე, გესლიანმა ღიმილმა დაუგრიხა ტუჩები. ფერნასულ სახეზე თვალნილა კიანთობდნენ ვარსკვლავებივით. მაშ ეს ფოცხვერა...

¹ ბრინჯი.

გამახსენდა, ვით არა!.. ზაფხულის შუადღის ხვატი იდგა და მე ხეთა ჩრდილს შეფარებული, მივაბიჯებდი ორღობეში – მაშინაც სადღაც მეჩქარებოდა, ვილაც გაჭირვებულ და სნეულთან მივეშურებოდი... უცებ რაღაც ყრუ კვნესა შემომესმა. მივიხედე. ორღობის გასწვრივ, თხრილის კიდეზე პირქვე ეგდო ნახევრად შიშველი კაცი და ყრუდ გმინავდა. მივიჭერ, სასწრაფოდ გადმოვაბრუნე, საშინლად გარუმბებული სახე სისხლით მოთხვროდა. ისეთი დაბეგვილ-დაჟეჟილი იყო, ძვალი და რბილი გაერთიანებული ჰქონდა.

მყისვე მოვახიე ნაჭერი ჩემს ყვითელ მოსასხამს, იქვე, რუს წყალში დავასველე და ფრთხილად მოვწმინდე სისხლი სახიდან, მერმე გავხსენი ჩახვია, ყოველთვის თან რომ დავატარებდი სარტყელზე ჩამოკიდებულს, ამოვიღე მალამო და სადაც კი შეიძლებოდა, ყველგან წავეუცხე.

– ნუ ინუხებ თავს, მეუფეო შოუ! ეს ძალი იპოლიტე დორიელის მონაა! – მომიგდო გზად ჩავლილმა ქორონელმა. მე მხოლოდ ზიზღით გავაყოლე მას თვალი. მკვიდრმა ომორელმაც თანდათანობით „აითვისა“, შეიგუა და შეისისხლხორცა მოსულთა ზნე-ჩვეულების უმთავრესი, ძირითადი ნიშან-თვისება: მონის ყოლა და მისი დაჩაგვრა-დანახვლა.

წამოდგომა ვუშველე ბიჭს. ასხლეტილი, თხელი აგებულების ყმანვილი იყო, ხორბლისფერთმიანი. ცემისგან გადმობრუნებულ ტურებს იკვნეტდა, რომ არ დაეკვნესა. მხარში შევუდექე და წელზე შემოვხვიე ხელი. ფეხი გადადგა თუ არა, გმინვა აღმოხდა. უბნობის თავი არ ჰქონდა და მაინც ამოილულულა მადლობის სიტყვები – ჩემით წავალ აწი, თქვენ ნუღარ შენუხდებითო. არ დავანებე მარტოკა სიარული და ასე ბანცალ-ბანცალით, ძლივ-ძლივობით ვითარცა იქნა, მივანიეთ მისი მფლობელის ოხორეს ოლაგემდე, მერმე დავემშვიდობე და გამოვბრუნდი.

– შენ იყავ ერთადერთი არსება, ვინც შეიბრალა... საწყალი, უღმერთოდ ნაცემი... მონა-ბიჭი, მეუფე შოუ! – ნანყვეტ-ნანყვეტ, მღელვარებაშეკიდებული ხმით მეზრახებოდა ფოცხვერა: – ის უბედური მონა კი იმად გაიზეპა ასე მაგრად, რომ გაბედა და... თვალი გაუსწორა მეზობლის პირმშვენიერ ასულს და აი... ერთ მშვენიერ დღეს, გოგონას თვალწინ მისმა ძმებმა ცემით მიმასაკლავეს... ყველაზე მწარე და მოუნელებელი ის იყო, რომ... თვალე-მაყვალა დიანა, მათი და, მხიარულად და გულიანად, ჰო, დიან, დიან, გულიანად კარკაცებდა, როს... ცხვირპირდასისხლიანებულ და დაცემულს, ხელახლა წამომაყენებდნენ და ისევ ისე გამომიქანებდნენ სახეში!.. ის მონა სულ ყმანვილი იყო მაშინ, მაგრამ მაინც კარგად ახსოვდა, ლალი და თავისუფალი გვარტომის შვილი რომ იყო, რომელიც საბედისწერო შემთხვევამ მეკობრეებს ჩაუგდო ხელში. პონ-

ტოს ზღვის ნაპირებიდან წამოყვანილი ბოში¹ ბოლოს ომორელ ვაჭარს მიჰყიდეს მეკობრეებმა. ბიჭს ახსოვდა ყოველი წყენა, შეურაცხყოფა, ტყენა და დამცირება, რაც მას მიაყენეს ომორელებმა და შურისძიების წყურვილითა და ბოლმით ევსებოდა გული. და ელოდებოდა ხელსაყრელ დრო-ჟამს, რათა ჯავრი ამოეყარა. დადგა ეს ჟამიც! ბიჭმა მოახერხა ომორადან გაქცევა. ო, ეს ცალკე მთელი თავგადასავალია, მეუფეო შოუ, საარაკო და დაუჯერებელი. ამით თავს არ შეგანყენო...მამა-პაპათა ღმერთები მწყალობდნენ და... გადავრჩი ხიფათს და განსაცდელს... ხოლო იმ ნაჭერს, რითაც მას ღვთაებრივმა ხელებმა სისხლი მოსწმინდეს და ამით მოუფონეს დაკოდილ გულზე, იმ ძვირფას ნაჭერს დღემუდამ გულის ჯიბით ატარებდა ყმანვილი, ვითარცა ავგაროზს, ჯადოსნურ შანას. და როცა ჟამიდან ჟამზე დახედავდა მას, მის გაბოროტებულ, გაავებულ გულს მალამოდ ედებოდა იგი და მოაგონებდა უბედნიერეს წამებს, – ქალღმერთის სადარმა, ნორჩმა ქურუმმა რომ დაუამა არა ოდენ სხეულის, – სულის ტკივილიც, და თუმც ამ ჯადომ ვერ შეძლო გაენელებინა მასში დაგუბებული ბოლმა და სიძულვილი, სისასტიკე და მძვინვარება, – იგი მაინც რჩებოდა საწუკვარ, საოცნებო და მარად გაუხუნარ მოგონებად, ხსოვნად საარაკო შოუსთან შეხვედრისა... მით უფრო, რომ ეს ზღაპრული სილამაზისა და სიკეთის ნორჩი ქურუმი ქალი, თუმც ცოცხათი განსხვავებულ, გარნა მაინც ამ ბიჭის მშობლიურ კილო-კავზე მეტყველებდა!..

არ მახსოვს ზუსტად ასე, თუ დაახლოებით ამდაგვარად უბნობდა მაშინ ბერა, რამეთუ აქა-იქ თუ ვიჭერდი მის სიტყვათა აზრს – ისე ვიყავ ამ ბგერებით, ამ ხმის მიმოხვრით რეტდასხმული, ძლივს ვიოკებდი უცნაურ კანკალს, მთელ სხეულში რომ მივლიდა. ვერა და ვერ ამეხსნა ჩემი მღელვარების მიზეზ-სათავე, თუმც... გულახდილად რომ ვთქვა, მაშინ აღარც მქონდა რაიმეს გააზრების თავი.

თითქოს ბურანში ვიყავ. ცხენთან შეურხველად მდგარი, უპეებ-დახრილი, ღონემილეული, – მთელი ჩემი არსებით მივცემოდი მეკობრის ხმის შეფარულ თრთოლვას. ეს მოცახცახე, მჟღერი ბგერები თითქოს აშკარად, დაუფარავად მეაღერებოდნენ მთელ სხეულზე... ხანაც სულის იდუმალ სიმებს არხევდნენ საამური შეხებით და... თავბრუს მახვევდნენ...

უძლური და უსუსური აღმოჩნდა ჩემი გონი წამსვე მოეშოთ ეს გასაცარი განცდა, მყისვე ჩაეხშო აზავთებული გულისთქმა.

ფოცხვერამ კვლავ მოიყარა მუხლი ჩემს წინ და შემომლალადა:

– მეუფეო შოუ! ვიცის, რომ არ ვარ ამის ღირსი და მაინც... გვედრები: შეუნდე ცოდვილ ავაზაკს აურაცხელი დანაშაული და სიავე, რაც ჩაუდე-

¹ ბიჭი

ნია და... ილოცე, და შესთხოვე დედა-ღვთაებას, რომ ამას იქით... მხოლოდ გულმონყალებისა და სიკეთის გზით იაროს!

მოზღვავებული ნეტარებით წაღეკილს, ხმა არ მემორჩილებოდა, კრიჭაშეკრულს, ენა ვერ მომებრუნებინა პირში.

– დიდმა ნანამ და ჩვენმა ღმერთებმა შეგინდონ, დაგლოცონ და გვარავდეს მათი ძალა და მადლი-მეთქი, – ამოვთქვი ბოლოს ძლივს, სუნთქვაშეკრულმა.

– ო, მეუფეო შოუ! უკანასკნელ ამოსუნთქვამდე მეხსომება ეს წამი! – დაიჩურჩულა ფოცხვერამ. შეგუბებულ ვნებას აფრქვევდა მისი თვალები.

მეყსეულად მან ჩემს ხელებში ჩამალა გავარვარებული სახე. უნებლიეთ დავიხარე და უნებლიეთვე გაფიცხებული ბავით შევეხე ამ ცოდვილიან და მშვენიერ თავს.

მსწრაფლ ამომხედა გაოგნებულ-აფეთქებული თვალებით. ტუჩები კი როგორღაც სანყალობელმა, მოკრძალებულმა ღიმმა შეუთრთოლა.

სინაზემ შემარყია. ფრთხილად, სათუთად გადავუსვი ბაგეზე თითი. უცნაურად დადრკა, გაყურდა წამით. მერმე წამოიმართა, უეცრად სახე გადაფითრებულმა, ორთავე მკლავი შემომისალტა წელზე.

ვცადე, მაგრამ მზერა ველარ მოეწყვიტე ამ ღრმა, დაბინდულ მუქლურჯ თვალებს, გადანმენდილ-გადასპეტაკებულ სახეს, ასე წარმოუდგენელი ძალით რომ მიზიდავდა თავისკენ, გონებას მირევდა და მზერას მინისლიანებდა.

უკვდავო ღმერთებო! რა საამო, რა ენით აუნერელი ნეტარება იყო ეს უჩვეულო წამიერი თრობა!..

მკოცნიდა ღანვის თავებზე, თვალებზე, ნიკაპზე, მერმე გამძაფრებული ვნებით ტუჩებზე დამაკვდა... თითქმის უგონომ, ცნობიერებანართმეულმა მის ფართო გულ-მკერდში ჩავმაღე თავი.

არ ვუნცი, არ მახსოვს, რაოდენ ხანს გაგრძელდა ეს უცნაური თავდავინყება. მერმე...

ბუნდად ვიგონებ, ვით მომიშორა მკერდიდან, ვით მივიდა ცხენთან ფეხარეული, შეჯდა. ადგილიდან დაძრა მერანი და... უკანმოუხედავად გაქუსლა. არც ის მახსოვს, როგორ ავათავე აღმართი და როგორ შევლასლასდი საყდრის ეზოში...

გონს რომ მოვეგე, საწოლზე ვეგდე სიცხისგან გათანგული!..

... ამ ელდას გადავურჩი, გარნა გულში სამუდამოდ დამრჩა იმ მშვენიერ თვალთა ელვა და ის წამიერი, მხურვალე ალერსი. ო, ის წარუდინებელი წამი... ამიერიდან მეკობრე კოლხი ბერას სახე სამუდამოდ ამოიტვიფრა სულის ჩემის უშორეს და უღრმეს შრეებში და არანაირ ძალას არ

ძალუძდა იქიდან მისი ამოშლა.

გადიოდა წლები. მას მერე ფოცხვერას სახელი აღარ მსმენია ომორაზე.

მოკვდა თუ გადაიკარგა სადმე, არავინ არაფერი უწყოდა. ერთ გზობას კიდევ ჰყვებოდნენ მასზე ზღაპრებს, მერმე საფანელი რომ გამოეღიათ, მიჩუმდნენ... ბოლოს, დავინწყებას მიეცა კიდევ მისი სახელი.

თავდაპირველად, რაც უფრო მონდომებით ვებრძოდი თავს, მით უფრო მეძალებოდა და საშველს არ მაძლევდა მისი სახე. ამაღაც გონივრულად ჩავთვალე, გამენებებინა თავი ამო და უშედეგო ბრძოლისა და თვითგვემისათვის და ჩემდაუნებლიეთ, დაუკითხავად ამოტივტივებულ მოგონებებს მორჩილად მივცემოდი, მოგონებებს ათასგვარი ფერადონებითა და მრავალნაირი სახიერებით რომ წარმოაჩენდნენ იმ დაუეწყარ შეხვედრას, და მეც სრული თავდავინყებით ვეძლეოდი ამ საოცარ, ჯერარგანცდილ, სანეტარო გრძობას. ზმანებათა აქამდე უცნობი და ახალი ქვეყანა გადაიშალა ჩემთვის.

ო, ეს იყო ზღვარდაუდებ და წრემემოუნერელ ოცნებათა, სურვილთა და ნატვრათა – საუფლო;

ხან ზღვისფერ თვალთა ელვა შოლტავდა სულს უჩვეულო მგზნებარებით, ხანაც მზნიდავდა მთრთოლვარე ხელთა ფრთხილი და სათუთი შეხება, საამო ჟრჟოლად რომ უვლიდა ძარღვებს. ხანაც მოხდენილი ტანის მიმოხვრა, მეფური აღნაგობა და იერ-სახე აღანთებდა გულს უშრეტი ცეცხლით და უსაზღვრო წადინად აქცევდა მონატრებას!

თითქოს აუხსნელი და გაუგებარი იყო გონისთვის ეს თავგანწირული ლტოლვა. მე ხომ თითქმის არ ვიცნობდი მას, მაგრამ თურმე ხანდახან წამიც კმარა, რომ შეარყიო და შესძრა წელთა მანძილზე განონასწორებული, მშვიდი, ცივი და აუმღვრეველი ბუნება ქურუმი ქალისა – განრინებულს ყოველგვარ ხორცისმიერ მღელვარებას, მამაკაცთან რომაა დაკავშირებული. ამაღაც მესახებოდა უჩვეულოდ და ვერაგულად სულის ეს დაუოკებელი სწრაფვა; თუმც ამ წვასა და ლტოლვაში ამაღლებული, ციური ჭარბობდა ხორციელს. ამისდა მიუხედავად, მაინც ღალატად ჩავუთვალე ეს აღტკინება ქურუმ შოუს. განანყენებულ-გალიზიანებული „მე“ ღვთაების მსახურისა – აშკარა, თუ ფარული ხერხებით, ცდილობდა მოეშთო მასში ყოველივე ქალური, მინიერი, ხორციელი ზრახვა თუნდომა. ტვინს მიბურღავდა და გულს მიღრღნიდა წამიერი სისუსტის მწვავე შეგრძნება. ძვაბრა ზეიმობდა: ვერაგი ძვაბრაღე! მაგრამ იარაღს არ ვყრიდი და ბოლოსდაბოლოს მოიგო კიდევ ეს ბრძოლა შოუ მახვამურმა. შეიძლო ბუათას მსახურმა გულის უშორეს კუნჭულში მიეჩქმალა

სანეტარო, საოცნებო სახე კოლხისა, შეიძლო ფერფლი მიეყარა მისი ხსოვნისთვის...

ასე გადიოდა დრო. და აი... წელთა შემდეგ, როს ყოველმხრივ შეჭირვებული და შეინრებული სული ჩემი ლამობდა სამუდამოდ დაესვა წერტილი ამქვეყნიური ბორცვა-შფოთისათვის, როს ყოველივე ამსოფლიური ჩათვალა უაზროდ და ამაოებად მინიერი არსებობა კი არარაის მაქნისად, როს ძვაბრალე ის-ის იყო ემზადებოდა სრული გამარჯვებისთვის...

ერთ დილით უცხო ტანსაცმელში გამოწყობილი კაცი გამომეცხადა სენაკში, მდაბლად მცა თაყვანი და რაღაც შეხვეული მომანოდა უხმოდ. ამ უჩვეულო სტუმრობით შეფიქრებულმა, ფრთხილად გავხსენი შეკვრა; გულიდან დაძრული ანაზდეული კივილი ბაგეზე შემეყინა.

– ბერამ შემოგიტვალათ, მეუფეო... იქნებ მოიღოსო მოწყალება და... ინებოსო სნეულის ნახვა, – ოშორელთ ენაზე მომმართა უცნობმა. პირქუში ჩანდა სტუმარი და ენაღეჭია.

გაკვირვებული და შემფოთებული თვალებით გამაცილეს ქურუმებმა, ეზოში აჩქარებული ნაბიჯებით მიმავალი...

უხმოდ მივსდევდი უცნობს: თავი მიხურდა. გაშმაგებით მიცემდა გული.

ბერა აქ არის? მაშ, ბერა ცოცხალი ყოფილა! და აი, ამდენი წლის მერმე გამოჩნდა იგი!.. გავახსენდი!

ეს იყო ახლა მთავარი ჩემთვის. ხოლო სნეული... მძიმე ავადმყოფი – ამ აზრის გაცნობიერება ძალღონეს აღემატებოდა ჩემსას.

ჩავათავეთ დაღმართი და ტყეში შევრგეთ თავი. მდუმარება და მყუდროება იდგა გარშემო.

ჩემს სულს და წარმოსახვას კი უკვე გაესწრო სხეულისთვის. და ბორკილანყვეტილი მიქროდა შეხვედრის ადგილისკენ.

„საით შოუ? საით გარბიხარ? უწყი კი... ვის მისდევ? ან ვისთან მიდიხარ? ავაზაკთან, მეკობრესთან მიიქარი ასე – მოლოდინით აღტკინებული, შენ – მახვამური ქალი რამ დაგაბრმავა? რამ დაგიბნელა გონება? შეჩერდი, სანამ გვიან არ არის.“

შეჩერდი-მეთქი, ქალო, სანამ დროა!“

„ის ჩამოვიდა!.. ავად ყოფილა. მძიმე ავად. ვინ იცის, ეგებ ველარც მივუსწრო ცოცხალს!.. ეგება?.. გესმის?..“

ოკრობოკრო აღმართს შევუდექით.

აღარ ილევა გზა. ჩემი მეგზური რამდენჯერმე შეჩერდა. ხელის შეშველება სცადა უსიტყვოდ. აღარ ვინდომე. არადა, რომ აღარ მთავრდება ეს დალოცვილი გზა? ვითარ გაინელა დროც!

ოხ მე! რა მძიმე, ზოზინა და მოუხეშავია სხეული და რა მალია და

სწრაფი სული და წარმოსახვა!

ვითარცა იქნა, ავივაკეთ და მყისვე ვკიდე თვალი მწვანე მდებლობე მდგარ ფაცხას, ირგვლივ ხშირი ტყის მწვანე არშია რომ ერტყა.

მეგზურმა წამმიყო, მოიცადეო, თვითონ კი ფაცხაში შევიდა. მალევე გამოჩნდა ქობის მოლიავებულ კარში და უსიტყვოდ მიმიხმო.

...სანამ თვალი მიჩრევეა სიმრუმეს და სანამ გულის ბაგა-ბუგს დავიოკებ დრო გადის.

მერმე თანდათან ვარჩევ საგნებს, საწოლს, მაღალ სასთუმალზე მისვენებულ თავს, თვალთა უჩვეულო ბრწყინვალეებალა ამხელს ამ უმოძრაო, ცივი სახის სიცოცხლის ნიშან-წყალს.

მთვარეულივით ვუახლოვდები. შორი-ახლოს ვდგები.

– შოუ!.. მეუფე შოუ! – ჩურჩულებს გაცრეცილი ბაგე. წამით აღვიქვამ ჩავარდნილ ლოყებს, მოშვებულ თმა-წვერს, სოთი ცხვირის სიფრიფანა ნესტოთა თრთოლვას.

ჩემი მოსასხამის კიდებზე ფათურობს გრძელი, გამხდარი თითები, აკანკალებული, მუხლმოკვეთილი ვეშვები საწოლზე. ბერა ახლა ჩემს ხელებს ჰკოცნის და ეფერება. მდულარე ცრემლი წკვარ-წკვარით ეცემა ხელის მტევანთ.

– შოუ... შოუ!.. შენ მოხვედი... მოხვედი ჩემთან!

„ნუთუ... ეს შენა ხარ, ბერა მზეჭაბუკო?..“ – ელვასავით გამიარა გონებაში და...

ცალ ხელს ვითავისუფლებ ფრთხილად, მერმე ჩემს მუხლებთან დახრილ მის თავს ისე მსუბუქად ვეხები თითებით, ვით პეპლის ფრთები ყვავილის ბუტკოს.

ეგების... არც ვეხები?

ნიავის ჩურჩულივით ისმის ამოოხვრა. უკვე შეუკავებლად მოედინება ცრემლი ჩემს თვალთაგანაც.

– ვითარ ველოდი ამ წამს!.. ვითარ ვნატრობდი! თუნდაც სიკვდილის ფასად მოსულიყო ის და აი, ამდენი ხნის მერმე... ველირსე! ო, ღმერთებო, გმადლობთ, გმადლობთ ამ სასწაულისთვის!

არ ვუნცი, არ მახსოვს, როდის წარმოითქვა ეს სიტყვები. სიტყვა კი არა სიტყვაში გაცხადებული ნაჭრილობევი გულის ფეთქვა, ენით უთქმელი მონატრება და სურვილი.

გაიხსნა ძველი იარა, მოწვეთავს სისხლი და იცლება გული თანდათან...

სიკვდილის ფასადო! ღმერთო ჩემო! მერმე მოვიდა ჩემს შეგნებამდე ამ სიტყვათა აზრი და მნიშვნელობა! მერმე, ის რომ აღარ იყო ცოცხალი, ჩემს სენაკში რომ აღმოვჩნდი მარტოდმარტო უნუგემო.

ბერასთვის უკანასკნელი ყოფილიყო ის ავაზაკობა ქორონის ხეობაში. მერმე ბევრი უხეტიალნია, ვითარცა მწირს, მოგზაურს, მოგვს – ღვთაება მთვარის მსახურს... უგვემია და უნამებია ხორცი, უძებნია კაცის ყოფიერების აზრი და მიზანი, ბევრი უწვალნია ჭეშმარიტების და სამართლიანობის შეცნობის ნარეკლიან გზაზე, ფეხის ტერფნი გადაყვლეფია და დასისხლიანებია ამ ძებნა-ხეტიალში, გული არაერთგზის დაჭრია, მრავალჯერ გაუთანგავს იჭვს და უიმედობას, უძილო ღამეებს. სასონარკვეთილს, ხსნის იმედი ნარხოცვია, დაცემულა და ისევ აღმდგარა... შეწყალებას და ცოდვათა მოტევებას შეჰვედრებია ღვთაებას. ბევრჯერ უსაზმნოდ უნამებია საკუთარი თავი, რათა ოცნებით მაინც მისწვდენოდა მზიურ სულს, რამეთუ ვერა და ველარ შეჰლევოდა დაუძლეველ ნადილს ამ სულთან მიახლოების, ვერც მშობლიური პონტოს ნაპირთა ხილვის სურვილი განელეზია.

„ცოდვით დალდასმული სული!“ მაგრამ მეუფე შოუ ვერასდროს ნარმოიდგენს ფოცხვერად წოდებულ ბერას ავკაცობის მთელ სიგრძესიგანეს. მართალია, მეუფე შოუს აღარ სწადიან ახლა მოისმინოს ბერას გულმხეცობის ამბავი, და მართლაც, არაა საჭირო მისმა სპეტაკმა ყურმა გაიგონოს, უბინო გულმა განიცადოს კაცის სიმდაბლისა და ბინიერების მთელი სიღრმე და სიგანე, ამადაც ბერა მხოლოდ ზერელედ, აქა-იქ გაიხსენებს უმთავრესს, რაც თავს გადახდა ბედუკულმართ მონას, რამეთუ აღარ ძალუძს გაჩუმდეს, აღსარება არ უთხრას ქალღვთაებას.

...ომორადან გაქცეულ მონას შურისძიების წყურვილი ახრჩობდა და იგი, ეს წყურვილი უსათუოდ და უეჭველად უნდა მოეკლა. ბოღმა და სიძულვილი გადმოენთხია, თხომურიანი¹ გულისთვის შვება მიეცა, რისხვა და წყრომა დაეცხრო რითიმე.

ეს იყო ცხოვრების უმნიშვნელოვანესი მიზანი მისთვის, მისი არსებობის უმთავრესი პირობა. ამ მიზნის მისაღწევად გამოიარა ამდენი ხიფათი და განსაცდელი. თუ არა ეს მიზანი, სხვანაირად არც ისურვებდა სიცოცხლეს. სხვანაირად სიკვდილს ირჩევდა ამქვეყნად ყოფნას.

ჰოდა, ენია კიდევ საწადელს: კოლხი მონა ბიჭი – სახელგანთქმული მეკობრე გახდა – ფოცხვერად წოდებული, რისხვად რომ მოევილინა კუნძულთა და ხმელთა მცხოვრებთ.

თავისი შეურაცხმყოფელი ძმები სათითაოდ ჩაიგდო ხელში ფოცხვერამ და მონებად დაყიდა ისინი: მათაც უნდა გამოეცადათ მონის ხვედრის სიმნარე და უკეთურობა, უნდა შეეგრძნოთ, ვითარი ასატანია თავისუფალი კაცის გადაქცევა ყველასთვის სათრეველა და დამცირებულ არსებად.

¹ ჩირქიანი, თხრამლიანი.

ბერამ შესძლო აგრეთვე გაეტაცნა თავისი პირველი ტროფობის საგანი – ამ ძმათა არანაკლებ გულქვა და გულზვიადი დაი. არა. მონად არ გაუყიდნია ამპარტავანი და ქედმაღალი დიანა, ასე რომ დასცინა და მასხრად აიგდო ყმაწვილი მონის წრფელი, მიამიტი გრძნობა – მართალია, ეფრო ძმების შიშით და რიდით ჩაიდინა მან ეს ბოროტი საქციელი, რადგან სხვა დროს მის თვალთა სხივები სხვას მეტყველებდნენ, გარნა ეს სულერთი იყო ახლა: მასაც უნდა ეზლო თავისი დანაშაული.

ცხვირწინ ააცალა იგი ბერამ ქმარ-შვილს, ჯერ თვითონ დაიცხრო ჟინი, მერმე თავის თანამოსაქმეთ მიუგდო საჯიჯგნად. მშვენიერი, გულქვა დიანა მალე ფრიგის ერთ-ერთი ნავსადგურის კახა დიაცად იქცა.

გამოხდა ხანი და...

...თავის ყოფილ მინჯესაც გამოსდო კაუჭი და მონად გაყიდული, ორმდინარეთის შორეულ გზას გაუყენა¹.

ავკაცობითა და სისატკით გამძლარი, დროდადრო გულის ჯიბიდან იღებდა თავის უძვირფასეს ავგაროზს – მოსასხამის ნაგლეჯს და მაშინ... უმანკო, უცოდველ ყრმასავით წმინდა, წყაროსთვალავით სუფთა და გულჩვილი ხდებოდა გაბოროტებული, აზავთებული გული ნადირისა.

მაშინ ისევ ანათებდა და კაშკაშებდა ცხრათვალა მზე და ბადრი მთვარე. თვალისმომჭრელად ღაღანებდა ლურჯი ზეცა. თვალს ატკობდა აისის მშვენება და დაისის მიბნედილი სინაზე. დაჩაგრულთა და მაშვრალთა ქომაგობის და მწეობის სურვილი უთბობდა გაყინულ გულს. ზრახვათა სინრფელე და სიკეთე აცისკროვნებდა წამიერად მის ავბედით, უკულმართ გზა-შარას – სისხლით, ცრემლით, ტკივილებითა და ტანჯვა-წამებით რომ იყო მოკირწყლული.

მერმე... ისევ მოდიოდა დაუოკებელი, დაუძლეველი ჟინი სისასტიკისა, სიავისა, უბადობისა...

ასე ყოფილა მითაჟამიდან: ერთ ბოროტებას მეორე მოსდევს, მეორეს – მესამე და მიექანება კაცი შეურჩებელი უფსკრულისკენ, ისე, ვით დაღმართზე დაგორებული ქვა-ლოდი გარდაუვლად ენარცხება ძირს, ვიდრე...

ვიდრე იმ ერთ უბედურსა თუ ბედნიერ დღეს განგებამ არ შეახვედრა ასე უცნაურად, ასე მოულოდნელად – მას, ვის ღვთაებრივ ხატებას და არამინიერ სიკეთეს ატარებდა გულში შეფარულად, ელოლიავებოდა და ესთუთებოდა თვით საკუთარი თავისთვისაც გაუმხელელი სასოებით, სინაზითა და რუდუნებით.

ო, ამოუცნობია და გონმიუნვლომი ღმერთების ნება!.. ბედისწერის განჩინება, თუ ბედის ტრიალი!

კაცის მთელი ცხოვრება ზოგჯერ იმ ერთი წამისთვის მზადებაა.

¹ მესოპოტამია.

ცხოვრება მხოლოდ ის ერთი ნამიერი გაელვებაა ციდან მონყვეტილი ვარსკვლავით, რომ მერმე დარჩენილი სიცოცხლე იმ ერთადერთი, განუმეორებელი ნამის მოგონებით ცოცხლობდეს, მისით სუნთქავდეს და სულდგმულობდეს, და... იმ ნამის მონატრებით დალიოს კიდეც სული!

ნატანჯვი და ნანამები სული კოლხი ბერასი ახლა ნეტარებს და იშვებს, რამეთუ კვლავ ელირსა ესოდენ ნანინანატრი და ნაოცნებარი სახის ხილვას.

მერმე რა? შესაძლოა ხორცი დამჭლევედეს და დაილიოს, სამაგიეროდ, იზეიმოს აღზევებულმა სულმა!

კიდეც ერთი ნატვრა აქვს ამ ჯოჯოხეთგამოვლილ, ნაქვესკენელარ სულს – ერთხელ მაინც თვალი შეავლოს იმ ადგილებს, საიდანაც ამოძირკვეს და ამოფსკვეს ძალით, ერთხელ და უკანასკნელად ნახოს ბავშვობისდროინდელ ხსოვნაში შემორჩენილი მშობლიური ცის ფერი და უკანასკნელად შეისუნთქოს იმ ველ-მინდორთა, იმ ზღვის ნელსურნელი, რომლის ბადალი და სწორფერი სხვაგან არსად შეიძლება იყოს თურმე, რამეთუ პონტოს ნაპირებზე დარხეული ლერწმის შრიალის მსგავსი სხვაგან არსად მოუსმენია.

ახლა, ამდენი წლების, ამდენი წვის და წვალების შემდეგ, ახლა ესმის და სჯერა, რომ აიიას მოდგმას ეკუთვნის თავადაც, ახლა უკეთ ესმის, თუ რად იყო ესოდენ ტკბილი ოშორელთა ენის თითქოს განსხვავებული, და მაინც ესოდენ ახლობელი ჟღერადობა.

ახლა ბევრი რამ შეიცნო და შეიგნო გზაკვალაბნეულმა, ბედისგან ნამუხთლევმა და განწირულმა კოლხმა ბიჭმა, რომლის გულში მაინც სამარადისოდ გაუხუნარ მოგონებად დარჩა მშობლიური კუთხის ცად აზიდული მთების, მისი ველ-მინდრების ფერადოვნება, ფრინველთა განუმეორებელი ჭიკჭიკი, ნაკადულთა რაკრაკი და, დედის დაუვინყარი: ნანა, შვილო!..

რაც ნაძარცვი და არმად ნაშოვნი განძი გააჩნდა, მონად გაყიდულ თვისტომთა გამოსყიდვას შეაღია. მერმე ამ გამოსხნილ ჭაბუკთაგან თანდათანობით შეადგინა შეიარაღებული რაზმი, რათა ჩაეყვანა ისინი თავის დაკარგულ სამშობლოში თანამოძმეთა დასახმარებლად.

...მაგრამ, ერთხელაც... ფრიგის ერთ-ერთ ნავსადგურში გადაეყარა ისეთ ამბავს, რომელსაც გულგრილად ვერ ჩაუარა: ახალგაზრდა, უცხო მონას დაუზოგავად, უწყალოდ სცემდა ოთხი შემთვრალი მეზღვაური. გონდაკარგულ, ცოცხალმკვდარ ჭაბუკს ერთი მათგანი დაიჭერდა, ხელებს გაუკავებდა და დანარჩენი სამი სათითაოდ, მორიგეობით ცხვირ-პირში უხათქუნებდა. საცოდავი უკვე ხრიალებდა, სისხლს ანთხევდა პირიდან და მაინც არ ეშვებოდნენ, სიცილ-ხარხარით აწვალებდნენ და

ხარობდნენ. სეირის საყურებლად შეყრილი ბრბო ხორხოცობდა. კმაყოფილი და გაქეზებული, სისხლმონყურებული მეზღვაურნიც უფრო და უფრო ეშხში შედიოდნენ.

თვალთ დაუბნელდა. ნამით თითქოს ნაიშალა დროის და ადგილის შეგრძნება: ეს მას ულანუნებდნენ თითქოს ასე უღვთოდ, ასე გამეტებით.

ნამსვე სამივე მინაზე გააგორა თითო მუშტის ამორტყმით. მეოთხემ ზურგიდან მიპარვით ჩასცა დანა. მოუტრიალდა. მართლაც ფოცხვერის სიმარდითა და სისწრაფით გააგდებინა ხელიდან დანა და ისიც გვერდით მიუწვინა უგონოდ ძირს დაყრილ მის ამხანაგებს, გარნა თავადაც უმტყუნა ღონემ და... ჩაიკეცა.

ჭრილობა თითქოს მოურჩა, გულზე ნაჭდევი, ფარული იარა კი – არა და არ ხორცდებოდა.

მერმე ძმობილთ სთხოვა და აი, ფარულად ჩამოიყვანეს იგი ოშორაზე, ქორონში, სიკვდილის პირზე მისული.

აქ, ამ ტაფობზე დადგეს სახელდახლოდ ჯარგვალი და რამდენიმე დღე-ღამეა ქობის ღია კარიდან გასცქერის გაღმა გორაკზე აღმართულ სამლოცველოს, სადაც ეგულება ბჟალარას ქურუმი, მეუფე შოუ – თავად მზისდარი და მზის სწორი ასული. რამდენიმე დღეა აგერ, სუნთქავს იმავე ჰაერით, რომლითაც შოუ, ახურავს იგივე ცა, რაც შოუს. დღეს კი... დღეს უზომოდ შეურვებულმა ველარ შეძლო მეტის მოთმენა და აი...

ენვია ზესთაზენური ნეტარება, გატანჯულ-განამებულმა სულმა კვლავ იგრძნო სიამე ამ უკვდავთა შესადარი, სპეტაკი ხელების შეხებით...

ეს გატანჯულ-განამებული სული გაეცლება მალე ხორცს, და ნაიღებენ უსიცოცხლო სხეულს პონტოს ნაპირებისკენ. იქ, კოლხური წესისამებრ, ნეტარ ღმერთთა მიერ კურთხეულ მინაზე, დაასაფლავებენ...

ერთი ნატვრა ექნება კიდეც ამ სამზეოდან გადახვენილ სულს: მეუფე შოუს სიქველე და გულმონყალეა დარჩეს დიდხანს ამ ცოდვებით დამძიმებულ, დუხჭირ ქიანაში, დარჩეს იმდენ ხანს, რამდენ ხანსაც საჭიროა მისი არსებობა დედამინაზე.

ბერამ ანაზად სასთუმლიდან აკანკალებული ხელით გამოაძვრინა ქარვის ძვირფასი ყელსაბამი, გამომინოდა და მთხოვა, მეტარებინა იგი მის სახსოვრად სიცოცხლის ბოლომე. ავკაცობით არა მაქვსო შეძენილი, ნუ შიშობო, დაატანა ნათქვამს. გული ამიდულდა. თვალებზე ცრემლმომდგარმა, იქვე, ბერას თვალწინ გავიკეთე ყელსაბამი და უნებურად ნაზად მოვუსვი ქარვას თითები. მერმე დავიხარე, თავი ნამოვუწნიე სასთუმლიდან და დასიცხულ ლოყებზე ვეამბორე ცრემლების ყლაპვით.

– ო, რა შვებას ვგრძნობ ახლა!.. ყოველი ტკივილი დამიამდა, ვითარცა მაშინ... დიდი ხნის წინათ, გახსოვს შოუ? მალამოს რომ მისვამდი დაჟე-

ჟილ სხეულზე... მაშინ გადამარჩინე, ახლა კი...

– არა. არა. შენ არ მოკვდები, ბერა. შენ უნდა იცოცხლო, შემოგვევლე... უკვდავ ღმერთებს შევავედრებ შენს თავს...

ხშირი, ხორბლისფერი კულულებით დამშვენებულ თავს და სიკვდილის აჩრდილით დაბინდულ თვალებს ვუკოცნიდი, ვეალერსებოდი და ვებუტბუტებოდი რალაცას – თითმის ცნობიერებაშიხდილი. არა. არას დიდებით არ მინდოდა დამეფერებინა მისი განწირულობა. რამდენი ვინმე გადამირჩინა, რამდენი მიხსნია სიკვდილისგან და ნუთუ ეს?..

ღმერთო ჩემო! ღმერთო ჩემო!

– მე უკეთ ვარ ახლა შოუ! – არაამქვეყნიური ნეტარების ღიმილი მოჰყვნოდა უსისხლო ტუჩებზე: – შენი ცრემლები უკვდავების წყაროს წვეთებივით მეპკურებინა!..

– შოუ... შოუ... შოუ! – გამოუთქმელი სინაზით მეფერებოდა ხელებზე: – ჩვენს ცირებსაც ჰქვიათ იქ, შორეულ კოლხეთში ამგვარი სახელი... კოლხ ასულებს!

– შოუ... შოუ... შოუ! – თვალმინაბულს, თითქოს წამით მიერულა. მერმე უცებ შეტოკდა. თვალი გაალო: – ნუთუ... ან ველარასოდეს შევხვდებით ერთი მეორეს?.. ველარასოდეს მოგეფერები?.. ნუთუ... აქ, დედამინაზე სიკვდილით მთავრდება ყველაფერი?..

ენითუთქმელი, უსაშველო განცვიფრება და ტკივილი იდგა მის უზომოდ გაგანიერებულ, კვლავაც, ძველებურად მშვენიერ თვალებში.

ქვესკნელში

ბერასთან განშორების შემდეგ რამდენიმე დღე-ღამე მკვდარით ვეგდე თურმე სანოლზე. სწორედ მაშინ მოიხილა სულმა ჩემმა ქვესკნელიცა და... ზესკნელიც.

უცხად ვიგრძენი, სადღაც ქვევით, თითქოს უსასრულო სივრცეში ვვარდები. მივექანები დაბლა ამ კუნაპეტ სიბნელეში და დასასრული არ უჩანს დაცემას. აღარ იღევა ჯანლი ბურუსიც.

და, აი... ერთბაშად ფეხქვეშ რალაც სიმაგრეს ვგრძნობ. ნელ-ნელა ვიმართები წელში და დაფეთებული ვაცეცებ თვალებს.

სად ვარ, ნეტა?

რუხი ღრუბლებით ჩამოქნდილი ცა ისე ახლოსაა, ლამის არის ხელით შევწვდე. მრუშე ფერი ადევს ირგვლივ ყოველივეს. ხრიოკ, ჟანგისფერ გორაკებზე გაჩაჩხულან ჯუჯა, ტოტებდაჯღვარკნილი, შიშველი ხეები.

ჩაჟამებულია ირგვლივითი. დამშრალა მდინარეთა კალაპოტები. ტალახი და ლეყფი ერთმანეთში აზელილა. შმორის, ზინზლის და კიდევ

რალაცის საზიზლარი, მყრალი სუნი ტრიალებს. სუნთქვა მეკვრის. ლამისაა, დავიხრჩვე. გარნა უცნაური ძალა წინ მიბიძგებს და მეც ბორძიკით, ხელების ცეცებით, ტაატით მივინვე – არ კი ვუნყი – საით! ვეცემი. ვდგები. ტანზე ეკალს მასხამს – შიში, ელდა, უკუნი.

დარეტიანებული, უაზროდ დაჭყეტილი თვალებით ძლივს-ძლივობით მივლასლასებ ჭუჭყიან, ბინძურ გზაზე. გზას ვამბობ, თვარა რა გზა ეთქმის ამ ნუშპეს და ტლაპოს.

მაგრამ მაინც მივბანცალობ ურყუმში ნაბიჯარეული, სიმწრის ოფლში გაღვარული და აღარა აქვს დასასრული ამ მტანჯველ, უსაშველოდ განელილ გზა-შარას.

ანაზდად სავალი წყდება. ვჩერდები. წინ ტრიალი ველი იშლება. ძარღვებში სისხლი მეყინება მეყსეულად: ჩემს ირგვლივ წინაუქმო, მარცხნივ თუ მარჯვნივ დაბორიალობენ უცნაური აჩრდილები. თითქოს კაცის სხეული აქვთ, გარნა თავის ნაცვლად ზოგს მგლის თავი გამობმია კისერზე, ზოგს მელიის, ტურის, აფთრის, ფოცხვერის, დათვის, გველის, გომბემოს, სვავის, ყვავის, ყორნის, ქორის, ძერის თუ ვისიც გნებაეს! ხან ერთ ალაგას დაემხობიან ეს ცხოველ-ფრინველი ურჩხულები, ხან მეორეგან და იწყებენ გამწარებით მინის ჩიჩქნას უზომოდ წაგრძელებული ცხვირებით, ფრჩხილებითა თუ ბრჭყალებით. მინას ვამბობ, თვარა რალა მინა ეთქმის ამ კოლბოხებს, მაგრამ მაინც თხრიან, ეძებენ რალაცას გამშმაგებით. გადარბიან ერთი ადგილიდან მეორეზე, მესამეზე და ასე დაუსრულებლივ გარბი-გამორბიან საზარლად თვალდაყვლეპილნი. ირგვლივ ვერაფერს ამჩნევენ და ხედავენ ამ გოროხების მეტს. საოცარი ისაა, ორმოები რომ კვლავ ივსებიან პირთამდე.

რალაც ძალა კვლავ მერეკება წინ და მეც გაჩქარებით მივეშურები, ოლონდ საით? აქლოშინებული ვჩერდები მცირე ხანს და ვცდილობ, სული მოვითქვა.

ვხედავ: ამ უსხეულო ლანდებს ზურგზე მოუგდიათ კაცთა ჩონჩხები და მოკაკულნი, კვნესით, ხვნეშით მიუყვებიან კაჭარი ქვევით დახერგილ გზანვრილებს. „ნანაია შური! ეს რალას უნდა ნიშნავდეს?“

სული მიწუხს. მუხლები მეკვეთება.

სადა ვარ? რა ხდება ჩემს თავზე? რა ურჩხულების სამყოფელში მოვხვდი? ვინ არიან ამ ჯოჯოხეთის ბინადარნი?

... უეცრივ ვილაც შემასკუპდა მხარზე, ძალზე მსუბუქად, მაგრამ მაინც ვიგრძენ მისი უჩუმარი შეხება და ფაჩუნი. ამ უხილავმა არსებამ ყურთან მომიტანა პირი და ახითხითდა: „გიკვირს არა, შოუ ბუალახე? გიკვირს, ვინ არიანო ეს დაწყველილი არსებანი?... ხი, ხი, ხი... ეგენი იქ, ზემოთ, შუასკნელში, ანუ თქვენებურად დედამინაზე მცხოვრები კათაა

– მიწის უძღები შვილნი, გარნა... ნამომყე! ყოველივეს უკეთ გეტყვის ქვესკნელის დედოფალი. ნამო!“

ჭინკადქცეული ძვაბრაც კი ახლობლად მეჩვენება ამ უდაბურ, ტიალ ტრამალეთში, ამ ამაზრზენ ურჩხულთა შორის.

ვრცელ, დიდ დარბაზში, სადაც ანაზდეულად აღმოვჩნდი, ყურისნამ-ლები გნიასი დგას. სხვადასხვა ცხოველებს და ფრინველებს მოუყრიათ აქ თავი და ყირაზე გადადიან: გორაობენ, კოტრიალობენ, ციბრუტივით ბზრიალებენ, კნავილი, ჩხავილი, ღმუილი, ბრდღვინვა, ღრიალი, ჭყვილი, სისინი, ნივილი, კრუსუნი ერთმანეთში არეულა.

დარბაზის სიღრმეში, მომალლო ადგილზე ოქროს ტახტზე ზის ქვესკნელის დედოფალი, თავზე გვირგვინის ნაცვლად გველთა გორგალი შემოხვევია. ისინი ნამდაუნუმ ასვარსვარებენ თავიანთ გრძელ ლაკარტს და რაღაცას ეფუჩუნებიან ყურში დედოფალს, რომელიც ასევე ნამდაუნუმ, ხმამალა კისკისებს. უნასი შემოხვევია აგრეთვე სკიპტრას, ხელში რომ უჭირავს დედოფალს. თვალთა ნაცვლად მას თითქოს ორი ბრჭყვიალა ღრმული აქვს. ტანზე თევზისფრად მბზინავი, გრძელკუდიანი კაბა აცვია.

ადგილზე ვქვავდები ბენვამლილი, ზარდაცემული.

ჩემს დანახვაზე სიცილ-კისკისი შეწყვიტა დედოფალმა. სკიპტრა მალლა აღმართა და ნამსვე სრული სიჩუმე ჩამოწვა.

„რისთვის გვეწვიე აქ, ჩემს საბრძანისში, შოუ ბჟალახე?“ – თითქოს კბილებში სცრის სიტყვებს ქვესკნელის დედოფალი. და თავის ყუყა, ქვისგამხვრეტ თვალებს იმდაგვარად მიშტერებს, რომ ისედაც ნირნამხ-დარი, სავსებით ვკარგავ ლაპარაკის უნარს. ქვესკნელის დედოფალი არ მეშვება და კვლავ მიმეორებს შეკითხვას. „დავიღალე, დედოფალო, ძალიან დავიღალე“, – ამოვღერღე რავარც იქნა: – დამღალეს ერთობ აუხ-დენელმა სურვილებმა და გადავწყვიტე... მოვისვენო სამუდამოდ!“

„ჰა, ჰა, ჰა“... – გადაიტკარცალა დედოფალმა და მას ნამსვე აყვინდ დარბაზში შეკრებილი ხილული თუ უხილავი არსებანი. ზოგი გადაფიჩინდა კიდევ სიცილისგან. ცოტათი რომ შენელდა ღრიალცელი, დედოფალმა ისევ მომაპყრო თავისი ბრჭყვიალა თვალეები და მითხრა კბილების კრაჭუნით:

„ხომ ნახე შენ, შოუ ბჟალახე, ჩემი ქვეშევრდომნი?“

„ვნახე, დედოფალო“.

„მერედა, ჰგვანან ისინი მოსვენებულთ?“ კვლავ გაისმა საერთო ხარხარი. ტვინგაყინულმა, აღარ ვიცი, რა ვუპასუხო.

„შოუ ბჟალახე! შენ აქ ნახე ცოდვილი სულები, ზღვარი რომ არ იცოდნენ მოხვეჭის, თავკერძობის, დიდგულობის, ამპარტავნობის, შუ-

რის, სიხარბის, სიავის, უბადობის, ყოველგვარი ბოროტების!.. მოსისხ-არნი, კაცისმკვლელნი, მრუშნი, მეძავნი, მოშულარნი, მოყვასთა გამყიდ-ველნი, ცილისმწამებელნი, მახეზლარნი, სისხლისამღრვენი არიან ისინი. ჰოდა, აქაც, ქვესკნელში ეძებენ იმას, რასაც ასე გამწარებით მიელტვოდ-ნენ დედამინაზე. რაკი ვერ პოულობენ და ჟინს ვერ იკლავენ, – მეტად და მეტად აფთრდებიან. ეს შენც ნახე, ჩემო ზისნახე, შენი მშვენიერი თვა-ლებით. შენ იხილე აგრეთვე წელში მოხრილი ცოდვილნი, თავის მძორს რომ დაათრევენ, იმ მძორს, რომლის სიამოვნებისთვის ზევით, დედამი-ნაზე მრავალგვარ ბოროტებას სჩადიოდნენ.

შენი ადგილი არ არის მათ შორის, შოუ ბჟალახე, გარნა რაკილა აქ ჩამოხველ შენი ნებით, უკან, ანუ ზევით შენი ნებითვე ველარ გა-ბრუნდები. ფასკუნჯი ერთობ იშვიათად გვეწვევა ხოლმე ზესკნელიდან და მაშინაც, რომ მოგვაკითხავს – თითქმის ყოველთვის ხელცარიელი სტოვებს აქაურობას, რამეთუ აღარავინ გვეგულება დედამინაზე დასა-ბრუნებელი, მით უმეტეს, ზესკნელში გასაგზავნი.

უკვე კაი ბლომა ხანია არ გამოჩენილა. შენდა ბედად, შესაძლოა, სწორედ ახლა ჩამოფრინდეს და მაშინ... მოგიწევს ისევ უკან დაბრუნება, ჩემო ზისნახე!

ჟინი ორთას¹ ნება-სურვილის წინააღმდეგ წასვლა არამც და არამც არ ეგების ჩვენგან. შენც გმართებს დაემორჩილო ღვთიურ განჩინებას, რადგან შენს სულს არაფერი ესაქმება აქ, ჩემს საბრძანისში – ქვესკნელის სამეფოში. სხვა გზა არ არის, უნდა დაელოდო ფასკუნჯის მოფრენას“...

* * *

თხრობა აქ წყდება.

დიდხანს დასცქეროდა ციცი გრაგნილს უხმოდ, ცრემლისგან დან-ისლული თვალეებით.

მერმინდელი ამბავი ზოგი ბოჩისგან იცოდა, ზოგი თავად დადისგან ჰქონდა მოსმენილი, ნაწყვეტების სახით. ზოგიც ყურმოკრულად გაე-გონა.

სწორედ იმ დროს, როცა უმძიმესი სულიერი ტკივილებისგან სასო-ნარკვეთილების ზღვარს იყო მიღწეული, გამოჩნდა ქუჯი ხუხუნ – ბო-ჩის ბაბუა, დადის სიყრმისდროინდელი მეგობარი, კარგა ხანი რომ იყო სადღაც გადაკარგულ-გადახვეწილი.

უიმედოს, ეულად დარჩენილსა და დარდისაგან გულგასენილ შოუს, დაუჩოქა სალოცავის ეზოში ახოვანმა, თვალტანადმა, ხორბლისფერმა,

¹ არსთა გამრიგე.

ხუჭუჭთმიანმა ვაჟკაცმა – დიდრონ, თაფლისფერ თვალეში ცრემლი რომ უკიაფებდა და... თავისი გული და ხელი შესთავაზა.

მჭმუნვარე სანახავი იყო უხმოდ მტირალი, თმაულვამშეჭალარავე-ბული მამაკაცი გულშემუსვრილი შოუსათვის და... მასაც ნკანწკარით ჩამოუვიდა ცრემლი სალუქ ლოყებზე. გულის კოვზთან კი წინკნიდა უთქმელი დარდი.

ცრემლებს ატანდნენ თითქოს წუხილს და ტკივილს იავარქმნილ ოშორულ საყდარ-სალოცავებზე, თითქმის დაკარგულ სამშობლოზე, გადაშენებულ-გადარჯულებულ თავის გვარ-ტომზე. დასტიროდნენ გაუბედურებულ, გავერანებულ ანმოს, მიმქრალ წარსულს და უსიხარულო მომავალს.

ქუჯის თავის ახლობლებიდან თითქმის არავინ დახვედრია ოშორაში: ზოგი სენისგან მიცვლილიყო, ზოგი კიდეც გადახვენილიყო კუნძულიდან.

ყველაფერი გადასხვაფერებული დაუხვდა ქუჯი ხუხუნს თავის მშობლიურ ქორონში და მთელს ოშორაში. შეცვლილიყო ირგვლივ ყოველივე და გაუცხოვებულიყო. ერთადერთი უცვლელი დარჩენილიყო ხატება ქურუმი გოგონასი – მთელი ამ ხნის მანძილზე მისი სიცოცხლისა და არსებობის საყრდენი რომ იყო, და აგრეთვე იმედი იმისა, რომ ეგება, ოდესმე ღირსებოდა დაუფლებოდა მის გულს!

შოუ ოცდაათ წელს გადაცილებული იყო მაშინ, ქუჯი ხუხუნი რომ დაუბრუნდა ოშორას, ხოლო 30 წლის შემდეგ ბჟათას ქურუმ-ქალს შეეძლო, თუ მოისურვებდა, გათხოვილიყო. განწირულობის, მიუსაფარობისა და თანამობის გრძნობა თანდათან აახლოებდა მათ გულებს და ბოლოს და ბოლოს შოუ, თავდაპირველად შორს რომ დაიჭირა თურმე ქუჯის წინადადება, დათანხმებულია მის ცოლობაზე.

ქორწილის შემდეგ ბჟათას მახლობლად დაუდვიათ ბინა ცოლ-ქმარს. ერთადერთი გოგონა შესძენიათ შოუს და ქუჯის. ადრე გაუთხოვებიათ იგი თავისივე გვარტომის ვაჟზე და შორიახლოს დაუსახლებიათ.

...თვალგამტერებით ჩასცქეროდა ციცი გრაგნილს და ახლა განსაკუთრებული სიცხადით და მკაფიოდ ეხატებოდა თვალწინ ვარდობის თვის ის კვირა დღე, უკანასკნელი რომ აღმოჩნდა დადისთვის და რომელმაც წინასწარ შეუმცდარად განჭვრიტა თავისი აღსასრულის ჟამი. ისევე ისე მერამდენედ ელანდებოდა ციცის იმდღევანდელი დღის ყოველი წვრილმანი, დადის თითოეული მოძრაობა, მისი თითოეული სიტყვა თუ გამოსხედვა.

...რუს პირას, ძენის ჩრდილში მჯდარს ნაადგა თავს. ყელი თავისებურად, ლამაზად მოელერებინა და ჩამავალ მზეს მისჩერებოდა გაფართოებული თვალებით. ფერგამკრთალ სახეზე რალაცნაირი უცხო, არა-

ამქვეყნიური იერი დასდებოდა.

ციცი ფეხაკრეფით მიუახლოვდა.

– ყუდეში ხომ არ შემოხვიდოდი, დადი? – გაუბედავად შეეხმინა კარგა ხნის ჭოჭმანის შემდეგ.

დადი ისევე ისე იჯდა გაყურებული. არც განძრეულა, არც ხმა გაუღია, სახე ტანჯვის ხაზებს დაესერა და ახლა თვალნათლივ ხედავდა ციცი დადის ასაკსაც და იმ სიმწრის ნაკვალევსაც, რაიც დაეტოვებინა წარსულს მის ღვთაებრივად მშვენიერ სახეზე.

– მომიჯექი აგერ აქ, ახლოს! – მიმართა ანაზდად მოშორებით რიდით მდგარ ციცის, მზერად და სმენად რომ ქცეულიყო.

გვერდით მოისვა თუ არა, თავზე ხელი გადაუსვა და გაღიმება სცადა, მაგრამ ღიმილი როგორღაც მკრთალი, სუსტი გამოუვიდა; მერე ისე, თითქოს ფიქრშიაო, დაიწყო:

– იცი, ახლა სული მწარედ რა მენატრება, ჩემო მახარია?... ჩვენს ღელეში ჩამადგმევინა ერთი ფეხი, იქ... სადაც ვჭყუშპალაობდით ხოლმე ბაღნები და კიბორჩხალებს და ღორჯოებს ვიჭერდით... და სადაც ბაყაყურს მასწავლიდნენ ჩემი ბიძაშვილნი და მაინც ვერასგზით რომ ვერ ვისწავლე ხერიანად... ერთობ უნიჭო გამოვდექი ამ საქმეში... და იცი, კიდე რა მენატრება? ჩვენი ეზოს წყურგილეს¹ წყალი! ოჰ... ისეთი ცივი და გემრიელი წყალი სხვაგან არსად დამილევია. თითქოს ყურში ჩამესმის ახლაც დიაჩემის ძახილი: – შოუ ნანა, წყალი ამომიცუნცულე თუნგულათიო!.. ჩემი დია! – დადის ხმა შეუთრთოლდა და მღელვარება რომ დაეფარა, გაჩუმდა. სახე ერთბაშად გაცისკროვნებოდა. თბილი, ალერსიანი ღიმილი უკანკალებდა ბაგე-პირზე. კალთაში ჩაწყობილ თავის უღონო, რძია-რძიასფერ ხელებს დასცქეროდა ერთ ხანს, მერმე ჩუმი ამოოხვრით, ძლივს გასაგონი ხმით დაიჩურჩულა:

– ეეჰ! პოტიკია² ჩვენი ამქვეყნიური ცხოვრება, მახარია! – თვალი მილულა, თითქოს ერთბაშად ძილმა თავი წაართვაო, მაგრამ მცირე ხნის შემდეგ ისევე გაახილა თვალი და დახანებით, სვენებ-სვენებით ამოთქვა:

– ყური დამიგდე, ციცი შვილო, და კარგად დაიხსომე, რასაც გეტყვი: ჩვენს მოდგმას – აიაიას ნაშიერთ, ცის უზენაესი ღვთაება – დიდი ნანა მფარველობს და იცავს.

– დანარჩენი ღმერთები, დადი? – შეჰბედა ციციმ, როცა დადიმ ისევე იყურა.

– დანარჩენი ღმერთები? – დადის იდუმალმა, ჩუმმა ღიმილმა გადაურბინა ბაგეზე: – ჩემო მახარია, შემოგველე მე: ღმერთი ერთია სამყაროში

¹ წყარო.

² არაფრობა.

– შემომქმედი ცათა და ქვეყანათა, ხოლო დანარჩენი ღმერთები – მისი მსახურნი არიან მხოლოდ.

ჩემო თვალისჩინო, ჩვენთა წინაპართ უწყოდნენ ბევრი ისეთი რამ, რაიც ახლა, შესაძლოა, დაუფერებლად და წარმოუდგენლად მოგვეჩვენოს. ჩვენთა ძველთა საიდუმლო ცოდნა წერია ამ კირბიშებში. ამგვარი კირბიშნი, შენს ჩრდილს შემოვევლე, ინახება სხვადასხვა მხარეში, მაღალ მთათა საუფლოში, შორეულ კოლხთა და იბერთა საცხოვრისშიც, ყველგან, სადაც კი ჩვენი გვარტომი სახლობს... ერთ მცირე ნაწილს შენ გიტოვებ აკი; დანარჩენნი... ბჟათას კირბთა მეტი წილი, თუმათისთან რჩება... – დადი შეჩერდა, მზერა გაეყინა წამით: – ო, ო, თუმათი... – თითქოს თავისთვის ჩაბუტბუტა მერმე და ისევ დადუმდა კარგა ხანს. ტუჩებსლა აცმაცუნებდა მარტოდენ. მერმე თავი გაიქნია, თითქოს რაღაც მძიმე, შავ ფიქრებს იშორებსო: – ჰო, იმას ვამბობდი, მახარია, მწყალობელი და მფარველი ჩვენი თესლტომის დიდი ნანაა-მეთქი და მისი თურნი: მზე, მთვარე და ვარსკვლავები და წყალთა ღვთაება ოკეანოსი, გარნა... ვაგლახ! იათნანელნიც, ოშორელთ მსგავსად, ივიწყებენ ამას და... ოჰ, ახავაი... – უცებ დადიმ თვალებზე ხელისგული აიფარა, ტუჩები ტანჯვის ღიმილმა დაუბრცა: – ახავაი! შავი დრო მოდის, ქუგასანთელი მა¹, შავი დღე! ვაგლახ! ვაი, შენ ჩემო თავო!.. – აჩურჩულდა იგი ანაზდად შეძრწუნებული სახით და ფართოდ გახელილ თვალებში არაამქვეყნიური შიში ჩაუდგა. – ჰოი, რა ძლიერია ძვაბრა – ბოროტი სული! წყეული ძვაბრალე! ახავაი! რამდენი სისხლი... სისხლის ზღვა... სისხლის მდინარენი... გუბენი და ტბანი... სისხლის წვიმა... დიდო ნანავ! შეიწყალე აიასს ბედკრული მოდგმა... უგუნურნი... ბოჩია შვილო!.. შურისძიება... სასტიკი... ულმობელი... შეუბრალელებელი... ცარცა! ბჟალარა ჩემო! თვალის სინათლე ჩემო... მეცოდები! ჰოი... ბოჩია შვილო!

სიყვარული... მხოლოდ სიყვარული... ათასი წელი... ათასწლეულნი... მოვა იგი და იტირთავს ცოდვას ყოველთა... რათა წმინდა სისხლით თვისით გამოისყიდოს... ო, უგუნური მოდგმა კაცთა... უღირსი... უმადური. ვერა! ვერ შეიფერებს ხსნას და შველას, ველარ იგუებს სულის სიდიადეს... ბოროტ ძალას გაუხსნის სულის ბჭეთ... ვერა! ველარ გაიგებს მოდგმა კაცთა... დიდ ხანს ვერა, ძლიერ დიდ ხანს!..

ვაგლახ! იძლია იგი, დაემხო სიყვარულის სალოცავი!

მოდის... მოთარეშობს ქარ-ბორია... გლეჯს და ანგრევს თავის გზაზე ყოველივეს... ჰოი, მშვენიერი ზამბახი – ველზე ამოსული მარტოხეული. ვერა, ველარ გაუძლო, გადაიმსხვრა. ოჰ, რა ცოდვა ტრიალებს ჩვენს თავზე! რამდენი ავსული, მავნე, მზაკვარი!

ძვაბრავ, წყეულო, ძვაბრავ!.. მოედინება სისხლი ღვარად... შენირული ყრმანი... უმიზნო სისხლი... რად?... რისთვის? ვისი გულისთვის?... ათასი წელი, ათასწლეულნი. მოედინება სისხლის მდინარე... ზღვა... სისხლი... ვაი, ჩვენი ბრალი! ახავაი! იძირება სისხლის ზღვაში პატარა კუნძული... ბენოლა რჩება ერთი... სულ ერთი ციცქნა. ფოთლისხელა. გულის ხელა... ერთი ფიორი... ნამცეცა... ქინცა...

ჰოი, საოცრებავ!.. იზრდება პანანკინტელა წერტილი. ფართოვდება. ნათელი ადგება ირგვლივ. შარავანდში ცურავს!..

მახა! სასწაული მახა! ცეროდენა კუნძული... უზარმაზარი ხდება!

დადიმ ღრმად ამოიქმინა. ძეწნის ტანს მიესვენა უცნაური ხილვით გასავათებული, ქანცგანწყვეტილი. წყნარი ღიმილი უკანკალებდა გათერთებულ ტუჩებზე.

და იჯდა ასე. დიდხანს, უხმოდ, გაუძრევლად. და ერთადერთი კურცხალი, ობოლი მარგალიტივით მოგორავდა მის ფერმიტეთქვილ ღანვზე. და კვლავ უცნაური, გამოუცნობი შუქ-ჩრდილი ენაცვლებოდა ურთიერთს მის სახეზე.

როდის-როდის გაუბედავად შეეხმინა ციცი.

მან ხელის წელი მოძრაობით ანიშნა, დამტოვეო მარტო.

მეორე დღით დადი ცოცხალი აღარ იყო.

¹ სანთლად შემოგვევლე.

ნანილი II

საოცრებათა გალა

ციცი შეურხეველად იდგა და დაძაბული გასცქეროდა ხომალდს, გულისგამანვრილებლად ნელა რომ შორდებოდა ნაპირს. უსიამო ხმით ყიპყიპებდნენ თოლიები. მზე შეუბრალებლად აცხუნებდა. ქალი ფეხს არ იცვლიდა და დაჟინებით მისჩერებოდა აფრებს, თოლიას ფრთებივით რომ ფართქუნებდნენ ნიავის ყოველ ნამოქროლვაზე.

ციცისგან მოშორებით მდგარ ქალებისა და მამაკაცების ჯგუფში გამოირჩეოდა პატარა ტანის, შაოსანი დიაცი, რომელსაც ხელში აეტატებინა ციცის უმცროსი, წლინახევრის დადუ და გერგელა ქუდით სახეს უნიავებდა მალ-მალე. ხოლო უფროსი გოგონა, ოთხი წლის ნათია ორივე ხელით ჩაფრენოდა დედის კალთას და ბავშვისთვის შეუფერებელი სიდიდით იმზირებოდა მოქურუხებულ წარბებს ქვემოდან. დანარჩენებიც ადგილზე გაშეშებულიყვნენ და სახეებზე გაურკვეველი, ბუნდოვანი ნალველი თუ გაოცება აღბეჭდოდათ.

„ციცი, ყველაფერი კარგად იქნება, ნახავ აგერ! ოღონდ შენ ნუ იდარდებ, ძალიან გთხოვ. ბიჭებს არაფერს გავუჭირვებ. მერე ჯიჯიც ხომ იცი, რამხელა კაცია იქ. ბავშვებს ჩემთან გავაჩერებო, შენ ნურაფრის ფიქრი ნუ გექნებაო. მთელი ფინიკია და მისი დედაქალაქი მის ხელშია. უზარმაზარი კაცია. ფინიკიელთა მეფის მარჯვენა ხელია. ჰოდა, ჩვენს ბიჭებს განსაკუთრებით მიხედავს. ასე შემპირდა. მის სიტყვას კი წყალი არ გაუვა... ბიჭებს ყოველ ზაფხულობით ჩამოვიყვან იათნანაზე... შენ ოღონდ შენს თავს მიხედე. ძაძუს დიდი იმედი მაქვს. მარტო არ დაგტოვებს, მეუფე თუმათიც, უჩა ბეგოც, ცაქუ და ხიტუც შენთან იქნებიან. სამამაკაცო საქმეებს ისინი მოუვლიან. შენ არაფერში მოგინვეს ხელის განძრევა, ოღონდაც გოგონებს მიხედე. მამიდაშენიც შემპირდა, ხშირად ჩამოვაკითხავო. აბა შენ იცი. შენ ხომ ძლიერი ქალი ხარ, ცი. ვიცი, რომ ყოჩაღად იქნები. შენი იმედი მაქვს, მეც ამიტომ ვარ გულმშვიდად. ნულარ იჯავრებ. ბიჭები უკვე დიდები არიან. დამიჯერე, ასე სჯობს მათთვის, მათი მომავლისათვის. ახლა უბრალოდ აღნავლდნენ იმიტომ, რომ შენ მიეფერე...“

ციცი უნებურად მარცვლავდა გუნებაში ქმრის თითოეულ სიტყვას, მერმე ისევ თავიდან იწყებდა...

– კარგი ახლა, ციცი. წამოდი. ბაღები ცოდონი არიან ამ სიცხეში. სხვებიც ფეხზე ჩამოწყდნენ. მამაშენს ამდენი სად შეუძლია? ან რისთვის აიტყხე საერთოდ ეს გაცილება ნავსადგურიდან? სახლში არ კმაროდა

დამშვიდობება?!

ციციმ ძაძუსკენ მიაბრუნა სახე. ძაძუს სიტყვა გაუნყდა. მოგონილი სიმხნევეც წამსვე გაუქრა. ციცი უყურებდა და ნიკაპი უკანკალებდა შეკავებული ტირილისგან.

– მოგიკვდეს ჩემი თავი, რა დღეში ხარ! – ნაიბუტბუტა ძაძუმ და ტური ჩაიკვნითა.

– ამას... არ ვაპატიებ, ძაძუ! ჩემი ბიჭები... ჩემი ბოხვერა ბიჭები...! – ტირილმა ყელი გადაუკეტა. თავი დახარა. ცრემლები ნიკაპთან ესკვნებოდა. აქამდე ძაძუს მკლავებში გატრუნულია პანია დადუ ხმამალა აღნავლდა, დედისკენ ინედა, დია მინდა, დია მინდაო; ციციმ ჩამოართვა ბავშვი და გულში ჩაიკრა.

– ციცი დაწყნარდი, ბაბასქუა. მტერს და ავს! რა გაქვს, შვილო, სატირალი? ღმერთებს ნუ აწყენინებ!

– დავკარგე ბაღები, ბაბა! – ტურები უთრთოდა ციცის და ლაპა–ღუპით ცვიოდა თვალთაგან ცრემლი.

– აბა, რას მაბობ, შვილო, არა გრცხვენია? მართლა გინდა ღმერთები გაარისხო? მტერი კი არაა, შვილო, მამაა ბოჩი და შენზე ნაკლებად როდი უყვარს თავისი შვილები, შენზე ნაკლებად როდი შესტკივა მათ სვებედზე გული! როგორ გეკადრება ასეთი საქციელი! გონს მოდი, შვილო! ნავიდეთ ახლა სახლში. იქ იტირე, თუ მაინც და მაინც არ დაგიშლია...

ციცი უსიტყვოდ დაყვა მამის თხოვნას.

პატარა ნავსადგურის მცხოვრებნი ქვით მოკირწყლულ, მიხვეულ-მოხვეულ შუკებში გამოფენილიყვნენ. ყველას უნდოდა ერთხელ კიდევ თვალი მოეკრა ციცი გეგემხესთვის, რომლის უბადლო მშვენება მისი დედამთილის – შოუ ბჟალახეს და მამიდა ფათულისა ტოლფარდად ქცეულიყო იათნანელთათვის.

ციცი პირგამეხებული მოაბიჯებდა გზაზე. ძაძუს ნათიასთვის ხელი ჩაეკიდა და მოშორებით მოსდევდა უკან, დანარჩენებთან ერთად.

მოდოდნენ უჩუმრად, ნელი ნაბიჯებით და ნიავის ჩურჩულივით ასდევნებოდათ ნავსადგურელთა მითქმა–მოთქმა:

– დია-ბეჩა!.. რა მზეთუნახავი დიაცია მართლაც!

– ღვთაება ბარბალი ჩამობრძანებულა თითქოს ციდან!

– შოუ-ბჟალარაა, გაცოცხლებული!

– მარა მამიდა მისი ფათულია გეგემზე უნდა გენახათ უნინ, რა იყო!

– ამბობენ, თითქოს ამათი ჯიში და მოდგმა „ტყაში მათასთან“ არისო

წილნაყარი!

– თავ-პირი რისთვისლა ჩამოსტირის ზისნახეს?

– მარმარის შუბლი რად შეუკრავს ამ სვებედნიერ დიაცს?

– რა გასჭირვებია ზინთხ¹ ბჟალარას?
 ნავსადგურელთა ცნობისმოყვარეობა ჯებირებს ასკდება.
 – ბოჩი გაბელანმა თავისი ჯერაც უმნიფარი, ნინველი ბიჭები ფინი-
 კიის დიდნოლაში წაიყვანა?
 ...რა ხდება ნეტა?
 – აღარ ვუყვარვარ, ძაძუ!
 – ნუ სულელობ, ციცი!
 – გეუბნები, არ ვუყვარვარ-მეთქი. საყვარელ არსებას ასეთ ტკივილს
 არ აყენებენ, ძაძუ!
 – ბოჩის მიაჩნია, რომ ასე სჯობია ბიჭებისთვის. მამაა და ვერ გაამ-
 ტყუნებ!
 – მაგრამ, მე – დედა ვარ!
 – ბოჩის სწამს და სჯერა თავის სიმართლის. მიაჩნია, რომ იქ უკეთ
 გაინაფებიან ბავშვები და... იქიდან მობრუნებულნი, უკეთ გამოადგებიან
 თავისთვის ტომს.
 – ჰო, რასაკვრიველია! ბოჩის ანი ვით დააკმაყოფილებს ჩვენი
 ქურუმების ბჟუტური, ვითარცა ბრძანა ამის წინ!.. ფინიკიელთ ხომ ვერ
 წავართმევთო იმას, ყოჩაღნი, მარჯვენი, ხერხიანნი და ჭკვიანნი რომ
 არიანო. ჰოდა, საჭიროაო, ჩვენებმაც ისწავლონ მაგათგან ზოგი რამ,
 კერძოდ, გაქნილობა და მოხერხებულობა, რათა ცხოვრების შეჯიბრში
 არ დაიჩაგრონ, ტოლი არავის დაუდონო!
 ძაძუმ გაჩუმება არჩია, რადგან თავადაც ციციის მხარეზე იყო და მხ-
 ოლოდ ყასიდად, ციციისთვის რომ გაეიოლებინა მდგომარეობა, ესარ-
 ჩლებოდა ბოჩის. ამას ციციც ხვდებოდა და ამიტომაც იყო, ბოჩისთვის
 სათქმელსაც, მას რომ ეუბნებოდა ხოლმე.
 დადის დასაფლავების დღიდან ძაძუ არ მოსცილებია ციციის და მის-
 ივე თხოვნით გადმოსახლდა კიდეც გაბელანებთან, თუმცა თავის გამო-
 კეტილ კარ-მიდამოს, და ძვირფას საფლავებს უწინდებურად ხშირად
 აკითხავდა, თვალის ჩინივით უვლიდა, თავს დასტრიალებდა ხოლმე.
 ძაძუ ყოველნაირად ცდილობდა შეემსუბუქებინა ციციისთვის მწუხარე-
 ბა, მარტოყოფნის სიმძიმელი. თავს არ იზოგავდა, რომ დადის უყოლობა
 ძლიერ არ დასტყობოდათ მას და მის ბავშვებს. მართლაც, ძაძუს უან-
 გარო, ძალდაუტანებელმა თანაგრძნობამ და მზრუნველობამ ბევრად
 გაუადვილა ციციის ჭირ-ვარამის გადატანა, დადის შემდეგ იგი ყველაზე
 ახლობელ და ძვირფას არსებად იქცა მამიდა ფათულისათან ერთად, მით
 უფრო, რომ დედაც უკვე აღარ ჰყავდა ცოცხალი ციციის.
 ციციმ კვლავ მეუღლესთან განაგრძო დავა გუნებაში:

¹ მზეთუნახავი.

„რა უნდა ჩვენს შვილებს იმ სიმორეში, ბოჩი? იმ დასაკარგავში? ჩვე-
 ნი ფარული მტრების ბუნაგში?“ „რამდენჯერ უნდა აგისხნა, ციცი, რომ
 მტრის ბუნაგში უკეთ გაინვრთნებიან-მეთქი ჩვენი ბალები. სწორედ
 მტრის ზნე-ჩვეულებები უნდა იცოდეს ზედმინვენით, რომ მასთან ბრძო-
 ლასა თუ შეჯიბრში გამარჯვებული გამოხვიდე. დედაცაც, გაიგე, აღარ
 არის სიყვარულობის დრო – ისეთი მკაცრი და სასტიკი ჟამი დგება, რა
 დროს ქალური გულჩვილობა და ლოლიავია, ველარ ხედავ, ძალადობამ
 და სისასტიკემ ლამის წალეკოს მთელი ქვეყნიერება. ძალას-ძალა უნდა
 დაუპირისპირო, ცოდნას-ცოდნა, მოხერხებას-მოხერხება. გაიგე ეს ბო-
 ლოსდაბოლოს“.

– დადი რომ ცოცხალი ყოფილიყო, ეგება ვერ გაეებდა... – ახლა ხმა-
 მალლა ფიქრობდა ციცი.

– მაინც იზამდა! მაინც თავისას გაიტანდა. განა არ იცი ბოჩის ხასი-
 ათი? როგორი ჯიუტი და თავისნათქვამაა! თუმცა, ჩემგან არ გესწავლე-
 ბა ეს...

– მართალი ხარ, ძაძუ. დადის შეგონებაც ვერ გაჭირდა მასზე. განა არ
 ვიცი, მაგრამ... წყალწალეული ხავსს ეჭიდებო. რა არ ვცადე, რა ხერხს
 არ მივმართე, დავემუქრე კიდეც, წავალ სახლიდან-მეთქი. ვინ არ მივუგ-
 ზავნე. შენც რამდენჯერ ჩაგაყენე უხერხულ მდგომარეობაში, როგორ არ
 დავიმცირე თავი ტირილით და ვედრებით. შენ არ მომიკვდე! წარბიც ვერ
 შევარხევი, არ გაჭრა არაფერმა... განა არ ვიცი? თავის ჯიშადის-ჯი-
 ჯის მიერაა ასე შეგულიანებული. მისი იმედი აქვს იმ სულწაწყმედილის,
 მომიტევოს ღმერთებმა! დედულ-მამულ გაყიდული კაცის ხელშეწყო-
 ბით დიდგულობს! ჰმ! იმას კიდეც რა ენაღვლება? ალბათ უხარია კიდეც,
 თუკი თავისნაირ ერთგულ მონა-მორჩილს გაუზრდის ფინიკიას – აი,
 ესაა რომ გონებას მიმღვრევს, ჭკუას მაკარგვინებს, გესმის, ძაძუ? აი, რა
 ვერ მომინელებია და... ამას ბოჩი ვერ ხვდება?.. თუმცა, რატომაც არა?
 ხვდება, ძან კარგადაც ხვდება ყოველისფერს ამას, მარა თავისას მაინც
 არ იშლის... ჩემს ჯინაზე, ჩემი გულის გასახეთქად! კი, კი... სულ ჯიბრში
 მედგა, იმთავითვე, გაცნობისთანავე. ამას ახლა ვხვდები, ახლა მოვდი-
 ვარ აზრზე, მე ჩურჩული, შტერი...

ციცი ატყობდა თავის თავს, რაც არ უნდა ეთქვა ახლა, მხოლოდ შხამს
 და გესლს გადმოანთხევდა, მხოლოდ დანესტრავდა მეუღლეს, ამიტომ
 არჩია დადუმებულიყო.

დადუმებით კი დადუმდა, მაგრამ თავის წარმოსახვაში ისევ ისე ეპაე-
 ქრებოდა და თან... სულ ერთი და იგივე სურათი უტრიალებდა თვალწინ,
 ერთსა და იმავეს უკირკიმალედა დაჟინებით, ჯიუტად.

...შარშან, ზაფხულში თავის დედ-მამასთან რომ იყო რამდენიმე ხნით,

გეგეშიების მეზობელს, ბექა ცაცუას¹, ფინიკიაში მცხოვრები, წლობით უნახავი ვაჟი ესტუმრა ცოლ-შვილითურთ. ბავშვებმა ხომ ერთი სიტყვაც არ იცოდნენ იათნანურა, მათ მამასაც გადავიწყებოდა მშობლიური ენა, ძლივსლა ამტვრევდა თითო-ოროლა სიტყვას. ხოლო მისმა ცოლმა, ხოჭოსავით შავმა, ძვალმსხვილმა, მოკლეფეხებამ და უშნოდ ჩათქვირულმა დიაცმა სულ ცხვირაბზუებით და ტუჩების პრუნვა-ბრეცით მოიარა ნიშონი და მისი მიდამოები. სალოცავში, ცხადია, არც შეუხედავს, მიცვალებულთა საფლავებიც არ მოუნახულებია-საგოდებელში ასვლა მას კი არა, მის ბედოვლათ ქმარსაც არ მოსვლია თავში აზრად.

სულ ყრუ და მივარდნილი ადგილი უძახა ქალმა ნიშონს და მთელ იათნანას. სასაცილოდ არ ეყო იათნანური გართობა, ცეკვა-სიმღერა, თამაშობები. ისე ეჭირა თავი, ისე ცხვირაბზუეკილი დაიარებოდა, ზედვე ენერა სახეზე, რომ მოწყალება გაილო მხოლოდ და იმიტომ ინება დაეთვალეირებინა აქაურობა.

ჭრელაჭრულა, ჭყეტელა ტანსაცმელში გამონყობილი, თვალმარგალიტებითა და ოქროს ბეჭდებით დახუნძლული, მასხრად იგდებდა იათნანელი ქალების სადა ჩაცმულობას. ბეჩა, რა ველურები ყოფილან აქაურები, სამკაულის ტარება არა სცოდნიათო. იათნანელი დიაცების სიტურფემ და მოხდენილობამ კიდევ უფრო დაბოღმა და გააბოროტა, თუმც გარეგნულად აინუნშიც არ აგდებდა არავის. მართალია, ჩვენ შავგვრემანები, გრძელცხვირა და კაჭაფეხება დედაკაცები ვართ, სამაგიეროდ, მამაკაცების ყადრი ჩვენ უკეთ გაგვეგებაო, უფრო განაფულნი და დაოსტატებულნი ვართო სიყვარულის საქმეში. მამაკაცებს სულაც არ სჭირდებათო ლამაზი დიაცები, მთავარიო, მამაკაცის სურვილისა და ჟინისათვის ალღოს აღება და მათი დაკმაყოფილებაო.

სახეზეც და თვალეშიც სულ მუდამ ეს ავხორცული ჟინი ეხატა, თითქოს აგერ-აგერ ადგაო ლოგინიდან და აგერ-აგერ ისევ სანოლში ჩაგორდებო. მაგრამ... ყველაზე საშინელი სანახავი ციცისთვის – მისი ქმარი იყო. ეს ტანმაღალი, ნათელთვალეა, ლამაზი ბიჭი სახეში შესციცინებდა თავის უსახურ და ჭირვეულ ცოლს.

ამის გახსენება ყოველთვის გუნებას უშხამავდა ციცის, შუბლზე ცივ ოფლს ასხამდა. ახლაც, ამ მოგონებამ უწინდებური ძალით დაზაფრა და ააფორიაქა.

...ანაზდად ერთ-ერთი სახლის ბჭესთან თავშეყრილ ქალებს გამოეყო ჭალარათმიანი, ტანმორჩილი მანდილოსანი და ციცის წინ გადაუდგა. მას ხელი ჩაეჭიდა სრულიად ნორჩი, ფეხმძიმე გოგონასათვის, მორცხვად თავდახრილი ოდნავ რომ უძალიანდებოდა.

¹ ცაცას-სქუა ანუ ცაცაშვილი.

– შოუ ბჟალახეს ზისნახე რძალო! შენი მზისსწორი დედამთილის სახელს და მის სხივნათელ სულს გაფიცებ: ერთი თხოვნა შემისრულე!

წამიერად შემკრთალი ციცი შეირხა, გაოცებით შეაჩერდა დარბაისლური გარეგნობის ჭალარა დიაცს:

– ბრძანე, დადბეჩა! თუკი ძალმიძს რაიმე...

– ეს ჩემი პირველი რძალია, შემოგვევლე, უფროსი ვაჟის ცოლი. მოუსვი მუცელზე ხელი და თვალეში ჩახედე ხანგრძლივად!

გაკვირვებულმა ციციმ უსიტყვოდ, მორჩილად შეასრულა ქალის თხოვნა.

– შენ გაიხარე, ციცი გეგეშე! მუდამუამ მზეგრძელი გამყოფოს დიაუფალმა და ჩვენმა ღმერთებმა! სულკურთხეული ბებიაჩვისგან გამიგია, ლამაზი დიაცი თუ მუცელზე მოეფერება ორსულს და თვალეში ჩააშტერდება, უეჭველად მასავით სახიერი ბალანა დაიბადებაო. ჩემი რძლისთვის სილამაზე არ დაუკლია ჟინი ორთას, ვენაცვალე მის სახელს, თავად ხედავ ამას შენი მზისდარი თვალბით, მარა შენ სულ სხვა ხარ, ცისიერო, ნათელი ბჟალარა! დიდმა ნანამ ინებოს ეგება, ამას იქით შენი სწორუპოვარი სიტურფე მართლა დაებედოს ჩემს შვილიშვილს!

– ეჰ, მთავარი, ბედნიერი იყოს, დადბეჩა, თორემ სილამაზე და სიტურფე არ აკლია ჩვენი თურის გოგო-ბიჭებს! – მიუგო გულაჩუყებულმა ციციმ და ცრემლიანი თვალეებით გაულიმა უცნაურ დიაცს. მან კვლავ ენამზიანად დალოცა ციცი:

...მოსახვევიდან ანაზდელულად თეთრთმიანი, გრძელწვერება მოხუცი გამოჩნდა, რომელსაც წინ პატარა ბიჭი მოუძლოდა.

– დია! ჭიაბერი! ბაბუა ჭიაბერი ჩამოსულა! – წამოიძახა ძაძუმ. ბაბუა ჭიაბერი მალლა, მთაში ცხოვრობდა და იშვიათად, დღესასწაულებზე თუ ჩამოდოდა ბარში თავისი განუშორებელი გუდასტვირით. მელექსე-მომღერლის სტუმრობა ყველას სასიამოვნოდ რჩებოდა, მეტადრე ბავშვები ენეოდნენ ხოლმე სიხარულით ცას;

ახლა, ზაფხულის ამ პაპანაქება სიცხეში მისი სტუმრობა უჩვეულოდ მოეჩვენა ყველას. ციციმ ბავშვი, მის მკლავებში ტკბილად რომ ეძინა, ფრთხილად გადაწაოდა ძაძუს და შორი-ახლოს შეჩერებულ უსინათლო მოხუცთან მივიდა, მოკრძალებით მიესალმა და მკერდზე აკოცა პატივისცემის ნიშნად. ბერიკაცმა აცახცახებული ხელებით თავი დაუჭირა ციცის, შუბლზე ეამბორა და მერმე თითები მოუსვა სახეზე, თვალეზე.

– ციცი, შვილო!.. – წაიდუდუნა და ისევ მოუფათურა თითები სახეზე.

– მიცანი, ჭიაბერ ბაბუა? – ნერწყვი ძლივს გადაყლაპა ციციმ და ნალველმორეულმა, თვალცრემლიანმა ღმილით დასძინა: – ხომ მშვიდობით ბრძანდები, ჭიაბერ ბაბუა?

– ციცი, შვილო... – თითქოს არ გაუგონიაო ციცის მოკითხვა, კვლავ თავისთვის ბუტბუტებდა ბერიკაცი და მისი სპეტაკი, ნათელი სახე უცხო შუქს გაენათებინა. ჩაშრეტილ თვალებში კურცხალი უბრჭყვიალებდა.

– დიდი ტანჯვა... უჩვეულო... მსხვერპლი საშინელი... გვირგვინი ცის-იერი... – გაურკვეველ სიტყვებს ისროდა ბერიკაცი და ახლა თავზე ეფერებოდა ციცის, კრძალვით რომ მოედრიკა ქედი მის წინ.

ამ უცნაური სურათის მხილველნი ციცის თანმხლებნი ადგილზე გახევებულიყვნენ. ხმის ამოღება ვეღარ გაუბედათ. მერმე მოხუცმა რბილი მოძრაობით ჩამოიცილა ციცი, ხელის მტევანი უსიტყვოდ დაადო ბიჭს თავზე და ადგილიდან დაიძრა.

– ჩვენთან ხომ არ წამოზრდნები, ჭიბერ ბაბუა? – დაადევნა ციცომ, როცა გამოერკვა და გოცბული მზერა გააყოლა ტაატით მიმავალ ბერიკაცს. მას ხმა არ გაუცია, ისე განაგრძო სიარული.

საგონებელში ჩავარდნილნი, ფიქრებში ნასულნი მიდიოდნენ გზაზე და დღევანდელი დღის შეხვედრებზე ფიქრობდნენ, თითქოს განგების რაღაც ძალა ერია მათში, მაგრამ ამ დღის უცნაურობანი თურმე ჯერაც არ დამთავრებულყო.

* * *

საკუთარმა გმინვამ გამოალვიდა. გული ამოვარდნას ჰქონდა. ვერ გარკვეულიყო, ცხადში იყო თუ სიზმარში.

– რა იყო, ციცი? – თითქმის ერთდროულად წამოიძახეს ძაძუმ და მამიდა ფათულიამ: – ცუდი სიზმარი ნახე, არა?

„სასწაული იყო დღევანდელი დღე!“ – გაურბინა თავში.

– კი, ცუდი სიზმარი ვნახე! გული კინალამ გამისკდა... ეს რა ამბავია, რა თქეში მოდის!

– ამ თავსხმამ გამომალვიდა წელან მეც. მერმე შენმა კენესამ გული გადამიტრიალა. რა ნახე ამისთანა, ძა?

– მამიდა, შენც წვიმამ გამოგალვიდა თუ... ჩემმა გმინვამ? – ნაუყრუა ციცომ ძაძუს კითხვას.

– მე საერთოდ არ დამეძინა ამაღამ რატომღაც... შამფურზე წამოგებულივით ვწრიალებდი... – დაიჩვილა მამიდა ფათულიამ თავისი მინაზებული, რბილი ხმით.

– დაილაღე, მამიდა და იმიტომ ალბათ. შენ სად შეგიძლია ამდენი მღელვარების ატანა!

– კიდევ კარგი ნავსადგურში არ წავიყვანეთ. გინდა არ გინდა მეც მოვდივარო რომ დაიჩემა, გახსოვს! – თქვა ძაძუმ: – თორემ დალლა და მღელვარება მაშინ უნდა გენახათ ამისი.

ციცი წამოჯდა. წვიმის ხმაურს მიუგდო ყური. „როგორი მოწმენდილი ცა იყო, თითქოს ზეთი გადასდიოდა და რა უცებ განვიმდა!“ – გაიფიქრა ნალვლიანად.

– რა ხათქა-ხუთქი გააქვს სახურავს! რა მერეხი მოდის! – ხმამალლა თქვა და გულზე ხელი მიიჭირა. გულს ისევ ბაგა-ბუგი გაუდიოდა.

– მიყვარს წვიმა... ნეხხარ შენთვის და ათას რამეზე ფიქრობ... – თქვა მამიდა ფათულიამ.

– საფლავეებს სულ მიანგრ-მოანგრევეს ეს თქეში! – შეშფოთება და ნუხილი ისმოდა ძაძუს ხმაში.

– ვინ იცის, ზღვა როგორ ღელავს! – ციციმ ღრმად ამოიოხრა. სიჩუმე ჩამოწვა. წვიმა თქეშინით მოდიოდა და ჭექა-ქუხილის ხმა ჟამიდან ჟამზე სახლს აზანზარებდა. ელვა წამიერად გაანათებდა ჩაკუპრებულ სივრცეს და მაშინ იღუმალი ელფერი ედებოდა საგნებსა და გარემოს. დაქუხებაზე ქალები კრთებოდნენ. კარგა ხნის დუმილის შემდეგ ფათულიამ დაარღვია სიჩუმე;

– რა სიზმარი ნახე, ციცი გენაცვალე, ასე რომ აგალეღვა?

– მგონი წვიმა უკლებს!

– ასე იცის ზაფხულის წვიმამ. ბანზე რად აგდებ, ციცი, სიტყვას? თუმცა... ძალიან თუ გიჭირს, ნულარ იტყვი, იყავი...

– არა, არა, ძაძუ, უნდა მოვყვე. იქნებ გულზე მომეშვას ცოტა... – ციციმ წამით იყურა და მერმე იღუმალი ხმით წამოიწყო: – იცით... ვითომ სუყველანი ხომალდზე ვართ... ზღვა საშინლად ღელავს... ვეება ტალღებს მოაგორებს და ჩვენს გემს აქეთ-იქით ისვრის... ბოჩიმ ვითომ ჩემი გოჩა და გელა ანძაზე ააგზავნა აფრების ჩამოსახსნელად. ბიჭები რის ვაი-ვაგლახით მიბობლავდნენ ზემოთკენ... რას შვრები-მეთქი, მინდა ვუკვილო ბოჩის, ბავშვებს ვით უშვებ ასეთ საქმეზე-მეთქი, მაგრამ ხმა წამერთვა თითქოს, პირიდან ზმუილის მეტი არაფერი ამომდის...

შეძრწუნებული სახეებით შევცქერით, რაფერ ილუნება ანძა, ეს-ესაა შუაზე უნდა გადატყდეს. ბიჭები შეჩერდნენ. ვერც მალლა ადიან და ვერც დაბლა ჩამოდიან. სასონარკვეთილი თვალებით იყურებიან. გოჩა! გელა! ჩამოდით ძირს როგორმე-მეთქი, მინდა ვუყვირო ბიჭებს, მაგრამ არა და არა. ხმა აღარ მემორჩილება, არა და არ ამომდის გამშრალი ყელიდან. უცებ... ვითომ შენი ქმარი, მამიდა – შენს ქმარს მე ხომ არ შევსწრებოვარ, მის დღეში არ მინახავს, მარა ვიცი, რომ ეს კაცი შენი ქმარია. ჰოდა, ეს კაცი გამწარებული ხელებს უქნევს ბიჭებს, რაღაცას უყვირის შეშლილი თვალებით, ბოჩია კი, ვითომ აქ არაფერიო, დგას, როგორც იცის ხოლმე ფეხებგაჩაჩხული დგომა, დოინჯი შემოუდგამს, დამცინავი ღიმილით მიყურებს და კრინტს არ ძრავს. კაცო, რას გაშეშებულხარ, მიეშველე ბალ-

ნებს, ვერა ხედავ, ვარდებიან-მეთქი, მინდა ვუთხრა და შენ არ მომიკვდე: ენას ვერ ვაბრუნებ პირში, უცებ ბოჩია მეუბნება: არაფერია, მიეჩვევიან, გაუძლებენ, განიანთებინაო, რას ლაპარაკობ, კაცო? რა დროს განაფვავა? ვიძირებით-მეთქი!

– დედა, გვიშველე! – მესმის ამ დროს ჩემი ბიჭების განწირული კივილი და ვხედავ, რაფერ მოსწყდნენ ანძას და ძირს წამოვიდნენ... ვაიმე, შვილებო-მეთქი, ვიბლაველე შეშლილმა და... ის იყო, გამომეღვიძა კიდეც...

– დღევანდელი დღის დარდი ჩაგყვა და ამისაა ეგ სიზმარიც. ნუ გე-შინია, ჩემო ციცი... ყველაფერი კარგად იქნება.

– ნეტამც მასე იყოს, ძაძუ, შემოგველე. მარა, ვინ იცის... ეგება, რა უჭირთ... ეგებ ვითარ ქარიშხალში მოყვნენ... მოგიკვდეთ დედა, ჩემო ბუხუნა ბიჭებო!

– დანყნარდი, ჩემო საყვარელო. ღმერთები გულმონყალენი არიან, არაფერს დაუშავენ შენს ბიჭებს, ილოცე და ევედრე „თუთაშ ჯღვერს“, დაიცვას ისინი ფათერაკისაგან, ხიფათისაგან...

– სულ ვლოცულობ, მამიდა. ჩუმად, გულშიც ვლოცულობ!.. მარა, ვინ იცის, განგება რას მიქადის!..

– ეჰ, ბედისწერის ამბავს რას გაიგებ, ჩემო ციცი! აგერ, ჩვენი ძაძუ, შორს სად მიდინარ? სიკეთის და კარგის მეტი ვის რა ახსოვს მისგან? ბედისგან კი ასე დაიჩაგრა!.. მიუწვდომელია ჩვენთვის განგების ნება, ჩემო საყვარელო!.. ჩვენ ვერასოდეს ვერ ჩავხვდებით, რად გვარგუნეს ღმერთებმა ასეთი ხვედრი და არა – სხვანაირი. რამეთუ საიდუმლოებითაა მოცული გონებისთვის ჩვენი დაბადებამდელი და სიკვდილის მერმინდელი რინა! ჩვენ უმწეო ბაღნებივით ვართ, თუმცა კი ერთობ ამაყად და ქედმაღლურად გვიჭირავს თავი.

– მე მგონი, ღმერთები საერთოდ არც ერევან კაცის ცხოვრებაში. ან ისე, რომ ვთქვათ, რად უნდა ჩაერიონ, გეთაყვათ, საცოდავი ქიალუის სხ-მარტალში, ცხოვრება რომ გვიქვია!

– მე ის მათცებს, მამიდა, შენი ქმარი რამ მასიზმრა? მე ხომ არასოდეს მინახავს იგი! – სცადა ციციმ სხვა ლარზე გადაეტანა საუბარი: – საიდან სადაო? მართლაც რომ სიზმარი საოცრებათა გორგალია.

– იცი, ჩემო საყვარელო, მე ქმარი არასდროს მყოლია!

ციცის ენა ჩაუყარდა. გაშტერდა. მამიდის მშვიდმა და უწყინარმა კი-ლომ უფრო გააოგნა, ვიდრე თავად ამ სიტყვებმა.

– ეჰ, ჩემო კარგო... არა მარტო სიზმარი, ცხოვრებაც საოცრებათა გალაა ხშირად.

– მამიდა, არაფერი მესმის...

– გასაგებია, ჩემო კარგო, შენი დაბნევა... მარა, რაკი დავინყე, ანი აზ-რიც არა აქვს დაფარვას, თუმცა... მაინც სჯობია, ჩვენს შორის დარჩეს ყოველივე.

– რასაკვირველია... ცხადია... – ერთდროულად წამოიძახეს ორთავემ: ძაძუმ და ციციმ.

– ეჰ, ჩემო ძვირფასებო, – დაიწყო მამიდა ფათულიამ ნაღველნარევი, წყნარი ხმით: – თქვენ ჩემზე ნაკლებ როდი მოგესხენებათ, რომ ცხოვრე-ბა უჩვეულო და მოულოდნელი შემთხვევებითაა სავსე. ამაღამ, ძილგა-ტეხილი რომ ვწრიალებდი ლოგინში, რატომღაც დიდი ხნის წინანდელი ამბავი გამიცოცხლდა მეხსიერებაში. თავი შემახსენა ძველმა ჭრილო-ბამ... და რაკი არც ერთს არ გვეძინება, ასე ვატყობ მე, მოგიყვებით ბარემ ის საიდუმლო ამბავს, რაც აქამდე სულ ორიოდ კაცმა ვიცოდით...

მე სახლიდან არ გავპარულვარ, ჩემო ციცი, როგორც ეს ჩვენებმა უწყიან დღემდე, არამედ... ძალით გამიტაცეს. დიახ, დიახ, ძალით გამი-ტაცეს, ციცის ვენაცვალე... შენი არ იყოს, მეც მარტოდმარტო მიყვარდა ტყე-ღრეში ხეტიალი. ხან რას დავეძებდი და ხან რას. დავბოდიასობდი ჩემთვის ასე მარტოკა და წარმოდგენა არ მქონდა, თუ შეიძლებოდა რაიმე საფრთხეს გადავყროდი. თურმე საფრთხე ჩამსაფრებოდა...

ია-იების, წინინდარას¹ კრეფით გართულმა ვერ შევამჩნიე, თავს ვით წამომდგომოდა რამდენიმე ახალგაზრდა კაცი. მათ ფრიად მოურიდე-ბლად მაუწყეს, რომ დაუყოვნებლივ ცოლად უნდა გავყოლოდი ვინმე ხუტა გოგიბერეს. თუ ამას არ ვიზამდი – ხუტა გოგიბერე უსათუოდ თავს მოიკლავდა. თვითონ სად არის, თვითონ რად არ მეუბნება სათქმელს-მეთქი, გავიკვირე. სათქმელი ერთხელ მზიას პირით შემოგიფარავა. მარა შენ სასტიკი უარი უთხარიო. თქვენ ვინ ბრძანდებით-მეთქი, თავა-ზიანად ვეკითხები კვლავ ამ არამკითხევებს და რატომღაც მგონია, ყველაფერი ეს ხუმრობაა, მართალია, საკმაოდ უხეირო, მარა მაინც ხუმ-რობა. ჩვენო მისი ბიძაშვილ-მამიდაშვილები, მისი მეგობრები და მოგვა-რენი ვართო. თქვენ უკვე გცოდნიათ ჩემი პასუხი და აბა მაშ, რისთვისღა გარჯილხართ-მეთქი. რომ ვიცით შენი პასუხი და ისიც ვიცით, თვითონ რომ ვერ ბედავს შენთან მოსვლას, ამიტომ ჩვენ გადავწყვიტეთ მისი თანადგომა და უნდა წამოგვეყვო ახლავყო. კი მარა, რომ არ მინდა მისი ცოლობა. არც მნდომებია ოდესმე, და არც მომავალში არ ვაპირებ მასზე გათხოვებას-მეთქი! ეგ სულ ერთია! ეგ ჩვენც ვიცით, მარა მაინც უნდა ნაგიყვანოთო. მერე მოგინდება მისი ცოლობაო. თქვენ რა იცით. რა მომინდება მერე და რა არა-მეთქი და საერთოდ, თქვენ ჩემს მაგივრად რატომ ფიქრობთ? რა უფლების ძალით-მეთქი? ეს ყველაფერი ტყუილი

¹ მარწყვი.

წყლის ნაყვავა. ჩვენ გადანყვეტილი გვაქვს, მოგიტაცოთ და გათავებულნი ამბავი. ჩემი სურვილის წინააღმდეგ-მეთქი? მაინც არ ვიშლი ჩემსას, თუმცა უკვე ვგრძნობ, რომ ესენი არ ხუმრობენ და ეტყობა არც არაფრის წინაშე დაიხვეწენ უკან. თუნდაც შენი სურვილის წინააღმდეგო, მომიგეს უტიფრად. იათნანელები თუ ხართ-მეთქი, ვეკითხები უცებ და ვართ, აბა, არაო, გაიკვირვეს ძალიან. მერედა, თუ იათნანელები ხართ, განა არ იცით, რომ ჩვენში ძალდატანებით არ ხდება ქორწინება და ყოველგვარი ძალადობა გულისამრევი და საზიზღარი რამ არის-მეთქი. ვიცი თო ეს ყველაფერი, მარა სხვა გზა არა გვაქვსო. ჩვენი საყვარელი ბიძაშვილი თავს მოიკლავს, თუ შენ მისი ცოლი არ გახდები, ამიტომ გიტაცებთო. თქვენი საყვარელი ხუტაიას ცოლი მე მაინც არასოდეს ვიქნები, თუნდაც ასჯერ მოიკლას თავი-მეთქი, ეს იცოდეთ და მერე, ნუთუ არ გეშინიათ ჩემი ძმების? ისინი ხომ ასე არ დატოვებენ ამ საქმეს-მეთქი. ესეც ვიცი-თო. მარა არც ჩვენ გვიძოვია ბალახი, დახვედრას ჩვენც როგორმე შევძლებთო. ერთი იყო მათ შორის, ოჰოჰო, ჰო... ქვის გამხვრეტი: წვრილი, შავი თვალეები ბოროტად უელავდა. ეტყობოდა, იგი იყო ამათი სული და გული. იგი აგულიანებდა სხვებსაც. სწორედ იმან მითხრა, გირჩევნია ნებით წამოხვიდე, თორემ ძალით წაგათრევთო.

– მე ჩემი ნებით არ მოგყვებით, მარა რაკი ერთ ქალს ამდენი შეიარაღებული მამაკაცი დამდგომიხართ თავზე და მემუქრებით, იძულებული ვარ დაგემორჩილოთ, მაგრამ გაფრთხილებთ კი, იმ თქვენი ხუტაიას ცოლი მაინც არასოდეს არ გავხდები და ეს ამბავიც თქვენთვის კარგად არ დამთავრდება-მეთქი; არ მეგონა, თუ ამდენ ტლიკინს შევიძლებდი, მაგრამ გასაჭირის ჟამს აღმოვაჩინე, თურმე გონებაც გვარიანად მიჭრიდა და ენაც. ვატყობდი, ყოყმანობდნენ, ერთი პირობა, თითქოს შეეშინდათ კიდევ ცოტა, მარა იმ წვრილთვალეებამ, მოკონას რომ ეძახდნენ, გაიხმო ყველანი განზე და დიდხანს ეჩურჩულებოდა რალაცას, ალბათ აჯერებდა თავის სისწორეში. ჩემთან რომ დაბრუნდნენ, მოკონამ დამიბღვირა, შეჯექი ახლავე ცხენზე შენი ნებით, თვარა ძალით შეგსვამთო, ან სულაც გაგკოჭავთ და ისე წაგიყვანთო. მეტი რა გზა იყო, შევასრულე მისი ბრძანება. შეჯექი ცხენზე. ვილაცამ ხელის შეშველება დამიპირა, მაგრამ ერთი ისეთი გადავხედე, ახლოს მოსვლა ველარ გაბედა. აღმოვთებისგან ვკანკალებდი. ეს ძალადობა – მაცოფებდა. და მერე ვინ? იათნანელი ძალობდა იათნანელზე. და თანაც მამაკაცი – დედაკაცზე!..

მატარეს მერმე ტყეში მთელი დღე. შელამდა თუ არა, ცეცხლი გააჩაღეს. შვლის მწვადები შეწვეს, მეც მომართვეს, ცხადია, მარა პირი არ დამიკარებია არაფრისთვის. კრიჭაშეკრული ვიჯექი და გამწარებული, გუნებაში ვემუქრებოდი სუყველას, მაცალეთ, თქვენს ოხტში

ამოვალ-მეთქი, საერთოდ კი ცდილობდნენ ზრდილობიანი და თავაზიანი ყოფილიყვნენ, რაც მწარე, გესლიან ლიმილს მგვრიდა. ახალგაზრდები იყვნენ მაინც და ჩემს გართობას ცდილობდნენ თავისებურად. ოხუნჯობდნენ, მასხრობდნენ კიდევ. ზოგი ქალიშვილი თავის დღეში არ იფიქრებს გათხოვებაზე, თუ ძალა არ დაატანეო. შენ ქურუმობისკენ გიჭირავს თურმე თვალი, ვიცი თო ესეც. ჰოდა, კარგი ყმანვილის ცოლობა, ბევრი შვილების დედობა გირჩევნია უნაყოფო ქურუმობასო. თავიანთი გასამართლებელი საბუთებიც ჰქონდათ ამ ვიგინდარებს. მერმეც, არაერთხელ დავრწმუნებულვარ, რომ ყოველ მოძალადეს მუდამ მოეპოვება თავის გასასამართლებელი მიზეზი. ძალადობას შენივე სიკეთით ჩავდივარო, ირწმუნება იქამდე, რომ ზოგჯერ მსხვერპლს იძულებულს ხდის, მადლობაც კი უთხრას ამ „სიკეთისთვის“. მარა მე რომ ერთხელ კოპი შევიკარი, მერე შუბლი აღარ გამიხსნია. ამასობაში ჩემი „საქმროც“ შემოგვიერთდა გზაზე. ახლა მას ელაზღანდარებოდნენ და თან ხმამაღლა შენატროდნენ, ასეთი საცოლე გარგუნა გამჩენმაო... მერმე ის იყო, მეორე დღეს, საღამოს ამიყვანეს მთაში და იქ ხუტას მოკეთის ორსართულიანი ქვის სახლში გავათიე ღამე. მე და ხუტა მარტო დაგვტოვეს. როგორც იქნა პირისპირ აღმოვჩნდი ჩემს „საქმროსთან“. იგი თვალებს ვერ მისწორებდა, ელეთ-მელეთი მოსდიოდა ყოველ ჩემს შეხედვაზე. გამომიტყდა, მეო ვერასდროს ვერ შეგბედავდი მოტაცებას, ჩემს ნათესავებსა და მეგობრებს რომ არ შევეგულიანებინეო. მივხვდი, რომ დავიყოლიებდი ისე მოქცეულიყო, როგორც მე მინდოდა. და მართლაც ასე მოხდა: ჩემს უნებური არაფერი მოუმოქმედნია, რასაც ვეტყვოდი, მორჩილად ასრულებდა ყოველივეს: მესამე დღეს ჩემი ძმები და ნათესავები ჩვენს კვალს რომ მოჰყვნენ და თავზე დაგვადგნენ, წამში ვიპარე, რომ შეიძლებოდა სისხლი დაღვრილიყო, რადგან ჩემმა მომტაცებლებმა, რაკი ერთხელ შეტოპეს, უკან დახვევას აღარ აპირებდნენ. მაგრამ ხუტა დავითანხმე იმაზე, რომ გავეშვი ჩემ ძმებთან და ყველაფერს როგორც საჭიროა, ისე ვიზამ-მეთქი. მენდნენ... გამიშვეს, ხუტას წყალობით, ცხადია. ძმებთან ყველაფერი მე დავიბრალე, მე მოვატაცებინე თავი, რადგან შემეშინდა, რომ თქვენ ამ ბიჭის ცოლობაზე უარს მეტყვოდით-მეთქი. არ მიჯერებდნენ თავდაპირველად. მარა, რომ იტყვიან, ნემსის ყუნწში ვძვრებოდი, ოღონდ ჩემი ძმები და ნათესავები დამერწმუნებინა ჩემს უსაქციელობაში. ამაზე მთლად შეიშალნენ. შენო, გეგეშვიების ოხორეში გაზრდილმა ცირასქუამ, ასე თავს ლაფი ვით დაგვასხიო, თავი რაფერ მოგვჭერი საქვეყნოდ და ვით გაიპარე სახლიდანო, რად და რის გამო დაარღვიე ჩვენი წეს-ჩვეულებაო და ათასი სხვა რამ მითხრეს ამდაგვარი, ასე რომ მინასთან გასწორებულ-გაცამტვერებულს და შერ-

ცხვენილს, ისლა დამრჩენოდა, თავი უნდა მომეკლა. მარა მე მზად ვიყავ, კიდევ უარესი ნაცარ-ტუტა დამეყარა თავზე, ოღონდ ჩემი ძმები სისხლის ღვრას ამეცდინა. მიკვირდა, საიდან აღმომაჩნდა ამდენი მოხერხება, ეშმაკობა, ტყუილების თქმის უნარი – მოკლედ, მთელი ხელოვნება სხვისი მოლორებისა! მერმე ვის ვატყუებდი? საკუთარ ძმებს, თავს რომ მერჩია თვითეული მათგანი! რომ შევატყვე, ფონს ვერ გავდიოდი ჩემი სიცრუით, უკანასკნელ ღონეს მივმართე – ტირილი და ვიშვიში დავინწყე.

ვითარც იქნა, დავაჯერე ჩემი ძმები და ნათესავები, რომ ყოველად უმსგავსი და სამარცხვინო საქმის ჩამდენი გახლდით ჩემივე ნებით და სურვილით. დაჯერებით კი დამიჯერეს, მარა ყველაზე უფროსმა ძამამ ყველაზე მეტად მომიკლა გული: რაკი ასე შეგვარცხვინე, ამიერიდან მოკვეთილი იქნები ჩვენი ოჯახიდანო. იყავი, ეგდე ამ შენს ქარიყლაპია ქმართან და დაივიწყე, რომ ოდესმე გყავდა ძმები და გქონდა დედამისეული სახლ-კარიო. ადვილად წარმოიდგინეთ ალბათ, რა სასტიკი განაჩენი იყო ჩემთვის ეს სიტყვები. თითქოს ცა ჩამომენგრა და მიწა გამერღვა ფეხქვეშ. მარა ღმერთებს მაინც მადლობას ვწირავდი, რომ უსისხლოდ დამთავრდა ეს ამბავი. მერმე კიდევ ექვსი თვე დავრჩი ჩემ „ქმართან“, რომელიც ჭირის დღესავით მძაგდა, რადგან იგი მიმაჩნდა ჩემი უბედურების მიზეზად. იგი ერთხელაც არ მომკარებია: ასეთი იყო ჩემი ნება! ექვსი თვის შემდეგ მივატოვე „ქმრისეული“ სახლი – ამდენი ხნის შემდეგ შეუძლებლად მიმაჩნდა ჩემს ძმებს რაიმე ეჭვი აეღოთ: ხასიათით ვერ შევეგუეთ-მეთქი ერთმანეთს, განვაცხადე და გუდათას საყდარს შევაფარე თავი, სადაც ჩვენი ნათესავი იყო წინამძღვრად და მთავარ ქურუმად. მისთვის არ დამიმაღავს ჩემი ცოდვები და მერმე მისი წყალობა იყო, რომ ძმები შემირიდგდნენ და სახლში მიმიღეს. ოღონდ ჩემი უკან მობრუნების ნამდვილი მიზეზი დღემდე არც ერთმა მათგანმა არ იცის... – მამიდა გაჩუმდა: ყველანი ღრმა ფიქრებს მიეცნენ. ამ ამბავმა სამთავეს საკუთარი წარსული მოაგონა. დრო კი მიდიოდა. წვიმამ ჯერ უკლო, მერმე შეწყდა კიდევც.

– წვიმამ გადაილო! – ხანგრძლივი დუმილი ძაძუმ დაარღვია.

– კი, გადაილო. ის კი არადა, მთვარეც გამოჩნდა!

– მართლა? – მამიდა ფათულიამ თავი წამოსწია ბალიშიდან, მერე წამოჯდა. ჭვიტეს¹ მიუშტერა თვალი.

– ეჰ, ნეტავი ძე-ხორციელად არ გავჩენილიყავ ამ ქვეყნად! – ანაზდეულად ფათულიას ხმაში უჩვეულო სასონარკვეთა გაისმა.

– რათა მამიდა? რატომ ამბობ მასე? – გული მოეწვა ციციის და თვითონაც წამოჯდა. შეეცადა სიბნელეში გაერჩია მამიდას სახის გამომ-

ეტყველება.

– ჩემივე ხორცი მამძიმებს, ჭირიმე, ჩემი ცოდვები და სხვისიც სულს მიშფოთებს. ამდენ დახოცილ ფრინველს და პირუტყვს რომ ვუყურებ, ამდენ დანთხეულ სისხლს, გული მიწუხს, ამდენი სიდუხჭირე და ვარამი – გულს მისივებს – სხვისიც და ჩემიც. მეგონა, საყდარში სული დამიმშვიდებოდა, მაგრამ ყველგან ერთნაირია ყველაფერი. ყველგან ერთი და იგივეა!.. ეჰ, რამდენი გაჭირვებული მოდის ჩვენთან ოხვამეში, რამდენი თხრამლია დაგროვილი, რამდენი ბალღამი. ყველას შველა უნდა. ყველა ითხოვს თავის წილ ბედნიერებას. თავის წილ სიკეთეს. მაგრამ... სადაა ბედნიერება? ეჰ, სჯობდა ნამდვილად – მიწის შვილად არ გავჩენილიყავ. თუ მაინცდამაინც გაჩენა იყო... ფრინველად მაინც მოვვლენოდი ამ ქვეყანას. აი, ვთქვათ... შაშვად. იყო შაშვი მგალობელი. ღმერთი ჩვენი მწყალობელიო... ან არადა... ყელყარყარა გედი ვყოფილიყავ! გედი ერთხელ გალობს თურმე, ისიც სიკვდილის წინ და... მხოლოდ ერთხელ უყვარს.

ციცი გაოცებით მისჩერებოდა მამიდას, მკლავები მუხლებზე რომ შემოეხვია და მისთვის უჩვეულო მღელვარებით ლაპარაკობდა. „დასურო. უცნაური დღეა დღევანდელი დღე!“ – გაიფიქრა ციციმ და ამ დროს ძაძუ გაეხმინა:

– ციცი, გეთაყვა, რატომ გეძახდა დადი ცარცას? სულ მინდა გკითხო და მისდღემში მავინწყდება, გულიდან გადამცილდება ხოლმე.

– ჩემო ძაძუ, ცარცა ანუ კირკე ჩვენი მოდგმის დედამთავარია. აიას კუნძულის პირველი მფლობელი იყო იგი და მისგან, ამ მზის ასულისგან, წამოვიდა ჩვენი შთამომავლობა! – ფათულიამ წამით იყუჩა და მერმე:

– ქალებო! მოდით გავიდეთ გარეთ, აბარწაზე. მაინც არ გვეძინება ამალამ და... ნაწვიმარზე ჰაერი წმინდა იქნება და სურნელოვანი. აქ სული მეხუთება როგორღაც...

ჯერ ციცი მიჰყვა მამიდა ფათულიას, მერმე ძაძუც გავიდა აივანზე მთქნარება-მთქნარებით.

ციცი ამჩნევდა, მამიდასი არ იყოს, მასაც უცნაური ფორიაქი შედგომოდა სხეულში, აწრიალებული, ადგილს ვერ პოულობდა თითქოს.

– მთვარის აღვსების ჟამია ამალამ! – დაიწურწულა მამიდა ფათულიამ საიდუმლო ხმით და აივნის ბოძთან მიფარფატდა, ცალი ხელი შემოხვია და თვალმინაბული ლოყით მიეკრა. იგი თითქოს ზეზეურად თვლემდა, უცხო ზმანებებში წასული. ციცი შემფოთებული მზერით, ფარულად უჭვრეტდა მის მიბნედილ, მთვარის სხივებში თეთრად მოქათქათე სახეს, ბეჭებზე ჩანჩქერივით გადმოღვრილ თმას...

ფათულია ანაზდად შეტოკდა, ხელები მთვარისკენ გაიწვინა და თავისთვის აჩურჩულდა, ძაძუმ და ციციმ უნებლიეთ გადახედეს ერთ-

¹ სარკმელი.

მანეთს, ფათულისას უჩვეულო სილამაზე რაღაც იდუმალ, თითქოს შიგნიდან წამოსულ შუქს გაესხვიოსნებინა. და ციცის მოეჩვენა, თითქოს მონყდა იგი ადგილს და კისერგადაწეული, მკლავებგაშლილი ნელ-ნელა აფრინდა ზევით, მალლა... არა. ეს უკვე აღარ იყო ქალის სხეული: ყელ-მოღერილი თეთრი გედი ლაღად, ამაყად მიაპობდა ცის უსაზღვრო სილურჯეს!

ვოისა

სულის ფსკერიდან დაიძრა მოგონებათა წყება, თითქოს არავითარი კავშირი რომ არ ჰქონდა ამაღამდელ ამბებთან და მაინც...

გუმათუთა¹ დგას, ყურძნის კრეფის ჟამი. ჰაერში თავბრუდამხვევი სურნელი ტრიალებს. დღე და ღამე მხიარულება და ჟრიამული არ წყდება დაბა-სოფლებსა და ქალაქებში, მთელს იათნანაზე.

ყველას ეზო-კარში ნადია, ყველანი ერთი მეორეს შველიან.

ხეებზე შეხუნძლული გოგო-ბიჭები გიდვლებში კრეფენ ყურძენს და თან სიმღერაში ეჯიბრებიან ურთიერთს, მოსავალს ვეღარ იტყვენ საწინახელები, ლაგვინები, ჭურები, მარნები. მსუყე, დაყურსული „დამორჩილია“ სათითაოდ ყველა ოჯახში. ყველგან გუგუნებს „ვოისა“, „რაშოვდა“, „ორერა“, „აგუნა“...

ჟამია ქორწილებისა, ერთმანეთის გადაპატიჟებისა, დროის უზრუნველი ტარებისა, სახიობობისა, ბახუას საყოველთაო ზეობისა. ვაზის და ღვინის ღვთაება ბახუა-თავანყვეტილი დაჯლიგინობს კარიდან კარში და ხის ოჩოფეხებზე შემდგარი, ციკნის ტყაპუჭით შემოსილი სახიონის თანხლებით ლაზლანდარობითა და ცუდლუტობით იკლებს მთელ კუნძულს: ხან ვის კერიას მიადგებიან და ხან ვისას – კარი ყველგან ღია ხვდებათ. ყურძნის აკიდობით თავდამშვენებული, ზურგზე გადებული ვაზის რტოებით მორთული კომბლით ხელში სოფლი-სოფლად დაცუდლუტობს ლხინის და ღვინის ღვთაება – უზრუნველი, ჯირკუტალა, ჯაგვარა, ჭკუამხიარული, ენამოსწრებული, მკვეხარა და ცრუპენტელა, კეთილი და უბოროტო, ურიდი და ლლაბუცა. თვალეზში ასი მზე უგიზგიზებს, მრგვალ, ბუტკუცუნა ლოყებზე კი – ცეცხლი ნაჰკიდებია...

ერთ მშვენიერ საღამოს იგი ციცის ოხორესაც ეწვია, – სადაც ახალგაზრდა მსახიობელებს, მეფერხისეებს, მენესტვეებს, მომღერლებს მოეყარათ თავი სახელდახელოდ ახობოლავებული მომადლო „სახილველის“ გარშემო და მობახუსეთა გამოჩინამდე ჯანჯუხას და ფელამუშს შეექცევიან, თიხის ჯამებით მაჭარს სვამენ და სურნელოვანი ხილით იტკობენ პირს.

¹ ოქტომბრის თვე.

კვარები და მამხალეები აღარცაა საჭირო – ისეთი კაკაჩია ღამეა.

ყურთამდე მოღიავებულ ეზოს ჭიშკარში აუნერელი ჟრიამულითა და გნისით შემოცვივდნენ ბახუა და მისი ამფსონები – მათ სიცილ-ხარხარით შემოუარეს გარს ეზოში შეკრებილთ, ყვავილები და ვაზის ტოტები მიმოყარეს ირგვლივ, მერმე აცვივდნენ „სახილველზე“ და სახელდახელოდ გაითამაშეს ბახუას მოგზაურობის ამბავი.

აი, ჯერ კიდევ ფხიზელი, ნახევრად შიშველი, ვაზის რტოებითა და ყვავილებით მორთულ-მოკაზმული ყმანვილი ღვთაება ეპაექრება თავის მხიარულ და ენამახვილ მხლებლებს და სჯობნის კიდევ მათ ენამოსწრებულობაში, ქილიკობაში, ხელში ონავრულად ათამაშებს ვეება ყანწს, თანმხლებთა ყანწებისგან საგრძნობლად განსხვავებულს ზომით და წონით. რაკი ღვთაებაა, სასმისიც საგანგებოდ დიდი უნდა იყოს. ამაღა ადგილიდან ადგილზე გადადის და ხან ერთ ოხორეს მიადგება, ხან მეორეს... მასპინძელი ყანწითვე ეგება სასურველ სტუმრებს: ვაზის ღვთაებამ უნდა დალოცოს კერიის ფუძე და ჭერი, მისი ძე – და მომავალი, მოსავალი და ვენახი.

ბახუა ილოცება: ხვავი და ბარაქა არ მოკლებოდეს ამ მახორობას, იმრავლოს და იხაროს მისმა ძე-თურმა, მთელმა ოხორემ, თიიმ და დინომ.

სიტყვიერ დალოცვას არ სჯერდება მასპინძელი: ყანწით უნდა შეისვას ღვინო შუშხუნა. ბახუა უარზეა, წინ ჯერ კიდევ რამდენი ჰყავს დასალოცი და სადღეგრძელებელი. მასპინძელი ჯიუტობს, იგი განანყენებულიცაა, ღვთაება რომ არ კადრულობს უბრალო მოკვდავთაგან მირთმეულ სასმისს. რა გაენყობა: უნდა დალიოს ბახუამ ეს ყანწიც, რამეთუ ეს დღე არ უნდა იყოს წყენის, დამღურების და გულნაკლულობის დღე. ყანწი დაილია ბოლომდის. გაამოს ბახულია!

ახლა მეორე ოხორის პატრონი რომ არ გაებუტოს, სვამს მის მიერ მონოდებულ ყანწსაც, ვერც მესამეს ეუბნება უარს, თუმცა კი იშველიებს უეჭველ საბუთს: მთელი იათნანა უნდა მოიაროს, მოინახულოს თითოეული დოხორე, დალოცოს და ადღეგრძელოს თითოეული მათგანი და მართალია, ღვთაებაა და შეუძლია უზომოდ სვას და მაინც არ დათვრეს, გონი არ დაკარგოს ჩვეულებრივი მოკვდავივით, მაგრამ ღვთაების შესაძლებლობებსაც ხომ აქვს საზღვარი!

არა და არა! აღარ ჭრის არანაირი შეგონება. იათნანელის ოხორე, მისი ფუძე-ჭერი უნდა დაილოცოს ღვთაებისგან. ამას არ უნდა დიდი ლარი და ხაზი. ხოლო... უღვინო დალოცვას რა ფასი აქვს! სად თქმულა, სად გაგონილა!

ჰოდა, ბახუაც სვამს ბოლომდე და ყანწს ცერა თითის ფრჩხილზე აპირქვავებს – ასე მტერი დაგელიოთ!

ამალა გახარებულია: ყოჩაღ, ვაშა და დიდება შენ, ბახულია!
ბახულია იკრიჭება შეყინულილებული: შექება ღვთაებასაც სია-
მოვნებს თურმე!

ასე კარიდან კარში დახეტილობს ბახულია და ეშხში შესული, ენად
გაკრეფილი, ცლის და ცლის ყანნებს ფსკერამდე და ყველას – დიდს თუ
პატარას, ქალს თუ კაცს – ეღობაუცება და ეკურკურება...

აცუნცრუკებული, თავს გასული ბახულია ლაღობს და ხარობს და
თუმც უკვე ფეხიც ეშლება, ენაც ერევა და ჭკუაზედაც მთლად კარგად
ვერ ბრძანდება, მაინც არ ანებებს თავს წინამძღოლობას და... ბილნსი-
ტყვაობსაც. აქაოდა, ღვთაება ვარ და ყველაფერი მეპატიებაო, მთლად
აიშვა თავი, ყიამყრალობს გაუთავებლად. მხლებლებიც ვალში არ რჩე-
ბიან და... არის ერთი ღლიცინი, ხორხოცი, რია-რია.

„ჩქინი ბახულია გობიხვინაფილი, ჩქინი ბახულია დღას ვადინაფილი,
ჩქინი ბახულია ვარჯგინაფილი, ჩქინი ბახულია ჩქინი მჭყოლოფილი, ჩქ-
ინი ბახულია დღას ვალურელი, ჩქინი ბახულია სქანი გოლუაფირი“.¹

გოზგოზებენ ნიღბიანი სახიონნი, ეფერებიან და ესიყვარულებიან
უკვე გამობრუყულ ღვთაებას, აბრუს რომ არ იტყვს მაინც. მერმე მთ-
ლად თავს აიწყვეტს და... ხან მიწაზე კოტრიალებს და ფეხებს პლაკავს,
ხანაც ერთ ადგილზე იწყებს გვანგვალს. დატორღილობს აქეთ-იქით,
ცხენივით ჭიხვინებს ხანაც და კომბალს ხელში ატრიალებს: ვილაცას
ემუქრება და ლანძღავს თვალგადმოქაჩული, ხანაც ეშმაკურად იჭყანება
და ენას უყოფს გარშემომყოფთ. მერმე რაც ძალი და ღონე აქვს მორთავს
ბღავილს: ვო-რე-რა, ვო-რე-რომა! რე-რა-შა, რე-რა-შა...

ამალა ცდილობს ბანი უთხრას, როგორმე შეუნყოს ხმა: არა, არ გამო-
დის არაფერი, რადგან ორივე მხარე გამოთავყვანებულია უკვე და აღა-
რაფერი ესმით ერთმანეთის, მაგრამ მაინც აქეზებენ და ცეცხლს უნთებენ
ისედაც გახელებულ ბახუას, შლეგურად, წრეგადასულად რომ ღრეობს
და ტაშფანდურობს. ბოლო არ უჩანს ღვთაების უსაქციელობას. მაყურე-
ბლები უბოროტოდ ხითხითებენ. ილაჯგანყვეტილ და გამობენტერე-
ბულ ბახულიას ხან ერთ მხარეს მოისვრიან ბურთივით, ხან მეორეს...
არის ერთი ვაი-უშველებელი, გნიასი, ჟივილ-ხივილი. ბახუა, რომელსაც
დავინყვებია თავისი ღვთიური წარმომავლობა, ლამის ერთ ვიგინდა-
რა ლოთი-შფოთად იქცეს, ბრბოს სამასხარაოდ და საპამპულაოდ.

ისე მოხდენილად და ოსტატურად ასახიერებენ ნიღბიანი მსახიობელ-
ნი ბახუას და მისი ამალის თავამეგებულობას, რომ ყველანი სიცილისგან
იგუდებიან...

¹ ბახულია გათქვირული, ბახულია არც როდის დაკარგული, ბახულია არ მორეუ-
ლო, ბახულია ჩვენო მწყალობელი, ჩვენო ბახულია არასდროს მკვდარი, ჩვენო
ბახულია, შენ შემოგველეთ ჩვენ.

ამ საერთო ორომტრიალში უცებ ვილაცამ ხაფი ხმით დაიყვირა: –
ე-ახ! ეს რა მოძვრება ჩვენსკენ!

უცებ ჩამოვარდნილ სამარისებურ სიჩუმეში გაისმის შეშფოთებული
შეძახილი: ძვაბრა! ძვაბრა! ძვაბრა!

არიქა, ძვაბრა შემოპარულა მოზეიმეთა რიგებში. უჩუმრად, მალუ-
ლად – მოხობავს იგი.

ტყდება განგაში, ალიაქოთი. წინ და უკან გარბიან და გამორბიან ყვი-
რილით, კივილ-წივილით, ყიყინით.

ჰეი, ძაბრალე! მამ დრო იხელთე არა, შე მუხანათო! ბახუა დაუთვრი-
ათ და გაუტიალებიათ! გალემილი ღვთაება იქნება ჩემი საკბილო გახდე-
სო, არა? ნასმურევს იოლად მოვერევი და დავიმორჩილებო, არა?

უცებ ფხიზლდებიან ბახუას თანმხლებელნი და თვითონ ბახუაც
შემართულია უკვე! სწრაფად იკვრება წრე და შუაში მოქცეული ძვ-
აბრა ამოდ ცდილობს დაუძვრეს მოალყეებს, გაიქცეს, თავს უშველოს,
რადგან იცის, გამოფხიზლებული კაცები მას ხეირს არ დააყრიან. მაგრამ
უკვე გვიანაა. ძვაბრა მომწყვედილია, ვერა, ამ რკალს იგი ვერ გაარ-
ღვევს ვერასდობით!

ჰო, შე წყეულო ძაბრალე! მისდღემში რომ ჩასაფრებიხარ კაცთა
მოდგმას შენი კუდიანებით, ალქაჯებით, ჭინკებით და ოჩოკოჩებით!
ახლა სად წაგვიხვალ! მოუხმე თუ ვაჟკაცი ხარ შენს ქვეშევრდომებს,
შენს მონა-მორჩილ ხელქვეითებს: ავსულებს, ჯადოქრებს, მაზაკვა-
ლებს. აბა ჰე! – თუ გიშველიან ისინი, მაგასაც ვნახავთ:

წრედშეკრულებმა აღმართეს კომბლები და... უჟაპუნებენ და უჟა-
პუნებენ ამ ქვებუდანა, ვერაგ და გაუტანელ ძვაბრას – სულ რომ იმის
ცდასა და ფიქრშია, ვის რა ავნოს, ვის როგორ და რანაირად უხიმა-
დროს! ააარა! არ უნდა გაიხაროს ამ ავსულმა, ამ ბოროტმა ურჩხულმა!
დავცხოთ მაგას, ძმებო, დავცხოთ, შეუბრალებლად!

ვოისა! – დაიძახა ანაზდად ვილაცამ წკრიალა ხმით.

ვოისა! – აჰყვა მას მეორე.

ვოისა! – დაიფუგუნა რამდენიმე ხმამ ერთდროულად.

... ტანწერწეცა ასულს ვაზის მსხმოიარე ტოტი დაუჭერია ხელში და
გოგმანით შემოვიდა წრეში. მას მოჰყვა მეორე, მესამე – მთელი გუნდი
თეთრსამოსიანი, ვაზის რტოებით მორთული გოგონებისა!

„ციცი! დააკვირიდი ამ ასულს! ვერაფერს ამჩნევ?“ – თითქოს დადი
ეჩურჩულება ყურში: იგი უხილავად აქაა, ამათ შორის ტრიალებს.

უნებურად შეჩქვიფდა ციცი.

„ვერა, ვერაფერს, დადი!“

„რტოს დააკვირიდი, შვილო რტოს!.. თუმცა... ჰო... ველარ დაინახავ!..

ველარ მიხვდები. შენ მართალი ხარ! ჟამი არ დამდგარა ჯერ!“
„მაპატიე, დადი... ველარ გავიგე, რისი თქმა გსურს?“
„არაფერია, შვილო, არაფერი. ეს ძალიან შორეული ამბებია!.. ჯერ ჟამი არ არის საამისო“.

ვოისა, ვოისა, ვოისა, რერო. ვოისა შვა-რაი-და!
სი ვარაიდა, შვა-რა-იდა, ვოისა, შვა-რა-იდა.
გუგუნებენ ბანები, მას ერთვიან მეორე ხმები – თანწყობიერად, შეხ-მატკბილებულად. პირველი კი – პირველი ანაზდად განზე გაიჭრა, მერმე დაიძაბა, დაიჭიმა სიმივით და... უცნაური კივილით თითქოს ცას შეასკ-და: ჰა-რი-რა!

ტანზე ბუსუსებმა დააყარა ციცი. მამიდა ფათულიამ დაძუსკენ გააპარა მზერა. იმათაც სახე შეცვლოდათ. დაძაბულნი, სახედასხეპილნი ისხდნენ.

პირველი ხმა კი კვლავ ჟრუანტელის მომგვრელად მიაპობს ცის თაღედს, ლამის კოჭიმელს მისწვდეს.

როკავენ მხრებზე ხელეგადახვეული ალვისტანა ბიჭები და გედები-ვით ყელმოღერილი ქალწულები, შუაში ჩაუყენებიათ სახეგაბრწყინებუ-ლი ბახულია და თვალმახარა ასული და ერთხმად მღერიან ცისა და ღვ-თაების სადიდებელს.

მერმე... ცეკვა-ცეკვითვე მიუახლოვდნენ მოლზე მსხდომთ. შედგნენ წამით. ვაჟებმა თავი დახარეს მოკრძალებით, გულზე ხელმიჭდობილებ-მა. წამსვე წამოფრინდნენ სუყველანი – ჭაღაროსან-ახალგაზრდიანად. ფათულია და დაძუსკე კი ხელი ხელს ჩაჰკიდეს და... ერთად აცეკვდნენ.

ჰარირა კი კვლავ თავიდან იწყება და თანდათან მალლა მიიწევს...
თუთარჩელა ღამე ნელინელ გაბაცდა. ცას მტრედისფერმა გადაჰ-კრა. კიდევ ცოტაც და... ვეებერთელა ცეცხლის ბურთი ამოგორდა მთის მწვერვალსიდან. მზე ამოკაკანდა.

ჰა-რი-რა – მზის სადიდებელი გალობა – თითქოს ყურძნის მტვენებში ჩანურული, უშურველად იღვრება ირგვლივ... თითქოს მთელი იათნანა ეგება მნათობის ამობრძანებას ცის კაბადონზე!

ცეკვაავდა მამიდა ფათულია. ცეკვაავდა დაძუსკე – შაოსანი და მუდამ მგლოვიარე დაძუსკე, ცეკვაავდა ჭარმაგიცა და ყმანვილიც, ქალიც და კაციც, დიდი და პატარა.

...ფერხისაის შემდეგ ანაზდად ფათულია მამიდამ უჩურჩულა ცი-ცის: „ასე მგონია, ოდესღაც, უხსოვარ დროში ვცეკვაავდი სწორედ ასე და ამნაირად. და მგონია: კიდევ ვიცეკვებთ სწორედ ასე და ამნაირად, ოღონდ... სულ სხვა დროში!“

ჩემს გულში ხომ არ ჩამოიხედა მამიდამო, გაუელვა ციცი, რადგან

ისიც ამგვარივე განცდას შეეპყრო: თითქოს ოდესღაც იყო ასე და... მო-მავალშიც, ოდესმე უსათუოდ ამგვარადვე განმეორდებოდა ყველაფერი!

ციცი გეგეშხე

...ერთხელ დილაადრიანად, შორეული ზღვაოსნობიდან ახლად დაბ-რუნებულმა ბოჩიმ – ციციისთან ალერსით გული რომ მოიჯერა, ფრთხი-ლად შეაპარა: ქალი ჩამოვიყვანე ერთი ფინიკიდან, იყოს სახლში, შენ და დაძუსკე საქმეში ხელს ნაგიკრავთ, გიჭირთ, ხომ ვხედავ ამას. ჰოდა, გამოი-ყენეთ ყველაფერში და მეც მასიამოვნებ ამითო.

– ისევ დავინყოთ თავიდან დავა? – ჰკითხა ციციმ.

– გაიგე, დედაკაცო, ეს ქალი შენი მოახლე იქნება და ამის იქით ნულარ იჩხრიკები.

– მოდი, გულახდილი ვიყოთ, შენ გინდა ხარჭა გყავდეს სახლში ისე, როგორც ეს ფინიკიელებშია მიღებული, – არ დაუთმო ციციმ.

– თუნდაც ასე იყოს, შენ რა გიშავდება ამით? შენ ჩემი სჯულიერი და საყვარელი მეუღლე ხარ, ჩემი შვილების დედა. ის დედაკაცი თუ აქ ეგდე-ბა და დროდადრო, – ბილნად ჩაიციხა, – დიაცის მაგივრობასაც გასწევს, შენ რა გაკლდება ამით, ანდა რა გენალვლებო.

ელდანაცემი, პირუჩუმრად შესცქეროდა ციცი. იათნანელობის უკვე არაფერი ეცხო ბოჩის. გარეგნულადაც შეიცვალა: შესუქდა, თვალები სმისგან ჩაუნთლდა, ღიპი წამოეზარდა, ხშირი თმაც შეუთხელდა, სახეზე ნაოჭები გაუჩნდა: არა სიბერის, არამედ უზნეო, გარყვნილი ცხოვრების ნაკვალები.

– ეს ხომ ჩვენი წესი არ არის, ბოჩია! – ერთხელ კიდევ შეახსენა ძვე-ლი საბუთი გულშეკუმშულმა. თუმცა იცოდა, უკვე ამო რომ იყო ეს ყველაფერი.

– რა სულ წესი დაგიჩემებია, ქალო, შენ? – იღრიალა ანაზდად ბოჩიმ და თვალებიდან მრისხანების ნაპერწკლები დაყარა: – ვინ მისდევს თქვე-ნი, სულელი დიაცების მეტი, ამ მითაჟამინდელ ზნე-ჩვეულებას? გაიგე, დედაკაცო, ჩემი შეძლების კაცის დობორეში უამრავი მოსამსახურე და მონა უნდა ტრიალებდეს. შენ კიდევ ამოგიჩემებია რაღაც შტერული აზრი და ერთის შემოშვებასაც აღარ მანებებ! აქაოდა, დღემუშის¹ ზნე-ჩვეულებას პატივს ვცემო. სასაცილო ხარ და მეტი არაფერი!

– მაშინ ჩვენ, მე და შენ, იათნანური წესით უნდა განვეკორწინდეთ, ბო-ჩია!

– რაო? – იბლავლა კვლავ და სანოლიდან წამოიჭრა.

¹ ძველი.

– ნუ ყვირი, თუ კაცი ხარ, ბავშვები არ გააღვიძო. რაკი ფინიკიური წესით შენ შეგიძლია გყავდეს სამი სჯულიერი ცოლი და რამდენიც გინდა, იმდენი საყვარელი, მოიყვანე ის ქალი ოხორეში. ოღონდ რაკილა მე არა ვარ ფინიკიელი, მაღლობა ღმერთს, და რაკი მე იათნანური წესით დავქორწინდი შენზე, იათნანური წესითვე დავცილდებით ერთმანეთს და წავალ ამ სახლიდან – სანამ იათნანელი ქალი ვარ, იათნანური წესით მინდა ვიცხოვრო და იათნანელად მოვკვდე.

ავარდა, დავარდა, სულ ცოფები ჰყარა ბოჩიმ პირიდან და ბოლოს ისეთი გინების კორიანტელი დააყენა, რომ უნებურად ყურებზე ხელები აიფარა ციციმ. თავის სიცოცხლეში ვერ იფიქრებდა, თუ შეიძლებოდა ძე-ხორციელს ესოდენ ბილნი, უხამსი სიტყვები დასცდენოდა. „ღმერთო დიდებულო! სად ისწავლა ასეთი რამ? კიდევ კარგი, გოგონებს სძინავთ და ძაძუც წასულია სახლიდან – გაუელვა თავში – თუმცა, ვინ იცის, სძინავთ კი ბავშვებს ამ ალიაქოთში?“

ბოჩი რომ ცოტათი დაწყნარდა და თითქოს დამშვიდდა კიდევ, ციციმ ხმადაბლა, მშვიდად უთხრა: – მორჩი ფინიკიურ ლანძღვა-გინებას, ხომ? ახლა იქნება ცემაზე გადახვიდე? ესეც ხომ იმათი წესია!

ერთხანს უყურა კაცმა გაბოროტებული, ხაფანგში მომწყვდეული ნადირის თვალებით. ამასობაში ციციმ დაამთავრა ჩაცმა და ოთახის მილაგებას შეუდგა მშვიდი სახით, თუმცა სხეულის ყოველი ძარღვი უთახთახებდა აღმფოთებისაგან.

ღმერთმა უწყის, შეამჩნია თუ არა ბოჩიმ გარეგნული სიმშვიდის მიღმა რა ცეცხლიც ტრიალებდა ციციის გულში, ყოველშემთხვევაში, უხმოდ შეიმოსა და უხმოდვე გაივდა სახლიდან.

მთელი დღე თითქოს ბინდგადაკრული გონებით დადიოდა ციცი. ხან რა უვარდებოდა ხელიდან და ხან რა. ძაძუც არ იყო შინ – ქმრისეული კარმიდამოს დასახედავად წასულიყო რამდენიმე დღით. ძაძუს სიმხნევე და მხარდაჭერა ყოველთვის ძალას ჰმატებდა ციციის. ის რომ ყოფილიყო ახლა – ასეთ ლანძღვა-გინებას და ყვირილსაც ვერ გაბედავდა ალბათ ბოჩი, – ძაძუს დიდი მორიდება ჰქონდა. თუმცა... ახლა შესაძლოა, არც ძაძუსთვის გაენია ანგარიში, ისეთი გახელებული ჩანდა. გოგონებმა – ნათიამ და პატარა დადუმაც იგრძნეს ალბათ თუ... იგულთამხილავეს ციციის გუნება-განწყობილება, ნუკრებზე თუ უხმოდ, ფეხდაფეხ დასდევდნენ დედას, თვალ-წარბში შეჰყურებდნენ.

ნაშუადღევს, მზე რომ გადაიხარა, გოგონებს დაუბარა, საგოდებელში ავდივარ, იქიდან შეიძლება ზღვაზე წავიდე, თქვენ ფეხი არ მოიცვალოთ უჩემოდო.

ეზოდან გამოსულს ბოქულია გამოეკიდა. ვერაფრით – ვერც მუქა-

რით, ვერც ბრძანებით – უკან ვერ გააბრუნა ძალდი, სანამ არ სთხოვა და არ შეემუდარა – მარტო ვტოვებ ბაღებს და სახლს და ხომ უნდა მიმიხედო. ბოქულია მორჩილად გაბრუნდა.

მართალია, საკმაოდ გულგრილი იყო შინაური ცხოველების, განსაკუთრებით კი – კატის მიმართ, მაგრამ ძალდის გონიერება და ერთგულება ყოველთვის ანცვიფრებდა. ხოლო დადის საყვარელი ძალდის – ბუთქიას ამბავი ხომ საარაკოდ იქცა მთელს ნამარკელის მუხურში.

სანამ დადი ესვენა სახლში სამი დღე და ღამე განუწყვეტელი ყმუოდა ბუთქია, არც ჭამდა, არც სვამდა. გულისმომწყვლევი სანახაობა იყო ძალდის ესოდენი გლოვა. ხოლო როცა დადი დაასაფლავეს, ძალდმა როგორღაც მოახერხა ჯაჭვის განწყვეტა და მაშინ მიუსწრეს, ნახევარზე რომ ამოეთხარა სამარე თათებითა და ცხვირით.

ისევ დააბეს. სამი დღის შემდეგ დარდისა და უჭმელობისგან ბუთქია სიცოცხლეს გამოესალმა. საცოდავი ბუთქია! რა კაცივით გონიერი, თბილი თვალები და გამოხედვა ჰქონდა ხოლმე, თითქოს ილიმებოდა კიდევ, როცა ეფერებოდნენ! არადა, როგორ სიამოვნებდა ალერსი. განსაკუთრებით აუნერელ სიხარულს ჰგვრიდა დადის მოფერება და ტკბილი სიტყვა! და აკი ველარც გადაიტანა საყვარელი არსების დაკარგვა!

როგორი ერთგულება და სიყვარული შესძლებია თურმე ამ ოთხფეხა ცხოველს!

ღმერთებო! დაილოცოს თქვენი სახელი! თქვენი გაჩენილია ყველა სულდგმული ამ ქვეყანაზე, თქვენი წეს-განჩინებითაა მოწესრიგებული ბუნების ყოველი მოვლენა, ხოლო ჩვენ, დადის თქმის არ იყოს, ხშირად ველარ ჩავწვდომივართ მათ სიდიადეს და იდუმალებას!

ბუთქიას გახსენებამ, თავისდა გასაოცრად, ციციის ცოტაოდენი გადაუყარა გულიდან ნალველი.

სასაფლაოზე რომ მიდიოდა, გზად ველის ყვავილები დაკრიფა და დადის სამარეზე მიყარ-მოყარა, მერმე მოშორებით, ლოდზე ჩამოჯდა და... ერთბაშად ტირილი აუვარდა.

დიდხანს ტიროდა. ძალიან დიდხანს. ცრემლებმა თითქოს შეება მოჰგვარეს. გულზე ოდნავ მოეშვა.

უეცრად მკლავზე თითქოს იდუმალი შეხება იგრძნო. გაინაბა. ნაცნობი, საყვარელი ხმა აფუჩუნდა ყურის ძირში:

„ციცი, შვილო, რად ტიროდი, შემოგეველე?“

„დადი!? შენ?“

„ჰო, მე ვარ, შვილო!“

„დადი... მიჭირს, ძაან მიჭირს!“

„ვიცი, შვილო“...

„ყველა მოთმინებას მირჩევს, დადი. მეუფე თუმათიც. როდემდე? როდემდე ვითმინო? აივსო მოთმინების ფიალა, დადი!“

„მოვა დრო... გარნა სჯობდეს ეგების... რომ აღარ მოვიდეს...“

„ნუთუ ამაზე ცუდი დრო მოვა? ამაზე უარესი გველოდება?... ბოჩია მთლად გატყუორდა დადი, ჩემი ბოჩია... შენი ბოჩია!.. ველარ ვპატიობ, შვილები რომ წამგვარა... ფართო სარბიელი სჭირდებათო ჩვენს ახალგაზრდებს. ეს სარბიელი ფინიკია და ჰაკაფთააო ჩვენებისთვის. რაც მე დამაკლდა, ჩემმა შვილებმა უნდა აინაზღაურონო. ჯიჯიმაც შეაგულიანა, და... ასე დამლუპა, დადი, ჩემმა ბოჩიამ, შენმა ბოჩიამ“... „ეჰ, ბოჩია, ბოჩია!.. არ ვიცი, ვგონებ, დავაკელი რაღაც, რაღაც გამომრჩა... ეგების იმად, რომ უღვთოდ დაღუპული მშობლების ერთადერთი წული ესლა დაგვრჩა და... არ ვიცი, არ ვიცი... რაღაცა კი მოხდა... რაღაც გამომეპარა და ველარ განვჭვრიტე ალბათ, ჩემო მახარია!...“

„ეჰ, დადი!.. თვითონ რაც არის... იმას აღარაფერი ეშველება!.. ღმერთებიც ველარ შეცვლიან ალბათ კაცის ბუნებით თვისებებს.“

ამ დილით კი უტიფრად, ურცხვად გამომიცხადა, ხასა უნდა მოვიყვანოო სახლში. ამას უკვე ველარ მოვითმენ, დადი. რამდენიც არ უნდა მიჩინონ, ველარ მოვითმენ-მეთქი ამას, დადი!

ყურძნის მტვეანი ხომ დაგინურია, დადი? აი, ასე დამენურა გული ტკივილებისგან. და განა დღეს დაინყო ეს?.. ნვეთწვეთობით, თანისთანობით დაიცალა გული ბოჩის სიყვარულისგან. ყოველი წყენა, ბოჩი რომ მაყენებდა, ამ სიყვარულს მოგლეჯდა ნაწილ-ნაწილ, მიქუცმაცებდა და... დავცარიელდი ბოლოს, დადი!.. ამადაც, მოთმინებას ველარ შევძლებ აწი. აქამომდე კიდევ ვახერხებდი თავის მოტყუებას. დღეის ამას იქით – აღარ!.. მორჩა!

უსიყვარულოდ ცხოვრება კაცთან, თუნდაც ქმარი იყოს იგი, უზნეობაა. მხოლოდ მოვალეობისთვის, შვილების გამოც რომ იყოს ნაკარნახევი, ველარ გავიზიარებ ბოჩისთან სარეცელს, დადი! ეს ჩემს ძალ-ღონეს აღემატება. საკუთარი თავის მიმართ ძალდატანებაც უზნეობაა აკი. მე ასე მწამს და მჯერა. ასე გამიგია შენგანაც, ჩემებისგან, იათნანელებისგან!“

„ეჰ, რა უნდა გითხრა, ჩემო მახარია? ვითარ განუგეშო?.. იათნანელ და, საზოგადოდ, უმეტესობას ქალთა, ფაქიზი, ნაზი სული აქვს. ეს ბევრმა ჩვენმა მამაკაცმა დაივიწყა, შემოგვევლე, ვით ყვავილს სჭირდება სათუთი მოვლა, ასევე დიაცის სულს! თუ არადა, დაჭკნება იგი უდროოდ მოუვლელიობით, უყურადღებობით, გულგრილობით. უხეშობა და ალი-ფვერობა¹ კლავს სიყვარულს და აშთობს სინაზეს. ეს ბევრმა როდი

უნყის, მახა! ჰგონიათ, ვითარმედ უდიერობითა და სიტლანქით უფრო დაიმკვიდრებენ მტკიცე ადგილს ცოლის გულში და თავის მამრულ „ძლევამოსილებასაც“ ამით უფრო განიმტკიცებენ! ო, რა სასტიკად ცდებიან ასეთნი, ჩემო მახარია! გარნა... ისევ სიყვარული, მოთმინება და სათნოება თუ გვიშველის, შემოგვევლე. მეც ბევრი მიფიქრია თავის დროზე ამგვარ რამეებზე და... ქალღვთაება ნანაც და ბუალარაც თითქოს მკარნახობდა ამასვე: მოთმინებით, სიყვარულით და დიდსულოვნობით შეუძლიაო დიაცს გადაარჩინოს ჯერ მახორობა¹ თვისი, ქმარ-შვილი თვისი, მერმე ქვეყანაცო. მე აგრე ვგონებ, ჩემო მახა: დიდი ნანას ნათელმა – დიაცთა თანაღმობამ, უნდა იხსნას კაცთა მოდგმა სიძულვილისაგან, სისასტიკისაგან, სიავისა და ბოროტებისგან. შენც მოთმინება და სიყვარული გმართებს, შენც, ჩემო სიცოცხლევე. უნდა გაუძლო, უნდა აიტანო სანამდისინ შესაძლოა, სანამ ძალა გეყოფა!“

„სანამდისინ შესაძლებელია, კი, დადი, მარა... მოთმინებასაც ხომ აქვს საზღვარი?“

...სასაფლაოდან წამოსულს, ზღვისკენ გაუწია გულმა. უკაცრიელი ბილიკი შეარჩია, რომ არავის გადაყროდა. ახლა კაციშვილთან არ ძალუძდა შეხვედრა. მარტოდ მარტო სურდა თავის ფიქრებთან და... ზღვასთან დარჩენა. ზღვა იყო ციციის დარდის წამალი. ზღვის ყურება ნალველს უქარვებდა, გულს უამებდა. შეეძლო, დილიდან საღამომდე შეურხევლად მჯდარიყო და ეცქირა ზღვისთვის.

ანაზღად ტყიდან გამოვარდა ახალგაზრდა, ფეხშიშველი, ტანსაცმელშემოფხრენილი, თმაანენილი ქალი და წინ გადაურბინა. მერე მოშორებით შეჩერდა. ჭინჭებში გახვეული რაღაც ნივთი გულში ჩაეკრა და თვალებს აცაბაცად ატრიალებდა.

მიხვდა, ხანგა² რომ იყო. ბაიასფერ, დალეულ სახეზე წვეტიანი ცხვირილა შერჩენოდა.

– ჩემი შვილი... ჩემი ოქროსქორჩიანი ბოში, დედა შემოვევლოს. შეხედე, რა ლამაზია! რა შვილი მყავს, ხედავ? ო, ჩემო თვალისჩინო, ჩემო სიცოცხლევე, ნუ გეშინია, შვილო, ნუ! შენ თავს არავის დავანებებ, – ჩახლენილ-ჩახრინწული ხმით რატირუტობდა ქალი და თან გამაღებით არწევდა გულში ჩახუტებულ ნივთს და თვითონაც ზღვის ტალღასავით ირხეოდა და ქანაობდა.

გულდამწვარი, თავზარდაცემული შესცქროდა ციცი ამ უბედურ ქალს და ცრემლები თავისდაუნებურად ღვარღვარით მოედინებოდა თვალთაგან. ქალი სულ ნინველი იყო, თითქმის ბავშვი. იდგა ასე კარგა

¹ სახლ-კარი.

² გიჟი.

¹ სიტლანქე.

ხანს და ბანრით შეკრულ ჩვარს ანანავებდა რალაცნაირი სანყლოური ღიმილით. ოჰ, ამ ღიმილმა თითქოს დანით დაუსერა გული ციციის. ამ ღიმილს ვერ ივინყებდა მერეც, დიდი ხნის მერეც.

უცებ შეშლილი ქალი ერთი უცნაურად შეხტა, დიდუ, მოდიან, მომდევენო, დაინივლა და ადგილს მოწყდა, კვლავ ტყეში დურთა თავი. დამწვარზე თითქოს მდულარე გადაასხესო, ისედაც გულმილეულ ციციის ამ შეხვედრამ უარესად შეულონა გული.

მერმე გაიგო, ფოთოლა ყოფილიყო, შაფიდან. ქმარმა აიძულა თურმე ფინიკიური ღვთაება ბაალისთვის შეენირა პირმშო. ამით უნდოდა ეამებინა დიდმოხელე ფინიკიელისთვის, ვისგანაც გამოელოდა სახელოს. შესრულებით კი შეასრულა ქალმა ქმრის ნება-სურვილი, მაგრამ თავად ველარ გადაიტანა ეს ამბავი და ჭკუიდან შეიშალა. მას შემდეგ დადის თურმე ასე სოფელ-სოფელ, ხანაც ტყე-ღრეში დაეხეტება და ზვარაკად შენირულ თავის შვილს ვითომ ანანავებს და უმღერის.

...ციციის მაშინვე მეუფე თუმათის სიტყვები მოაგონდა, როცა ბიჭების ნაგვრით გაავებულმა, თავი ვერ შეიკავა და სანახავად მოსულ მეუფესთან დაიჩივლა ბოჩის საქციელის გამო.

– უსაყვარლესო შვილო ჩემო, ჩემო მშვენიერო ციცი, – მეუფე თუმათის თვალები დაენამა, ხმაშიც სევდა-ნაღველი გამოერია: – შენ მარტოდენ როდი ხარ ამ დღეში. მარტოდენ შენს დოლმასხოროში¹ როდი ხდება ამგვარი ავკაცობა. ჩვენი მამაკაცები ისე გათავხედდნენ, თავს ისე გაუვიდათ, რომ უკვე აღარაფერს ერიდებიან, არაფრად აგდებენ იათნანურ წესებს, რამდენი შემთხვევაა უკვე იათნანაზე, რომ იათნანელი თავის პირმშოს სწირავს უცხოელთა კერპებს.

– ნუთუ?... ნუთუ ამგვარი საზიზღრობაც ხდება, მეუფე თუმათი? – შეიცხადა ციციმ.

– ხდება, ხდება, ჩემო საყვარელო! ზოგი ჩვენი უგნური მამრი აიძულებს ცოლს, ფინიკიელთა ნაბაძვით, ჩაიდინოს ეს საზარელი ზორვა. დედები თავს იკლავენ, აღარ ანებებენ შვილთ, მაგრამ ქმრებს ძალით, მუქარით თავისი გააქვთ. მართალია, ჯერ კანტიკუნტად ხდება ეს, მაგრამ მალე, ისე ვატყობ, მოხშირდება სისხლიანი მსხვერპლთშენიერვა ყრმათა. ახლა, ქვიშონაში, ჩვენი საყდრის მახლობლად, განზრახული აქვთ თურმე ააგონ ბაალის სამსხვერპლო და ეს ყველაფერი ჩვენი უფლისწულის ნებართვითა და ხელისშეწყობით ხდება; რაც ფინიკიელ ქალზე იქორწინა, ნამეტანი თავი აიშვეს და გაპარპაშდნენ ისედაც გაკადნიერებული ურჯულოები. ჩვენ, იათნანელ ქურუმთ, ხომ უკვე აღარაფერს გვეკითხებიან, რა ხანია. ის კი არადა, აბუჩად გვიგდებენ,

¹ სახლეულობაში.

გვამასხარავებენ! სულ მალე ალბათ იათნანელი ქალებიც გაიყიდებიან ოქროზე! – თუმათის თვალეში წამიერად გაკრთა ციციისთვის უკვე ნაცნობი საშიში ელვა, მაგრამ მყისვე ალაგმა მეუფემ თავისი რისხვა და ისევ ისე თვინიერი, მორჩილი იერი მიიღო სახეზე.

– მერედა, რად ვითმენთ ამდენს, მეუფე თუმათი? რად ვართ ჩუმად?

– ჯერ არ დამდგარა ჟამი, ჩემო მშვენიერო. ჯერხნობით მოთმინება გვმართებს. შენც ჯერხნობით მიუტევე შენს ქმარს ბაგით – გულით კი – არა! გულში შეინახე ყოველი წყენა და შეურაცხყოფა. მერმე კი...

– მერმე ერთობ გვიან ხომ არ იქნება, მეუფეო?

თუმათიმ მრავალმნიშვნელოვანი ღიმილით დააქნია თავი:

– ღმერთებმა ჩვენზე უკეთ უწყიან ჟამი, ჩემო ზისნახე! ჩვენ, კაცთა უბადრუკ მოდგმას, გვგონია – ჩვენი სულმოკლეობისა და სულსწრაფობის გამო, რომ ღმერთები აგვიანებენ თავიანთ რისხვას თუ წყალობას. არ არის მაგრე! მოახლოებულია ჟამი ნაცვალგების, მანამდე კი... უნდა მოვითმინოთ. შენც უნდა გაუძლო და აიტანო შენი ქმრის ჭირვეულობა და უპატიური მოპყრობა... გარკვეულ დრომდე!.. ჩვენს მამაკაცთ ცოლები, მეუღლენი კი არ უნდათ რომ ჰყავდეთ, არამედ ყურმოჭრილი მონები. არა უშავს რა, მოეკითხებათ სათითაოდ სუყველას!.. შენ შვილთ კი, დაიფარავს და დაიცავს დედა ღვთაება, ნუ შიშობ! ღმერთები დიდსულოვანი და მოწყალენი არიან იმათ მიმართ, ვინც იცავს და ინახავს მათ მცნებათ. ილოცე, ჩემო საყვარელო, და შესთხოვე მათ მფარველობა!

...საკმაოდ შორს გასცურა ნაპირიდან. მერმე პირაღმა განვა და ცარგვალს შეაცქერდა. მოსარკულ ცაზე ერთადერთი პანია ღრუბლის თეთრი, ფაფუკი ფთილა გზააბნეული ბატკანივით დაყალობდა მუქ სილურჯეში.

ინვა ასე გარინდული და თვალდაუფახულებლად უჭვრეტდა გალუებულ დასალიერს.

და ნიაღვარივით მოხეტყილ აზრთა მორევეში ჩაძირული ხან რას ჩაულრმავდებოდა ძირისძირობით, ხან რას. მართლა და მართლა, რას ვნვალობთ ამდენს, რისთვის ვიჭყლიტავთ ტვინს? რას ჩავკირკიტებულვართ? ბოლოს და ბოლოს ჩვენ ხომ დროებით მოვევლინეთ ამ ცისქვეშეთს? ამ დედამინას? ბოლოს და ბოლოს ხომ მდგმურნი ანდა სტუმარნი ვართ მხოლოდ ნუთისოფლის? მაშ, რას ვძიძგნით, რას ვკორტნით ერთმანეთს, ამ ხანმოკლე გზა-სავალის მონაკვეთში? რატომ ხოცავენ და ჟლეტენ ერთმანეთს მოდგმა კაცთა, ტომთა, ერთა? რა უსაშველო, დაუძლეველი სისასტიკე და სიძულვილი ჩაბუდებულა ამ ორფეხა პირმეტყველ ცხოველში? რა გაუძლომლობა ჭირს ამისთანა? რა აღუვსებელი სანყაულია?... ნუთუ მხოლოდ სიკვდილია ამ ყველაფრის ნამალი?

ვითარ თქვა ერთხელ დადომ? სიკვდილი სულ არ არისო საშიში. კაცი მხოლოდ მდგომარეობას იცვლისო. სიკვდილის ცხოველური შიში ჩვენში ველურმა, უცხო ტომებმა მოიტანესო. ჰოდა, ეგება დადგა ჩემთვისაც ეს ჟამი? ეგება სჯობს, სწორედ ახლა გარ-და-ვი-ცვა-ლო!

დავიდალე ძლიერ! დამექანცა სული უზომოდ. იგი, ტუსადივით, სხეულში გამომწყვდეული, ლამობს განთავისუფლდეს ამ მიძიმე ჭუჭყიანი, ბინძური ჭურჭლისგან; სწყურია, აფრინდეს მაღლა, ზეცაში და გაინავარდოს ლაღად, ბორკილებდამწყვეტილმა!

ბოლოს და ბოლოს, რას ვკარგავ აქ, ამ უსამართლო, მტრობით და სიძულვილით დამძიმებულ დედამინაზე? წარსული თითქოს აღარც ყოფილა: იყო და... არა იყო რა! სიზმარივით თუ მოაგონდება კაცს განვლილი წლები და თავს გადახდენილი ამბები – მცირე თუ დიდი, სიხარული თუ სატკივარი. იყო და... არა იყო რა! ანმყოსეული არსებობაც არ არსებობა იქნება ხვალისთვის. ჰოდა, რაღას ველოდო, რად ვუცადო გაურკვეველი ხვალეს მოსვლას? აი, გავყვები ახლავე მზის ამ ციმციმა ბილიკს...

დაიცა!.. რას მეჩურჩულება საამური ხმა?

„ამოდი ჩემთან, ასულო ჩემო! გამოჰყევ ამ ნათელ ჩხორიას. იგი პირდაპირ ამოგიყვანს ჩემთან. მე მოგიქსოვ ჩემ სხივთაგან საოცნებო ბადე-საქანელას. გარნევ და განანავებ ჩემს ნათელ ჩქერალში, მოგივლენ უტკბილეს ზმანებათ. შენს სულში დაივანებს ჩემი ღვთაებრივი გამონაშუქი და მუნ, ზეგარდმო საუფლოში, დაივინებ ყოველივე მინიერს, წარმავალს, უხანოს, ცვალებადს, რამეთუ წუთია – წუთი-სოფელი, მუხთალი და გაუტანელი, უბადო და სწრაფგანქარვებადი.

მე, მხოლოდ მე ვარ წარუვალი, უკვდავი და უცვალებელი, ჟამი-დაუსაბამო, უბოლოო.

ამოდი ჩემთან, მზის საბრძანისში, ჩემო მშვენიერო! ამოჰყევ ჩხანაიას შარა-გზას, შენთვის რომ ჩამოუშვი ციური სამყოფელიდან. სულ ცოტაც და ზღვისა და ცის შესაყართან, ბუადალუსთან¹ დავივანებთ მე და შენ.

მოაშურე ჩემს ბილიკს, ასულო ჩემო, ისწრაფე ჩემსკენ. რა დაგრჩენია იქ, ცოდვილ და ბინძურ მინაზე, სადაც მხოლოდ ტკივილებია, ტანჯვა და ურვაა და სადაც ასე უხანაო სიხარულიც და ბედნიერებაც.

მუნ ჟამი წარმავალია, ცხოვრება – წუთიერი. იყო და... არა იყო რა!

იყო და – აღარ იყავი თითქოს.

იყო და – აღარც გიცხოვრია თითქოს. აღარც გყვარებია. აღარც გაძულეხია.

მუჭში მოქცეულ სილასავით ნელ-ნელა იცრება სიცოცხლის დღენი

– ცოტაც და, მუჭში აღარაფერი დაგრჩება – სიცარიელის მეტი: სიცარიელე და უკუნი ბნელი.

აქ, მზის საუფლოში მოლაციცე სხივთა ჩქერალია, აქ ნეტარებაა მარადიული, სიამე ზესთაზენური და მყუდროებაა უმფოთველი.

დაუბრუნდი შენს წინაპართა წიაღს, მზის საცხოვრისს, ასულო ჩემო!“

„ო, არა, ჩვენო ცხრათვალა მზევ, ზღვის ტალღები უფრო საამოა და რბილი. მის წიაღში – ელოდება ჩვენს ასულს ბროლის ციხე-კოშკი: ზურმუხტითა და ლალით მოოჭვილი. ზღვის ფსკერზე ელოდება წინაპართა მამამთავარი – ბრძენი ოკეანოსი. ჩვენსკენ, მშვენიერო, ჩვენსკენ!“ – ებუტბუტებიან და უხმობენ თავისკენ პელიაგონში¹ მობინადრე ლაჟვარდთვალა მესეფნი...

აი, შემართავს ორთავე მკლავს მაღლა და... მზის ბილიკით აფრინდება უსასრულო სივრცეში, ან არადა... ჩაეშვება ქვევით, ქვესკნელში და... მოისვენებს სამუდამოდ.

– დია, ჩვენ? ჩვენ რას გვიპირებ?.. ვის ხელში გვტოვებ? – ნათია და დადუს ხმაა. თითქოს სამართებელი დაუსვესო გულზე.

„მართლაცდა, ვის ხელში სტოვებ, დედაკაცო, ამ უსუსურ, უმწეო, უმანკო ღლაპებს? ვის ხელში? ჰოი, ჩემო ტანლერწამა და თვალხატულა მაცირებო, ხომ შეიძლება თქვენც გაგიყენონ ჰაკაფთის, ან ფინიკიის გზას... ან... აქავე, იათნანაზე გამოგზარდონ, თუ „საქმემ“ მოითხოვა, უცხოელთა მხეველებად!

„ჩვენ... ჩვენ რას გვიპირებ, დია?“

ვერა. ვერსად გაექცევი ამ კვილს, ციცი გეგემ-ხე! ველარ დაემალეხი შენი საკუთარი სისხლისა და ხორცის მონოდებას.

ასეთი ყოფილა დედის გული. ეგეც არ იყოს, ეგება გოგონებზე არანაკლებად სწორედ გოჩას და გელას სჭირდება ახლა შენი არსებობა? თვალი აარიდა მზის მომნუსხველ ბილიკს. ყური დაიხშო მესეფეთა სანუკვარ ჩურჩულ-ბუტბუტზეც და...

ნაპირისკენ გამოსცურა.

ფიჭვნარის ოროში² მეზობლის ქალები ისხდნენ. უქმეებში, სალამოს პირზე იკრიბებოდნენ ერთად კარის მეცეცხლურნი. ბანაობის შემდეგ ზოგი ქარგვას იწყებდა, ზოგი ქსოვდა. თან საუბრობდნენ, თან თვალი ეჭირათ იქვე ნაპირთან ახლოს, ზღვაში მოჭყუმპალავე პატარებისკენ. თითო გასაჭირი ყველას ადგა: ერთს – ქმრისგან, მეორეს – შვილებისგან, მესამეს – მამამთილ-დედამთილისგან და ა.შ. ბევრი ჩიოდა ქალიშვილების გაუთხოვრობას. აბა, ვის უნდა წაყენო! ჩვენი ვაჟები ხშირად

¹ ზღვის შუაგული.

² ჩრდილი.

¹ დასალიერი.

ამჯობინებენო ფინიკიელ და უცხოელ ქალებს, რომელთაც ან ბევრი ოქრო აქვთ მზითვად, ან კიდევ თავზე საყრელად გააჩნიათ უტიფრობა და თავხედობაო. ჰოდა, რჩებიანო ჩვენი კდემამოსილი, მზისდარი ასულები უქმროდ, უოჯახოდ. ბიჭების დარდით გულგასიებულ ციციას ცალკე კიდევ ნაღველი გასჩენოდა – თავისი გოგონების მომავალი ბედი...

ბაასით რომ გულს მოიხებდნენ, რომელიმე მათგანი სიმღერას წამოიწყებდა... ხანაც ზღაპრებს და თქმულებებს ყვებოდნენ, ხანაც დარდს იქარვებდნენ ხუმრობა-მასხრობაში. ასე, ერთმანეთის გვერდი-გვერდ იდგნენ. ჯერ კიდევ არ მოშლილიყო მათში ერთმანეთისადმი თანადგომის, თანაზიარობის ოდინდელი ზნე-ჩვეულება.

კარგა გვარიან ხანს დარჩა ციცი მათთან. შინ მობრუნებულს, ბოჩი პირველი სართულის აივანზე დახვდა.

– სად იყავი ამდენ ხანს? – შეუღრინა, როგორც კი ციციმ კიბეზე ფეხი შედგა და... ბოლთის ცემა შეწყვიტა.

ციციმ ხმის გაუცემლად ჩაუარა და ის იყო, შიგნით შესვლა დააპირა, კაცი წინ გადაუდგა:

– პასუხის ღირსადაც არ მთვლი, არა?.. სად იყავი-მეთქი ამდენ ხანს? რად დაიგვიანე?

– ზღვაზე ვიყავი!.. გამატარე!

მისდა გასაოცრად, გზა დაუთმო ბოჩიმ.

– აქამდე? და პატარები ასე უპატრონოდ დაყარე? – დაადევნა მხოლოდ.

– ბალები დიდები არიან უკვე. თვითონ მიხედავენ თავიანთ თავს! – დაუგდო სიტყვა და შიდა კიბით მეორე სართულზე ავიდა, ბავშვების სანოლ ოთახში შეიხედა.

ციმცამი არ ისმოდა.

„ვინ იცის, ეგება მშვივრები დანვინენ?“ – გული მოენუნკა. სანოლთან მივიდა. – გძინავთ, ჩემო მერცხლებო? – დაიჩურჩულა. გოგონები ხმას არ იღებდნენ.

საბნები ამოუყეცა ორთავეს ფრთხილად და ფრთხილადვე, ფეხის წვერებზე გამოვიდა ოთახიდან. გზადაგზა სველი თმა გაიშალა და ჩანჩქერივით გადმოედვარა მხრებზე. რაკი ბოჩიც ამოსულიყო დარბაზში, თავად აივნისკენ ქნა პირი. არ უნდოდა ახლა მასთან მარტო დარჩენა.

ნათელი ღამე იყო, ბადრ მთვარეს დღესავით გაენათებინა არემარე. სასიამოვნო ნიავი უქიქინებდა სახეში და შვებით სუნთქავდა.

– ციცი! – მკლავში ხელი წაატანა ანაზდად ბოჩიმ. ციციმ არ დაანება ხელი. ბოჩიმ ახლა მეორეც შემოხვია გაძალიანებულ ქალს:

– მე ამ დილით ცოტა... გავცხარდი. ზედმეტი მომივიდა. მაპატიე!..

– უცებ თმაზე მიეალერსა, მერმე მხარზე ჩამოუცურა ხელის მტევანი: – როგორ გიბზინავს თმა... პატარა გოგოსავით გამოიყურები და... ისევ ისე მშვენიერი ხარ, ვით უნინ... – ხმა გაეზარა, თვალები მოერღვა: – მრავალი ქვეყანა მოვიარე, ცი. იცი შენ ეს, მარა... მზის მადლმა, შენი ბადალი ქალი არ შემხვედრია არსად!..

„ცი! ჰმ. რამდენი ხანია, ასე არ დაუძახნია...“

– შენ ყველაზე ლამაზი, ყველაზე სასურველი და საყვარელი ქალი ხარ ჩემთვის ამ ქვეყნად, ცი!.. გეფიცები ღმერთებს!.. ეგრეა ეს!.. ჩემს გულში შენ ვერავინ ვერასდროს შეგცვლის... ოღონდ შენს სიჯიუტეს გამოვყავარ ხოლმე ზოგჯერ მოთმინებიდან და... შემდეგ... უნდა გაიგო – მამაკაცური გულარძნილობა სხვაა – რას იზამ – თურმე ასე მოდგამს ჩვენს ჯილაგს ეგა – სიყვარული კიდევ – სხვაა!.. შენ ჩემთვის ყოველთვის ის გოგონა იქნები, ნავში რომ მოგიმწყვდიე პირველად მკლავებში და გაკოცე!.. გახსოვს?

– დაამთავრე?

სხვა დროს ალბათ ააღლელებდა ეს მთრთოლვარე, ვნებიანი სიტყვები, ეს ხმა, ეს კილო, თვალთა გამომეტყველება. მაგრამ ახლა ერთი სიმიც არ შერხვია სულში. თითქოს ლოდი ედო გულში: იქ სამუდამოდ დასამარებულიყო ბოჩისადმი სიყვარული და ამას, ანი ველარაფერი უშველიდა!

– ციცი... შევიდეთ ჩვენს სენაკში... – ხმა უფრო შემპარავი, რბილი და ალერსიანი გაუხდა ბოჩის, მაგრამ ციცი გრძნობდა, ძლივს რომ იკავებდა იგი უცებ მოხეთქილ რისხვას. მაგრამ ციცისთვის უკვე სულ ერთი იყო ყველაფერი.

– მე გარეთ მინდა ყოფნა კიდევ!

– გარეთ?.. აკი ისედაც გარეთ არ იყავი მთელი დღე?.. შევიდეთ სენაკში, ცი. ნულარ მიბრაზდები... დაივიწყე ამდილანდელი წყენა... იცი, რამდენი მაქვს შენთან საჩიარი?..¹ ახალი დობორეს აგება გადავწყვიტე... მინდა ლამაზი სახლი იყოს... მარმარილოთი განწყობილი... მინდა, შენ მხარში ამომიდგე... ის ქალიც... იმისთვის მჭირდებოდა, რომ...

– აღარ მსურს, შევწყვიტოთ ამაზე ლაპარაკი!

– რათა, ციცი? რა მოხდა ისეთი? – მხრებში ჩაავლო ხელები ანაზდეულად, ახლოს მოიზიდა, სახეში ჩახედა ალაპლაპებული თვალებით: – რად ჯიუტობ, ციცი?.. რად მიდგები ჯიბრში?

– მე გიდგები ჯიბრში?!

– ციცი, მომისმინე... შენ არ იცი... შენ ფრჩხილდაც რომ არ ღირან, უცხოეთში იმფერ ქალებს თავს ვით ევლებიან ასობით მოსამსახურენი, მონები... შეხედე შენს ხელებს?.. ამ მშვენიერ ხელებს თვითონ უნევს ლა-

¹ სალაპარაკო.

მის ყველაფერს კეთება. ნუთუ შენ განყენდა უზრუნველი ცხოვრება? მიპასუხე, რად მეურჩები?

„ჰმ! თითქოს აღარც ყოფილა ამდილანდელი ჩხუბი!.. თითქოს არც ხარჭის შემოყვანა შემოუთავაზებია სახლში!.. აი, საითკენ წარიმართა საუბარი... ჰმ! თურმე მარტო ჩემი კეთილდღეობისთვის ზრუნავს და იღვნის ასე თავგამოდებით! თურმე „ჩემი სიყვარულით“ ლამობს მეორე დიაცის შემოყვანას ოხორეში. ჩემი სიბრაღული და სიცოცხლილი აიძულებს თურმე წლობით დაიკარგოს იათნანადან!.. იმ უცხოელ ქალებსაც „ჩემი სიყვარულის გამო“ ეტანება, თუმცა ისინი, თურმე ნუ იტყვი, ჩემს ფრჩხილადაც აღარ ღირებულან!

რამდენნაირი, რამდენგვარი შეიძლება იყოს თურმე კაცის ფლიდობა! რა უტიფარი, რა ურცხვი შეგიძლია იყო შენ თურმე, ბოჩი გაბელანო!“

ხელები ცივად გააშვებინა.

– ბავშვებს უნდა დავხედო!

მაგრამ კაცი ახლა გასასვლელში აიყუდა და ანთებული თვალებით ბურღავდა. ქალის გულგრილი, უნადინო, ყოველგვარი სურვილისგან დაცლილი სახე და ხმა თავისდაუნებურად გონებას აკარგვინებდა.

– რად გინდა გამომიყვანო მოთმინებიდან, ციცი? – მეტისმეტად რბილი ხმითა და დაყვავებით უთხრა ანაზდად: – რად გინდა ეს-მეთქი, მიპასუხე?... ეგება...

აღარ დაასრულა, უფრო სწორად, ვეღარ გაბედა დაემთავრებინა უცებ გაელვებული აზრი. რადგან ამ ქვეყნად ერთი რამ მტკიცედ სწამდა და სჯეროდა: იათნანელი დიაცის უღალატობა, პირდაპირობა და სინდრფელი!

განყდეს, საცა წვრილიაო, გაივლო გუნებაში ციციმ.

– ხო, ბოჩია! ჩვენ ჯერ განვექორწინდებით და მერმე... გინდა სახლი აიშენე და გინდა სრა-სასახლე!.. არც შენი ფინიკიელი დიაცი მენალვლება არაფერში, თუნდ ასი მოგიყვანია ერთად!

– ესე იგი... შენ... – გაჩუმდა, კბილით დაიჭამა ტუჩები.

– კი, ბოჩია, მაგრეა. აღარ მიყვარხარ უკვე, კარგა ხანია!

გარღვეულივით შებარბაცდა კაცი. გულზე ხელი მიიჭირა უნებლიეთ. „მგონი, არ მოელოდა ამას!.. კი მარა... რატომ? უცნაური კათაა მამაკაცების მოდგმა!“

წამიერი დაბნეულობის შემდეგ გონს მოეგო ბოჩი. თვალები დამცინავად წაჭუტა, ბაგეზე კი – გამქირდავი ღიმილი გაუნვა:

– ვინ... ვინ არის „ის“, თუ შეიძლება გავიგოთ?

– ვინ „ის“? – თავი განგებ მოიმიამიტა ციციმ.

– მორჩი! იცი შენ, რასაც გეკითხები! – გამოსცრა კბილებში ისე, რომ

გამგმირავ მზერას არ აცილებდა ქალს.

„ჰოი, რა ტაკიმასხრობაა ყველაფერი ეს, თუმცა... რაკი დავინყეთ, უნდა ბოლომდე მივიყვანოთ ბერიკაობა!“

– ა, ა? ჰო, მივხვდი რას მეკითხები... არის ერთი... თუმცა... შენთვის რა მნიშვნელობა აქვს...

– შეუძლებელია! სტყუი! უსირცხვილოდ სტყუი!

– რატომ? რატომაა შეუძლებელი? – ძალიან მშვიდად, ძალიან წყნარად ჰკითხა და მხარს ზემოდან გახედა სახეარეულ კაცს, სიბრაზისგან კბილებს რომ აკრაჭუნებდა უჩუმრად.

– ციცი! ნუ გამომიყვან მწყობრიდან. ძალიან გთხოვ!

– არა, რა არის შეუძლებელი-მეთქი, გეკითხები? თუკი შენ არ გენალვლებოდა, რომ მარტო მტოვებდი ამდენი ხნით, გამოჩნდა კაცი, ვისაც ჩემი მარტოობა დაენანა: შენი ბოჩია უცხოეთში დროს ატარებს, ერთობა, განცხორმამია – შენ კი აქ მარტო წვალობ, ლოდინით თვალები ამოგლამებია. ვის რაში სჭირდება შენი ერთგულება? ბოჩიას დიდი ხანია აღარ უყვარხარ. რომ უყვარდეთ, საყვარელ ქალს ტყუილაუბრალოდ ამდენ ხანს და ამდენჯერ მარტო არ სტოვებენო. შენც ხომ სისხლი გიდულს, ახალგაზრდა ქალი ხარ. მოფერების და ალერსის ნაცვლად შენი ქმარი უცხოეთში დანავარდობს. რაც მთავარია, იგი არად აგდებს შენს შეჭირვებულ ყოფას, შენს გრძნობებს, შენს სურვილებს, შენს დარდს თუ ნუხილს – წაგვარა ბიჭები; მას შემდეგ თვალებზე ცრემლი არ შეგშრობია. მერე რა? შენს ბოჩის არა ენალვლება რა, არა ესაქმება რა შენს დარდთან, შენს ნუხილთან, არაფრად გაგდებს, ანგარიშს არ გინევს არაფერში. ყველა კახაში გცვლის და გლალატობს. შენ კი მაინც ლოდინით გულგანყალბებული გზას გასცქერი? შეიძლება ასეთი კაცი კიდევ უყვარდეს იათნანელ ქალსო? რას იტყვი? ვგონებ, სავსებით საკმარისი მიზეზებია, რომ კაცი გადაიყვარო.

გამძვინვარებული ბოჩი მხრებში სწვდა ანაზდად და ჭანჭყარი დაუნყო შეშლილი სახით:

– იცი, რას გეტყვი? შენ... შენ რა გგონია, მართლა და მართლა, რა გგონია შენი თავი? შენ იცი... შენზე არანაკლები ქალები... შენზე ახალგაზრდები, ბედნიერად ჩათვლიან თავს ჩემს ერთ ალერსზე. შენ... თავს გაგივიდა... შენ და, საერთოდ, თქვენ, იათნანელ ქალებს... თქვენ არ აფასებთ... თქვენ არ იცით, სხვაგან როგორ ექცევიან ქალებს... თქვენ, აქაოდა, იათნანელი დიაცები ვართო!.. მე შენ გაჩვენებ... მე შენ გიჩვენებ იათნანელობას! ინანებ... განანებ... თუ კაცი ვყოფილვარ!..

ცაროს სტუმრობა

ცოტა არ იყო გაუკვირდა ციცი ცაროს სტუმრობა. მაგრამ არაფერი დაიმჩნია და თავაზიანად შეეგება დიაცს. ცარო წარჩინებული დოჩი რატიანის მეუღლე იყო. ცოლ-ქმარი დედაქალაქში ცხოვრობდა და გაზაფხულობით ჩამოდოდნენ ხოლმე ხანდახან ნამარკელში. ფრიად თავაზიანი, ყურადღებიანი და დარბაისელი ქალი გახლდათ ცარო. მოვლილი და ნაპატიები სხეული ჰქონდა. ტანად პატარა, მაგრამ კოხტა აღნაგობის იყო. სილამაზით მაინც და მაინც ვერ დაიკვირებოდა: ძალზე ტუხა გახლდათ, თვალებიც მეტისმეტად წვრილი ჰქონდა, კბილები კი უსწორმასწორო, მოყვითალო. ტუჩები მოპრუნული. მაგრამ ისეთი მიხრა-მოხრა ჰქონდა, ისეთი საუბარი იცოდა და თავის დაჭერა, რომ ძალაუვნებურად იპყრობდა ყურადღებას. გონიერი, განათლებული და თავდაჭერილი მანდილოსნის შთაბეჭდილებას ტოვებდა.

ციცის დანახვა ყოველთვის ინვევდა მასში აღტაცებას. შერჩეული სიტყვებით იცოდა ხოლმე ქათინაურების თქმა. ამას ისეთი უბრალოებითა და თავაზიანობით იქმოდა, უხერხულობისა და ამრეხის გრძნობას აღარ ინვევდა ციციში.

კაი ხანი იყო არ ენახა იგი. ცარო ისევ ისე კოპნია და გაპუნტულებული ეჩვენა.

როცა ძვირფასად მოქარგულ მოსასხამს იხდიდა, უნებურად თვალში მოხვდა ციცის – ასევე ძვირფასი სამკაულებით დამშვენებული მისი პუტკუნა ყელ-კისერი, მკლავები და თითები. გრძელი, აღმასისთვლიანი ოქროს საყურე ეკეთა, თავზეც მოოჭვილი ოქროს რგოლი გაეკეთებინა. ყნოსვის გამაღიზიანებელ, საამო სურნელს აფრქვევდა ირგვლივ მისი სამოსი.

ციციმ სტუმარს ხილი და იათნანური ბადაგი გამოუტანა. ცარომ ჰკითხა, მარტონი ხომ ვართო და დასტური რომ მიიღო, კმაყოფილებით გაიღიმა.

მერმე ატამი აიღო და უყნოსა. ოჰ, ისეთი სურნელოვანი ხილი, როგორც იათნანაზეა, სხვაგან არსად მეგულებო, თქვა ღიმილითვე და ისევ ლარნაკზე დადო. კოტიტა თითები ჰქონდა, ფრჩხილები ხენდრსოფრად შეღებილი. იათნანურად გამართულად საუბრობდა, მაგრამ მაინც ეტყობოდა, ნასწავლი რომ ჰქონდა ენა.

– ჩემმა დოჩიმ რომ გაიგო, აქეთ მოვდიოდი, მინამდე თავდახრით მოკითხვა დამაბარა შენთან. – ცარო ისევ ისე იღიმებოდა და ოდნავ იღუმალი, ნაჩუმთევი აზრიანობა დაჰკრავდა ამ ღიმილს.

როგორც მოითხოვდა სტუმარ-მასპინძლობის წესი, საუბრობდნენ აქეთურზე, იქეთურზე, თუმცა ორივენი მშვენივრად გრძნობდნენ,

რომ ეს იწილო-ბინილო მხოლოდ შესავალი უნდა ყოფილიყო მთავარი სათქმელის.

ცარო ეზრახებოდა ციცის თავის ერთადერთ ბიჭზე, დედური სიამაყითა და ცოტა თავმონონებითაც, უქებდა გარეგნობასა და გონებრივ ღირსებებს. მერმე დედაქალაქის ჭორებსაც გადანვდა.

და უცებ, ამ თითქოსდა არაფრისმთქმელ მიეთ-მოეთში ცარო მკლავზე მსუბუქად შეეხო ციცის და თქვა:

– ციცი, შენთან რა მაქვს დასამალი – მე სულით და ხორცილთ ფინიკიელი ქალი ვარ, თუმცა... მამა იათნანელი მყავდა. მოგეხსენება – შვილი დედისაა, ვინც რა უნდა თქვას. ტყუილად ჰგონიათ მამაკაცებს, უცხო ქალი რომ მოჰყავთ ცოლად, შვილს მაინც ჩემებურად აღვზრდით. მამაჩემსაც ასე ეგონა ალბათ, თუმცა ადრე კი გარდამეცვალა, როცა ჯერ კიდევ პატარა ვიყავი. ენა ფინიკიურად ავიდგი. დედა ფინიკიურად წარმოვთქვი პირველად და არა იათნანურად. და ეტყობა, დედის რძესთან ერთად პირველად და სამუდამოდ შევისისხლხორცე ფინიკიური სული.

ამ გრძელ შესავალს იმიტომ მოვყევი, რომ მინდა იცოდე – მე, იათნანელი მამის შვილს, ფინიკიელი დედის დაკვირვების უნარი გამომყვა, ამიტომაც, ჩემი შეფასება იმისა, რაც იათნანაზე ხდება, მაინც... უფრო უცხოელის თვალთ იქნება დანახული. ძლიერ კი გამიგრძელდა სიტყვა... მაგრამ რატომღაც ჯერ მინდა გიამბო ცოტა რამ ჩემი ყმანვილქალობის შესახებ და დარწმუნებული ვარ, გამიგებ, რატომ დამჭირდა ეს ყველაფერი, თუმცა... იქნებ შენ ახლა დრო არა გაქვს, ან არა ხარ გუნებაგანწყობილებაზე, მომისმინო? თუ მასეა, იქნებ სჯობდეს შემდეგისთვის გადავდოთ ეს საუბარი?

– არა, რათა? მე ახლაც მზადა ვარ, გულისყურით მოგისმინო.

– მადლობელი ვარ. ჰო, ერთი რამ კიდევ... სანამ არ დავამთავრებ, გთხოვ არ შემანყვეტინო სიტყვა.

– აგრე იყოს! – ბაგე გაეხლიჩა ციცის. ცარომაც ყველა კბილი გამოაჩინა; და დაიწყო ოდნავ გატყლარჭული მანერით:

– დედაჩემი ფინიკიელი დიდვაჭრის და ჰაკაფთელი ქალის ნაშიერი იყო. დედ-მამა ადრე დახოცვია. მამამისს უზარმაზარი ქონება დარჩენია. ხოლო დედაჩემი ერთადერთი მემკვიდრე იყო მისი. ბავშვობა და ახალგაზრდობა, ცხადია, უზრუნველად, ფუფუნებასა და განცხრომაში გაუტარებია. მეურვეების რჩევით, გაჰყოლია მამისტოლა დიდვაჭარს. ქმარი მალე მოკვდომია და უმდიდრესი ახალგაზრდა ქვრივი, სანდომიანი და ეშხიანი, მალე ქცეულა მთელი ქალაქის საოცნებოდ. მაგრამ დედა არ თხოვდებოდა თურმე.

მის სასახლეში თავს იყრიდნენ რჩეული მამაკაცები. იყო, თითქმის

ყოველ დღე, ნადიმობა, მოლხენა, დროს-ტარება. დედაჩემი შესანიშნავად უკრავდა, იყო კარგი მომღერალი, ქალის კვალობაზე განსწავლული და ჭკვიანი, მახვილი გონებისა, ენამჭვერი, მხიარული და მოარშიყე. გარს თავყანისმცემლების მთელი გუნდი ეხვია. მიდიოდა დრო. და აი, თავყანისმცემელთა მთელ ამ ჯგროში დედამ, ერთ მშვენიერ დღეს, გამოარჩია ღარიბი, უსახელო, მაგრამ ულამაზესი მამაკაცი, იათნანელი ბუხუტი – მამაჩემი, და იქორწინა მასზე. სულ რამდენიმე წელიწადი იყვნენ ერთად, დედაჩემისგან ვიცი, ბედნიერი ცოლ-ქმრობა ჰქონდათ. მამაჩემი უეცრად სახადისგან გარდაიცვალა... ბუნდად მახსოვს იგი. მახსოვს, დიდი, ფართო ხელები ჰქონდა. მახსოვს კიდევ მხრები, რომელზეც ვიყავი ხოლმე შესუპებული. და თუმცა საშინელ სიმალეზე მეგონა ჩემი თავი, მაინც რატომღაც შიშის გრძობა არ მქონდა. დედაჩემი ისევე დაქვრივდა. ამბობენ, გულწრფელად და კარგა ხანს იგლოვავო ახალგაზრდა ქმარი, მერე დრომ თავისი ქნა და დედაჩემი კვლავ ჩაება მხიარული დროს-ტარების ფერხულში. თავის მოვლას გადაყოლილი, მახსოვს, დღეში რამდენჯერმე იცვლიდა ჩაცმულობასა და სამკაულებს. ჩემს გასაწვრთნელად საუკეთესო ფინიკიელ და ჰაკაფთელ მასწავლებელთა ქირაობდა. ფული არ ენანებოდა და საერთოდაც, ერთობ ხელგამლილი, პურადი, გულუხვი ქალი გახლდათ. როგორც წელანაც გითხარი.

მეც, დედის ნაბაძვით, დაუდევრად ვფლანგავდი ოქროს: ნუნურაქობა – ფინიკიელთა საერთო სენი, დედაჩემივით, ჩემთვისაც უცხო იყო, გულახდილად რომ ვთქვა.

უკვე კაი გვარიანად შეღერებული გოგო ვიყავი და გათხოვებაზე გული არ მიმდიოდა, გათხოვილი ქალების კარჩაკეტილი ცხოვრება, თავისუფლებას დაჩვეულს, არაფრად მეჭაშნიკებოდა. მოვასწრებ-თქო მამაკაცის მონა-მორჩილად ყოფნას, ვფიქრობდი გუნებაში და გულარხეინად ვეძლეოდი ლხენა-შექცევას. ყველაფერი მეიოლებოდა და მეადვილებოდა. სიყვარულსაც თითქოს ვეთამაშებოდი. ასე მეგონა, სულ სიცილ-კისკისში, ცეკვა-სიმღერაში და ლხენაში გავატარებდი ცხოვრებას, მაგრამ... მოგეხსენებათ ალბათ, ხანგრძლივი და მუდმივი არაფერია ამქვეყნად, არც ბედნიერება – ცხადია. უეცრად ხელიდან გამომეცალა დედა. ეს იყო ცამონმენდილზე მეხის გავარდნა ჩემთვის. სიცოცხლით სავსე დედაჩემი და სიკვდილი? ვერანაირად ვერ შემეთავსებინა ეს ორი ურთიერთსაწინააღმდეგო მოვლენა ერთმანეთისთვის.

ძლიერ განვიცადე ეს მოულოდნელი უბედურება და... პირველად ჩემს სიცოცხლეში დავფიქრდი ცხოვრებაზე და... შემეშინდა. შემეშინდა მარტობის, და სწორედ შიშმა გადამანყვეტინა გათხოვებაც.

ცარო თუმცა ერთობ დალაგებულად, თანმიმდევრულად და საკმაოდ

ენამჭვერად ყვებოდა თავის თავგადასავალს, მაგრამ ამ მიძვივით აწყობილ თხრობაში, ზოგ ისეთ „წვრილმანს“ სტოვებდა, რაც, მისი აზრით, არასახარბილოდ გამოჩნდებოდა სხვების თვალში და რაც უცხოს შეიძლებოდა საჩოთიროდ ანუ სულაც გასაკიცხ-გასაკილავად ჩვენებოდა. ამდენად, არც უნდა სცოდნოდა ამის შესახებ. ასე მაგალითად, ცარომ საჭიროდ სცნო „ჩაეგდო“ თავისი ცხოვრების ის მონაკვეთი, როცა ის, დედამისივით, სახელგანთქმული ჰეტერა იყო ფინიკიის დედაქალაქში. და ეს ბუნებრივად მიაჩნდა, რამეთუ იათნანაზე ამ სათაკილოდ მიჩნეული ხელობით თავს ვერ მოიწონებდა, მით უმეტეს ციცისთან, ვისი გულის მოგებასაც ცდილობდა რატომღაც ყოველთვის, პირველი გაცნობისთანავე, და ახლაც ხომ, მით უფრო კანინდან ძვრებოდა – მართალია მოზომილი, მოფიქრებული წინდახედულობით, რომ როგორმე უფრო კარგი და მიმზიდველი გამოჩენილიყო მის თვალში, ვიდრე სინამდვილეში გახლდათ. რაკილა შიშმა დამრია-მეთქი ხელი და რაკილა გათხოვება ვინდომე, – განაგრძობდა ცარო, – არჩევანზე მიდგა საქმე. და მეც თვალი დავადგი დოჩის – რომელიც თუმცა ბლომა ხანია ცხოვრობდა ტიროსში, მაგრამ თავს მაინც უცხოდ, უთვისტომოდ და ეულად გრძობდა ამ დიდ ქალაქში, და ჯერაც ვერ შეთვისებოდა, ვერ შეგუებოდა მის ავ-კარგს. ეს იქიდანაც ჩანდა, ძლიერ დიდხანს რომ განიცდიდა საყვარელი ქალის ღალატს, ქალის, ვისი გულისთვისაც მიატოვა დანიშნული, დედამა, სამშობლო და ვისი გამოისობით ათასი რამ საფრთხე და გასაჭირი გამოიარა. დედაჩემი მფარველობდა და ქომაგობდა დოჩის, რადგან მამას თურმე ახლო ნათესავად ერგებოდა იგი.

არჩევანი შევაჩერე-მეთქი იმიტომ ვამბობ, ჩემო ძვირფასო ციცი, რომ... უფრო ხშირად გულის სატრფოს დედაკაცი ირჩევს ხოლმე, და არა პირუკუ, ვითარცა მამაკაცებს ჰგონიათ ხოლმე ეს. მით უფრო ისეთი თავისუფალი ზნის მქონე ნოლაში, როგორც ტიროსია ან... თუნდაც თებეროა, და განსაკუთრებით კი იმ წრეში, სადაც მე ვტრიალებდი.

დოჩიზე მე უფრო ადრე შემეფარდა გული, ვიდრე მის ცოლობას გადავწყვეტიდი, მაგრამ... გარემოებათა გამო, გულის ხვაშიადს არ ვამყვანებდი... რადგან ვატყობდი, მარტო მე როდი ვიყავი მის მიმართ ასე განწყობილი. მაგრამ ეს საკმაოდ გრძელი ამბავია და ახლა მის მოყოლით თავს არ შეგანყენ, ჩემო ძვირფასო ციცი, რადგან ისედაც გამიგრძელდა სიტყვა.

ასე იყო თუ ისე, მე და დოჩი დავქორწინდით, მაგრამ დიდხანს არ მოგვინია ცხოვრებამ ტიროსში. ნამეტანმა ხელგაშლილობამ ვალებში ჩაგვაგდო და იძულებული გავხდით, მიგვეყიდ-მოგვეყიდა, რაც ჯერ კიდევ შეგვრჩენოდა და დაგვეტოვებინა ტიროსი. დოჩისაც სწორედ გა-

საჭირის ჟამს მოაგონდა, რომ არსებობს სამშობლო-ქვეყანა, სადაც შეიძლება თავი შეაფაროს კაცმა. გაჭირვება მაჩვენე და გაქცევას გიჩვენებო, სწორედ ჩვენზე იყო ნათქვამი. ამგვარად, ჩამოვედით იათნანაზე, როგორც მამინ გვეგონა, დროებით, ასე ვთქვათ, სულის მოსათქმელად, ძალ-ღონის მოსაკრებად, რომ მერმე ისევ დავბრუნებოდით ჩვენს ლალ და უზრუნველ ცხოვრებას ტიროსში.

რა ვიცოდი მე მამაჩემისა და ჩემი ქმრის სამშობლოზე აქამდე? ძალიან ცოტა რამ და ისიც ბუნდად. იათნანა უფრო ზღაპრულ ქვეყანად მესახებოდა, სადაც ცხოვრობს ხალისიანი, თავისუფლებისმოყვარე, ჯიშინი და ლამაზი ერი. და მართლაც, პირველი, რაც იათნანაზე ჩამოსვლისთანავე თვალში მეცა, ეს იყო მის მკვიდრთა განსაცვიფრებელი სილამაზე და... სილაღე.

გამაოცა აგრეთვე იმ უშურველობამ, რითაც იათნანელი გაცემს საკუთარ სარჩო-საბადებელს, თავის ავლა-დიდებას. მაგრამ მალე მივხვდი ერთ რამეს: უცხოელთა მიმართ, ამ ერთი შეხედვით, გასაოცარ კეთილგანწყობისა და გულითადობის მიღმა, იმალება ღრმადშეფარული შინაგანი უპირატესობის გრძობა, ხან გაცნობიერებული, ხანაც გაუცნობიერებელი. იათნანელი ღირსეულ მეტოქედ არა თვლის არაიათნანელს, არა აიაიელს. ერთი სიტყვით, იათნანელი ჰელიოსის მოდგმაა, ამის შეგრძნება კი საკმარისია იათნანელის თავმოყვარეობის დასაკმაყოფილებლად და თავმოსაწონებლად. ეს კი, თავის მხრივ, იწვევს უცხოელთა ხან დაფარულ, შენიღბულ, ხანაც დაუფარავ, შეუნიღბავ შურსა და მტრობას.

გასაოცრად მეჩვენებოდა იათნანელი მამაკაცის დამოკიდებულება დიაცისადმი, ის უდიდესი რიდი და კრძალვა, რასაც იგი იჩენდა დიუფლისადმი, დედისადმი, მეუღლისადმი და, საერთოდ, დედათა სქესის მიმართ. მაგრამ... აგერ უკვე ოცი წელია ვცხოვრობ აქ და ამ ხნის მანძილზე იათნანაზე მოხდა საგრძნობი, ფრიად საგულისხმო და მნიშვნელოვანო ცვლილებანი, განსაკუთრებით ქალისა და კაცის ურთიერთობაში, ის, რამაც მე შენთან მომიყვანა, ციცი, და მათქმევინა აღსარებასავით.

სამწუხაროდ, იათნანელ მამაკაცთა დიდი ნაწილი დღეს ის აღარაა, რაც ამ ოციოდე წლის წინ იყო. შესაძლოა, ბრალი ამაში ასე მოჭარბებულ უცხოელთაც მიუძღვის და აგრეთვე ოქროს დიდძალ მოზღვავებას, რამაც, ჩემი აზრით, გაამძაფრა და გამოკვეთა კრიტიკული მიდგომა დაწესებულ-განმტკიცებულ წეს-ჩვეულებისადმი. აღმოსავლური სისასტიკე და გოროზობა მამაკაცისა, მისი უპირატესი და გადამწყვეტი ადგილი ფანიაში, საზოგადოებაში, ქვეყნის მართვა-გამგებლობაში და, საერთოდ, ყველა საქმეში, – ერთობ საცთური და მისაბაძი აღმოჩნდა იათნანელი მამაკაცისათვის და ისიც თანდათან, ნელ-ნელა, თითქოს

ერთი შეხედვით შეუმჩნევლად, მაგრამ გარდაუვალად ხდება ისეთი, როგორც არიან საერთოდ და საზოგადოდ კაცები ყველგან, დედამინის ყოველ კუთხე-კუნჭულში.

თითქმის ჩემს თვალწინ მოხდა-მეთქი ეს ფერისცვალება, რისი დანახვაც იათნანელ დიაცს, ჩემი აზრით, ჯიუტად არ უნდა, ყოველ შემთხვევაში, დედაკაცთა უმრავლესობას. რას ვგულისხმობ ჩემს სიტყვებში? ალბათ შენც დამეთანხმები ციცი იმაში, რომ მამაკაცს ბუნებით უყვარს, როცა ის მბრძანებლობს, სულ ერთია სად: საკუთარ ოხორეში, თუ სხვაგან, გარეთ. მამაკაცს უყვარს აგრეთვე, როცა ის თავისით გასცემს. ყოველ შემთხვევაში, მას ასე ჰგონია, ასე სჯერა და სწამს. დაე, იყოს ამ ცთუნებაში, ასე ეგონოს, თქვენ კი... მაპატიე, ციცი, სავსებით გულახდილი მინდა ვიყო შენთან, თუ, რასაკვირველია, საწყენად არ დაგჩრება ეგ.

– რავა გეკადრება, გეთაყვა. მე დიდი გულისყურით გისმენ.

– გმადლობ, ციცი. ჰო. იმას ვამბობდი, თქვენ ზომაზე მეტ პატივს დებთ მამაკაცებს – თქვენი თანასწორობის მიუხედავად – და მაგათგან ისეთსავე სიმტკიცეს და ერთგულებას მოითხოვთ, როგორც თავად შეგიძლიათ იყოთ. იათნანელ მამაკაცს ეჩვენება, რომ თქვენ მეტად ბევრს და თითქმის შეუძლებელს მოითხოვთ მათგან. მამაკაცთ ჰგონიათ, რომ თქვენ ეძალებით, ჰკვეცავთ მათ თავისუფლებას – ანუ თავისუფლად მბრძანებლობის უფლებას – და ისინიც გარბიან. ამ სირბილში კი ხშირად ვარდებიან ისეთ მახეში, აქამომდე რომ ვერც წარმოიდგენდნენ და ვერც გაითვალისწინებდნენ. თქვენ თითქოს აიძულებთ მათ ჯიბრში ჩაგიდგნენ, დაგიპირისპირდნენ. მაგრამ, ღმერთებს ვფიცავარ, აღარ ღირს არც ერთი მათგანი ამდენ დავიდარაბად.

ამ დროს, უბრალოდ, სრულიად მარტივად, შეუმჩნევლად, მოჩვენებითი მორჩილებისა და თვინიერების, პირფერობის (რაც ასე მოსწონთ მამაკაცებს) მეოხებით, ყოველ ქკვიან, გონიერ ქალს შეუძლია გასტეხოს ნებისმიერი მათგანის – ვინც და როგორც არ უნდა იყოს იგი – წინააღმდეგობა და თავის ირგვლივ ლეკვივით ანკმუტუნოს, დაიხვიოს თითზე და თავის ნება-სურვილზე ათამაშოს.

... ჩვენი ქრონიებიდან რამდენიმე ხნის შემდეგ დოჩისაც შეუჩნდა სიახლისა და თავნებობის ჭია. მალე ხარჭაც გაიჩინა. მაგრამ მე წარბიც არ შემიხრია. პირიქით, ვითომ ვუთანაგრძნობდი კიდევ. საჩუქრებს ვუგზავნიდი მის საყვარელს, გულითადად მოვიკითხავდი ხოლმე. დოჩის მალე მობეზრდა ის ხარჭა. მერე ისევ გაიჩინა ახალი. ამჯერად ორი ერთად, ფინიკიური წესით, სჯულიერადაც შეირთო ერთი მათგანი.

ვითომ თანაგრძნობით ვეკიდებოდი მის ხუმტურებს და ბოლოს ყველაფერი იმით დამთავრდა, რომ დოჩი მაინც ჩემთან უფრო არჩევს

ყოფნას. არც პატივი მომკლებია მისგან, არც ყურადღება. მართალია, ტიროსში ვერ დავბრუნდით, მაგრამ, სამაგიეროდ, აქ მტკიცედ მოიკიდა ფეხი, სიმდიდრეც შეიძინა და სახელიც. მეც დავრჩი მისთვის უპირველეს მეგობრად და უპირველეს თანამეცხედრედ.

ცარომ შეისვენა. ციცი შინაგანად გაფაციცებული, გრძნობდა, რომ მთავარი ანი უნდა თქმულიყო. დანარჩენი მხოლოდ ჩვეულებრივი წილადობილა იყო.

– უნდა გითხრა, ციცი, დაუფარავად, კარგად ვიცნობ ბოჩის, ვიცი... თქვენი ოჯახური უსიამოვნებანი და ბოჩის აზრიც, რადგან ერთობ გულახდილია ჩემთან, ვითარცა მეგობართან. ამდენად... შემოძლია დარწმუნებით და დაბეჯითებით განვაცხადო, რომ ბოჩის ისევ ისე უყვარხარ, უყვარხარ ძლიერ, ვნებიანად, ვითარცა ქალი, ვითარცა ცოლი და... შვილების დედა. მაგრამ... ბოჩი ბუნებით დაუდგრომელი, მოუსვენარი და ჯიბრიანი ხასიათისაა.

წელანაც ვამბობდი, ყოველ ქალს შეუძლია-მეთქი ნებისმიერ მაკაცს მოუძებნოს გასაღები, თუ ეს ქალი ჭკვიანია, ხერხიანია, მოქნილია. მოკლედ, თუ აქვს უნარი იყოს მსახიობელი. ჩვენი ცხოვრებაც ხომ სახიობაა მხოლოდ და ჩვენ, ასეა თუ ისე, მსახიობელნი გახლავართ სუყველანი, მეტნაკლებად. ოღონდ... ვით ნამდვილ სახილველში, ისე აქაც, ზოგი მსახიობელი ნიჭიერია, ზოგი უნიჭო, ზოგი კარგად ანსახიერებს გმირს, ზოგიც საშუალოდ, ზოგი ცუდად და ა.შ.

იათნანელი დედაკაცები კი, მე ასე ვგონებ – ერთობ პირდაპირნი, გულწრფელნი და გულახდილნი ხართ, რაც ღირსებასთან ერთად, ნაკლებიც არის, რადგან... მიმაჩნია, რომ ცხოვრება მაინც ბრძოლაა და იმარჯვებს ის, ვინც უფრო მოხერხებულია, წინდახედულია და მომთმენი, ის, ვინც მარტო გრძნობებს კი არ არის აყოლილი, არამედ გონს უფრო ეკითხება რჩევას, ვიდრე გულს.

ციცი კარგა ხანია მიხვდა ცაროს სტუმრობის ნამდვილ მიზეზს. ის ბოჩის მიერ იყო მოგზავნილი შერიგების „მოსაკვარახჭინებლად“, ეს ჭკუის დარიგებანი და შეგონებანიც ბოჩიასგან უფრო მომდინარეობდა, მისგან იყო გეზმიცემული და დაგეშილი ეს დიაციც, კიდევ რომ აპირებდა ენამჭევრობას და დათაფლული ენით ოჯიჯის¹ ქსოვას. მაგრამ ციცის თვალების გამომეტყველებამ მიახვედრა, რომ მისი ენამზეობა ფუჭი და უსარგებლო იყო, ისევე როგორც უსაგნო და არაფრისმთქმელი იყო ციცისთვის მისი პირადი მაგალითი – თუნდაც შეფერადებულ-შელამაზებული.

ცარო შინაგანად აინურა რატომღაც, თითქოს დამნაშავე ყოფილ-

იყო რალაცაში, თითქოს რალაც ვერ მოიქცა თუ ვერ თქვა ისე, როგორც საჭირო იყო, როგორც მოითხოვდა გარემოება. წამიერად ბოჩის მიმართადაც გაუჩნდა ამრეზილობის თუ უკმაყოფილობის გრძნობა აქ გამოგზავნისთვის; ამასთან ციცის უსიტყვოდ, უხმოდ გამოხატულმა გულგრილობამ თუ სიამყემაც გააღიზიანა ერთი პირობა. მერმე ისევ თავს შეუწყრა, აბრუ არ გაიტეხა და შეეცადა, დაფანტული გონების მოკრებას, თუმცა უკვე აშკარად შესამჩნევი იყო, რომ მისი მოციქულებრივი მისია მარცხისთვის იყო განწირული.

ციციც, რასაკვირველია, გრძნობდა სტუმრის სულიერ მოძრაობას და უხერხულობიდან რომ გამოეყვანა, სცადა სხვა ღარზე გადაეტანა საუბარი, მაგრამ ცარო დაჟინებით ებლაუჭებოდა იმ აზრს, რომ ბოჩის სურვილი თუ განზრახვა, შესაძლოა, სათანადოდ სწორად, მართებულად ვერ გადმოსცა ან არადა, ციციმ იგი ისე ვერ გაიგო, როგორც საჭიროა, ამიტომ უფრო ნათლად უნდა აეხსნა მისთვის ბოჩის გულისწინადილი:

– ციცი, უნდა გითხრა მიუკიბ-მოუკიბავდ, რომ ბოჩია მზადაა მოიქცეს ისე, რაფერც შენ ჩათვლი საჭიროდ, ისე, როგორც შენ გეპრიანება. ახლა შენზეა დამოკიდებული ეს საქმე...

მცირე ხნის სიჩუმის შემდეგ ციციმ მზერად და სმენად ქცეულ ცაროს მიუგო:

– ჩემო ცარო, დღეს შეიძლება ისე იყოს, ვითარცა მე მინდა, მარა ხვალე... ხვალ დარწმუნებული ვარ, ისევ თავიდან დაიწყება ყველაფერი... მე მინდა შენი გულახდილობის წილ მეც გულახდილობით გიპასუხო – ყველა მინისშვილი, შენც კარგად უწყი ეს, ცდილობს იცხოვროს ისე, როგორც თვითონ მიაჩნია სწორად. ჩვენში ნათქვამია: ჰკითხე ასსა და ჰქმენ გულისაო. რასაც გული გეტყვის, ისაა მთავარი. არა მგონია, ასეთ დროს სხვისი მაგალითი, ანდა რჩევა-დარიგება გამოადგეს ვინმეს ჭკუის სასწავლად... მეუფე თუმათი ბრძანდებოდა ამწინეებზე ჩემთან და მასაც ეგევე მოვასხენე.

– მეუფე თუმათი? – ცაროს სახე შეეცვალა, წამით უსიამოვნო გრძნობამ შუბლი შეუჭმუნა. – მეუფე თუმათი? – გაიმეორა კვლავ და მერმე ხმადაბლა დასძინა: – სულ ერთხელ ვნახე იგი და... ასე მგონია რატომღაც – რომ შეეძლოს, მამაკაცის გასაგისს არ დატოვებდა დედამინის ზურგზე ეს მახვამური დიაცი... და მერმე... – ცარო გაჩუმდა. თითქოს ენას კბილი დააჭირაო, აღარ დაასრულა სათქმელი.

ციცის ოდნავ ჩაელიმა. რა მახვილი თვალი ჰქონიაო ამ დიაცს, გაივლო გუნებაში, ხმამაღლა კი წარმოთქვა:

– მეუფე თუმათი სინამდვილეში ძლიერ გულისხმიერი და კეთილი ქალია და განსწავლული ფრიად. ოღონდ ეგაა. ერთობ გოროზი იერი აქვს

¹ მახე ჩიტებისათვის.

სახეზე... იგი ჩვენი ოხორეს ახლობელი პიროვნებაა!

გონებაში წამსვე აღიდგინა თუმათის წინანდელი სტუმრობა და ისევ ისე გადაიმარცვლა ხსოვნაში ის სიტყვები, რაც მაშინ ითქვა მათ შორის.

პირველი, რაც იკითხა თუმათიმ, ბოჩია ხომ არააო სახლში და უარი რომ მიიღო პასუხად, თითქოს შვებით ამოისუნთქა. გულმეცარი ქალი გრძნობდა, ბოჩია დასანახავად რომ ვერ იტანდა მას ჯერ კიდევ ოშორაში ცხოვრების დროიდან. თუმცა არასოდეს – ალბათ დადის ხათრითაც – არც სიტყვით, არც საქციელით არ გამოუხატავს თავისი განწყობილება, არ გამოუმჟღავნებია გულისნადები.

დადის სიცოცხლეში თუმათი უფრო ხშირად დადიოდა მათთან. ბოჩის, თუ შინ იყო, არ დაელოდა საბაბი, განრინებოდა ქურუმ ქალთან საუბარს, დადი და თუმათი კი, ერთად რომ შეიყრებოდნენ, არაიშვიათად იგონებდნენ ხოლმე ოშორას ამბებს და ჩანდა, ამ საუბრებით იქარვებდნენ სამშობლოს მონატრებით გამოწვეულ სევდას.

ამისწინანელი სტუმრობის დროს ციციმ დიდი გაჭირვებით, თავის თავზე თითქმის ძალაობით ამცნო მას საქმის ვითარება, როცა თუმათიმ ნართაულად, მაგრამ საკმაოდ გასაგებად აგრძნობინა, მე ყველაფერი ვიცი, რაც თქვენს ოხორეში ხდებაო. მისი გამჭოლავი, მახვილი მზერა ნახევრად დახრილი უპეებიდან თითქოს სულის ფსკერში უძვრებოდა ციცის, ცნობისმოყვარეობით, ობობას საცეცხეებით დაურიდებლად ფათურობდა მის სულში, და ასევე დაურიდებლად, უბოდიშოდ და კადნიერად ამოჰქონდა იქიდან სააშკარაოზე შეფარული გულისნადები.

მაგრამ ამჟამინდელი სტუმრობის დროს მეუფე თუმათის ადრინდელივით აღარ უხსენებია მოთმინება. პირიქით, გააფრთხილა ციცი, ეს საქციელი უკვე არ უნდა ეპატიებინა ბოჩისთვის, რადგან თუკი ციცი ახლაც დაუთმობდა ან წაუყრუებდა ბოჩის და ხასას შემოაყვანილებდა სახლში, ამით უკვე სხვათაც, მცირე მორწმუნეთ და მერყევთ, ცუდ მაგალითს მისცემდა. და ისედაც მეტისმეტად თავგასული მამაკაცები წესად და ჩვევად აქცევდნენ იათნანელთათვის ესოდენ უცხო და მიუღებელ ჩვეულებას, ასევე ლამობენო დასაბში მისცენ სისხლიან ზორვას – უცხო კერპთათვის პირმშოების შეწირვასო.

ციციმ ქურუმის თვალეში კვლავ დაიჭირა ის ავბედითი, საშიში ნაპერწკლები, ასე რომ აფრთხობდა და აწრიალებდა მის გულს. მისი ოდეს-ღაც ლამაზი, ახლა კი ნაოჭებისგან დაღარული, პირქუში სახე, მოღუშული წვრილი ნარბების რკალი, მჭიდროდ მოკუმული, პატარა უფერული ტუჩები შინაგან, დაფარულ რისხვას და მძულვარებას ისარკავდა და დადის საამო, მომწუსხველი ძალისგან განსხვავებით, დამთრგუნველად მოქმედებდა თანამოსაუბრის ნებისყოფაზე. ციციც, თუმცა ერთი პი-

რობა შეაცბუნა ამ მზერამ, როგორც სხვა დროსაც მოსვლია ხოლმე ეს, მაგრამ ამჯერად შიგნით, გულისგულში ეთანხმებოდა მეუფის განწყობილებას, იზიარებდა და იწონებდა მის ნააზრევს და ამდენად, მისდაუნებურადვე, ემორჩილებოდა კიდევ მის ნება-სურვილს. ოლონდაც ეგ იყო – ცაროსთან არ აპირებდა ამის გამხელას, თუმცა მრავლის მეტყველი დუმილი და მზერა თავისთავად მიანიშნებდა მის თანაზიარობას მეუფე თუმათისთან.

დადისთან უბნობისას საერთოდ ქედმაღალი, გულზვიადი და გოროზი იერის მქონე თუმათის – თვინიერი, მორჩილი და თავმდაბლური გამომეტყველება ეხატებოდა სახეზე, თუმცა... ქვეშეცნეულად ციცი გრძნობდა, შინაგანად თუმათი თითქოს ეურჩებოდა, უპირისპირდებოდა რალაცაში დადის. მისი ეს დათაფლული ღიმილი, მეტისმეტად ხაზგასმული თავაზიანობა-მოკრძალება – ნაძალადევი, ყალბი ეჩვენებოდა ციცის.

დადი კი, დადი თავის ჩვეულებისამებრ, მუდამ თბილი, რბილი, ალერსიანი და მოსიყვარულე იყო თუმათისთან, როგორც საზოგადოდ ყველასთან, მაგრამ... თუმათის მიმართ, მაინც რალაცნაირ განსაკუთრებულ გულითადობას იჩენდა, თითქოს საგანგებოდ, საგულდაგულოდ ხუჭავდა თვალებს, რომ არ შეემჩნია ის „რალაცა“ მეუფეში. დადის სახესა თუ სიტყვა-პასუხში ერთთავად მზადყოფნა, თანაგრძნობა და გამგებიანობა გამოსჭვიოდა თუმათის მიმართ.

ციციც აიძულებდა თავის თავს დადისწინაირად მოპყრობოდა თუმათის, მასავით გულისხმიერი, ყურადღებიანი ყოფილიყო მისადმი. თუმათიც თითქოს გულითადობით პასუხობდა მას და მაინც ციცი ვერა და ვერ იყო თუმათისთან ბოლომდე გულახდილი, ის „რალაცა“ განიზიდავდა მის გულს ამ ქალისაგან. თავადაც ვერ აეხსნა, სახელდობრ, რა იყო ამ შინაგანი გულმიუსვლელობის, უნდობლობის მიზეზი; არადა, მათ შორის ნამდვილად არსებობდა ეს თვალისთვის უხილავი, მოუხელთებელი ჯებირი, რომლის გადალახვა ციცის გულს ჯიუტად არ სწადდა და რის გამოც ასე შებოჭილად გრძნობდა ხოლმე თავს მასთან. შესაძლოა, ეს თუმათის თვალეების ბრალიც იყო, რომელიც დროდადრო რალაცნაირი ყინულიანი სიცივით უბზინავდა; ან იქნებ ის გამგმირავი მზერა იყო დამნაშავე, უნებური კრთომითა და შიშითაც კი რომ აღავსებდა ციცის გულს და ტანში ზრინავდა ხოლმე. ან იქნებ თუმათის ხმა ვერ ფარავდა მის მბრძანებლურ, ყინწ ბუნებას, ვინმესგან შეპასუხებას ან მით უმეტეს, წინააღმდეგობას რომ ვერ ითმენდა.

თუმცა ალაგმული, მოთოკილი, მაგრამ მაინც უზარმაზარი ძალა იღვრებოდა ამ თითქოსდა გაჩინკული, ძვალტყავად ქცეული მახვამურის-

გან, ყბა ყბაზე რომ ჰქონდა აცმული; როცა უბნობდა წვრილი, გამხდარი ყელის ძარღვები ებერებოდა და უთროთოდა და ციციც ჯადოქმნილივით, მონუსხული თვალს ვერ ამორებდა მას.

* * *

...ბოჩიმ ერთი-ორჯერ კიდევ სცადა შერიგება ხან ძაძუს, ხან მამიდა ფათულიას მეშვეობით, მაგრამ ყოველგვარი ცდა ამაო გამოდგა.

რაკილა ხელი ჩაიქნია ციციისთან შერიგებაზე, ბოჩიმ სულ მალე თავისი ძველი სახლიდან მოშორებით ახალი, ჩინებული სასახლე ააგო. გაავსო იგი შინამოსამსახურეებით და ხარჭებით. მალევე გადმოიყვანა იქ თავისი ფინიკიელი შუშუ და შეუდგა ახალ ცხოვრებას.

ციცი გოგონებითურთ დარჩა ძველ ყუდეში და რაკი ბოჩი უკვე არად დაგიდევდათ იათნანურ წესებს, ციციმაც ქურუმების ჩაურევლად, ჩათვალა განქორწინებულად თავისი თავი.

პირველ ხანებში ბოჩი გოგონებს ვერ ელეოდა. განსაკუთრებით უმცროსი უყვარდა, დადუ, პირნავარდნილი მამა რომ იყო გარეგნულად. დააპირა კიდევ წაეყვანა იგი თავის ახალ დოხოვრეში, მაგრამ დადუმ ქვა ააგდო და თავი შეუშვირა. არც ძვირფასმა საჩუქრებმა გასჭრა და არც არანაირმა ხვეწნამ და მუდარამ.

ციცი ცდილობდა გაენელებინა ბავშვებში გაბოროტების გრძნობა მამის მიმართ, მაგრამ ატყობდა, ტყუილი წყლის ნაყვა იყო ყველაფერი, ანდა პირუტყუ ნაყოფი მოჰქონდა მის შეგონებებს ამიტომ თავი დაანება, მოეშვა ამაო მცდელობას.

მოკლე ხანში ბოჩი დიდი ნოღას ხუნუს¹ ნევრად აირჩიეს, ანუ უფრო სწორად რომ ვთქვათ, ბოჩიმ იყიდა ეს ადგილი და დედაქალაქშიც წამოჭიმა საკუთარი სახლი.

ამასობაში, მთელ იათნანაზე ფრიად საგულისხმო ცვლილებები ხდებოდა. ქურუმთა საბჭო სინამდვილეში გაუქმდა, რადგან ახალი ხელისუფალი, ქვრივი დედოფლის იამზეს ვაჟი – უფლისწული ვაჩე მას აღარაფერს ეკითხებოდა. არც ეს, ეგრეთწოდებული არჩეული სხუნუ წარმოადგენდა სუფთა იათნანურს. უმეტესობა ადგილებისა იქ დაიჭირეს ფინიკიელებმა, რადგან ვაჭრობა ძირითადად მათ ხელში იყო, ამიტომაც ადგილების მეტი რაოდენობით შესყიდვაც მათვე მოახერხეს. ვაჩეს მეუღლე-ფინიკიელი დიაცი, ფარულად თუ ამკარად, ყოველნაირი ხერხებითა და საშუალებებით ხელს უწყობდა თანამემამულეთა დაწინაურებას.

¹ საბჭო.

ამ მოსაჩვენებელ სხუნუშიც ფეხი ამოაკვეთინეს დედაკაცებს, რომელთაც ძველად, იათნანური წესით, იმდენივე წარმომადგენელი ჰყავდათ საბჭოში, რამდენიც მამაკაცებს და ისეთივე უფლებებით სარგებლობდნენ, როგორც ისინი.

რაც შეეხება ბოჩის და ციციის ვაჟებს, ისინი მართლაც იწაფებოდნენ და ოსტატდებოდნენ ტიროსში და თუმცა ჯერაც ჩამოჰყავდა ბოჩის ისინი ზაფხულობით იათნანაზე, თანდათან იგინყედნენ იათნანურს და იათნანას.

ბოჩიმ ერთი გზობა, მათი მეშვეობითაც სცადა ციციისთან შერიგება, მაგრამ რაკილა ამითაც ვერაფერს გახდა – საბოლოოდ დაემშვიდობა ამ აზრს.

გავიდა დრო და ხანი.

ერთხელ, ზღვისკენ მიმავალ ციციის ვიდაც უცნობმა ახალგაზრდა მეთევზემ ჩაუარა და სალამი უთხრა. ფიქრებში წასულმა ციციმ გვიან მოუხედა უცნობს. მეთევზის მიხრა-მოხრამ და წამიერმა თვალის შევლებამ გონებაში უცებ წამოუტივტივა ერთი მოგონება.

...ტოტებგაბარჯლული ცაცხვის ჩეროში თავი მოეყარათ გოგო-ბიჭებს და ჟრიაშულობდნენ. მეზობლის გოგონას, ფაციას ყმაწვილი მამიდაშვილი ჩამოსვლოდა მთიდან და ნათიასთან, ციციის უფროს ქალიშვილთა მოეყვანა სტუმარი. ახალშეღერებულ ნათიას საამხანაგოდ გული უფრო მოზრდილებისკენ მიუწევდა ხოლმე, ამიტომაც ორი თუ სამი წლით მასზე უფროს ბიჭს ხალისიანად შეეგება.

ციცი იმ დროს წაადგა თავს თამაშში გართულ გოგო-ბიჭებს, როცა „დასჯილ“ სტუმარს მსხალი უნდა ჩამოერეკა ხიდან და ჭოკა სად არის, ჭოკა მომეცითო, იძახდა.

– აგე, ლაფაროში გდია ჭოკა! – ღიმილით უთხრა ციციმ ბიჭს, რომელსაც ციციის დანახვაზე ანაზდეულად სიტყვა შეშრობოდა პირზე და ნახევრადწამომჯდარი, კისერგადაწეული შეჰყურებდა ქალს.

„დია-ღმერთო!“

ლურჯი, ბიბინა, ხვიჩასნაირი თვალეები უმზერდნენ დაუფარავი ალტაცებითა და... გაკვირვებით. ეს ისეთი მსგავსება იყო, ისეთი წარმოდგენელი და დაუჯერებელი, რომ წამით გაუელვა თავში, ეგება მართლა ხვიჩა! ეგება ხვიჩა არ დამხრჩვალა მაშინ ზღვაში და აი... ამდენი ხნის შემდეგ გამომეცხადაო ფერუცვლელი. იგივე ალფრთოვანებული გამომეცყველება თვალთა! იგივე ღიმილი!

გონს რომ მოეგო, რა სულელური აზრები მომდისო, დატუქსა თავი.

ლალი და თამამი ბიჭი ჩანდა გიო: მხიარული, ენაკვიმატი, მკვირცხლი გონების, მაგრამ ციციისთან ზედმეტად მორიდებული და უტყვი ხდებო-

და ხოლმე.

და აი, გიო უცვებ გაუჩინარდა. ამ ყინწორა ბიჭს უკვე მოესწრო თავი შეეყვარებინა „ოშორაფონის“ გოგო-ბიჭებისთვის და ამიტომაც მის ასეთ უცაბედ დაკარგვას ნათიაც განიცდიდა ერთ ხანობას, მაგრამ დრომ თავისი ქნა და გიო თანდათან გადაავიწყდათ.

...სალამო ჟამს, ნაპირზე ჩვეულებისამებრ, თავის ამოჩემებულ ფიჭვის როკზე მჯდარი გულდამძიმებული ციცი მისჩერებოდა ზღვის უსაზღვრო სივრცეს. აღარაფერი ახალისებდა და ახარებდა, დღე და ღამ მხოლოდ თავის ბიჭებს დასტრიალებდა ფიქრით.

ზღვის ყურება სევდა-ნაღველს და მწარე ფიქრებს უნელებდა და ახლაც, მისდა უნებურად, ღიღინი დაინყო. ძველი სიმღერა მოაგონდა, ბავშვობისდროინდელი.

უცვებ ხვინჭის ხრაშუნის ხმამ გამოარკვია. მოიხედა. გიო იყო. ერთი პირობა ველარც იცნო. მარტო თვალებილა დარჩენოდა დალეულ სახეზე.

– გამარჯობა, ციცი!

– გაგიმარჯოს, გიო! – „ციცი?... როდის აქეთია ასე რომ გამიშინაურდა?“

– როგორ ხარ, გიო? უცვებ ვერც კი გიცანი... როდის ჩამოხვედი? – არაფერი შეიმჩნია ციციმ. „ბაეშვია, ეპატიებაო“, გაიფიქრა მიმტვევ-ბლურად.

ბიჭი მოშორებით დაჯდა, მკლავები მუხლისთავებზე შემოიხვია და გაირინდა.

დარდიანი ჩანდა ბიჭი, გაცრეცილი.

„რა დაემართა? ავად ხომ არ იყო? ან... ეგება უსიამოვნება შეემთხვა რამე?“ – ხომ მშვიდობაა, გიო? – მოუნაცვლა კითხვა.

– მე სახლში ვიყავი თქვენთან ახლა... დადუმ მითხრა, დედა ზღვაზეაო და აქეთკენ გამოვნიე, – ერთბაშად ამოთქვა ბიჭმა და მერე ისევ ხმა გაკმინდა.

– ჩემთან საქმე გქონდა რამე? – აღმაცერად გახედა ბიჭს, მინას რომ დაჟინებით დასჩერებოდა.

– კი მქონდა! – დააქნია თავი ბიჭმა და პირდაპირ შეხედა სახეში.

– გისმენ, ჩემო კარგო! – „თუ რამე მნიშვნელოვანი უნდა მითხრას, ასე ცეტი და უგუნური რაფერ იქნება, ამაზე აქ დამიწყოს უბნობა?“

– მე... მე მინდოდა მეთქვა... – ბიჭს ენა დაეხა, გაჩუმდა და კვლავ მინას დააცქერდა.

– ეგება სჯობია შინ ნავიდეთ და იქ ვისაუბროთ? – „რალაც უჭირს უთუოდ და... ვერ ამხელს?“

უცვებ წამოდგა. ბიჭიც მაშინვე წამოიჭრა.

– არა. არა. იქ არა! – ისეთი შიში გამოეხატა ერთბაშად სახეზე, ისეთი თვალები გაუხდა, რომ ციცის უნებურად გაეღიმა:

– კარგი, გიო. რახან ასე გემინია ჩემი სახლის... აქ მითხარი აბა, სათქმელი...

ფიჭვის ხორკლიან ტანს მიეყრდნო და ღიმორეული შეაჩერდა სახეზე. „როგორ ჰგავხარ, ბიჭო, ხვიჩას! რა სასწაულია ეს! ასეთი განლიკული და ფერდაკარგული ხომ ზედგამოჭრილი ხვიჩაა მაინც“. გული შეეკუმშა. ეჰ, ხვიჩა, ხვიჩა! იმ გარდასულ, დაუბრუნებელ ხანაზე აუტირდა გული რატომღაც.

– მე ცოლის შერთვა გადავწყვიტე, ციცი! – მიახალა გიომ ანაზდად და ანთებული მზერა მიუშტერა.

„ეუჰ! აბა შენ ყოფილხარ, რა! ნუთუ სხვა ადგილი ვერ იპოვე, ბიჭო, ამის სათქმელად... ეჰ, მართლა, რას ნიშნავს ბაღლობა და სიშტერე“.

– მერე რაო? ქალი არ მოგყვება თუ?.. – ხუმრობის კილოთი დაეკითხა ციცი.

– ციცი! გთხოვ... ძალიან გთხოვ, ნუ მამასხარავებ!

შუბლი შეიკრა ერთბაშად ქალმა:

– მე შენ კარგ ყმანვილად გიცნობ, გიო. ჯერ-ერთი, შენთვის მე ციცი არა ვარ, და გარდა ამისა...

– მე შენ მიყვარხარ, ციცი! – შეანყვეტინა უცვებ გიომ განწირული ხმით: – ეგება ეს შეშლილობაა, მარა მე... უშენოდ არ შემიძლია, გესმის, ციცი? არ შემიძლია. მორჩა და გათავდა! თუ შენ ცოლობაზე უარს მეტყვი, თავს არ ვიცოცხლებ, იცოდე!

თვალები ამღვრეოდა, სახე აფორაჯებოდა ბიჭს. ქალის წინ ვილაც უცხო, უცნობი და... საშიში კაცი იდგა ახლა.

და სანამ განცვიფრებული ციცი გონს მოვიდოდა, ბიჭი მუხლებზე მოეხვია, სახე კაბის ნაკეცში ჩამალა და ყრუდ აქვითინდა.

– მე ვცდილობდი გადამევიწყებინე... ჩემს მზეს გეფიცები!.. ვცდილობდი... მარა ვერ შევძელ!.. ხომ ხედავ, ვეღარ შევძელ!.. სიკვდილი მირჩევნია უშენობას. ვიცი, განა არ ვიცი, შენი ღირსი რომ არა ვარ არანაირად, არც შენი ტოლი... მარა ჩემი ბრალი არაა... პირველი დანახვისთანავე შემეყვარდა... სიცოცხლე არ შემიძლია უშენოდ... ან ეგებ შენ მომკლა სულაც, შენი ხელით სიკვდილი ბედნიერება იქნება ჩემთვის! – ლულულულებდა გიო და ციციბანივით კანკალებდა, მუხლისთავებს და ხელებს უკოცნიდა ციცის და ღვარ-ღვარად ჩამოსდიოდა ცრემლი ალენილ ღანვებზე.

შესძრა და შეარყია ამ სურათმა ციცი. ახლა ხელისკვრა, ანდა ბიჭის გაბიაბრუება დაუშვებლად ჩათვალა. ასეთ ასაკში შელახული თავმოყვა-

რეობა ადვილად პოულობს ხოლმე გამოსავალს დაუფიქრებელსა და ხშირად საბედისწერო საქციელში. ციცის ეს არ უნდა დაეშვა. მეტადრე, რომ ამ ყმანვილისადმი რალაცნაირი თბილი, მშობლიური გრძნობა გააჩნდა.

უნდა დაეყვავებინა და როგორმე ცნობაზე მოეყვანა ბიჭი.

ერთხანს აცალა, რომ გული მოეოხებინა. მაგრამ ბიჭი არ წყნარდებოდა, არ მშვიდდებოდა: პირიქით, სულ უფრო და უფრო ფიცხდებოდა და ეგზნებოდა.

– ადექი ახლავე! რა წესია მინაზე ხოხიალი? თავმოყვარეობა არა გაქვს?

აღბათ ეს სიტყვები და კილო იყო ის უებარი საშუალება, რამაც გიო გამოაფხიზლა და ფეხზე წამოაყენა.

გაოცებით შეაჩერდა ქალს.

– ჩემი დაღუპული სიყრმის მეგობრის ხსოვნის გამო – ასე ძაან რომ ჰგავხარ, გპატიობ ამ უმგვან საქციელს. ახლა ნადი და როცა მოერევი შენ თავს, მერეღა შეგიძლია დამენახვო! და გახსოვდეს ერთი რამ: მამაკაცი, რომელსაც არ ძალუძს სძლიოს არასაჭირო გრძნობას, პატივისცემის ღირსი არ არის!

„ამ დღესაც მოესწარ, ციცო! გუშინდელი ღლაპები რაებს გიბედავენ!“

– გაივლო გუნებაში უფრო საკუთარ თავზე განანყენებულმა. როცა ეს თმაქორორა ბიჭი ცრემლთა ფრქვევით ხელებს უკოცნიდა, წამით წაიშალა დროის სამანი, თავი ისევ პატარა, ნორჩ გოგონად წარმოიდგინა – იმ შორეული ხანის ციცო გეგეშხედ, ყმანვილი ბიჭები თავს რომ ევლებოდნენ და ზედ დაჰფოფინებდნენ. ამ წვრილი, თეთრი კისერის, სალუქი კანის შეხედვაზე უსაშველო სურვილი გაუჩნდა, ნაზად მოფერებოდა, მიაღერებოდა – ქალური სურვილითა და ნდომით.

ციცი ცდილობდა, მამრის ხსენება სამუდამოდ ამოეგდო გულიდან. საკმარისად მიაჩნდა, რაც ინვინია და იგემა სიყვარულის გამოისობით. და მაინც... არ ელეოდა ფარული თუ აშკარა თაყვანისმცემელი. იმასაც კარგად ატყობდა, გულს ასე იოლად რომ ვერ მოერეოდა. რადგან... ზოგჯერ გასაოცარი ძალით მოენატრებოდა სითბო და სიყვარული, თან-აგრძნობა და ნუგეში, მაგრამ გაკერპებული, გაჯიუტებული ნებისყოფა ყოველნაირად თრგუნავდა და ახშობდა ამ სურვილსა და მონატრებას. შინაგანი ჭიდილისაგან დაღლილ-დაქანცულ გულს ისევ რკინის სალტეს შემოაკრავდა და... ამყადა კისერალერილი ზეიმობდა მორიგ „გამარჯვებას“!

ახლა კიდევ ეს მოულოდნელი, უცაბედი აფორიაქება! გამწარდა თავის თავზე და მერე როგორ!

– ციცო!.. მე მინდა გითხრა...

– ჩემი სათქმელი მე უკვე გითხარი! – ხაზგასმული სიმკაცრით დაუმარცვლა ბიჭს და ზურგი შეაქცია.

„ჰოი, ძვებრავ, ძვებრალე! შე წყეულო მზაკვარო და მაკვარანცხო! ეშმაკეულო საცთურო და ბოროტო სულო!.. რაფერ მიყელე!“

და გაახსენდა ერთბაშად დადის შეგონება: არავინ უწყის, საიდან და როდის გამოტყვევება ძვებრა. სულიერი არსება ყოველჟამს მზად უნდა იყოს მის მოსაგერიებლად!

სამსჯავრო

(გაგრძელება)

... ხანგრძლივი დუმილი, რაც ბოჩის ჩაფიქრებას მოჰყვა, მსაჯულთა უხუცესმა ბადრამ დაარღვია:

– მამ, შენ ადასტურებ, უფალო ბოჩი, რომ შენმა... პირველმა ცოლმა ციცო გეგეშხემ მოკლა უფალი აპე – ფინიკიელი დიდვაჭარი და ფრიად წარჩინებული კაცი – შენი მეორე ცოლის ძმა?

ბოჩიმ მხრები აიჩეჩა. იგი ისევ სადღაც, ქურუმ-მსაჯულთა თავებს ზემოთ იყურებოდა:

– ვგონებ... აგრე უნდა იყოს!

– დიახ... დიახ, რასაკვირველია! – ღრმად პატივცემულმა უფალმა ბადრამ ჩაახველა და მერმე დასძინა: – სამსჯავროს სურს გაიგოს შენგან, უფალო ბოჩი, იმ განძის თაობაზე, ბებიას რომ დაუტოვებია შენთვის და რის გამოც, ვითარცა ჩანს, მოხდა ეს უბედურება!

ბოჩის კვლავ სივრცისთვის მიეშტერებინა მზერა. მერმე შეირხა, თითქოს ბურანიდან გამოერკვაო, ხმა ჩაიწმინდა:

– ადრე... კაი ხნის წინ შევუთვალე მე... მაგას. ერთი ახლობელის პირით... დაებრუნებინა ჩემთვის ნაწილი იმ კირბიშებისა, დადიმ რომ დაგვიტოვა.

– მერმე? დაგიბრუნათ კირბიშები თუ... არა?

– არა. არ დაუბრუნებია.

– რათაო? რა მიზეზით გითხრა ვარი!

– არც ვარი უთქვამს და... არ ჰო!

– ჰმ, ჰმ... ესე იგი პასუხის ღირსიც არ გაგხადათ... არა?... გასაგებია, გასაგებია! სხვანაირად ვერც მოიქცეოდა ეგეთი დიაცი. დიახ. მამასა-დამე, როცა თქვენს მიერ გაგზავნილი უფალი აპე ეახლა ციცო გეგეშხეს...

– აპე სიძველეთა მოყვარული და დამფასებელი იყო... – შეანყვეტინა

ანაზღად უფალ ბადრას ბოჩიმ: – მე და ჩემმა მეუღლე შუშუმ ვიფიქრეთ... ჩვენ გვეგონა... აპე საერთო ენას გამონახავდა... მაგასთან!

– მოუნახავს კიდევ საერთო ენა და ეგაა! – წამოისროლა ვილაცამ როყო ხმით დარბაზში. ყრუ სიცილიმა გადაუარა შეკრებილთ.

– სიჩუმე იყო! – წამოიკრიფა ძონძროხა მსაჯული თუნთია და ხარის თვალები გადაუბრიალა ხალხს. მერმე მოსასხამის კალთები ძლივსძლივობით აინია და ქშენა-ქშენით ჩაეშვა საკარცხლულში. მსაჯულთუხუცესმა ბადრამ აცალა დარბაზს დანყნარება და კვლავ ბოჩის მიუბრუნდა:

– ჰმ, ჰმ... მაშასადამე, ამ განძის ნიადაგზე მომხდარი ჩხუბის დროს, ვითარცა ირკვევა, გაბოროტებულმა ქალმა მოჰკლა უფალი აპე... ამას შენც უარს არ ჰყოფ, უფალო ბოჩი, არა?

– რის გამო მოჰკლა აპე, ეგ, უპრიანია, თავად ქალს ჰკითხოთ, ღირსეულო მსაჯულო!

– ჰმ, ჰმ... რასაკვირველია, რასაკვირველია... მაგრამ, სამწუხაროდ, ციცი გეგეშე არ კადრულობს პასუხის გაცემას... მადლობელი ვართ შენი, უფალო ბოჩი! შეგიძლია ნაბრძანდე ან... თუ გნებავს, დარჩე ბოლომდე და... სხვათაც მოუსმინო!

„რად არ იცინით, ღმერთებო? იათნანელი მამაკაცი თავის, თუნდაც ყოფილ ცოლთან აგზავნის თურმე ვილაც გადამთიელს, რათა მისი მემკვიდრით დაიბრუნოს ბებუის მიერ დანატოვარი წმინდა წიგნები, რომელიც... მას არ ეკუთვნის!.. გარნა ბედისწერამ ეგეც არ მაკმარა!“

...იმ დღეს დილიდანვე უსაშველოდ ცხელოდა. შილიფად ჩაცმული ციცი სამფეხაზე მჯდარი, სურნელოვან ბალახ-ბულახებს არჩევდა სახლზე მიდგმულ საგანგებო სათავსოში. გოგონები მეზობლის გოგო-ბიჭებთან ერთად ზღვაზე გაკრეფილიყვნენ საბანაოდ.

ნაღვლიან ფიქრებში წასულმა ვერც შეამჩნია უცხო მოსვლა. თავი რომ ასწია, ასე მიეჩვენა: წისქვილის ვირთხა მომჩერებიაო ნემსის ყუნწით წვრილი თვალებით. გაუკვირდა ეს სტუმრობა: რისთვის შემოეხეტა ეს ცხვირჯა¹, ქარაქუცა ფინიკიელი ჩემს ოხორეშიო, – გაიფიქრა ამრეზით და უპასუხოდ დატოვა აპეს მეტისმეტად ქლესური და მაღალფარდოვანი მისალმება. მერმე ვითომ სასხვათაშორისოდ, კაბის კალთები გაისწორა, რადგან ფინიკიელის ქურდული, ხარბი მზერა დაიჭირა. რა გნებავთო, ჰკითხა საკმაოდ უკმეხად, უდიერადაც კი, და ფინიკიელის თავს ზევით მიაცქერდა რომელიღაც წერტილს.

ანაზღად აპე მის გვერდით აღმოჩნდა.

– ოსურპატონი² ციცი... სულ ასე მარტო როდემდე უნდა იყოთ? ოჰ,

ასეთი მზეთუნახავი ქალი...

ფინიკიელი ინმანებოდა, ხელებს იფშენებდა და თავის ჭიან, წვეტიან კბილებს წარამარა აჩენდა.

ზიზლიანი მზერა ესროლა სახეში წამიერად: „რა მუცლის გვრემა ასტყდომია ამ ქონდრისკაცს, ნეტაი?“

ფინიკიელი უფრო ახლოს მიუცუცქდა და გაზინთული, დაელმებული თვალებით ახედა.

„მართლა, ვირთხას არ ჰგავს ეს ოჯახქორი!“ – გაუელვა თავში და კინალამ გაეცინა.

– ოჰ, რა მშვენიერი თმა გაქვს, ციცი... რა თეთრი, სპილოსძვლის ფერი სახე, რა მკლავები, რა კისერი, რა ძუძუ-მკერდი! ვერ გამოგია, რა ნახა ბოჩიმ ჩემს მათხოვჯ დაში. ოჰ, ოჰ... – შეუწყვეტელ ნაკადად მოედინებოდა ფინიკიელის ლაქარდიანი ენიდან სიტყვების კორიანტელი: – ოჰ, რამდენ მამაკაცს სწავს შენი სურვილი, ციცი! შენ ამ ქოხში კი არა, ყველაზე უბრწყინვალეს სასახლეში უნდა იჯდე დედოფლად... და დედოფლები შენ უნდა გემსახურობდნენ, რადან შენს მშვენებასთან ვერ მოვა ვერც ერთი ქალის სიტურფე დედამინის ზურგზე! შენ უნდა გეთაყვანებოდნენ, როგორც ქალღმერთ ასტარტას!

აცალა, დაცლილიყო. ბოლოს სხვათაშორის, ვით ძაღლს მიუგდებენ ხოლმე გამოხრულ ძვლებს, ისე უთხრა:

– იმისთვის მოხვედი, რომ ეს სისულელები რომო? აბა, მოუსვი ახლავე აქედან!

იხტიბარი არ გაიტეხა აპემ. თუმცა, შეეცყო მაინც, რომ საშინლად ემწავა ქალის სიტყვა და კილო. ყვიციანი სახე გაუმწვანდა.

– ოსურპატონი ციცი... მაპატიე, მაგრამ... მე საქმეზე გიახელი, თუმცა შენმა სილამაზემ თავბრუ დამახვია, თავგზა დავკარგე... რალა გასაკვირია? მე კი არა – ჩემისთანა საცოდავ ჭია-ლუას კი არა – თვით მზეს და მთვარეს დაუბნელებს თვალებს შენი იგავმიუნვდენელი მშვენება, მე...

– რა საქმე უნდა გქონდეს შენ ჩემთან? – შეანყვეტინა კვლავ გოროზად ციციმ და თვალი თვალში გაუყარა. ყოველგვარი ზრდილობათავაზი განზე გადასდო. არავითარი სტუმარ-მასპინძლობის გრძნობა არ გააჭაჭანა გულში. ჯიქურ, ვით მტერი მტერს, ისე ზომავდა თავითფეხამდე.

– მე... ისა... რომ... მე ბოჩიამ... – აბლუყუნდა უცებ აპე ციცის მზერისგან ნირნამხდარი. თვალები აცა-ბაცა გაურბოდა და ხელებს გამეტებით იფშენებდა: – მე ბოჩიმ გამომგზავნა შენთან, ქალბატონო ციცი, რათა... მე...

– რაო, რაო? ვინ გამომგზავნაო, რა ბრძანე?

¹ დიდცხვირა.

² ქალბატონო.

– დიას, ჰო, ბოჩიამ. ბოჩიამ გამომგზავნა. რატომ გაიკვირე ასე? – ეტყობოდა, დაეუფლა თავს, ხმაში რიხი ჩაელვარა ანაზდად. ციცის თავისი სჭირდა და აპეს განცდებისთვის სულაც არ ცხელოდა. მერმე, კარგა ხნის მერმე აღადგინა გონებაში იმ საბედისწერო შეხვედრის ყოველი ნვრილმანი.

– შენ... ბოჩიამ გამოგაგზავნა... ჩემთან? – გულზე ხელი მიიდო ციციმ უზომოდ განცვიფრებული სახით. „თუმცა... რატომაც არა! ამ ქვეყნად, ყველაფერია მოსალოდნელი“... – მერედა, რაო? რა მინდაო ბოჩი ბატონმა? რისთვის გაგსარჯა ძვირფასი სტუმარი და ნათესავი? რა დაგაბარა?

– მისი ბების დანატოვარი – უძველესი კირბების დაბრუნებას მოითხოვს შენგან, ოსურპატონი. ხოლო... რაკილა მე, შენი მონა-მორჩილი, სიძველეების მცოდნედ ვითვლები... ჩემზე უკეთეს შემფასებელს იგი ვერ იპოვის. ყოველ შემთხვევაში, ასე ჩათვალა თვითონ, ჰოდა... – უკვე აღარ უსმენდა ფინიკიელის ლაქლაქს. „ღმერთო დიდებულო! ბოჩიამ აპე გამომიგზავნა კირბების წასაღებად!“

ენაწართმეული, გულზე ცეცხლმოკიდებული შეურხევლად იჯდა და უაზრო თვალებით შესცქეროდა აპეს. ასე შეურაცხყოფილად მაშინაც კი არ უგრძვნია თავი, ოხორეში ფინიკიელი ხასის მოყვანა რომ შესთავაზა ბოჩიმ!

„ღია ღმერთო! ღია ღმერთო! ნუთუ... ნუთუ...“

ახლა სულ ერთი იყო მისთვის, ცა ჩამოექცეოდა თავზე თუ მინა გაუსკდებოდა ფეხქვეშ.

– მაგრამ მე მართლა ამისთვის არ მოვსულვარ შენთან, ციცო... ეს ჩემთვის, რასაკვირველია, საბაბი იყო. საამისოდ მე თვითონ შევავლიანე ჩემი დაია... მე შენი ნახვა მინდოდა, ციცო. ამდენი ხანია ვინვი და ვიდაგვი შენთვის! ამდენი ხანია ვითმენ შენს სიყვარულს. ამდენი ხანია ვწვლობ, ვიტანჯები. მეტი აღარ შემიძლია. მზადა ვარ, მთელი ჩემი ქონება შემოგწირო – ქონება კი იმდენი მაქვს, მთელ იათნანას იყიდის! მზადა ვარ, ვიყო შენი ყურმოჭრილი მონა, ოღონდაც შენი ალერსის ღირსი გამხადე: თუ გინდა აქედან გავიქცეთ, ვიცხოვროთ სადაც გინდა, სადაც ინებებ – ტიროსში თუ თებეში... შენს ქალიშვილებს ნამდვილ მამობას გავუწევ: მე გავამზითვებ... დედოფალივით იცხოვრებ და იმეფებ ჩემს გულზე სიცოცხლის დასასრულამდე, როგორც უსაყვარლესი და უძვირფასესი მეუღლე. შენ, მზისდარ ქალს, რა გინდა აქ, ამ ქოხში? შენ...

ცნობიერება უბრუნდებოდა და... თანდათან ჩანვდა ფინიკიელის სიტყვების აზრს და მნიშვნელობასაც. უცებ მოზღვავდა რაღაც შეუცნობი ბნელი და... ერთიანად წაღეკა მთელი მისი არსება.

– გაეთრიე ახლავე აქედან, შე ვირთხავ შენა! და შენი ფეხი არ ვნახო

აქ მეორედ, თვარა... – წამოინია. რისხვისგან გონდაკარგულს გულმა ყელში დაუწყო ცემა.

ფინიკიელი გველნაკბენივით დაიკლაკნა. უცებ თვალეში ავი ნაპერ-ნკლები გაუკრთა წამიერად, მაგრამ ეტყობა, სძლია თავს, სქელ ტუჩებზე დათაფლული, მასამბლური ღიმილი გაუკრთა ისევ, თუმცა ყუყასავით შავ დაწვრილებულ თვალეში შეფარული გაბოროტება და ღვარძლი ჩაღვროდა.

– ოჰ, ეს მიტოვებული, დაწუნებული იათნანელი ქალები და მანც... ასეთი ამაყები, ასეთი დიდგულები და... ასეთი მშვენიერები! – ჩაიბუტბუტა და ხელები მოისრისა კვლავ უცნაური მანჭვა-გრეხით.

ოფლის და კიდევ რაღაც მყრალი, მხოლოდ ფინიკიელებისთვის დამახასიათებელი სუნი ეცა ცხვირში ციცის და სანამ გულდაღადრული, აზრშერყეული რამეს მოისაზრებდა, უცებ ფინიკიელი ეძგერა და სოხანეზე წამოაქცია. ისეთი მოულოდნელი იყო ეს თავდასხმა, რომ ციცო წამით გაშტერდა, დაიბნა, მაგრამ მეორე წამს უკვე ფეხზე იყო. ისევ ეტაკა აპე. რომ არ ეგონა, ისეთი ღონე აღმოაჩნდა ამ მტკაველა დასხირპულ ჩიაკაცს. აღარ უშვებდა მკლავებში ჩაბლუჯულ ქალს, რაღაცას ლულულულებდა, ბლუკუნებდა, ოხრავდა და ქმინავდა.

უსაშველო ზიზლის გრძნობამ ღამის დაახრჩო... „ამ ზღმურტლიანმა, ბინძურმა ვიგინდარამ ხელი როგორ შემახოო“, გაუელვა სიბრაზისგან გაცოფებულს, წამიც და...

აპემ ჯარგვლის მეორე კუთხეში მოადინა ბაყვანი.

ფინიკიელი, როგორც იქნა წამოიკრიფა და... ანაზდად მის ხელში დანამ გაიელვა.

– გაგათავებ ახლავე, შე გველო, ასპიტო! – დაკრეჭილ კბილებში გამოსცრა და მოკუზული, მოპარული ნაბიჯებით წამოვიდა ქალისკენ.

სიძულვილის ტალღამ ერთბაშად ჩაძირა ციცო ლურლუმელში. გონება დაუბნელდა. მერმე ისევ გაუნათდა თითქოს თავში.

ხელი დასტაცა სამფეხა სკამს, იქვე, მის ფეხებთან რომ ეგდო გადაყირავებული და... ხელებში გაუქანა ფინიკიელს, მეორე წამს ისკუპა, ძირს დავარდნილ დანას თვალის დახამხამებაში დაავლო ხელი და შიგ გულში აძგერა. ჩანს, ამოდ არ დააქროლებდა ყმანვილ-ქალობისას უბელო ცხენებს და ამოდ არ ითვლებოდა ნიშონას მუხურში და მთელ იათნანაზეც საუკეთესო მოხმალავედ და მორბენლად! თუმცალა – კაი ხნის წინ იყო ეს ყველაფერი, ჯერ კიდევ მაშინ, გოგონები რომ ბიჭების თანაბრად ინვრთნებოდნენ, როცა დედაკაცი დედაკაცობდა და მამაკაცი მამაკაცობდა იათნანაზე!

მოღნიშებულ კარებში უცებ ძაძუს შეძრწუნებული სახე დალანდა.

არ ახსოვს, რამდენ ხანს შესცქეროდნენ ერთმანეთს: ალბათ სულ ერთ წამს, მაგრამ ასე მოეჩვენა, საუკუნეა უწყურებით ერთი მეორესო.

დაძუ მყისვე ციციის გვერდით გაჩნდა და თვალისწამში დანა გამოსტაცა ხელიდან:

– ეს ფინიკიელი ძალღი მე მოგკალი! – გამოსცრა კბილებში და გასასვლელისკენ გაემართა.

– ვით ბედავ! მომეცი ახლავე!

თავისავე ხმამ შეზარა ციცი. უტეხი დაძუც კი შედრკა მისი მზერის წინაშე. მცირე ხანს თვალებით ბურღავდნენ თითქოს ერთმანეთს, თუმცა ციციმ უკვე იგუშანა, რომ ეს ორთაბრძოლაც მოიგო.

დაძუმ დანას ხელი შეუშვა და იგი ძირს, სოხანეზე დაეცა. ციცი მსწრაფლ დანვდა დანას.

გარედან აჩქარებული ფეხის ხმა მოისმა.

გოგონები ზღვიდან დაბრუნებულიყვნენ.

დაძუს გვერდით, მოღიავებულ კარში ნათიას და დადუს თვალებს რომ შეეფეთა, დანა უნებურად ხელიდან გაუვარდა. მკლავები მოწყვეტილი ჩამოუცვივდა. თვალები მოხუჭა და წამით გაქვავდა.

მერმე შეირხა, ხელები წინ გაიშვირა და მთვარეულივით, არეული ნაბიჯებით გასწია კარისკენ. ისეთი შეგრძნება დაეუფლა, ეს წინ განვდილი სისხლიანი ხელები თითქოს ვიღაც სხვისი იყო.

გზა უტიეს ძრწოლაატანნილებმა.

ბანცალ-ბანცალით გავიდა ეზოში. სახე გაჰყინვოდა, თვალებიც. თავში სრულ სიცარიელეს დაესადგურებინა.

ძენწის ჩეროში ჩამოჯდა. ქვეცნობიერად ის ალაგი მოძებნა, სადაც დადის უყვარდა ხოლმე მუხლის ჩადრეკა-მოსვენება.

ხელები კვლავ წინ ჰქონდა გაშვერილი უაზროდ. არა. ეს მისი ხელები არ იყო, ის ამბავიც თითქოს არ ეხებოდა ციციის, რაც ამ ხელებმა ახლახანს ჩაიდინეს.

* * *

... გულგრილი იერით იჯდა მერხზე და არაფრისმხედველი, ჩამქრალი თვალებით უმზერდა ზღვის სივრცეს. სინამდვილეში კი შიგნით, გულმუცელი ემღვრეოდა, ნაირნაირი აზრები არ ასვენებდნენ. ტვინს უხვრეტდნენ, აფორიაქებდნენ.

„...იმის მიხედვით, თუ რა ფუსფუსი ატყდა მცველებს შორის, ციცი მიხვდა, რომ ერთობ მნიშვნელოვანი და საპატივცემულო პიროვნება მობრძანდა მასთან. და მართლაც, დედოფლის ვაჟის – ვაჩესგან გამოგზავნილი დიდმოხელე ბაგი ლამბაში აღმოჩნდა ეს ჭარმაგი, ნვერ-ულვაშ-

შეჭალარავებული კაცი, ერთობ მედიდური მიხრა-მოხრა რომ ჰქონდა, თვითკმაყოფილი იერი და დაჯერებული გამოხედვა.

ციცი მოგონილი გულგრილობით შესცქეროდა, თუ როგორ მიუბრუნინეს მას ხის საკარცხლული, რომელსაც იგი დიდხანს ირგებდა. დამჯდარიც კარგა ხანს ხვანცალობდა, სანამ მოხერხებულად მოკალათებოდა და ხელსაყრელ მდგომარეობას შეირჩევდა საუბრის დასაწყებად. როგორც იქნა, ამოიკეცა უფალმა ბაგიმ მოსასხამის კალთები, სახელოები ფაქიზად და საგულდაგულოდ გაისწორა, შემდეგ კოტიტა ხელის მტევნები სახელურზე ჩამოასვენა და დაკვირვებული მზერით მიაჩერდა ნარზე ჩამომჯდარ ციციის, ერთმანეთში ჩახლართული ხელები რომ კალთაში ჩაენყო და უდრტვინველი, მშვიდი იერით იმზირებოდა.

ერთხანს ორივენი მდუმარედ შესცქეროდნენ ერთმანეთს, თითქოს ზვერავენო ერთიმეორეს. შემდეგ ციციმ სახე მიაბრუნა და მზერა ორკეს¹ მიუშტერა, საიდანაც მუქილურჯი ცის ნაგლეჯი მოჩანდა. გულგრილი იერით ცდილობდა შეენიღბა დაძაბულობა და შინაგანი მოუსვენრობა, ძარღვებში რომ შესდგომოდა.

მოსულმა ჩახველა, ყელი ჩაინმინდა. ეს იმის ნიშანი იყო უთუოდ, სიტყვის სათქმელად რომ შეემზადა. ციციმ შეუმჩნევლად მუშტი მომუჭა.

– შვილო ჩემო, ჩვენი დიდებული დედოფალი იამზე, უფალი ვაჩე და მისი მეუღლე და მთელი სასახლე დიდად სწუხს ყოველივე იმის გამო, რაც მოხდა... – შემპარავი, ფრთხილი ხმით ლაპარაკობდა უფალი ბაგი.

ციცი შეურხველად იჯდა და კვლავ ხაზგასმული დაჟინებით მისციელებოდა ჭვიტეს².

– ჩვენ ყველას, და მათ შორის მეც, რასაკვირველია, ფრიად გვადარდებს და გვალონებს შენი ბედი, შენი გოგონების მომავალი!..

ციცი ისევ უძრავად იჯდა, მხოლოდ მწარე, დამცინავმა ღიმილმა შეუტოკა ტუჩები ნამიერად: „დარდით აღარა ხართ სწორედ!“

როცა მიხვდა, რომ ქალი არ აპირებდა ხმის ამოღებას არც ზრდილობისა და არც მოჩვენებითი მაღლიერების გამო, უფალმა ბაგიმ შუბლი შეიჭმუნხა, ხმაში მკაცრი კილო გამოურია: – შენ დედა ხარ, უწინარეს ყოვლისა, და როგორც ყველა დედა, შენც უსათუოდ შენს თავზე უფრო შვილების კეთილდღეობასა და ბედნიერებაზე უნდა ფიქრობდე!

ციციმ სარკმელისთვის თვალმოუშორებლივ, თითქოს მხოლოდ ტუჩებით დამარცვლა სიჩუმის შემდეგ:

– თუ ჩემს ვაჟებს გულისხმობთ, უფალო ჩემო, ისინი კარგა ხანია გულმოდგინედ ემსახურებიან დიდ ფინიკიას, ხოლო გოგონები... გო-

¹ ფანჯარა.

² საჭვრეტი, სარკმელი.

გონები, მართალია, ჯერ პატარები არიან, მაგრამ ღვთისთ, არ დაიკარგებონ, მიხედავენ თავიანთ თავს – ესეც არ იყოს, განგების ნებას ვერავინ ნაუვალთ!

– ჰმ, ჰმ... რასაკვირველია, რასაკვირველია... მაგრამ დედის მოსიყვარულე გული... მოჩინებულ გოგონებს განსაკუთრებით სჭირდებათ დედის მზრუნველი ხელი. მერმე, რამდენადაც ვიცით, მოხუცებული, ავადმყოფი მამა გყავთ... – სტუმარი ერთ ხანს მსჯელობდა საერთოდ დედებისა და შვილების მოვალეობის გრძნობაზე, გამწარებულ სიბერეზე. საზოგადოდ დედაკაცის გულჩვილობაზე, მის კეთილსა და სათნო ბუნებაზე, კერძოდ კი, იათნანელი ქალების კდემამოსილებასა და მოკრძალებულობაზე. და როცა ჩასთვალა, რომ ყველაფერ ამაზე ერთობ ენამოქარგულად იუბნა, წამიერად შეისვენა.

ციცი მიხვდა, რომ იგი უკვე მიახლოებული იყო მთავარ სათქმელს. მცირე ხანს მოლოდინით შესცქეროდა უფალი ბაგი ქალს, იქნებ სიტყვა ჩამომართვასო, ანდა შემეპასუხოს მაინცო, მაგრამ ციცის კვლავინდებურად პირში წყალი ჩაეგუბებინა. მაშინ თავად უფალმა ბაგამ წამოიწყო ძლივს დაფარული გალიზიანებით და...

ციცისთვის ნათელი შეიქმნა ამ იწილო-ბინილოს დედა-აზრი.

უფალი ბაგისთვის გულისგამანვრილებელი, ხანგრძლივი დუმილის შემდეგ ციციმ, როგორც იქნა, აღირსა მოსულს პირდაპირ შეხედვა, და სიტყვის განელვით წარმოთქვა:

– მე, ვითარცა გავიგე, თქვენ და ჩვენს ძვირფას მსაჯულთ უნდათ დანაშაული ვალიარო, ანუ განვაცხადო, რომ... ჩემს ყოფილ ქმარზე შურისძიების მიზნით – რამეთუ მან დიდი შეურაცხყოფა მომაცენა – და აგრეთვე იმისთვის, რომ მინდოდა დამენარჩუნებინა ბოჩის ბებისგან ნანადერძევი საუნჯე – ძველთაძველი კირბიშები – მოკვალი ჩემი ნაქმარევის მეორე ცოლის ძმა – უდანაშაულო შუამავალი, ფრიად პატივცემული დიდგაჭარი უფალი აპე... ჰოდა, ახლა ვნანობ ჩემს საქციელს და ვთხოვ ხელისუფლებას და სამსჯავროს შემინყალოს, ვითარცა ოთხი შვილის დედა და ვითარცა დიაცი. ასეა თუ არა, უფლო ჩემო?

– იახა, იახა, იახა! – სასწრაფოდ დაუკრა კვერი კმაყოფილების ღმერთს სახეგაბნეინებულმა უფალმა ბაგიმ. დიახაც რომ ციცი გეგეშხემ ყოველივე ზუსტად, ჩინებულად გაიგო. დედოფალი იამზე, უფლისწული ვაჩე და ქურუმთ სამსჯავრო გაითვალისწინებს ამ გულწრფელ სინანულს, რამეთუ ჩვენს გულმონყალე დედოფალს („სინამდვილეში რომ არაფერი ეკითხება!“) და ტახტის მემკვიდრეს უფლისწულ ვაჩეს („ფინიკიელი დედაკაცის კალთას გამოკერებულს“) არ სურთ უკიდურს სასჯელს მიმარ-

თონ, მაგრამ... თუ ციცი გეგეშხემ უწინდებურად გაჯიუტდება და გაკერპდება... ო, ო, მაშინ მას არ აცდება სამარცხვინო სასჯელი: კონცხიდან ზღვაში გადაგდება, რამეთუ მკვლელობა, მით უფრო უდანაშაულო უცხოელის და რაც განსაკუთრებით საგულისხმოა, ჩვენი მეგობარი და მოკავშირე ქვეყნის მკვიდრის – სწორედ რომ ამგვარ სასტიკ სასჯელს იმსახურებს!

„თქვენ საშინლად გაფრთხობთ ის ამბავი, რომ იათნანელი სწორედ ფინიკიელის მკვლეელი აღმოჩნდა – თანაც ვითარი ფინიკიელის? „უდანაშაულოსი“! აი, მოკლეული რომ იათნანელი იყოს...“

– ჩემი გოგონებიც ხომ იმისთვის მანახეს აქ ნუხელის, რომ... უკეთ გამეგო ყოველივე, რაც შენ მიბრძანე წელან, არა, უფალო ჩემო? – შეაწყვეტინა ანაზდად ენადგაკრეფილ სასახლის კარის დიდმოხელეს. იგი წამით შეცბა. შეიშმუშნა.

– ჰმ, ჰმ... მათ თვითონ ისურვეს ნახვა...

– ო, დიახ... მამაჩემი რომ მძიმე ავად არ იყოს, იმასაც შემახვედრებდით... დედაჩემი სამნუხაროდ, უკვე ცოცხალი აღარ არის და... ამდენად ველარ გამოგადგებათ. – შეჩერდა წამით და მერმე, თვალმონკურულმა დამცინავად განაგრძო:

– მაგრამ... უფალო ჩემო, სინამდვილეში რომ მაგრე არ ყოფილა, რავარც შენ ბრძანებ?

– როგორ თუ... სინამდვილეში? – ყბა მოექცა უფალ ბაგის მისდაუნებურადვე.

– დიახ. სინამდვილეში სულ სხვანაირად გახლდათ ყოველივე და... არა ისე, თქვენ რომ გინდათ იყოს!

– არ მესმის... რისი თქმა გსურს ამით? – დიდმოხელეს ხმაში ძველებური რიხი ჩაელვარა. თვალები დალურსა.

– იმის თქმა მინდოდა, უფალო ჩემო, რომ... ვით თქვენ ხელს არ გაძლევთ სიმართლე, ისე სიცრუე მე არ მიჯდება ჭკუაში. ამდენად... ველარ გამოვა იმდაგვარად, თქვენ რომ გნადიათ!.. ეჰ, მოგიწევთ, გინდათ თუ არა, ბოროტი დამნაშავის დასჯა! არაა სხვა გამოსავალი და... რას იზამ!

მერეც, კაი ხნის მერეც ციცის ღმერთს ჰგვრიდა ბაგის დორბლებმომდგარი პირის, დაყვლეპილ-გადმოკუსული თვალების გახსენება და აგრეთვე წარმოდგენა იმისა, თუ რა ფაცხა-ფუცხით მიაშურა უფალმა ბაგიმ გასასვლელს.

... თუმცა, ჩუ!

ქალბატონი შუშუ ლაპარაკობს, ბოჩის ძვირფასი თანამეცხედრე! აი, ბოჩიას სახლეულის და მისი ცხოვრების ოხორჯას! კი უნდა მოუსმინოს

¹ დიახ.

¹ დედაბოძი.

გულისყურით.

საშუალო ტანის, ჩათქვირებული დიაცი მწუხარე სახით, პირზე ოქრორიდე აფარებული იდგა სამსჯავროს წინაშე.

ციციმ უნებლიეთ, თვით მისთვისაც მოულოდნელი ქალური ცნობისნადილით შეათვალიერა მისი გარეგნობა.

„ვერაფერს იტყვის კაცი, ლამაზი ქალია, ცოტა... ზედმეტად მსუქანი და... ჟანგარა რომ არ იყოს!.. ვერა, მაინცდამაინც ვერ დაუნუნებ ბოჩის გემოვნებას, კაცმა რომ თქვას!“

ხოლო დიაციის მგლოვიარე იერმა უნებლიეთვე თანაგრძნობისა და სიბრალულის გრძნობა აღუძრა გულში.

„რაც არ უნდა იყოს... ძმა მოუკვდა საცოდავს!.. პატარა ამბავი ხომ არაა?“

სმენად იქცა, თუმც კვლავ უმეტყველო თვალებით იმზირებოდა და სახეზეც სრული გულგრილობა ეხატა.

შ უ შ უ

– ამ ქალს მე და ჩემი საცოდავი ძმა ჭირის დღესავით ვძაგდით, თითქოს მე ძალით შემოვიჭერი მის ყუდემში, თითქოს მე ჩემმა ძვირფასმა მეუღლემ ბოჩიმ დიდი ხვენწა-მუდართ არ ჩამომიყვანა ამ მიყრუებულ, მივარდნილ მხარეში!

ჩვენ, ფინიკიელებს ვაჭრუკანებს, ზღვის მეკობრეებს, უჯიშოებს, გაიძვერებს და ვერაგებს გვეძახის აქ ზოგ-ზოგი. ჩვენს ღმერთებს მასხრად იგდებენ, ჩვენს მოგვებს – ყასბებს უწოდებენ და ათასგვარ გარყვნილებას აბრალებენ. ნათესაობის გრძნობაც არ გაგვაჩნდეს ვითომ, რაკილა ძმას შეუძლია ცოლად შეირთოს საკუთარი და. მერედა, რითია ცუდი ეს! განა ნათესაობის გრძნობა ამით უფრო არ განმტკიცდება? აბა, იათნანაზე ყვავი ჩხიკვის მამიდა როა, ესაა თავმოსანონებელი?

– ასე ხომ არ გეზრახებოდა დამნაშავე ციცი გეგემზე, პატივცემულო შუშუ? – ჩამოართვა სიტყვა მსაჯულთუხუცესმა ფრიად მოკრძალებული კილოთი.

– პირადად ჩემთან საუბრობას აბა, ვითლა იკადრებდა ეგ მზისწული, უფალო მსაჯულო! მარა ვიცი მე, რასაც უბნობენ და რასაც ფიქრობენ აქ ჩვენზე. ჩვენ თურმე მდაბიორნი ვართ, მაშინ როცა ამ დედაკაცის წონა ოქრო მარტო ფეხებზე უკეთია დედაჩემს. დიახ!.. ვიცოდე მაინც, რითი ამაცობენ და ამპარტავნობენ ასერიგად იათნანელი ქალები? ჩვენო, დიაციებო, კაცთა თანასწორნი ვიყავითო, გაიძახიან.

ჩვენ, ფინიკიელი დიაციები, სწორე გითხრათ, არ ვეჯიბრებით მამაკ-

აცებს არასფერში. ჩვენთვის ჩვენი მამების, ძმების, ქმრების სიტყვა წმინდათანწმინდაა და წყალგაუვალი. ან რა ქალის საქმეა, თქვენი ჭირიმეთ, ჯირითი და მშვილდოსნობა!

არა, რა გვაქვს ჩვენ ვინმეს დასაძრახი, გეკითხებით? ჩვენი ქალები, ეს საყოველთაოდაა ცნობილი – უფრო მეოჯახენი, ქმარ-შვილის მოყვარულნი და ერთგულნი არიან, ვიდრე სხვები. ამიტომაცაა, თქვენი კაცები, და არა მარტო თქვენი, უპირატესობას ჩვენ გვანიჭებენ! დიახ! სილამაზე როდი გახლავთ მთავარი, ღირსეულნი, არამედ ქალურობა და სითბო. დიახ! დიახ! ხოლო ფინიკიელ ქალებზე უფრო ქალურნი, ვითარცა წელანაც ვთქვი, დედამინის ზურგზე არსად იპოვებიან. აი, ამაზეა ბოლმითა და შურით რომ სკდებიან იათნანელი დიაციები. ამათი ღმერთებიც ხომ ამათსავით შურიანები და ღვარძლიანები არიან.

– პატივცემულო შუშუ! უკაცრაული თუ არ ვიქნებით, ეგება...

– მოითმინეთ, უფალო ჩემო, მოითმინეთ! მე ჯერ არ დამიმთავრებია ჩემი სათქმელი!

ჩვენ, ფინიკიელი ქალები ასეთი მორჩილი, თვინიერი და ღვთისმოსავეები რომ ვართ-მეთქი, ეს როდი ნიშნავს იმას, ლაპარაკი არ გვეხერხებოდეს, ენა არ გვიჭრიდეს, ანდა ვინმეზე ნაკლებად ვარჩევდეთ ავსა და კარგს, თეთრსა და შავს. ნურას უკაცრავად!

აქაოდა, ნოყიერი მიწა-წყალი გვაქვსო, ყოვლად უქნარა და უმაქნისები არიან აქაურები. ჩვენ, ფინიკიელებმა, ვიცით გარჯის ფასი, რომ იტყვიან, ქვასაც კი წვენს გამოვადენთ. ამიტომაცაა რო ბრიყვნი და უგნურნი ქვანვიას გვეძახიან.

ჩვენ, ჩვენი გამჭრიახობისა და მოხერხებულობის წყალობით ავალორძინეთ ალებ-მიცემობა მრავალ ქვეყანაში. ყველგან შემოგვაქვს ფუფუნება და სიმდიდრე. სხვა რომ არაფერი, ჩვენმა დამწერლობამ სათავე დაუდო ბევრ სხვა ტომელის ანბანს. მართალია, თქვენც გაბადიათ თურმე რალაც დამწერლობა და ეგების... ის უფრო ძველიც იყოს ჩვენზე. მერე რა? რა მნიშვნელობა აქვს ახლა ამას, როს თქვენ ასე მცირენი ხართ, ხოლო ჩვენ – ესოდენ მრავალრიცხოვანნი და დიდი? თუმცა ამაზე ერთმა ყოყოჩა იათნანელმა იენამწარა, მრავალრიცხოვანნი ვირთხები და თავგებიც არიან, ლომები და ვეფხვები კი – ერთობ ცოტანიო, მარა ამგვარ ენაჭარტალა ბაქიებს რა დალევს თქვენში?... ჰო, იმას მოგახსენებდით: რა გჭირს-მეთქი ჩვენ ვინმეს გასაკილი, ვინც არ უნდა იყოს ის? ჩვენ, უგონიერეს და უძლიერეს თესლტომს მთელს ქვეყნიერებაზე? სულ მალე ჩვენ დავეუფლებით მთელ სამყაროს, დიდსა და პატარა ქვეყნებს, დავსახლდებით და მოვმრავლდებით დედამინის კიდით-კიდემდე. ჩვენი ენა და ჩვენი ღმერთები იქცევიან ყველასთვის საერთო ენად და

სათაყვანო ღმერთებად – ვინც ნებით არ იზამს ამას, ვინც ნებაყოფლობით არ ინამებს ჩვენს კერპებს, იმათ ძალით ვანამებთ და ვაიძულებთ, გახდნენ ჩვენნაირები. დიახ, ვაიძულებთ, იყვნენ უკეთესები! და საერთოდაც, ერთი უნდა ვიკითხო, რა საჭიროა ამდენი ხიჭუ-მაჭუ ტომების არსებობა? დროა უკვე – ყველანი გერთიანდნენ ერთ დინოში – ჩვენი წინამძღოლობით!

– პატივცემულო შუშუ... შენი ძმის მკვლელობის ამბავს დავუბრუნდეთ ეგება...

– აბა, რა უნდა ვთქვა ჩემი ძმის მკვლელობაზე? – იყვირა უცებ შუშუმ კაპასი ხმით და ისედაც აჭარხლებულ სახეზე ცეცხლი წაეკიდა, მოზრდილი ცხვირი აუცახცახდა: – ამ საზიზღარმა, ბოროტმა და სისხლმონყურებულმა დედაკაცმა მოჰკლა ჩემი ღირსეული, პატიოსანი და ბრძენი ძმა – ფინიკიელთა თვალი და სიამაყე!.. შეხედეთ, შეხედეთ, რაფერ ზის, რა სახე აქვს? და რა გველურად ელიმება? ვითომ მკვლეელი ეგ კი არა, ვილაც მითავარია! იყოს! აი, ასეთი უტიფრები და უკეკები არიან იათნანელი ქალები და... ასეთი ურცხვები!

– პატივცემულო შუშუ! ჩვენთვის გასაგებია შენი აღშფოთება და გულსწყრომა. ჩვენ აქ ყველანი ღრმად და გულწრფელად თანაგიგრძნობთ, რამეთუ უფალი აპე მარტოდენ შენ და ფინიკიელებმა როდი დაჰკარგეს: იგი ჩვენი, იათნანელების დიდი მეგობარი და კეთილისმყოფელი იყო ამავე დროს. ამდენად, ჩვენთვისაც დიდი და აუნაზღაურებელი დანაკლისია მისი დაღუპვა; გვერწმუნე, ჩვენც მისი ჭირისუფლები გახლავართ. ჩვენი ბრწყინვალე დედოფალი იამზე და უფლისწული ვაჩე – უმამაცესი და ლომგული მბრძანებელი იათნანისა, ფრიად მონადინებული არიან წვრილად გამოვიძიოთ საქმის ვითარება და დამნაშავეს საკადრისი მივუზღოთ. უკეთუ ჩვენი, იათნანური წესის თანახმად...

– რის გამორკვევა და გამოძიებაა საჭირო, აღარ მესმის? მკვლეელი ხომ აგერა ზის, უნდა დაისაჯოს იგი სასტიკად. მორჩა და გათავდა!

– დიახ, დიახ, რასაკვირველია... მარა ჩვენ, ვითარცა ქურუმ მსაჯულებმა უნდა დავადგინოთ ზოგი რამ და, კერძოდ კი, განძის საკითხი...

– რა განძზეა ლაპარაკი ბოლოს და ბოლოს? რა განძს უნდა წარმოადგენდეს რალაც ტყავის ნიგნები? – შეატეხა კვლავ სიტყვა მსაჯულთუხუცესს ზომაზედ მეტად აპილპილებულმა და გაფიცხებულმა შუშუმ: – კვლავ ვიმეორებ: მოხდა საზარელი მკვლელობა და მკვლეელი აგერაა!.. ამ ქალს ვჭულდით-მეთქი მე და ჩემი ძმა უსაშველო სიძულვილით და მხოლოდ შემთხვევას ეძებდა, რომ დავეხოცეთ. იმ დღეს მეც დაუნდობლად გამისტუმრებდა შავეთს, იქ რომ ვყოფილიყავი.

¹ გადამთიელი.

– გასაგებია ყოველისფერი ეს, პატივცემულო შუშუ, მარა ის კირბიშები...

– განა ადრე არ გითხარით ამის თაობაზე? – პირში ეცა კვლავ მსაჯულთუხუცესს გაანჩხლებული ქალბატონი შუშუ, რომელიც თანდათან უფრო და უფრო წინმატდებოდა: – განა არ იცით, რომ ის ვითომდა განძი ანუ კირბები არც მე და არც ჩემს ძმას არაფერში გვეჭირდებოდა, მაგრამ, რაკილა ჩემმა ძვირფასმა მეუღლემ ბოჩიმ ის მე მისახსოვრა, ამიტომ მე მეკუთვნოდა წესით და რიგით. ამ უტიფარ დიაცს კი არ სურდა მისი დაბრუნება და უსირცხვილოდ მიითვისა იგი! ჩემს საცოდავ ძმას უნდოდა დაებრუნებინა ისინი თავისი ნამდვილი პატრონებისთვის და...

ციცის უცებ სიცილი წასკდა (შემჩნეული ჰქონდა, უკიდურესი დაძაბულობის ჟამს სიცილი აუტყდებოდა ხოლმე. ახლაც ასე დაემართა): „ნამდვილ პატრონებსო!“ ჰა, ჰა, ჰა...

იცინოდა თავშეუკავებლად, ხმამალა, თითქმის ძველებური, ახალგაზრდული სიკისკასითა და ხალისით.

თვლებით მოძებნა ბოჩი, პირველი რიგის კუთხის სკამზე რომ ჩამჯდარიყო მხრებში თავჩარგული.

გრძნობდა, მისი სიცილი ისრებივით ეყრებოდათ თავზე დარბაზში მყოფთ, რომელთა უმრავლესობა არაიათნანელი იყო (ხელისუფლებამ წინასწარ იზრუნა იმისათვის, რომ დარბაზი გაეფსო უცხოელებითა და თავისი თანამზრახველებით).

სამარისებური სიჩუმე ჩამოდგა. მსაჯულებიც კი გაქვავებულიყვნენ. ღვთისმომიშ შუშუსაც ენა ჩაეგდო მუცელში. მაგრამ მალე მოეგო გონს ქალბატონი შუშუ და ვაიო, ისეთი ხმით იჩხავლა, რომ ციციმ უნებურად ყურებზე აიფარა ხელი.

შუშუ გაბმული, გამყინავი ხმით გაჰკიოდა. თმებს ინენავდა და პირს იპოტნიდა მოჩვენებით. მერმე მოულოდნელად გულისპირი ბოლომდე ჩამოიხია და იატაკზე გაგორდა:

– მიშველეთ! ხედავთ?.. იცინის!.. დაგვცინის ჩვენ: მკვდარსაც და ცოცხლებსაც! ჰოი, დიდო ღმერთებო! ეს ქალი ცოცხალი უნდა იყოს და ჩემი ღირსეული ძმა მინაში ლპებოდეს? მოკალით ეს გველისწინილი! ეს აფთარი, როკაპი! – ნიოდა შუშუ ნამეტნავად გაშიშვლებული და ფეხებს ისე ასხმარტალებდა, რომ მსაჯულნი იძულებული შეიქმნენ, თავები დაეხარათ. ამასობაში ქალბატონი შუშუს მისცვივდნენ და ხელში აყვანილი გაიტანეს გარეთ.

– წყეულიმც იყავით! წყეულიმც იყავით! – გაჰკიოდა შუშუ მთელი ხმით.

ბოჩი კვლავ თავჩაქინდრული იჯდა, გაუნძრევლად.

ბუბუ გეგეში

თვალეხს არ უჯერებდა.

„ვაიმე! ამას აქ რა უნდა?“ - თითქოს მახვილი გაუტარესო გულში, მაგრამ ნებისყოფის საშინელი დაძაბვით შეიძლო გულგრილობის აფარება სახეზე.

„მაშ, ღვიძლ ძმასაც ამხედრებენ დის წინააღმდეგ? ყოჩაღ, იათნანელებო! აი, თურმე სადამდე შეგიძლიათ დაეცეთ! ოღონდ მიზანს მიაღწიოთ და ყოველგვარი სისაძაგლის ჩასადენად მზად ხართ თურმე! იცით, რომ სხვანაირად ჩემი ბედოვლათი ძმა დაკარგავს უზენაესი ხელისუფლების კეთილგანწყობას, ჰაერივით რომ სჭირდება, რადგან ხელის გაუნძრევლად, მხოლოდ სუფრებისა და ნადიმების ზედამხეველობისთვის ეძლევა გასამრჯელო. და ესეც უდარდელად და უზრუნველად ატარებს დროს, მით უფრო, რომ ვინ იცის, მერამდენედ ქმარგანაშეებ ფინიკიელ ქალზე აპირებს დაქორწინებას. თავი მოაქვს კიდეც ამით!.. რომ სწორედ გუგუ გეგეში გახდა ღირსი ქალის ქმრობისა, ამით ხომ ქალმა, სხვებთან შედარებით, უპირატესობა მიანიჭა სწორედ მის მამრულ სიძლიერეს... ახავაი ჩვენი ცოდვა!“

– მაშასადამე, შენც ადასტურებ, პატივცემულო გუგუ, რომ შენს დას ნამდვილად სძულდა ან გარდაცვლილი უფალი აპე და შუშუ, დიდად პატივცემული დაი მისი?

– დიახ, უფალო ბადრა. ჩემი და საერთოდ ვერ იტანს ფინიკიელებს, მისდა სამწუხაროდ და სავალალოდ!

– ადასტურებ იმასაც, რომ განძის გამო მოჰკლა ციცი გეგეშხემ ფინიკიის დიდვაჭარი, და საპატიო მოქალაქე უფალი აპე?

– დანამდვილებით ვერ გეტყვით, ღირსეულნო ქურუმ-მსაჯულნო, მაგრამ... ალბათ ასეა! – მერმე შეჭოჭმანდა ცოტა და დაუმატა: – აბა, სხვანაირად... ვერ ახსნი მის საქციელს.

– მონავ! საცოდავო მონავ! – აღმოხდა უნებლიეთ ციცის, მიტკალივით გადაფითრებულს. გუგუ ჯერ შეკრთა თითქოს, წამით თითქოს თავიც დახარა, მაგრამ მერე ჩასუქებული კისერი დისკენ მიიდრიკა (აქამდე არც ერთხელ არ შეუხედავს მისთვის) და სახეში რომ არ უყურებდა ისე, მჭახე ხმით მიადახა: – მე მონა არ ვარ, ჩემო დაია, არა! მე – თავისუფალი იათნანას თავისუფალი ნოდელი ვარ და თავისუფლად გამოვთქვამ ჩემს აზრს! და შენ ძალიან ცდები, როცა ასე უსაფუძვლოდ და უნიადაგოდ გძულს ჩვენი ძვირფასი მოკავშირენი და ერთგული მეგობარნი – ფინიკიელები! მე არავისზე ნაკლებად არ მიყვარს ჩვენი იათნანა! მაგრამ გულზე ხელის ბრაგუნისგან შორსა ვარ. არც ზედმეტი თავმოყვარეობა მანუხებს. არც სიძულვილი ვიცი მავანის მიმართ, რაკი ის იათნანელი

არაა! შენ კი, ეს ბოროტმოქმედება იმიტომ ჩაიდინე, რომ თავმოყვარეობის შელახვად ჩათვალე ფინიკიელის გამოგზავნა შუამავლად. სიძულვილმა დაგაბრმავა, ჩემო დაო, და აი მოკალი კიდეც აპე – ყველასათვის ეგ ზომ საყვარელი და ძვირფასი კაცი, ჩემი უგულითადესი მეგობარი. აი, რა უბედურებამდე მიგიყვანა მტრობამ და სიძულვილმა!

– ვაშა! ყოჩაღ შენ, ძმაო გუგუ! – („კიდეც კარგი, მამა და დია ვერ ხედავენ ამ სურათს“), – მაგრამ: თავისუფალი იათნანას თავისუფალო მოქალაქე, რამდენი ოქრო დაუფდა ხელისუფლებას შენს მიერ ამ „თავისუფალი აზრის“ გამოთქმა?

– ჩუმად! როგორ ბედავ ხელისუფლების შეურაცხყოფას? მართლაც და, ნამეტანი თავს გაუვიდა ამ დიაცს!

გაფუყული ფინიკიელი მსაჯულის გვერდით მჯდარი მსაჯულთუხუცესი ბადრა ფეხზე წამოვარდა გაავებული. ღაჟღაჟა ლოყები და ლაბაბი აუთახთახდა სიბრაზისაგან. მაგრამ ციცი უკვე აღარ უსმენდა არავის. მისთვის კვლავ ყველაფერი სულერთი გახდა. თუმცა შიგნით გულ-ღვიძლი ეთუთქებოდა და ტვინი ებურღებოდა.

„ვაგლახ, ოდინდელნო ბრძენნო ქურუმნო! სადა ხართ?.. ვის ხელში ჩავცვივდით? ჩვენო დიდო დედა-ღვთაებავ, რად დაგვსაჯე ასე?..

ახავაი, ჩემო შვილებო, სად გტოვებ, რა მოგელით მომავალში?..

მაგრამ ბოლომდე უნდა შეისვას სიმწრის ფიალა, განგებამ რომ გამიმზადა ასე საგულდაგულოდ. ამ პამპულა ე.წ. ქურუმ-მსაჯულთაც და ამ ტაკიმასხრულ სამსჯავროსაც უნდა გაუფძლო ბოლომდე. არაასხვაგზა!“

... და როცა უკანაკსნელი სიტყვის თქმამ მოუწია, ანუ როცა „მონანიების“ და „ცრემლთა ფრქვევის ჟამი“ დადგა, ბინდგადაკრული გონება ერთბაშად გადაენმინდა.

წამოიმართა. მოსასხამი, რომელიც აქამდე ფინიკიელთა წესისამებრ მთელ ტანზე ჰქონდა მოხვეული – უფრო სწორად – მოახვიეს თითქმის ძალდატანებით – გადაიგდო. იათნანური სამოსი ეცვა: უსახელო, გულამოჭრილი გრძელი კაბა, წელზე ფართო ბალთიანი სარტყლით შემოჭერილი. თმაც იათნანური წესით, კეფაზე დაეგრავნა.

ხელები შემართა და ქერისკენ აღაპყრო მზერა:

– ჰოი, დიდო ნანავ – უზენაესო ქალღვთაებავ ჩვენო! გულმონყალე დედავ – ბუალარავ ჩვენო! ბადრო მთვარევ – წინამძღოლო და მამავ ჩვენო! ღმერთებო ჩვენო! სულელო წინაპართა! მოტევენას და შენდობას გთხოვთ, რამეთუ... უარსავყოფ იმ მოდემის ნაშიერობას, ოდესლაც იათნანელნი რომ ერქვათ. აღარავარამიერიდან იათნანელი ასული! მოვკვდები, ვითარცა არარა ქვეყნის და არარა თესლტომის უგვარფესვო შვილი!

* * *

... როცა მცველებით გარშემორტყმული გამოჰყავდათ სამსჯავრო-დან, თვალი შეასწრო სახედაღვრემილ დიაცთა ჯგუფს, განცალკევებით რომ ანურულიყვნენ ხეთა ჩრდილში. გასასვლელთან ახლოს, ღია თაღედის ქვეშ დედაქალაქის ნარჩინებულ მამაკაცებს გუნდ-გუნდად მოეყარათ თავი, მათგან ცოტა მოშორებით ბოჩია იდგა განმარტოებული. გაშეშებულს, გულზე მკლავები დაეკრიფა, სახეზე მიწისფერი დასდებოდა.

უცაბედად ციციის გონებაში ამ ცოცხალი მძორის მიღმა გაიელვა უწინდელი, ახალგაზრდა, ხალასი ბოჩიას ხატებაჲ;

ალბათ ბოჩიც არ მოელოდა ამგვარ დასასრულს: კონცხიდან ზღვაში გადაგდებას. იათნანაზე უმაღლესი სასჯელი – კუნძულიდან სამუდამოდ გასახლება იყო. მკვლევლობის შემთხვევაშიც – რაც ასე იშვიათი გახლდათ იათნანაზე უწინ – ქურუმთა სამსჯავრო, ადგილობრივ არჩეულ უხუცესთა თანამონანილეობით განიხილავდა საქმეს და მხოლოდ ყოველმხრივი ანონ-დანონვის, აზრთა უერთიერთგაცვლისა და ბჭობა-მსჯელობის შემდეგ გამოჰქონდა განაჩენი, რომელიც მეფეს უნდა დაედასტურებინა.

ოჰ, რა ზრიალი, რა ჩოჩქოლი გამოიწვია მსაჯულებსა და დარბაზში მსხდომთა შორის ციციის სიტყვამ. სახეანთებულნი, თვალებგადმოკარკულნი მუქარით, ლანძღვა-გინებით აბზეკდნენ მისკენ თითს:

- რა თავხედობაა!
- მონანიების ნაცვლად ბრალს აქეთ გვდებს!
- როგორ ბედავს!
- რა მკრეხელობაა!
- ერთხელ კიდევ დაამტკიცა, რომ ჭკუაშერყეულია.
- დაისაჯოს ესე სასტიკად!
- დაისაჯოს უღმობლად, უწყალოდ, შეუბრალებლად!

ჩანდა, მეტისმეტად ემწვავათ, განსაკუთრებით იათნანელთ, დიაცის მიერ ასე გამომწვევად უარის თქმა იათნანელობაზე! და... ფინიკიურ-იათნანური სამსჯავროს ესოდენი შეურაცხყოფა!

„ჰმ, თითქოს თვითონ ყოველ ფეხის ნაბიჯზე არ თელავდნენ და არ შეურაცხყოფდნენ იათნანელის სახელს! ოჰ, რა თვალთმაქცობაა ყოველივე ეს! – მწარედ ელიმებოდა ციციის: – თუმცა, რა გასაკვირია: კაცის ბუნება ხომ ასეთია – სხვას არასოდეს ჰპატიობს იმ დანაშაულს, რასაც თავად სჩადის ხოლმე უჩემრად.“

...ბოჩიმ წინ წამოინია. თითქოს რალაცის თქმა დააპირა. ზურგი შეუბრუნა ქალმა. და უცებ, საიდანლაც, თითქოს მიწიდან ამოძვრენო, გო-

გონები მივარდნენ ციციის და მუხლებზე მოეხვიდნენ მოთქმითა და გოდებით. ამაოდ ცდილობდნენ მცველები ისინი ქალისათვის მოეშორებინათ, გოგონები ხმამალალი ქვითინით ეხუტებოდნენ დედას, მთელ ტანზე ეკვროდნენ და გაშმაგებით ჰკოცნიდნენ.

ნელ-ნელა დაუბრუნდა გონი თითქოს ქანდაკადქცეულ ციციის. ო, ამეების ატანა ერთობ ძნელი აღმოჩნდა მისთვის.

– კმარა, შვილებო! დაწყნარდით, შემოგევეთ! მტერს ნუ გააცინებთ. გამაგრდით, თქვან სანთელი! თქვან გოლუაფირო! ჩემო მერცხლებო!.. გენაცვალოთ დედა! – ედუდუნებოდა გოგონებს ცრემლების ყლაპვითა და თავს უკოცნიდა ორივეს.

– დია! დია!

„ოჰ, ეს განწირული ძახილი! როგორ ან ვით გაექცევი შენი სისხლისა და ხორცის ამ სასონარკვეთილ კივილს! მაგრამ... უნდა გაუძლო! უნდა სძლიო სისუსტეს და გულჩვილობას. უნდა! ასეა საჭირო, ციცი!“

– გამაგრდით-მეთქი. მე გიბრძანებთ თქვენ – თქვენი დია! არა გრცხვენიათ, რა ამბავში ხართ? ხომ არ გავინყებთ, ჩემი შვილები რომ ხართ? შეწყვიტეთ ტირილი! გესმით თუ არა ჩემი? მე უნდა მოვკვდე – ასეთია ღვთაების ნება. სამაგიეროდ, მე – თქვენში ვიცოცხლებ... თქვენს შვილებში... აბა, ასწიეთ თავები მაღლა. ქვეყანა თქვენ გიყურებთ. ნუ ათქმევინებთ მტერ-მოყვარეს – გლახაკი შვილები ჰყოლიაო ციციის! აბა, მარჯვედ!

ციციმ ხელი დაუქნია ტირილისგან სახედაოსებულ გოგონებს, გაოგნებულნი რომ შესცქეროდნენ ამაყად მომღიმარე დედას:

– ციცი! არ შედრკე! – მოესმა ანაზდეულად ციციის და უნებლიეთ შეტოკდა. ნაბიჯი შეანელა. თვალი მოავლო დიაცთა ჯგუფს. პირგამეხებულ ძაძუს გვერდით სახეგადაფითრებულ მამიდა ფათულიას ჰკიდა მზერა.

თბილი ტალღა გადაევლო გულს.

„ჩემო კეთილნო!.. რომ იცოდეთ... მზადა ვარ შევხვდე სიკვდილს მშვიდად, უდრტივინველად!.. ერთადერთი, რაც სულს მიშფოთებს – თქვენი სვე-ბედია! ჩემი იათნანას მომავალი!.. მაგრამ უფლის ნებას ვერსად წაუვალთ. თუ გასაწირია – გაიწირება იათნანა! თუმცა... ჩვენ რომ განირვა გვგონია, ეგებ სულაც არ ნიშნავს განირვას და მხოლოდ... გარდასახვას გულისხმობს მომავალ დროში?.. ვინ იცის... უკვდავთა აზრებს, ჩვენ, მოკვდავნი, ველარ ვწვდებით! თუმცა... მაინც მგონია, ჩემი მოკლე ჭკუით, ცოცხალმა კაცმა მინამ სული უდგას, ხელი უნდა გამოიღოს, მინამ ღონე ერჩის, ფარ-ხმალი არ დაჰყაროს. ერთი რამ მჯერა კიდევ: დიდი ნანა არ გაიმეტებს იათნანას, დაიცავს და დაიფარავს თავის გაჩენილთ. დადისაც

ხომ სჯეროდა ეს. დადიმაც ევ მიანდერდა! მაშ, კურთხეულ იყოს სახელი ჩვენი დია-უფლისა სამარადჟამოდ!“

– ვინ იყო? ვინ იყო? – ხელჯოხიანი მცველები ციბრუტივით ტრი-ალეზდნენ, მაგრამ მოზღვავებულ ხალხში გზა ვერა და ვერ გაეკვლიათ.

დიაცები ჯიუტად არ იცვლიდნენ ფეხს. იდგნენ გაკერპებული სახე-ებით და აინუნშიც არ აგდებდნენ ჯოხების ზუზუნს, მცველთა ლანძღვა-გინებასა და მუქარას.

დამეხილივით იდგა ბოჩიც.

ზღვის მიქცევა-მოქცევასავით შხუილით ასკდებოდა წარსულის სახეები. მოგონებათა ტალღები ხან აქეთა ნაპირს მიახეთქებდნენ უწყალო გამეტებით, ხანაც იქით, ხანაც სიღრმეში ჩაყვინთავდნენ და აყლაპინებდნენ მლაშე წყალს – გაგუდვამდე, სულის შეხუთვამდე. მერმე ისევ ამოისროდნენ ზედაპირზე, გაიგდ-გამოიგდებდნენ, გაჰკრავ-გამოჰკრავდნენ წინ და უკან, წინ და უკან. აგორავებდნენ და აკოტრიალებდნენ ძალის მიხდომამდე.

თვალსანიერზე ჩნდებოდნენ ზღვები, უსასრულო სივრცეები, გზები... უცხო ქალაქები, სასახლეები... მშვენიერი ასულები... ნდომა და განცხრომა... სიამეთა მორევები... ოქრო-ვერცხლთა და თვალ-მარ-გალიტთა ბრწყინვალება და... ლტოლვა, ლტოლვა დაუსრულებელი, უძლომელი ყინი და მოუთოკავი ნადინი, ნატვრა დაუცხრომელი და სურვილი – უკიდევანო, ზღვარდაუდები, წრემემოუნერელი.

და იყო ზეობა სიამაყისა და პატივმოყვარეობისა: კმაყოფილება და ტკბობა ამპარტავნული.

რა შეგრჩა ახლა ხელთ? ან თუ ისწრაფვი რაიმესკენ?

როგორ არა! ახლა უფლისწულისა და მისი მეუღლის ყურადღება და ნდობა გნადია, რომელსაც თანდათანობით აღწევ კიდევ. რადგან გუმანით თუ ალლოთი გრძნობ, რომ ერთპიროვნული მართვის ანუ გახელმწიფების და მძლავრობის გზაზე უცხოელთა გარდა – შენი და შენისთანათა ხელშეწყობა დასჭირდება – იათნანური, ძველებური მართვა-გამგეობის სრულიად გასაუქმებლად, საკუთარი გვარტომის ნელ-ნელა დასათრგუნად, მონების ფარად გადასაქცევად. რადგან ძალადობაზე, მძლავრობაზე დაფუძნებულ ყოველ ხელისუფლებას სჭირდება ნახირად ქცეული ბრბო და არა პიროვნებანი, რათა უკეთ მართოს ისინი. ამიტომაც ყოველნაირად ეცდება, ჯოგიდან გამოყოფილნი, ისევ ისე შელალოს ნახირში.

შენს თავმოყვარეობასა და სიამაყეს მოესალბუნება ვაჩქეს ყურადღე-ბა, ნდობა და შენი... საჭიროების შეგრძნება!

მაშ, რათა ხარ ახლა განადგურებული? მიწასთან გასწორებული? რა

ვერ განჭვრიტე? რა ვერ გაითვალისწინე? რაღად ქირქილებს ძვაბრა შენს გულში?

ციცი კი... უნდა დასჯილიყო ურჩობისთვის. ხელისკურისთვის, სია-მაყისთვის, პირდაპირობისთვის, ქედმოუხრელობისთვის. ვერა და ვერ გეპატიებინა დიაცისთვის, რომ დაგჯაბნა (შენ ასე გეგონა, შენ ასე ფიქრობდი, რომ დაგჯაბნა, თორემ, აბა ვინ შეიძლებოდა ყოფილიყო ბოჩი გაბელანის მომრევი? მისი დამჯაბნელი? ან ვითლა იკადრებდი გას-ჯიბრებოდი დიაცს?), მაგრამ მაინც... ვერა და ვერ მოგენელებინა მისი მარტოოდენ არსებობაც კი – სინდისის მხილებასავით რომ იყო ამ ქვეყ-ნად – ეს გიშფოთებდა სულს, გიფრთხობდა ძილს, გინენავდა ძარღვებს – ხოლო გალიზიანებულ-შელახული პატივმოყვარეობა გიბიძგებდა სია-ვისკენ, უბადოსკენ – ნიშნის მოსაგებად!

შენ ქვეშეცნეულად, იქნებ არაცნობიერად, მაგრამ ელოდებოდი ამ შედეგს, ელოდებოდი ნაყოფს შენი „მოღვაწეობისა“.

და აი, მიიღე კიდევ იგი. მაშ, რა განუხებს?

რად ხარ ფრთხილამოყრილი? რად ჩამოგტირის ცხვირ-პირი? რად გეჩვენება, რომ უსუსური და უმწეო იქნებოდა ახლა შენი ყოველი სიტყვა! რატომ გგონია, რომ საოცრად პატარა, უბადრუკი და საცოდავი ჩანხარ ქალის თვალში?

და რომ... არაფერს შეუძლია ახლა ამ შეგრძნების გაქარწყლება?

რა პატარა და საცოდავი ჩანდი მაშინაც, როცა გოგონები, შენი ღვიძლი შვილები, ორთავე შენი სისხლი და ხორცი – ეთხოვებოდნენ გან-წირულ დედას. შენ არ შეგეძლო, შენ უფლება არ გქონდა, მდგარიყავი მათ გვერდით, გაგემხნევებინა, ანდა ნუგეში გეცა მათთვის: ისინი სამუ-დამოდ უცხონი დარჩნენ შენთვის, ისევე, როგორც გაგიუცხოვდა, შენდა უნებურადვე, – შენი ვაჟები!

დასჯერდი მაყურებლად ყოფნას – თითქოს შენ სრულებითაც აღარ გეხებოდა ის უბედურება, რაც ციცის და შენი შვილების თავზე დატრი-ალდა.

მართლაცდა, სიკვდილიც კი უმნიშვნელო და ჩვეულებრივი ჩანს – ამ ერთპირი სულმდაბლობის ფონზე!

დიაცთა სამსჯავრო

(მეუფე თუმათი)

გამოქვაბულის ფართო სენაკი მკრთალად გაენათებინა ნიშებში ჩარიგებულ კანდელებს. შესასვლელთან თავსაბურავიანი, გრძელსამო-

სიანი დიაცები იდგნენ და ყოველ მომსვლელს აჩერებდნენ:

– შურისგება! – ამბობდა ახალმოსული და მაშინვე გადაჯვარედინებული შუბები გაიწეოდა და თავიდან ფეხებამდის მოსასხამში გახვეული ქალი შედიოდა გამოქვაბულში, სადაც სინესტის, ობის, კელაპტრებისა და საკმეველის სუნი ერთმანეთში არეულიყო.

სიჩუმე იდგა. მხოლოდ სამოსის შრიალი თუ არღვევდა იდუმალ გარინდებას. ყველანი მოუთმენლად შესცქეროდნენ იელისფერ კრეტ-საბმელს, გამოქვაბულის სიღრმეში რომ ეკიდა. ფარდის მიღმა ეგულე-ბოდათ მეუფე თუმათი, ანუ ოშორელი თუმათი, როგორც ეძახდნენ მას იათნანელები, რადგან იგი შოუ ბჟალახეს მიერ იყო ჩამოყვანილი ოშორადან.

იათნანის ყოველი კუთხიდან მოეყარათ აქ თავი და ელოდნენ მეუფე თუმათის გამოჩენას. აგერ უკვე თვეზე მეტი იყო იგი კარჩაკეტილი, განმარტოებული მარხულობდა და ლოცულობდა ამ წმინდა გამოქვაბულში დღისით და ღამით.

... ძაძუს მოლოდინში ქვის სკამზე მჯდარი თუმათი გატვრინებულიყო.

ვერა, ვერანაირად ვერ მოეშორებინა თავიდან გარდასული, შორეული ამბები, ასე დაჟინებით, ასე ჯიუტად რომ ეძალეობდა მის გონებას.

თუმათი გაგომი! ეტყობა, ვერასდიდებით ვერ გაექცევი ახლა ამ მოზღვავებულ მოლანდებებს; გინდა თუ არა, ისევ ისე უნდა გამოიარო შენს წარმოსახვაში ის ჯოჯოხეთი, გინდა თუ არა ისევ ისე უნდა ენამო და იტანჯო, მართალია, წამისწამში, თითქოს ელვის უსწრაფესად და მაინც... მტკივნეული განცდით, ჯერაც, ამდენი წლის მერე, მოუშუშებელი იარებით, დაუამებელი წყლულებით გულდასერილმა. თუმცა წლები რა ბედენაა? წლები ვით წარხოცავდნენ შენს გულში სიძულვილის, ბოლმის გრძნობას, დაუმცხრალი შურისგების ჟინსა და წადილს. ო, არა. პირიქით. თანდათან უფრო ღვივდებოდა, მნიფდებოდა და მტკიცდებოდა ნაცვალგების სურვილი!

თვალისწამში ენაცვლებიან ერთი მეორეს არა ტკბილი, საამო, არამედ სწორედ უამური, უჟმური, მწარე, გულისმომწყვლევი მოგონებანი წლების წინანდელი კი არა – თითქოს გუშინდელი დღისა.

... ოშორას ქვეყნის ზღვისპირა პატარა ქალაქი, ოდესღაც სახელგანთქმული კარისა, წყალუხვი, მდორე მდინარე ნოღელა, რომელის ნაპირზე დგას ძველებური სახლი, სადაც ცხოვრობს ოდის ჟამიდან წარჩინებული, მაგრამ ან დამცრობილი, მოსულთაგან შევინროებული და მაინც თავმომწონე გაგომთა გვარის ობოლი გოგონა – ჩუმი, წყნარი, მორცხვი, მამა-პაპათა ძველ, გარდასულ დიდებას ფერადოვანი სურათებით რომ ხატავს თავის ზმანებათაგან გახურებულ ტვინში. ამ მეოცნებე

და უზადო მშვენებით შემკულ გოგონას მოულოდნელად სწვევია პირველი, დიდი, ყოვლისმომცველი და ყოვლისწამლეკავი სიყვარული ქერაკულულებიანი, სხარტი, ენამახვილი იათნანელი მზეჭაბუკისადმი, თავის მდიდარ ნათესავებთან რომ სტუმრობს კარისაში.

პირველი ელდა. გულის პირველი ცახცახი, ზღვის ტალღასავით უცაბედად მოვარდნილი, ჯერ არგანცილი გრძნობა, გრძნობა ისეთი, როგორც შეუძლია განიცადოს უმანკო, წმინდა გულმა – ზეციური აღმაფრენით შეპყრობილმა, მგზნებარემ, უშუალომ, წრფელმა და ამასთან უზომოდ ამაყმა, დიდგულამ, თავმოყვარემ.

გოგონას ერთი წუთით, ერთი წამითაც ვერ წარმოუდგენია ყოფნა თავისი მხიარული და ენამოსწრებული იათნანელი ჭაბუკის გარეშე და ისიც დღე და ღამეს ატარებს მასთან და მხურვალედ ეფიცება უსაზღვრო, უკიდევანო, უბოლოო და დაუსრულებელ სიყვარულს და ერთგულებას. მეცხრე ცაზე ასული გოგონა აისის ღმერთქალის საუფლოში გრძნობს თავის თავს და მადლობას სწირავს ღვთაებას, ასეთი ბედნიერება რომ არგუნა წილად.

დაინიშნა დღე დაწინდვის – იათნანადან უნდა ჩამოვიდნენ მზეჭაბუკის მშობლები და გოგონაც სულსწრაფად ელოდება იმ დროს, როცა ის და მისი მზისდარი ჭაბუკი სამუდამოდ დაუკავშირებენ ერთმანეთს თავიანთ ბედს. მაგრამ... კაცი ბჭობდაო და ღმერთი იცინოდაო.

დაინიშნული დღის წინა საღამოს ვნებათაღელვისგან თავგზაბნეულ, გულჩაქროლებულ გოგონას მშვენიერკულულებიანი სატრფოს ნაცვლად გამოეცხადა მაცნე და, ჰოი საშინელება! – აუნყა დაუჯერებელი ამბავი! დილაუთენია მზეჭაბუკმა მდიდარ, ქვრივ ფინიკიელ ქალთან ერთად დატოვა ქალაქი და არც არავინ უწყის ხომალდის გზაკვალი, მისი ასავალ-დასავალიო!

... სამი დღე და ღამე უგონოდ იყო ბედკრული გოგონა, სამი დღე და ღამე ებრძოდა სიკვდილს მისი უღონო, უსუსური სხეული. მხოლოდ მეოთხე დღეს გამოახილა თვალი და დაუბრუნდა ცნობიერება. თუმათი გამობრუნდაო, გაიხარა სახლში დიდმა და პატარამ, შორებელმა თუ ახლობელმა, მთელმა ქალაქმა!.. მაგრამ... სინამდვილეში თუმათი მოკვდა, მოკვდა იმ წუთას, როცა შეიტყო საყვარელი ვაჟის ღალატი. მოკვდა თუმათის გული, მაგრამ გონი – არა.

გონმა ერთხელ და სამუდამოდ შეიძულა და შეიზიზღა მამრთა მოდგმა იათნანელი მზეჭაბუკის სახით და თავის გულში საბოლოო განაჩენი გამოუტანა მას.

... თუმათი ბახუას მახვამურთა თაბუნს შეუერთდა და სულ ცოტა ხანში უპირველესი ადგილი დაიჭირა მათ შორის. ბახუას მახვამურნი

ყოველ გაზაფხულსა და შემოდგომაზე ღვთაების საპატივცემულოდ, მის სადიდებლად მართავდნენ ხოლმე დიდ ზეიმებს, რაც აღვირახსნილ ორგიებში გადადიოდა ხოლმე. მაგრამ თუმათი ამ თავაშვებულობის უბრალო, ჩვეულებრივი მონაწილე როდი გახლდათ. ო, არა! ის, თავის გულში ამოჭრილ შურისძიების ჟინს წინასწარ მოფიქრებულად და გააზრებულად ასხამდა ხორცს. თანმიმდევრული შეუპოვრობით ხლართავდა – ერთი შეხედვით თითქოს უვნებელ, სინამდვილეში კი – მომაკვდინებელ ქსელს. შეუბრალებელი, ცივი გონებით ზომავდა და წონიდა თავის მომავალ მსხვერპლს და შეუბრალებელი და ცივი გონებითვე ანხორციელებდა ჩანაფიქრს თვისას.

თუმათი ამ თავის ანგარიშთანობას და ცივ გონებას საჭიროებისდამიხედვით ნიღბავდა ხან მოჩვენებითი გულგრილობით, ხანაც მგზნებარე, მხურვალე ვნებიანობით და ნდომით.

ბახუას მახვამურის ერთი ღამის აღერისთვის ბევრი ომორელი მზად იყო, სიცოცხლეც კი გაენირა. ძმა ძმას არ ინდობდა, სასიკვდილოდაც კი იმეტებდნენ ერთმანეთს ბახუას თვალწარმტაც ქურუმისთვის, ოღონდ ეგაა: თავად თუმათის არასოდეს სისხლის ღვრამდე არ მიჰყავდა საქმე, ისე ახერხებდა განზრახულის განხორციელებას. სამაგიეროდ აუნერეულ სიამოვნებას ანიჭებდა ამ გაპირუტყვებული ხვადაგების – როგორც ამრეზით იტყოდა ხოლმე – ხილვა, ასე იოლად და ადვილად რომ წირავდნენ ერთი მეორეს. იქედნურად ნიშნს უგებდა ყოველ მათგანს და ზეიმობდა და ხარობდა თავის გულში, ამ ერთი შეხედვით, თითქოს თავმომწონე, ბლენძია, ყოყლოჩინა მამრების შეხედვაზე, მის წინ რომ მიწაზე ხოხი-ალობდნენ წყალობის მოლოდინში.

და აი... მოულოდნელად, გაუთვალისწინებელი უბედურება დაატყდა თავს:

თუმათი დაფეხმძიმდა. და არც კი იცოდა ვისგან, მაგრამ... ვისიც არ უნდა ყოფილიყო – მამრის თესლი არ უნდა გაეხარებინა, ნაყოფს დღის სინათლე არ უნდა ეხილა. ეს ურყევად და მტკიცედ ჰქონდა გადანყვებილი და თუ მუცელში თავისთავად არ გაუნყალდებოდა, მაშინ დაბადებისთანავე უნდა მოეშოთ იგი. ჩვეულებრივად, ბახუას აღვირახსნილი მახვამურები თავიანთი ვნების „წმინდა ნაყოფს“ – ასე უწოდებდნენ ისინი ღვთაება ბახუას ორგიებში ჩასახულ სიცოცხლეს – აძიძავებდნენ, ანდა მავანთ და მავანთ მიუგდებდნენ ხოლმე კარზე, და მერე აღარ არსებობდა მათთვის ჩვილი, აღარ კითხულობდნენ, რა ბედი ეწეოდა – ცოცხალი დარჩებოდა თუ სულს გააცხებდა. თუმათისთვის ეს გზა მიუღებელი გახლდათ. მას ისიც ვერ ეპატიებინა თავის თავისთვის, ისიც ვერ მოენელებინა – უნდოდა თუ არა, იძულებული რომ შეიქნა თავის არსებაში ეტარე-

ბინა საძულველი ნაყოფი.

არავის, ორგიებში მონაწილე თვით უახლოეს მეგობარ-მახვამურთაც აზრად არ მოსვლიათ თუმათის ორსულობა. თუმცა ჭეშმარიტი მეგობარი თუმათის არასდროს ჰყოლია. და არც ოდესმე გასჩენია სურვილი ვინმესთან სიახლოვისა. მისი პატივმოყვრული ბუნება მეგობარს ვერ ჰგუობდა, მას მხოლოდ მბრძანებლობა შეეძლო. ამიტომაც, სადაც არ უნდა ყოფილიყო, რანაირ ვითარებაში არ უნდა ჩავარდნილიყო – ყველგან და ყოველთვის უნდა ეპირველა, ან არადა... ქედმაღლურად, ზვიადურად დაეტოვებინა სარბიელი, გასცლოდა იქაურობას, ვითარცა მისთვის არახელსაყრელს, ანუ არაშესაფერისს.

ერთი შეხედვით ამ სუსტ, თითქოს უსუსურ სხეულში შეფარულად, თავდაპირველად შესაძლოა, თვით მისთვისაც გაუცნობიერებლად, – ბოზოქრობდა უსაშველო, უნაპირო თავმომთნეობისა და პატივმოყვარეობის გრძნობა, წყენისა და შეურაცხყოფისათვის სამაგიეროს გადახდის დაუოკებელი, აულაგმავი სურვილი. და ეს გრძნობა ქვეშეცნეულად ნაკარნახევი იყო – ყველგან და ყველაფერში პირველობის წყურვილით, დღე და ღამ ჭიასავით რომ ღრღნიდა და აწვალებდა მის გულს.

...ერთხელაც იყო და, ბახუას დღესასწაულების დროს, თავანყვეტილ მახვამურ დიაცთა დიდმა დასმა ქორონი გამოიარა. ჯერ მდინარე სქურში იბანავეს დასიცხულმა ქალებმა. წყალში კარგა ხნის ჭყუმპალაობის, ქვიშაში კოტრიალის, ლაზღანდარობა-ცუნდრუკის შემდეგ, თუმათიმ მოულოდნელად შესთავაზა თავის დობილებს, რაკილა აქა ვართ, მოდი, ბარემ მოვინახულოთ ჩვენი „წმინდა“ ალაგი – ბჟათა და ბჟათას სახელგანთქმული „მონმინდარები“ და ერთი ჩვენებურად, ბახუას შესაფერისად და საკადრისად მოვიკითხოთო.

მონონების შეძახილებით შეხვდნენ ამ წინადადებას. ატყდა ერთი სიცილ-ტკარცალი, ნიოკობა და რია-რია. დიაცებს განსაკუთრებით ეამათ ბჟათას მახვამურთა წმინდანობის გაქილიკება და მასხრად აგდება. ავყიობასა და ყიამყრლობაში თითქოს ერთმანეთს ეჯობებოდნენ. დასასრული აღარ უჩანდა დიაცთა ხვინტრიცს და ბილწისიტყვაობას. ბოლოს, მოიჯერეს გული და მოიქავეს ენა თუ არა ბჟათას ქურუმთა განქიქებით, თუმათის წინამძღოლობით ყიჟინით, გნისით შეუდგნენ საყდრისკენ ამავალ გზა-წვრილს.

უეცრივ ფერდობის თავში გამოჩნდა ბაიასფერ სამოსში გამოწყობილი, ტანკენარი დიაცი, რომელსაც ხელი ჩაეკიდა პატარა გოგოსთვის და თავდაღმართზე ნელი ნაბიჯებით ჩამოდიოდა.

თითქმის სუყველამ ერთდროულად დაინახა იგი.

– ნე! ვინაა ნეტაი?

– დია-ღმერთო!!! რა ლამაზია!

– შოუ ბჟალახე!.. შოუ ბჟალახე!

არ ახსოვს, პირველად ვინ წარმოთქვა ეს სახელი, ბავშვობიდანვე უცნაურად რომ აღიზიანებდა და აფორიაქებდა მის სულს. აქამომდე არასდროს ენახა თვალთ საარაკოდ ქცეული ეს მისანი დიაცი-მახვამური: იგი რაც გათხოვდა, იშვიათად ერგებოდა ქორონელებს და დღენიდაც საკუთარ ოხორეში, ანდა ბჟათას საყდარში ტრიალებდა.

შოუ ბჟალარა! აი თურმე როგორია იგი!

რაღაცამ უნასივით უკბინა გულზე და მერმელა გაიაზრა, ეს ღრმად შეფარულმა შურის გრძობამ შეახსენა თავი, იმთავითვე, პატარაობიდანვე რომ არ ასვენებდა და ძილს უფრთხობდა.

შოუ ბჟალახე. ჰმ! აი სად და რა ვითარებაში შეყარა მას განგებამ – უფრო სწორად, ქვეცნობიერად თვითონ მისწრაფოდა ამ შეხვედრისკენ!

დიაცი თანდათან ახლოვდებოდა და რაც უფრო მოკლდებოდა მანძილი მათ შორის, მით უფრო ეკეცებოდა მუხლები თუმათის. რატომღაც კანკალატანილს, ასე ერგებოდა, თითქოს თავად ღვთაება მზეს აედგა ფეხი და აგერ, ა, ახლა, ამ წუთას მოაბიჯებდა ნება-ნება დამრეც ბილიკზე ბახუას მახვამურებთან „სალალობოდ“. და უძლეველი, თვით მისთვისაც მოულოდნელი სურვილი ენეოდა, ანაზღეულად მუხლი მოეყარა ამ ცოცხალი ღვთაების წინაშე და... მდულარე ცრემლთა ფრქვევით ეთხოვა პატიება ყველაფრისთვის, ყოველი თავისი შეცოდებისთვის, ყოველი უკეთური აზრისთვის, რასაც კი მის თავში გაუფლია ოდესმე.

– შეხედეთ! შეხედეთ! სულ პატარა გოგოს არ ჰგავს ეს მენცარი... უმანკო და უცოდველსახიან მაცირიას!..

– ამ დროს, ღამლამობით, მგელზე ჯდება თურმე ეს, ვითომდა წმინდანი, და ვინ იცის, რა სიავეს არ სჩადის!

– ტ ს ს ... ჩუმად: რაებს ბოდილობ, ძა! არ გაიგონოს!..

თუმათიმ მხარს ზემოდან ერთი ქორულად მოუხედა თავის ენანაგდებულ დობილებს და მერმე ანთებული მზერა კვლავ მიუშტერა შოუ ბჟალახეს, ღმილიანი თვალებით რომ თავს უქნევდა მოტიკტიკე გოგონას, შვლის ნუკრივით რომ მოსდევდა გვერდზე.

ბახუას მახვამურებს რომ მიეახლა, შოუმ ნაბიჯი შეანელა და დახრილი წამნამებიდან მეყსეულად ელვისებური მზერა სტყორცნა მათ. თითქოს თავგზადაკარგულ წინილებს ალაღმა დაჰქოლოაო, ყველამ, უკლებლივ ყველამ სასწრაფოდ გზა მისცა დიაცს (ყოველმემთხვევაში, მერე ასე წარმოესახა ეს სურათი თუმათის). ერთადერთი თუმათი იდგა გახევებული და უტეხი მზერით, ჯიქურად შესცქეროდა სახეში დიაცს. შოუ შეჩერდა. შეხედა ნორჩ მახვამურს, გზაზე რომ გადასდგომოდა

გამომწვევად.

– გინდოდა გეთქვა რამე, ძაბო?¹ – სულისშემძვრელი იყო შოუს ხმა, ხოლო თვალები... ო, ეს გასაოცარი. ჟრუნი² თვალები, ზღვა გრძობას რომ იტევდნენ მიტევების, სიბრალულის, სიყვარულის და კიდევ, ენით უთქმელი რაღაცის...

– მე... მე გინდოდა... – თითქოს აღისქარი ჩაუვარდაო პირში, წახდა, გაფუჭდა უცებ ბახუას უდიერი მახვამური და საცოდავად მხრებანურულს და მობუზულს, ერთი საზრუნავიდა შერჩენოდა ახლა, როგორმე, რამენაირად გაეძლო სურვილისთვის და მართლა არ ჩამხობილიყო მინაზე ამ დიაცის წინაშე.

შოუმ წამით თვალებში ჩახედა ნირნამხდარ მახვამურს, შინაგანად რომ ძაგდაგებდა დანაშაულზე წასწრებული ბაღლივით:

– ომორელი ქალის ბერე³ სტირის... ო, მწარედ სტირის საფლავეში, ახავაი! – დაიფუჩუნა მეყსეულად მხოლოდ ბაგით და ტკივილის, სიბრალულის თუ კიდევ, ვინ იცის, რის გრძობამ თვალები დაუღიბრა, ტურჩები შეუთრთოლა, წამი და... დაიძრა.

ანგარიშმიუცემლად, დაუთმო გზა. წამიერად განაბული, გატვრინული ბავშვი შეირხა და ასკინკილით გაედევნა დედას, ალვასავით კენარი, ნელა რომ მიირხეოდა გზა-წვრილზე.

თუმათი კი ელდანაცემი, სახეგამტკნარებული იდგა გახირული შუაგზაზე და საშინელებაჩამდგარი, გაყინული თვალებით გასცქეროდა ქვექვეით მიმავალ დიაცს.

– რაიო, რა გითხრა თუმათი მაგ ავსულმა მზაკვარმა, ასე რომ დაიზაფრე?

თუმათი შეტოკდა. მერმე დამდულრულივით ერთი შეჰკივლა და თავის დობილს ყანყრატოში წვდა უცებ:

– ხმა... ხმა ჩაინყვიტე ახლავე, შე კახპავ! კახპავ! კახპავ!

მერმე უცებვე ხელი უშვა გაოგნებულ ქალს, მინაზე დაეცა და... ხმამალლა, თავშეუკავებლად აზლუქუნდა.

იმავე საღამოს შოუს ფერხით ჩამხობილი თუმათი ცხარე ცრემლთა დენით აღსარებას ეუბნებოდა იმას, ვისაც რატომღაც უმხელდნენ ისეთ საიდუმლოთ, რომელთაც ღმერთებსაც კი უმაღლავდნენ ხოლმე ხანდისხან.

¹ გოგო.

² ყველა ფერის ნარევი.

³ ჩვილი, ბავშვი.

* * *

„მაშ, დგება ჟამი ნაცვალგების!“

„შენიც, მეუფე თუმათი – შენი პირადი შურისგების!“ – ჩაესმა თითქოს ყურის ძირში. წამიერად შეკრთა.

საოცარია განგების ძალა! იათნანაზე ცხოვრების მხოლოდ მეათე წელს გაიგო თუმათიმ, რომ მშვენიერკულულებიანი, სახემზიანი დოჩი, ფინიკიდან დაბრუნებული, დიდნოლაში დამკვიდრებულიყო თავის ახალ მეუღლესთან ერთად.

და მაშინ... ო, მაშინ კვლავ დაუძლეველი ძალით იფეთქა მასში აქამდე თითქოს მიყუჩებული მელახული თავმოყვარეობისა და ოდესღაც ესოდენ დამცირებულ-შეურაცხყოფილი ქალობის გამო სამაგიეროს ზღვევის ყოვლისწამლეკავმა გრძნობამ.

და, აი, შენ თუმათი გაგოშხემ, ბახუას ყოფილმა მახვამურმა, ამჟამად კი იათნანას მზელვთაების ქურუმმა, ყველაფერი ილონე, რაც კი შეგეძლო, რათა საზოგადო გულისწყრომას შერთვოდა და შენივთებოდა შენი პირადული ბოლმაც. ანდა... იქნებ პირიქითაც იყო, მაგრამ ახლა ამას არა აქვს შენთვის გადამწყვეტი მნიშვნელობა.

ჟამმა დაჰკრა, თუმათი გაგოშხე, - იათნანას გადარჩენისა და შენი პიროვნული ნაცვალგების ჟამმა! დიახ! შენ ყველაფერი მოიმოქმედე – ყველა შესაძლებელი და შეუძლებელი ხერხი და საშუალება იხმარე, რომ ჩამოერეკა ამ ჟამს. შესაძლოა, არც თუ მაინცდამაინც მოსანონი და ზნეობრივად მართებული იყო შენი განზრახვის მისაღწევად ნაგულვები გზა-სავალი, მაგრამ... მთავარი – მიზანი იყო შენთვის. მიზანი კი ერთი გქონდა – სამაგიერო მიგეგო ყველა იმისთვის, ვინც აგრე რიგად ამცირებდა, აბუჩად იგდებდა იათნანას ქურუმობას, ვინც შეუწყნარებლად ბღალავდა იათნანურ წეს-ჩვეულებას. სამაგიერო უნდა გადაგეხადა გადამთიელთათვის, იათნანას დამონებას რომ ესწრაფოდნენ, შური გეძია აგრეთვე შენი პირადი შეურაცხყოფელთათვის!.

ო, ო, მარტო შენ თუ უწყი, რა ჯოჯოხეთური შინაგანი წვა და წამება გამოიარე ამ ხნის მანძილზე. ვერა. ველარ შეიქმენ შენ – თუმათი გაგოშხე – შოუ ბჟალახეს მოწაფე და მიმდევარი, თუმცალა იგი გწრთენიდა და გწაფავდა საამისოდ ჯერ კიდევ ოშორადან მოყოლებული. არა. შენ სხვა გზა აირჩიე, სხვა კვალს დაადექი, ვიდრე შენი მოძღვარი. დიახ. კარგა ხანია გაიყარა თქვენი გზა-შარა და ვერც ვერასდროს შეერთდებიან ისინი. ამიერიდან შენ – შენი გზით ივლი – შოუ ბჟალახემ – თავისით იარა, იმ გზით, შენ რომ გულით მისდღეში არ გეტნეოდა. შემდეგ. თვითმხილველი და თანამონაწილე გახდი შოუს ცხოვრებისა, რადგან მასთან დარჩი და შოუსვე მოწადინებთა და ხელშეწყობით ბჟათას მახვამურად იქეცი.

შენ თვითმხილველი იყავი იმისა, თუ დღითიდღე როგორ მატულობდა მტრობა ბჟათას ოხვამის და განსაკუთრებით კი იმ სასწავლებლის მიმართ, შოუს თაოსნობით რომ იყო შექმნილი. მასში და შოუს თავგამოდებულ საქმიანობაში ხედავდნენ ოშორას დამპყრობნი ოშორას მკვიდრთა გამოღვიძებისა და ალორძინების სანინდარს და რაკი ცოლ-ქმარს აშკარა მტრობით ვერაფერს აკლებდნენ – შოუს შორსმჭვრეტელობისა და ნათელხილვის გამო – ამჯერადაც მიმართეს ვერაგულ საშუალებას – ლამით, მოულოდნელად ავაზაკები თავს დაესხნენ საკუთარ სახლში შოუს ქალიშვილსა და სიძეს, და ამოხოცეს ისინი – ბოჩი მხოლოდ იმიტომ გადარჩა იმ ავბედით ღამეს, რომ საშინელი წინაგრძნობით შეპყრობილმა ბებიათ თითქმის ძალით დაიტოვა შვილიშვილი თავისთან, გაჯიუტებულ სიძეს კი ვერაფრით გადაათქმევინა წასვლა.

და თუმც ქუჯიმ შეძლო შოუს ნათელხილვის წყალობით, მიეგნო და სამაგიერო მიეზლო დაქირავებული მკვლევებისთვის, ოშორაში მათი დარჩენა უკვე შეუძლებელი შეიქმნა. ცოლ-ქმარი ახლობლებითურთ აიყარა და იათნანაზე გადასახლდა.

შენც აღარ ისურვე ბჟათაში ყოფნა და... მათ გაჰყევი. თუმცა, შოუს სიცოცხლეში ყოველნაირად ცდილობდი დაგეფარა შენი წამდვილი გულის ზრახვა, არ გაგემჟღავნებინა შენი ნაჩუმარი გულისთქმა, უფრო სწორად, შენ თავადაც გაურბოდი მათზე ფიქრს იმხანად.

დიახაც, რომ შენ მიმართე ყველა საშუალებას მიზნის მისაღწევად, გამოიყენე ყველა და ყველაფერი, მათ შორის – ბედკრული ციციის ხვედრიც. დიახაც, შენ დღე ცისმარე უხმობდი საშველად როგორც უხილავ, ფარულ ძალებს, ისე ხილულთ, დიახაც, თუ ხელგენიფებოდა, ამწვაგებდი და ამძაფრებდი კიდევ საგანგებოდ – ყოველ ხელსაყრელ ვითარებას.

დიადი მიზანი მიიღწევა მხოლოდ შეუპოვარი, ზოგჯერ უღმობელი, დაუდნობელი ბრძოლით და ამ სასტიკ რკინებაში შენ უნდა იპირველო, შენ უნდა გახდე ახლო მომავალში იათნანას უზენაესი ქურუმი – იათნანელთა ბედის გამგებელი. შენ, სწორედ შენ უნდა იქცე სალოცავ კერპად იათნანელთათვის და შენთვის უნდა აღავლინონ სამადლობელი ლოცვა-ვედრება, რამეთუ შენ ზეგარდმო ძალებმა მოგავლინეს ამ ბედშავი, სვეუბედური და გასანწყლებული თესლტომისთვის ხსნად და ნუგეშინად. შენი სახელი უნდა შეიმოსოს მომავალ თაობათათვის დიდების მარავნდით.

შენი სახელი უნდა ქუხდეს და გრგვინავდეს ამ ცისქვეშეთში სამითა-ჟამიოდ.

...ერთბაზად დაბერებული, სახედალეული ძაძუ მეუფე თუმათის ფეხ-

თით, კველაზე¹ მოკალათებულიყო. ქუთუთოებდახრილი თუმათი დაძაბული ყურადღებით უსმენდა დიაცის მიერ ნანყვეტ-ნანყვეტ, ოხვრითა და ვიშვიშით მონათხრობს:

– გაურბოდა ჩემთან შეხვედრას მას მერე ბოჩია და მეც თავს ვარიდებდი, სწორედ გითხრა. რაკი ერთხელ გული მოვიოხე და მდინარე რომ ვერ გარეცხავდა, ისე გავთათხე... ჰოდა... მას უკან აღარ მინახავს და აი... იმ საღამოს... სამსჯავროს შემდეგ მოვიდა ჩემთან. მე ფოთო და ხაბუ მარგველიანებთან ვიყავი იმ დღეებში ბინად. კი ვფიქრობდი გუნებაში, მომნახავს-მეთქი და შერჩეული მქონდა კიდეც სიტყვები, რითაც უნდა „შემემკო“, მარა... შევხედე და... შეძრწუნებული, დაზაფრული ვუყურებდი კაცს, რომელიც ბოჩია იყო თითქოს და... არც იყო ბოჩია. ცოცხალმკვდარი იდგა იგი ჩემს წინ და ყბა უკანკალებდა. რალა დაგიძლო? თავი ვერ შევიკავე და... ავკვითინდი, დიდხანს ვალტობდი მის გულმკრდს ჩემი მღუღარე ცრემლებით... იგი ხმის ამოუღებლად მეფერებოდა თავზე ხელით... და ვგრძობდი, რაფერ გაშმაგებით უძგერდა გული...

– ო, ის შეჩვენებული, ის შეჩვენებული ისა... – ჩაიდუღუნა მეუფე თუმათიმ თავისთვის და თვალებიდან ნაკვესები დაყარა, მაგრამ ძაძუმ ნაუყრუა მის სიტყვებს და ისევ განაგრძო ცრემლისგან მოგუდული ხმით:

– მითხრა ბოლოს, უნდა დაეხსნა ციცი, რადაც არ უნდა დამიჯდესო. ან თავი ცოცხალი არ მინდაო. ვიცი, თქვენც რომ რაცხას აპირებთ. ძალიან ცოტა დრო რჩება. ძლიერი დაცვა დაუყენესო, ხელისუფალთ ემინათ, რამე არ მოხდეს. ჰოდა, ერთობ ფრთხილობენ, მარა მე ვერაფერი შემაჩერებსო. ვაუნყე, ციცი სასტიკი წინააღმდეგი რომ იყო გაქცევის: შემოგვითვალა, ტყუილა-უბრალოდ ნუ გაირჯებით, განაჩენი უნდა შესრულდესო. ჩემი აქედან გაქცევა დანაშაულის აღიარება იქნება. ამ სიამოვნებას კი არ მივანიჭებ ჩემს მტრებსო. ციცის უტეხი ხასიათის ამბავი რომ ვიცით, საგონებელში ვართ ჩავარდნილები, ვჭოჭმანობთ, არ ვიცით, როგორ მოვიქცეთ-მეთქი, ვუთხარი. ძალით გავიტაცებ, ან მის თვალწინ მოვიკლავ თავსო. სულ ერთია, სიცოცხლე მაინც არ მინდა ყოველივე იმის შემდეგ, რაც მოხდაო. ვიცოდი, ვერც ბოჩიას გადავათქმევინებდი სიტყვას, ვერ შევაცვლევიანებდი განზრახულს. მაინც ვცადე. ამაოდ. თავის აზრზე იდგა მტკიცედ, შეურყევლად. ასეთმა ჯიღებმა ხასიათმა დაღუპა აკი. ახლაც არ იშლიდა თავისას. თუმცა... ისე კი... ისეთი თვინიერი, ლმობიერი და სანყალი მეჩვენებოდა... თითქოს ბოჩია კი არა, მისი ლანდი იდგა ჩემს წინ.

უბედურება და სხვადასხვა ჭირი ჩემთვის ახალი როდია, მეუფე თუმათი. თითქოს შევეგუე და შევეჩვიე კიდეც მას. მაგრამ ახლა... ჩემ ძალ-

ლონეს აღმატებოდა ბოჩიას ყურება. უხმო ტირლი მახრჩობდა. ბოჩიაც დუმდა. ხმას არ იღებდა გალურსული. ბოლოს წასვლას დაეპირა. მოვიდა ახლოს. დაიხარა და თავზე მემამბორა, მერმე შუბლზე. შევამჩნიე, ხელები უკანკალებდა. ამან მთლად გადამრია. გული უფრო ამომიჯდა. ვერა და ვერ ვიოკებდი თავს.

– დანყნარდი, ჩემო დაია, შენი ჭირიმე. გთხოვ, გულს ნუ იხეთქავ. ხომ იცი, ჩემს გოგონებს შენ უნდა მოუარო... შენ უნდა გაუნო... დედობაც და მამობაც. – მითხრა კარებში შემდგარმა. ისეთი ღრმა, შეფარული განწირულება და სასონარკვეთილება მომესმა მის ხმაში, რომ შევწყვიტე ტირილი. ცრემლები ერთბაშად შემაშრა. აქამდე თვალებს ვერ მისწორებდა ბოჩი, გაურბოდა თითქოს ჩემს მზერას, ახლა კი, ახლა პირდაპირ მიყურებდა ვედრებით, სასოებით, სიყვარულით და... კიდეც რალაცნაირი სანყალი თვალებით... მერე მზერა ძირს დაიღო: შენს ლოცვებში მეც მომიხსენიე... ხანდახან, ჩემო ძაძუო, – თქვა და სასწრაფოდ შებრუნდა. ოთახიდან გავიდა. დანარჩენი... შენც იცი, მეუფე...

– თქვი, ძაძუ!.. შენგან მინდა მოვისმინო.

– მეც სხვებისგან მაქვს გაგონილი, მეუფეო.

– სულ ერთია, მაინც მომიყევი.

ძაძუმ წამიერად გაცოცხლებით შეავლო თვალი მეუფე თუმათის დასხეპილ და ფერმიტეტიკილ სახეს, მერმე ღრმად ამოიოხრა და განაგრძო:

– იმ საღამოს... შესულა სატუსალოში რამდენიმე კაცი. ციცის განთავისუფლება უცდიათ, ვითარცა მოსალოდნელი იყო, ციცის გამტაცებლები იძულებული გამხდარან, ხელცარიელი გამობრუნებულიყვნენ უკან. ყველას მოუსწრია უვნებლად მიმალვა, მხოლოდ... ბოჩი დაიღუპა – მცველებთან შეტაკების დროს! და... უჩა ბეგო! ეს საცოდავი არავინ უწყის, საიდან, როგორ გაჩნდა იქ!

– ჰმ! დანაშაულის გამოსყიდვა სცადა ვითომ მაგ წყეულმა და უკეთურმა სულმა! – გესლიანად ჩაიღიმოდა მეუფე თუმათიმ. ხოლო ბეგოს სიკვდილის ამბავი თითქოს არც გაუგონიაო, მგლის ყური გამოიბა.

– გამოსყიდა კიდეც... თავისი სიკვდილით, მეუფეო!

– ვერა, ჩემო ძაძუ! ვერ გამოსყიდის! სხვა ბევრი რამეც აქვთ გამოსასყიდი იათნანელ მამაკაცებს! მეტადრე – ღმერთების ჩვენის შეგინება-შეურაცხყოფა! – თუმათი წამომიშრთა. თვალები შეუკავებელი რისხვით უელავდა. ძაძუმ ხმის ამოღება ველარ გაბედა. ასე განრისხებული, ასე შეუპოვარი არასოდეს უნახავს მეუფე სხვა დროს.

ძაძუმ თავისი პანია, უფერული ტურები მოკუმა. შუბლზე აკანკალებული ხელი გადისვა. შეზარა მეუფე თუმათის სიტყვების აზრმა, მისმა კილომ და განსაკუთრებით კი სახის გამომეტყველებამ.

¹ პატარა ხის სკამი.

„რა სასტიკია შურისგების გრძნობა!“ - გაჰკრა გულზე მტკივნეულად. მზერას ვერ უმართავდა მეუფე თუმათის ცივად მზინავ თვალებს, რომელშიც დიაცის უტყეხი ნება გამოკრთოდა. ამ თვალების პატრონს შეუძლებელი იყო გადაეხვია ერთხელ ამორჩეული გზიდან, მიზნისაკენ რომ მიჰყავდა იგი. და არც არავის დაინდობდა, თუკი ვინმე წინ გადაელობებოდა, არანაირ დაბრკოლებას, არანაირ წინააღმდეგობას არ შეეძლო მისი შეჩერება. ან სიკვდილი, ან მიზნის აღსრულება, ეწერა მარხულობისგან, ღამის თევისა და მძიმე დარდისგან დამდნარსა და გაცრეცილ სახეზე.

წამიერად თითქოს რაღაც საერთო დალანდა ძაძუმ მეუფე თუმათისა და საკუთარ განწყობილებას შორის, რაღაც ისეთი, რამაც შეაძრწუნა და რამაც თითქოს მძიმე კირთების ქვეშ დააყენა მისი სული, მაგრამ როგორც არ უნდა ყოფილიყო, რანაირადაც არ განიზიდავდა ახლა მეუფე თუმათის შეუვალობა-ურყეობა – ძაძუ, ნებსით თუ უნებლიეთ, ამ ფანატიზმამდე მისული რწმენის თანამონაწილე და თანამოზიარე ხდებოდა. აქ უკვე აღარაფრის შეცვლა აღარ შეეძლო, ძალიანაც რომ მოენადინებინა. აქ თითქოს განგების გარდაუვალი ხელი ერია. უნდოდა თუ არა, მეუფე თუმათის ნების მორჩილი აღმსრულებელი უნდა ყოფილიყო, ხოლო თუმათის ნება იგივე ღმერთების ნება გახლდათ. ასე არწმუნებდა საკუთარ თავს ძაძუ, მაგრამ აწრიალებულ სულს მოსვენება და სიმშვიდე მაინც ვერ ეპოვა.

...დიდი ხნის ლოდინის შემდეგ კრეტსაბმელი გადაიხსნა და გამოჩნდა მეუფე თუმათი.

იგი წამით ადგილზე შედგა თავანეული და მონკურული თვალებით სივრცეში რომელიღაც წერტილს მიაშტერდა. მცირე ხანს იდგა ასე გაქვავებულივით. მერმე შეირხა და მსუბუქი, წყნარი ნაბიჯებით გაემართა ქვის სავარძლისკენ, მომალლო ბაქანზე რომ იყო მოთავსებული. ყველანი ფეხზე დამდგარნი, მზერაგამახვილებულნი და ფერმიხდილნი, შესცქეროდნენ მეუფე თუმათის თითოეულ მოძრაობას.

მეუფე თუმათი ფრთხილად ჩაეშვა სავარძელში, რომლის მაღალ საზურგეზე გამოჩნდებოდა იყო ხარის ორი დიდი თავი, რქებზე ბორჯღალა მზე რომ ადგათ.

მდუმარებდა მზელვთაების ქურუმი. შეკრებილთაც ხმა გაეკმინდათ. თითქოს ერთმანეთის სუნთქვაც კი ესმოდათ.

მეუფე თუმათის თვალთა უპეები ჩაშავებოდა უძილო ღამეებისა და მძიმე მარხვისაგან. მჭიდროდ მომუნულ, თხელ, უფერულ ტუჩებზე ძლივს შესამჩნევი მწარე ღიმილი გასწოლოდა. პატარა, ოდნავ კეხიანი ცხვირის სიფრიფანა ნესტოები უთრთოდა.

კელაპტრების შუქზე თვალისმომჭრელად ლაპლაპებდა ქურუმის თავზე ძვირფასი თვლებით მოოჭვილი ოქროს გვირგვინი, რომლის შუაგულში აგრეთვე ბორჯღალა მზე იყო ამოტვიფრული. მის გრძელ, იელისფერ სამოსზე იშვიათი ოსტატობით მზის პატარ-პატარა დისკოები იყო ამოქარგული. ნელზე ოქრომკედით მოსირმული ოქროს ფართო ბალთიანი ქამარი ერტყა. მხრებსა და გულმკერდზე სწორი, ხშირი, ჭაღარა თმა ჩამოშლოდა.

მეუფე თუმათი თვალმილულული, სახეგამტკნარებული კარგა ხანს შეურხევლად იჯდა საკარცხულში, რომლის სახელურებისთვის ჩამოესვენებინა თავისი გამხდარი, დაძარღვული, შიშველი მკლავები.

სიჩუმე გრძელდებოდა: დაძაბული, დამუხტული სიჩუმე, რომლის დარღვევას შეკრებილთაგან თითქოს არავინ აპირებდა.

ბოლოს მეუფე თუმათიმ თვალები გაახილა. თითქოს ძილ-ბურანიდან ეს-ესაა გამოერკვაო, ქუთუთოები ნელა ასწია, ორად გაყოფილი წვეტიანი ნიკაპი წინ წამოსწია და ირგვლივ მიმოატარა მზერა. ქალები შეიშმუშნენ. მეუფე თუმათის ბასრმა, გამჭოლავმა მზერამ თითქოს ელდად დაუარათ სხეულში, კანი აებურძგლათ.

– უზენაესი ღვთაება ჩვენი, დიდი დედუფალთ-დედუფალი ნანა და ღვთაება მზე-ბუჯალარა სასტიკად განრისხებულია ჩვენზე! – ისე ამოთქვა მეუფე თუმათიმ, თითქოს პირი არც გაუხსნიაო.

საერთო გმინვა აღმოხდათ ქალებს. ამ ერთიან ამოხვრაში იყო რაღაც ზარდამცემი, შიშისმომგვრელი.

მეუფე თუმათიმ თლილი ხელის მტევნები ერთმანეთს შეატყუპა და თვალი ჭერისკენ ალაპყრო:

– დარეკა ჟამმა, დანო ჩემნო და შვილნო ჩემნო! დარეკა ჟამმა! – კვლავ მარტო ტუჩებითლა წარმოთქვა, მერმე ისევ საზურგეს მიაწვა ბეჭებით და წარბს ქვემოდან შეათვალა თითოეული მათგანი.

ამ გამგმირავმა მზერამ თვალები დაახრევიანა შეკრებილთ, თავები ჩაკიდეს, მოიკუნტნენ.

– ნიცა! შენ გვეზრახე! – მიმართა, შორიახლოს მდგარ მოხუც ქურუმს. ბერმა ქურუმმაც ხელისგულები ერთმანეთს შეატყუპა და თუმათის მზერა გაუსწორა:

– ჩვენთან ყველაფერი მზად გახლავს, მეუფეო! ციციის მკვლელობამ მოთმინების ფიალა ალავსო. ნიშანსლა ველოდებით!

– ციცი... ციცი... – მეუფე თუმათიმ თვალები მოხუჭა წამით, გაყინულ, უძრავ სახეზე ჩრდილმა გადაურბინა: – ეს მსხვერპლი... საჭირო იყო ალბათ! – თითქოს თავისთვის ჩაიბუტბუტა, მერმე ისევ ასწია ქუთუთოები, ცივი, მსუსხავი მზერა მოავლო საკრებულს:

– ცაბუ! ფუცუ! მზისახარ! მზება! ჟუჟუ! ძაბა! მზევინარ! გუგული! მზია! ნათია! – მეუფე თუმათი სათითაოდ მიმართავდა ყოველ მათგანს და ისინიც, მზადყოფნის ნიშნად, თავებს ხრიდნენ მორჩილად:

– ყოველივე მზად არის, მეუფე თუმათი!

– აღსრულდეს ღმერთების ნება!

– იდიდოს დიდი ნანას სახელი უკუნითი უკუნისამდე!

– კეთილი და პატიოსანი. შენ, შენ რას გვეტყვი, ფაცურა? რატომ გაჩუმებულხარ?

ფოთქი, ბავშვური სახის მქონე ქურუმი ფართოდ გახელილი, თაფლისფერი თვალებით ისე შეტოკდა სკამზე, თითქოს შოლტი გადაუჭირესო. კრძალვით ამოთქვა:

– ჩემი რაზმიც მზად გახლავთ, მეუფეო თუმათი!.. კარგა ხანია ვემზადებით ჩვენც.

– დაიცავით თუ არა სრული საიდუმლოება?

– დიახ, მეუფეო! ჩვენს რაზმში არიან ციცის გოგონებიც, ამაზე ციციმაც კი არაფერი იცოდა, მაგრამ...

– მაგრამ რა? – იკითხა მეუფე თუმათიმ მბრძანებლური ხმით, როცა ნორჩმა ქურუმმა სიტყვა განყვიტა.

– ისა, რომ... – ფაცურა დაიბნა. თვალები უმწეოდ აახამხამა. საცოდავი იერი გადაეკრა სახეზე. ტურების თრთოლვა რომ დაეფარა, გამწარებით იკვნეტდა მას.

მეუფე თუმათის მრისხანე მზერამ მოძებნა ქროლათვალეობა, დროული მახვამურის თვალეობა:

„ლალანა! ნაადრევი ხომ არ იყო ფაცურას კურთხევა?“ – უხმოდ შეეკითხა. ლალანამაც უხმოდ, თვალეობითვე გასცა პასუხი:

„შესადლოა... ვიჩქარეთ!“

მეუფე თუმათი წამოდგა. მალალ, გამხდარ კისერზე შესამჩნევად უთრთოდა დაბერილი ძარღვები. სრული სიჩუმე იდგა დარბაზში. ერთმანეთის გულისცემაც კი ესმოდათ თითქოს.

მეუფე თუმათიმ მცირე ხანს იყურა, მერმე დაიწყო თავისი გრძელი სიტყვა, რომელსაც თითქმის ჩურჩულით, სვენებ-სვენებით, აღმართზე ამავალივით წარმოთქვამდა. მერმე თანდათან შეუმალლა ხმას, შინაგანი წვითა და გზნებით ანთებული, ხაზგასმული სიმკვეთრით მარცვლავდა თითოეულ სიტყვას:

– ძვირფასო დანო, სულისმიერო შვილნო ჩემნო, ასულნო ცათა და მზისანო! აი, აქ, ამ წმიდა ალაგას, შევიკრიბებით ისინი, ვინც ჩვენი უკვდავი ღმერთების ერთგული მსახურნი და მორჩილნი დავრჩით. თქვენი უმეტესობა ხანმოთეული ბრძანდება და ჩვენ ყველას გვახსოვს, რანი ვი-

ყავით გუშინ და რანი ვართ ახლა, დღეს. გახსოვთ ალბათ ისიც, ვით მოდიოდით უჩუმრად ჩემთან – ჩვენი ქალღვთაების წმიდა სამლოცველოში – უნუგემონი, სასონარკვეთილნი და მიზიარებდით ხოლმე თქვენი გულის ვარამს, შიშსა და ნუხილს იმის გამო, რაც ხდებოდა და ხდება ჩვენს სათაყვანო, ღმერთების მიერ დალოცვილ იათნანაზე, მის კურთხეულ და მაღლიან მიწა-წყალზე.

და ეს ჩვენი საერთო სატკივარი მატულობდა დღითი-დღე, თვიდან თვემდე, წლითი-წლობით, მოაქჟამამდე.

რალაა დასამალი? ჩვენ, იათნანელი მახვამურები უძღურნი აღმოჩნდით შეგვეჩერებინა ჩვენი გვარტომის ზნეობრივი, სულიერი თუ ხორციელი დაცემისა და გადაგვარების გულისმომკველი მსვლელობა.

თუმც ცა თავზე ემხოზათ, ჭერი ენგრევათ, კერა ნელ-ნელა უცივდებათ, გარნა მათი ნათესავი ოშორელთა მსგავსად, მხართეძოზე წამოწოლილი იათნანელები უზრუნველად, უდარდელად შესცქერიან ყოველისფერ ამას – იმ იმედით, დაიცა, ეგების მოხდეს სასწაული და თავისით გადავრჩეთო. ეგების ნეტარმა ღმერთებმა კვლავაც მოგვხედონ მოწყალე თვალებით და არ გაგვწირონო. მანამდისინ კი, მანამდისინ ყოველგვარი საშუალებით ვეცადოთ მაძღრისად ცხოვრებასო. გარნა იათნანელებს დაავიწყდათ ის გარემოება, რომ ღმერთები შველიან მხოლოდ მამაცებს, გულადებსა და მორწმუნეებს და არა ლაჩრებს, გულდებლებს და მკრეხელებს, წინაპართა სახელის და მათ საფლავთა შემგინებლებს, თავის ღმერთთა უარისმყოფელებს და სხვათა კერპების თაყვანისმცემლებს, ავისმზრახველებს, ზნენამხდრებს.

გადავიწყეს მამა-პაპათა წეს-ჩვეულება: ლალად, ლამაზად და სასვედ ცხოვრებაც რომ შეეძლოთ და მტრის მტრულად დახვედრაც იცოდნენ. გადავიწყეს, რომ ძალგულოვანი მებრძოლები იყვნენ თავისუფლებისათვის, სამართლიანობისათვის, რომ არც არავის სჩაგრავდნენ და არც არავის ეჩაგვრინებოდნენ.

სიყვარულისა და კაცთმოყვარეობის სახელით იცოდნენ შემართებაც და თავგანწირვაც. ამადაც ვერც ვერავინ ერეოდათ. ახლა? ახლა მტერს, ჩვენდა სამტროდ, აურჩევია არა ოდენ შუბი და მახვილი, არამედ ცბიერება და ვერაგობა. გადაუნყვეტია, მძორების გროვად გვაქციოს, ზეზეურად რომ ღებება და იხრწნება.

ხოლო ჩვენ? რას ვუპირისპირებთ მტრების ფანდსა და ხერხს? მცონარობა შემოპარულეებს, ოშორელებით დაგვზნობია-მეთქი გულისყური, გონებაზე ბინდგადაკრულეებს, განზე გადაგვიდვია ჟანგიანი იარაღი და ნელანელაობით ვიძირებით შმორიან ნუნუნხოში.

მტრის მიერ ხერხიანად ნაგებ რაგვში¹ ბევრი ჩვენი თესლტომელივით ჩვენივე ვყოფთ თავს, ოსტატურად ნასროლ ოჯიჯში ვიხლართებით და გულარხინად მივცემივართ მშვიდ ძილს. გვძინავს, როს მტერი ძილ-ფხიზლობს და გადარაჯებული, ჩვენი სულის ამოხდომის ჟამს ელოდება მელურად.

ჩვენი მამაკაცების უმრავლესობამ არ იკმარა ის, რომ დაივიწყა წინაპართა წმინდათა-წმიდა წეს-ჩვეულება: აბუჩად იგდებენ, ზოგან კი დაანგრის კიდეც ჩვენი სამლოცველოები და სანაცვლოდ ცდილობენ დაამკვიდრონ უცხო კერპთა თაყვანება. აიძულებენ დიაცებს ფინიკიელთა სისხლიან ღვთაებას – ბაალის შესწირონ თავიანთი პირმშობი, აიძულებენ – შელახონ ნათესაობის, სისხლმეურველობის მამაპაპური ზნე-ჩვეულება.

მინა ჟივდება უსაზმნოდ დაკლულ კურატთა სისხლით. იათნანელ მამრთა დიდზე დიდ ნაწილს სიამოვნებას გვრის ეს სისხლიანი ზორვა. მიუშვი ისინი ნებაზე და სისხლით მორწყავენ მთელ დედამიწას, მთელ ქვეყნიერებას! მათ სხვანაირად არც შეუძლიათ ეტყობა – ან ერთმანეთის სისხლი უნდა დაღვარონ, ანდა ტყეში ხოცონ უმწეო ნადირნი და ფრინველნი, რასაც ნადირობას ეძახიან და ამით მოიკლან სისხლის წყურვილი. სწორედ მამრთა ჩვენთა ხარბი, უძლომელი ვნება მოერეკება იათნანას ნაპირებისკენ სხვადასხვა ჯურის გადამთიელთა გემებს – არა ოდენ საქონლით დატვირთულებს, არამედ... მომსკდარან ღვარცოფად უზნეო, გარყვნილ დიაც-მახვამურთა ურიცხვი ლაშქარი – კდემამემო-ძარცულნი, თავაშვებულნი, ავხორცნი!

მოვარდნილა უტიფარი, ურცხვი, ტლანქი სიშიშველე: ჩლუნგი და უგვანი! რამეთუ ურცხვობა და ავხორცობა სხეულისა – დელგმაა და მეხთატება, მენყერია და ზვაგი, თქეშია და მერეხი! ამ ზნენამხდარ დიაცთა დასთა-დასებითაც განუზრახავთ უცხოტომელებს იათნანას ნახდენა.

ჰოი, ღმერთთა დიდო დია-უფალო! ნათელო მზეო ბარბალო! ბადრო მთვარე! ზღვათა მეუფე ოკეანოსო! ცისკრის ვარსკვავო და დილის ციაგო! ჩვენო დიდებულ ღვთაებანო! დამხობილია თქვენი წმინდა სალოცავები ჩვენი უღირსი მამრთა წყალობით! დამცრობილია ჩვენი დედოფლის ძალაუფლება და გადამთიელი კახპა დიაცი მართავს იათნანას – იათნანელი მამაკაცის მეშვეობით, ანუ სულმდაბალი და მხდალი უფლისწული ვაჩე სათამაშო ტიკინად ქცეულა ფინიკიელთა ხელში! იგი მზად არის თავისი უბადრუკი ტახტისთვის და სიმდიდრისთვის სულით-ხორცამდე მიეყიდოს უცხოტომელებს, ხელი აიღოს თავის გვარტომზე, განიროს მთელი ქვეყანა.

¹ მახე ნადირთა.

სუყველამ უწყით, ამის წინ გამართულ თავიანთ ტაკიმასხრულ სამსჯავროზე არც ერთი ჩვენი მახვამური დიაცი არ მიუწვევიათ, ის კი არადა, ახლოსაც არ გააკარეს არავინ სამსჯავრო შენობას. უწყით აგრეთვე, ვითარ უპატიურად მოეპყრნენ ჩვენს წარგზავნილებს, ციცის შეწყალებას რომ ითხოვდნენ – მოციქული დიაცები გაკოჭეს და საპყრობილემი ჩაყარეს!

დიახ! მოხდა იათნანაზე არნახული, არსმენილი სისაძაგლე! ფინიკიელთა ხელქვეითებმა შებლალეს უწმინდესი იათნანური ზნე-ჩვეულება! ფინიკიელთა საამებლად ფეხქვეშ გათელეს მთელი იათნანას ღირსება!

შებლალულია-მეთქი ჩვენი წეს-ჩვეულება, ჩვენი სჯული, ის, რაც გვიანდერძეს ჩვენთა მამა-პაპათა, ის, რაც გვინერია ჩვენს ღვთაებრივ კირბისებში და გადმოგვეცა უხსოვარი, ოდის დროიდან!

ადრე, ჩვენთა დიაცთა უპირატეს მდგომარეობას ასაზრდოებდა არა ველურთა და ტყიურთა თავაშვებულობა – არამედ გონითა, სიკეთითა და საზრიანობით გასიგრძეგანებული, პირად ღირსებებზე დაფუძნებული – თავისუფლება! ამადაც იყო, ჩვენი დიაცნი ახერხებდნენ ხოლმე მოეთოკათ და აელაგმათ მამრთა თავგასულობა, წრეგადასული ძალაუფლებისმიყვარეობა!

ახავაი! რა ხდება ახლა?

ჩვენი მზისდარი ასულები – გაბერნებულნი, პატივყარილნი და დამცირებულნი უცხო თესლთა მონა-მხეველბად იქცნენ ლამის!

ახავაი!

გვერღვევა სახლის დედა-ბოძი, რამეთუ ბევრი ჩვენ დიაცი ვეღარ უძლებს მამაკაცთა ამ შემოტევებს! და თუ დედა-ბოძი წაგვექცა, მამ იათნანაც აღარ იარსებებს.

მამ, უნდა მოისპოს განა და გაქრეს სამუდამოდ ამ ცისქვეშეთში აიაი-ელების შთამომავალთა სახსენებელი, რათა მომრავლდეს, მოსუქდეს და მოლონიერდეს ჩვენსავე მიწა-წყალზე ჩვენივე სისხლით ნაკვები და გაკეთებულ-დამშვენებული მოძულენი ჩვენი, კვირტში ამოყვანას რომ გვიპირებენ უჩუმრად თუ დაუფრავად?

ნუ იქნების ეგე!

ციცი გეგეშხეს ამბავიც გვარწმუნებს, იათნანას ძალუძს თავდაცვა და გადარჩენა, თუმცალა ძვირი, ერთობ ძვირი დაგვიჯდება თავისუფლება!

გარნა... იათნანა უნდა დარჩეს იათნანად!

ამ ვრცელ სამზეოში ყველას გააჩნია თავისი მზვარე და იგი ხელმეუვალი უნდა იყოს სხვათათვის!

ხოლო ოდეს ჯანსაღ სხეულს შეეყრება ავი სენი, დროულად უნდა მოიკვეთოს დაავადებული ნაწილი, მინამ მძიმე სნება არ მოსდებია მთელ ტანს!

დედა-ღვთაება მოითხოვს ჩვენგან: უცხოთესლთან ერთად იათნანადან გაძევებულ იქნან იათნანელი მამაკაცები – ღრმა მოხუცთა, ჩვილთა და უშვილ-ძირო მახვამურთა გარდა!

ეს სასტიკი სასჯელი დაიმსახურეს მათ ღმერთთა ჩვენთა შეურაცხყოფისთვის, იათნანური წეს-განჩინების შებლაღვა-შებიღწვისთვის, იათნანას თავისუფლების ხელყოფისთვის!

და არ უნდა დაიღვაროს წვეთი სისხლი – არც უცხოელთა და არც იათნანელთა! არც ერთი წვეთი სისხლი – ასეთია ნება ღვთაებისა!

გაძევება, მოკვეთა სიკვდილზე უარესია იმისთვის, ვისაც იათნანური თავმოყვარეობა ოდნავ მაინც შერჩენია. უკეთუ მის სისხლში არ მინავლებულა აიას ნიშატი, უნდა ეცადოს, გამოისყიდოს თავისი დანაშაული და დაუბრუნდეს სამშობლოს – იათნანას! თუ არადა, სამარადჟამოდ ჩაირაზება მათთვის ჩვენი კუნძულის კარები! ველარასოდეს იხილავენ ისინი მამულის ცას და მთებს, ველარასოდეს დაიმარხებიან მამა-პაპათა მწინდა მინაში!

დიაცები შეძლებენ დაიცვან იათნანას თავისუფლება!..

ჟამი რომ დადგება, ჩვენი დია-უფალი კვლავ გვამცნობს თავის ნებასურვილს და ჩვენც მორჩილად აღვასრულებთ მის ღვთიურ განჩინებას!

მანამდე კი, მანამდე უცვლელი და ურყევი იქნება ეს გადანყვეტილება – უკეთუ გვსურს გადარჩეს ცის მოდგმა, მზის ჯიმი და ჯილაგი!

თუმათი დადუმდა. ავბედითი სიჩუმე ჩამოწვა მღვიმის თალებს ქვეშ, სიჩუმე, დატენილი ჭექა-ქუხილით!

– დაე, აღსრულდეს ღვთაების ნება! – დაიგუგუნა მერმე ერთხმად მთელმა დარბაზმა.

მუშტად შეკრული ხელებით დიაცთა საკრებულოს გამოჰქონდა თავისი განაჩენი მამრთა მიმართ.

– ჰოი, სისასტიკე! ველურო სისასტიკე! – დაიჩურჩულა ნორჩმა ქურუმმა და გონნასული გაიშხლართა ძირს. საერთო აღტკინების ჟამს არავის შეუმჩნევია ფაცურას ნაქცევა. მაგრამ მეუფე თუმათის ქორულ მზერას არ გამოჰპარვია ყმანვილი ქალის გულის შენუხება. როცა ყიჟინა მიწყნარდა, თუმათიმ თვალით ანიშნა გვერდით მდგომ დიაცს და...

გულშელონებული ფაცურა პატარა სენაკში გაიტანეს, რათა მუდმივი მეთვალყურეობის ქვეშ მყოფს, თავად აღარ ეხილა, თუ ვით აღასრულებდნენ ღვთაების განაჩენს იათნანელი ქურუმი ქალებისა და მეუფე თუმათის მიერ წლების მანძილზე საიდუმლოდ განვრთნილი დიაცთა

საგანგებო რაზმები, რომელთა ნაშიერთ შემდგომში ამაზონებს, ანუ ამორძალებს დაარქმევენ უცხო ტომელები.

ლაშქრობა იათნანაზე

ნიკას გამგზავრება

ნავსადგურის ყურეში ღუზაჩაშვებულ, დილისთვის გასასვლელად გამზადებულ ხომალდებს, დრომონებს, კატარლებს და ორჩხომელებს რომ გადახედა, გაცების შეძახილი აღმოხდა...

ცუდი დღე დაუდგებათ მაგ ბედმავე ამორძალებს. მთელი ქვეყნიერება ამხედრებულა მათ წინააღმდეგო, გაიფიქრა.

ეტყობა, მართლა ძალიან საშიშ და სახიფათო მტრებად მიაჩნიათ ეს მეომარი ქალები, რაკილა ასე ერთპირად და ერთსულოვნად აღმდგარან მათ დასალაშქრავად. თუმცა, დამიანე ბიძიას თქმით, ოქრო დიდი ოხერი რამაა. კარგი გასამრჯელოს მიღების და ნადავლის ჩაგდების წყურვილს აქ ბევრი სხვადასხვა ტომის ხალხისთვის მოუყრია თავი, მეტწილად მცირე აზიელები არიან: ფინიკიელები, ფრიგიელები, ლიდიელები, კილიკიელები და კიდევ, ვინ იცის, ვინ არა...

ბევრი მისი თანატოლიცაა ქალაქიდან: მათაც თავის გამოჩენის სურვილი ამოქმედებთ. ბრძოლაში პირველად ლებულობენ მონაწილეობას და თუმცა დიაცებთან უწევთ ომი, მაგრამ ჩანს, ანგარიშგასანევი არიან, რაკილა ასე საგულდაგულოდ მოემზადა მთელი მილეთი.

დედას არ უნდოდა გაეშვა იგი ამ ლაშქრობაში. დედა და დები – ჰელა და ელენა ცხარე ცრემლით ტიროდნენ, მაგრამ ნიკამ თავისი გაიტანა მანაც: ესეც არ იყოს, სიტყვა სიტყვაა: არისტრახოს და ნიკიფეს – პატარა ბიძაშვილებს დაქადნებით შეჰპირდა: ცოცხალ ამორძალებს ჩამოგიყვანთ მონებადო.

რაკილა გადანყვეტილება ვერ შეაცვლევინეს და ურყევად იდგა თავის აზრზე, რა უნდა ექნათ გზა დაულოცეს, თუმცა დედა და დები ჩუმ-ჩუმად იღვრებოდნენ ცრემლებად. გამომშვიდობებისას მამამისს, თითქოს ყოჩაღად ეჭირა თავი, მაგრამ იმის მიხედვით, თუ როგორ იწინქნიდა ულვაშებს, მიხვდა, მღელვარებას ძლივ-ძლივობით რომ იოკებდა.

დედა კი სულ წყევლა-კრულვას უგზავნიდა იმ მოსასპობ, ამოსანყვეტ და არდასარჩენ ურცხვ დიაცებს, ასე რომ დაუკარგეს მოსვენება მთელ ქვეყნიერებას.

ერთადერთი, ვინც ამ განამანიაში და ფუსფუსში სიმშვიდეს ინარჩუნებდა – ბაბუა გახლდათ. მას არც თანხმობა და არც უარი არ უთქვამს, როცა უფროსი ვაჟი ჩვეული მოკრძალებითა და რიდით დაეკითხა ნიკას

განზრახვის თაობაზე. ბაბუამ გაჩუმება არჩია რატომღაც, მხოლოდ მხრები აიჩჩია. და ეს დუმილიც და უხმო მოძრაობაც, უფრო თანხმობის ნიშნად მიიჩნეის.

ბაბუა რამდენიმე წლის წინ დახეიბრდა: ორივე ფეხი ჰქონდა წართმეული. დილით, კარგ ამინდში ჩაიყვანდნენ ბაბუა, მისთვის საგანგებოდ გაკეთებულ წნულ სავარძელში მჯდომარეს, და დასვამდნენ ზეთის ხილის ძირში, საიდანაც იშლებოდა ზღვის მშვენიერი ხედი, ხოლო ავდარში, აივანზე იჯდა და საღამომდე გაჰყურებდა ზღვის სივრცეს. ბაბუას თავგადასავლებითა და ფათერაკებით სავსე ცხოვრება ჰქონდა გამოვლილი. მრავალ ქვეყანაში ყოფილა, მრავალი რამ უნახავს და განუცდია და, ამდენად, მოსაგონებელიც და საფიქრალიც ალბათ ბევრი რამ გააჩნდა. ისიც შეურხევლად, მოუწყინებელი გულისყურითა და აუზღვრეველი სიმშვიდით გასცქეროდა ამ უსაზღვრო სილურჯეს და, ვინ იცის, ამ დროს სად ქროდა მისი გონება, რა გარდასული სურათები ეხატებოდა თვალწინ.

უკანასკნელად... ბაბუასთან მივიდა გამოსამშვიდობებლად. ბაბუა ოცნებაჩამდგარი თვალებით უჭვრეტდა ზღვის ლურჯ უდაბნოს, მზის სხივებზე თევზის ტანივით რომ იქერცლებოდა და ბრჭყვიალებდა.

ბაბუამ თვალთ ანიშნა, შორიახლოს დაგდებულ ჯორკოზე ჩამომჯდარიყო. მაინცდამაინც დიდად არ ეპიტნავა ახლა ეს დაყოვნება ნიკას, რადგან ერთი სული ჰქონდა, სანამ საომარი აღჭურვილობით დამშვენებული, გააჯირითებდა ცხენს ქალაქის ქუჩებში. ეგებ არეთასთვისაც მოეკრა თვალი შორიდან, ან ეგება... ერთი სიტყვით, ეჩქარებოდა, როდის გამოეჭიმებოდა თანატოლებს საომრად მორთულ-მოკაზმული.

მეტი რა ჩარა იყო, ჩაიმუხლა.

ბაბუა კარგა ხანს უცქეროდა დაკვირვებული მზერით. მისი ცისფერი, კამკამა თვალები ჩვეულებრივზე უფრო წყლიანი ეჩვენა. ლამაზი, მოკლე, თეთრი წვერით დამშვენებული მოხუცის სახეს თითქოს რაღაც-ნაირი უჩვეულო ათინათი დასთამაშებდა.

გრძელი თითები ერთმანეთში ჩაეხლართა. იჯდა, უყურებდა უსიტყვოდ. ამ დაჟინებულმა და, ცოტა არ იყოს, უცხო მზერამ შეაკროთო ნიკა, უხერხულობისგან შეიშმუნა.

– რაო, სად მივდივარო, ბიჭო? საით გაგინევია? – ჰკითხა ანაზღად მოხუცმა ოდნავ ხრინწგარეული, წყნარი ხმით.

„ერიჰა! ახლა თუ ყველაფერი თავიდან დავინყე“...

– ბაბუა, ხომ იცი... მეჩქარება...

– არა, საით მიემურები-მეთქი, გეკითხები მე და მიპასუხე, თუ შეიძლება.

ნიკა დაინმანა ისევ. მერმე ცოტა გაგულისებულმა, მოკლედ მოუჭრა:

– საომრად მივდივარ ბაბუა!

– აჰა, საომრად! საომრად! ჰმ-ჰმ... – ბაბუამ ხმა ჩაინმინდა: – ერთი ეს მითხარი, გეთაყვა, თუ შეიძლებოდეს, ვის ეომებით? ვისთან გინვეთ ჩხუბი?

„ჰმ! ვითომ არ იცის!“ – გაიფიქრა გალიზიანებულმა.

– ამორძალებთან, ბაბუა. იათნანას კუნძულის ამორძალები უნდა დავლაშქროთ.

– აჰ. იათნანა!.. ამორძალები!.. – ბაბუამ კიდევ რაღაც ჩაიდუღუნა ცხვირში, თავისთვის.

წამოინია.

– აბა, კარგად, ბაბუა...

– იჯექი მანდა! – უბრძანა უცებ ისეთი ხმით, რომ უნებლიეთ დაემორჩილა.

– მაშ, ისე გაგახდათ ელინებს და ფინიკიელებს საქმე, რომ ქალების დასალაშქრავად მიდიხართ, არა?

მხრები შეაქანა ნიკამ. არ იცოდა, რა ეპასუხნა. ბაბუა ახლა ისევ ზღვას უმზერდა, თითქოს შვილიშვილის არსებობა სრულიად გადაავინყდაო. კვლავ წამოინია ნიკა ასადგომად. ბაბუამ მაშინვე იგრძნო მისი მოძრაობა, ირიბი მზერით გამოხედა:

– მერედა, იცი შენ, ვინ არიან ამორძალები, ან რა კუნძულია იათნანა?

– ბაბუა, რა დროს ეგენია? მაგვიანდება! – დაიჭყანა ბიჭი. თითქოს ნემსებზე ზისო, ისე ცქმუტავდა.

– არსადაც არ გაგვიანდება. მოესწრები კაცთა კვლას, ჰმ... უკაცრავად, ქალთა კვლას.

– ქალები არა! – გაუტრიზავა განაწყენებულმა: – რა ქალებია ეგენი! მამაკაცებივით ხმარობენ თურმე შუბს და მახვილს და მამაკაცებივით იბრძვიან. მოსვენება აღარ არის მაგათგან. მთლად თავს გაუვიდათ. დროა, ერთხელ და სამუდამოდ ვასწავლოთ ჭკუა. და ვასწავლით კიდევ: დიაცებმა თავიანთი ადგილი უნდა იცოდნენ. დედანულიანად ამოეფუჟავთ და ეგ იქნება! – სულმოუთქმელად, სხაპასხუპით წარმოთქვა ის, რაც აქამდე ასჯერ ჰქონდა მოსმენილი და გაგონილი უფროსებისგან.

ბაბუა ახლა ღიმილჩამდგარი თვალებით უცქერდა და ამ უწყინარმა, ჩუმმა ღიმილმა რატომღაც სიტყვა გაუნწყვიტა.

– შენ ბალლი ხარ და გასაგებია, მაგრამ... – დაარღვია დუმილი ბაბუამ ფიქრიანი ხმით, მერმე თითქოს რაღაც იაზრაო, ენაზე იკბინა, გაყურდა.

– შენ იცი თუ არა, რომ ამორძალების ქვეყანა შენი წინაპრების სამ-

შობლოა! – მიახალა უეცრად. თითქოს ისარი გაურჭვესო გულში, ისე შეტორტმანდა ბიჭი. ბაბუა თვალს არ აცილებდა. ნიკა გონს მოეგო წამიერი დაბნეულობის შემდეგ, წელში გაიმართა, კისერი ამაყად ააღერა და ისე გაუსწორა ბაბუას მზერა:

– მე ელინი ვარ და არაფერი მაქვს საერთო ბარბაროსებთან!

– ხმა გაინწყვიტე, ლეკვო!

ბაბუას თვალებში მრისხანების ნაპერწკლები აენთო და ისეთი მწველი და სუსხიანი გახდა მისი მზერა, რომ ძალაუნებურად თვალები დახარა, ისევე ჯორკოზე დაეშვა და...

ერთბაშად თვალი შეასწრო დანარჩენ ჯალაბს: დედ-მამა, დები, პატარა ძმები მოშორებით შემდგარიყვნენ და ისე შემოსცქეროდნენ ორთავეს. ახლოს მოსვლა და საუბარში ჩარევა, ბაბუას რიდის გამო, ველარ გაებდათ.

– ერთი ამას უყურეთ ელინი... ბარბაროსი! – ბაბუას თვალებში ის საშიში ნაპერწკლები აღარ კიაფობდნენ ახლა. მაგრამ ჯერაც საავდროდ გამზადებულ, მოქურუშებულ ცას მიუგავდა ისინი.

– დღეს თითქმის არ არსებობს ელინი, რომელსაც ე.წ. ბარბაროსის სისხლი არ ედგას ძარღვებში. და ბევრი რამ კარგი და ღირებული, რაც გააჩნიათ, „ბარბაროსული“ სისხლის წყალობაცაა. ასეა ეს, და ის მიწა-წყალიც, რომელზეც ახლა მკვიდრობენ, ოდესღაც წაართვეს პელაზგებს – ამ ქვეყნების ძირძველ მაცხოვრებელთ, მიღეთიც და ბევრი სხვა ქალაქიც ამორძალთა-პელაზგთა სისხლისმიერ ნათესავთა, დაარსებულთა. დიას, ასეა სწორედ. ხოლო იათნანა, რომლის დასაპყრობადაც შენ მიბრძანდები, ყმანვილო, იმ ძველი, ელინებამდელი ხალხის ერთი უმცირესი შტოა და იათნანელი ამორძალები იარალით იცავენ თავიანთ წინაპართა სამკვიდროს, იცავენ თავიანთ თავისუფლებას. ხოლო, თუ მთლად ზუსტად გინდა იცოდე, პაპაჩემი კუნძულ იათნანადან იყო, დედა ამორძალი ჰყავდა, მამა მაკრიალელი პელაზგი. ცხრა წლამდე წესისამებრ იათნანაზე იზრდებოდა დედასთან. მერმე ხმელეთზე გადმოსვეს... მრავალ ქვეყანაში ხეტიალის შემდეგ დაეფუძნა ჯერ თებეში, მერმე ტიროსში, ტიროსიდან გადმოვსახლდით აქ, მიღეთში. აი, საიდან არის შენი ფესვი და ძირი, ყმანვილო! აი ვინ იყვნენ შენი შორეული წინაპრები. აი, ვისი სისხლი გიდგას ძარღვებში... სისხლი კიდეც... წყალი არ გახლავთ, არც ღვინო, რომ ადვილად შეიძლებოდეს მისი გადაღვრა ან გამოცვლა!.. სისხლმა შეიძლება მეთაე თაობაშიც იყვილოს... თუმცა, თქვენთვის, ახლანდელი ახალგაზრდებისთვის, ამას მნიშვნელობა არა აქვს. თქვენ მარტო დღევანდელი დღით ცხოვრობთ, მარტო დღევანდელი დღის სიამოვნებასა თუ გართობას მისდევთ და ეძებთ, მარტო დღევანდელით

სულდგმულობთ! ხოლო რა იყო გუშინ, და რა იქნება ხვალ – ამაზე თქვენ ყველაზე ნაკლებად ფიქრობთ. ომიც თქვენთვის თავშესაქცევი გართობაა და დროსტარება. თუმცა... შეიძლება... ეს ასეც უნდა იყოს!

ბაბუა დადუმდა. არასოდეს უნახავთ იგი სხვა დროს ასე აღელვებულნი. ასე გაცხარებული და არც არასდროს ულაპარაკნია მასთან ამდენი. დინჯი და მშვიდი ბაბუა თვალებით უფრო საუბრობდა, ვიდრე ენით.

კარგა ხანს დამეხილივით იჯდა. მისთვის სრული მოულოდნელობა აღმოჩნდა ის გარემოება, რომ „ბარბაროსის“ სისხლი ჰქონია თურმე ძარღვებში, მაშინ როცა ტოლ-ამხანაგებში თავი მოჰქონდა წმინდა ელინური წარმომავლობით. ამ ამბავმა დიასაც რომ დასცა თავ-ზარი. პირველი აზრი, რამაც გაუელვა, იყო: „კიდეც კარგი, ჩემს მეგობრებს არ ესმით ეს საუბარი!“

– ამ ზოგ-ზოგ ყოყლოჩინა ქურდებს არა მარტო მიწა-წყალი და ქონება აქვთ ნაპარავი – სისხლიც ნაქურდალი აქვთ: ჯიშინი სისხლი პელაზგთა, ანუ აიაელების! – მოესმა ბაბუას სიტყვები. ვერ კი მიხვდა, სახელდობრ, ვის გულისხმობდა ბაბუა ქურდებში: ელინებს თუ ფინიკიელებს, მაგრამ საშინლად გაუკვირდა ერთი რამ: როგორ გამოიცნოო ბაბუამ ჩემი ნაჩუმათევი ფიქრი.

– და შენ ყმანვილო, ერთი რამ გახსოვდეს: ამორძალები ჰელიოსის მოდგმად და თავადაც მზესავით თვალშეუდგამი, სწორუპოვარი სილამაზითა და ამაღლებული სულით ბრწყინავენ. ახლა ნადი. რომც დაგიშალო, ვიცი, არ დაიშლი. შენს ასაკში მეც მასე მოვიქცეოდი ალბათ!.. კაცთა მოდგმა საერთოდ ეტყობა იმისთვისაა გაჩენილი, რომ ბრმა და ყრუ იყოს მშვენიერების მიმართ, ნაჯახით, ცეცხლით, მახვილითა და შუბით უნდა მოსრას, გადააჯეგოს და გადაათქეროს მშვენიერების სამკვიდრებელი!

* * *

დია ერასტოს ხმა ნანინასავით ჩაესმოდა ყურში. ძილ-ბურანში ჩავარდნილი, ამაოდ ებრძოდა თავს, დამძიმებული ქუთუთოები ვერა და ველარ ასნია. არის ხოლმე ისეთი წამი, ძილქუში რომ დაგანვება, გინდა ხმა ამოიღო და ენა ვერაფრით ვერ მოგიბრუნებია პირში... წვალოვ, ჯახ-იროვ, მაგრამ ყველაფერი ამაოა.

– შენზე ამბობენ, დია ერასტო, იათნანაზე ხარ ნამყოფი, ამორძალებთანო, მართალია?

სწრაფად გამოფხიზლდა. წამოჯდა. სამარისებური სიჩუმე იდგა გარშემო. ყველანი უხმო მოლოდინით მისჩერებოდნენ დია ერასტოს, რომელსაც ხმა გაეკმინდა.

საოცარი კაცი იყო ძია ერასტო: ჭარმაგი, ბრგე, ახოვანი ვაჟკაცი, შეჟღალებული წვერ-ულვაშით, კეხიანი, მაღალი ცხვირით, ფართო ბეჭებით, ოდნავ მხრებში მოხრილი ისე დადიოდა მათ შორის, როგორც ბებერი ძერა წამოჩიტულ ბახალებში. ხნიერნიც და ახალგაზრდანიც ძიას ეძახდნენ ამ ენაწყლიან, ხალისიან, მუდამ მოცინარი სახის მქონე კაცს.

ვარსკვლავებით მოჭედული ცის გუმბათი დამხოზობდათ თავზე და ლუზაჩაშვებულ ხომალდი ნელ-ნელა ირწეოდა, ძილისა და მოსვენებისკენ ეწეოდა მოლაშქრეებს, ძია ერასტო კი ჩამჯდარიყო ახალგაზრდებს შორის და თავისებურად, ცოტა ტლანქად და უხეშად ენამახვილობდა. ირგვლივ ყველანი ხორხოცობდნენ და უფრო და უფრო აქებებდნენ, რომ მეტად გაელესა ენა, უფრო უხვად გადმოეფრქვია ოხუნჯობის ნიაღვარი.

ძია ერასტოსაც ჭავლი არ ედებოდა ენაზე და იყო ერთი გაუთავებელი მხიარულება და გოზგოზი.

ახლა კი, ისეთი სიჩუმე ჩამოვარდა, ერთმანეთის გულის ბაგაბუგიც ესმოდათ.

იმავე ხმამ, ხანგრძლივი დუმისის შემდეგ იკითხა:

– რატომ გაჩუმდი, ძია ერასტო? ტყუილია განა?

– არა, მართალია ეგ, ყმანვილებო! – მცირე ხნის შემდეგ როგორღაც ამოოხვრით თქვა ძია ერასტომ.

– მართალია?... ნუთუ? – ერთად წამოიძახა რამდენიმე ხმამ, უფრო ახლოს მიიწიეს ძია ერასტოსკენ: – არა სტყუი, ძია ერასტო?

– არა, არ ვტყუი, ბიჭებო. ერთი თვე ვცხოვრობდი ამორძალებთან, იათნანაზე, მაგრამ ეს იყო დიდი ხნის წინ, მაშინ თქვენ დაბადებული არც იქნებოდით, მეც სულ ახალგაზრდა ვიყავი იმ დროს.

– მერე? მერე, ძია ერასტო? როგორ მოხვდი ამორძალებთან? მოგვიყვი რა, ძია ერასტო, ძალიან გთხოვთ! – აჟრიალდნენ ყველანი ერთხმად. და უფრო შეამჭიდროვეს წრე ძია ერასტოს გარშემო. რომც ნდომებოდა, ამ რკალს ალბათ, ვეღარ გაარღვევდა იგი.

– რა გაეწყობა, მოგიყვებით, ყმანვილებო! – დათანხმდა იგი ბოლოს, ეტყობა, შინაგანი ყოყმანის შემდეგ, – რაკი ასე ძალიან გინდათ... თუმცა, ვფიცავარ ზევსს, ახლა ამის გახსენება მაინცდამაინც დიდად არ მსიამოვნებს...

ერასტო ფეხებგაჩაჩხული იჯდა გემბანზე და ახალბედა მოლაშქრენი, მოწადინენი და მოსურნენი ომის ხელოვნების დაუფლებისა, გარს შემორტყმოდნენ ნაცადსა და გამოცდილ მეომარს, ვით ღლაპები მიმინოს და კაშკაშა, მთვარით განათებულ ღამეში, ზღვის ტალღების ნელ ტყლაშუნში, ზღვაურის საამო შარიშურში, რომელიც აუხსნელ, იდუმალ

და ზღაპრულ იერს აძლევდა ირგვლივ ყოველივეს, მზერად და სმენად ქცეულნი, – სულგანაბულნი უსმენდნენ მის უჩვეულო თავგადასავალს.

ძია ერასტო

– როგორც ვითხარით, ყმანვილებო, დიდი ხნის წინანდელი ამბავია ეს, მაშინდელი, როცა პირტიცველა ბიჭი ვიყავი ჯერაც.

კუნძულ ხიოსზე ვცხოვრობდით. მამაჩემს მინის პატარა ნაკვეთი ჰქონდა და მისი შემოსავლითა და მეთევზეობით ვირჩენდით თავს ჩვენი მრავალრიცხოვანი ოჯახი. და-ძმებში ყველაზე უფროსი მე გახლდით. ამიტომ მამასაც ყველაზე ადრე მე ამოვუდექი მხარში.

ერთხელ, ეს იყო გაზაფხულის ბუნიობის ჟამი, მამა შეუძლოდ გახდა და ყანაში მუშაობაც მარტო მე მომიწია.

მივუყვებოდი ერქვანს ოფლში გაღვარული, დაღლილი, მაგრამ გადაბრუნებული ბელტების სუნი, აფეთქებული გაზაფხულის სუნთქვა ცხვირში მილიტინებდა და სიამით მიძგერებდა გულს და მეც გრძნობამორეული, ჩემთვის, ჩუმიად ვლილინებდი.

უცებ რალაც უჩვეულო ყიჟინა შემომესმა ზღვის მხრიდან. ყური ვცქვიტი. სმენად ვიქეცი. მტერი ხომ არ შემოგვესია მოულოდნელად ან მეკობრეები ხომ არ დაესხნენ თავს სანაპიროს-მეთქი. ამის გაფიქრება იყო და დავინახე, მინდორზე ჭენებით როგორ მოჰქროდნენ უცხო მხედრები.

სანამ რამეს გავაცნობიერებდი, რამდენიმე მათგანმა ჩამიქროლა, თვალის დახამხამებაში ამიტაცეს ზევით, გამკოჭეს, მერმე ერთ-ერთმა ცხენის გავაზე მომიგდო ტომარასავით და შემდეგ ისეთივე უცნაური კიჟინით ზღვისკენ გაქუსლეს

სანაპიროს რამდენიმე გემი მოსდგომოდა. წამიც და... ღრმა მუცლიანი ხომალდის ფსკერზე მოვადინე ზღართანი.

ყველაფერი ეს ისე ელვისებური სისწრაფით მოხდა, რომ ვერც კი გავიაზრე ხეირიანად, რა უბედურება ტრიალებდა ჩემს თავზე.

როცა გონს მოვეგე, შევნიშნე, რომ ჩემს გვერდით ასევე გაბანრული კაცები ეყარნენ. ყველას მჩვარით გვექონდა პირი გამოტენილი.

არც დაყვირების, არც მით უმეტეს, ერთმანეთთან დალაპარაკების საშუალება გვექონდა. მივხვდი, რომ გვიტაცებდნენ და ასე თევზებივით გვეყრიდნენ გვერდი-გვერდ. მაგრამ ვინ იყვნენ ჩვენი გამტაცებლები?

თვალეები ლამის შუბლზე მქონდა აცვნილი. ასე მეგონა, ყველაფერი, რასაც ვხედავ, და რაც ხდება ჩემს გარშემო, სიზმარია-მეთქი. ანდა ჭკუიდან გადაცდენილად უნდა ჩამეთვალა თავი და დამესტვინა. ალბათ ასეც მოვიქცეოდი, პირი რომ გამოტენილი არ მქონოდა ჩვრით და ხელფები-შებოჭილი თოკით.

მოკლე ტუნკიანი, მკლავშიშველი, ოქროსთმიანი მზეთუნახავები იყვნენ ჩვენი გამტაცებლები. ბავშვობაში განაგონი მქონდა თქმულებები ამორძალეებზე, მაგრამ მათი ამბავი როგორც ზღაპრები და მითები, ისე ჩამითვლია. და აბა, როგორ წარმოვიდგენდი, რომ სინამდვილეში, მართლა არსებობდნენ და არამცთუ არსებობდნენ, გვიტაცებდნენ კიდევ!

მადლობა ღმერთებს, თვალეები არ აუხვევიათ, ეტყობა, ეს გამორჩათ, ანდა ჩათვალეს, რომ ჩვენს მზერას არავითარი მნიშვნელობა არა ჰქონდა მათთვის – ჩვენი გამტაცებლები არხეინად მიმოდიოდნენ და ისე იქცეოდნენ, ისეთი უდარდელი, დაუდევარი სიცილ-კისკისით და ტკრცი-ალით, გეგონებოდათ, ადამიანები კი არა, მართლა თევზები დაუჭერიათ, ერთად შეუქუჩებიათ ასხმარტალებულნი და მალე სუყველას ერთ საერთო კასრში გადაუძახებნო. მაგრამ თქვენ წარმოიდგინეთ, ყმანვილებო, იმდენად საოცარი, არაჩვეულებრივი და დაუჯერებელი ჩანდა ჩვენს ირგვლივ ყველაფერი, რომ სულ არ მედარდებოდა, რა მომივიდოდა ხვალი, რა ბედს მიმზადებდა ჩემი წერა-მწერალი.

აღბათ მართლა ძალიან სასაცილოდ გამოვიყურებოდი, რადგან ჩვენი გამტაცებლები წამდაუნუმ კისკისებდნენ, რალაცას ჟღერტულებდნენ ჩვენთვის გაუგებარ ენაზე, მერმე ცხენებს ესათუებოდნენ, ეფერებოდნენ ჩვენს თვალწინ ისე, თითქოს ჩვენ აღარც ვარსებობდით, ანდა უსულო საგნები ვყოფილიყავით. მაშინ პირველად ჩემს სიცოცხლეში ვინანე, რატომ ცხენად არ გამაჩინეს ღმერთებმა-მეთქი, რომ ამ მზეთუნახავების ალერსის ღირსი გავმხდარიყავი. თქვენ იცინით, ბიჭებო, მაგრამ სხვების არ ვიცი და მე წამდვილად ამას ვფიქრობდი, რადგან დედის მუცლიდან შეუძლებელი იყო შობილიყვენ ესოდენ სრულყოფილი სილამაზის დიაცები.

თმები მოკლედ ჰქონდათ შეჭრილი და ახლა, როცა მუზარადი აღარ ეხურათ, მზის სხივებზე ისე ბზინავდა და ლაპლაპებდა ისინი, თითქოს მართლაც ბაჯალლო ოქროსი ყოფილიყვენ. ტანმალაღნი იყვნენ, თეთრები და ისე მოხდენილად და მსუბუქად დადიოდნენ, თითქოს დაფრინავნო. შხვართ წვივებზე ვერცხლისფერი წვივსაკრავები შემოერტყათ. და ისე შვენოდათ საომარი აღკაზმულობა, თითქოს დედის მუცლიდან გამოჰყოლოდათ იგი.

– ნუთუ მართლა ასეთი ლამაზები არიან ამორძალები? – იკითხა ანაზად ვილაცამ ეჭვნარევი ხმით.

– ოოხ! – გმინვასავით აღმოხდა ძია ერასტოს. მცირე ხანს იჯდა გაყურებული, მერმე სვენებ-სვენებით ამოთქვა: – სანამ თქვენ თვითონ არ ნახავთ, ბიჭებო, მანამ არ დაიჯერებთ, რომ დიაცის მუცლიდან შეიძლება იშვას ისეთი სრულქმნილი არსებანი, როგორიც ამორძალებია!

ძია ერასტო ისევ გაჩუმდა. დანარჩენებიც დუმდნენ.

– მერე? ერასტო ძია, მერე რა მოხდა? – გაისმა ბოლოს ვილაცის მოგუდული, მღელვარებაშეპარული ხმა.

ძია ერასტომ ღრმად ამოიხვნეშა:

– ჰო, იმას ვამბობდი, ყმანვილებო! თვალეები ღია მქონდა და გაუნძრევლად ვინეკი იმავე ადგილას, სადაც დამანარცხეს. უცებ ვილაცის თეთრმა, მშვენიერმა ხელებმა ჩვარი ამომილო პირიდან.

– რაო, ხომ არ გაგიტკბა, ბიჭო, წოლა? იქნებ დარჩენილიყავი ასე დილამდე, ჰა? – დახვეწილი, მშვენიერი ბერძნულით შემესიტყვა ამორძალი და გაიცინა. მერმე თოკის შეხსნას შეუდგა.

ოჰ, ღმერთო! არასოდეს მსმენია აქამდე ასეთი რაკრავა, საამო სიცილი. თვალეები მოვხუჭე. ოლონდ ეს ხელები შემახე და თუ გინდა ისევ კვლავ გამოთოკე-მეთქი, მინდოდა მეთქვა, მაგრამ ხმა თითქოს წამერთვა, ენა აღარ მემორჩილებოდა.

პასუხად გაუგებრად ნავილულულე რალაცა. მან ისევ გადაიკისკისა და მეც გამოლენჩებული, აზრდაკარგული, მორჩილად და თვინიერად ვასრულებდი ყოველ მის ბრძანებას, რასაც იგი უხმოდ, ხელების დედოფლური მოძრაობით მანიშნებდა (ის სიტყვები იყო ერთადერთი და უკანასკნელი, რაც მე მოვისმინე მთელი იმ ხნის მანძილზე, რაც ჩვენ მივცურავდით იათნანასკენ).

ფეხებზე კი შეგვხსნეს თოკი, მაგრამ ხელებზე დაგვიტოვეს. გვავახშმეს. მერე დასაძინებელი ალაგები მიგვიჩინეს და დაგვიტოვეს მარტო. ყველაფერი ეს ხდებოდა უსიტყვოდ, უხმოდ, მარტო ხელების მოძრაობით. ეტყობა, ასე ერჩიათ ჩვენთან ურთიერთობა ჯერხნობით.

ისე ვიყავი გაბრუებული, როგორც მაშინ, როცა მსუბუქი, შუშხუნა ღვინო ჟრუანტელად დაგივლის ხოლმე ძარღვებში და ტან-იოგში დაგშლის. არაფერზე არ ვფიქრობდი: არც წარსულზე, მით უმეტეს მომავალზე, იმაზე, თუ რა მელოდა ახლო ხანებში. ახლაც არ ვიცი, მართლა დაგვალევინეს რაიმე ნექტარი თუ ისე გამოვშტერდით, ერთი კია: ცხვრის ფარასავით მორჩილად ვასრულებდით ყოველივეს, რასაც გვიბრძანებდნენ. მე მეგონა: საოცრად ლამაზ, ჯადოსნურ სიზმარს ვხედავ-მეთქი და, სიმართლე რომ ვთქვა, სულ არ მინდოდა გამოვფხიზლებულიყავი.

მერეც, გემიდან რომ ჩამოგვსხეს, გამობენტერებული ვიყავი კარგა ხანს. ერთ რამეს კი ვხედავდი, ლამაზი ბუნების წიაღში რომ მივდიოდით.

არც მანამდე და არც შემდეგ, თუმცა მერე მრავალი ქვეყანა მოვიარე, ეგეთი აბანო არ მინახავს, როგორშიც გვიკრეს თავი. არც ასეთი ნელ-საცხებლის სუნი მიყნოსია ოდესმე – ასეთ ნელსაცხებლებს აღბათ

ოლიმპოზე, ღმერთები და ღმერთქალები თუ იცხებენ.

მთელი ამ ხნის განმავლობაში ჩემს დაბინდულ წარმოსახვაში არსებობდნენ მხოლოდ ის მშვენიერი, თეთრი ხელები და ამორძალის ენითგამოუთქმელი, სანეტარო სიცილი მედგა ყურში. ოღონდ ერთხელ კიდევ შემხებოდნენ ის ხელები, ოღონდაც ერთხელ კიდევ მომესმინა ის სიცილი და მზად ვიყავი, დაუყოვნებლივ ჰადესში, პლუტონის სამეფოში გავმგზავრებულიყავ.

ყველაფერი თითქოს ძილ-ღვიძილში ხდებოდა. ისიც თუ როგორ ჩაგვამწკრივეს ახალთახალ ტანსაცმელში გამონყობილნი, დაბანილ-დავარცხნილნი და გალამაზებულნი. მერე რომელიღაც ქალღმერთი მოგვეახლა: მხარზე ოდნავ გვადებდა ხელს, რაღაცას წარმოთქვამდა, მერე გამოგვაცალკავებდნენ და სათითაოდ მივყავდით ასეთსავე მშვენიერ ქალღმერთთან.

ვგრძნობდი, რომ პირზე სულ ერთთავად, სულელური ღიმილი დამთამაშებდა. ჩემს მენყვილესთან რომ მარტო დავრჩი, მახსოვს, საჩვენებელი თითი შევახე მკლავზე – რომ დავრწმუნებულიყავი, ცოცხალი არსებაა თუ მარმარილოს ქანდაკება-მეთქი. თუმცა ეს მარმარილოს ქანდაკება მოძრაობდა, თვალებს ახამხამებდა, მაგრამ, ვინ იცის, იქნებ უხორცო ქალღვთაება იყო, ღმერთების მიერ გამოგზავნილი საგანგებოდ ჩვენდა გასაბრძოლებლად და მოსალორებლად. მერე გავთამამდი და ხელის მტევანზეც მოვიკიდე ხელი – იგივე თეთრი, მშვენიერი ხელი აღმოჩნდა, მე რომ გემზე თოკი შემხსნა. გვერდულად ავხედე. სახეზე ვეღარ ვიციანი. ვეღარც ვიცილობდი, რადგან თითქოს ყველა ერთმანეთს ჰგავდა, ვეღარ გამოარჩევდი ერთს-მეორისაგან. ის სიცილილა ჩამრჩენოდა ძალუმად გულის ერთ კუნჭულში, თუკი იმდაგვარად გაიცინებდა, როგორც გემზე, მაშინ „ის“ იქნებოდა, მაგრამ გაიცინებდა კი?

ჩემმა მენყვილემ შემომღიმა – ალბათ ისეთი ბრიყვული, შტერული გამომეტყველება მქონდა, შევებრალე, მოწყალეა გაილო და ღიმილით გამამხსნევა.

ჰოი, ნეტარებავ! ცა გამეხსნა. მზემ შემომცინა თითქოს. ჩემი ამორძალი მე მიღიმოდა.

სახე გამებადრა. ტუჩები ყურებამდე გამეხა და მერე ვეღარც მოვუყარე თავი პირს.

სადღაც, ჰაეროვან სვეტებიან ტაძარში შეგვიყვანეს. უცხო, არგაგონილი ჰანგები იფრქევოდა გარშემო. სიყვარულის ღმერთის საკურთხეველთან მივიტანეთ ყვავილები და ხილის ნაყოფი – ჯერ რომ არასოდეს თვალთ არ მენახა – ისეთი. მერმე, უჩვეულოდ მოხატულ, ლამაზ, მარმარილოს დიდ დარბაზში იყო გაშლილი საერთო ქორნილის სუფრა.

ჩვენ ჩვენი მენყვილებით ვისხედით ჭრელ ფარდაგებზე და ვსვამდით ოლიმპოს ღმერთების სასმელს ამბროზიას და ნექტარს. შევექცეოდით უცხო, უგემრიელეს საჭმელებს. მერე ჩვენი ამორძალები როკავდნენ. ფერხულს უვლიდნენ ხან ერთად, ხანაც მარტონი. ეს იყო უნაზესი, უმშვენიერესი ფერხისაი მზის ასულთა: თავად სილბო, თავად სიფაქიზე, თავად ალერსი...

ვეღარ წარმომედგინა, თუ ამ საოცარ, ნაზ ქმნილებებს ოდესმე მახვილი ეჭირათ ხელში.

მათი დედოფალი მომადლო ტახტზე იღერებდა ყელს. ცოტა ქვემოთ, უფრო მომცრო ტახტზე უმშვენიერესი ყმანვილი ნახევრად წამონო-ლილიყო ყურთბალიშებზე.

ამორძალების დედოფალიც თხოვდებოდა ამ დღეს და მერე, როგორც ვავიგე, ასეთი ქორნილი მეორდებოდა ხუთ წელიწადში ერთხელ – გაზაფხულის ბუნიობის ყამს.

ახლაც იდგა ბუნიობა. და ამორძალები ქორნიდებოდნენ მათ მიერ მოტაცებულ მამაკაცებზე!

და ეს ქორნილი ჰგავდა ოლიმპოს ღმერთებისა და ღმერთქალების ქორნილს, რადგან ამის შესადარ სილამაზეს და დიდებულებას სხვას ვერაფერს წარმოისახავდა კაცის უბადრუკი გონება. და შენ იყავი ერთ-ერთი ამ ღვთაებათაგანი. და შენ გვერდს გიმშვენიებდა ერთ-ერთი ამ ქალღმერთთაგანი – მზის შთამომავალი!

მერე ცალ-ცალკე დაგვანანილეს ლერწმისა და ყვავილებისაგან მონწულ ქოხებში, სადაც ერთი თვე უნდა დავმტკბარიყავით ერთიმეორის ალერსით და სიყვარულით...

ერასტო ძია ისევ გაჩუმდა. სხვებიც გატრუნული, სულთქმაშეკრულნი ისხდნენ.

ნიკას გული გამეტებით უცემდა. არც დანარჩენები იყვნენ უკეთესი დღეში.

– მერე? მერე რა მოხდა, ერასტო ძია? – იკითხა ვილაცამ ჩამწყდარი ხმით.

– მერე? აბა რა გითხრათ, ჩემო ბიძიებო? თუკი ამ ცოდვა-ბრალიან დედამინაზე, კაცთა მოდგმას შორის არსებობს ბედნიერება, – ბედნიერი ვიყავი იმ ერთ თვეში, რაც მე ჩემს ამორძალთან გავატარე. მაგრამ როგორც ყველაფერს ამქვეყნად, ბედნიერებასაც დასასრული აქვს. ღმერთები მსხვერპლს მოითხოვენ ბედნიერების სანაცვლოდ. იმ ერთი თვის ზღაპრული, საარაკო და არაამქვეყნიური ნეტარება უნდა დასრულებულიყო..

– რომ ამბობენ, აბა, ამორძალები ხოცავენო მამაკაცებს, ძია ერასტო, ტყუილია?

– ტყუილია, მამა! ჭორია, რასაკვირველია! უგონებენ ამორძალებს ბოლმინი, შურიანი კაცები, – ერთბაშად გაცხარდა ძია ერასტო: – განა ვერა ხვდებით, რომ ტყუილია?

– გვიამბე, აბა, რა მოხდა მერე ძია ერასტო?

– მოასვენეთ, ბიჭებო, კაცი. ეგება ეძნელება წარსულის გახსენება, – გამოიჩინა რომელიღაცამ გულმონყალება და სცადა დაეშოშმინებინა ამხანაგები, მაგრამ ყველანი ისე იყვნენ ალტკინებულ-ალგზნებულნი, რომ ახლა მათზე ვერ გაჭრიდა ვერანაირი შეგონება. ეს ციებ-ცხელებიანი ცნობისნადილი უნდა დაკმაყოფილებულიყო.

საერთო გულისტქმა, ეტყობა, იგრძნო თვით ერასტომაც, თუმცა დიდი გულთამხილაობა და მისნობა არც სჭირდებოდა ყმანვილთა სურვილის გამოცნობას. ერასტო ძია თანახმა გახდა გაეგრძელებინა თხრობა:

– ერთი რამის თქმა დამავინყდა წელან თქვენთვის, ყმანვილებო. როცა მე ამორძალებთან მოვხვდი, თუმცა ძალზე ახალგაზრდა კი ვიყავი, მაგრამ უკვე ცოლშვილიანი გახლდით. როგორც ხდება ხოლმე ჩვენში, მშობლებმა შემრთეს ჩემი ტოლი გოგონა ჩვენივე სოფლიდან. წლინახევრის ბიჭიც მყავდა უკვე და მეორეზეც ფეხმძიმედ იყო ჩემი ცოლი, როცა განგებამ ამორძალის ქმრობა მარგუნა წილად.

ვითარცა გითხარით, ამორძალები ყოველ ხუთ წელიწადში ერთხელ ქორწინდებიან. ასე რომ, მთელი ცხოვრების მანძილზე შეიძლება რამოდენიმე ქმარი გამოიცვალოს. მთავარია მათთვის – შვილების, შთამომავლების გაჩენა. ცხადია, მხოლოდ გოგონებს იტოვებენ, ხოლო ბიჭებს ცხრა წლამდე ზრდიან, მერმე ჩასახამენ გემებში და ხმელეთზე გადმოსვამენ ხოლმე მამების სამშობლოში.

...თეასთვის მე პირველი მამაკაცი აღმოვჩნდი. თითქმის სულ ბავშვი იყო გარეგნულად, თუმცა 18 წლის კი იყო უკვე. თხელი, ნაზი, ლერწამით მოქნილი გახლდათ და სათუთი ბუნების. ერთბაშად, უცებ შემიყვარა თეამ. შესახედავად მეც არა მიშავდა რა მაშინ, გვარიანი ბიჭი ვიყავი.

მე, რომელსაც ქალისა და კაცის ურთიერთობა ცოლ-ქმრულ მოვალეობად რომ მიმაჩნდა მხოლოდ, უცებ წამლეკა ჯერ არგანცდილმა, საოცარმა გრძნობამ. უცებ მივხვდი, რომ არსებობს კიდევ სხვა რაღაც – ენით უთქმელი, საარაკო.

თეა ჩემთვის თითქოს არც იყო მიწიერი, ცოცხალი არსება. თრთოლვითა და კანკალით, მოწინებითა და უზომო კრძალვით ვეხებოდი მის ღვთაებრივ სხეულს. იგი ჩემთვის ციდან გამოგზავნილი საჩუქარი იყო – არ ვიცი რატომ და რისთვის, რა დამსახურების გამო ნეტარი ღმერთებისგან ბოძებული. დიახ, ასეთი შეგრძნება მქონდა, ყმანვილებო, და

მიუხედავად ამგვარი დამოკიდებულებისა, ჩვენ მაინც ახალგაზრდები ვიყავით: ცოცხალი, ხორციელი არსებანი.

...თეამ ერთი-ორჯერ წამიყვანა თავის სალოცავებში: მზეს და მთვარეს, ციურ მნათობებს, ვარსკვლავებსა და ზღვის ღვთაებებს ეთაყვანებოდა, რომელთა სახე-ხატებად მიიჩნევენ – განსაკუთრებით ხარს, ლომს, ირემს, გარეულ ტახს, ცხენსაც კი, ხოლო მცენარეებიდან: მუხას, რცხილას და... რასაკვირველია, ვაზს! მაგრამ უმთავრესი, უზენაესი ღვთაება მათთვის მაინც ღმერთების დედა, ცის და სამყაროს უსაზღვროების განმგებელი ქალღმერთი ნანაა.

უჩვეულოა მათი თაყვანების წეს-ჩვეულება: სისხლიან მსხვერპლთშენირვას არ ცნობენ.

საოცარია მათი სატაძრო ცეკვები და საგალობლები. საოცარია მათი საკრავები. და უცნაური ის გახლავთ აგრეთვე, რომ საჯაროობის მოყვარულნი, მაინც ინარჩუნებენ განმარტოების, თავისთავთან მარტო ყოფნის უნარს. რამდენჯერ შემინიშნავს, ერთად ყოფნისა და ალერსის ჟამსაც კი, უცებ ჩემი თეა თითქოს ეთიშებოდა ამქვეყნიურს და სადღაც, ჩემთვის მიუღწეველ და თვალშეუდგამ სივრცეებში ქროდა მისი გონება, თუმცა ეს წამიერად ხდებოდა, მე მაინც ვგრძნობდი, რომ თეას სული იმ-ნუთებში რაღაც სხვა, იდუმალ ძალებს ეკუთვნოდა და ჩემთან მხოლოდ მისი ტანი – ამ სულის ჭურჭელი რჩებოდა. სამაგიეროდ, საოცარი იყო იქიდან მობრუნებული თეას სიტბო და სინაზე. ამის გადმოცემა, მით უმეტეს აღწერა, შეუძლებელია, ყმანვილებო...

ერთხელ, თეას მივუსწარი, როცა ის, მარტო დარჩენილი, თავისთვის ცეკვავდა და მღეროდა ხმადაბლა, როგორც კი დამინახა, როკვა შეწყვიტა. მერე ამიხსნა, მარტო როცა მღერი და ცეკვავ, მღერი და ცეკვავ მხოლოდ შენთვის, შენი სიამოვნებისთვის და ამ დროს ყველაზე ახლოს ხარ ღმერთებთანო.

ხომ ასე ვიყავი სიყვარულისგან გონიხდილი და დაბურსალეული, მაინც ვკითხე ერთხელ: როგორ იმეტებთ ასე თქვენს ნაფერებ მამაკაცებს, ანდა თქვენს შვილებს, პატარა ბიჭებს-მეთქი. თეას ჩრდილმა გადაურბინა სახეზე. მოიღრუბლა; წამით ყუჩად იყო. მერე წყნარი, სევდანარევი ხმით წამოიწყო:

– ადრე, ჩვენს კუნძულზეც დედაკაცი და მამაკაცი ერთად ცხოვრობდნენ თანასწორად, შეხმატკბილებულად. ერთი შეხედვით ისე ჩანდა, თითქოს დედაკაცი მბრძანებლობდნენ მამაკაცებზე, მაგრამ სინამდვილეში – მამრი უფრო ძლიერი და გონიერი ყოფილა მაშინ და დედაკაციც ამიტომ გალალეული და თავისუფალი გამოიყურებოდა. მაგრამ დროთა ვითარებაში მამაკაცებს თავიანთი პატივმოყვარეო-

ბისა და ამპარტავნობის წყალობით მოუნდათ საკუთარ დიაცთა მონად გადაქცევა ისე, როგორც ეს იყო მათ მეზობელ ქვეყნებში. ბოროტმა მარცვალმა იწყო ზრდა და... უცხოელთა ნაბადვით, ჯერ სისხლიანი ზორვა შემოიღეს. მერე თანდათანობით უცხო ღვთაებასთან პირმშოთა შეწირვაც დაიწყეს. იათნანაზე მომრავლდნენ უცხოელი მოგვნი და ვაჭარნი. ისინი, იათნანელ მამაკაცთა ხელშეწყობით, ავრცელებდნენ მთელს იათნანაზე თავიანთ რწმენას. იათნანა ნელ-ნელა კარგავდა თავისუფლებას, მრავალ სხვა თანამოდმეთა მიერ დასახლებულ კუნძულთა მსგავსად. იათნანის ქურუმებმა კუნძულის უბედურებაში მამაკაცებს დასდეს ბრალი – სავსებით სამართლიანად, რამეთუ მამაკაცი, ჩანს, ვერ ძლებს სისასტიკის გარეშე, ვერ ძლებს თუ ვინმეზე არ მბრძანებლობს: სახლში ცოლზე და შინაურზე, გარეთ – მეზობლებზე, ნათესავებსა და მოკეთებებზე: ანდა მთელ ერზე, მთელ ქვეყნიერებაზე. სწორედ ეს სწრაფვა ძალაუფლებისადმი აქცევს მათ დაუნდობელ, სასტიკ და ბოროტ არსებებად – ეს თვისება კი მომავალში მრავალ უბედურებას უქადისო კაცთა მოდგმას. ხომ გინახავს, რა მტრობა და შუღლი აქვთ მამრ ცხოველთ მდედრის გამო? თითოეული მათგანი თავად ცდილობს დაისაკუთროს მდედრი. მერედა, რა მძვინვარენი, რა გულბოროტნი და სასტიკნი ხდებიან ერთიმეორის მიმართ, როგორი გააფთრებით უსწორდებიან ერთმანეთს. ასეა მამაკაცებშიც. ძალადობა და სისხლის წყურვილი ჭარბობს მათში. ჩვენმა სათნო დედოფალთ-დედოფალმა დიდმა ნანამ, ბჟალარამ და ნათელმა მთვარემ არ ინებეს დაეშვათ იათნანაზე მამრთა მძლავრობა და გულზავობა. დედაკაცნი აჯანყდნენ: ძალადობას ძალადობა დაუპირისპირეს...

ერთ ღამეს მოულოდნელად დაესხნენ თავს როგორც უცხოელ, ისე საკუთარ მამაკაცებს. ერთად შეჰყარეს, შეკოჭეს, ჩაყარეს გემებში და სამუდამოდ გააძევეს იათნანადანო.

– ნუთუ... ყველა მამაკაცი? – ვიკითხე შეცბუნებულმა.

– ყველა! უკლებლივ ყველა: ღრმა მოხუცთა, ქურუმთა და ჩვილთა გარდა.

– ჰო, მაგრამ... ვით მოახერხეს ეს ქალებმა, როგორ შეძლეს? – ვკითხე კვლავ ცნობისნადილით ანთებულმა.

თეას შემწყნარებლური ღიმილი შეეპარა ბაგეზე.

– ნელთა მანძილზე მზადდებოდა ყოველივე. ნელთა მანძილზე ყოველ სამლოცველოსთან იქმნებოდა საიდუმლო ქალთა რაზმები, რომელნიც ჩუმათვე ინვრთნებოდნენ და ბოლოს, დადგა შურისძიების ჟამიც... სწორედ იმ ხანებში უმშვენიერეს დიაცს ციცის – მამაკაცთა, უფრო სწორად კი – ფინიკიელთა სამსჯავრომ სიკვდილი მიუსაჯა, მხ-

ოლოდ იმიტომ, რომ მან თავისი ქალური ღირსება და პატიოსნება დაიცვა. ციცი კონცხიდან გადაადგდეს ზღვაში – ჩაიდინეს მანამდე გაუგონარი და არნახული სისასტიკე იათნანაზე. ჰოდა, აივსო მოთმინების ფიალა... მას შემდეგ მამრს არ ვაჭაჭანებთ კუნძულზე. თუ ძალით მოგვიხტებიან, ძალითვე ვპასუხობთ და ვამარცხებთ კიდეც. ამორძალთ ჯერ ბრძოლა არ წაუგიათ. მამრის იარაღითვე ვებრძვით მამრის ძალმომრეობასო.

ჰო, მაგრამ... მთელს ქვეყნიერებაზე მამრი უფრო ძლიერია მდედრზე, უფრო ღონიერიც, გონიერიც და ამიტომ მძლავრობს იგი უფრო სუსტზე-მეთქი, შევბედე ცოტა თავმოყვარეობაშელახულმა, თუმცა მენიშნა კი ბევრი რამ თეას ნათქვამში. (თვალნინ დამიდგა ჩვენი სახლობის სურათი: ჩემს ცოლს, აბა, ხმას ვინ ამოაღებინებდა ოჯახში – იგი ყველაფერში, შინ თუ გარეთ, ქმრის, ანუ ჩემი სრული მონა-მორჩილი იყო. და ეს სადღაც ჩემს თავმოყვარეობას და გულს უფონებდა, ასევე იყო დედაჩემი მამაჩემის მიმართ. და ეს იყო მითაჟამიდან. ასე ვიყავით მიჩვეულნი, ასე გვზრდიდნენ და ვისაც ვიცნობდი, ყველანი ასე იქცეოდნენ. მაშ, რა გამოინაკლისი უნდა ყოფილიყო იათნანა?).

თეა ჩუმი, ოდნავ შესამჩნევი ღიმილით მისმენდა, მერე ისე, ვით პატარა ბავშვს მოუყვებიან და აუხსნიან, იმ კილოზე დამიწყო ლაპარაკი, თითქოს თვითონ – ეს სრულებით ნორჩი ქმნილება – დიდი ცხოვრებისეული გამოცდილების მქონე ყოფილიყო.

– ყოველთვის ასე როდი იყო, ერასტო ჩემო, ყოველთვის მამრი როდი მძლავრობდა. ადრე, ძალიან შორეულ ხანაში, მდედრი განაგებდა ყველაფერს და კაცთა მოდგმაც ადრე უფრო კეთილი, გულმონყალე, რბილი ბუნების იყო.

„ბოროტი და კეთილი მარცვალი დიაცშიც არის და მამრშიც. ნუთუ მარტოოდენ მამრი ატარებს ამ სიავის დვრიტას? ნუთუ ყველა თქვენი ქალი ერთნაირად კეთილია, ერთნაირად უბოროტო, უემშაკო, უვერაგო“-მეთქი, მინდოდა მეთქვა, მაგრამ გულში ჩავიბრუნე სათქმელი და ამის ნაცვლად სხვა რამ ვკითხე:

– მაშ, თქვენი ამბოხის ჟამს არავინ დაგიხოციათ, თეა?

თეას ლოყები შეუფაკლდა.

– ჩვენზე ათასგვარ სიცრუეს ავრცელებენ, ათასგვარ სისულელეს გვიგონებენ, რათა სახელი გაგვიტეხონ და გაამართლონ თავიანთი შემოსევანი იათნანაზე... მაგრამ ერთ რამეში არ ტყუიან: იათნანადან იათნანელი მამაკაცების ასე სამარცხვინოდ გაძეება, თუმც ამის ღირსნი იყვნენ – სიკვდილზე უარესი იყო მათთვის. ჩვენ მაინც ვცდილობდით სამართლიანნი ვყოფილიყავით მათ მიმართ – სწორედ ამ ამბოხის შემდეგ ჩვენმა წინაპრებმა შეიკედლეს შეჭირვებული აქაველთა ბელადი.

ხოლო მან სიკეთის სანაცვლოდ, მოტყუებით გაიტაცა თურმე ჩვენი დედოფალი და იქ ცოლად შეირთო, მაგრამ დიდხანს არ უცოცხლია თურმე უცხოეთში... ამორძალი სხვა ქვეყანაში ვერ ძლებს...

ერთხელ, მიმწუხრისას, ჩვენი ეზოს განაპირას მდგარ რცხილას ძირში შევამჩნიე თეა, ბარტყი რომ ეჭირა ხელში და დაჩოქილი, ეალერსებოდა და ესიყვარულებოდა. შორიახლოს შევდექი. კარგა ხანს გაოგნებული ვიდექი და შევცქეროდი ამ სანახაობას. რამხელა სითბო და სინაზე იყო თეას მოძრაობაში, რა სასოება გამოხატვოდა სახეზე, როგორი ლულუნა იყო მისი ხმის კილო – რამოდენა სიტკბოება და სიღბო ჩაღვრილიყო მასში!

მერმე გამოვერკვიე და შეუმჩნევლად დავადექი თავს. შეკრთა. აჟუჟუნებული, დამორცხვებული თვალებით ამომხედა:

– ერასტო, შეხედე... რა პანიაა; რა უმწეო! ამ საცოდავმა, ეტყობა, ვერ გამოზომა და გადმოვარდა ბუდიდან... ნახე, როგორ კანკალებს? როგორ უფართქალებს გული? – თეა წამოდგა და ფიქრიანად თითს უსვამდა ბარტყს ზურგზე.

ამორძალი ქალი ამიერიდან ჩემს წარმოსახვაში აღიბეჭდა არა მახვილით, არამედ შაშვის ბარტყით ხელში, – სასოებით, რუდუნებით რომ დაჰგურგურებდა უმწეო არსებას.

ერთხელ თეამ წამიყვანა ამორძალთა სამხედრო წრთვანაზე. გზაზე განმიმარტა, ახლადშეუღლებულნი არ ღებულობენო მონანილეობას ვარჯიშში, რადგანო როკვა – ფერხისაი, წვრთნა და სხვა ამგვარი რამენი სასტიკად აკრძალულია, როცა ჩვილი ესახებაო დიაცს საშოში.

ხოლო ბავშვების თაყვანება პირდაპირ განსაცვიფრებელია იათნანაზე. ბავშვი არის ის ცოცხალი კერპი, რომლის ერთი გაღიმებისთვის ამორძალი მზად არის ნემსის ყუნწში გაძვრეს... სიცოცხლე განიროს.

ძია ერასტომ იყუჩა.

– მერე, მერე ძია ერასტო? – შესძახეს აქეთ-იქიდან.

– თეამ დამასწრო ბერი დიაცების სამხედრო ვარჯიშს... თქვენ თვითონ დარწმუნდებით მალე, ჩემო კარგებო, რომ ის, რაც მაშინ მე ვნახე, ზღაპარი არ იყო, არც მოჩვენება, არ შეიძლება ჩვეულებრივმა დიაცმა ასეთი რამეები მოიმოქმედოს. ალბათ, მართლაც ღვთისშვილნი არიან, როგორც თვითონ ამბობენ.

– ნუთუ მართლა მამაკაცებივით ღონიერნი არიან, ძია ერასტო?

– რასაკვირველია, არა, მაგრამ ასეთი სიმკვირცხლე, სისხარტე და მოქნილობა, ასეთი ხმარება სატევრისა, ფარისა, მშვილდ-ისრისა, ცხენთა ასეთი ტარება ჩვენში მხოლოდ ჯამბაზებს თუ შეუძლიათ. მოხერხებით, ეშმაკობით, ხრიკებითა და ფანდებით უფრო აღწევენ ამ ზღაპრულ

სიჩაუქეს და სიმარჯვეს. ესენი ხომ სამი წლიდან უკვე ცხენზე არიან. ბავშვობიდანვე საგანგებოდ ინვრთნებიან. და განა მარტო სამხედრო ხელოვნებაში? ასევე ინაფებიან სიმღერაში, ცეკვაში, ლექსთა გამოთქმაში (შეჯიბრიც კი აქვთ თურმე მოლექსეებს) ხატვაში, ძერწვაში, კალიგრაფიაში, საოჯახო საქმიანობაში...

საერთოდ, ყველაფერში უჩვეულონი არიან. რაკი მამაკაცები არ ჰყავთ, თვითონ ხნავენ, თესავენ, მკიან... მართალია, მძიმე შრომა არ უწევთ, რადგან ბუნება საოცრად უხვი და ნაყოფიერი აქვთ. ბუნებრივი მოსავლითაც შეუძლიათ იოლას გავიდნენ. ზამთარი თბილი, წვიმიანი იცის იათნანაზე...

ჰყავთ დედოფალი, რომელსაც... ირჩევენ, დიახ, ირჩევენ ათი წლის ვადით. ყველაზე ლამაზი, ყველაზე გონიერი და ყველაზე დახელოვნებული მხედარი უნდა იყოს იგი. არჩევნებში ყველა მონანილეობს 17 წლიდან. იმართება საერთო თავყრილობა, სადაც ირჩევენ უხუცესთა საბჭოს. უხუცესები კი თავის მხრივ ირჩევენ დედოფალს... ყველას შეუძლია თავისუფლად გამოთქვას თავისი აზრი და ვინც მეტ ხმას მიიღებს, ის იქნება იათნანას დედოფალი ათი წლით.

დედოფალი თავის მხრივ, ყველა მნიშვნელოვან საშინაო თუ საგარეო საქმეს უხუცესთა და ქურუმთა საბჭოს ეკითხება. ერთპიროვნულად ვერაფერს გადაწყვეტს, მათი თანხმობის გარეშე. ხოლო ქურუმთა საბჭოს არჩევნებში მარტო ქურუმები მონანილეობენ. თითქოს რაღაცით ჰგავს მათი წესი ჩვენს ქალაქთა წყობას, ოღონდ იქ მართლა დემოკრატიაა და არა მოჩვენებითი... ხოლო მონობა და მონური შრომა კანონით სასტიკად აკრძალულია იათნანაზე.

...ამ ბერი დიაცების წვრთნის შემდეგ ჩემმა თეამ ცოტა არ იყოს ცბიერი ღიმილით მითხრა: – შენ რომ გენახა ახალგაზრდათა ვარჯიში, მათი სიმარდე, ძალგულოვნება და შემართება, შეიძლება, მართლა არ დაიჯერო, რომ ისინი ჩვეულებრივი, მოკვდავი დიაცთა ნაშობნი არიანო. თან ცოტა არ იყოს ქედმაღლურად განმარტა: ჩვენიანები ეხმარებოდნენ ილიონელებს აქაველთა წინააღმდეგ ბრძოლაში, რადგან ილიონელები ჩვენი მოდგმის არიანო. მათ დახმარება უთხოვიათ ჩვენებისთვის და იათნანელებსაც გაუგზავნიათ ჯარი დედოფლის – თათიას მეთაურობით. მედგრადაც ებრძოდნენ ჩვენიანნი აქაველებს, მაგრამ აქაველთა ჯარში მყოფმა მირმიდონელთა ბელადმა, ჩვენივე სისხლის და ხორცის აქილეესმა ორთაბრძოლაში მოჰკლა დედოფალი თათია. სტყუიან თქვენები: ელენეს მოტაცება როდი იყო ომის მიზეზი... აქაველებს დიდი ხანია თვალში ეჩხირებოდათ ილიონის სიმდიდრე, დოვლათი, და საბაბს ეძებდნენ საომრად. პელაზგთა მოდგმის აქილეესს, აქაველთა მიერ

ოდესლაც დაპყრობილ თესალიელთა მამაც ვაჟკაცს, თავიდან აღარ უნდოდა თურმე მონანილეობა მიელო ამ ბრძოლაში, რადგან კარგად უწყობდა, რომ ილიონელნი ნათესავად ერგებოდა. გაიპარა კიდეც სახლიდან და ქალურად გადაცმული, იმალებოდა ერთ-ერთ კუნძულზე ახლობლის სახლობაში. მაგრამ ვილაც ნადირალამ დაასმინა აქაველებთან და ისიც იძულებული გახდა გამოეყვანა თავისი მხედრონი აგამემონის მხარეზე. თუმცა დიდ ხანს ახერხებდა უშუალოდ არ მიელო მონანილეობა ძმათამკვლელ ომში. ბოლოს მეგობრის სიკვდილით გამწარებული ჩაება ბრძოლაში. ერთ-ერთი შეტაკების დროს გადაეყარა ჩვენს დედოფალს, რომელმაც წამოსძახა: შენ რა ვაჟკაცი ხარ, შენი ქვეყნის დამპყრობელთა მხარეზე იბრძვი, ნათესავების წინააღმდეგო.

აქილეუსი უზომოდ ამაყი და ფიცხი იყო, პელაზგთა ფიცხელი სისხლი დიოდა მის ძარღვებშიც და ღვთიშვილად მოჰქონდა თავი. ჰოდა, არ აპატიო ვაჟკაცობის დანუნება მოწინააღმდეგეს. მით უმეტეს დიაცს. ორთაბრძოლაში გამოიწვია თათია. დედოფალმა მიიღო გამოწვევა, რამეთუ თათიას ძარღვებშიც ჩქეფდა პელაზგური ამაყი სისხლი. ღირსეულ მეტოქეობაში თათია იძლია აქილეუსისგან... ოდითგან ასე მოსდგამდა ჩვენს ჯილაგს: ჩვენი გამორჩეული დიდი გმირები, სულით და ხორციით დევგმირები – ილუპებოდნენ თანამომის ხელისგან – მათი მტრების საამებლად. ამჯერადაც ასე მოხდა.

– ძია ერასტო, ამორძალებს ცალი ძუძუ მართლაც ამომწვარი აქვთ, როგორც ამბობენ ხოლმე? – იკითხა ვილაცამ, როცა ძია ერასტო მცირე ხნით გაჩუმდა.

– ზღაპარია ეგ. ჭორი და მოგონილი ამბავია. ყველაფერი ჩვეულებრივი ქალივით აქვთ, ოღონდ... მაინც არ არიან ჩვეულებრივი დიაცები!

ერთხელ თეას ვუთხარი, აი თქვენი წინაპრები თავიანთი გვარტომის გადაშენებას გაექცნენ და ამისთვის გააძევეს მამრები კუნძულიდან, მაგრამ როგორც ვატყობ, გადაშენება მაინც ველარ აგცდებათ, რადგან ძალიან მცირერიცხოვანნი ხართ და რაც დრო გაივლის, უფრო შემცირდებით-მეთქი, ხუთ წელიწადში ერთხელ შობადობა და ისიც, თუ მამრი გაჩნდა, კუნძულიდან აგდებთ, რალა რჩებით-მეთქი?

თეამ გულისყურით მომისმინა. მერე ნაღვლიანად დააქნია თავი, სწორია რასაც შენ უბნობო. ყველა ცდის მიუხედავად, მაინც ვილევით და ვიშრიტებითო. ჰოდა, რას ფიქრობთ სამერმისოდ-მეთქი, ვკითხე ცოტა იმედმოცემულმა. დიდი ნანას ნება-სურვილით დადგება ჟამი და დედაკაცნი და მამაკაცნი ისევ ერთად იცხოვრებენ იათნანაზეო, მომიგო თეამ და განაგრძო: ჩვენგან ისევ დაიბადებიან ღმერთკაცები. ისინი შეებრძოლებიან ბოროტ ურჩხულებს და მავნე სულებს, სძლევენ მათ

და მაშინ ყველა მდებრი და მამრი იცხოვრებს მხოლოდ სიყვარულით, სიკეთით, სიამაგებლობით, როგორც ეს იყო ადრე. აღარ იქნება კაც-თაკვლა, ძალადობა, სიძულვილი, მტრობა. იათნანელი თუ ფინიკიელი, ყველა იქნება თავისუფალი, თავის მფლობელი, და მხოლოდ სიყვარული და სათნოება იმეფებს ქვეყნიერებაზე ისე, როგორც ეს იყო ოდესლაც, აიაიას კუნძულზე. ასე ამბობენ ჩვენი ქურუმები და უხუცესები.

– მერედა, როდის დადგებაო ასეთი ჟამი? როდისო?

– მხოლოდ ღმერთებმა უნციან იმ ჟამის მოსვლა, ღმერთთა ნებას ვერსად წაუვალთ, რამეთუ არაფერი არ ხდება ამ ცისქვეშეთში მათი ნება-სურვილის გარეშე და ჩვენც გვმართებს მოთმინებით და მორჩილებით ველოდოთ მათ განჩინებას და ჟამის მოწვევასო.

– ღმერთთა თუ... ქურუმთა? – შევაპარე ფრთხილად.

– ეგ სულ ერთია! ქურუმები ღმერთთა ნებას გვამცნობენ ხოლმე.

თეა წამოდგა. მისმა სახემ მამცნო, აღარ მსურს საუბრის გაგრძელებაო. მეც გავჩუმდი, მაგრამ გულ-ღვიძლი ამემღვრა და ენის წვერზე ვიჭერდი სიტყვებს: თქვენ გაიძულევენ ასე იცხოვროთ! მაშასადამე, აღარა ხართ თავისუფალი, რადგან იძულება და თავისუფლება არ შეიძლება ერთმანეთის გვერდი-გვერდ თანაარსებობდეს-მეთქი.

მაგრამ აღარაფერი ვთქვი. არ მინდოდა ეგზომ გული ჩამენყვიტა. თეასთვის, ეგზომ მენყვინებინა.

...ერთხელ ქოხში გვეწვივნენ თეას დედა ნანუ და დისწულნი: მზეხა და ბუხუტია. თეას დედა ნადედოფლარი ყოფილა. ეტყობოდა კიდეც ეს მიხრა-მოხრასა და იერზე. შიგნით არ შემოსულან, ცაცხვის ჩეროში მოიგუნებეს მოსვენება. თეამ დედის მიერ მოტანილი კალათიდან ამოალაგა ხორაგი და იქვე, მდელოზე სახელდახელო სუფრა გაშალა.

თეას დედა თავის ოდნავი დაქნევით მომესალმა და ამის შედეგ საერთოდ აღარ შემოუხედავს ჩემთვის. მის ოდესლაც ალბათ მართლა ძალიან ლამაზ სახეზე ნაოჭები მომრავლებლიყვნენ. თხელი, უფერული ტუჩები მჭიდროდ ჰქონდა მოკუმული. იშვიათად თუ იტყოდა რამეს. სიტყვებს ისე წარმოთქვამდა, თითქოს კბილებში სცრისო. თეა, ჩანდა, უფრო მისი თვალების გამომეტყველებითა და წარბების მოძრაობით ხვდებოდა, თუ რა უნდა გაეკეთებინა. დაძაბულობისა და მღელვარების დასაფარავად თეა ზედმეტად ფუსფუსებდა, თან ჩემს მზერას გაურბოდა თითქოს. დედამისმა, ეტყობა შენიშვნა მისცა ისე, რომ სახის კუნთი არ შესტოკებია, თითქოს არც პირი გაუღია. ერთი ორჯერ, ვითომ სასხვათაშორისოდ, ისეთი გამგმირავი მზერა მესროლა დახრილი ქუთუთოებიდან, რომ ჭიანჭველებმა დამირბინეს სხეულში. არ ვიცოდი, სად ჩავმძვრალიყავი, ხელები და თვალები საით წამელო. დედამ რალაც უთხრა თეას. თეამ

სწრაფად გამოიხედა ყურებიანად განითლებულმა, მერე ისევ განზე წაი-
ლო მზერა, თვალები აუხამხამდა, ქვედა ტუჩი მოიკვნითა, რომ ანაზდად
მონოლილი ცრემლი შეეკავებინა.

ვერც წასვლა გამებედა და დარჩენაც მეუხერხულეობდა, და ვიჯექი
ასე, დამნაშავე პატარა ბიჭით თავჩაქინდრული, დაძაბული, და ერთი
სული მქონდა, როდის დამთავრდებოდა პურობა.

უხერხული მდგომარეობიდან პატარა ბიჭმა გამოგვიყვანა; როგორც
კი ცოტა დანაყრდა, მაშინვე ანცობა დაიწყო. არავინ არაფერს უშლიდა,
პირიქით, მისი მედიდური ბებია ალერსიანი ღიმილითა და სითბორამდ-
გარი თვალებით თითქოს აქეზებდა კიდეც ბაღს, მიდი, მიდიო. თეაც არ
იმჩნევდა ბავშვის უსაქციელობას, რომელმაც სულ მცირე ხანში მოას-
ნრო ღვინის დაქცევა, თიხის ჯამის დამტვრევა, ჩემი უღვაშის ამონი-
ვნა – მოფერების ნიშნად! – სუფრის გადაყირავება. ასეთ შემთხვევაში
ჩვენში ბავშვებს მიტყეპავენ ხოლმე გემოზე, ანდა დატუქსავენ მაინც
და სტუმრებს გაარიდებენ. მაგრამ თქვენც არ მომიკვდეთ: ბიჭის ონავ-
რობა მისიანებში მხიარულ სიცილ-კისკისსა და ხალისს იწვევდა მხ-
ოლოდ: ბუხუტიას და – თვალბატულა, ლერწამით აშოლტილი გოგო
– მორცხვი და კდემამოსილი რომ ჩანდა, ბიჭს ხანდახან, ეტყობა, ჭკუას
არიგებდა ჩუმი, ძლივს გასაგონი ხმით, მაგრამ ბუხუ აინუნშიც არ აგებ-
და დის შენიშვნებს და რალაცას ისე ეტლიკინებოდა, სახეს ისე მანჭავდა,
რომ საერთო სიცილსა და მხიარულებას იწვევდა. მერე ბუხუ, როგორც
მოფერებით ეძახდნენ პატარას, ეზოში გაიჭრა ყიყინით და ხის ცხენზე
ამხედრებულმა, კარგა ხანს იჯირითა მდელიოზე, მერმე ოფლში გახ-
ვითქული, დალილ-დაქანცული კალთაში ჩაუჯდა თეას, კისერზე ხე-
ლები შემოხვია, ლოყა ლოყაზე მიადო და გაირინდა. თეა თავისი ლულუნა
ხმით რალაცას ეჩურჩულეობდა ბიჭს, თმას უჩეჩავდა, ფუნჩულა ლოყებ-
სა და ხელებს უკოცნიდა, ეფერებოდა, ესიყვარულეობდა. თეადან ბიჭი
ბებიას კალთაში გადასკუბდა და ახლა ბებიას ალერსსა და მოფერებაზე
გაიტვრინა.

როცა სტუმრებს ვაცილებდით, თეას დედა კვლავ თავის ოდნავი
დაქნევით დამემშვიდობა ისე, რომ ამჯერადაც სახეში არ შემოუხედავს
ჩემთვის, თითქოს მთელი ამ ხნის განმავლობაში ცოცხალი არსება კი
არა, რალაც ლანდი თუ უსულო საგანი ეჯდა გვერდით. შევატყვე, თეა
განსაკუთრებულად მორიდებული იყო დედასთან. რალაცნაირი კრძალ-
ვა თუ დაფარული შიში იგრძნობოდა მის საქციელში. დედის მბრძანე-
ბლური ხმა, ამაყი, თავდაჯერებული იერი, მისი მოხრა-მოხრა, გამჭოლი,
ბასრი თვალების გამოხედვა – ყველაფერი ამ დიაცის პატივმოყვარულ
ბუნებასა და სისასტიკეს ამჟღავნებდა. ო, ეს დიაცი ალბათ არაფრის წი-

ნაშე არ დაიხედა უკან, თუ საჭიროება მოითხოვდა!

მათი წასვლის კარგა ხნის შემდეგ თეას უცებ ვკითხე (სხვათაშო-
რის, თეას უფროსი და – თავის ახალ ქმართან განცალკევებული, ველარ
იცლიდა ჩვენთან სტუმრობისთვის), როცა ჟამი დაუდგება, ბუხუტიაც
უნდა გააძევოთ არა, კუნძულიდან-მეთქი. აბა რაო, მომიგო თეამ საკ-
მაოდ უხალისო ხმით. მერედა, ასე რომ გიყვართ ერთმანეთი? ასეთია
ჩვენი წესი, განა არ გითხარიო, საკმაოდ უკმეხად მომიჭრა თეამ უცებ
სახეგადაფითრებულმა და თვალი ამარიდა. არ სიამოვნებდა, როცა
ამისთანა რამეებზე საუბარს ჩამოგუგდებდი: ან ბანზე ამიგდებდა სი-
ტყვას, ან არადა ისეთ სახეს მიიღებდა, წელანდელი ლაპარაკის არ იყო,
კითხვას ვერ შეუბრუნებდი. ... ხოლო ერთხელ, გვიან საღამოს უეცარმა
ნივილ-კვილმა ფეხზე წამოგვყარა. გარეთ გავცვივდით გულგახეთქ-
ილები. მოპირდაპირე ბორცვის თავს ცეცხლი ნაპკიდებოდა: ხანძრის
ბრიალა ენები ცის ჩამუქებულ თავანს ლოკავდა. თეამ მარჯვენა ხელი
შემოირტყა ლოყაზე ისე, როგორც ჩვენში იციან ხოლმე დედაკაცებმა:

– ნუშას ფაცხა იწვის! – დაიყვირა ისეთი განწირული ხმით, მისგან
სხვა დროს რომ არასდროს მსმენია და ადგილს მოწყდა. მეც მივყვი
უანგარიშოდ. მაგრამ თეა ნიამორივით ისე გარბოდა, ველარ დავენიე.

ალმართი რომ ავათავე სულმოუთქმელად, ცეცხლი უკვე ჩანავლე-
ბულიყო. ირგვლივ პირქუში სახით იდგნენ ამორძალები. დიდი და პა-
ტარა მდუმარებდა. მხოლოდ დროგამოშვებით ვილაც წამოიკვნესებდა
და ისევ სიჩუმე ისადგურებდა. შეკრებილთა შორის აქა-იქ მოჩანდნენ
მამაკაცებიც – ამორძალთა ამჟამინდელი ქმრები. ვერავინ ვბედავდით
ხმის ამოღებას. თეაც გაქვავებულიყო და თვალემონყლიანებული მის-
ჩერებოდა ღველფს, მომაკვდავივით რომ ლაფავდა სულს. შეურხველად
მდგარ თეას უჩუმრად მივუახლოვდი და ის იყო იდაყვზე უნდა მომეკიდა
ხელი ფრთხილად, რომ თითქოს მიწიდან ამოძვრაო, ანაზდად დედამისი
გაჩნდა ჩვენს გვერდით. მან რალაც ხმადაბლა გადაულაპარაკა ქალიშ-
ვილს. თეა შეტოკდა, თითქოს ბურანიდან გამოერკვაო. დედამისმა ახლა
დიაცების სხვა ჯგუფისკენ გასწია ტანის ოდნავი რხევითა და სახის ამაყი
გამომეტყველებით. მის მიახლოებაზე თითქოს რალაცა იდუმალმა შრი-
ალმა გადაუარაო ამორძალებს, მერე ისევ სრული სიჩუმე ჩამოვარდა.
თეამ ცრემლით მორწყული სახე პატარა ბავშვივით ხელის ზურგით
შეიმშრალა და მითხრა, ქოხში დაბრუნდიო. მეც მალე მოვალე, დაატა-
ნა ნათქვამს და გვერდზე გაექცა მზერა. რა მოხდა-მეთქი, ძლივს ამო-
ვილულულე რატომღაც შიშისაგან ატანილი ხმით. თეამ ბავის ძლივს
შესამჩნევი მოძრაობით, მოკლედ მომიჭრა, მერე გეტყვიო და თვალით
მანიშნა, დატოვე აქაურობაო. უსიტყვიდ დავემორჩილე. გამოვტრი-

აღდი და ჩვენი ქოხისკენ გავნიე წელმონწყვეტილივით. ფეხები თითქოს უკან მრჩებოდა, შევნიშნე, ყველა მამაკაცი ასევე უხმოდ, მორჩილად მიეშურებოდა თავ-თავიანთი ფაცხებისკენ... ჩვენი ამორძალები ნახანძრალთან რჩებოდნენ, ბორცვის წვერზე.

თეა მხოლოდ გამთენიის ჟამს დაბრუნდა ფაცხაში. გვერდით რომ მიმინვა, ვიგრძენი, ერთიანად ცივი იყო ყინულივით. არა თუ მოფერებას, ხმის ამოღებასაც ვერლარ ვბედავდი რატომღაც. გუმანით ვხვდებოდი, ეს გათოშილი სხეული სულის უჩვეულო მღელვარების ნიშანი იყო. ბოლოს, დიდი ხნის სიჩუმის შემდეგ, როგორც იქნა, გავბედე და ვკითხე, რა მოხდა თეა-მეთქი. ნუშამ თავი გამოიწვა ფაცხაშიო, მომიგო შეყვანებით, უსიცოცხლო ხმით. თითქოს მარტო ტუჩებით ლაპარაკობდა, მაგრამ მე მაინც გავიგონე მისი ნაჩურჩულევი. თავი გამოიწვაო? ძარღვებში სისხლი გამეყინა.

...ერთხელ საღამოს პირზე, ბინდბუნდში გადავეყარეთ მას მე და თეა. ის იყო მისალმება დავაპირე, მაგრამ ქალმა თვალი აგვარიდა, შავი თავსაფარი სახეზე ჩამოიწია და უხმაურო ნაბიჯებით გავგეცალა. თეას შევხედე გოცებით. მეუცნაურა მისი სახე. მიტკლისფერი დასდებოდა, თვლები ჩამუქებოდა. კარგა მანძილი რომ გამოვიარეთ მდუმარედ, მერმე თეამ მითხრა, ის დიაცი ამორძალთაგან განიკიცხულ-გარიყულიაო. ჩემი თხოვნით თეამ მიაბო მისი თავგადასავალი. ნუშას როგორღაც მოუხერხებია თურმე გადაემალა თავისი ქმარი. ქალურ ტანსაცმელში გამოწყობილი, ორი წელი იმალებოდა კაცი ტყეში. ამ ხნის განმავლობაში ჩუმად ხვდებოდნენ ერთმანეთს ის და ნუშა. მაგრამ მესამე წელს საიდუმლო გამჟღავნდა. ნუშას დაორსულებისა და მისი ჩუმი მშობიარობის ამბავი მეხივით გავარდა მთელს კუნძულზე. გასაოცარი და თითქმის წარმოუდგენელი იყო ეს ეშმაკობა და ხერხიანობა, რასაც ქალი იჩენდა თურმე, რათა დაეფარა საიდუმლოება. ბოლოს, მახეზლარას წყალობით, მთელი ეს მონდომება წყალში ჩაეყარა...

კაცი საჯაროდ გაასამართლეს და ფიცის გატეხისა და კანონის დარღვევისთვის, კონცხიდან გადაგდება მიუსაჯეს. ნუშა კი, რაკი ჩვილბავშვიანი იყო, შეინყნარეს და სიკვდილით არ დაუსჯიათ, მაგრამ სამაგიეროდ, სამუდამოდ მოიკვეთა ამორძალთაგან და თუმცა იათნანაზე ცხოვრების უფლება დაუტოვეს, შვილები ჩამოართვეს და თავად ყველასაგან გარიყულს, მარტოდ-მარტო უნდა ეცხოვრა ტყეში. არავის არ ჰქონდა უფლება გაკარებოდა, ან მითუმეტეს, ვინმე დახმარებოდა, თუნდაც სული რომ გასძრომოდა, საღმის თქმაც კი ეკრძალებოდა ყველასგან განიკიცხულ საბრალო ქალს.

– მაშ თავი დაიწვა... – ხანგრძლივი დუმლის შემდეგ ამოვთქვი მე: –

ველარ გადაიტანა... ეტყობა, ველარ გადაიტანა...

– ჰო, ველარ გადაიტანა... – დამეთანხმა თეაც ჩამწყდარი ხმით.

უცებ თეა ჩამეხვია და ყრუდ აქვითინდა, დიდხანს, დიდხანს ტიროდა გულამოსკვნით და მკერდს მისველებდა მისი ცრემლის ნაკადული. მეც ძალაუნებურად მცვიოდა ცრემლი თვალთაგან. მერე, თეა, როგორც იქნა, დაწყნარდა და ცივი, უსიცოცხლო ხმით განმიცხადა, ხვალ დიდნოლაში „სხუნუზე“ მივდივართო. ყველანი და მეც ორი-სამი დღით უნდა დაგტოვო, „სხუნუ“ მათებურად საბჭოს ნიშნავს. რისთვის და რატომ იკრიბებოდნენ დიდნოლაში ან რა უნდა გადაეწყვიტათ იქ, ამაზე თეას არაფერი უთქვამს. ეტყობა, ამის თაობაზე ლაპარაკი ეკრძალებოდა უცხოთან, რადგან მე მაინც მათთვის უცხოელად ვრჩებოდი.

ორი დღის შემდეგ თეა დაბრუნდა დიდი ნოლიდან სახეგამშრალი, თვალამოღამებული, მდუმარე. რა მოხდა იქ, მათ მთავარ ქალაქში, რაზე ჰქონდათ ბჭობა, არაფერი ვიცი. ოღონდ ვგრძნობდი, რომ მაინცდამაინც სასიამოვნო არ უნდა ყოფილიყო ამორძალთა თათბირი; თეას სახე და თვლები ვერ ფარავდნენ იმედგაცრუებასა და გულისტკივილს.

მერე ის იყო, თეამ გამომიცხადა, ჩვენი ერთად ყოფნის დრო იწურება, ჩვენ მალე უნდა დავშორდეთ ერთმანეთსო.

ვიცოდი, ასე რომ მოხდებოდა, მაგრამ მაინც დაუჯერებლად მეჩვენებოდა ჩვენი განშორება: გულთან ახლოს არ მიმქონდა, უფრო სწორად, არ მინდოდა ამაზე მეფიქრა, იმდენად საესე იყო ჩემი სული თეასთან ყოფნით, იმ ბედნიერებითა და ნეტარებით, რასაც მისი სიახლოვე მანიჭებდა.

ახლა კი თითქოს ერთბაშად კეტი მდრუხესო თავში, დავბარბაცდი.

რაც თეასთან ვიყავი, მთელი ეს ერთი თვე, არ მომგონებია არც ცოლი, არც შვილები, არც დედ-მამა და და-ძმა, არავინ და არაფერი, რაც ჩემს წარსულს განეკუთვნებოდა. თუ გავიხსენებდი, ბუნდოვნად, როგორც ოდესღაც ნანახ სიზმარს, ან გაუჩინარებულს.

– რა თქვი, თეა?.. ჩვენ უნდა დავცილდეთ ერთმანეთს? – ძლივს ამოვიკნავლე გულშემოყრილმა.

– ჰო. – დამიმონმა თეამ თავის დაქნევით. შევხედე თეას. და თუმცა თავგზადაკარგული ვიყავი, ჩემმა დანისლულმა გონებამ და თვლებმა მაინც შეამჩნიეს სევდის კვალი მის ღვთაებრივად მშვენიერ სახეზე.

– ასეთია ჩვენი წესი, ერასტო! მამაკაცის ჭაჭანება არ უნდა იყოს ჩვენს კუნძულზე. ხომ იცი ეს!

– არ მესმის... რათა, რისთვის? ვინ გამოიგონა ასეთი სასტიკი წესი? რა უფლების ძალით?

აღბათ ჩემი გოცება ისე ახლოს იყო ბრიყულ, რეგვენულ გაუგე-

ბრობასთან, რომ დამნუხრებულ, უსაზღვროდ დაღონებულ თეას უცებ სახეზე ღიმილი მოერია.

თეა ადგა, მომიახლოვდა, თავზე ხელი გადამისვა ალერსიანად.

ავხედე. ისე უსაშველოდ მიუწვდომელი და შორეული მეჩვენა ახლა მისი კაეშნიანი, ცრემლით დანამული თვალები, რომ თავი ვერ შევიკავე, ხელებში ვტაცე ხელი და გაშმაგებით დავუწყე კოცნა.

– თეა, თეა! აკი გვიყვარს ერთმანეთი, აკი უერთმანეთოდ აღარ შეგვიძლია?

თეა ჩუმად ტიროდა.

უცებ წელში გავიმართე.

– მე არსადაც არ წავალ აქედან. მორჩა და გათავდა!

– თუ აქ დარჩები, სიკვდილი არ აგცდება! – თავი გადააქნია თეამ და ცრემლები ხელის გულით შეინმინდა.

– მოვკვდები. მერე რა? ადამიანები სიკვდილის შვილები ვართ. ჰოდა, მეც სწორედ ახლა მიჩვენა სიკვდილი! – განვაცხადე მტკიცე ხმით.

– არა, ჩემო ძვირფასო. შენ უნდა გადარჩე. შენ... უნდა დაუბრუნდე უვნებლად... შენთანებს! – გაუჭირდა წარმოთქმა, შენს ცოლ-შვილსო.

დავუჩოქე და ცრემლები წამსკდა ისევ:

– არავინ მინდა, მე შენს მეტი. არავინ და არც არავინ მეყოლება შენს შემდეგ და არც არავინ მყოლია, – ვბლუკუნებდი უაზროდ, ჭირვეული ბალღით და ცრემლები მახრჩობდა.

– შენს სიკვდილს მე ვერ გადავიტან. მაშასადამე, მეც თავს მოვიკლავ! – მითხრა თეამ მშვიდად, ძალზე მშვიდად. და ამ სიმშვიდემ და უწყინარმა კილომ გადამრია. როგორ? თეა უნდა დაღუპულიყო ჩემი გულისთვის? არა და არა. მოვიქცევი ისე, როგორც მას სურს, როგორც მას მიაჩნია საჭიროდ...

ერთი თვის თავზე შეგვყარეს ისევ ერთად, დაგვადებინეს ფიცი, რომ სამუდამოდ დავივინყებდით გზას იათნანასკენ, დავივინყებდით ამორძალებს და მათ სამყოფელს, აქ გატარებულ დღეებს, ხოლო თუ ვინმე გაბედავდა, ფიცს გატეხდა და მოინადინებდა უკან დაბრუნებას, იმათ ღმერთთა სასჯელის გარდა, არ აცდებოდათ თვით ამორძალთა რისხვა, ანუ სასტიკად და დაუნდობლად გაუსწორდებოდნენ თავხედს და ფიცის დამრღვევს.

ასე და ამგვარად, როგორც იტყვიან, გუდა-ნაბადი აგვიკრეს, გემში ჩაგვყარეს გაბანრულ-გაკოჭილნი და უახლოეს ხმელეთზე გადმოგვსხეს... ყველაფერი მოხდა ისე, როგორც მოიგულებეს ამორძალებმა.

...მერმე მე ბევრი მახეტილა განგებამ სხვადასხვა მხარეში, ბევრი ძირ-მწარე მასვა, სანამ... ჩემს ქვეყანაში, ჩემს ცოლ-შვილთან დამა-

ბრუნებდა. მაგრამ ეს უკვე სხვა ამბავია, ყმანვილებო;

ერასტო ძიამ თხრობა დაამთავრა. სანამ იგი ყვებოდა, მეთაურებმა რამდენჯერმე დაუცაცხანეს ახალგაზრდებს, ძილს ნუ იფრთხობთ, მოისვენეთო, მაგრამ იმ ღამეს ძილი ბევრს არ ეწერა...

* * *

...გემბანზე პირალმა გაშოტილი იწვა და თვალდაუხამხამებლად შესცქეროდა ურიცხვი ვარსკვლავებით მოჭიქულ ცარგვალს, უკვე ფერგაცრეცილ, ნამგალა მთვარეს, ცალი ყუნწით რომ ჩამოკონწიალებოდა ცის თაღედს, არჩევდა ზედ მოქანავე პანია ჭინკებსაც და ყველაფერი ეს – ზღვის უსასრულო სივრცე – ახლა მტრედისფერი რომ გადაჰკროდა, აჭახჭახებული ცა - თითქოს არაამქვეყნიურ იდუმალებას მოეცვა, თითქოს ყველაფერი უხილავი ღმერთების ანარეკლს ატარებდა.

დიდხანს ებრძოლა თავს. ბოლოს, ველარ გასძლო... კიჩოსთან ახლოს მოკალათებულ ერასტო ძიას მიუჩოქდა. იგი თვალმდებარე უქულო იწვა.

– ერასტო ძია! – დაუძახა ხმადაბლა. გრძნობდა, რომ არ ეძინა.

– რომელი ხარ? – თავი წამოსწია თვალდაჭყეტილმა.

– მე ვარ, ნიკა!

– რა იყო ბიჭო, არ გეძინება? – დაამთქნარა და პირზე ხელი აიფარა.

– არ მეძინება, ძია ერასტო, მინდა... ერთი რაღაც გკითხო, თუ შეიძლება.

– რა გინდა, ბიძია! მითხარი, აბა, გისმენ!

– ძია ერასტო, იათნანაზე ამორძალებთან მართლა საომრად მიდის-არ?

– ეუჰ! შენ ვინ ყოფილხარ, კაცო?

ძია ერასტომ გრძელი ფეხები გაჭიმა და გაიზმორა:

– მაშ, აბა რისთვის მივდივარ თუ იცი?... შური უნდა ვიძიო ძველი წყენისთვის...

– ჰო, მაგრამ... ეს ხომ დიდი ხნის წინ იყო...

– შურისძიება არასოდეს არ არის გვიან, ბიძია! დაიხსომე ეს. ახლა კი – წადი და დაისვენე, დაიძინე.

– ძია ერასტო!

– რა გინდა, კაცო? რა ჭია შეგიჩნდა ამ შუალამისას?

– ძია ერასტო, მაპატიე... მარა... თუ იგონებდი... თუ იგონებდი მერე, შინ რომ დაბრუნდი... თეას?

ძია ერასტო გაიღურსა. უცებ, ნიკამ ქვეშეცნეულად იგრძნო, რომ იგი რაღაცნაირ ნიღაბს ატარებდა აქამომდე, თითქოს ხანდახან ბერიკასა-

ვით თამაშობდა, სხვების თვალის ასახვევად. ახლა კი... ახლა თითქოს მოიმჩვართა. სახე ეცვალა, კარგა ხნის დუმილის შემდეგ წამოჯდა და ყრუ, ჩამწყდარი ხმით მიუგო:

– ახლოს მოინი, ბიძია. უფრო ახლოს, მასე. ახლა კარგად მიგდე ყური. მე შენ კაი ხანია გაკვირდები. კარგი ბიჭი ჩანხარ, გონიერი, კეთილი. სხვებივით ყველაფერზე არ ჭიხვინებ. ჰოდა, რასაც გეყვით, კარგად დაიხსომე: ჯერ თუმცა ძალიან ახალგაზრდა ხარ, მაგრამ როგორც წელან ვთქვი, ჭკვიანი ბიჭი მგონიხარ და ზოგ რამეს თუ ვერ გაიგებ, იგრძნობ უთუოდ...

ერასტო ძიას ტუჩ-პირი სულ ახლოს მიჰქონდა ბიჭის ყურთან, მისი ცხელი და ხშირი სუნთქვა სახეზე ეფრქვეოდა. ხმას ხან აუნევედა, ხანაც ჩურჩულზე გადადიოდა:

– ბევრს ასე ჰგონია, რომ დიდ გასამრჯელოს დავხარბდი და იმიტომ ვიგდებ თავს ხიფათში, ამ სიბერის ჟამს საომრად მივდივარ სადღაც დასაკარგავში, საიდანაც, არავინ უნყის, ცოცხალი დავბრუნდები თუ არა... ზოგს კიდევ სჯერა, რომ შურისძიება მამოძრავებს... კარგად მომისმინე, ბიძია: კაცი ბინძური პირუტყვია საზოგადოდ. ცხოვრება ხდის ასეთს და იმიტომ! ან ეგება... სულაც იბადება ამგვარი? ვინ იცის... ერთი კია: ცხოვრებაში მინიერ, ნამიერ სიამეს არჩევს ყველაფერს ამაღლებულს, ზეციურს, ღვთიურს, ხოლო მინიერ სიამეში ზოგი რას გულისხმობს და ზოგი რას – ძალაუფლება იქნება, სიმდიდრე თუ ქალებთან განცხრომა – მზად არის ყველაფერი ჩაიდინოს, ყოველგვარი სისაძაგლე და ბოროტება ამეებისთვის! ასეთი კაცი ცხოვრებისგან მოითხოვს რაც შეიძლება მეტი ულუფა მიიღოს, ერგება ეს მას თუ არა, ამაზე ფიქრით თავს არ იტკივებს. უნდა, მორჩა და გათავდა!.. რა გზით, რა საშუალებით მიიღებს ამას, არა აქვს ამასაც მნიშვნელობა, მთავარია – მიიღოს და რაც მეტს ღებულობს, მით უფრო მეტი უნდა, ანუ უფრო და უფრო პირუტყვდება.. და არანაირ საშუალებას არ დაერიდება, ოღონდ თავისი გაინაღდოს!.. ამას არ გაგიტყდება, ცხადია... მაგრამ ეს ასეა!.. ხოლო ზოგისთვის მთელი ცხოვრება - ამ ულუფისთვის თუ გასამრჯელოს მისაღებად განეული ჭაპანწყვეტია. სურვილი ერთი აქვს ორივეს, – ოღონდ მიღების და შოვნის საშუალება და ხერხია სხვადასხვანაირი.

ხოლო გულში, დაბადებითვე ჩასახული ღვთაებრივი ნაპერწკალი თანდათან ქრება, იფერფლება – ზოგიერთში – უკვალოდ, სამუდამოდ! დარჩება მხოლოდ ის, რაც ხელით შესახებია, რაც თვალთ დაინახვება და ყურით მოისმინება, და რაც ისევე წარმავალია, ხრწნადია, წუთიერი და უხანოა, როგორც ყველაფერი მინიერი... ხოლო ის დაფარული ნაპერწკალი ვისაც შერჩება...

გამოტეხილად გეტყვი, ჩემო ბიძია, სიმართლეს: იათნანაზე მივდივარ, რათა სიკვდილის წინ უკანასკნელად თვალი შევავლო იმ ადგილს, სადაც ოდესღაც მართალია, მცირე ხნით, მაგრამ ბედნიერი ვიყავი, სადაც პირველად შევიგრძენი, რომ შეიძლება, მეც ღვთის შვილი ვიყო, რომ ჩემშიც ღვთის თურმე ის ნაპერწკალი, რომლის მოსპობასაც ასე გულმოდგინედ ცდილობს მუხთალი, უბადო წუთისოფელი... მართალია, ბოლომდე ვერ შევიძელი გამეღვივებინა ის ნაპერწკალი... წყეულმა ხორციელმა სძლია სულიერს. ცოდვილიანი სიცოცხლე ვარჩიე სამარადუფამო ნეტარებას, რადგან თეასთვის, თეას გამო სიკვდილი ამ ნეტარებას მპირდებოდა.. მე ფილოსოფოსი არა ვარ, შვილო, არც პოეტი და არც ქურუმი. ერთი ჩვეულებრივი უბრალო ჯარისკაცი გახლავართ – ბრძოლებში გამოჯეკილი, ნათრევი და ნახეტიალევი მრავალ ქვეყანაში... ბევრი რამ მინახავს, მომისმენია და გამომიცდია კიდევ. ბევრი შხამიც მისვამს, ცოტა სიტკბოც და ერთ რამეს ცხადად ვგრძნობ... რაც დრო გადის: ღმერთები არასდროს გვტოვებენ ჩვენ ყურადღების გარეშე, თვალყურს გვადევნებენ, გვითვალთვალებენ, ოღონდ ჩვენდა შეუმჩნეველად, უხილავად, ფარულად და სასწორზე იდება ჩვენი ცოდო-მადლი. სულ ტყუილა ჰგონია ზოგ ვინმეს, რომ ჩვენს ნება-სურვილზე ვიყოთ თითქოს მიშვებული და რაც მოგვეპოიანება, ყველაფრის გაკეთება შეიძლება. გამკითხველი კი არავინაა! წურას უკაცრავად, ჩემო ბიძია... ის სასწორი ყოველთვის უტყუარია და ვაი, ჩვენ, თუ ცოდო-ბრალმა გადაწონა სიკეთე-მადლი!

მაგრამ... კაცთა მოდგმა მაინც ვერაფერს სწავლობს თურმე, ჩემო ბიძია... იგი ჭკუათხელი ფარასავითაა, საითაც ერკემალი გასწევს, იქითკენ მიედინება უფიქრელად, უზრუნველად, უსიტყვოდ. კიდევ კარგი, თუ ერკემალი ცოტათი ჭკვიანი გამოდგა და ფლატეს და ხრამს გაარიდა უტვინო ფარა, თუ არადა, პირდაპირ გადაეშვება უფსკრულში ისე, რომ უკან არც მოიხედავს...

აგერ ახლაც: სხვადასხვა ფარის ვაცებს მოუნდათ იათნანზე გალაშქრება, რადგან... ყველას თვალში ეჩხირება იგი თავისი უჩვეულო წესის გამო... ესეც არ იყოს: უხვი და დოვლათიანი მხარე თავისთავად აღძრავს ამ სიმდიდრის დასაკუთრების სურვილს... ჰოდა, რომ გაამართლოს თავისი მტაცებლური ჟინი, მოძალადე იშველიებს მის მიერვე შეთხზულ ზღაპრებს ამორძალთა სისასტიკეზე, ვერაგობაზე, გაუტანლობაზე და... კიდევ, ვინ უნყის, რას არ იგონებენ...

ჰოდა, მიერეკებიან ვაცები ამ უგუნურ, უვიც და გონებაჩლუნგ ფარას იქითკენ, საიდანაც გამოელან საბალახოს ანუ, უბრალოდ და მარტივად რომ ვთქვათ: როჭიკს, ულუფას...

სამართლიანობის, სიკეთისა და თავისუფლების სახელით უნდა დაითრგუნოს და მოიშთოს იათნანა! მახვილით უნდა განიკითხონ უზნეო ამორძალები, რათა... იზეიმოს თურმე – ზნეობამ!..

ასეთია, ჩემო ნიკა, სარჩული თუ საფანელი ყოველგვარი სიავისა!.. ასეთია კაცობრივი სანყაო სამართალისა! და... რას იზამ!..

– მაშ, აღარ ყოფილა საშველი, ძია ერასტო, ამ ქვეყნად?.. მაშ.. კაცი არაფრობაა?

– კაცობის საზომი სინდისიერებაა, ჩემო ბიძია, სინდისი კი... მხოლოდ რჩეულთა ხვედრია!.. აბა სინდისიერება და ზნეობრიობა საყოველთაო რომ იყოს, აღარც იქნებოდა ეს გაუთავებელი სისხლისღვრა, ძალადობა, მძლავრობა, უსამართლობა არა მარტო სხვათა მიმართ, თვისტომთა შორისაც!

– მერედა... სად არიან ის რჩეულნი? რად არ ჩაერევიან კაცთა შავბნელ საქმეებში?.. ან ნეტარი ღმერთები რად ღუმიან?

– მაგდენი რომ ვიცოდე, ჩემო ბიძია, მეც იმ რჩეულთაგანი ვიქნებოდი. მე კი – მხოლოდ ერთი უბრალო ჯარისკაცი ვარ-მეთქი, წელანაც გითხარი, ოლონდ... შესაძლოა, ცოტა უფრო საზრიანი, ვინემ ეს ბრბოა... ჰოდა, ჩემი მცირე გონით, ერთ რამეს ვხვდები: ღვთის რჩეულთ ან მობეზრდათ ამ უგუნური ფარის დამოძღვრა – ანუ ტყუილა-უბრალოდ წყლის ნაყვა, ანდა... უძღურნი არიან წინ აღუდგენენ უმეტესობის ნებასურვილს; უმეტესობას კი, ჩემო ბიძია, თურმე სისასტიკის გარეშე არ შეუძლია არსებობა. სისასტიკე მიწყვიტ-დასაბამიდან ზის კაცის ბუნებაში ხან ფარული, ხანაც დაუფარავი სახით... თუ გინახავს მოთვინიერებული მხეცები? მომთვინიერებული ჯოხით ადგას თავს მის მიერ განვრთნილ ვეფხვებს, ავაზებს, ლომებსაც კი და აკეთებინებს იმას, რასაც უბრძანებს. მაგრამ... საკმარისია მხეცებმა იგრძნონ, მწვრთნელს ყურადღება მოუდუნდაო, მაშინვე აიშვებენ თავს, ისევ ისეთი ველური ხდებიან, როგორებიც იყვნენ მოთვინიერებამდე. ასეა ეს კაცთა მოდგმამიც. ხელისუფლება ჯოხით ადგას თავზე ადამიანებს: ეს შეიძლება – ის არაო. მაგრამ თუკი ადამიანებმა იგრძნეს კანონის სისუსტე, უფრო სწორად, კანონის გამტარებელთა უძღურება, ანუ მოღერებული ჯოხის უღონობა, იცოცხლე, მაშინვე იქცევიან მხეცების ხროვად: თავის ნებაზე მიშვებულნი, ერთმანეთს ყელს გამოლადრავენ, დასჭამენ და ამოხოცავენ ერთმანეთს ისეთივე სისასტიკით და უფრო მეტადაც, ვიდრე ეს ტყის ბინადართ სჩვევია ხოლმე. ოლონდ ნადირთაგან განსხვავებით, ეს „გონიერი არსება“ თავის გვარტომს და ჯილაგს დაერევა უწინარეს ყოვლისა.

ეჰ, კმარა, ჯერ შენ ერთობ ჰატარა ხარ საიმისოდ, რომ გაერკვე ამ მუხთალი ცხოვრების ავკარგში. ის კი არადა, მე, ამ ხნის მოვიყარე აგერ

და... მეც მიჭირს ეგა – ხან რას ვფიქრობ და ხან – რას. ხან ეს აზრი მომდის თავში – ხან ის. საბოლოოდ, გამოდის რომ... არც არაფერი მესმის და არც არაფერი გამეგება!..

„მაგრამ... მე მინდა გავიგო, გეყურება, ძია ერასტო? მე მინდა გავიგო... სად არის ჭეშმარიტება!.. მინდა ვიცოდე იგი! მინდა! გესმის შენ?“

გულში ჩაიხშო ყვირილი ბიჭმა. ჩაიკლა გულში ანგარიშმიუცემლად ბევრი სხვა კითხვაც, რომლებზეც პასუხი თავად ცხოვრებას უნდა გაეცა მისთვის... მერმისს.

შემოსევა

– იათნანა! იათნანა! – იბღავლა შეცრად ვილაცამ.

ამ საერთო რია-რიასა და ალიაქოთში, ამ ფართოდ დაბჩენილი პირების, უაზრო, შეშლილი გუგების და აღგზნებულ-ალენილი სახეების ნიაღვარში უცებ ისეთი მარტოობის და მიუსაფრობის გრძნობა დაეუფლა, ისეთ ზედმეტ და უსარგებლო არსებად წარმოიდგინა საკუთარი თავი, რომ ლამის გაქანებულიყო და გემბანის ბოძისთვის ეხეთქა შუბლი, ან არადა, წყალში გადამხტარიყო.

მარტოობის შეგრძნება ამ უსახო, უპიროვნო ჯგროში ლამის ყმუილს ანდომებდა – ეს ხროვაც, როცა იქნებოდა, იყნოსავდა მის სულიერ განწყობილებას, გემს აიღებდა უთუოდ და მაშინ... „არ ამცდება ალბათ, დაფლეთა და ნაკუნ-ნაკუნად ქცევა!..“

ძია ერასტო? ძია ერასტო სადღაა ნეტავ?“

გაფაცვიცებულმა თვალებმა მოძებნეს იგი ამ ბრბოში. ძია ერასტო სადღაც გემბანის კუთხეში მიყუჟულიყო. ღრანჭმოქცეულს, თვალები დავინროებოდა. უსაშველო ზიზღს თუ სიძულვილს დაემახინჯებინა მისი პირისახე. მერმე, თითქოს რაღაც იაზრაო, მზერა მონყვიტა ხალხს, კუნძულისკენ შებრუნდა, პირი დაალო და... საერთო დგანდგარს შეუერთა თავისი როხროხა ხმა. თან მუშტებს მალლა იქნევედა მუქარის ნიშნად!

დანარჩენ ხომალდებზეც ორომტრიალი და აურზაური იდგა. შორიდან ხედავდა, როგორ აჟღირალებდნენ მალლაშემართულ შუბებსა და სატევრებს!

მერმე... თითქოს სიზმარში ხდებოდა ყველაფერი და ვილაცის უხილავი ხელი ატარებდა თავის ნებაზე.

... ნაპირზე გადმოსულებს ლურჯად ჩაბინდული ტყეების უჩვეულო მღუმარება შემოეგებათ: ირგვლივ ძე-ხორციელი არ ჭაჭანებდა. უკაცრიელ სიჩუმეს მოეცვა არე-მარე. სადღა არიან ამორძალები? რატომ არავინ არ ჩანს? ნუთუ ვერ შენიშნეს მტრის ხომალდები? ან იქნება

შენიშნეს, შეშინდნენ და დამფრთხალნი, მიმოიფანტნენ? ან...

ათასგვარი „ან“ უტრიალებდა თავში. ჟრიალული და ჩოჩქოლი როგორღაც თანდათანობით მიწყარდა და მიყუჩდა.

ნიკას წარმოდგენა არ ჰქონდა, რასაკვირველია, სარდლობის ბრძოლის გეგმაზე. იცოდა ერთი რამ: უყუყუბანოდ და უსიტყვოდ უნდა შეესრულებინა უფროსების ყოველი ბრძანება.

საბრძოლო ეტლები წინ გამწკრივდნენ. მერმე – ცხენოსნები. ცხენოსნების შემდეგ – ფეხოსნები – მძიმედ შეჭურვილი ჰოპლიტები დაენწყნენ.

სტრატეგობს, საერთოდ, ქედმაღლურად, მედიდურად ეჭირათ თავი ჰოპლიტებთან – აქაოდა, ჩვენ ცხენებზე ვართ ამხედრებულნიო.

მიიგრანებოდნენ ისე, ვით საავდრო შავი ღრუბლების გროვა, ვით საბუნოდ ატეხილი, ერთმანეთს ჩახლართულ-ჩაწნული უხსენებელთა გორგალი, უდაბნოში რომ მიიზღაზნება და წინ ველარაფერი ველარ უდგება ხოლმე.

რაც უფრო წინ მიიწევდნენ, კუნძულის სიღრმეში – ამორძალები მით უფრო ხშირ-ხშირად ესხმოდნენ თავს საფრებიდან.

უცნაური კვილით მოაგელვებდნენ ცხენებს და გავეშებული მომხვედურნიც, მხეცური ბრდღვინვით, ღრიალით, ყიჟინით ეკვეთებოდნენ ხოლმე მსუბუქად აღკაზმულ, მაგრამ შეუპოვარ, მამაც დიაცებს, ასე მარჯვედ რომ ხმარობდნენ იარაღს და მედგრად იბრძოდნენ.

იყო რაღაც უსაზღვროდ არაადამიანური, ტყიურული, ნადირული ამ ყინსა და გახელებაში, თავანყვეტილი ბრბოს ამ გაშიშვლებულ, შეუფერავ და შეუნიღბავ ველურობასა და აღტკინებაში.

თუმცა ამორძალები თავგანწირულად იბრძოდნენ, მომხვედურთა სვლა მათი მთავარი ქალაქისკენ, მათი დედა-ბუდისკენ იყო შეუჩერებელი, ბედისწერასავით გარდაუვალი და უსიკვდილო.

... ზართატეხით, დგრიალით, ზრიალით შეჯლიგინდნენ მომხვედურები მათ უზღუდო, უგალანო, ყოველ მხრივ გაშლილ და დაუცველ ქალაქში.

გადმოსკდა და გადმოპირქვავდა ფარული სიძულვილი და ბოლმიანობა ფინიკიელთა და იონიელთა, ზიზღი და მტრობა ლიდიელთა და კილიკიელთა...

არ იყო დანდობა არავის: არც ბერდიაცთა და არც ჩვილ ყრმათა. იყო მხოლოდ სისასტიკე მძვინვარებდა მხოლოდ მრისხანება...

მთელ ამ გაბმულ, საშინელ, შფოთიან და სისხლიან ძილ-ღვიძილში – ამაზრზენი ხილვებითა და მოჩვენებებით რომ იყო აღსავსე, მთელ ამ გულისმომწყვლელ ყოფაში, – ბიჭი ახერხებდა შინაგანად მეთვალყურედ დარჩენილიყო და თითქმის შორიდან ეცქირა იმ საზარელი ამბებისათვის, რაც მის თვალწინ დატრიალდა. ამაში უშველა იმ ნილაბმა, ძია

ერასტოს რომ დაუნახა სახეზე და იმ სიტყვებმაც, რაც იმ ღირსახსოვარ ღამეს უთხრა, და აგრეთვე იმ გარემოებამაც, რომ პირველსავე შეტაკებაში მკლავში და ბარდაყში დაიჭრა, – ეს მოხდა მაშინ, როცა ამორძალი ცხენდაცხენ მოეჭრა; ცდილობდა, მოეგერიებინა მისი მოქნეული შუბი და თავად არ გამოიყენა ხელსაყრელი მდგომარეობა საპასუხო დარტყმისათვის.

ცხენიდან ჩამოვარდა და ვინ იცის, როგორ დამთავრდებოდა ეს ორთაბრძოლა, ამხანაგები რომ არ მოშველებოდნენ. საცოდავი ამორძალი ცხენიანად აკუნეს და გადათელეს...

და თუმც ორივე ჭრილობა მსუბუქი აღმოჩნდა. მაინც მიეცა საბაბი, რამდენადმე განრინებოდა ბრძოლებს. უკვე მის ძაღლონეს აღემატებოდა ემზირა, რა უმონყალოდ ჩეხავდნენ სისხლმონყურებულნი დამარცხებულ ამორძალთა მშვენიერ სხეულებს. ასეთ დროს გულის რევა ეწყებოდა და მისი შეკავება ისევე შეუძლებელი იყო, როგორც იმ ბრბოსი, ყასბის გულმოდგინებითა და გულგრილობით რომ ფლეთდა და კეპავდა ამორძალთა ჯერ კიდევ ცოცხალ, მფეთქავ სხეულთ.

საერთო აღტკინების ჟამს, თვალისასახვევად, სხვებთან ერთად თავდაც მორთავდა ხოლმე ღრიალს, და ზოგჯერ თავს იჭერდა იმაში, რომ ეს მოჩვენებითობა შეიძლება ნამდვილობად ქცეოდა. და მაშინ შეძრწუნებული, თავზარდაცემული, სულიერად განადგურებული მიწაზე ემხობოდა და გულამომჯდარი ტიროდა.

ბრბოს თავაშვებულობა და ველურობა თურმე ისეთივე გადამდები ყოფილა, როგორც სახადი, ჭირი და სნება!

არ შორდებოდა იმის შეგრძნება, რომ საშინლად გრძელ და მტანჯველ სიზმარში იყო, რომელიც არა და არ მთავრდებოდა.

... ერთხელ, თავანყვეტილი ღრეობის ჟამს ერთმა დორელმა სტრატეგმა სუფრაზე ამორძალის თავი დააძრო აბგიდან და თანამეინახეებს თვალწინ დაუტრიალა.

– შეხედეთ ამას! რა მშვენიერი თავია! ცოცხალი ამორძალის სამაგიეროდ ეს მიმაქვს საჩუქრად ჩემებისათვის. რას იტყვით, მამაცნო ვაჟკაცნო, ცუდი ძღვენი იქნება განა? – დორიელმა ისეთი ხორხოცი ასტეხა, გეგონებოდათ, მთელ გულ-ღვიძლს ამოატანსო ამ ხარხარს.

წამით განაბული სუფრა ერთბაშად აზრიალდა. გაისმა მოწონების შეძახილები, ტამისცემა, ატყდა ფეხების ბრაგუნი, ღრიანცელი. ზოგს ამკარად შეეტყო, რომ შეშურდა დორიელის საზრიალობა: მე როგორ ვერ მოვიფიქრეო ასეთი ჭკვიანური რამ.

ერთსულოვანი მოწონებითა და შექებით გაამაყებულმა სტრატეგმა ერთხელ კიდევ დაატრიალა თავი უბედური ამორძალისა და, მერე

ტუჩებში დორბლიანი კოცნა დააჭდო ანაზდეულად.

სუფრა გადაირია!

... შეუმჩნევლად გამოიძურნა, მერმე რომელიღაც ხესთან მიდგა და... თავისივე ნარწყევს დასჩერებოდა უცნაური გაკვირვებით: „აკი შენც შეჰპირდი შენს ბიძაშვილებს მშვენიერ ამორძალებს ჩამოგიყვანთ საჩუქრადო?“ - აქირქილდა უცებ ვიღაც ყურის ძირში. შეტოკდა. მერმე მოიბუზა, მოიკუნტა. „მე... ცოცხალ ამორძალებს ვგულისხმობდი. მე...“ „არა უშავს რა, შეგიძლია ნაჭრილი თავებიც ჩაუტანო. იმ სტრატეგიამ ხომ მოიფიქრა ასეთი რამ? შენ რითი ხარ მასზე ნაკლები?“

დაჰყურებდა თავის ნარწყევს და სურვილი გაუჩნდა – გაგორებულიყო შიგ, თავი ეხლია მიწისთვის, სანამ... სული არ ამოხდებოდა...

მთელი ამ საშინელი სიზმრიდან კიდეც ერთი მკვეთრი მოგონება გამოჰყვა. ეს იყო უკვე ბრძოლების გათავების შემდეგ, როცა აოხრებულ დედაქალაქიდან გემებისკენ ბრუნდებოდნენ.

გზად, ტყის პირას, ჭალაში დაბანაკდნენ.

მცირე ხნით შესვენება გადაწყვიტეს მეთაურებმა. ამით მაშინვე ისარგებლა ნიკამ და ტყეში შევიდა, რუს სათავეს აუყვა კოჭლობით.

უეცრად, უზარმაზარ ლოდებს შუა თვალი ჰკიდა მძიმედ დაჭრილ ამორძალს. ისიც, ეტყობა, ხოხვით, ტანჯვა-წვალებით მოსულიყო რუსთან და წყალს დასწაფებოდა. მტრის გამოჩენა მოულოდნელი აღმოჩნდა მისთვის. სანამ ბიჭი გამოერკვეოდა, დაჭრილი ამორძალი ფიცხლად წამოიჭრა ზეზე. საკაპარჭედან ისარი ამოიღო და თვალისდახამხამებაში გამოსტყორცნა. ისარმა შხუილით ჩაუქროლა ყურის ძირთან.

გონს მოეგო. ბერძნულად გასძახა: ნუ გეშინია! ღმერთს გეფიცები, არაფერს გერჩი. ხომ ხედავ, მეც დაჭრილი ვარო! მაგრამ ამორძალმა თავისი მარცხით გამწარებულმა, რაღაც უცნაურად დაიკვივლა, მერმე მყისვე დანა იძრო და გულში ჩაირტყა.

იგი პირქვე ჩაიკეცა, ლოდებზე.

გახვეებული იდგა კარგა ხანს. ყელში რაღაც გაეჩხირა თითქოს. წამდაუნუმ იგონებდა ამორძალის თვალების გამომეტყველებას, როცა ისარს ესროდა: უსაშველო, უსაზღვრო სიძულვილი, ზიზღი და მტრობა ენთო მის აბზინვარებულ თვალებში.

გულდასერილი, ფეხის თრევით მიუახლოვდა ამორძალის ჯვრაც თბილ სხეულს. გადმოაბრუნა.

ულამაზესი არსება იწვა მის ფერხთით. გრძელ, ლამაზ ფეხებზე საომარი წვივსაკრავი შემოერტყა, მოკლე ტუნიკი ეცვა და ქათქათა მკლავები აქეთ-იქით გადაყროდა. ბავშვურ, ნორჩ სახეზე მწარე ტკივილისა თუ სინანულის ღიმი შერჩენოდა. ღია, ბივრილისფერ თვალებში ცივი

გულგრილობა ჩაყინულიყო.

ოქროსფერი, მოკლედ შეკრეჭილი თმა მოუჩანდა კოხტა, ლამაზი მუზარადიდან. ვერცხლის ფართო სარტყელზე ცარიელი კაპარჭი ეკიდა. მოჭედული პატარა ფარი და ხმალი გვერდზე ეგდო. ძუძუ-მკერდი, მთელი უბე სისხლში მოთხვროდა, სისხლის გუბე იდგა ლოდებს შუაღ.

ეს ღვთაებრივი ასული, სიყვარულისა და ალერსისთვის გაჩენილი, ალერსისა და სიყვარულის ნაცვლად განგების უცნაური კარნახით მამაკაცურად შეჭურვილიყო, მამაკაცურად უნდა ებრძოლა და... ვაჟკაცივით უნდა მომკვდარიყო!

დასცქეროდა თვალგაშტერებით და ისეთი შეგრძნება ჰქონდა, თითქოს დების: ჰელას თუ ელენას სხეული ეგდო მის წინაშე, მისივე დანით გულგანგმირული!

მერმე გულ-მკერდზე ხელები დაუკრიფა ცრემლთა ყლაპვით.

ღიად დარჩენილი თვალები დაუხუჭა. ფარ-სატევეარი მკერდზე დაადო ისე ფრთხილად, თითქოს ცოცხალი ყოფილიყო, თითქოს ეშინოდა არაფერი სტკეპოდა.

მერმე დაუჩოქა და... შუბლზე ეამბორა.

უმძიმდა განშორება და იქვე, მახლობლად ლოდზე ჩამოჯდა, თავზე ხელები შემოიწყო და ღრმა ფიქრებმა წაიღო.

„უკვდავო ღმერთებო! ნუთუ კაცი ნადირზე დაბლა მდგომი არსებაა?... მხეცებიც აღარ დაერევიან ხოლმე ერთმანეთს ასე გამეტებით!.. კაცი კი, კაცი კვლასაც აღარ სჯერდება – უეჭველად სისხლში უნდა დაიბანოს ხელები და... დასტკებს ნამოქმედართ! გაიხაროს სხვისი ტანჯვა-წვალებით!..

ღია-უფალო!.. ღმერთებო! მაშ, ვინა ვარ მე?... მეც ხომ ამ სისხლმონყურებულთა ჯილაგისა ვარ? და... ამდენად, ჩემშიც მკვლელი ზის! აკი მეც წამოვედი ჩემის ნებით ამორძალთა დასახოცად! მეც ხომ უნდა დამეღვარა მიწის შვილთა სისხლი!.. მეც იმათაგანი ვარ თურმე, ვინც მოფიქრებულად, სიამოვნებითა და ხალისით ჰკლავს თავისსავე მსგავსთ!

დღეს თუ არა... ხვალ – მაინც წამოვიდოდი! თუ ნებით არა, მიბრძანებდა ჩემზე ძლიერი, ღონიერი, ცბიერი და მომაკვლევიანებდა – სულ ერთია, რა მიზნით (თავისი მიზნის გამართლებას ყოველთვის ეცდება მკვლელი!)

გამიგონია, ჯვრაც არსებობენო კაციჭამია ტომები. (ნეტავ, თუ არსებობენ ლომიჭამია ლომები და ვეფხიჭამია ვეფხვები?)

ჩვენც ხომ ამ კაციჭამიათა მოდგმა ვართ? ჩვენშიც ხომ მინაბულა და მიყუჩებულია თურმე კაციჭამიას გეში და მხოლოდ ჟამსლა ელოდება, ეძგეროს თავისსავე მსგავს ქმნილებას და შესანსლოს-მეახრამუნოს?

ღმერთებო! ნუთუ აღარ მოსწყინდა თქვენს ბრწყინვალე თვალებს ერთი და იგივე სურათის მზერა?... ან.. იქნებ იცვლება რაღაცა და... დროთა ვითარებაში... უკეთესი ვხდებით?..

ვერა გამიგია რა!.. აღარაფერი მესმის!“

„ნიკა! გეყოფა ამდენი ფიქრი და დარდი!“

ზე აიხედა. ჰოი, საკვირველებავ! უმშვენიერესი, გრძელთმიანი უიარალო ამორძალი თავს წამოდგომოდა.

კოჭებამდე კაბა ეცვა – თეთრი, უმტვერო, თაფლისფერი ტალღოვანი, სქელი თმა მკერდსა და მხრებს უფარავდა. ჟუჟუნა თვალებში იდუმალი ღიმი ჩადგომოდა.

პირუჩუმრა შეჰყურებდა ელდანაცემი და ადგილიდან ვერ იძროდა. დიაცმა ტურჩებზე თითი მიიძო და თვალთ ანიშნა, გამომყევო. გატრიალდა თვითონ და საპირისპირო აღმართს შეუყვა. ალვასავით მიიწინეოდა ტყის სიღრმისკენ. ბიჭიც მთვარეულივით მისდევდა. რა ძალას უნდა შეეჩერებინა ახლა?... რომ ებრძანებინა, უფსკრულში გადავარდიო, დაუყოვნებლივ გადაეშვებოდა.

მუხის ქვეშ შედგა ამორძალი. ბიჭიც მოშორებით გაჩერდა.

მათ ქვემოთ გადაშლილიყო აქოჩრილი, ზურმუხტისფერი ტყე-ველი. შორს, ზღვის ცისფერი ზოლი ილანდებოდა.

ამორძალი დიაცის მარმარილოსებრ სახეზე კუნთი არ ტოკავდა, მხოლოდ თვალებში ეტყობოდა სიცოცხლის ნიშატი: თვალები უციმციმებდა უცნაური შუქით და ეს ღვთაებრივი, მუქი ცისფერი თვალები ირეკლავდნენ თითქოს ცისა და ზღვის უსაზღვრო და დაუსაბამო სილურჯეს.

– შეხედე, – უთხრა თითქოს გაუგებარ და მაინც გასაგებ ენაზე, – შეხედე! ეს შენი წინაპართა საუფლოა – ახლა იავარქმნილი, გავერანებულ-გატიალებული... აქ მალე მოვა სხვა ტომი. სხვა ენაზე მოლაპარაკე, სხვა სისხლის მქონე და დასახლებიან, დაეფუძნებიან მკვიდრად კუნძულსაც სახელს გამოუცვლიან კვიპროსს დაარქმევენ და... მოისპობა შენი წინაპრების სამკვიდრო, ვით შენს სისხლში ნელ-ნელა ქრება ნიშატი იათნანური. შენს მონაგარში ეს მცირეოდენი დვრიტაც აღარ იქნება. სხვა სისხლი ახმაურდება მათ ძარღვებში. სხვა ყლორტი გამოისხამს ნაყოფს. და იქნება ასე მრავალ საუკუნეს, ათასწლეულებში.

მაგრამ... ათასწლეულების შემდეგ შენ მოხვალ აქ ისევ.

მოხვალ განახლებული, გაძლიერებული შენს თანამეწყვილესთან ერთად, მრავალ ჭირ-ვარამ გამოვლილი და გამობრძმედილი ათასგვარ უბედურებაში.

მოხვალ და დაიჩოქებ წარმოსახულ საფლავთან ისე, ვით ახლა

მოუყარე მუხლი ამ უდროოდ დაღუპული გოგონას ცხედარს.

კიდეც დიდხანს ლაპარაკობდა მშვენიერი ამორძალი თუ... ციური მაცნე და გაოგნებულს, ბუნდად ესმოდა მისი ხმა და სიტყვები.

მეყსეულად ამორძალთა დედოფალმა ხელი დაადო თავზე ბიჭს:

– ხოლო ცრემლი შენი და ცრემლი შენნაირთა – წმინდაა, ჩემო კეთილო!.. გადარეცხავს იგი უთუოდ ჭუჭყსა და სიბინძურეს დედამინაზე და... გააღვიძებს კვლავაც აიაიელთა ანუ კოლბ-იბერთა მოდგმაში ცოდო-მადლის ან მივიწყებულ გრძნობას და...

გადაიკარებს! გაბრწყინდება ზეცა კუნძულის თავზეც! თუმც... ამაზე ნულარ ვიუბნებთ მეტს, ჩემო ნიკა!

დროა, დაუბრუნდე სისხლითუძღებ თანამოლაშქრეთ შენსას! ოლონდ... – დედოფალი დაიხარა და თვალებში ჩააცქერდა ხანგრძლივად:

– ოლონდ: არჩევანი შენზეა, ნიკა!.. რომელ გზას აირჩევ? ადვილს თუ ძნელს?... ნარეკლიანს თუ... ვარდყავილებით მოფენილს?

ვის მხარეზე დადგები: ძლეული სიკეთის თუ... გალაღებულ ბოროტების?... სიმართლის თუ... სიცრუის?

არჩევანი შენზეა, ნიკა!

...თავი რომ ასწია, ისევ იმ ადგილას იჯდა, საიდანაც წაიყვანა იგი ამორძალთა დედოფალმა თუ... ციურმა მაცნემ.

ირგვლივ სიჩუმე იდგა. მხოლოდ დროდადრო, ქვემოთ, ჭალაში დაბანაკებულ მოლაშქრეთა ღრიანცელის ხმა ამოჰქონდა სიოს.

თითქოს არც არსად წასულა აქედან. ყველაფერი ისევ ისე იყო. მკვდარი ამორძალი გოგონაც ისევ პირაღმა ესვენა მიწაზე. ოლონდ ეგაა: თავი უბრუოდა და თვალებიც უჩვეულოდ ეწვოდა.

წამით ხელისგულებში ჩამალა გახურებული სახე:

„ნუთუ... სიზმარში ვიყავი... ან ხომ არ მომეჩვენა დედოფალი? ანდა... მე კი ვარ „მე“?... ვინ ვარ სინამდვილეში? ვინ მეზრახებოდა წელან?... ამორძალთა დედოფალი თუ... ეგება... ძილქუში დამანვა და.. არსადაც არ მომიცვლია აქედან ფეხი? ან... ეგება მილეთიც სიზმარია და იათნანაც ძილბურანში მომელანდა?“

ბარბაცით ჩაუყვა ბილიკს. ბარბაცის ტკივილმა ამცნო, რომ იათნანაზე იმყოფებოდა, ეს ჭრილობები ამის უტყუარი ნიშანი იყო.

ერასტო ძია კვლავინდებურად არც ცოცხლებში ჩანდა და არც მკვდრებში. მისი ასავალ-დასავალი ვერა გაიგეს რა: უგზო-უკვლოდ დაიკარგა.

...ბრუნდებოდნენ გამარჯვებული მოლაშქრენი და თუმც, ბევრი გამოაკლდათ, ერთობ ბევრიც, სამაგიეროდ, ხომალდები და დრომონები ველარ იტევდნენ ნაალაფარს. რაც მთავარია და განსაკუთრებით საგუ-

ლისხმო – საკუთარ ქვეყნებში მიჰქონდათ საშვილიშვილოდ თავმოსა-
ნონებლად და საბაქიბუქოდ – ამბავი აქამდე დაუმარცხებელ ამორძალ-
თა გაჟღერებას. მართალია, როგორც ამბობენ, მცირე ნაწილმა თავს
გაქცევით უშველა თურმე, მაგრამ აბა, რა სახსენებელი იყო ის ერთი
მუჭა გადარჩენილები ამ ურიცხვ დახოცილთა გვერდით?

ბრუნდებოდა თავ-თავიანთ ქვეყნებში მოზიემე და მოდაფდაფე
ლაშქარი და.. ზოგს ნადავლად მიჰქონდა უთვალავი ოქრო-ვერცხლი,
ზოგს საუცხოო ჯამ-ჭურჭელი, ფარჩა-ქსოვილი და სხვა ძვირფასეულო-
ბანი, ზოგს ამორძალთა ნაჭრილი თავები და ზოგს კიდევ – რა გინდა რა!
მაგრამ... არც ერთს არ მიჰყავდა ცოცხალი ტყვე ამორძალი!

საერთო სიხარულს ამით, შესაძლოა, ჩრდილი მისდგომოდა, მაგრამ
საამაყოდ ამორძალთა მოჭრილი თავები რჩებოდა, ძღვნად რომ უნდა
მიერთმიათ თავიანთი ახლობლებისათვის „სახელოვან“ მეომრებს – იმის
ნიშნად, რომ ზღაპარი და მოგონილი ჭორი კი არ გახლავთ ამორძალთა
ამოხოცვა, არამედ ნამდვილი, წყალგაუვალა ამბავიო!

... იდგა მოაჯირთან უაღაფო, უძღვენო და მტკივანი მკლავ-ბარძაყ-
ილა იყო დასტურად მისი მონანილეობისა ამ არნახულ ხოცვა-ჟლეტაში.

იდგა დაღონებული და დათაღბული თვალებით გაჰყურებდა მიწის
ვინრო ზოლს, თანდათან რომ პატარავდებოდა. დღე ილეოდა.

დაჭრილი მზე ამორძალივით ლაფავდა სულს და ნელა ჩადიოდა დასა-
ლიერში. აი ცოტაც და...

ერთდროულად გაუჩინარდა იათნანას კუნძულის გამოსახულება და
მზის ვეება, სისხლიანი დისკო.

1988 წ.



„დე ეს ოდინდელი მწარე ტანჯვა, უსაშინლეს საუკუნეებით დაგროვილი, ჩანერგილია ჩემს სხეულში, რომლისგანაც მზის ცეცხლით გამლხვავალი მჟონავი წვეთები გამუდმებით ეცემიან კავკასიის კლდეებს“.

**მიჯაჭვული პრომეთე
ესქილე**

ძახილი

ერთხანს გაუნძრევლად იწვა და თვალდაღურსული ყურს მიუგდებდა საკუთარ გულისცემას. არა და არ წყნარდებოდა იგი: ისეთი ბაგა-ბუგი გაუდიოდა, ლამისაა ბუდიდან ამოვარდნილიყო.

მერე თანდათან, ნელ-ნელა შენელება იწყო ხმაურმა: თითქოს ნაპირზე ამოვარდნილმა მოფართხალე თევზმა კვლავ მორევი ჩაიყურყუმ-ალაო. მაგრამ მშვიდად ყოფნა მაინც არ ეთქმოდა მის მდგომარეობას, ვინაიდან „ის“, რამაც ასე ერთბაშად, თითქოს ძალუმი ხელისკვრით გამოაღვიძა, ისევ ისე ხშიანობდა, მართალია, ნაკლები, მაგრამ მაინც მკაფიო, საცნაური ძლიერებით. ამ „ხმის“ რხევისგან ჯერაც ტოკავდა სხეულის თითოეული ნაკვთი...

დამძიმებული ქუთუთოები ფრთხილად ასწია და ფრთხილადვე მიმო-ატარა მზერა გარშემო, თითქოს ეშინოდა – ვაითუ, პირისპირ შევეჩქხო „იმასო“...

ალიონის მურუჭი შეფერადებული ჩანდა, ფანჯრის ფარდას მსუბუქი ნიავი არხევდა და მისი გამახვილებული, დაძაბული ყურთასმენა ახლა უმცირეს ჩქამსაც კი აღიქვამდა.

კვლავ მიაყურადა გულის ფეთქვას. ისეთი შეგრძნება დაუფლებოდა, თითქოს ამას წინათ დათითოებული, დაცალკეებული ნაწილები სხეულისა, ისევ ისე შეერთებულიყვნენ, რათა გაერთმთლიანებულთ, უფრო მკვეთრად, უფრო ცხოვლად შეეცნოთ იმ იდუმალი, უჩინარი ხმისაგან მოგვრილი განცდა! არა, ეს არ გახლდათ ძილ-ბურანში ჩავარდნილი, მთვლემარე გონების წამიერი ჩვენება, არც სიზმარეული რამ ხილვა, – იგივე „ხმა“, ან უფრო სწორად, მისი ექო, თუმცაღა ძლიერშესაგრძნებად, მაგრამ შემტვევი სიჯიუტითა და დაჟინებით კვლავაც ატოკებდა მის ძარღვებს.

მერე წამით თითქოს გულმა ხმაური შეწყვიტა, წამითვე სული და სხეული თითქოს გაითიშა ერთიმეორისაგან და მყისვე საშინელ წკვარამსა და სიცარიელეში ჩაიძირა მისი გონება, და ახლა, ამ ანაზღაურულად ჩამონოლილ უკუნეთში, ისევ ისე მძლავრად, მომწოდებლური ჟინითა და წადინით გაისმა იგივე ძახილი თუ... გმინვა-კვნესის ხმა, რამაც წელან ასე

ძლიერ აუჩქროლა სისხლი ძარღვებში.

სწრაფად წამოჯდა საწოლში და თვალები ღია სარკმელს მიანყვიტა.

„ალარ თენდება?... ალარ დაადგა საშველი?“ – შემოჰკვნესა გულმა. მოუთმენლობით შეპყრობილმა მისმა მზერამ, უნებლიეთ, მძინარე მეუღლეზე გადაინაცვლა. წამით უცნაურად განსპეტაკებული და გულგრილობამდე მშვიდი ეჩვენა ქალის სახე. ეს უძრავად გამოტილი სხეული ამწუთას მართლაც ჭურჭელიდა თუ იყო იმ სულისათვის, უკიდევანო და უსაზღვრო სივრცეებში რომ მიმოქროდა ბორკილებდამწყვეტილი, ან ეგების... სულაც აქვე, შორიახლოს ტრიალებდა, რომ ისევ დაბრუნებოდა თავის გალიას, რათა უწინდებურად მორჩილად და თვინიერად ეტვირთა ყოველდღიური ცხოვრებისეული ჭაპანი, მისი ჭირ-ვარამი.

ეგების თავადაც „იქ“ იყო, ამ რამდენიმე ხნის წინ? იქნებ იმ უსასრულო ვარსკვლავიერ მხარეში დარიალობდა მისი სულიც და იქიდან, იმ დაუსაბამო შორეთიდან ჩაესმა ის უზეშთაესი, ზესთაზენური „ხმა“ – მონოდება თუ ბრძანება ერთდროულად?

ბალიშზე მიდო კვლავ თავი. მკლავები საბანზე დაანყო და გარინდე-ბულმა სარკმელს მიუშტერა ისევ თვალები. გაყურდა.

...ჯერ კანტიკუნტად, თითო-ოროლად გაისმა ფრთოსანთა ჟივილი. მერმე ერთობლივად, გაბმულად აჭიკჭიკდნენ, თითქოს უხილავი დირიჟორის ნკეპლის დაქნევაზე. ცას მტრედისფერმა გადაჰკრა.

„თენდება!“ – შვებით ამოისუნთქა და... ზეიარა. ისეთი სიმსუბუქე და სისხარტე იგრძნო ერთბაშად ტანში, თითქოს მეყვსეულად ჩამოსცილდა სამი ათეული წელი და ისევ ის ცქვიტი, მარდი ყმანვილი გახდა.

ფოსტლებში წაყო ფეხი, ჩოხა მოიცვა და აივანზე გავიდა. სამშვიდობოზე გასული პატიმარივით ლალად მხრებგაშლილმა, ხარბად ჩაისუნთქა განთიადის გრილი, სუფთა ჰაერი და კისერზე ხელებგადანასკული მიაჩერდა დაკბილული, ლილისფერი ქედების გრეხილიდან ამაცად, მედიდურად ამოზიდულ ზეთავს მწვერვალისას.

შეჭალარავებული თხემიდან ჯერ მნათობის ალისფერი ყუა გამოჩნდა, მერმე ნელ-ნელა იწყო ამოგორება გავარვარებულმა, დიდმა დისკომ. მცირე ხნის შემდეგ იგი მთის ფხაზე შემოჯდა.

„მზე ამოკაკანდაო“, გაივლო გუნებაში ალერსიანად და წელში აწვართული, ისევ მოდუნდა და დაზარებით გაიზმორა.

ფრთოსანთა გუნდი გაორკეცებული ძალითა და ხალისით არაკრავდა. ამ მრავალხმიან და თანწყობიერ ორკესტრში გამოირჩეოდა შაშვების წარმტაცი სტვენა-გალობა.

„ჰოიდა, ლილეო!“ – დაიძრა ანაზღად იქ, სადღაც გულის უმორესი, უღრმესი ფსკერიდან.

„ლილეოდა, დიდება შენდა,
დიდება შენდა, ზეციერო!“

უფრო და უფრო ფრთებს შლიდა საგალობელი და ზეცისკენ მიიწევდა თავდავინყებულის ნდომითა და გახელებით.

გათენდა. ცის გუმბათს კრიალა, ლალანა იისფერი გადაჰკრავდა.

„გოთანდუ! დიდებუან ბჟაქუ, ფართას გელეზარჩხალუ!“¹ – გახმიანდა გულში ხალხური ლექსი და კვლავ ნებიერად გაიზნიქა. სხეულში ავაზას მოქნილობა და ძალა ჩასდგომოდა, სულში კი – ჩქერალებად ეღვრებოდა მზის სხივები.

„ჰოიდა, ლილეოდა და ლილეო!“

იდგა ერთხანს ასე შეურხევლად, თავუკანგადაგდებული, განაბული და ჩუმი, ნეტარი ღიმილით მიუგდებდა ყურს სულის სიღრმიდან წამოსულ მელოდიას, მთელი მისი არსება რომ მოეცვა.

„რემა!“ – დარეკა უცებ იმ „ხმამ“.

„რა დროს სიმღერაა, რემა? იჩქარე. საშურია ყოველი წამი. შენ ხომ გზა გელოდება, რემა, გრძელი, შორეული გზა. შენ გზა გეძახის-მეთქი, რემა! ჟამმა დარეკა. ჰაი, ჰაი, რომ ჟამმა დარეკა, ჟამი გიხმობს და მოგიწოდებს, რემა!“

თავი I

ჰე, ჰეი. ეს ბილიკიც მოთავდება მალე და შუკა-შარაც. მერმე დაინყება აღმართი.

ჰე, ჰეი. ბარჩხალა მზე უკვე გადაინვერა დღიური შრომა-საქმიანობისგან მოღლილ-მოქანცული და მოსასვენებლად მიბრძანდება დასალიერში, მთვარე კი – ფერმიმქრალი და მიღეული უღონოდ ჩამოკონწიალებულა ცის თაღედზე, ლამისაა ყინნი მოსწყდეს და ბზრიალტრიალით წამოვიდეს ძირს – დედამინისაკენ! მაგრამ არა... თანდათან, ნელ-ნელა იკრებს ძალ-ღონეს, ივსება ფერ-ხორციით – მზისგან ნაბოძები მადლით და სიკეთით.

„თუთა ახალი, ღორონთ სი გუმაახალი, ახალი თუთა გუმახარი, ცაში კარი სი გომინჯი, სი ჯვეში დო მა ახალი!“²

ბიჭმა ეშმაკური ღიმილით ჩაუპაჭუნა თვალი წამგალა მთვარეს და: „სი ჯვეში დო მა – ახალიო“, გაიმეორა სამჯერ, ცალ ფეხზე შემოტრი-

აღდა და კვლავ ხტუნვა-ხტუნვით გაეკიდა თხებს, ეჭვნების ჟღარუნით რომ მიკუნტრუშებდნენ მის წინ.

ცხვირში საამოდ უღიტინებს შემწიფებული ყურძნისა და სიმინდის ტაროების-ფურჩების სურნელი.

ჰეი, ჰეი. ხილის ჭამა ანი შეიძლება თამამად – დადი არ დაუშლის. მარაშინა (მარიაშობა) ეს-ესაა გავიდა. ამიერიდან ნაკურთხია ჭყინტი სიმინდიც, ყურძენიც და ეს ჩაფულა ლეღვიც. სულო ცოდვილო, მარა-შინამდეც მიურთმევი უმნიფარი ყურძენი თუ ლეღვი (ყოვლად წმინდა მიუტევეებს ამ შეცოდებას), სამაგიეროდ, ჭიაკოკონა ლამეს ყველაზე დიდი კოცონი დაანთო და ყველაზე მაღლა გადახტა, ყველაზე ბევრი იმღერა, იცეკვა და იმხიარულა კიდეც... ხოლო ახლა, ამ ბრონეულის ხეს ვერ ჩაუვლის ისე, ბატონო ჩემო, ვერა!

ბიჭი ლობეზე შეხტა და ბრონეულის ტოტს ნაეპოტინა. „ბერ-ნული“ მზის ნაყოფიანო, ამბობს დადი, მზის ჩხორიან დააორსულაო ბრონეულის ყვავილები. ჰეი, ჰეი... მზის შვილია ეს ბრონეული და ეს სოფელიც. ეს ხვიჩა ბიჭიც – ასკინ კილათი რომ მისდევს წვერებცანცარა თხებს – მზის თურია, მისი შთამომავალია!

ჰე, ჰეი... ცხრათვალა მზეა დედა ყოველი სულდგმულისა, სიცოცხლის დვრიტა ყოველი არსისა.

და ხმამაღლა შემოსძახა ანაზდად:

„ბჟა-დია ჩქიმი, თუთა – მუმა ჩქიმი,

ხვიჩა-ხვიჩა მურიცხები და დო ჯიმა ჩქიმი!“.

ბიჭი ერთბაშად შედგა და ოდნავ ღიად დარჩენილი პირით, ადგილზე გახევდა.

ორლობის ბოლოში წვერულვაშეჭადარავებულ კაცს ქვიშისფერი ბედაურისთვის კისერზე შემოეხვია ცალი ხელი, მეორეში მოკეცილი მათრახი ეჭირა და... ღიმილით უყურებდა.

ბიჭს ნუშისებრი თვალბისი ჭრილი ჰქონდა. მოგრძო, ხორბლისფერი სახე და ხორბლისფერივე ტალღოვანი თმა, სოთი ცხვირი და თხელი ტუჩები. ოდნავ ჭორფლიანი ღანვისთავები ოფლის წვეთებს დაეცვარა. ფეხშიშველას, ძიქვააკაპინებულ, მაღალკანჭება ბიჭს – სახელოებაკრეფილი კოპლებიანი ჩითის პერანგიდან ბავშვურად სუსტი, წამზეური მკლავები მოუჩანდა.

– ვინ გასწავლა, ბიძი, შენ ეს სიმღერა?

ბიჭმა ძლივსძლივობით მოსწყვიტა მზერა უცნობის სხივიან, ცისფერ თვალებს, შეიმშუმნა:

¹ მზე — დედაა ჩემი, მთვარე — მამაა ცემი, ჩახჩახა ვარსკვლავები და და ძმაა ჩემი!

¹ „გათენდა. დიდებული მზე ფართოდ გამობრდვიალდა“

² მთვარე ახალო, ღმერთო, შენ განმაახლე, ახალო მთვარევე გამახარე, ცის კარი შენ გამიხსენი, შენ ძველი და მე – ახალი.

– ჩემით ვისწავლე, ბატონო... – ჩაილაპარაკა ბოლოს ძლივს გასაგონი ხმით, რატომღაც დარცხვენილმა და მზერა ძირს დაიღო. მერმე ხელში შერჩენილ უმნიფარ ბრონეულს ერთი ახედ-დახედა და შორს მოისროლა.

– რა გქვია, ბიძი, შენ სახელი?

ბიჭმა თხილის წნელი ორად მოლუნა და დახრილი ქუთუთოებიდან ქვემ-ქვემ გახედა კაცს, რომლის თვალებიდან უცნაურად მომწუხრებელი შუქი იღვრებოდა და ბიჭს თითქოსდა თავის ჯადოსნურ ბადეში ხვევდა.

– ჯონდოია... ჯონდო, ბატონო! – შეყოვნებით გასცა პასუხი.

– გვარი?... რა გვარის ხარ, ბიძი?

– ოდიშარია.

– ო, ო, ყოჩაღ. კაი ბიჭი ხარ შენ, ჯონდოია ოდიშარიავ!

ბიჭი შეტოკდა. თავისდაუნებურად სახე დაესხიპა. ვერ იტანდა, როცა დიდები ენას უჩრქვებდნენ. „ვიცოდე ნეტა, რატომ ვარ კარგი?“ – გაივლო გულში ამრეზით, მაგრამ უცნობის მზერას რომ წააწყდა კვლავ, დადრკა. მოღმობიერდა ერთბაშად.

– ჰეი, ჯონდოია ბიჭო, თხები გაგექცა!

– სად გაიქცევიან, ბატონო? სახლში მივლენ.

– შორს ცხოვრობ აქედან, ჯონდოია?

– არა, რატომ! აი, იმ ფერდობის ძირშია ჩვენი ოხორე.

– ჰოო... მართლა არ ყოფილა შორს.

უკვე ერთად მიაბიჯებდნენ გვერდიგვერდ. ბიჭმა კვლავ მალულად გეზად შეათვალიერა უცნობი კაცი. მერმე მზერა ცხენის შხვართი ფეხებისაკენ გაექცა. წამით სულთქმა შეეკრა: „ე-ახ!“ – გულში ჩაიბრუნა ჩუმი ნატვრის ოხვრა, მაგრამ სასწრაფოდ შეეცადა, სახეზე გულგრილობა აეხატა.

– მოგწონს ჩემი ცხენი, ჯონდოია ბიჭო?

ბიჭი შეკრთა. ალმური წაეკიდა სახეზე. შერცხვა, რომ ნაჩუმადვე ნატვრას მიუხვდნენ. ნანაია შური, რა გულთმისანი ყოფილა ეს კაციო, გაიფიქრა უნებლიე გაცეცხებით და დიახ, ბატონოო, დაუდასტურა თავიანთი უნაღობა, სახელეწილმა.

– კაი ცხენია... ნამეტანი! – დაამატა უცებ დიდი კაცის კილოთი და ისევ იყუჩა. ერთხანს მდუმარედ იყვნენ ორთავენი. მერმე ბიჭმა თავი ასწია, დაბლიდან მაღლა ახედა უცნობს და უცებ მოსწყდა მის ბაგეს:

– მე თქვენ გიცნობთ, ბატონო! – თქვა თუ არა, მყისვე ენაზე იკბინა შემცბარმა, თვითვე ეოცა თავისი სითამამე.

– გიცნობთ?... საიდან, ჯონდოია ბიჭო? – ახლა კაცის გაცეცხის ჯერი დადგა.

კოპებშეკრული ბიჭი წამით ჩუმად იყო, ეტყობა, თავისთვის აზრობდა

რალაცას, მერმე ისე, თითქოს ფიქრშიაო, გაიმეორა: – გიცნობთ კი. ჩვენს ეკლესიაში ხართ დახატული, კედელზეც და სვეტის თავზეც.

– ეკლესიაში?!

– ჰო, დიახ. ოლონდ... ოლონდ... იქ შუბი და ფარი გიჭირავთ ხელში და... უწვევრული ბრძანდებით!

უცნობმა გაიცინა. ბიჭმა სწრაფად ახედა. დია! როგორ იცინის ეს კაცი? თითქოს... რუ რაკრაკებსო. არა. უფრო სხვანაირად... საარაკოა პირდაპირ!

ბიჭმა გონებაში ვერ მოძებნა ფარდი სიტყვა და ისევ მოიქუფრა.

– აქედან რა მანძილია თქვენს ეკლესიამდე, ჯონდოია ბიჭო?

– აქვეა, ახლოს, ბატონო! – ბიჭს შეკრული შუბლი გაეხსნა, ისევ გამოცოცხლდა: – აგერ, ეს შარა რომ მოთავდება, გორაკი გამოჩნდება ერთი, ჩვენს პირდაპირ. ე, მაქაა, გორაკის თავზე. ჩემი დადი ამბობს, ჩვენი ოხვამე!¹ უძველესიაო მთელს ამ მხარეში და ყველაზე ძლიერი წმინდა გიორგი ჩვენა გვყავსო.

– ნუთუ მართლა?

– დიახ, ბატონო!

– ილორის წმინდა გიორგიზეც ძლიერიაო, განა? – დაეკითხა უცნობი ისევ. იგი წამდაუნუმ ილიმებოდა და თეთრ, ქათქათა კბილებს აჩენდა.

– ჯეგე მისარონი ძლიერიაო, ძალიან ძლიერი! – პირდაპირ პასუხს თავი აარიდა ბიჭმა. მერმე ჰეი, ჰეიო, დაიძახა უცებ, წინ გავარდა და ტყრუშულ ღობეზე აბლოტებულ თხას წკეპლა გადაუჭირა, კვლავ წინ გაიგდო. მერმე შედგა და უცნობს დაელოდა, ტაატიტ რომ მოჰყავდა კისერაღერილი, თვალაბრიალებული ბედაური. ბიჭის შეფარული ცნობისწადილით ანთებული მზერა ქურდულად გადაინაცვლებდა ხოლმე კაციდან ცხენზე, და პირუკუ.

ღვინისფერ ჩოხა-ახალუხში გამოკვალთული, ასხეპილი აღნაგობის, საშუალოზე ოდნავ მაღალი, ხანში შესული მამაკაცი ჭაბუკური სიკისკასით მოირხეოდა თავისი მშვენიერი ცხენის გვერდით. მხარზე მოხდენილად გადაეგდო თეთრი ყაბალახი. თავზე სვანური ქუდი ეხურა.

მონადირეა? მაგრამ თოფი რომ არა აქვს თან? არც მეძებარი ახლავს. მაშ, ვინ უნდა იყოს? ნუთუ მართლა საყდრის კედლიდან გადმოვიდა და აგერ, ა, ამ სოფლის შარაგზაზე მორონინობს ჯონდოიას გვერდით?

არა, ჩვეულებრივი კაცი რომ არაა – ეს ცხადზე უცხადესია. ამას გუმანით ხვდება ბიჭი. რალაც სხვანაირია უსათუოდ. კი, ასეა ეს.

„რალაც სხვანაირიაო“, ასკვნიდა ბიჭი თავის გუნებაში, როცა რაიმე უჩვეულოს, ამოუხსნელს ანდა გაუგებარს გადააწყდებოდა. ამ სიტყვე-

¹ ეკლესია

ბით იმშვიდებდა თითქოს თავს და ახლაც, ამ სიტყვებმა ოდნავ დაუცხრო და დაუშოშმინა მისდაუნებურად აფორიაქებულ-ანრიალებული გული.

– შენ კარგად მღერი, ჯონდოია ბიჭო, ერთობ კარგად! ხომ არ იმღერებ კიდევ „მზე – დედა ჩემი“?

სხვა ვინმეს რომ ეთხოვა ახლა, ჯონდო არასდიდებით არ დათანხმდებოდა: არ უყვარდა, რამეს რომ ავალეზდნენ უცხოები, მით უმეტეს, სიმღერას თუ უკვეთავდნენ ხოლმე.

როცა ემღერებოდა, მაშინ მღეროდა. მორჩა და გათავდა. ეს შინაგანი, თანდაყოლილი სიამაყის გრძობა – ეგებ ამპარტავნობასთანაც ნილნაყარი – გაუცნობიერებლად ბუდობდა ბიჭის არსებაში. იგი მრავალ სხვა მანკიერ თუ ღირსეულ ნიშან-თვისებასთან ერთად, დასაბამიერი გახლდათ ბიჭის ჯიშისა და ჯილაგისათვის და ათასწლეულების ტევრში გამოვლილი, დღემდე ინარჩუნებდა თავის, შესაძლოა, ავბედით ძალ-მოსილებას.

მაგრამ ვერ გაანბილებდა ახლა ბიჭი ამ უცნობ, ქარმაგ კაცს, ხათრს ვერ გაუტეხდა ვერანაირად და ესეც, ეს ნიშან-თვისებაც, აუხსნელი და გაუგებარი რჩებოდა თვით მისთვისაც, რადგან სულის ხვეულებში ჩაკარგულ-ჩახლართული, იგი ჟამიდან ჟამზე, მისდა უნებურად, იწყებდა ზედაპირზე ამოტივტივებას, მისდა უნებურად შეახსენებდა ხოლმე თავის თავს.

ბიჭმა, ცოტა არ იყოს, გაუბედავი ხმითა და დარცხვენილი იერით წამოიწყო სიმღერა. მერმე თანდათან გული მოეცა, სძლია მორიდების გრძობას და... ხმას აუწია.

დაამთავრა თუ არა ჯონდომ სიმღერა, უცნობმა მათრახიანი ხელი გადახვია გაჩხინკულ მხარზე, გვერდზე მიიკრა: – ჩინებულია, ჯონდოია ბიჭო, ჩინებული. აი, ეს მესმის!

ბიჭს რატომღაც ეს შექებაც ეამა ახლა, მეტადრე მოფერებამ გაუბადრა სახე.

– მაგრამ... წელან შენ, თუ არ ვცდები, ცოტა სხვანაირად იმღერე, ხომ მართალია, ჯონდოია ბიჭო?

– სხვანაირად?

– ჰო, სხვანაირად. აი, ასე... – და უცნობმა თავად წაილიღინა: „მზე დედა ჩემი, მთვარე – მამა ჩემი“. ხომაა ცოტათი განსხვავებული, ჯონდოია ბიჭო?

გატრუნული ბიჭი შეირხა უცებ:

– კი. განსხვავებულია, ბატონო.

„დედაია, სასწაული პირდაპირ!“ პირველად მართლა ცოტა სხვანაირ კილოზე იმღერა – ერთი ბენოთი, სულ ფიორისხელად განსხვავებულ-

ლად. მაგრამ ამ კაცმა როგორ შეამჩნია ეს? ანდა... ასე ზუსტად რაფერ გაიმეორა?... ჩანს, რომ... ძალიან კარგად მღერის თვითონაც. ეუჰ! სადაა ახლა ნათია? რას შეუწყობდნენ ხმას ერთმანეთს! ნეტა, ვისთან მიდის აქეთკენ? ვისი სტუმარია ეს კაცი ამაღამ?“

– ჩვენს სოფელში ხომ არ მობრძანდებით, ბატონო? – თავისი აზრით, ცოტა შორიდან შემოუარა სათქმელს ბიჭმა და კრძალვით შეავლო კვლავ თვალი. უცნობი თითქოს წამით შეეყოყმანდა და:

– თქვენთან მოვდივარ, ჯონდოია ბიჭო, თქვენს სოფელში.

– ჩვენთან?... ოხ. რა კარგია! – აღმოხდა უცებ გახარებულს. მცირე ხანს აწვალებდა ხელში წკნელს, მერმე წარბებსკვემოდან ფრთხილი მზერა ესროლა უცნობს და:

– ვისთან მიბრძანდებით, ბატონო, ჩვენს სოფელში, თუ შეიძლება, რომ... – სიტყვა განწყვიტა და ენა მოიკვნიტა. ბიჭს ახლა ყურებიც ნაკვერჩხალივით გახდომოდა და რომ დაეფარა ერთბაშად მოზღვავებული უხერხულობის გრძობა, თავი უფრო ჩალუნა. უცნობმა ჩუმად ჩაიციწია, მერმე ქოჩორი მოუჩქრა ბიჭს და:

– ჯერ არ ვიცი, ვისთან მივიდე, მარა... მე მგონია, ვისაც არ უნდა მივადგე ამ შელამებულზე, ყველა მიმიღებს. ასე არაა, ჯონდოია ბიჭო?

– დიახ. რასაკვირველია, ბატონო! სტუმარი ღვთისაა. – სხაპასხუპით, სულმოუთქმელად მიუგო ბიჭმა, თითქოს შეეშინდა, პასუხი არ დამიგვიანდესო, მერმე ისევ დადუმდა წამით. წარბები შეიკრა ფიქრიანად. ჩანდა, რომ თავის თავს ებრძოდა, გაგებდო თუ არაო, ნამეტან უზრდელობაში ხომ არ ჩამომართმევს უცნობი, რადგა ისედაც, ვგონებ, გადავაჭარბე და ენად გავიკრიფეო; ელვის უსწრაფესად ენაცვლებოდა აზრები ერთმანეთს, მერმე ისეთი სახით, თითქოს მდინარეში ჩასაყვინთავად ემზადებო, წარმოთქვა: – ჩვენთან ხომ არ წამობრძანდებით, ბატონო, ამაღამ? ჩვენებს სუყველას ძაან გაუხარდება თქვენი სტუმრობა.

ბიჭის ვედრებითა და მოლოდინით სავსე თვალები და ჭირის ოფლით დანამული შუბლი უფრო მეტს მეტყველებდა, ვიდრე მისი სიტყვები.

ღიმორეულმა უცნობმა კვლავ ხელი გადახვია ბიჭს, ძალუმად მოიზიდა თავისკენ: „არა. არ გადავჯიშებულვართ ჯერ, იუ ჩემო. ვცოცხლობთ, ჯერ კიდევ!“ – გაუტრიზავა გონებაში ვილაცას და ბიჭის გაცისკროვნებულ სახეს კვლავ მოესიყვარულა თვალებით. ჯონდოიას გაბედულება შემატა უცნობის ალერსმა და სითბომ: – დადის ძალიან უყვარს სტუმრები...

და მერმე უცნობმა უკვე წვრილად იცოდა ოდიშარიების ფანისი¹ ამბავი, აზრიანად და დალაგებულად მოყოლილი ბიჭის მიერ სოფლის

¹ ოჯახის

შარაგზაზე.

დადი, ასე ვეძახითო სუყველანი ბებიას პატივისცემის ნიშნად, და უფროსი დაი – ნათია არიანო ამჟამად შინ, ხოლო ბაბია, დედა და შუათანა ძმა – დორო – ცოლითურთ, ბიცოლა ცოცოთი, – მთაში იმყოფებიანო; ბაბა – ანტიფო ოდიშარია მეჯოგეა და განთქმული მონადირეა მთელს ჩვენს კუთხეში. ჯონდოიას მრავალჯერ მიურთმევია თურმე ბაბას მიერ მოკლული ჯიხვის, ირმის, შვლის, არჩვის და თქვენ წარმოიდგინეთ, დათვის ხორციც. ხოლო სხვა წვრილფეხა ნადირი და ფრინველი სათვალავში არცაა ჩასაგდებო. ბაბა მალე ჩამორეკავს მთიდან ნახირს. დედა და დორო მოსახმარებლად არიან ასული ბაბიასთან. უფროსი ძმა ბენია – კომერსანტია. დიას, კომერსანტი. ტრაპიზონში და სტამბოლშიც დაცურავს გემით და კიდევ იქით, უფრო შორს. ბენიამ (ბენიამინი ჰქვია, მაგრამ შინაურობაში ბენიას ვეძახით, ხან ბარდღუსაც და ბუჭუიასაც) პირველად ფოთში ნახა ზღვა – დიდი ჯიჯი – ბებიას ძმამ ჩაიყვანა თურმე იქანა, სულ პატარა ბავშვი რომ იყო, მაშინ. ჰოდა, შეიშალა თურმე ბარდღუ, გადაირია. უსიკვდილოდ ზღვაზე უნდა ვიცუროო, აიჩემა და გათავდა. ვერაფრით გადაათქმევიანეს. გაჯავრდა თურმე ბაბია: ჩვენს ძე-თურმე ზღვაოსანი ვინ იყო, რომ ეს მამაძალი გამოვიდესო, წყრებოდა თურმე ძალიან, მარა, დადიმ ბარდღუს... ე.ი. ბენიას დაუჭირა მხარი. ბალანას ნუ უშლი იმას, რაც გულით სწადია. გვეყოფა ჩვენს მოდგმაში მჭედლები, მეჯოგეები და მონადირეებიო. ახლა ზღვაოსანიც რომ გამოგვერიოს, არაფერი დამავდებო, უთხრა თურმე ბაბას. დადის სიტყვა კანონია მარტოდენ ჩვენს ოხორეში კი არა, დადის დიდი რიდი და ხათრი აქვს სუყველას ჩვენს სოფელში იმიტომ, რომ ჩვენი დადი – სხვანაირი ქალია. კი, ასეა ეს. ბაბუა რომ უეცრად მომკვდარა, დადი სულ ახალგაზრდა ყოფილა. ბაბა მუცელში დარჩენია. ძალიან ჰყვარებია ქმარი. არ დაბრუნებულა მშობლებთან. ბაბია მარტოკამ გაზარდა... ჰო, შუათანა მაზლი ბეგლარი რომ გარდაცვლილა, სიყვარულისა და პატივისცემის ნიშნად, მისი ახალშობილი გოგო წამოუყვანია გასაზრდელად, თვითონ აწოვებდა თურმე ძუძუს, ხოლო თავისი ჩვილი გაუძიძავებია... ერთხელ აბრაგები მიუხტნენ თურმე სახლში და საქონელი გაიტაცეს. დადის ბაბუას თოფი და დამბაჩა ჩამოუხსნია კედლიდან, შემჯდარა ცხენზე და გაკიდებია ყაჩაღებს. დანეცია. სროლა აუტეხია. აბრაგები არ მოელოდნენ თურმე ქალისაგან ასეთ სიმამაცეს და... დამფრთხალნი, გაქცეულან. ბებია მუკანვე წამოასხა საქონელი. ბაბა სუსტი და ავადმყოფი ბალანა ყოფილა ძალიან და დადის შეშინებია, არ მომიკვდესო და ჯერ კიდევ სულ ჩიჩქი გაუტანებია მთაში მაზლისთვის – პანტე ჯიმად-

ისთვის¹. მეჯოგეებთან ყოფნა და მთის ჰაერი გამოაკეთებსო. მართლაც, მას მერე ბაბიას ფრჩხილიც არ წამოსტკენია არასოდეს. დევივით არის ახლაც. ცოლიც, ე.ი. დედაჩემი – დადის შეურთავს ბაბიასთვის, დიას, თავისი შერჩეული ქალი მოჰგვარა ცოლად... ჩვენი ნათიაც დადიმ ჩაიყვანა დაბაში, ნათლიებთან და სასწავლებელში მიაბარა. ნათიამ ჩვენ, ძმებს, სუყველას გვასწავლა წერა-კითხვა და ანგარიში. დადიმაც იცის წერა-კითხვა, მისთვის ნათლიას, მხეიძის ქალს უსწავლებია, მონაზონს. დადი ამბობს, წერა-კითხვა ყველამ უნდა იცოდესო, რომ წმინდა წიგნი – სახარება ნაიკითხოსო და კიდევ... შოთა რუსთაველის „ვეფხისტყაოსანიო“. არის თურმე ასეთი დიდი კაცი, პოეტი. ძალიან დიდი ხნის წინ ცხოვრობდა. ჰოდა, დადიმ ზეპირად იცის ბევრი მისი ლექსი, მეგრულადაც გამოთქვამს ხოლმე ლექსებს დადი. კი, სხვანაირი ქალია დადი. ნათიას რომ მოტაცება დაუპირეს ქებურიებმა, დადი ამხედრდა ცხენზე და დაბაში ჩავიდა. არავინ იცის, საიდან შეიტყო დადიმ ეს ამბავი. ახლა იძახის, სიზმარში ვნახეო. ალბათ, მართალია ეს, იმიტომ, რომ ზოგჯერ ისეთ სიზმრებს ნახულობს, წინასწარ იგებს რალაცევებს, რაც მერე უნდა მოხდეს... ჰოდა, ჩავიდა თუ არა დაბაში, ქებურიებს შეუთვალა დადიმ, ტყვიას ჩავუჯენ გულში იმას, ვინც ჩემს შვილიშვილს ძალადობას დაუპირებსო. ტყუილია, ცოცხალი არ გადამირჩებაო და ჯეგე მისარონის სახელი და ქმრის სული დაუფიცია. ყველამ იცის ჩვენში, რომ ელპიტე გვარამხემ ამო ქადილი და ტრაბახი არ იცის. თუ იტყვის – შეასრულებს კიდევ თავის სიტყვას, მით უმეტეს, თუ წმინდა გიორგის სახელი და მეუღლის სული დაიფიცა. ჰოდა, შეშინდნენ ქებურიები და ხელი აიღეს განზრახულზე. მარა დადიმ მაინც წამოიყვანა ნათია დაბიდან, ეშმაკს არ სძინავსო, იტყვის ხოლმე... დადი კაი მხედარია. ისე დააჭენებს ცხენს, რო... ცხენიც კაი ჰყავს, ძალიან, მარა... თქვენს ბედაურთან... ვერ მოვა. კი. თქვენი სჯობია ნამდვილად. მე ცხენოსანი არა ვარ ჯერ, მარა დადი მეუბნება, იქნებო. ალბათ, ვიქნები მართლა. დადის ნათქვამის ყველას გვეჯერა და... ცოტათი კიდევ გვეშინია მისი, მარა სამართლიანი ქალია. უბრალოდ არ გაგვიბრაზდება. ყველაზე მეტად ტყუილს ვერ იტანს. არავის აპატიებს სიცრუეს... დადი მეც შემპირდა, ბარდღუ რომ ჩამოვა, დაბის სკოლაში წაგიყვანო.

...ის იყო აღმართი აივაკეს და ანაზდად მათ თვალწინ აისვეტა ბორცვის წინნიბუროზე წამომდგარი გუმბათიანი თეთრი საყდრის სილუეტი.

მდუმარე და მყუდრო შებინდების ჟამს, შორს, მუქი იისფრად მოხაზული კავკასიონის მთაგრეხილებისა და ჰაეროვანი, ზურმუხტისფერი სერების ფონზე ეს პატარა, თეთრი საყდარი ჩუმ ვედრებასავით

¹ ბიძა, მამის ძმა

გარინდებულისყო უსაზღვრო სილურჯეში.

უცნობი უძრავად იდგა თავანუელი და მოჯადოებულებით შეჰყურებდა საყდარს. მერმე წამით თავის პატარა თანამგზავრისაკენ გააპარა მზერა.

ბიჭმა საყდრის დანახვაზე მსწრაფლ გადაინერა პირფვარი და თავდადრეკილმა, გულხელდაკრეფილმა ჩაიბუტბუტა ლოცვა.

– ესაა ჩვენი ჯეგე მისარონის წმ. გიორგის სალოცავი ოხვამე! – წარმოთქვა მერმე ბიჭმა ხმადაბლა და კვლავ თვალისწამში სამჯერ გადაისახა პირფვარი.

– თქვენი სურათი იქაა დახატული!.. – დასძინა უცებ და უცნობს დანდობილად შეჰღიმა.

ცოტა ხნის წინ ბიჭის ანც, ონავრულად მოციმციმე, ჭროლა თვალეში ახლა სპეტაკი, უმანკო ნათელი ჩაღვრილიყო.

თავი II

– ჯუკუ!

– უტა!

– ჭიჭი!

– მიცვა!

– მიხა!

– ალე!

ბავშვები უკვე მორბოდნენ ამ ხმის შესახვედრად, მორბოდნენ ჟივილხივილით, სტვენა-სტვენით, ხტუნვა-ხტუნვით. ჯონდომ თავის უმცროს ძმებს შეატოვა თხები, მარაკაში შერეკეთო, უბრძანა. ხოლო ერთმა მათგანმა, რომელსაც ჯონდომ რალაცა უჩურჩულა, ელვასავით სწრაფად შეანათა მომწვანო-მოცისფრო თვალეები სტუმარს და მყისვე შებრუნდა, უკანვე მოკურცხლა.

ჯონდომ კი, დიდი კაცის სიღინჯითა და სიდარბაისლით შეულო ჭიშკარი და ეზოში შეიპატიჟა სტუმარი. შემდეგ ცხენს მეორე მხრიდან შემოუარა, კისერზე თითები მოუთათუნა და შეეცადა ლაგამისათვის ჩაეგლო ხელი, მაგრამ ცხენმა დაიფრუტუა და ფეხები გაგულისებით დააბაკუნა. კაი, კაი ქვიშორია, ნუ ფიცხოვ, არ გაგეკარები, პატონსქუაო¹, მოუბოდიშა მერანს, ცოტა არ იყოს შემკრთალმა ბიჭმა და განზე გაიწია. შემდეგ... სტუმარს ოდნავ მოშორებით მიჰყვა უკან და სამთავემ შეაბიჯა

¹ თხების სადგომი

² ბატონიშვილი

ოდიშარიების ვრცელ ეზოში.

ჯონდოს ოჯახის უფროსი მამაკაცის როლი ეკისრა და გულმოდგინედ ცდილობდა ზუსტად, ღირსების გრძობით შეესრულებინა იგი. სტუმარიც, მხარი რომ აება თავისი პატარა მასპინძლისათვის, ისე ვით თანატოლი თანატოლისაგან, იფერებდა თორმეტი-ცამეტი წლის ყმანვილის თავახსა და პატივს.

კონდრით დამშვენებული ფართო ეზო უზარმაზარი ზურმუხტის თვალეით ხასხასებდა საღამოს ბინდბუნდში. რიკულებიანი ოდა-სახლის მოჩუქურთმებულ სვეტებს ვაზი შემოხვეოდა. ჰაერში თავბრუდამხვევი, მათრობელა სურნელი ტრიალებდა. ისლით გადახურული სამზადიდან იისფერი კვამლი მიიკლაკნებოდა მაღლა და ცის ღაღანა სილურჯეს ერწყმოდა. ეზოს კუთხეში უშველებელ ცაცხვს ლაღად გაეშალა ვარჯები და გარშემო მთელ არემარეს დაპატრონებოდა, ცაცხვის ჩეროში მდგარ ქვის მრგვალ მაგიდას ხის ჯორკოები შემორიგებოდა. მოშორებით, ჭის ქვის გვიმის თავზე ონინარზე ჩამოკიდებული სათლი კონწიალობდა. ოდის უკან, სარის მაღალი ღობის მიღმა დატარებული სიმინდის ყანა აქოჩრილიყო.

შეფაკლული ცის ტატნობი, მწვანე და ლურჯი ფერების ნიაღვარი, მსუბუქი და გამჭვირვალე სილურჯე – ჰაეროვან ბურუსში ამოვლებული ირგვლივეთი და მთელი სამყაროც – თითქოს მარადიულ მდუმარებასა და პირველქმნილ მყუდროებას მოეცვა.

ჭიშკართან შორიახლოს წამიერად შემდგარი კაცი მთელი თავისი არსებით მისცემოდა სიჩუმის ამ ნაზ მელოდიას. იგი ისე ალიქვამდა ამ სურათს, როგორც ირეალურს – უხსოვარ დროში, ოდესღაც ნანახს და ახლა სულის მღვიმეებიდან თითქოს უცაბედად ამოტივტივებულს, უხილავი და იდუმალი ძალის მიერ ხელახლა განცხადებულს.

მერმე წამისწამში გაუელვა, ჩვენებური გლეხი თუ შეეღევა ამოდენა მინის ფართობს მხოლოდ თვალის გასახარად, მხოლოდ სილაამაზის გულისთვისო... სადღაც გენებში მიჩქმალული ეს ლტოლვა მშვენიერებისადმი, თითქოს დაუდევარი და უშურველი გულგაშლილობა ეგების ქვეშეცნეული, აღლოსმიერი – ათასწლეულებიდან წამოსული ჩანდა ან ეგებ... ვინ იცის... სად, რა სიღრმეებში იღებდა სათავეს, სად იყო ჩამარხული მისი ფესვი და ძირი.

სამზადის ღია კარიდან წამით თავი გამოჰყო ცახოცი თავნაკრულმა ქალმა და სწრაფადვე შიგნით გაუჩინარდა.

...იდგა გარინდებული და სულში ეღვრებოდა მიმწუხრით დაბინდული კამკამა ცისა და მინდვრის უნაზესი, უფაქიზესი სევდა, სიჩუმისა და მყუდროების მთრთოლვარე მელოდია – კოლხურ სიმღერასავით ნატიფი და

დახვეწილი.

...ოდასა და ჭიშკარს შორის გაყვანილ, ხვინჭით დაფარულ ბილიკზე სტუმრისაკენ მოეშურებოდა თეთრკაბიანი, გრძელნაწნავებიანი, თავ-შიშველი ასული.

უცებ, ერთბაშად, თითქოს ერთი ხელის მოსმით დაიკარგა გარე სამყარო, სადღაც ბურუსში ჩაინთქა ოდა-სახლიც და ეზო-კარიც, ლიცლიცა ცა და ლილისფერში მოცურავე მთების გოდოლები – ყველაფერმა სადღაც უსასრულობასა თუ ცნობიერების ღრმა უფსკრულში ჩაყვინთა მეყსეულად და თვალთა არესთვის დარჩა მხოლოდ ეს ვიწრო საცალ-ფეხო ბილიკი – უსაზღვრო შორეთიდან სარტყელივით დაქანებული და ამ გზა-ბანარზე მისკენ ფარფატიტ მომავალი ტანკენარი ქალწული.

– მობრძანდით... მობრძანდით, ბატონო! – თითქოს მიღმიეთიდან შემოესმა ეს ზანზალაკივით წკრიალა ხმა.

„შეუძლებელია!“ – გაუელვა გაოგნებულს, აზრშერყეულს. გული ამოვარდაზე ჰქონდა, სახსრებში ღონე ელევოდა.

მერმე ნებისყოფის საშინელი დაძაბვით სცადა რეალობას დაბრუნებოდა და ბურუსიდან დაბრუნებულმა გონებამ წამსვე აღიქვა თვალის-მომჭრელი სითეთრე კბილებისა, ფართოდ გახელილი თაფლისფერი თვალების უმანკო კდემა და რძიარძიასფერი სახის უეცარი აყირმიზება.

უცებ წალეკა რალაცნაირმა თბილმა, ნაზმა ტალღამ. მერმე... კაცის ქორული მზერა ასულის ოდნავ დახრილ თავ-კისერს მისწვდა: „ყელმოდრეკილი გედი!“ – გახშიანდა მის გულში სადღაც, ოდესღაც მოსმენილი თუ ამოკითხული სიტყვები და თვალის დახამხამებში გუმბათიანი, თეთრი საყდარი შემოცურდა ანაზდეულად გონების თვალსაწიერზე და ანაზდეულადვე განიმქრა ყოველივე მოცისფრო-მოიისფრო ნისლში.

...ქალიშვილმა ურთხმელის დიდი, გრძელი მაგიდიდან, დარბაზის შუაში რომ იდგა, მაღალზურგიანი, ჩუქურთმებით დამშვენებული ურთხმელისვე სკამი გამოსწია მზერადახრილმა და დაბრძანდითო, სთხოვა სტუმარს. მერმე ბოდიში მოიხადა, წამით დაგტოვებთო და... ოთახიდან გაფრთხილდა. სტუმარი ერთხანს გაშეშებული იდგა. მერმე ნელ-ნელა გადაეწმინდა თვალებიდან ლიბრი და შეეცადა, აბურდულ-დაბურდული აზრები და დაფანტული გონება მოეკრიბა.

ირგვლივ მიმოატარა მზერა.

დარბაზის მუქიყავისფერი კედლები შიშველი იყო, მხოლოდ ერთგან ეკიდა დიდი ნოხი, რომლის ტოტი მთლიანად ფარავდა ტახტს, რომელზეც მუთაქები და ყურთბალიშები ეწყო. ნოხის შუაგულში მოზრდილი სურათი ეკიდა: გრძელ ჩოხა-ახალუხში გამოწყობილი, თავზე თეთრყაბალახნაკრული, წვერ-ულვაშით დამშვენებული ბრგე, ლამაზი

ვაჟკაცისათვის ხელმკლავი გაეკეთებინა ტანწერნეტა, მაღალკისერა, თავდახურულ, მედიდური სახის ყმანვილ ქალს.

სურათის ქვეშ თოფ-დამბაჩა და სატევარი გადაეჯვარედინებინათ. ცოტა ქვემოთ, ნოხის კიდეზე ვარდისფერბაბთიანი ჩონგური იწონებდა თავს. შემდეგ სტუმრის მზერა ჩუქურთმებიანმა ბუხარმა მიიპყრო. ყველაფერს – მაგიდას, სკამებს, ბუხარს მარჯვე, გემოვნებიანი ოსტატის ხელი ეტყობოდა. ჭერზე, მაგიდის თავზე, იშვიათი სილამაზით ნაკეთები უცხოური ლამპა ეკიდა. დარბაზის ერთ კუთხეში, ფანჯარასთან ახლოს, წიგნების თაროებსა და პატარა მაგიდას შეავლო თვალი. იქითკენ გაემართა აუჩქარებელი, დინჯი ნაბიჯებით. თაროებს ქვემოთ ილიას სურათი მიეკრათ, ხოლო თავად თაროებზე ილიას, აკაკის, ალ. ყაზბეგის და სხვათა წიგნები ელაგა, მაგიდაზე – „ივერიის“, „მომამის“, „ჯეჯილის“ და სხვა ქართული ჟურნალ-გაზეთების დასტები ეწყო. თაროზე, თვალსაჩინო ალაგას გამოეფინათ გოგებაშვილის „დედა ენა“ და „ბუნების კარი“.

დაუფარავი გაცეებითა და ინტერესით ათვალეიერებდა სტუმარი ყველაფერ ამას. სრულიად მოულოდნელი აღმოჩნდა მისთვის მთისპირა, პატარა სოფელში ამ წიგნების და ჟურნალ-გაზეთების ხილვა, ჯონდოიას „კომერსანტი“ ძმის ხელი ეტყობა აქაურობასო, ის იყო გაიფიქრა და გამარჯობათ, ჩემო ბატონოო, მოესმა ზურგიდან. სწრაფად მოტრიალდა. შორიახლოს მაღალი, სანიადაგო კაბაში ჩაცმული, თხელი, მედიდური სახის ასაკოვანი ქალი იდგა და თავშეკავებული ღიმილით უმზერდა. „დადა!“ – გაივლო გულში და სწრაფადვე დაუბრუნა სალამი მასპინძელს, მიეახლა და გამოწვდილი ხელი მოწინებით ჩამოართვა, მერმე ტუჩებთან მიიტანა მანდილოსნის ხელის მტევანი, ეამბორა და რემა გეგეჭკორიო, წარუდგინა თავისი თავი. – ელპიტე ოდიშარიაო, შეაგება მასპინძელმა და დასძინა:

– მოხარული ვარ ესოდენ საპატიო და ძვირფასი პიროვნების სტუმრობით ჩვენს ღარიბულ ოხორეში, ჩემო ბატონო! – ქალი წყნარად, თითქმის დამარცვლით წარმოთქვამდა სიტყვებს მკერდისმიერი, საამო ხმით: – მართალია, სახლში კაცები არ გახლავან, თუ... რასაკვირველია, ჯონდოს არ ჩავთვლით... – ქალს წამიერად ძლივს შესამჩნევმა, ოდნავ ცბიერმა ღიმილმა შეუტოკა უფერული, თხელი ბაგე: – მაგრამ... ასეა თუ ისეა, მარტოდ დარჩენილი დედაკაცები ვეცდებით შეძლებისდაგვარად ღირსეულად დავუხვდეთ ეგოდენ საპატიო, უცხო სტუმარს.

– ძალიან გთხოვთ, ქალბატონო, ნუ შეწუხდებით ზედმეტად. ჩემთვის საკმარისი იქნება, თუ ერთ ღამეს გამათევინებთ თქვენს ოხორეში. ხვალ, სისხამზე ისევ გზას უნდა გავუდგე.

გათამაშდა ჩვეულებრივი კოლხური ცერემონიალი სტუმარ-მასპინძელს შორის: ბოდიშებით, ურთიერთთავაზით, ზომიერი ქება-შესხმით, საგანგებოდ შერჩეული ფრაზეოლოგიით და მიხრა-მოხრით. თითქოს ერთმანეთს ეჯიბრებოდნენ ნატიფ სიტყვა-პასუხში, კრძალვა-სა და თავმდაბლობაში. თანაც ისე, რომ დედაკაცსა და მამაკაცს შორის უზუსტესი მანძილი იყო დაცული.

ქალის უკან ანაზღად თვალი ჰკიდა ხორბლისფერნაწვევებიან ასულს და მის გვერდით მდგარ ჯონდოიას წაგრძელებულ კისერსა და აცქვეტილ ყურებს. ვით ძველ ნაცნობს, შეთქმული ღიმილით გაუღიმა ბიჭს, რომელსაც თვალეები გაუბრწყინდა ერთბაშად და საჩქაროდ ამოეფარა დას დარცხვენილი და კმაყოფილი იერით.

– ახლა უკაცრავად ვარ, ჩემო ბატონო, მცირე ხნით დაგტოვებთ. ნათია, შვილო, სტუმარი არ მომიწყინო მანამდე.

კვლავ ურთიერთთავაზი, ბოდიშები და ელპიტე ოდიშარია დარბაზიდან გავიდა.

– ეს ნიგნები, ალბათ, თქვენია, არა, ნათია? – კარგა ხნის დუმლის შემდეგ, როგორც იქნა, ხმა ამოიღო სტუმარმა და ქალიშვილს თაროებისაკენ ანიშნა თვალთ, მერმე უცაბედი მღელვარების დასაფარავად, ჩაახველა, ყელი ჩაინმინდა. დასტური რომ მიიღო, გააგრძელა: – ჯონდო მიაშობდა, რომ... თქვენ თურმე წერა-კითხვასა და ანგარიშს ასწავლით როგორც შინაურებს, ისე გარეშეთაც.

– ნათიას სუყველანი მასწავლებელს ეძახიან! – განაცხადა კვლავ გათამამებულმა ჯონდოიამ და სტუმარს თავმომწონე და ამაყი მზერა გაუსწორა.

– ოჰ, რა მაკვარანცხი ბალანა ხარ შენ, ჯონდოია. მოასწარი ხომ უკვე? – ლოყებზეფაკლულმა ქალიშვილმა აღერსიანად წაუქიმუნჯა ძმას.

– მე ხომ ტყუილს არ ვამბობ, ნათია! ეს ხომ სიმართლეა! – ბიჭმა უფროს დას წრფელი გაცხებით ახედა.

– ჰო, კაი, კაი... გეყოფა! – დაუტატანა ძმას ნათიამ გულის გარეთ და კეფაზე კვლავ მსუბუქად წაუთაქა.

– ნადი ახლავე, გაიქეცი. დადის მიეხმარე...

– ბიჭი გავიდა თუ არა ოთახიდან, ნათია კვლავ სტუმარს მიუბრუნდა დარცხვენილი იერით: – თქვენთან ბოდიშს ვიხდი, ბატონო, მაგრამ... ისეთი მოუსვენარი და დაუდეგარი ბალანაა, რომ გულს შეგიწვრილებს ხანდახან. – ნათიას ძლივს შესამჩნევია, თბილი ღიმილი უთამაშებდა ტუჩებზე.

– ჯონდო ნამდვილი ვაჟკაცია. ღირსეული ოდიშარიაა! – შეაგება სტუმარმა თითქოს უკვე თავსდაუფლებულმა და მაინც...

„ნუთუ?... ნუთუ შესაძლოა ასეთი მსგავსება?“ – ირეოდა აზრი. იდგა და თვალი ვერ მოეწყვიტა ამ თითქოს არამინიერი, არამქვეყნიური, უმანკო მშვენივით სავსე ქალწულის სახისათვის და გულის არემი ჩაღვრილი სიტბო საამო ჟრუანტილად უვლიდა ძარღვებში.

„ნუთუ?“.. ხსოვნის ფსკერიდან ლამობდა ამოხეთქვას მინავლებულ-მივიწყებული მოგონება.

ქალიშვილი ლამფის ანთებას შეუდგა. გარინდებული სტუმარი გამოერკვა, წუმნუმამ გამოართვა ნათიას და თვითონ აანთო. მერმე ოდნავ ყრუ, გაბზარული ხმით უთხრა:

– თუ ნებას დამრთავ, ნათია, გარეთ, აივანზე დაეჯდები ცოტა ხანს.

– კი, ბატონო. როგორც გენებოთ. გარეთ, სუფთა ჰაერზე მოისვენეთ, სანამ ვახშამი მზად იქნება. ახლავე მუთაქას მოგართმევთ...

...თამადა, სოფლის მჭედელი და გვარში უხუცესი პართე ოდიშარია, სანამ მორიგ სადღეგრძელოს იტყოდა, აღულუნებულ ბუხართან მიყუყული უმცროსი ოდიშარიების ჭროლა, ცისფერი, თაფლისფერი, შავი თვალების ჭვრეტის არემი მოქცეული სტუმარი, გულმოდგინე დაკვირვებისა და შესწავლის საგნად ქცეულიყო.

ჩუმ-ჩუმად ელიებოდა ულვაშში. ჟამიდან ჟამზე ნიკაპზე მოკლედ შემოკვერცხილ, ჭაღარა, კოხტა წვერზე ხელისგულს ჩამოისვამდა ხოლმე და ღიმილით შეათვალეებდა ბალებების ცნობისმოყვარე, აციაგებულ თვალებს. უხმაუროდ, უფაციფუცოდ, ძალდაუტანებელი რიდითა და მოკრძალებით მიდი-მოდიოდნენ და ემსახურებოდნენ ისინი სუფრას – ბებიის გამჭოლი მზერის ქვეშ.

ბავშვების თვალეებში დროდადრო ჭინკების უშქი ლამქარი მალაყებს გადადიოდა. სტუმრის მზერა ხშირად ჩერდებოდა ლაჟვარდთვალეა, მკვირცხლი ალესა და ბუდეშურათვალეა, შავგვრემან მიხასკენ.

ლაზი და შავშელი ობოლი ბიჭები სტამბულიდან ჩამოეყვანა თურმე ბენიამინ ოდიშარიას, ანუ ბენიას, ანუ ბარდლუს თუ ბუჭუს (ძნელი გასარკვევი ჩანდა, რომელს ეძლეოდა უპირატესობა ამ სახელებში), და თავის უმცროს და-ძმებსა და ძმისშვილებთან ერთად პატრონობდა მათ.

ვიდრე სუფრასთან დასხდებოდნენ, რემა გამოეღაპარაკა ორივეს – ალისა და მუჰამედს, – ოდიშარიები ალეს და მიხას რომ ეძახდნენ. ჯონდოიამ თავმომწონედ უთხრა რემას, ალემ და მიხამ დედაენა სულ ზეპირად იციან, თავიდან ბოლომდეო. მართლაო, გაიოცა რემამ და თავზე ხელი გადაუსვა დამორცხვებულ ბავშვებს.

– აბა, იქნებ, მითხრათ რომელიმე ლექსი დედაენიდან, – სთხოვა მათ სტუმარმა. ალემ დაასწრო მიხას. წინ წამოდგა, სახე შთაგონებული გაუხდა, კამკამა, ლურჯი თვალეები აუციმციმდა, ერთი ღრმად ამოისუნთქა

და დაინყო:

„მე პატარა ქართველი ვარ, კავკასიის მთების შვილი“...

ოდნავი, სულ ოდნავი აქცენტით გამოთქვამდა სიტყვებს ალე და ერთბაშად ჩამოვარდნილ, სამარისებურ სიჩუმეში, მთიანი სამეგრელოს შორეული, მივარდნილი სოფლის ოდა-სახლში განსაკუთრებული ძალისხმევით აჟღერდა პატარა ლაზი ბიჭის მიერ მღელვარედ, თითქოს ერთი ამოსუნთქვით წარმოთქმული, ფოლადივით ნაჭედი ქართული სიტყვა.

როცა დაამთავრა, რემამ თავზე აკოცა ბავშვს და ყოჩალო, უთხრა ხმადაბლა და იგრძნო, ყელში თითქოს ბურთივით მოანვა რაღაც.

– მეც ვიტყვი ლექსს! – ახლა ბუდეშურათვალეა მიხამ განაცხადა მორცხვი ღიმილით და ალეს ამოუდგა გვერდში, თან ნათიას მავედრებელი თვალეები შეანათა.

– თქვი მიხა, შემოგველე. შენც უთხარი ლექსი სტუმარს! – ნააქეზა იგი ნათიამ ალერსითა და სითბოთი საგსე ხმით.

მიხამ მკერდი წინ წამოსწია, სახეზე ერთობ სერიოზული გამომეტყველება აისახა, თავი მაღლა აიღო და:

– „ვარდს გაეფურჩქნა კოკორი, გადახვეოდა იასა... და შენც ქართველო სწავლითა, სამშობლო გაახარეო“.

რემა მიხასაც მოეფერა, მასაც ყოჩალო, უთხრა და ცერა თითით თვალთა უბეებზე დადენილი ცრემლი შეიმშრალა ფარულად.

– კიდევ ვიტყვი, ნათია მასწავლებელო! – ახლა ისევ ალე წარდგა წინ.

– ბალნებო, კმარა, გეყოფათ. ნამეტანი ნუ შეაწუხებთ სტუმარი! – გაისმა დადის მკაცრი ხმა.

– პირიქით, ქალბატონო, პირიქით. მანუხებენ კი არა... ბედნიერი ვარ, ამ ბავშვებს რომ ვუსმენ...

მერმე ის იყო დარბაზში შემოინკაპნენ ტანასვეტილი, ჩოხიანი, გრუზათმიანი, ნათელსახიანი ახალგაზრდები და ხანდაზმულები – ნათესავები, ახლობლები, მეზობლები – ოდიშარიები, გვარამიები, ფაჩულიები, გურგულიები...

სუფრას კოლხური მკაცრი წესით უძღვებოდა პართე ოდიშარია – ბეჭებში გაზიდული, ლურჯთვალეა, ხუჭუჭთმიანი და ენამზიანი დევკაცი. მის გვერდით, ხელმარჯვნივ, იჯდა პართეს რძალი, ოჯახის უფროსი და მეთაურ-წინამძღოლი, ელპიტე გვარამზე ანუ დადი, რომლის მახვილ მზერას არ ეპარებოდა არაფერი, არც ერთი მოძრაობა, არც ერთი სიტყვა თუ კილო თანამეინახეთა, და თუმცა სახეზე მშვიდი, აუღელვებელი იერი ჰქონდა, დახრილი წამწამებიდან ნასროლი მზერა საკმარისი იყო, რომ შვილისშვილებს და ახლო ნათესავებს მყისვე გამოეცნოთ მისი სურვილი.

თითქმის ხმისამოულებლად იჯდა და მაინც განაგებდა იქაურობას – ვით ბრძოლის ველს გონიერი და გამოცდილი მხედართმთავარი. შინაურების ეს მორჩილება სულაც არ გახლდათ მონური ქედმოდრეკილობის ანდა ლაქუცური პირფერობის ნიშანი. არა, აქ სხვა რამ იყო საგულგებელი – ფესვი უფრო ღრმად საძიებელი. სუფრის თითოეული წევრი – მეზობელ-ნათესავიანად გამსჭვალული გახლდათ ქალის მიმართ იმ მოწინებისა და პატივისცემის გრძნობით, რასაც პიროვნების ჭკუა, გონიერება, მთელი მისი ცხოვრების წეს-ყაიდა, სიტყვა თუ საქციელი ინვეს ხოლმე სხვებში, რაც მის მიმართ თავისთავად ბადებს მოკრძალებას, მიმართვისა თუ ურთიერთობების განსაკუთრებულ ფორმას, თავისებურ, გამორჩეულ ფრაზეოლოგიასაც კი.

შინაგანად დამუხტულ-დაძაბული, ფარული, მაგრამ ცხოველი ინტერესით შესცქეროდა სტუმარი ყოველივე იმას, რაც მის გარშემო ხდებოდა და რასაც გონების თვალთა ალიქვამდა. ეს, თითქოსდა უბრალო, უსწავლელი გლეხის ქალი უდახვეწილესი, არისტოკრატიული ოჯახის გვირგვინად გამოდგებოდა. „საიდან... რანაირად?... საიდანაა ეს შინაგანი, სულისმიერი დიდებულება? საკუთარი ღირსების შეგრძნების გრძნობა? და სხვათა მეობისადმი პატივისცემის უნარი?“

თითქოს რემას გულში ჩამოიხედაო, სუფრის წინამძღოლმა ახალი სადღეგრძელო წამოიწყო: – ნება მიბოძეთ ამ სასმისით შევსვა ადამიანის თავისუფალი რინას¹ სადღეგრძელოო.

რემამ ყურები ცქვიტა: სმენამ ხომ არ მომატყუაო. მაგრამ განცვიფრება გულშივე ჩაიბრუნა. მზერად იქცა. ფეხზე წამომდგარი, კლასიკური სილამაზის, ქერა გოლიათის ბაგე-პირიდან მოედინებოდა ძარღვიანი, მსუყე სიტყვების ნაკადი, ხოლო დიდრონი, ზღვასავით უძირო ლურჯი თვალეებიდან იფრქვეოდა სიკეთის, ადამიანების მიმართ კეთილგანწყობისა და კეთილმოსურნეობის ისეთი სხივები, რომ ძნელი იყო არ მოქცეულიყავი ამ მზერის ტყვეობაში. მთაკაცი ენამჭევრობდა, როგორც ძველი მახვამური² თუ მენცარი³.

კარგად მახსოვსო ბატონყმობა, ბუბუნებდა თამადა, თუმცა პატარა ბალანა ვიყავი მაშინ. მამარემს და ბაბუას უტუ მიქას ლაშქრობაში ვახლდი. მახსოვს, რა სასტიკად ეპყრობოდნენ ბატონები ყმებს, როგორ შეურაცხყოფდნენ და ამცირებდნენ მათ ადამიანურ ღირსებებს, კაცურ თავმოყვარეობას. ზოგ თავადთაგანს დავინყებულები ჰქონდა უმთავრესი მცნება – ადამიანის უფალი მარტოდენ ღმერთი რომ შეიძლება იყოს და ძეხორციელი სხვა არავინ.

¹ ყოფიერება

² მლოცველი-მქადაგებელი

³ მეცნიერი.

მართალია, ბატონყმობა კაი ხანია გადავარდა, მართალია, ანაკ-ლიიდან უკვე აღარ ისმის მოტაცებული და გაყიდული გოგო-ბიჭების ნივილ-კივილი, მარა ჩემი უბირი ჭკუით და გონით ასე ვფიქრობ, ჩემო ბატონო: ქვეყნის გაყიდვა და ლალატი ახლა სხვანაირად ხდება, სხვა ხერხებითა და ფანდებით. კი – ადამიანი ახლა თითქოს უფრო თავისუფალია, უფრო გალაღებული, სიმდიდრეც მეტი შეიძინა, ნელში გაიმართა, მოლონიერდა, გაეხსნა გზა სწავლა-განათლებისაკენ, მარა... სინამდვილეში ისევ ისე გრძელდება კაცის მიერ კაცის ჩაგვრა და დამონება, კაცის მიერ კაცის ღირსების შელახვა. ისევ ისე იყიდებიან ჩვენი გოგო-ბიჭები უცხო ძალაზე, უცხო თესლის გვარტომზე – სულით, რაც, ჩემი აზრით, ყველაზე უფრო საშინელია. დიახ, ჩემო ბატონო, ახლა ხდება სულის გაბინძურება, მისი გახრწნა-გადაგვარება და ეს გაგრძელდება ალბათ მანამ, სანამ ადამიანი მართლა, ნამდვილად არ გახდება თავისუფალი, თავისუფალი არა საკუთარი სინდისისა და ღმერთის, არამედ თავისივე თანამოძმის წინაშე. მანამ სანამ სამართლიანობა და სამართალი არ იზეიმებს მთელს დედამიწაზე! და მე მინდა, ჩემო ბატონო, ამ მომავალი, ნაღდი, ჭეშმარიტი რინას სადღეგრძელო დავლიოთ, იმ თავისუფალი და სამართლიანი რინასი, ჯერ თვით ადამიანის საკუთარ სულში რომ იწყება.

„ვოი, შური საყვარელი, რინა მუში მამარდა რე, რინაში ნება ქორდასუნე, ქიანა მუში მაფართარე!“... მოტევებას გთხოვთ, ასე რომ გამიჭიანურდა სიტყვა, ასე რომ დაგლაღეთ ეგება ჩემი უთავბოლო ღარღალით, მარა ზოგი ღვინის ბრალია, ალბათ, ზოგი უმეცრების, უფრო კი თქვენმა დიდსულოვნებამ და ყურადღებამ გამათამამა ეგ ზომ, ჩემო ბატონო!

ფეხზე წამომდგარმა დალია რემამ ბოლომდე ეს უჩვეულო და მოულოდნელი სადღეგრძელო.

...სადღეგრძელოს სადღეგრძელო ცვლიდა ტრადიციისამებრ, როგორც წესი და რიგი იყო, ისე.

ახალგაზრდები ფეხზე ადგომით, მეტწილად უსიტყვოდ, უხმოდ ცლიდნენ სასმისს, უფროსებს უთმობდნენ სარბიელს. პატარა ღვინის ჭიქებით, ნება-ნება ისმებოდა უბადლო ოჯალეში, სისხლს ნელა, თანდათანობით ეპარებოდა თრობა, თუმცა ნამდვილ თრობამდე ჯერ კიდევ ერთობ შორს იყვნენ, მაგრამ ალგზნებული სურვილი უკვე სადინარს ეძებდა.

რემა ატყობდა, რომ ყველას – თამადისა და თვით დადის ჩათვლით, სწადდათ და ვერ გაეხედათ მისთვის სათხოვარი. ბოლოს მაინც დადომ

¹ ვაი, სულო საყვარელო, ყოფნა რა მადლია, ყოფნის უფლება რომ იყოს, ქვეყნიერება რა ფართაა!

გამაჟღავნა საკრებულოს გულისთქმა:

– რემა ბატონო! შორს განთქმულია თქვენი დიდებული სიმღერების ამბავი. ნათიას გარდა, არც ერთ ჩვენგანს არ ჰქონია ბედნიერება მოესმინა თქვენთვის. დღეს ასეთი უჩვეულო, ბედნიერი შემთხვევის წყალობით გინილეთ ჩვენს შორის. ეგება დაგვდოთ პატივი და... – ქალი წამით შეჩერდა. თითქოს შესაფერის სიტყვას ეძებდა აზრის დასამთავრებლად. თან შეკავებული ღიმილით გადახედა სუფრის დანარჩენ წევრებს.

– გთხოვთ, გთხოვთ, რემა ბატონო... თუ შეიძლება... – გაისმა ყოველი მხრიდან. განსაკუთრებით გამოირჩეოდა თამადის ბუხუნა ხმა.

– სიამოვნებით, ბატონებო, სიამოვნებით შევასრულებ თქვენს თხოვნას... თუმცა, სუფრაზე არ მიმღერია აგერ უკვე შვიდი წელია... – წამით იყურა. ირგვლივაც უცებ უხერხული დუმილი ჩამოვარდა. რემა წამოდგა: – ერთი პირობით ოღონდ... – და კედელზე ჩამოკიდებულ ჩონგურისკენ გაიხედა. წამსვე რამდენიმე ხელმა ჩამოხსნა ჩონგური კედლიდან და მიართვეს. რემამ თავის დაკვრით გადაიხადა მადლობა, მერმე გოგონებს შორის თვალთ მოძებნა ნათია და წყნარი ნაბიჯებით მისკენ გაემართა. მიდიოდა და ისეთი სახე ჰქონდა, თითქოს ხატს უახლოვდება სათაყვანებლად. მივიდა, შორიხლოს შეჩერდა, თავდახრილმა, ჩონგური გაუნოდა და ამოთქვა: – ოღონდ ჯერ ნათიამ იმღეროს!

– უი! – ხმადაბლა შეიცხადა ქალწულმა.

– გთხოვთ, ნათია!.. მე ვიცი, რომ თქვენ და თქვენი ფანიას¹ თითქმის ყველა წევრი მღერის. თუ პატივს დამდებთ...

– როგორ გეკადრებათ, ბატონო... ჩემი სიმღერა რა მოსატანია... – დაბნეული ქალწული უმწეოდ ახამხამებდა თავის უსაშველოდ გრძელ და აპრეხილ წამწამებს.

– ნათია, რასაკვირველია, უარს არ ეტყვის სტუმარს და იმღერებს! – დაასწრო ყველას თამადამ და მყისვე მთელი სუფრა აჰყვა მას. ნათიამ ბებიას შეავლო უჩუმრად თვალი. დადის, მკაცრად მოკუმული ბაგე-პირი, თანხმობის ღიმილმა შეუტოკა.

ნათია ტახტზე ჩამოჯდა და ნაწნავები გაისწორა. მერმე ნელა, აუჩქარებლად შეუდგა ჩონგურის აწყობას. აწყობა რომ დაამთავრა, თავისი ჩამოქნილი გრძელი, თეთრი თითები ერთბაშად დაუსვა სიმებს და წამით გაიტრუნა. თვალეები სივრცეს მიუშტერა. თითქოს სიჩუმის ანგელოზმა ჩამოიარაო, ყველას ხმა გაეკმინდა რალაც სასწაულის მოლოდინში. თავის ადგილზე დაბრუნებული რემაც სუნთქვაშეკრული, გულის უცნაური ბაგაბუგით შესცქეროდა ყელმოღერებულ, ღვთაებრივი მშვენიერებით განათებულ ასულის სახეს.

¹ ოჯახის

„ნუთუ... ნუთუ შესაძლოა ამგვარი მსგავსება?“

სულის სიღრმიდან ანაზღაურად დაიძრა შორეული, თითქოს ნავლ-ნაყრილი მოგონებათა ნაკადი და ერთბაშად წაღვეს მთელი ცნობიერება.

„...საყდრის ეზო-ვრცელი, ხასხასა მწვანე მოლით აბიზინებული. ირ-გვლივაც მწვანე, ლურჯ და იისფერ ფერებში ცურავს ყველაფერი. ჩამავალი მზით დაფერილი დაფიონი. უამრავი ხალხი ირევა ეზოში. ცაცხვის ძირში თავი მოუყრიათ ახალგაზრდებს. ჟრიაბული. სიმღერა. ცეკვა-თამაში.

გოგონების გუნდიდან ანაზღად გამოგოგმანდა თეთრკაბიანი, გრძელნაწნავებიანი, ტანწვრილი ასული.

ფათულია ლოლუა! ზმანება და ნატვრა ოდიშის ყმანვილკაცების.

ნარნარი მიმოხვრა. თავთუხისფერი ნაწნავები, წარმტაცვი, თავბრუ-დამხვევი რონინი.

ფათულია ლოლუა – თეთრი გედი – მიუწვდომელი ოცნება და სურვილი, ფარული ნდობა და ლტოლვა, მძაფრი ნყურვილი და მხურვალე ვნება, ჟინი და გახელება, ზესკნელისა და ქვესკნელის ციაგ-მადლი, ბრალი და სიკეთე – ოდიშის ყმანვილკაცებისა.

ფათულია ლოლუა! მიუწვდომელი, ვითარცა კამკაშა ვარსკვლავი ცაზე.

მაგრამ... ე-ახ! საკვირველება! რა ხდება?

მოულოდნელად წრეში შემოიჭრა შავჩოხიანი, წელში აწვართული, ოქროსქორჩიანი, მოხდენილი ჭაბუკი და შევარდენივით გაშალა მკლავები.

ე-ახ! საოცრებავ!

ფათულია ლოლუას ეცეკვება ბონდო მალია!

პატარა ბიჭის ტვინს არ შეეძლო გაეაზრებინა მაშინ, რად იყო ეს გაუგონარი და საარაკო ამბავი. მხოლოდ მტკივნეულად შეკუმშული გულისძგერა ამცნობდა, თავად რომ არ შეეძლო ასე გაეშალა ხელები და ეცეკვა... ფათულია ლოლუასთან! და მერმე... შქერის ბუჩქს ამოფარებული გულმდღურე ტირილი. ცხარე ცრემლები... დასტიროდა ბიჭი თავის უბედურ სვე-ბედს, რომ ასე გვიან მოევილინა თურმე ამ ქვეყანას, რომ ასეთი უმწეო, ასეთი უსუსური იყო ბედის უსამართლო განჩინების წინაშე, რომ... არსაიდან ჩანდა ხსნა და საშველი.

და კიდევ: სიცხით გათარანებული პატარა ბიჭი წამდაუნუმ ბორგავს სანოლში, გულზე მაჯლაჯუნასავით აწვება რაღაც, სული ეხუთება, თავი უხურს, პირი უშრება და თითქოს იხრჩობა. და შორეთიდან, თითქოს მიღმიეთიდან ჩაესმის დედის ხმა: ფათულიას სთხოვთ, ფათულია მობრძანდეს ჩვენსაო.

მერმე სასთუმალთან, თავით მჯდარი ქალი ჩონგურით ხელში მღერის თუ გალობს...

უტკბილესი ხმა თაფლივით წვეთ-წვეთად ეღვრება სულში, გულს უფონებს, თვალებს ნეტარებით უწკურავს: შოუ ნანა, შოუ სქუა...

წითელა-ბატონებსაც უამებს ეს ლულუნა ხმა. ეხსენებინ ბიჭს და...კარში ილალებიან უჩუმრად.

მარიამ ღვთისმშობლის დარი ქალი მობრძანდაო ჩვენსას და მარიამის მადლი და სიკეთე მოიტანაო თან. დედის და მამიდის ნათქვამი სიტყვები ქვეშეცნეულად ილექებიან სულის ფსკერზე სამუდამოდ და სამუდამოდვე პოულობენ იქ ნავსაყუდელს, რათა, ერთხელ, როცა იქნება, როცა დადგება ჟამი, ამოტივტივდეს უღრანიდან და ხელახლა გააცოცხლოს და გაასინათლოს ფერფლმიყრილი მოგონება, ოდესღაც, თითქოს უხსოვარ დროში ნანატრი ოცნება და მიუწვდომელი წადილი.

მარიამ ღვთისმშობლის დარი ქალი – ფათულია ლოლუა! ბავშვობაში გულში ჩარჩენილი უტკბილესი და უსათუთესი ჰანგი – შუაზე განყვებილი და დაკარგული უდაბნოეთში.

...მარიამ ღვთისმშობლისდარ ასულს ხელში უჭირავს ახლაც ჩონგური და მისი სათნო და სპეტაკი ბაგე-პირიდან მოედინება... საგალობელი ვედრებისა, სულის სიმებს რომ ტკბილმწარედ არხევს და ატოკებს, გულს რომ ესალბუნება:

„ამო ჩელა, სი ჩერჩელა, ჰოუ, ნანა, სქანი ცოდა“...

ოჰ, მართლაც რა სიამით აკვნესებს ხოლმე გულს ეს სევდიანი ჰანგი. იგი ხან ზესკნელში აგაფრენს თითქოს, ხანაც ქვესკნელს ჩაგახედებს...

...„ჰოუ ნანა, სქანი ცოდა“... უნუგეშოდ კვნესის ჩონგური.

მქრქალი ღიმილი მოფენია ქალწულის ბაგეს. უძირო სევდას იტევს მისი დიდრონი, ფართოდ გახელილი თვალები.

ჯერ ნელა, დვრინით აყვენენ.

„ჰოი, ნანავ! დიდო ღვთაებავ: უსასრულო და დაუსაბამო სივრცეებიდან მომზირალო! მერმე საუკუნეთა წყვდიადში ჩაკარგულ-ჩაძირულ, მერმე ისევ აღმდგარო ღვთისმშობელო!

ჰოი, ნანა! ჩემო მზეო, ჩემო დედავ, მშობელო ნათელისაო.

შენ მზისა უბრწყინვალესო, დედაო ნათელისაო, გონებითა წმიდითა, ვითარცა უზეშთათესსა ყოველთასა-ყოველნი გადიდებენ შენ!..

მეოხ გვეყავ, ყოვლადწმიდაო ღვთისმშობელო ქალწულო, რამეთუ ღმერთი, გვიშვე ჩუენ, რათა აცხოვნეს სულნი ჩუენნი!..“

როცა ქალწულმა ჩონგური გადმოაწოდა, თვალმინაბული რემა ჯერ-აც ლოცვას იმეორებდა თავის გულში.

ყველანი სულგანაბულნი მისჩერებოდნენ ოცნებასა თუ ფიქრებში

ღრმად ჩაძირულ კაცს, რომლის სულმა წამიერად მოიხილა სამყაროს უსასრულობა.

გამოფხიზლდა რემა. მყისვე დაუბრუნდა ცნობიერება. ხიბლიანი ღიმილით ჩამოართვა ჩონგური ქალიშვილს და:

„მახა, მა სქანოთ კირიბი ვორდა

ირ გაჭირებაში გოლუაფარი,

მახა, მა სქანოთ სანთელი ვორდა,

ხატიმ ნოხოლე ონდლულაფარი“...¹ – მოედინება სულის მდუღარება, იხსნება კრიალა ცის თავანი. მოედინება, მორაკრავებს უტკბილესი ხმა, გულის უღრმესი ფენებიდან დაძრული, ვარვარა, დიდი მზის ჩხორიაში განზანილ-ამოვლებული და სულში უთბილეს და უნაზეს ჩქერალებად იღვრება.

მერმე... ხელიხელ გადახვეულნი, ვარსკვლავებით მოჭახჭახებული ცის ქვეშ, კაკაჩია ღამეში როკავენ მთვარის სხივებით ნათილისმარ მინდორზე ნასმურნი, სისხლადულებულნი, ალგზნებულ-აფორიაქებულნი.

„ვოისა, ვოისა, ვოისა რერო, ვოისა შვა რაიდა“...

...უჩვეულო ხალისი და ჟრიაშილი დგას ოდიშარიების ეზო-ყურეში. ცეკვავენ და მღერიან სუყველანი: ახალგაზრდები, ხანდაზმულები, ბავშვები, დიდი და პატარა. მარტო დადია გადმომდგარი აივანზე, ბირკვილს მკლავებით დაყრდნობია და ნალველნარევი ღიმილით უყურებს თავის გალაღებულ ფანიას – ოდიშარიებისა და გვარამიების ძე-თურებს. და ვინ იცის, რა ტრიალებს ახლა მის სულში, რატომ უწყლიანდება მისდაუნებურად თვალები, რა და რა მოგონებებს აღძრავს მასში ეს ზღაპრულად ღამაზი ღამე!

თითოეული ამ მროკველთაგანიც აკი თავ-თავისებურად განიცდის ამ ღამის ეშხს და ღვინისგან მოგვრილ ზარხოშს. თითოეული ახლა ღვთისაგან შეპყრობილივითაა, ჯადოქმნილივითაა თავ-თავისებურად და ღამობს, თავის გუნებისდა კვალობაზე, მიეცეს აზავთებულ გულისნადილს თავდავინყებით. შემდეგ ...თითქოს გულმოოხებულნი, წრის შუაგულში ანთებული კელაპტარივით ჩაიყენებენ თეთრსამოსიან კდემამოსილ ქალწულს და გარშემო ფერხულს უვლიან გალობა-სიმღერით. ასე, ალბათ, წარმართულ სალოცავს თუ შეავედრებდნენ სულს და სიცოცხლეს ძველი კოლხ-იბერიელნი.

და უცებ ამ რიტმულ ფერხისაიში გაისმა რემას ზარით წკრიალა ხმა: ჰა-რი-რა!

არასოდეს, არც უწინ და არც მერე არ აჟღერებულა ასეთი გასაოც-

არი ძალისხმევით რემას წარმტაცი ხმა. არც არასდროს მანამდე ასეთი გზნებითა და ზეციური ზემთაგონებით არ უმღერია „ჰარირა“ – მზის საგალობელი. ზევით, სულ მაღლა და მაღლა მიინევდა ეს საკვირველი, არამინიერი ხმა, სულის უფსკრულები რომ გამოველო და ახლა დაუოკებელი ჟინით, ნადინით და ალტყინებით სწადადა გადაელახა მზის ჩხორით გაბრწყინებული მწვრველები მთათა გრეხილებისა, გადაელახა ზესთა-ზენური სამანები, გაელნია ცის საუფლოში და შერწყმოდა და შენივთებოდა ერისიონის ლაჟვარდებს.

ეს იყო ზეკაცის გულიდან ამოხეთქილი კივილი ოდესღაც, უხსოვარ დროში, ლესქერი საუკუნეებისა თუ ათასწლეულების წინათ დაღუპულ ბედნიერებაზე: წრეგადასული, ზღვარდაუდები ღალადისი დაკარგულ თავისუფლებაზე.

„დაგვაყენეთ!.. დაგვაყენეთ!“.

...კელაპტარივით ენთო წრეში თეთრსამოსიანი, ტანნიორა ასული. ხორბლისფერი ნაწნავები ტოკავდნენ მაღალ მკერდზე, კრძალული, მორცხვი ღიმი დასათამაშებდა გონისშემარყვევლად მომხიბლავ ბაგეპირს, უციალებდა დიდრონ თვალებს.

და მოეჩვენა რემას: ხელშიც ანთებული კელაპტარი ეჭირა ქალწულს და აკიანთებდა არემარეს ის თვალთ უხილავი, უჩინარი სინათლის შუქი, ისე, როგორც არაერთგზის მოლანდების თავის ბავშვობაში.

„თუთაში ჯღვერ! სქან ბედნიერ დუდს ვახვამანქ...“¹

„თუთაში ჯღვერ! – მორდუს ჩურჩული ჩადგომია ახლა სხეულში.

მარანში ქვევრის სარქველს აკრავს ანთებულ სანთლებს მორდუ? და მუხლებზე დამხობილი ბუტბუტებს: „წმინდა გიორგი – ჯეგე მისარონ: სქან ტიბინი სი ქომუჩი, ჩილი და სკუა გამიბრალი, ქოფრთხილე ირი ფათერაკიშე – მთვარე წინამძლოლო, შენს ბედნიერ თავს ვლოცულობ, ჩემი ცოლ-შვილის სასამრთელოდ, ფუძე-ნერჩი დამიცავი, დამიცავი ყოველი ჭირისაგან, ფათერაკისაგან, სიცხისაგან, სიცვიისაგან, ცუდის შეხვედრისაგან“.

...და ჯეგე მისარონთან დაყრილი ბოძალები. მნათეების დამწყალობება. ღვთით შეპყრობილთა, სალოსთა ქადაგებანი და წინასწარმეტყველებანი, მშვილდში გატარებულ სულით ავადმყოფთა უაზრო თვალები!..

...რემას თვალწინ ცოცხლდება ათასწლეულებში მინავლებული სურათ-ხატი: ცის დედოფლის მოთაყვანენი და მსასოებელნი როკავენ და ხელაპყრობილნი ევედრებიან ღვთაებას ბედნიერებას, სიყვარულს, სიკეთეს!

¹ მთვარე წინამძლოლო, შენს ბედნიერ თავს ვლოცულობ...

² გამზრდელი.

¹ მახა, მე შენთვის კრავი ვიყო, ყველა გაჭირებაში შემოსავლები, მახა, მე შენთვის სანთელი ვიყო, ხატის წინ დასალვენთი.

...ათასწლეულების უღრანიდან მოემართება ცის სინაზითა და მშვენივრებით შემოსილი, მთვარის სხივებით განსპეცაკებული, მზის სინათლესა და ჩქერალეებში განბანილი ღვთაება, სიკეთის კალთას შეფარებულ კოლხ-იბერთა მოდგმასთან.

მერმე? რა მოხდა მერმე?

საუკუნეთა ჯანლსა და ნისლში დატრიალდა ქარ-ბორბალა. წაილეკა. მოისრა. ნამუსრევილა დარჩა. ნატეხი მცირე. ნამცეცი, ნაფცქვენი იმ დიადიდან.

ცის დედუფალთ-დედუფლის, დიდი ნანას კაბა დაიფხრინა. გაუფერულდა და გაიცრიცა ნათელი ხატება.

იძალა მამრულმა – ჯეუტი, ურჩი ერკემალი ეძგერა ცის თაღედს ვარსკვლავთა უშქი ლაშქრით. თავნება ერკემალს რქებზე მზე და მთვარე მოჰქონდა.

იძლია სინაზე, კდება და სათნოება დედუფალთ-დედუფლისა – ცის ღვთაებისა და მეუფისა-ცის დია-სახლისისა.

წარუძღვა წინ ვერძი ხვიჩა-ხვიჩა ვარსკვლავთა რემას და გადათქერეს და გადაჯეგეს ცის ლაჟვარდები.

აყირავდა ცის გუმბათი. აირია ცისქვეშეთი. იმძლავრა მზის ბარბალ-მა¹ და მთვარის ღვთაებამ.

იმძლავრეს მზისა და მთვარის მახვამურებმა. მწარე გოდება აღ-მოხდათ სასონარკვეთილ და დარბეულ ცის მახვამურებს: „რინაში ნება ქორდასინი, ქიანა მუში მაფართარე – არსებობის უფლება რომ იყოს, რა ფართოა ქვეყნიერება!“

დიახაც რომ ფართოა სამზეო, წრეშემოუნერელია სამყარო, უსაზღვრო და უსასრულოა ქვეყნიერების კიდე-განი, თვალშეუფლება ქიანა² და ოქიანე³, მაგრამ ვაგლახ, რა ვინროა და პატარა იგი თავისუფლებადა-კარგული სულისათვის!

...როკავდნენ და მღეროდნენ ოდიშარიები და გვარამიები, ფაჩულიები და გურგულიები მთვარით ნათილისმარ მინდორზე. ზღვის ტალღე-ბივით ირწოდნენ, ტორტმანობდნენ მკლავებგადაჭდობილნი, ფეხის წვერებზე შემდგარნი, გარშემო უვლიდნენ ტანკენარ მზისდარ ასულს და... სივრცეს მიაპობდა რემას ზარივით წკრიალა, სულისშემტაცი ხმა: „ჰა-რი-რა!“

ანაზდეულად, ამ საერთო აღტყინების ჟამს, რემას გარკვევით, მკაფიოდ შემოესმა კვლავ ნაცნობი გმინვა-კვნესა.

დაბარბაცდა. თითქოს ლახვარი გაუყარესო გულში.

¹ ბორბალი ანუ მზის ღვთაება

² ცა და მინა ანუ ქვეყანა

³ ოქიანე

„რა დროს ცეკვა-სიმღერაა, რემა?“ – მტკივნეულად უჩხვლიტა გულზე რალაცამ და თითქოს მინა გამოეცალა ფეხქვეშო, ირგვლივ ყველაფერი აყირავდა.

დაუკუნეთდა.

თავი III

პაექრობა

მდინარეს ჯერ აღმა-დაღმა, ნაპირ-ნაპირ მიუყვებოდა.

ქურციკის სიმარდით მიაქვს სხარტად ნაგები ტანი. ისეთი შეგრძნება აქვს, თითქოს ფრთები გამოესხა...

სხეული მჩატე, უწონო გახდომია. წამიც და... უფსკრულისკენ დაქანებულ ზეთავს მოექცა.

ცადაწვდილი, ქარაფოვანი კლდეები ანაზდეულად შუაზე იპობიან, რათა გაატარონ იგი. ირმები, ჯეირნები, არჩვები, ჯიხვები აღარ უფრთხიან, ახლოს მოდიან მასთან – თვინიერნი, მორჩილნი.

კვლავ მარჯვედ ახტება ღარტაფებს, ღრმა ხაროებს, ორწოხებს, ბნელ ხევ-ხუვებს. მსუბუქად გადარბის ქვის ხორგებზე.

მერმე დაინყო ვაგაკება. მდინარე გრიალ-გრიალით მიექანება თავდაღმართზე.

კვლავ აღმა აუყვა კალაპოტს. დაფერდებული გორმახები ერთი ამოსუნთქვით აათავა. და უცებ... ელდანაკრავივით შედგა. თვალშეუფლება, უძირო უფსკრულს საზარლად დაუბჩენია ხახა.

გულმა რეჩხი უყო. შეყოყმანდა.

ანაზდად გაღმა, შორს, ქალის სილუეტს მოჰკრა თვალი. ოქროსფერ თმის დალალებს ნიავე უფრიალებს. სახეს ვერ ხედავს მისას, მაგრამ გუმანით ხვდება: ისაა, აქამდეც რომ წინ მიუძლოდა უჩინრად, ფარულად, გზას უკვალავდა, წინამძღვრობდა, მფარველობდა...

იმედი მოეცა ისევ. და მევესულად მანძილზე უსიტყვო გადაცემა მიიღო. უშიშრად ისკუბა. ფრენა-ფრენით გადაეგლო უფსკრულს.

მინაზე დადგა ფეხი თუ არა, ქალის შორეული სილუეტი მყისვე გაქრა. გაუჩინარდა.

... საღამოს ბინდბუნდი წვება. მზე მთების კორტოხებს ეფარება. მაგრამ ჩამომდგარი ბინდი როდი აფიქრებს, არც საზრდოს დარდი აქვს, არც თავშესაფრისა. გარეულ ნადირთა შეყრის შიშიც არ აწუხებს, თუმცა სატევრის გარდა სხვა რამ იარაღი არა აბადია რა. ცხენიც იქ, ქვემოთ, ოდიშარიების კარ-მიდამოში დატოვა.

მთვარეულივით უფიქრელად, უდარდელად, გულარხინად მისდევს უხილავი ციური მაცნის მიერ ნაჩვენებ ვინრო, დაკლაკნილ ბილიკებს.

ჯანლი ჩამონვა. თითს თვალთან ვერ მიიტან და... მაინც უცდომლად, ფეხმარდად მიიწევს წინ.

აი, მღვიმეც. თითქოსდა ელოდა კიდეც მას. მისკენ მიისწრაფოდა ქვეშეცნეულად – აქვე, სადღაც ახლომახლოს ეგულებოდა თითქოს.

... მღვიმე საკმაოდ მოზრდილია, განიერი. შიგ უკუნი დგას, მაგრამ თვალის მალე მიეჩვია ბნელს. კუთხის გასწვრივ ქვის სკამლოგინზე ნადირთა ტყავებია გადაფარებული. თითქოს მართლა ნაცნობია აქ ყოველივე. თითქოს ეს წუთია გავიდა აქედან მღვიმის ბინადარი. ნაკვერჩხალი გამოქექა ნაცრიდან და იქვე, შორიახლოს დაყრილი ფიჩხები და ხმელი ტოტები შეუკეთა აბირბილებულ ყებურს.¹

... შიმშილის, წყურვილისა და სიცივის გრძნობა ისევე გაქრობია, როგორც დაღლილობის. ამისდა მიუხედავად, ეფიცება ცეცხლს და სიამოვნებას ჰგვრის მისი მზერა, ვითარცა გამოქვაბულის წინაპარს მისას გულზე ეფონებოდა ალბათ აპრიალეებული ალის ყურება. არაფერზე არ ფიქრობს ახლა, არც არაფერი აოცებს. გაშლილი სუფრა რომ დახვედროდა აქ, არ გაუკვირდებოდა. ქალმერთი დალი რომ გამოეცხადოს, ანდა ოჩოკოჩი, ანდა „ტყაში მაფა“ – არც ამას იუცხოებს. არც პირცეცხლა ვეშაპის თუ ცხრათავიანი დევის გამოჩენა ჩააგდებს საგონებელში. არანაირი ავი სული, ალქაჯი თუ მავნე ტარტაროზი, როკაპი, კუდიანი ბებერი თუ ურჩხული-ნარბს ვერ შეახრევინებს, ვერ შეაკრობს წამიერადაც კი – უშიშრად, ცარიელი ხელებით მიეგებება ყოველგვარ ფათერაკს. ხოლო ეს თვითდაჯერება და თვითრწმენა, გრძნობს, რომ უხილავი ძალებიდან მოდის. ისინი მფარველობენ, გზას უკაფავენ, უიოლებენ სიარულს, ეშველებიან გასაჭირში, ამიტომაც წინ ვერაფერი დაუდგება, ვერაფერი შეაფერხებს, ვერანაირი ძალა ვერ დააბრკოლებს მის გზასავალს, ახლოსაც ვერ გაეკარებიან მავნე სულები, არამცთუ ზიანი მიაყენონ, ანდა დაუშავონ რამე.

...ზის ჯორკოზე ფეხებგაჩაჩხული, თავზე ხელები შემოწყვეია და თვალგაშტერებით მისჩერებია ცეცხლის პრილა ალს. ერთიანად მიშვებული, მთვლემარე გონი, თუმცა ზანტად, მაგრამ ნელ-ნელა უბრუნდება რეალობას, თანდათან ფხიზლდება და ქვეცნობიერად ემზადება თავის მეორე „მედ“ ქცეულ თანამგზავრთან შესახვედრად. თუმცა, ცოდვა გატეხილი სჯობია, იგი, ის თანამგზავრი, არც არასდროს მოსცილებია. იგი მასთან იყო ძილ-ღვიძილში, დღისით თუ ღამით, ყოველ წუთს, ყოველ წამს, რადგან მის განუყოფელ, დასაბამიერ ნაწილად ქცეული

– არასდროს ტოვებს, ყოველთვის თან ახლავს, ოღონდ ეგაა: ხანდახან ისე იმალება, ისე უჩინარდება, თითქოსდა, სინამდვილისეული კი არა – მისი ფრთალალი ფანტაზიის ნაყოფი იყოს მხოლოდ. მაგრამ ახლა, მღვიმეში, ღამის გასათევად შემოხეტებულს – მომავალი, გადამწყვეტი და გარდაუვალი შეხვედრის წინ – მაშინ, როდესაც ახლოს არის ჟამი წარმოუდგენელი, საოცარი, საარაკო პაემნისა, მან, ამ ჩვენებამ თუ მისმა განუყრელმა ორეულმა – კვლავ ფერ-ხორცი შეისხა, მკაფიო ფორმა შეიძინა, სული ჩაიდგა და... ხელახლა გამოეცხადა.

მაშ, თავიდან უნდა დაიწყოს მათ შორის ის საუბარ-დიალოგი, რამაც მთელი მისი არსება შეარყია მაშინ, სულის სიღრმემდე შესძრა და ააფორიაქა.

ახლა, იმ გადამწყვეტი ჟამის დადგომის წინ, ისევე ისე უნდა შეეტოქონ ერთიმეორეს.

„...ვეება ტორები ნელა ზელდნენ, ტკეპნიდნენ, სრესდნენ, ამრგვალეზდნენ თეთრ გორგალს. კარგა ხანს გრძელდება ეს საქმიანობა. მერმე ნაქათი სავსე კოთხო გარეთ გააქვს და მალევე ბრუნდება უკან.

ბუხართან, სამფეხა სკამზე ჩუმად მჯდარ სტუმარს ერთი გახედა ცერად და ტაბლა ახლოს მიაჩოჩა ცეცხლთან. მერმე ღვინით სავსე დოქი შემოდგა და ისევე გარეთ გავიდა... როცა შემობრუნდა, პერანგის სახელოები უკვე ჩამონეული ჰქონდა, ხელები დაბანილი.

ბუხარში ცეცხლი გუზგუზებდა და ხანგამოშვებით ნაპერწკლებს ტკაცატკუცით ყრიდა. მაგიდაზე დადგმული ღამფა მკრთალად ანათებდა საკმაოდ მოზრდილ, ორად გადატიხრულ ოთახს. მძიმე, ყავისფერი ხავერდის ფარდით დაფარულ ტიხარს იქით მასპინძლის საძინებელი იყო. ყველგან: თაროებზე, სკამლოგინზე, ფანჯრის რაფებზე, სკამებზე-ნიგნები, ყურნალ-გაზეთები ეყარა უნესრიგოდ. წიგნები ეწყო ბუხარზეც, იატაკზეც და ყველგან, თითქმის ფეხის ყოველ ნაბიჯზე. თითქოს სანიგნეთად ქცეულიყო აქაურობა.

„კველაზე“¹ მოკალათებულმა მასპინძელმა ღვინის ჭიქები სასმელით გაავსო.

– შენ გაგიმარჯოს, რემა! – მასპინძელმა ჭიქაზე ოდნავ მიუჭახუნა ჭიქა სტუმარს და ერთბაშად გამოცალა.

– გაგიმარჯოს, იუ! – ხმადაბლავე წარმოთქვა სტუმარმა, ნახევარზე მოსვა და ისევე ტაბლაზე დადგა ჭიქა.

¹ სამფეხა, პატარა სკამი.

¹ კერა

– დალიე, რემა! კარგი ღვინოა, სუფთა „ოჯალეშია“ – ჩემი დაყენებული. – წამით იყურა. მერმე: – რამდენი ხანია, არ გვინახავს ერთმანეთი და აი, რა ღარიბულად გიმასპინძლები: მჭადით, ყველითა და მწნილით. – მასპინძელი ტკეპნა-ტკეპნით, თითქოს ეზარებაო, ისე წარმოთქვამდა სიტყვებს!

– როგორ გეკადრება!

– გულახდილად რომ გითხრა, არც მქონდა სხვა რაიმე გამოსატანი. ხორცს კაი ხანია, სათოფეზე არ ვეკარები და...

– ხორცს არც მე ვეტანები მაინცდამაინც. ასე რომ, ტყუილად ნუ მეზობდიშები.

– არ გეზობდიშები, ისე ვამბობ. ეს ცხელი მჭადი და ყველი მაინც მიერთვი!

– გმადლობ. გიახლები აგერ.

მასპინძელმა ყალიონს დინჯად, გულდაგულ დაუნყო ტენვა, მერე მას შით ნაკვერცხალი აიღო და მოუკიდა.

– შენც ხომ არ მოსწევ? კარგი თუთუნია, ტრაბზონული, ლაზების ჩამოტანილი.

– არა. გმადლობ, არ ვენევი.

მასპინძელმა კვლავ გეზად გახედა სტუმარს, ხელები ლაჯებში რომ მოემწყვდია და ჩაციებით მიშტერებოდა ტაბლაზე შემომდგარ დოქს. მასპინძელმა ისევ შეავსო ჭიქები.

– მოდი, ჩვენი შეხვედრის დავლიოთ! – პირში გადაუშვა ღვინო და მერმე ცარიელი ჭიქა ხელში შეატრიალა ქახრაკული ღიმილით:

– მაშ, შენ ამბობ, რომ საგანგებოდ ჩამოხვედი ჩემთან. ჩემი ნახვა გინდოდა და იმიტომ.

– კი. შენი ნახვა მინდოდა ძალიან. კაი ხანია!

– აჰა... – თავისთვის ჩაიდუდლუნა მასპინძელმა.

– მაშ, ნახვა გინდოდა ჩემი, თანაც – კაი ხანია!

– კი. კაი ხანია.

– მერედა... რატომ არ მოხვედი აქამდე? – ახლა ჯიქურად მიაპყრო თვალები სტუმარს. იგი მცირე ხანს დუმდა, მერმე ისე, თითქოს ფიქრშიაო, თქვა:

– შენი გზა-კვალის მიგნება არც ისე იოლი აღმოჩნდა და მერე... ვიფიქრე, ეგება არც ესამოვნოს-მეთქი დაუპატიჟებელი სტუმრის მოსვლა, მით უმეტეს, რომ...

– რაო, რაზე გაჩუმდი?

– შენზე ამბობენ, ადამიანებს გაურბისო. განმარტოებულად იმიტომ ცხოვრობს, რომ არავის ნახვა არ სურსო.

– მართალია ეს. სწორი უთქვამთ.

– ჰოდა, მეც ამიტომ ვიკავებდი თავს... აქამდე!

– კი მარა... შენ სხვა ხარ მაინც. რაც არ უნდა იყოს, ერთად ვსწავლობდით გიმნაზიაში და... თითქოს ვმეგობრობდით კიდეც, თუ არ ვცდები...

– კი, ეგრე იყო.

მასპინძელმა ცალყბად ჩაიცინა და თმაშეთხელებულ ჯიშთან თავზე ხელისგული გადაისვა, მერმე გაუპარსავ, ჩავარდნილ ლოყებზე ჩამოაცურა ხელის ნებები.

– მაშ, ჩემი ნახვა გინდოდა... – კვლავ უამურად ჩაიცინა და ყალიონში ხელახლა შეუდგა თუთუნის ჩატენვას.

– რაო, რა გაინტერესებდა მაინც?... თუმცა, ვგონებ, ვხვდები, რაც გაინტერესებს... – ყალიონი მოქაჩა და ცეცხლს მიუშტერა თვალი.

– ისე, კარგად გამოიყურები. ახალგაზრდულად, თუმცა... თმა გაგქალარავებია. წვერ-ულვაშიც.

– წლებს თავისი მიაქვს. ვბერდებით.

– მართალია. დრო გარბის. „ნახეთ სიმუხთლე ჟამისა“. არადა, თითქოს გუშინ იყო, გიმნაზია რომ დავამთავრეთ.

– ოცდარვა წელი გავიდა!

– ოცდარვა?... ჰო, სწორია. ოცდარვაა გასული. მას მერე, მგონი არც გვინახავს ერთმანეთი, არა?

– მხოლოდ ერთხელ შევხვდით ქუთაისში ერთმანეთს.

– ჰო. მართალი ხარ. ახლად ჩამოსული ვიყავი ყენევიდან.

– ისევ... ჩვენი შეხვედრის იყოს!

– ეგრე იყოს! – ამჯერად ჭიქა გამოცალა რემამ ბოლომდე: – მართლა კაი ღვინოა, ეს დალოცვილი!

– ხო გითხარი, სუფთა „ოჯალეშია“-მეთქი. აქაურ წყალწყალა ღვინოებს არ ჰგავს.

– „ადესაც“ კაი იცის აქეთკენ.

– არა უშავს. დაილევა, გაჭირვების ჟამს.

ისევ გაჩუმდნენ.

– შენზე ამბობენ, დადის და ძველებურ, მივიწყებულ სიმღერებს აგროვებსო, მართალია? – ანაზდად პირდაპირ, გამომცდელად შეხედა თვალებში მასპინძელმა.

– მართალია! – თავი დაუქნია სტუმარმა.

– რალაც გუნდიც შეგიქმნია, თურმე...

– ეგეც მართალია.

– აჰა...

მასპინძელმა იყურა ერთხანს.

– მაშ, ძველებურ სიმღერებს აგროვებ და გუნდიც შექმენი!.. ჰმ!
– თითქოს ბუხარს ელაპარაკებაო, წამოიწყოს ისევ მასპინძელმა, თან თვალს არ ამორებდა ცეცხლის ალს.

– კი.

სტუმარი თითქოს ვერ ამჩნევდა მასპინძლის ირონიულ კილოს და ღიმილს, და ბევრით მონაფესავით პასუხობდა კითხვებს.

– დავლიოთ! – მასპინძელმა კვლავ შეავსო ჭიქები: – შენს გუნდს გაუმარჯოს, რემა! – გვერდულად ჩაიღიმილა.

– მეტი არ გვინდა.

– ეს ღვინო არ ათრობს, ნუ გეშინია! – ერთბაშად გამოცალა. მერმე ცარიელ ჭიქას ფრთხილად, რატომღაც ერთობ ფრთხილად გახედა ოდნავ მოჭუტული თვალებით. ხელში შეატრიალა და ტაბლაზე ასევე ფრთხილად დადგა. ტურები ხელის ზურგით შეინმინდა. მერმე ისევ ყალიონი გაირჭო პირში.

– თუ შეგიძლია მითხრა, რემა ბატონო, – დაიწყო სიჩუმის შემდეგ მძიმედ, სიტყვების განელვით, თან შუბლქვემოდას უყურებდა სტუმარს თვალისდაუხამხამებლად: – თუ შეგიძლია-მეთქი მითხრა, რატომ აგროვებ ამ ძველ სიმღერებს, რისთვის?.. ან მომღერალთა გუნდის შექმნა რაში დაგჭირდა?

– რატომ არა, გეტყვი. – გამოცოცხლდა სტუმარი. – მინდა არ დაიკარგოს, გადარჩეს დავინყებას არ მიეცეს ჩვენი საოცარი, უნიკალური სიმღერები. გურიამიც ვიყავი ამას წინათ, სიმონიშვილებთან, ერქო-მანიშვილებთან. შარშან რაჭა-ლეჩხუმშიც გახლდი. სვანეთშიც ავედი. იმერეთიც მოვიარე. კახეთშიც ვაპირებ გადასვლას. მინდა ყველა კუთხის სიმღერა შეისწავლოს გუნდმა, ყველა თავისებურებებით...

– კი მაგრამ... ვისთვის გინდა ისინი-მეთქი? – შეანყვეტინა ერთბაშად მასპინძელმა და ბასრი, გამჭოლი მზერა გაუყარა თვალებში.

სტუმარი წამით დაიბნა. აირია.

– ვერ გავიგე, იუ?

– ვისთვის, რისთვის გინდა-მეთქი გადარჩეს ეს სიმღერები, კაცო, გეკითხები!

– ჩვენი... მომავალი თაობებისათვის, რასაკვირველია... იუ! ჩვენი ხალხისათვის... – რატომღაც ენა შეუბრკოლდა რემას. თვალები აუხამხამდა.

– აი, თურმე, რა! – ჩაიციხა მასპინძელმა გამკილავად. თავი გაიქნია და ყალიონი გულმოდგინედ გამობერტყა, მერმე ცერა თითით გამოწმინდა და სული შეუბერა, მერმე გვერდულად გახედა სტუმარს: – მერედა, სადა გყავს ხალხი, რემა ჩემო, ან... რა მომავალ თაობებზე მეზრახები?

– ვერ გავიგე...

– ნუთუ ასე გაუგებრად ვლაპარაკობ, ბიჭო? სადა გყავს-მეთქი ხალხი? რომელ ხალხს გულისხმობ?

– ჩვენ ხალხს, ჩვენს ქვეყანას...

– რა ჰქვია ამ შენს ქვეყანას, რემა? სახელი არა აქვს?

ახლა უკვე სტუმარი მისჩერებოდა დაჟინებით მასპინძლის ღრმად ჩამჯდარ, მოყვითალო ფერის თვალებს, რომელიღაც მტაცებელ ფრინველს რომ აგონებდა, მაგრამ, სახელდობრ, რომელს, ვერა და ვერ გაეხსენებინა.

– საქართველოზე მოგახსენებ, იუ... – შეყოვნებით, რატომღაც კვლავ ენის ბორძიკით წარმოთქვა და მზერა მოარიდა, კვლავ ცეცხლს მიაჩერდა.

– ხა, ხა, ხა... – თავი უკან გადაიგდო და ახარხარდა მასპინძელი. დიდხანს, ხმის ჩახლეჩამდე იცინოდა, ცოტა არ იყოს ბრაზიანი, ავი სიცილით. მერმე, გული რომ მოიჯერა, თვალები ხელის ზურგით ამოიწმინდა, თავი გადაიქნია ისევ და ბუხარში შეაპურჭყა.

– შენ, თურმე, ისევ ძველი ილუზიებით ცხოვრობ, რემა ჩემო! – სინანულის და რალაცნაირი შემწყნარებლური კილო ისმოდა მასპინძლის ხმაში: – საქართველო... ღმერთო ჩემო, საქართველო!

– მე... არ მესმის შენი ირონია, იუ... და გულახდილად რომ გითხრა:...

– რა, რა არ გესმის, კაცო? ჭურში ხომ არ ზიხარ?.. სადღაა საქართველო? რომელ საქართველოზე მელაპარაკები? ფიქციაზე? არარსებულზე, გამოგონილ ფენომენზე? ფა-ფუ! იყო და... არა იყო რა. იყო ოდესღაც და აღარ არის. ან... შეიძლება არც არასდროს ყოფილა. ძველი საქართველოც ფანტაზიის ნაყოფი იყო, ალბათ.

– შენ... შენ ერთ დროს... – აღარ დაამთავრა რემამ. გული ძალუმად აუძგერდა. ნერწყვი გაუშრა პირში.

– ახ, ასე არ ვფიქრობდი, არა, ოდესღაც! ადამის დროს... ხა, ხა, ხა... აი, თურმე რა!.. შენ კიდევ იმ დონეზე დარჩი, არა? საინტერესოა, საინტერესოა, ღმერთმანი!

– დონე?.. რა შუაშია დონე, არ მესმის! – „ეს კაცი მართლა ვერ არის კარგად, თუ“...

– შენ მე შერევილი ხომ არ გგონივარ, ა? – თითქოს მიუხვდაო ნააზრევს, მასპინძელმა დამცინავად ნაჭუტა თვალი. ერთხანს ასე თვალმონკურული უყურებდა, მერმე განაგრძო: – ვინა ხარ შენ, ამას თუ მეტყვი, ძალიან დაგიმადლი, რემა ბატონო!

– ვერ გავიგე...

– რა, რა ვერ გავიგე, კაცო? ვინა ხარ-მეთქი, გეკითხები? რა გქვია, რა გვარის ხარ?.. ნუ შიშობ, არ გადავმცდარვარ, ჯერჯერობით, ჭკუიდან.

რემა ხომ ხარ, გეგეჭკორი? ასეა, არა? მეგრელი აზნაური. უფრო სწორად, შენი წინაპრები ეკლესიის მსახურნი იყვნენ ადრე, მერე გახდნენ აზნაურები, უფრო მოგვიანებით. მაგრამ ახლა, ამჟამად ხარ მეგრელი აზნაური – რემა გეგეჭკორი. ხომ ასეა?

– რა შუაშია მეგრელი აზნაური, იუ? მე...

– ვიცოდი, ამას მკითხავდი. გიპასუხებ: ძალიან შუაშია, ჩემო კარგო. ძალიან შუაში. შეიძლება მე-12 საუკუნეში არ ჰქონდა მნიშვნელობა, მაგრამ ახლა, მე-20 საუკუნის დასაწყისში, ამას დიდი მნიშვნელობა ენიჭება, ერთობ დიდი მნიშვნელობა! ჰოდა, შენ, მეგრელ აზნაურს – ვინ დაგავალა ამ ე.წ. საქართველოს მომავალზე ფიქრი და ზრუნვა? ვინ გკითხავს შენ საქართველოს ჭირისუფლობას?... მაგრამ შენ ისეთი თვალთ მიყურებ... ამორდია ხომ გაგიგონია, რემა ბატონო?... გაგიგონია! კეთილი და პატიოსანი! ამორდიას მოძღვრების თანახმად, შენ რომ ქართველი არა ხარ, ესეც ხომ მოგეხსენება? მაშასადამე...

– მაპატიე, იუ. მაგრამ... ვინაა, კაცო აფერისტი ამორდია? ეს... ეს ყოვლად გაოხრებული აზნაურობის მაძიებელი ვიგინდარა? ვინ ჰკითხავს ამორდიას, ვინა ვარ მე? მერედა... შენ ნუთუ არ იცი, ვინ დგას მის ზურგს უკან? ვინ გეშავს, ვინ აქეზებს? და საერთოდ, უკაცრავლი პასუხია და, ეს მამაძალი ამორდია ვინაა-მეთქი? რა მოსატანია აქ მისი სახელი?

– დაიცა, დაიცა, ნუ ცხარობ... მე კარგად ვიცი, ვინ და რა ძალები დგას ამორდიას ზურგს უკან, მაგრამ მაგანნი და მაგანნი რომ... იგეშებიან? რომ ეგებიან ანკესზე? ამაზე რას იტყვი?

– ვინ ეგება, იუ? მასავით ბნელი და უკეთური...

– კარგი. ამორდია და მისი მიმდევრები გარენრები და უკეთურები არიან და ადვილად შეეკვრებიან ხოლმე ეშმაკს, მაგრამ რას უშვრები განათლებულ გიორგი მუხრანცკის? – მუხრანელს ხომ აღარ კადრულობს უკვე ბაგრატიონთა ნაშიერი – მუხრანცკი თურმე უკეთ ჟღერს მაგანთა ყურისთვის! ჰოდა, ბაგრატიონთა ამ განათლებულ ნაშიერს ვითლა ჩაუსახლდა სულში ეშმაკი?

– ასეთები ყველა კუთხეში და ყველა წოდებაში არიან-მეთქი, სამწუხაროდ...

– ჰოდა, სწორედ ასეთების წყალობით ხომ დავკარგეთ აფხაზეთი? კი. ჩათვალე, რომ დაკარგულია. „აფხაზია – ეტო ნე გრუზიაო“, ხომ დაუსვა ბეჭედი ვინმე ვორონოვმა! ახლა ჯერი სამეგრელოზეა... სამხრეთ საქართველო კაი ხანია, მორღვეულია, შიდა და ქვემო ქართლი ჯეროვნადაა „ათვისებული“ უცხო ტომების მიერ და, საერთოდ, ქართლი თითქმის უკვე აღარ არსებობს. ტფილისში... უკაცრავად, ტფილისში... ჰო, მართლა ტფილისში თუ ხარ ნამყოფი ამ ბოლო დროს? არა? ჰოო, გეტყობა...

დაიხ. იმას ვამბობდი, ტფილისი წალეკილია... შემოხიზნული და მაინც უმადური, მტაცებელი სომხის ბურჟუაზია განაგებს ტფილისს – დამნაკუნცის ლოცვა-კურთხევით! ტფილისის ქუჩებში ქართულს თითქმის ვერ გაიგონებ... ესე იგი, დედაქალაქიც აღარ გაგაჩნია. ჰო, სადღაც, კუნჭულში ქუთეისი ხლაფორთობს რაცხას ვითომ, საცხა კახეთიც გაჯიუტებული გაქირ ვირივით და... მორჩა! მოგჭამა ჭირი ნიკოფსიდან დარუბანდამდე გადაჭიმულმა ოდესღაც დიდმა საქართველომ. ილაღადონ ახლა ქვებმა რამდენიც უნდათ, სანამ არ მოსწყინდებათ, სანამ ბურთს არ ჩასჩრიან პირში, კაპიტალის მფლობელნი... ჰო, მართლა, ილიას მკვლელობაზე რა აზრისა ხარ?

– რა აზრის უნდა ვიყო? როგორ გგონია?

– მაინც, მაინც!.. არ გენყინოს, შენი შეურაცხყოფა კი არ მინდა... მე სხვა რამ მაინტერესებს...

– რა უნდა გითხრა?... დიდი უბედურება მოხდა, უზარმაზარი ტრაგედია... ამაზე შეიძლება სხვანაირი აზრი იყოს?

– რატომ არა! არის სხვანაირი აზრებიც და საკმაოდ მრავალრიცხოვანი არიან ისინი, ვინც „სხვანაირად“ ფიქრობს. მაგრამ ახლა მე სხვა რამ მინდა გკითხო – ვინ მოკლა ილია, ეს თუ იცი?

– ვიცი!

– მაშ, იცი?

– ვიცი-მეთქი, გეუბნები.

– არ მითხრა ახლა – ილიას მკვლელების უკან სხვები დგანანო, ვთქვით, ცარიზმის „ოხრანკა“, დაშნაკელები და სხვანი და სხვანი. არა, ისე არ გამიგო, რომ ამათ გამოვრიცხავ. სულაც არა. მაგრამ მით უარესი-მეთქი ჩვენთვის. ჰოდა, შე დალოცვილო, ყოველივე ამის შემდეგ რომელ საქართველოზე მელაპარაკები? რომელ თაობებზე ზრუნავ? ვის უნდა შეუნახო განძი? ამ ერთმანეთის მოშურნე და მოქიშპე ტომებს, ოდესღაც დიდი საქართველოს ამ უბადრუკ ნაშიერებს, ყელგამონვდილი რომ ემუდარებიან თავის გამაუბედურებელს, თავისი პატივის ამხდელს – არ მინდა ჩემს მშობლიურ ენაზე სწავლა და შენი სკოლები გამიხსენიო, რომ რაც შეიძლება მალე გადავჯიშდე და გადავგვარდეო?

– კი მაგრამ...

– რა მაგრამ, ილიას მკვლელთა შთამომავლებზე ზრუნავ, კაცო? – მასპინძელი წამომდგარიყო და ოთახში ბოლთას სცემდა, ზურგზე ხელბეშემოწყობილი.

– ილია გარენრებმა მოკლეს, იუ. ყველა ხალხში არიან ასეთები, ჩვენ ამ მხრივ, სამწუხაროდ, გამოწვევის კლინები არა ვართ.

– ქვეყანა, რომელიც ილიას მკვლელებს წარმოშობს-მეთი, ჩემი აზ-

რით, სიცოცხლის ღირსი არაა. ანდა რა ერზეა ლაპარაკი, კაცო? სადღაა ერი და ბერი? სადღაა საქართველო-მეთქი? განა ილიამ უკეთ არ უწყოდა, თუ ვინ იყვნენ ესენი? ყველა ყრუი, ყველა ცრუი, ორპირი და მანკიერიო, განა თვითონ არ ბრძანა? ერი, რომელიც საკუთარი ხელით იჭრის ყელს და თან ტაშ-ფანდურა გაუმართავს, ჩვენისთანა ბედნიერი განა არის სადმე ერიო? ან "ვითომ რას გვავენებს უცხო ტომობა! გენიოსი ბარათაშვილი განა თავისიანებმა არ განირეს?.. და რომელი ერთი ვთქვა?..

– ეს... ეს მეტისმეტია! ასე არ შეიძლება, იუ, ასე არ შეიძლება...

– ახ, მეტისმეტია? ასე არ შეიძლება, არა? იცი, რას გეტყვი, რემა ბატონო?.. თუმცა... ჯანდაბას! სხვა გზა არ არის, ხომ უნდა აგეხილოს თვალი როდისმე?.. მაშ კარგი...

მასპინძელი გაჩუმდა. სტუმარსაც ხმა გაეკმინდა. მძიმე, აუტანელი დუმილი კარგა ხანს გაგრძელდა. მერმე მასპინძელმა თავი ასწია, სტუმარს მიუბრუნდა და გაბზარული ხმით უთხრა:

– რასაც ახლა მოგიყვები, ძეხორციელისთვის არ მითქვამს აქამდე. პირველი შენა ხარ და... ყველაფერი ჩვენს შორის უნდა დაიმარხოს, მანამ, სანამ... მოკლედ, ეს ჩემი საიდუმლო აღსარებასავით იქნება, ან... რაც გინდა, ის დაარქვი. მთავარია, შენთან ვამბობ იმას, რასაც მხოლოდ ჩემს გულში ვატარებდი აქამდე. შენ უნდა მომისმინო. კარგად მომისმინო. აკი იმისთვის მოხვედი ჩემთან, რომ... სხვა დროს ეგება მეც არ მომინდეს თხრობა. ჰოდა, უნდა მომისმინო ახლა. ეს შენთვისაც საჭიროა, შენც უნდა იცოდე, ეს!

– მე გისმენ, იუ. მზადა ვარ, თუნდაც დილამდე გისმინო!

– კეთილი. მაშ, ყური მიგდე. დაიცა, ცოტა ხანს მაცალე... ოღონდ... – და ეს ბრგე, ახოვანი კაცი კვლავ ფიცხლად ზეაიჭრა, ზურგზე ხელები შემოიწყო და ისევ ისე ბოლთის ცემას მოჰყვა ოთახში.

გალიაში გამომწყვდეულ ნადირს ჰგავდა ახლა, მძვინვარება ვერდ-აოკებულს, საკუთარ გულს რომ ასკდება თავისსავე უმწეობითა და უძლურებით გახელებული. კარგა ხანს მიმოდიოდა ოთახში, ხან წრეს არტყამდა მაგიდის გარშემო, ხანაც კედლიდან კედლამდე დაალაჯებდა გავეშებული და მისი მოგრძო-მოყავისფრო სახე, მაღალი, კეხიანი ცხვირი, ფართო თვალები და წვრილი, ორად გაყოფილი ნიკაპი – ყველაფერი ამ კაცის დაუოკებელ ტემპერამენტსა და ენერჯიაზე მეტყველებდა.

რემა მონუსხულივით იჯდა და მზერა ვერ მოეცილებინა ამ ძლიერი, დაკუნთული სხეულის ბორჯვისათვის. თანდათან იგი დაცხრა. ეტყობა, მოთოკა აზავთებული ვნება. და როცა ისევ რემას გვერდით დაეშვა სამფეხა სკამზე, უკვე სრულიად დამშვიდებულ-დანყნარებული ჩანდა. ხმაც ისევ ისე მონოტონური, ემოციებისაგან დაცლილი გაუხდა. ეტყობა, ამ

ნამიერ აფეთქებას, მწყობრიდან გამოსვლას თვითონაც არ მოელოდა და ახლა უჩუმრად გულში ძრახავდა კიდეც თავის თავს მოუთმენლობისა და სიფიცხის გამოჩენისათვის.

აუჩქარებლად, დინჯად ბუხარს შემა შეუკეთა. შემდეგ ასევე აუჩქარებლად და დინჯად გააბოლა ყალიონი და მშვიდი ტონით დაიწყო:

– შენმა სიტყვებმა თითქოს მოშუშებულ იარას კვლავ პირი გაეხსნა ამაღამ, მონელეულ-გადახარშული დარდი ისევ განმიახლა. გული ამ-ატკივა და ფიქრები ამიშალა ხელახლა. მაგრამ რა გაეწყობა?.. განყდეს, საცა წვრილია... ვეცდები, ბევრი ლაპარაკით თავი არ შეგაბეზრო. მოკლედ, კონკრეტულად გეტყვი სათქმელს. რასაც ვერ ვიტყვი, შენ უნდა შეავსო შენს წარმოსახვაში, ანდა იგულისხმო სიტყვებს შუა. ერთი სიტყვით, იგულთამხილავო მენცარივით.

...შენც კარგად გახსოვს, ალბათ, ჯერ კიდევ გიმნაზიაში სწავლის დროს ჩვენს სალოცავ ხატად რომ იყო ქცეული ილია. გახსოვს, ალბათ, რამხელა ბედნიერება იყო „ივერიის“ მორიგი ნომრის გამოსვლა და მისი ხელში ჩაგდება. ისიც გეხსომება, ხშირად ღამეებს რომ ვათენებდით ილიას სტატიებისა და წერილების კითხვა-გადანერაში.

დიახ, ეს ის დრო იყო, როცა ილიას თქმითვე, ლეთარგიული ძილისაგან ვიღვიძებდით, ნელ-ნელა, გაჭირვებით, წვალებით, მაგრამ მაინც ვახელდით თვალს, ვფხიზლდებოდით... ჯერ ბევრი რამ გაუცნობიერებელი, უფრო ინსტინქტური იყო, მაგრამ ყინული თანდათანობით ღღვებოდა. არარაისგან, დაძაბუნებულ-დაკნინებული, დუხჭირი გონებისაგან ქეშმარიტების თითო-ოროლა მარცვალი თავთავდებოდა და რაც უფრო იზრდებოდა ჩვენი თვითშეგნება, მით უფრო გვიცხოველდებოდა ოცნება და ნატვრა ილიას სულისმიერ ლაშქარში ჯარისკაცად ყოფნისა. თუ საჭიროება მოითხოვდა, – მზად ვიყავით იარალი აგველო ხელში, თუმცა...

რა ბევრი გავაგრძელო, შენ ჩემზე ნაკლებად როდი მოგეხსენება იმ-ჟამინდელი ჩვენი გუნება-განწყობილება. ერთს დავძენ მხოლოდ: ილია პირადად მე, მე-19 საუკუნის უბადრუკ საქართველოში განსხეულებულ დავით აღმაშენებლად მესახებოდა, თითქოს ამირანის მძლეთამძლე სული გაცოცხლებულიყო მასში. რაც დრო გადიოდა, სულ უფრო და უფრო მიმტკიცდებოდა ეს რწმენა.

მერე ის იყო, გიმნაზია დავამთავრეთ. შენ შინ დაბრუნდი, მე კი – ევროპას მივაშურე, რომ... რაც შეიძლებოდა გამეწურთნა გონება, ასე ვთქვათ, შევიარალებულიყავი ცოდნა-განათლებით და... ისე დავბრუნებულიყავი ილიას სულისმიერ ლაშქარში. ჩემი ყველაზე სანუკვარი, ყველაზე მხურვალე ოცნება და ნატვრა იყო, რომ რამენაირად გამოვდგომოდი

ჩვენს გაუბედურებულ სამშობლოს...

ევროპაში ნასვლამდე ვცადე ილია მეხილა, შორიდან მაინც შემეველო მისთვის თვალი, მაგრამ სამწუხაროდ ჩემდა, ილია იმ დროს ტფილისში არ აღმოჩნდა – პეტერბურგში ყოფილიყო ნასული. არადა, მთლად რომ არაფერს წარმოვადგენდი, არც ისე მინდოდა წარვდგომოდი ჩემს სათაყვანებელ კერპს. ე.წ. ქართველური პატივმოყვარეობის საკმაოდ დიდი დოზა იყო უთუოდ გარეული ჩემს ამ „თავმდაბლობაში“: ეტყობა, სისხლში გვაქვს ჩალექილი, მემკვიდრეობით გადმოცემული ეს მძაფრი სურვილი სახელის მოხვეჭისა; ამაში, ჩანს, რუსთაველმაც ითამაშა საკმაოდ დიდი როლი, აკი ჩამოგვირაკრაკა კიდევ: „სჯობს სახელისა მოხვეჭა, ყოველსა მოსახვეჭელსაო“. ვახუშტიმაც ხომ მშვენიერად დაგვისურათხატა ჩვენი ეროვნული ნიშან-თვისება და მათ შორის, სახელის მაძიებლობის უზარმაზარი წყურვილი, ზოგჯერ თუნდაც ქვეყნის საზიანოდ... „დღეისის მაძიებელნი, ხვალისის არა გამომკითხველნიო, მომღერალ-მგალობელნიო“... ალბათ, როგორც ჩანს, გამონაკლისი არც მე ვიყავი...

ევროპაში ჩემი ყოფნის და ე.წ. ჩემი განსწავლის პერიოდზე სიტყვის გაგრძელებას არ ვაპირებ; ერთი რამ კი საგულისხმოა: სადაც არ უნდა ვყოფილიყავი: ჟენევის, ბრიუსელის თუ მიუნხენის უნივერსიტეტებში, ერთი ამოჩემებული აზრი მოსვენებას არ მაძლევდა: ჩემი სწავლა-განათლებით ვერავის გავაკვირებდი, მათ შორის, ილიასაც, ხოლო იმ საქმისათვის, რის წინამძღოლადაც ილიას ვრაცხდი ჩემს გუნებაში – თანხა იყო საჭირო, თანაც საკმაოდ დიდი თანხა. აი, ფული რომ მქონდეს ბლომად და მივართვა იგი ილიას, რომ უკეთ გაუძღვეს იმ საქმეს, რასაც ესაკმეველება-აი, ეს მესმის, ეს უკვე ნიშნავს რალაცას-თქო – ასე აზრობდა ჩემი ჭაბუკური გახურებული ტვინი. მაგრამ როგორ, რანაირად, რა ხერხით და მანქანებით, რა ჯადოსნური საშუალებით გამხდარიყო განძის მფლობელი ღარიბი სტუდენტი, ხშირად, უსახსრობის გამო რომ შიმშილობდა?

„სეზამ... გააღე კარი!“ მაგრამ... კარი არ იღებოდა. ზღაპარი და ცხოვრება შორიშორს იდგნენ ერთმანეთისაგან. ყაჩაღი და ბანდიტი კი – ვერასდობებით ვერ გავხდებოდი. ბანკებს, ფოსტას და მატარებლებს ვერ დავეცემოდი, რადგან ამგვარად ნაშოვნი ფული, ჩემი აზრით, წმინდა საქმისათვის ვერ გამოდგებოდა – როგორც არ უნდა შეალამაზონ ზოგ-ზოგმა ეს აქციები უცხოური გამოთქმებით – ეს ექსპროპრიაცია მთელი არსებით მიუღებელი იყო ჩემთვის – ვერა, ვერ გავხდებოდი იმათი მიმდევარი, ვინც საბოლოო მიზნით ამართლებს ყოველგვარ სისაძაგლეს – მაკიაველის მეთოდები გამორიცხული გახლდათ ჩემთვის. არადა,

რამდენიც არ მეჭყლიტა ტვინი და მელესა გონება – საშველი არ ჩანდა: ააფრინე ალალიო, რაც არ არის, არ არიო...

არადა, ეს აკვიატებული იდეა მოსვენებას არ მაძლევდა. იგი თანდათან მიპყრობდა და მიმორჩილებდა იქამდე, რომ ღამეებს მატყეხინებდა. სიზმარში თუ ცხადში განძი მელანდებოდა და ის ბედნიერი წამი, ილიას რომ ფეხთით დავეუდებდი მოწინებით და თან სართად ჩემს ბედოვლათ თავს მივაყოლებდი, რომ ჩემი სიცოცხლის და ერის ბატონ-პატრონად და გამგებლად ყოფილიყო ის, ვინც საქართველოს უკვდავი სულის ხორცშესხმად მესახებოდა, ვინც მის მხსნელად, ქომაგად და მოსარჩლედ, ერის გონებისმიერი საზრისის განმასახიერებლად მეგულებოდა და ვითარცა ასეთს – უზომოდ ვეთაყვანებოდი. თან, ყველაფერს გარდა, ვატყობდი ჩემს თავს, ნელ-ნელა მეძალეებოდა ბოღმა და გულისწყრომა იმ ხვედრის გამო, ბედმა რომ არგუნა ჩვენს ქვეყანას. შურიანი არასდროს ვყოფილვარ, სხვისი არაფერი მეხარბებოდა, მაგრამ ევროპის ამ ე.წ. პატარა ხალხების ცხოვრებას რომ ვუყურებდი „თუნდაც შორიდან, მეთვალყურის მზერით“ – გულზე ვსივდებოდი: ჩემდა უნებურადვე, სული მეძქნებოდა. რითი არის-მეთქი ამათზე ნაკლები ჩემი მამული? რითი ჩამოუვარდება – ბუნების მშვენიერებითა და მიწა-წყლის სიუხვით თუ მის მაცხოვრებელთა სილამაზით და ნიჭიერებით? კულტურის და ისტორიის სიძველით თუ ცხოვრების წეს-ყაიდით? განსაკუთრებით ამ ე.წ. მცირე ხალხების სიმამლრე და თვითდაჯერება მეჩხირებოდა თვალში – მათი სულიერების დაცემის ფონზე! – წამიერი პაუზა და მერმე...

ნუთუ მართლა ვართ დასჯილი-მეთქი ღვთისგან ჩვენი ცოდვებისთვის იმით, რომ გეოგრაფიულად ისეთ განედში მოვხვდით, სადაც გარშემორტყმული აღმოვჩნდით საშინელი მტაცებლებით, რომელთა მადა და სურვილი ამოუპირავი გამოდგა იმთავითვე და სისასტიკე – ზღვარდაუდები? ყოველივე ამას დაემატა ისიც, რომ ჯვრით ხელში მათზე ბევრად უარესი სატანა დაეუფლა ჩვენს ხორცსა და სულს-მეთქი? – ვფიქრობდი გამწარებული და წამდაუნუნე ვიმეორებდი თუ ხმამაღლა, თუ გულში:

„ეგრე მტრისა არ მეშინის, რადგან ცხადად მანყინარობს, მოყვარესა მტერსა ვუფრთხი, მემოყვრება, მოცინარობს“. მაშინ ჯერ კიდევ ვერ გამეაზრებინა, რომ საწყაო წყავს, ღმერთი ხედავს. ყველა იმის ღირსია, რაიც დაიმსახურა ღვთის თვალში...

ჰო, ბევრი რომ არ გავაგრძელო, ერთხელ ბედნიერი ან ეგების... უბედური შემთხვევის წყალობით – არ ვიცი ახლა, რა დავარქვა ამას: გადავდგი ნაბიჯი, რომელმაც ძირისძირობამდე შეცვალა ჩემი ცხოვრება, რამაც ცამეტი წელიწადი მახეტიალა ქვეყნიერების კიდით კიდემდე და

ფანატიკური რწმენით შეპყრობილს – დაჟინებით, გულმოდგინედ, გობსეკის შეუპოვრობით, მაგროვებინა ნანინანატრი თანხა.

...ერთხელ, ანტივერპენის სანაპიროზე სეირნობის დროს დამებადა აზრი... გავყოლოდი რომელიმე გემს მეზღვაურად. ეს აზრი თანდათან ქუაში მიჯდებოდა და აი... ბედმა გამილიმა და ერთ ინგლისურ სავაჭრო ხომალდზე, შორეულ ინდოეთში რომ მიდიოდა-მოვენწყვე მატროსად, იურიდიულ მეცნიერებათა დოქტორის დიპლომი – დაცული მიუნხენის უნივერსიტეტში, რომელიც ახლა არაფერში მჭირდებოდა – საიმედოდ გადავინახე სხვა საბუთებთან ერთად და... შევუდექი ჩემთვის უჩვეულო საქმიანობას.

ეს იყო 1895 წლის ივლისის 18. ზუსტად 25 წლის გახლდი მაშინ.

ეტყობა, ჩვენში, ყველაში მეტ-ნაკლებად ზის ბედნიერების მიღწევის იმედი, ანუ ასე ვთქვათ, ნატურისთვის მოპოვების ბავშვური რწმენა. ჰოდა, ცამეტი წელი არ გამწვანებია ეს რწმენა და იმედი – ცამეტი წელი! მიუხედავად უამრავი ხელმოცარვისა და სასონარკვეთისა – არ გამხუნებია ლურჯი ფრინველის კუდით დაჭერის ყმანვილკაცობის-დროინდელი ოცნება, რომელმაც ყოველგვარ პირადულზე ხელი ამაღებინა, რადგან პირადი ბედნიერება და სიხარული განიზომებოდა ჩემთვის მხოლოდ და მხოლოდ იმ მიზნით, რაიც ამოვიჭერი გულში და იგი, ეს პირადული არსებობდა იმდენად, რამდენადაც ხელს მიწყობდა იმ მიზნის მიღწევაში – ესოდენ სასიცოცხლო აუცილებლობად რომ ქცეულიყო ჩემთვის.

ამ ცამეტი წლის ბრძოლის, ჭირ-ვარამის, ჭაპან-წყვეტის, იმედის თუ უიმედობის, წამიერი სიხარულის თუ ჯოჯოხეთური ტანჯვის პერიპეტეიების აღწერას აღარ შევუდგები, რათა დროც მოვიგო, ჩემი ნერვებიც დავზოგო და შენი გულიც დავინდო, და გულაჩვილებულს – ცრემლები არ გაღვრევიყო.

ისე, რა არ გადამხდა თავს ამ ხნის განმავლობაში – დანტეს ჯოჯოხეთიც გამოვიარე და სალხინებელიც, მაგრამ უკეთური, უპატიოსნო აზრი ან ქმედება ახლოსაც არ გამკარებია, გულში არ გამჭაჭანებია. ეს შემძლია დავიფიცო ღმერთის წინაშე: ყოველთვის წმინდა და მართალი ვიყავი საკუთარ სინდისთან და, მაშასადამე, უფალთანაც. სხვანაირად, არც ექნებოდა აზრი ჩემს საქციელს, სხვაგვარად ჩემი თავგანწირვა (ახლა შემძლია ეს თამამად ვთქვა!) ცხადია, დაკარგავდა იმ დანიშნულებას, რისთვისაც იგი იყო მოწოდებული და რის გამოც მომინია ამდენი მსხვერპლის გაღება: სამშობლოს, დედ-მამის, და-ძმის მიტოვება, ოჯახის შექმნაზე უარის თქმა – საყვარელი ქალის დაკარგვა, სხვადასხვაგვარი ფათერაკისა და ხიფათის გადატანა, ყოველდღიური ცხოვრები-

სეული ცთუნების ძლევა – ანუ გამუდმებული ბრძოლა-რკინება ემმასთან, ჩვენს სულში რომ ჩაბუდებულია.

და აი, ერთ მშვენიერ დღეს – უბრალო მეზღვაური ინგლისური სავაჭრო გემის კაპიტნის, ჯონ ვილსონის თანაშემწედ ვიქეცი; ჯონ ვილსონს, ღმერთმა გაანათლოს მისი სული, შვილივით შევუყვარდი: არ ვიცი კი, რად, რისთვის, რა ღირსებათა გამო გამომარჩია სხვებში. ასე მგონია, ჩემი ბობი ხარ, ჩემი სისხლი და ხორციო, მითხრა ერთხელ გრძნობათა მოჭარბების დროს, რაც ასე იშვიათი იყო ენაძუნნი, გულჩათხრობილი ინგლისელისათვის, უფრო ზუსტად – ირლანდიელისათვის! ბობი, ერთადერთი ბიჭი, ყმანვილობისას, 14 წლისა მოკვდომოდა. ცოლიც მალე მიჰყოლია მას და დარჩენილიყო მას მერე ასე ცარიელ-ტარიელი, ეული. როგორ წელანაც ვთქვი, გულჩათხრობილი კაცი იყო, გულს ადვილად არავის გადაუხსნიდა და ვითარცა თითქმის ყოველი ინგლისელი თუ ირლანდიელი საკუთარი ღირსების გრძნობით აღსავსე გახლდათ, და ამასთან, უაღრესად ნაკითხი, განათლებული. ძველი, არისტოკრატიული წარმოშობის იყო; მერე, დროთა ვითარებაში, დაკნინებული გვარის წარმომადგენელი საქართველოს იცნობდა კოლხეთით და იბერიით. ხშირად გვქონდა გულითადი საუბრები, განსაკუთრებით, ბოლო ხანებში. გამუდმებით ყალიონი ჰქონდა პირში გაჩრილი, მგონი, ძილშიაც ქაჩავდა მას – სხვათა შორის ეს ყალიონი, იმ სულკურთხეულის ნაქონია, მან მისახსოვრა სიკვდილის წინ. საერთოდ, ეს გასაოცრად კოლორიტული ფიგურა, ყიულ ვერნის ნაწარმოებების გმირებს მაგონებდა, უფრო კი-კაპიტან გრანტს.

ჰოდა, აბოლებდა ჯონ ვილსონი წამდაუნუმ თავის განუშორებელ ყალიონს და ყურადღებით, მთელი გულისყურით, ისე, როგორც ინგლისელებს სჩვევიათ ეს საერთოდ, მისმენდა. დროდადრო თავს გააქნევდა ხოლმე. ეს იყო და ეს. ამით თუ გამოხატავდა თავის რეაქციას მოსმენილის მიმართ და... აგრეთვე იმ თითო-ოროლა შეკითხვით, რომელსაც ახლა რომ ვიგონებ, ისე ოსტატურად, ისე მოხერხებულად, თან საქმის ისეთი ღრმა ცოდნით მისვამდა, რომ ამით თავისდა სასურველ კალაპოტში აქცევდა ჩვენს საუბარს და მისთვის საჭირო და აუცილებელ ინფორმაციას ამომწურავად იღებდა. ჯონ ვილსონზე გაუთავებლად შემძლია ვილაპარაკო. მოკლედ, მისი დიდი თანამემამულის სიტყვებით რომ ვთქვა, ის კაცი იყო, ვით შეჰფერის კაცსა კაცობა. ერთხელ, საუბარში თქვა: ჩვენ ირლანდიელები, ძველი იბერიელები ვართო: დიახ, ასე ბრძანა!

ჰოდა, ამ ჯონ ვილსონმა სიკვდილის წინ თავისი ქონების ნახევარი მე დამიტოვა, მეორე ნახევარი კი – ინგლისის ერთ-ერთ საქველმოქმედო საზოგადოებას. ეს მართლაც რომ ღვთისაგან ბოძებული ნყალობასა-

ვით იყო-ალბათ, ჩემი წვალეების თუ ტანჯვის საზღაური! ამ სასწაულს ზღაპრადაც ვერ წარმოვიდგენდი, მაგრამ ხანდახან, ათასში ერთხელ ცხოვრებაშიც ხდება თურმე ზღაპრული სასწაულები. როგორც ჩანს, ზღაპარიც არ იქმნება მთლად უნიადაგოდ, რაღაც საფანელი მასაც გააჩნია უთუოდ...

ნაჩუქარი და ჩემი დაგროვებული ერთმანეთს რომ მივუმატე – კაი გვარიანი თანხა გამოვიდა. ამ სახსრით უკვე შეიძლებოდა პირნათლად წარვდგომოდი ჩემს იდეალს.

მეტი დროის დაკარგვა არ შეიძლებოდა, მით უმეტეს, რომ ერთ მშვენიერ დილას უცებ „აღმოვაჩინე“, რომ 38 წლის გავმხდარიყავი. ამდენ დავიდარაბასა, წონიალსა და ფართიფურთში დრო თვალსა და ხელს შუა გამპარვოდა. უკან დარჩენილიყო ახალგაზრდობა და, მაშასადამე, ჭაბუკური ალტყინების საუკეთესო ხანა. თავისთავადაც, უამვითარებოდაც ეს მოვლენა – სიბერის მოახლოების ჟამის შეგრძნება, ვერაფერიშვილი სასიამოვნო ამბავი გახლავთ ყოველი ადამიანისათვის, ხოლო ახლა, ჩემთვის, მით უფრო საგანგაშო ვითარება შექმნილიყო.

ჩემთვის ახლა საშური იყო ყოველი წუთიც კი. ამიტომაც, დაუყოვნებლივ გამოვნიე საქართველოსკენ – აღარ მეცალა სავიშვიმოდ, თავში ხელის საცემად თუ გლოვა-ვაებისთვის. ნანატრი, ნაოცნებარი განძით ვბრუნდებოდი სამშობლოში...

იუმ შეისვენა. კარგა ხანი იყო თავჩაქინდრული და ხმას არ იღებდა. თხრობის გასაგრძელებლად თუ იკრებდა ძალ-ღონეს. რემაც გაუხმდრეულად იჯდა და მზერად და სმენად ქცეულიყო.

– თითო დავლიოთ კიდევ!

– შენი დაბრუნებისა იყოს, იუ! – მსწრაფლ აუბა მხარი სტუმარმა.

– ჩემი დაბრუნების? კაი ექვსი წელია უკვე აქა ვარ და ეჰ, ნეტამც არ დავბრუნებულიყავი საერთოდ. – ბაგე-პირი დაუგრიხა მწარე ღიმილმა, ერთბაშად გადაჰკრა ღვინო და ისევ გაჩუმდა ფიქრებმოძალეული. მერმე თავი გაიქნია, თითქოს უამურ აზრს იშორებსო და: – ჰო, სჯობია განვაგრძო, თორემ... ვინ იცის, ამაღამ ეგებ ვერც დავამთავრო... ჰო, გემით რომ დავცურავდი სხვადასხვა ქვეყნებში, ზოგჯერ უცნაური ხილვები მქონდა ხოლმე!

ხანდახან ღამლამობით მენვოდა ჩუმად ჩემი ოდინდელი სტუმარი – მწუხარე სახის რაინდი და... გავაბამდით საუბარს იქითურზე, აქეთურზე. ის თავის იბერიას მისურათხატებდა – მე – ჩემსას... მერე შევსხედბოდით ორივენი ჩვენს ბედაურებზე და თავანყვეტილნი დავექროდით ხოლმე ფანტაზიის საუფლოში და ტოლს არ ვუდებდით ერთმანეთს წარმოსახვათა ფერადოვნებასა და ზეალმატებულობაში. ჟამით ჟამამდე

ჩამოუქროლებდი ხოლმე ჩვენს შორეულ სანახებს. იმ ადგილებს, სადაც ოდესმე დავვანებულვართ, სადაც ოდესმე შეუღწევია ჩვენი გონების მზერას.

სხვათა შორის, პირველად ზღვის გაშლილ სივცეში რომ გავიდა ჩვენი გემი, უცაბედად ვიგრძენი, რომ რაღაც სხვანაირად ამიჩქამდა სისხლი ძარღვებში, აშკარად შევატყვე ჩემს თავს, რომ თითქოს ავტროვდი, (დააკვირდი: ტროა?... ატროებული?... მიგანიშნებს რამეს?), ადგილს ველარ ვპოულობდი. მერე გავაცნობიერე – კაი ხნის მერე, რომ ეს ჩემ წინაპართა – თავგადაკლულ ზღვაოსან ლაზთა სისხლის ყვილი იყო უთუოდ, იმ ლაზთა, ვიკინგებზე ბევრად ადრე რომ მეკობრეობდნენ ზღვებისა და ოკეანეების სივრცეებში და რომლებმაც ჯერ კიდევ როდის უნიეს თურმე ამერიკის კონტინენტს, როგორც ფიქრობს ხოლმე ახლა ზოგი კარტოგრაფი და გეოგრაფოსი.

ხანდახან მართლა მგონია კიდეც, რომ რეინკარნაციაგამოვლილი სული ვარ-მეთქი და რატომღაც უფრო ხმელთაშუა ზღვის აუზს დასტრიალებდა ჩემი ფიქრი და გონება. ეგების ამიტომაცაა განსაკუთრებით, გამორჩეულად რომ მიყვარს და მიზიდავს იტალია – ძველი ეტრურია – კირკეს შვილის რომანოსის თუ ტროელი პელაზგის – ნენოსის სამკვიდრო! ჩემი განაყარი ბიძაშვილები მგონია სიცილიელები, სარდინიელები, ტოსკანელები და მართლაც რომ გასაშტერებელი მსგავსებაა ჩვენსა და მათ შორის, და აგრეთვე... გასკონელები. ო, გასკონია-ბასკეთი...

შენ უნდა თავად ნახო, რა მსგავსებაა ჩვენსა და მათი დაბა-სოფლების, მდინარეების თუ მთების სახელწოდებებს შორის!.. საესე მაქვს რვეულები ჩანანერებით, შენიშვნებით... ბევრი მიფიქრია ამაზე: გასკონია-ბასკეთის, პირინეების იბერიისა და კავკასიის იბერიას და საერთოდ, ევროპის სამხრეთის, აფრიკის ჩრდილოეთის სანაპიროებსა და ხმელთაშუა ზღვის აუზის უძველეს მკვიდრთა წარმომავლობის შესახებ... მითოლოგია, ლეგენდები, თვით არგონავტიკა ხომ ფრიად საგულისხმო ცნობებს შეიცავს, რომელთაც გაშიფვრა სჭირდებათ და რომელთა საიდუმლოებებზე ახლა თავს იმტვრევენ ევროპელი მეცნიერები... ძველი კოლხეთი... იბერია, არიან-ქართლი, ქალდია-ქალდეელები, თუბალ-იბერები, სასპერები-მოსოხები, კოლხები, კირკე და კირკეს შვილი რომანოსი – რომის დამაარსებელი, ეტრურია და ეტრუსკები (სკუა, სკუ, სკი, სკირი, სქირი – რა კავშირია მათ შორის? სკი თუ დაბადებას ნიშნავს და სკუ – საბადებულს – ფსკერი, აფსკი, ფსკა რა მიმართებაშია მათთან?), ეტრუსკების მეფეს – ვაკუნა ერქვა (მოკონა, ვაკონა – მინდა-არმინდა – აკი ახლაც ჰქვიათ მამაკაცებს სამეგროლოში?). პასიფაეა – ყოვლის, ყველაფრის

მანათობელი – აიციტის და კირკეს და – მინოსის მეუღლე... არგოლიდა და არგოსელები – პელოპონესის პელაზგები და მ-არგ-ალ-ები...

კრეტის მინაზე პირველად რომ დავადგი ფეხი, ისეთი შეგრძნება მქონდა, თითქოს ჩემს ოდინდელ სამშობლოში მოვედი-მეთქი და აი, ამდენი ხნის განშორების შემდეგ შემომეგებება პასიფაეა ალერსიანი ღიმილით და ვითარცა სასურველ და მონატრებულ დისწულს-სტუმართმოყვრულად შემეპატიჟებს თავის ბრწყინვალე, ლაბირინთიან, ლეგენდარულ სასახლეში. გარს შემომეხვევიან მხიარულ ფერხულში ჩემი ძველი დობილები – კუნძულ სქერიას ასულები (სამეგრელოს სქურის და სქერის ასულთა დარად!) ანდა სკიროსის ქალწულები და კრეტის უმაღლესი მთის მწვერვალ მოდიდ-ან ნამიძღვებიან თემის-კირამდე – ამორძალთა სამყოფელისკენ.

ამორძალები ხომ – ეს ზღაპრული სილამაზისა და სიმამაცის ასულები ხშირად, ძალზე ხშირად მესიზმრებოდნენ ხოლმე გემზე ყოფნის დროს. ქარში გაშლილი ოქროსფერი თმების ფრიალით, ურაცხენებზე ამხედრებულნი, თავანყვევით რომ მიჰქროდნენ ფართო ველ-მინდვრებზე... თუ ოკეანეებისა და ზღვების უსაზღვრო სივრცეებში. ჩემდა უნებურად ვეძებდი ხოლმე ხან ამორძალთა ნაკვალევს, ხანაც ატლანტიდის თუ აიასს კუნძულს – მზის ასულის – კირკეს საბრძანისს.

ეჰეი, პენტესილეავ – ამორძალთა პირმშვენიერო დედოფალო და ფეაკელნო ასულნო – ტროელთა თანამომძენო და თანამდგომნო! ეჰეი, იავარქმნილო და ამონყვეტილო ტროავ – ესოდენ ვერაგულად, ცბიერად მოლორებულო და ძლეულო ილიონელებო – ძმანო და თვისტომნო – ჩემი ბავშვობისდროინდელი სევდავ და გულისტკენავ, გაუცნობიერებელი ნუხილო და დარდო, და... ფარულო ცრემლო! რატომ მეწევა ასე თქვენსკენ ჩემი გული და ღამეულ ზმანებებში რად მიხმობთ გამუდმებით?

ილიონო და... ერისიონო, შატილიონო და მხედრიონო, სიონო და კავკასიონო, აპოლონ კავკასო და დევეალიონო, ასტერიონო – კრიტოსის მეფე და ევროპის ქმარო, დიდონავ და დეა-დიავ! ჰერა პელასგიავ და კურეტის კუნძულზე ნაშობო ხარის ღვთაება ზევსო – ქურუმ კურეტების მიერ გაზრდილო (კურატი? კურო?) პელასგეკოსო! ფელემთუმელნო – ზღვის შვილნო და ქორედ-ის მთავ, ო-კიანე და ო – კიროვე – ასულო ზღვათა ღვთაებისა, ტიტანთა მოდგმის ღვთაება პრომეთე – ძლეულო ახალი მოდგმის ღმერთების მიერ და ამირანო ჩვენო – რად მიხმობთ-მეთქი, რას მესაიდუმლოებით? სულის რომელ ქარაგმის ამოხსნას ცდილობთ? რომელი იეროგლიფის? რომელი პირამიდისკენ მახედებთ – ეგვიპტის თუ... თუშეთის? რათ მირხევს სულის იდუმალ სიმებს თქვენი სახელების მაგიური ჟღერა? რას მაგონებთ მზის ნულნო და მოდგმავ

ბარბალ ღვთაებისა? ლეგენდარულო ნეფერ-ტიტი და ბჟალარას ნატენო, კოსმიურნო თესლნო თუ ცთომილთა გარდასულო ბინადარნო, გენუკვით: ამიხილეთ დაბინდული მზერა, ათასწლეულების ტვერში ჩაკარგული გეზ-ნიშანი გამისხივოსნეთ კვლავ!

ვინა ვართ ჩვენ, ბოლოს და ბოლოს? საიდან მოვედით?

საით წავალთ? სადაა ჩვენი ძირი და ფესვი? აქ – კავკასიონზე თუ იქ, ჰიმალაის კავკასიაში? რადა მაქვს ისეთი შეგრძნება დროდადრო, რომ უსასრულო, უბოლოო სივრცეებშია თითქოს განფენილი სული ჩემი და საცხოვრისი ჩემი?

გაიხსნება კი ოდესმე საიდუმლო ქარაგმები და იეროგლიფები გარდასულ საუკუნეთა? გაიხსნება კი ოდესმე „ამა ენასა შინა დამარხული საიდუმლოებანი ქვეყნიერებისანი“ – სამყაროს მარადისობით დაღდასმულნი?

თუ უფლის ნება იქნება, თუკი დადგება ჟამი საამისო, ალბათ, გაირკვევა, აეხდება ბეჭედი ცხრაკლიტულში, ცხრა მუხის ძირას, ცხრანყაროსთან დაფლულ კოსმოგენიურ ასო-ნიშნებს. მანამდე კი...

თუმცა... აქვს კია მნიშვნელობა აპოკალიფსის მოლოდინში – ვინ-ვინ იყო, ვინ ვინაა და სადაური? ვინ ვისი დვრიტაა და ვინ დაუდო სათავე საზრისს ადამიანისას? ვინ როდის განვლო განკაცების საფეხურები? სად შეჩერდა-უფრო სწორად – სად შეაჩერეს? რისთვის, რა მიზნით?

შორეული მომავლის საქმეა ალბათ რკვევა-დადგენა ყოველივე ამისა და მაინც... ცნობისნადილის ჭია მიღრღნიდა ტვინს და სულს მიფორი-აქებდა გარდასულ ჟამთა ჩვენებანი...

...ბათუმის ნავსადგურში, მინას რომ ფეხი დავადგი-ვიტირე! დიახ, ვიტირე! ცრემლები ღვარად გადმომსკდა თვალთაგან. თავისით მოედინებოდნენ ისინი, ჩემდა დაუკითხავად და სიმართლე რომ ვთქვა, არც მიცდია თავის შეკავება და წარმოიდგინე, სრულებითაც არ მრცხვენოდა ამ ცრემლების. ვტიროდი. მორჩა და გათავდა. აქ მე ყველასთვის უცხო და უცნობი ვიყავი. სხვა დროს არც არასდროს ვყოფილვარ ბათუმში, მაგრამ აქ მაინც ყველაფერი ახლობელი და ძვირფასი იყო ჩემთვის: ეს ცა, ეს ჰაერი, ეს მინა, ეს ხე, ბუჩქი, სახლი, ქუჩა, ადამიანები, ყოველი გამველელი: ის შუბლისქვემოდან მომზირალი აჭარელიც – თავისებური კილოკავით მოლაპარაკე, ვისთვისაც რელიგიურ ფანატიზმს ლამის უცხო და შორეული გაეხადა ყოველი გურჯი. მზად ვიყავი, ყოველ მათგანს მივვარდნოდი, დამეკოცნა, ყოველ მათგანის მკერდზე დამეღვარა მღუღარე ცრემლი, რადგან მან თუ არა, მე ხომ ვუნყოფი, ლაზების არ იყოს

– სისხლისმიერი ძმა რომ იყო ჩემი და იმ ავბედითი უნდობლობისა და იჭვიანობის ყინულს დროთა ვითარებაში გააღებდა მოყვასის სითბო და სიყვარული...

ჩემს წარმოსახვაში იმ მომავალი, ერთიანი საქართველოს საუკეთესო ნაწილად წარმომედგინა ეს კუთხე, გაღმა-გამოღმა მხართურთ, ან დაკარგულ ლაზებიანად: ტრაპიზონსა თუ სტამბოლში ხან რომ ბერძნობენ თუ ფრანგობენ, და ხანაც თურქის ჩალმა ახურავთ თავზე – კაპადოკიელ ჭან-მესხების თუ... ჰერეთელების დარად. – დრო-ჟამის ანუ მძლავრობის მონოლისდა კვალობაზე! იმთავითვე ჩვენი შავბნელი, სისხლიანი ისტორიის ჩარხი ხომ ამ მძლავრობაზედ ტრიალებდა ჩვენდა საუბედუროდ: მისით განიზომებოდა ჩვენი ქვეყნის ყოფნა-არყოფნის საკითხი!

... იმავე საღამოს ჩავჯექი მატარებელში და ტფილისში გამოვემგზავრე. შეგნებულად, ჯიუტად არ ვიხედებოდი სამეგრელოსკენ, მშობლიური სოფლისკენ, სადაც მოხუცებული დედ-მამა მეგულებოდა, რომელთაც მთელი ამ ხნის განმავლობაში წერილებით თუ ვეხმინებოდი. გული შეგნებულად გავიქვავე. თავს იმით ვინუგეშებდი, ჯანმრთელად რომ იყვნენ, ცოცხლობდნენ და იობის მოთმინებით ელოდებოდნენ თავიანთ „უძღებ“ და გზაბნეულ შვილს, რომელიც რა დღეს, რა ხვალ ცხოვრებისაგან ნაცემ-ნაგვემი, მაგრამ უვნებელი და... მონანიებული – დაუბრუნდებოდა მშობლიურ ბუდე, მოსიყვარულე, ლოდინით გულგადაღულ მშობლებს. ასე სწამდათ და სჯეროდათ მათ. მეც მწამდა და მჯეროდა, რომ უვნებელი დაუბრუნდებოდი ჩემს კერას. და აი, მართლა, მე დავბრუნდი, მაგრამ... ჩემი გზა მიემართება არა მშობლიური ინჩხურისაკენ, არამედ – ტფილისში.

მატარებელში მთელი ღამე თვალი არ მომიხუჭავს.

ტფილისის გარდა სხვაგან არ გამსხლტომია ფიქრი. თითქოს გასაოცარია ეს, მაგრამ ვახერხებდი, დამემუხრუჭებინა აზროვნება – არც იქით, არც აქეთ არ გამეხედა გონების თვალთ: მარტო ერთი აზრი მიტრიალებდა თავში-საქმე მისაკურნს იყო მისული, ახლოს, ძალიან ახლოს ვიყავ მიზანთან და, მაშასადამე, მმართვედა მთელი ჩემი შინაგანი ძალების მობილიზება. ერთხელ კიდევე დავრწმუნდი, რომ ინტელექტს, გონს შეუძლია მართოს ადამიანის ნებისყოფა, იყოს გამგებელი მისი სურვილების.

... გაუძირველად ვინეკი წარზე და უკვე მერამდენედ, სხვადასხვა წიუანსებით და დეტალებით წარმოვიდგენდი ილიასთან შეხვედრის სურათს.

მთელი იმ ხნის მანძილზე, რაც ჩემს ქვეყანას ვიყავი მოშორებული, ერთხელაც რაა, ერთხელ არ გაჩუჩუნებულა თავში აზრი, რომ შესაძლე-

ბელი იყო ილია ცოცხალი არ დამხვედროდა, ანდა მე მომსვლოდა რაიმე უბედურება და ილიას უნახავად სული დამელია სადმე უცხოეთში. არა. ერთი წამითაც არ ვუშვებდი ასეთ აზრს. ეს საარაკო თვითრწმენა თუ თვითდაჯერება, შესაძლოა, მანიაკალურიც ჩანდეს სხვის თვალში, მაგრამ... ჩემი აზრით, აქ სხვა რამეა უფრო საგულვეტელი... მაგრამ ამაზე ახლა არ შევჩერდები!..

ასე იყო, თუ ისე, მთვარეულივით მივიწვედი საბოლოო მიზნისკენ – მართალია, დედა რა ვნახეო არა, მაგრამ მაინც: საკმაო ოდენობის განძით, რათა პირშეურცხვენლად წარვდგომოდი ერის სულიერ მამას, მის უგვირგვინო მეფეს.

კითხვა-კითხვით, როგორც იქნა, მივანე „ივერიის“ რედაქციას. კაი ორი წელი ხდებოდა, რაც გარემოებათა გამო, თითქმის მოწყვეტილი აღმოვჩნდი აქაურ ამბებს. უკანასკნელად ჩვენებური ნიკო ბაგრატიონი ვნახე ალექსანდრიაში, ბურებთან მიმავალი. მას შემდეგ არავის შევხვედრივარ საქართველოდან. მხოლოდ ინგლისის პრესის საშუალებით ხანდახან მეძლეოდა საშუალება გავცნობოდი ოფიციალურ ინფორმაციას დიდი იმპერიის ერთ-ერთ განაპირა „ოკრაინაზე“ და შიგმცხოვრებ „ტუზემცებზე“, რომელნიც დანარჩენი კაცობრიობის თვალში სამხრეთელი რუსები გახლდნენ, ხოლო თავად რუსების განმარტებით – კავკასია ხომ სამხრეთის ციმბირი იყო. თუმც კი შინიდან ვლებულობდი ბარათებს და ცხადია, არც მე მქონდა ჩემიანებთან და ჩემს ახლობლებთან განყვეტილი მინერ-მონერა, მაგრამ ბოლო ხანებში ეს კავშირი დაირღვა მიზეზთა გამო სხვათა და სხვათა და ამიტომაც იყო, ალბათ, უცაბედად რალაცნაირი სიფრთხილის თუ შიშის გრძნობა დამეუფლა. „ივერიის“ მეორე სართულის კიბეს რომ ავუყევი, თანდათან უფრო და უფრო მიძლიერდებოდა ეს გრძნობა.

აქამომდე თითქოს მშვიდად და წყნარად გამოვიყურებოდი გარეგნულად, მაგრამ ახლა, როცა ასე დავუახლოვდი იმას, რაც ამომემიზნა ცხოვრებაში და რაც ჩემი არსებობის უმთავრეს საზრუნავს წარმოადგენდა – შეკრთომა თუ შიში შევატყვე-მეთქი ჩემს თავს და... ვიგრძენი, ფეხები უკან მრჩებოდა, აზრები დამფანტვოდა.

„რაო? რა განძი მოგაქვს ვითომ ამისთანა? – აქირქილდა ანაზდად იქ, შიგნით ჩემს სულში ვილაც უცხო, კირკიტა და მავნე არსება. ანუ ჩემი ორეული – ეგეც არ იყოს, თუ გიფიქრია იმაზე, როგორ შეხედავს თავად ილია შენს საქციელს? ხომ შეიძლება იფიქროს, რომ ვილაც დამთხვეულ, შერევილ კაცთან ანდა... სულაც ყაჩაღთან აქვს აქმე? ან კიდევე უარესი – მანიაკთან? ეგება სჯობია, სანამ გვიან არაა, გაბრუნდე უკან? თუ მაინც-დამაინც არ დაიშლიდი, ეგებ აჯობებდა გამოგეზავნა ეს შენი განძი თუ

რალაც ოხრობა ისე, რომ შენ თვითონ არც გამოჩენილიყავი? აკი მარცხენამ არ უნდა იცოდესო რასა იქმს მარჯვენა!.. მაგრამ, არა. შენ სულმა ნაგძლია, ანდა მთლად უარესი: შენ გინდა თავი მოიწონო ილიას წინაშე, აქაოდა, შემომხედეთ, როგორი თავგამოდებული კაცი ვარო საქმისათვის, როგორი უანგარო, გულწრფელი და სულგრძელი გახლავართ, როგორი გულუხვი და უშურველი: სასტუმროშიც კი აღარ გაჩერდი, თავი რომ მოგენესრიგებინა – სადგურიდან პირდაპირ აქეთკენ გამოქანდი. საცა ამდენი წელი ითმინე, ახლა რა გეტაკა, რა სულსწრაფობა გჭირს იმისთანა, წამითაც რომ არ გინდა გახედ-გამოხედვა, აზრის მოკრება-დალაგება, გულდინჯად საქმის მოაზრება!.

სახელის მაძიებლობა და პატივმოყვარეობა თითქმის დედის მუცლიდან რომ გვაქვს თანდაყოლილი-მეთქი, წელანაც აღვნიშნე. რასაკვირველია, სახელისათვის ზრუნვა თავისთავად ურიგო საქმე არ უნდა იყოს. იგი, პირიქით, ამქვეყნიურ არსებობას ერთგვარ მიზანსაც ანიჭებს, თუკი ეს ზრუნვა და მაძიებლობა არ გადაიზრდება ერთიმეორის მიმართ გაუტანლობაში, დაუნდობლობაში, შურში, შულღში და ასე შემდეგ, რითაც ესოდენ „მდიდარია“ ჩვენი ისტორია: სხვათა შორის – არანაკლებ სხვებისაც! მოკლედ, ჩემ თავს შევატყვე, წინანდელი რიხი და თავდაჯერებულობა საპნის ბუშტივით გამსკდარიყო. სანაცვლოდ, საოცარი უმწეობის გრძნობა დამეუფლა.

...ერთბაშად ზეავივით მოვარდნილი უამური, მღვრიე ფიქრებისგან გულდამძიმებული, ინერციით განვავრძობდი გზას, უფრო სწორად, მივითრევედი ტანს, ფეხებს აჯა-ბაჯა ვდგამდი, თითქოს 38 წლის ათასწირვარამგამოვლილი კაცი კი არა, არამედ ისევ ისე გამნაზია ახალდამთავრებული ყმანვილი ვიყავი, სატრფოსთან პირველი პაემნის მოლოდინში ფერფური რომ მისდის და გული უკანკალებს.

...რედაქციის კარი უკვე შინაგანი ბრძოლით გასაცოდავებული, სანყალი კაცის იერით შევალე. ჩემს თავში ამდენი მოულოდნელი სიგლახეების აღმოჩენით დათრგუნული, ძლივსძლივობით ვითქვამდი სულს. ალელვებამ ისე დამრია ხელი, რომ აღარც მახსოვს როგორ ვიკითხე ენის ბორძიკით, ბატონი ილია თუ ბრძანდება-მეთქი რედაქციაში.

წარმოდგენილი მაქვს ახლა, რა შთაბეჭდილებას მოვახდენდი დამხვედურებზე. ჯერ ერთი, ილია, კაი ხანია, უკვე აღარ იყო „ივერიის“ რედაქტორი და მეორეც...

თანდათან მომივიდა სინათლე თვალში, თანდათანობით აღვიქვი, რომ ოთახში ორი კაცი იმყოფებოდა. ერთი, ასე დაახლოებით ჩემი ხნის მამაკაცი, შუბლშეკრული მიმზერდა. რატომღაც თვალში მომხვდა მისი ბანჯგვლიანი, დიდი ხელები, საქალაღდეზე რომ ეწყო. მეორე კი – ბე-

ბერი ჩანდა, ჩია ტანის, სათვალისანი, თმაქალარა; სუფთად გაპარსული პირი და წვრილი, შავი თვალეები ჰქონდა.

მახსოვს, სწრაფად გადახედეს ერთმანეთს. შუბლშეკრულმა კვლავ რატომღაც მტრული მზერით შემათვალისერა, მერმე მზერა გადაიტანა დიდ, შავ პორტფელზე, ხელში რომ მეჭირა და ვინ ბრძანდებით, სადაურო, გამოსცრა კბილებში და გამგმირავი მზერა ახლა სახეზე მომასო.

უარესად დავიბენი. ამხელა კაცი დამნაშავე პატარა ბავშვივით ვახამხამებდი თვალეებს. პირგამშრალი, ენით ვისველებდი ტუჩებს.

– მე?... უკაცრავად... მე მეკითხებით? – ძლივს ამოვიღულულუდე საქციელწამხდარმა.

– დიახ. თქვენ! აბა, აქ სხვა ვინაა, რომ ვკითხო? – მკვახედ მომახალა და გესლიანად, ნიშნისგებით ჩაიღიმო-ჩაიხვიხვინა.

– მე... – შევეცადე თავი მომეყარა დაბნეული აზრებისათვის, განყვეტილი მძივის მარცვლებივით რომ გამბნეოდა: „რა დაუშავე ამ კაცს?“

– იცით, მე... უცხოეთიდან ჩამოველ ამ დილით. უფრო სწორად, ბათუმიდან... და... ბატონ ილიას ნახვა მინდოდა...

– ა, ა... გასაგებია!... – თქვა ბერიკაცმა და სათვალე ცხვირზე ჩამოინია, დაკვირვებით ამხედ-დამხედა.

„რა არის გასაგები?... და საერთოდ... რა ხდება? რამ დაგაბნია იულონ ფალავა?“ – შევუძახე საკუთარ თავს უკვე ცოტათი გონსმოგებულმა.

– მამ, თქვენ არაფერი იცით, არა? – ისევ ისე მკითხა სათვალისანმა კაცმა, რომლის ხმასა თუ სახის გამომეტყველებაში უფრო მეტი გულისხმიერების თუ თანაგრძნობის ნიშანი დავიჭირე, ვიდრე იმ შუბლშეკრულ ვაჟბატონში, რატომღაც თავის თავს რომ მამადლიდა.

– რა... რა უნდა ვიცოდე? – ავმა წინათგრძნობამ გული გადამიქანა და... ერთბაშად სასვებით გამოვფხიზლდი, შინაგანად გავფაციცდი ცუდის მოლოდინში.

– ილია ცოცხალი აღარ არის, შვილო, აგერ მესამე თვეა უკვე! – თუმცა მყისვე მივხვდი ამ სიტყვების საშინელ მნიშვნელობას, მაგრამ როგორც ყოველთვის ხდება ხოლმე მაშინ, როდესაც არ გინდა დაიჯერო, უაზროდ, ექოსავით გავიმეორე:

– როგორ თუ... ცოცხალი არ არის?..

– დიახ. არ გახლავთ ცოცხალი! ილია მოკლეს! – ახლა იმ შუბლდაბღვერილმა მესროლა ტყვიასავით ეს სიტყვები.

– როგორ თუ... მოკლეს?! – ვიგრძენი, სახე დამიგრძელდა უსამველოდ, თვალეები შუბლზე ამიცვივდა. „რას ჩმახავს ეს უბედური?“ – გამირბინა თავში ელვისუსწრაფესად და უკვე შემართული, მძულვარე-

ბით სავსე თვალებით მივაჩერდი. მზად ვიყავი, ყელში ვწვდომოდი ამ არამზადას და მიმეხრჩო.

– რით ვერ გაიგეთ, ბატონო, ბოლოს და ბოლოს? ილია მოკლეს-მეთქი, გეუბნებით. სიცოცხლეს გა-მო-ასალ-მეს! – დამიმარცვლა ბოლო სიტყვა.

– სანდრო! – საყვედურნარევი ხმით შეუძახა სათვალისანმა შუბლშეკრულს და წამოდგა: – დაბრძანდით, ყმანვილო! – მომმართა საჩქაროდ კარებში აყუდებულს. ჩემს დამხვედურებს აქამდე აზრად არ მოსვლიათ, სკამი შემოეთავაზებინათ ჩემთვის. მოხუცებულმა, მისი ასაკისთვის მოულოდნელი სიმარდით, შემოურბინა მაგიდას, სკამი გამომინია და მეც უანგაროშოდ, უფიქრელად დავეშვი მასზე, უფრო სწორად, დავეგდე ძაღლონწართმეული. ჩემი დიდი, შავი ჩანთა იატაკზე აღმოჩნდა. მოხუცმა წყლით სავსე ჭიქა მომიცუხცუხა. მექანიკურად ჩამოვართვი, და ნერწყვამშრალ პირთან მივიტანე, რომ რამდენიმე ყლუპი მომესვა. მახსოვს, ხელის კანკალის გამო ჭიქიდან წყალი გადმოიღვარა. კბილებს კანკანი გაუდიოდა. ვერა და ვერ მოვრეოდი მღელვარებას, მთელი ჩემი არსება რომ შეეპყრო.

– დანყნარდი, შვილო, დამშვიდდი. მოსვი წყალი!.. ეჰ, რას ვიზამთ! ასეთი უბედურება დაგვატყდა თავს... ჩვენი სათაყვანებელი ილია აღარ გვყავს. დაობლდა ჩვენი ერი. მოგვიკლეს ჩვენი სახელოვანი შვილი, ჩვენი უგვირგვინო მეფე!..

მოკლესო? ილია მოკლესო?!

ეს იყო ცის დამხობა ჩემს თავზე! მეხის უეცარი გაგარდნა.

მინა გამომეცალა თითქოს ერთბაშად ფეხქვეშ და ჩემს ირგვლივ ყველაფერმა ტორტმანი დაიწყო.

„დაობლდა ერიო... ჩვენი სათაყვანებელი ილია... მოგვიკლესო!.. კი მაგრამ... ვინ მოკლა? ვის შეეძლო ილიას მოკვლა? თუ არა მტერს, საქართველოს დაუძინებელ, ვერაგ მტერს!“ კი, ილია შეიძლებოდა მომკვდარიყო, მომკვდარიყო თავისი ბუნებრივი სიკვდილით. ამ აზრს გაჭირვებით, მაგრამ შევეგუებოდი მაინც როგორმე. მაგრამ... მოკლესო?!

ილია მოკლესო?!

– ვინ... ვინ მოკლა ილია? – ისევ დამება ენა და გულმა ყელში დამიწყო ცემა.

– ისევ ჩვენ, ჩემო ბატონო, ისევ ჩვენივე ხელით: საუბედუროდ და სავალალოდ ჩვენდა!

„როგორ თუ... ჩვენ? რას ბუფუტურობს ეს ბერიკაცი?“

ილიას მოკვლით ხომ საქართველოც მოიკლა, მოიკლა მისი სული... და როგორ? ქართველების ხელით მოხდა ეს არნახული, არსმენილი ბარ-

ბაროსობა?

შეუძლებელია! წარმოუდგენელია! ღმერთო დიდებულო!

ჭკუიდან არ გადამიყვანო, არ შემშალო და არ გადამრიო. გვედრები, გემუდარები, რამეთუ... არ ძალმიძს დავიჯერო, რომ, ჩვენ, ქართველებმა... ჩვენივე ხელით დავამხეთ ჩვენი დიდება!“

...იმ დღეს სამუდამოდ მოკვდა ჩემთვის ეს უბადრუკი ქვეყანა და მისი უბადრუკი ტომები. დიახ, ტომები, რადგან ერი – ერთობ ამაღლებულად ჟღერს ამ ნახირისათვის!..

...კიბეზე რომ ჩამოვდიოდი, შუბლშეკრულის სიტყვები გავიგონე, მოხუცს რომ მიაყვავა ჩემს გასაგონად:

– ის დღე დაიქცეს, როცა სურამის გვირაბი გაიხსნა!

დიახ, ასე, ზუსტად ასე ითქვა ეს ფრაზა. მაშინ, იმ წამს არა, მაგრამ შემდეგ მომაგონდა ჩვენი მემატინის სიტყვები: „თუ ამათ ერთი პირი ჰქონებოდათ, ვერც არას უზამდნენ, ვერც ამათ სხვა მტერი წაართმევდა რასმეს... ამათი საქმე ნიდაგ ასე ერთმანეთის მოსისხლეობით გათავებულა და წამხდარა, მაგრამ ამ საქმეს არც მოკლებიან და არც მოუშლიათ“. ანუ: „კახელების აღმა ხნული, ქართველებმა დაღმა ფარცხესო“. – ჯერ დამცრობა ნახე ქართველის მცნებისა? აკი ამიტომაც იყო, ყველამ რომ წაგვკრა თითო ხიშტი!

... ქუთაისში სწავლის დროს არაერთხელ გადავწყდომივართ, შენც გეხსომება, ალბათ, მსგავს გამოხდომებს, მაგრამ მათ შედარებით ადვილად ვხსნიდით უმეცრებით, სიბრიყვით, საქართველოს და მისი ცალკეული კუთხეების ისტორიის არცოდნით, ან საიდან უნდა სცოდნოდათ, ვინ ასწავლა, სად უნდა ესწავლა! – ყველას ხომ არ ჰქონდა ოჯახში მამაჩემივით, საგვარეულო ბიბლიოთეკა! ხოლო ის გარემოება, ბელიავსკის ტიპის მასწავლებლები საგანგებოდ რომ გამოგვყოფდნენ: „მენგრელებს“, „იმერეტილებს“, „გურიელებს“ ერთმანეთისაგან და შემდეგ: „კარტლო-კახეტიელებისაგან“ და ა.შ. – გასაგები გახლდათ! აბა, რა ძნელი მისახვედრი იყო, რა მიზანს ემსახურებოდა ეს დაყოფა! დევიზი: – დაჰყავი და იბატონე! – ახალი ხილი ხომ არ არის ბიზანტიის თავგადაკლული მემკვიდრისათვის, როგორადაც რაცხს თავის თავს რუსეთის იმპერიის? მაგრამ... ქართველის პირისგან ნათქვამი...

...ჰმ! სურამის გვირაბიო! და ამას რუსეთის მოხელე კი არა, არა მდებო ვინმე, არამედ „განათლებული“, ე.წ. ინტელიგენტი ქართველი, „ივერიის“ მუშაკი ამბობდა!

მაშასადამე, მართლა დაგვკარგვია თურმე ერობის ძირითადი ნიშან-თვისება – ერთიანობის შეგრძნება, მაშასადამე, მართალი იყო ილია, როცა ჩიოდა, დავთითოებულვართ, დავრჩენილვართ ცალკეული

ტომების ხელოვნურ ნაერთად თუ მექანიკურ ჯამად, რომელთაც ერთ-მანეთის არაფერი ესმით, არაფერი გაეგებათ. სამარცხვინო კუთხურობა, ურთიერთმტრობა, კინკლაობა, მეშურნეობა და მეშულლეობა ვერ მოგვიშლია. ამ მოძიძვილავე ტომებისთვის საქართველო და ქართველი, თვით ილიას თქმითვე, მხოლოდ ქართლელია დარჩენილა. „ვაი იმ ხალხს, რომელსაც საერთო ძარღვი გაუწყდა, ვაი იმ ქვეყანას, საცა საერთო ძარღვში სისხლი გაშრა, საცა ყველაში თითო არ არის და თითოში – ყველა, საცა თვითეული ყველასთვის არ ჰფიქრობს და ყველა თვითეულისთვის, საცა „მე“ ხშირია და „ჩვენ“ იშვიათიო.“ მაშასადამე, ცამდე მართალი იყო ილია, როცა, უპირველეს ყოვლისა, ამ ერთობის აღდგენას მოითხოვდა, ერის არა მხოლოდ სხეულის – სულის გაერთმთლიანებას ისახავდა მიზნად; და შემდეგ: ჩვენ, ისეც დაქსაქსულთა, ერთმანეთთან გადამტერებულთა, რალა ნოდებრივის საგნების წამოსაყენებლად გვეცალოსო, რომ ამბობდა.

ილიას მკვლელნი, ყველაფერს გარდა, სწორედ ამ ერთობის მოძულენი და, მაშასადამე, საქართველოს უბოროტესი მტრები არიან. წინამურში გასროლილი მუხთალი ტყვია გამიზნული იყო საქართველოს აზრის და გონების მოსაშთობად.

მკვლელს რომ შესძლებოდა, საქართველოსაც მოკლავდაო, აკი უბრძანებია თურმე აკაკის. შეძლეს და მოკლეს კიდეც, რადგან-სწორედ ილია განასახიერებდა საქართველოს უკვდავ თანამდეგ სულს.

...მშობლიურ სოფელში ჩემი სახლ-კარი გადაბუგული დამიხვდა: „ერთობის, ძმობის, თანასწორობისა და თავისუფლების“ სახელით ცეცხლისთვის მიეცათ მამაპაპეულ ოდა-სახლი. ჩემს მოხუცებულ მშობლებს იმერეთში, ხონში, სიძე-ქალიშვილთან შეეფარებინათ თავი. რამდენიმე ხნის შემდეგ მამა გარდაცვლილა – ეტყობა, გადატანილმა ელდამ იმოქმედა მოხუცზე – გულმა უმტყუნა თურმე – (სხვათა შორის, ხანძარმა გაანადგურა ჩვენი საგვარეულო წიგნთსაცავი – საუკუნეების განმავლობაში ნაგროვები უძვირფასესი ხელნაწერები თუ ნაბეჭდი წიგნები). გასაცოდავებულ-გაუბედურებულ დედას ცოცხალს კი ჩავუსწარი, მაგრამ მალე, რამდენიმე თვეში ისიც მიიცვალა... ერთადერთი ნუგეში მისთვის ის გახლდათ, რომ ჩემს უნახავად არ მიაბარა სული უფალს.

...დიდი ხანი არ იყო გასული ჩემი ჩამოსვლიდან, რომ შემთხვევამ მოიტანა და პირისპირ შევხვდი იმ კაცს, ჩვენს სახლ-კარს რომ ცეცხლი ნაუკიდა: თავისი გადარჩენილი რაზმით გრიშა გაგულია ტყეში იმალებოდა. მეც, ერთი მოკეთის მიერ დაგზავალიანებულმა, იმ ტყეში დავიწყე ხეტიალი, ეგება სადმე გადავეყარო გაგულის რაზმს-მეთქი; მართლაც, მალე ამიხდა ნატვრა. ერთ მშვენიერ დღეს ტყეში მობოდილეს,

თავს დამეხსნენ გაგულის რაზმელები, შემიპყრეს და ჯერ უდიერად გამჩხრიკეს, მაუზერი უბოდიშოდ ამომაცალეს, მერე თვალი ამიხვიეს და ჯიკავ-ჯიკავით მიმგავრეს თავიანთ ბელადს.

მწყემსების თუ მეტყვეის მიერ მიტოვებულ ჯარგვალში გაგულის გარდა კიდევ რამდენიმე, რომ იტყვიან, კბილებამდე შეიარაღებული ახალგაზრდა დამიხვდა. შედიოდნენ და გამოდიოდნენ საქმიანი იერით და ალგზნებული სახეებით. მათი მეთაური წარამარა რალაც განკარგულებებს იძლეოდა უცნაურად გამყინავი, უსიამო ხმით. მისი მბრძანებლური იერი, მიხრა-მოხრა, თვითკმაყოფილი, თავის თავში დარწმუნებული კაცის მანერები შორიდანვე, ერთი თვალის შევლებითაც, თვალში საცემი იყო და გონებაში მკვიდრად ჩამებეჭდა (როგორც მერე გავიგე, გაგულის რაზმს უკვე არ ედგომებოდა ჩვენში და მგონია, ჩრდილოეთ კავკასიაში თუ რუსეთში აპირებდნენ გადაბარგებას).

ამ კაცის ნახვა მინდოდა არა შურის საძიებლად, არამედ სხვა რამ გრძნობა მამოძრავებდა მის მიმართ, სხვა რამე მქონდა გუნებაში განზრახული, ამიტომაც არ დავერიდე თუნდაც ასეთი გზით მასთან მოხვედრას.

ალექსანდრიაში, ბურებთან მიმავალ ნიკო ბაგრატიონს რომ გადავეყარე-მეთქი შემთხვევით, მახსოვს, ვკითხე, ბურებთან რა გინდათ, ნიკო ბატონო, განა საქართველოში დაილია-მეთქი საქმე. იმათთან მივდივარ, ვინც ეროვნული თავისუფლებისთვის იბრძვისო – მომიჭრა ბაგრატიონმა. განა ჩვენში არ იბრძვიან-მეთქი თავისუფლებისთვის, რომ გავიოცე, როგორ არა, იბრძვიანო, მომიგო ნიკომ ორჭოფული ღიმილით, ვეშაპის ხახაში მოქცეულნი, იმის ნაცვლად, უწინარესად ამ ვეშაპისაგან დაიხსნან თავი, აუფრიალებიათ კლასობრივი ბრძოლის ალამი და ერთმანეთს დარევიან, ხოლო ასეთ უგუნურ ხალხთან არაფერი მესაქმებაო-მიპასუხა.

სხვადასხვა წყაროებით გარკვეული წარმოდგენა მქონდა ამ ე.წ. კლასობრივ ბრძოლებსა და მის ნიადაგზე დატრიალებულ მოვლენებზე, კერძოდ, სოციალ-დემოკრატიებზე. სხვათა შორის, ჯერ კიდევ სტუდენტობის დროს დავიტერესდი მარქსიზმით და საკმაოდ საფუძვლიანად გადავიკითხე მარქსისტული ლიტერატურა. სტუდენტობის დროსვე გავიცანი ორი ჩვენებური ახალგაზრდა, ერთი ხალხოსანი გახლდათ, ჯაბადარის მიმდევარი, მეორე – მარქსისტი იყო. ამ თითქოსდა ერთიმეორისგან სრულიად განსხვავებული მოძღვრების მიმდევართ ერთი საერთო, დამახასიათებელი თვისება აღმოაჩნდათ: ეს იყო საშინელი მტრობა-სიძულვილი ყოველივე მშობლიურის, დედულ-მამულის და მათ მიერ თავადაზნაურულ-ფეოდალურად მონათლული ისტორიისა და კულტურის მიმართ.

ამასთან, საინტერესო ის გახლდათ, რომ ორივეს ერთობ ბუნდოვანი, ზერელე ცოდნა ჰქონდა საკუთარი ქვეყნის ისტორიაზე. ალბათ, სწორედ ამ უცოდინარობიდან და უვიცობიდან იყო გამომდინარე მათი ეგოდენ აგდებული, დამცინავი, ქილიკური დამოკიდებულება ჩვენი წარსული-სადმი. უმეცრება ხომ ყოველთვის აგრესიულია, შემტევი! ეს საყოველთაოდ ცნობილი ამბავია სხვათა შორის, ეს ორი ახალგაზრდაც საინიშუმო მაგალითი იყო ამ საყოველთაოდ აღიარებული ჭეშმარიტებისა.

ისინი მოსისხლე მტრებზე უფრო მოძულენი აღმოჩნდნენ ყოველივე მშობლიურის მიმართ, როგორც ჩამორჩენილისა და დრომოჭმულისადმი. საგულისხმო ისიც იყო, რომ ისინი რუსეთის სახელმწიფოს ერთიანობისა და განუყოფლობის მიმართ რუსებზე უფრო რუსები გამოდგნენ და ამას – იდეის მსახურებით და ერთგულებით ხსნიდნენ. დავა-კამათი შეუძლებელი ჩანდა ამ მართლმორწმუნე დოგმატიკოსებთან. განსაკუთრებით მარქსისტი იყო მედგარი და შეუვალი, რომელიც ჩლუნგის, ბრიყვის თვითდაჯერებით თუთიყუშივით იმეორებდა სხვადასხვა ბროშურებიდან ამოკრებილ „სიბრძნეებს“ და მარქსისტულ „აფორიზმებს“. იგი, ეს ვაი-თეორეტიკოსი, რუსულ თარგზე გამოჭრილი მოძღვრებით აპირებდა მთელ მსოფლიოში დაემკვიდრებინა საყოველთაო ძმობა, თანასწორობა და თავისუფლება — პროლეტარიატისა. ამ ვითომდა ინტერნაციონალურ იდეას უყოყმანოდ და უფიქრელად სწირავდა საკუთარ ქვეყანას და ერს, რომლის ისტორია ისე იცოდა, როგორც ჩინელმა – ისლანდიის. სამაგიეროდ, თავხესაყრელად ჰქონდა აზნაურული კუდაბზიკობა და საჭირო იყო თუ არა, ყოველთვის წინ სწევდა თავის „მეს“, თავის ძვირფას პერსონას და როგორც შევატყვე, ამ თავის უზომო პატივმოყვარეობას ანაცვალებდა, თუ საჭიროება მოითხოვდა, არამც-თუ საქართველოს – მთელი ქვეყნიერების ინტერესებს, თუმცა... კაცობრიობის ბედნიერი, საამური მომავლისთვის თავშენიერულ მეზობლად სახავდა თავის თავს.

ერთი სიტყვით, ჩემთვის საკმაოდ ცნობილი იყო ეს მოძღვრება და მის მიმდევართა შინაგანი სამყარო. ხოლო ილიას მკვლევლობა უტყუარო საბუთი გამოდგა ჩემი ადრინდელი ვარაუდების სისწორისა და მაინც...

ვინ არიან ისინი? რამ წარმოშვა მშობლიურის მიმართ ასეთი მოძულავრებით შეპყრობილი პირები? რა კვებავს და ასაზრდოებს ამგვარ ფენომენს? რა პოხიერი ნიადაგი ჰპოვეს მათ ჩვენში?

თითქოს ყველაფერი გასაგები იყო ჩემთვის და მაინც მსგავსი კითხვები ტვინს მიხვრეტდა. მოსვენებას მიკარგავდა. და გადავწყვიტე – უნდა შევხვედროდი უსიკვდილოდ მათ ერთ-ერთ ბელადთაგანს.

... და აი, ერთმანეთის პირისპირ აღმოვჩნდით კიდევ მე და რევოლუ-

ციონერ-მარქსისტი, გაგულია გრიგოლ დავითის ძე.

გაგულიამ წამიერად შემავლო თვალი შემოსასვლელთან შეჩერებულს, მერმე ისევ მიაბრუნა თავი და შეწყვეტილი ლაპარაკი განაგრძო თავისი მჭახე, მყივანი ხმით, თან აგდებულად, სხვათა შორის მომიგდო – ჩქარა თქვი, ვინა ხარ, რა საქმე გაქვს ჩემთანო.

სანამ ხმას ამოვიღებდი, უფრო დაკვირვებით, ხანგრძლივი მზერით შევათვალე იგი. თუმც ნახევრად ბნელოდა ქოხში, მაგრამ თვალი მალე შეეჩვია სიბნელეს და უკვე კარგად ვარჩევდი ყაჩაღის სახის ნაკვთებს, მის ამპარტავნულად შეკრულ შუბლს, ამრეზილ, მედიდურ გამომეტყველებას, მოღუშულ სახეზე წვრილ ტუჩებს. პატარაობის მერე არ მენახა და ისე რომ შემხვედროდა სადმე, ალბათ, ვერც ვიცნობდი. დიახ, მაღალი, ლამაზი ახალგაზრდა კაცი იყო, აი ისეთი, ქალები რომ სულს აბნევენ ხოლმე...

შეიძლება ეს უცნაურად ან მეტისმეტად თავდაჯერებული კაცის ნათქვამად ჟღერდეს, მაგრამ ამ პიროვნებას ვიცნობდი-მეთქი უკვე თავფეხიანად. ამგვარი მზნინავი თვალები ყველა ქვეყანაში შემხვედრია, სადაც კი ფეხი დამიდგამს. ეს თვალები არ შეგეშლება სხვაში. ამ თვალებმა უნასივით მიკბინეს გულზე მყისვე, შემოსვლის უმალ – კაცისმკვლელის და ჯალათის თვალებია ისინი – სიამოვნებით რომ იფშვნეტენ ხელებს ადამიანის სისხლის დანახვაზე და ამავე დროს, შეუძლიათ ფარისევლურად „მამაო ჩვენოც“ კი წარმოთქვან თავიანთ მსხვერპლთან, მათდა „სულის საცხოვნებლად“! არა, მთლად იოლი გამოსაცნობი როდი არიან ისინი – სხვათა შორის, წარამარა იცვლიან ხოლმე ელფერს და ხშირად მომხიბლავი ღიმილიც დასთამაშებთ ტუჩებზე. მაგრამ დაკვირვებული მზერის, ალესილი ალღოს და გამოცდილების მქონე კაცი შეუმცდარად გამოარჩევს მათ ათას სხვაში.

ამ კაცთან საუბარი მხოლოდ ერთგვარი ჟინის დაკმაყოფილება თუ იქნებოდა ახლა, თორემ სხვაფრივ უკვე უინტერესო გახლდათ მისი პერსონა. ოღონდ ეგაა: ცნობისმოყვარეობას ინვევდა მაინც ჩემში ის, თუ როგორ დაიჭერდა თავს ჩემთან.

რაკი ვდუმდი, მარტო ხომ არ გინდა ჩემთან ლაპარაკიო – დამეკითხა ცუდად დაფარული გაღიზიანებით და სახედამანჭულმა ბასრი, იჭვიანი მზერით ამათვალ-ჩამათვალეირა. ჩოხა-ახალუხი მეცვა, წვერ-ულვაშმომშვებული ვიყავი, ყაბალახი წარბებამდე მქონდა ნაკრული. არა, შეუძლებელი იყო გაგულიას ვეცნე და მაინც მისმა მზერამ წამით გული შემიქანა რატომღაც.

ჩემთვის სულერთია-მეთქი, ვუპასუხე და ფეხი მოვინაცვლე.

– თუ მასეა, აბა, დროზე... დროზე თქვი სათქმელი!.. – დამიღრინა

მოუთმენელი ხმით და მაგიდაზე თითების კაკუნს მოჰყვა, თან კვლავ ნამიერად გამზომა თავით ტერფამდე გამჭოლი მზერით.

მე იულონ ფალავა გახლავართ-მეთქი, – განვაცხადე საკმაოდ მშვიდი ხმით. გაგულია ზეაიჭრა ანაზდად და მაუზერის ბუდისკენ მალულად წაიღო ხელი.

მშვიდად, გაუნძრევლად ვიდექი კედელსმიყუდებული და ყურადღებით მივჩერებოდი. გაგულია აიძვრა. სახე დაეღმიჭა. თვალები აცაბაცად გაექცა. რისთვის გარჯილხართო, შეყოვნებით, ოდნავი ენის ბორძიკით ამოთქვა ბოლოს და წარბებს ქვემოდან კუმტი, თან დადარაჯებული მზერა მესროლა.

უნებლიე ირონიული ღიმილი ჩამოვირეცხე სახიდან: ზოგ-ზოგი რამეები მაქვს გასარკვევი შენთან და ამიტომ გეახელ ბანაკში-მეთქი – დავუმარცვლე რაც შეიძლებოდა უდრტვინველად, თითქოს ყველაფრის მიმართ განურჩეველი ხმით. გაგულიამ თვალთ ანიშნა თავის ამხანაგებს, დაგვტოვეთო და იმათაც ის-ის იყო გასვლა დააპირეს, მაგრამ მე მტკიცე ხმით განვაცხადე – ეგენი ხელს არ შემიშლიან, პირიქით, მინდა დაესწრონ ჩვენს საუბარს-მეთქი.

გაგულიამაც კვლავ წამუყო თავისიანებს, დარჩითო. ვილაცამ ჯოკო მომიჩოჩა მაგიდასთან ახლოს და დაბრძანდითო, ცალყბად შემომთავაზა გაგულიამ. ხაზგასმული ზრდილობით გადავუხადე მადლობა და დგომა მიჩვენა-მეთქი, მოვასხენე. როგორც გენებოთო, გაურკვეველად ჩაიბურტყუნა გუნებანამხდარმა. თვალის ხშირ-ხშირ პარპალზე ვატყობდი, ჩემი დაკვირვებული, ყურადღებიანი მზერა, უშფოთველი იერი და გულარხეინობა საგონებელში აგდებდა, ანერვიულებდა, თუმცა ცდილობდა, თავი ისე დაეჭირა, ვითომ აქ არაფერიყო. რაკი მე დუმისს განვავრძობდი, გაგულიამ წამოიწყო:

– ვინ გითხრათ... – შეასწორა, – საიდან გაიგეთ ჩემი ადგილ-სამყოფელი?

– ამას აქვს განა შენთვის რაიმე მნიშვნელობა? – მოვუნაცვლე კითხვა ისე, რომ მზერა არ მომიცილებია მისი მოქურმებული სახისათვის. გაგულიამ პასუხი არ გამცა. მე შევიცადე და მერმე, არც ვაცვი, არც ვაცხელე, პირდაპირ ვაჯახე:

– მართალია, რომ შენ და შენმა რაზმმა გადაწვა მამაჩემის – გიორგი ფალავას დოხოორე?

– მართალია! – დამიდასტურა ჯიქურადვედა თვალი თვალში გამიყარა უტიფრად, გამომწვევად. რატომღაც კვლავ უნასის შეგრძნება გამიჩინა ამ ალერილმა კისერმა და რაც მთავარია, ავად აელვარებულმა თვალებმა, თითქოს ეს-ესაა გეტაკება და თავის მხამიან ლაკარტს ჩაგასობსო.

– თუ შეიძლება გავიგო – რისთვის, რა დანაშაულისათვის დაისაჯა ასე სასტიკად გიორგი ფალავას ოჯახი?

– ჰქონდა დანაშაული! – უცებ ხმადაბლა ჩაილაპარაკა გაგულიამ და თვალი ამარიდა ანაზდეულად: ჩემი მონოტონური ხმა, აუმღვრეველი კილო ჩანდა, რომ აბნევდა: – ჰქონდა დანაშაული! – გაიმეორა მერმე ისევ და ახლა სადღაც ჩემს თავს ზემოთ დაიწყო ყურება:

– კერძოდ რა, თუ შეიძლება გავიგო?

– თავადი გიორგი ფალავა სასტიკად, უსამართლოდ ექცეოდა თავის ნაცემებს. ასე მაგალითად, უსამართლოდ დაიჩაგრნენ გლეხები: ლაბარტყავა, ბერულავა, მონიავა... – წარბშეუხრელად, გაზეპირებული ლექსივით ჩამომირაკრაკა გაგულიამ.

– საბუთი?

საბუთი? არავითარი, ანდა დაახლოებით ისეთი, როგორიც ილია ქავჭავაძეს „მოუძებნეს“, ხელწერა ერთი იყო: სასტიკი თავადი და სანყალი, დაჩაგრული გლეხები. სინამდვილეში გიორგი ფალავას „დანაშაული“ ის იყო, რომ თავად-აზნაურთა წოდებას მიეკუთვნებოდა და კერძოდ, – მის ლიბერალურ ფრთას, რომელიც სოცფედერალისტებს თანაუგრძნობდნენ. ამასთან, გიორგი ფალავა საკმაოდ გავლენიანი, განათლებული და თვალსაჩინო პიროვნება გახლდათ ჩვენს კუთხეში. ჰოდა, იგავარაკის არ იყოს, მიზეზად ესეც კმაროდა, რომ დასჯილიყო სხვებისთვის, ასე ვთქვათ, ჭკუის სასწავლებლად, მავანთა და მავანთა დასამინებლად; ამ აქციით, აგრეთვე, ერთობის ანუ რევოლუციონერების ძლიერება უნდა დამტკიცებულიყო უბირი ხალხის თვალში, ე.ი. დაენახებინათ, რომ არაფრის წინაშე არ დაიხევდნენ უკან, რამეთუ ასეთი გახლდათ რუსეთის სოციალ-დემოკრატიულ მუშათა პარტიის ტფილისის კომიტეტის გადანყვეტილება.

როგორ არ გაგახსენდებოდა ისევ ილია, რომელიც წერდა, რომ თავდაზნაურობამ, როგორც წოდებამ, როგორც ცალკე კრებულმა თავისი დრო მოჭამა, მაგრამ თავადს, აზნაურს, ვით ცალკე კაცს – ადამიანობა ხომ შერჩა და ვინ რას ემართლება, რომ დღეს კაცი ისე არ გაუვლის გვერდით თავადს თუ აზნაურს – ნიხლი არ ჰკრას; ან მის ხსენებაზე დორბლები არ წამოჰყაროსო.

ოჰ, ილია, ილია! როგორ უშლიდი, როგორ ელობებოდი გზაზე შენი დიდბუნოვნებით, შენი კაცთმოყვარეობით – ვითომ სამართლიანობისთვის მებრძოლ ამ ავაზაკებს!

– თქვენმა პარტიამ რომ დაგავალოს, საკუთარ დედას ყელი გამოჭერიო, თუკი იგი ჩვენი მონინალმდეგა იდეოლოგიურად და ხელს გვიშლისო – რას იზამდი! როგორ მოიქცეოდი?

– ეს რა, დაკითხვაა? – ყბა მოექცა ბრაზისაგან გაგულიას, მოწკუ-
რულ თვალებში კი ის ნაცნობი, უნასისეული ბზინვა გამოუკრთა.

– არა, რატომ! უბრალოდ, როგორც დაზარალებულს და ამასთან, ან
განსვენებული გიორგი ფალავას ვაჟს, მაინტერესებს – გიორგი ფალავას
ნათლულის – გრიგოლ გაგულიას საქციელის საფანელი.

გაგულიას, ეტყობა, გაუჭირდა ყელში მონოლითი ბოლმის მორევა.
გონების თვალთ ვხედავდი, როგორ აკრაჭუნებდა უჩუმრად კბილებს
თავში სისხლავარდნილი, მერმე უცებ ნამოიჭრა და:

– ჩვენთვის, სოციალ-დემოკრატებისთვის, დედაც და მამაც ჩვენი
პარტიაა. რასაც ის გვიბრძანებს, იმას, დიახაც რომ სიტყვის შეუბრუნე-
ბლად ვასრულებთ და შემდეგ: ჩვენ, რევოლუციონერებს არ გვწამს
ღმერთი, ეკლესია და მღვდელი. არც ძველ ტრადიციებს – ნათელ-
მრონობას, ძიძიშვილობას და სხვა ამგვარ რამეებს დაგიდევთ. ესენი
სუყველაფერი დრომოჭმული, ფეოდალური ნესწყობილების გადმონაშ-
თია და უნდა მოისპოს და განადგურდეს მისი მატარებელი კლასივით!
– სხაპასხუპით მომყარა და მერმე თავმომწონე, ამაყი იერით გადახედა
თავის ამხანაგებს. მთელი ჩვენი დიალოგის მანძილზე მე ერთდროულად
მათზეც მეჭირა თვალი მალულად. უმეტესობა ახალწვერულვაშაშლი-
ლი, თითქმის ნინველი ბიჭები იყვნენ. ისინი უსიტყვო მორჩილებისა და
თაყვანების გამომხატველი თვალებით შესცივინებდნენ სახეში თავი-
ანთ მეთაურს, როგორც პარტიის ნების და სიმტკიცის გამომხატველს,
მის ერთ-ერთ ურყევ, უდრეკ და ბრძენ წინამძღოლს.

– ეს უკვე გასაგებია ჩემთვის, რომ არავის და არაფერს არ სცემთ პა-
ტივს, – წამით ვიყუჩე და მერმე რაც შეიძლებოდა გულგრილი სახითა და
ხმით განვაგრძე:

– მაგრამ ეგება ამიხსნა, რა მიზანს ისახავთ, რა გამოძრავებთ, როცა
ასეთ შავბნელ საქმეებს სჩადიხართ?

– ჩვენ... ხალხის მომავალი ბედნიერი ცხოვრებისთვის ვიბრძვით,
როცა არ იქნება მჩაგვრელი კლასები, მოისპობა მონობა, სიღარი-
ბე, როცა ყველანი თანასწორნი იქნებიან, ყველა ერთმანეთის ძმა და
მეგობარი გახდება ანუ დამყარდება სოციალიზმი! – ბეჯითი მონაფე-
სავით ჩამომირაკრაკა კვლავ გაგულიამ გაზუთხული ფრაზები. და ისევ
ისე თავმომწონედ გადახედა თავისიანებს, მერმე მე მომჩერდა ცუდად
დაფარული ნიშნისგებითა და ქედმაღლური იერით, აქაოდა, ხომ ჩაგჭე-
რიო, ხოლო „შავბნელს“ რაც შეეხება, ნაუყრუა – ეტყობა, უმჯობესად
მიიჩნია ამჟამად მგლის ყური გამოება და არ გამოკიდებოდა ამ სიტყვის
კვალიფიკაციას.

– კაი დაგემართოთ, კაი ლოზუნგებია! – მოუწონე მეც პროგრამა

და კვლავ დინჯად, აუმღვრეველი სიმშვიდით გავაგრძელე: – საწინააღ-
მდეგოს ვერაფერს იტყვის ადამიანი, მაგრამ საინტერესოა ფრიად, რის
ფასად მოხდება ყველაფერი ეს, ანუ უკეთ რომ ვთქვათ, რა დაუფდება ან
ესოდენ დაბეჩავებულ ხალხს ეს მომავალი საამური, აქამდე არნახული
და არგაგონილი ბედნიერი ცხოვრება?

– დიადი მიზანი უმსხვერპლოდ არ მიიღწევა – როცა ხეს ქრიან,
ნაფოტები ცვივა! – კვლავ პათეტიკურად განაცხადა თვალებგადმოქა-
ჩულმა რევოლუციონერთა ბელადმა და უარესად გაიყინრა.

– აჰა, მაშასადამე, მიზანი ამართლებს საშუალებას, როგორც მაკია-
ველმა ბრძანა, არა?

– მაკიაველი არ ვიცი მე ვინაა, – აგდებულად ამიქნია ხელი – მაგრამ
ძველი, დამპალი ნესწყობილების დასანგრევად და ახლის ასაშენებლად,
არ უნდა მოერიდო არანაირ საშუალებებს, არანაირ მსხვერპლს, როგო-
რი დიდიც არ უნდა იყოს იგი! – გაგულიამ წვრილ ნელზე შემოჭერილი
ქამარი გაისწორა, მკერდი წინ გამოსწია და ამასთან, უთუოდ გაიფიქრა:
„ვილაც-ვილაცების აზრი – მარქსის გარდა, ჩვენთვის საინტერესო არ
გახლავსო!“

– გასაგებია, ჩემო ბატონო. კოკასა შიგან რაცა სდგას, იგივე წარმოს-
დინდებისო – ნათქვამია, მაგრამ... რამდენადაც ვიცი, მარქსმა განვითა-
რებული ევროპის ქვეყნების მუშათა კლასისთვის შექმნა თავისი მოძ-
ღვრება და, შესაბამისად, შეიქმნა პარტიებიც, ხომ მართალია?

– მერე რა? ლენინს მიაჩნია...

– უკაცრავად, ლენინის აზრი ამჯერად არ მაინტერესებს. ჯერ მარ-
ქსს მივყვეთ. თუკი ის მართალია, რომ მარქსისტებისთვის სოციალიზმი
უმალლესი იდეალია და იგი მხოლოდ განვითარებულ, მონინავე კაპი-
ტალისტურ ქვეყნებში შეიძლება აშენდეს, თანაც რამდენიმე ქვეყანაში
ერთდროულად – მაშ, როგორ ესადაგება ეს მოძღვრება რუსეთს, თუნ-
დაც – საქართველოს, სადაც შენი თქმითვე, ჯერ კიდევ ფეოდალური
ურთიერთობები არ მოშლილა, სადაც მიზეზთა გამო სხვათა და სხვათა,
ტომობრივი დაქსაქსულობა და მტრობა სუფევს და სადაც მოსახლეობის
აბსოლუტური უმრავლესობა, მარქსის თქმითვე, ჩამორჩენილი გლეხო-
ბაა? და მერე, რაც მთავარია, რუსეთის სოციალ-დემოკრატიული პარ-
ტია და მისი, ბათუმისა თუ ტფილისის ორი კინკლა, ისიც ძირითადად,
არაქართველი მუშებისაგან შემდგარი ფილიალი – რა უფლების ძალით
ლაპარაკობს მთელი ხალხის სახელით?

– ნურას უკაცრავად. ჩვენთვის, სოციალისტებისათვის, მნიშვნელო-
ბა არა აქვს რაოდენობას, არც ეროვნებას. ჩვენ ინტერნაციონალისტები
ვართ და ყველა ქვეყნის პროლეტარიატის ერთიანობისთვის ვიბრძვით!

– პირდაპირ პასუხს თავი აარიდა გაგულიამ და უფრო გაიბღინდა, რომ დაეფარა თავისი პოზიციის სისუსტე.

„აბდა-უბდა, გადასკუბდა!.. ერიჰა. კარგადაა ამათი საქმე!“ – გამეცინა გუნებაში სარკასტულად.

– გამოდის, რომ მუშათა კლასის პარტიისთვის მნიშვნელობა არა აქვს იმას, არსებობს თუ არა მუშათა კლასი, და არც მის რაოდენობას ექცევა თურმე ყურადღება – რაც არის, ისიც ბაჯალლო ოქროაო, ფიქრობთ ალბათ და ამიტომაც თურმე უფლებას აძლევთ თქვენს თავს მოსახლეობის აბსოლუტურ უმრავლესობას თავს მოახვიოთ თქვენი ძალაუფლება ანუ დიქტატურა. ფრიად საგულისხმო ამბავია!.. აი, შენს რაზმიც ხომ არა მარტო გლეხის შვილებს – აზნაურებსა და სემინარიელებსაც ვხედავ. არც ერთი თქვენგანი არ არის მუშა და მაინც, რუსეთის სოციალ-დემოკრატიული მუშათა პარტიის წევრებად ითვლებით... ამ პრინციპით კი ეთიოპიაშიც შეძლება დამყარდეს მუშათა კლასის დიქტატურა და აშენდეს სოციალიზმი, თუმცა ეთიოპიაში საერთოდ არაა მუშის ჭაჭანება!

– დიხაბაც. რატომაც არა? რუსეთის სოციალ-დემოკრატიული პარტია ბოლშევიკებისა შეუძლებელს შეძლებს.

– ძალითა და ხიშტით, არა? ანუ ძალად მაცხოვნეს პრინციპით?

– დიხაბაც. რევოლუცია იმის რევოლუციაა, რომ ძალით და ხიშტით დაამყაროს სამართლიანი წესწყობილება! – თავის პასუხით კმაყოფილმა, ამპარტავნულად ჩაიღიმია, „ეგეც შენო!“ – მომიგო ნიშნი თვალებით და უფრო გაიჭიმა.

თუმცა თავიდანვე ვიცოდი, აბსურდი რომ იყო ამ ახალგაზრდა იეზუიტთან დავა-კამათი, და თუმცა შიგნით ყველაფერი მიდუნდა, საუბრის შეწყვეტა არამც და არამც არ მინდოდა მაინც. თითქოს რაღაც ეშმაკი შემიჩნდა ტანში და მიჩხიკინებდა, არ დათმოო. თითქოს რაიმე აზრი ჰქონდა ამ თვითკმაყოფილ, უმეცარ დემაგოგთან სიმართლის გარკვევას. თითქოს წყლის ნაყვა არ იყო ჭეშმარიტების დადგენა – ამათთან!

– კეთილი და პატიოსანი. რევოლუცია, ცხადია, თავისთავად უკვე ნიშნავს ძალადობას. მას შეუძლია უმრავლესობას ძალით თავს მოახვიოს უმცირესობის ნება, შეუძლია მოსპოს და დაანგრიოს როგორც ძველი წესწყობილება, ისე ერის კულტურული მონაპოვარიც! – წამოვიწყე მონოლოგი, რომელსაც ჩემთვის უფრო წარმოვთქვამდი, ვიდრე ამათთვის: – დავუშვავთ ისიც, რომ ხიშტით და თოფ-ზარბაზნებით შეძლებს იგი დაამყაროს ახალი, ვითომცდა უკეთესი წესწყობილება, მაგრამ... რამდენადაც ვიცი, რევოლუციას არ ძალუძს ერთბაშად ადამიანის ბუნების, მისი ფსიქიკის შეცვლა, ამისთვის განვითარების გრძელი გზა – ანუ ევოლუციაა საჭირო. ეთიოპიაში კი სოციალიზმის ძალით თუ ნებაყო-

ფლობით მშენებლობის მცდელობას მხოლოდ იდეის პროფანაცია ე.ი. მისი გაუფასურება შეიძლება მოჰყვეს, რადგან ეთიოპიის ანდა თუნდაც საქართველოს ხალხი არ არის მზად ამ ახალი იდეის აღსაქმელად, მის ცხოვრებაში გასატარებლად. მართალია, ახლა დაჩქარებული ტემპები ცივილიზაციის და კერძოდ, დემოკრატიის განვითარებისა, მაგრამ არა იმდენად, რომ უცებ, ერთი ხელის დაკვრით შეიცვალოს ადამიანის ფსიქიკა. ძალით თავს მოხვეული კი უფრო დაამახინჯებს და დააბნელებს მის ცნობიერებას...

შემდეგ: ურელიგო, ათეისტებად ქცეული ხალხი ხომ ნახირს დაემსგავსება? ხალხს ღმერთს ართმევ – რას აძლევ სანაცვლოდ? მუცლის ამოყორვის, მადღრისად ცხოვრების ანუ მატერიალიზმის გაფეტიშება ხომ სრულ გაპირუტყვებამდე მიიყვანს ისედაც არასრულყოფილ ადამიანს?.. ანდა, როცა, ვთქვათ-გლეხი ლაბარტყავა დაეპატრონება ფალავას თუ ჯაიანის ავლა-დიდებას, რა გარანტიაა, რომ წინანდელი ფალავას ნაცვლად არ გამოიჩეკება მასზე ბევრად უფრო ხარბი, გაუძლომელი, სასტიკი ლაბარტყავა?..

ხოლო, რაც შეეხება წოდებებს და თანასწორობის იდეას, დემოკრატია და ლიბერალიზმს, მოდის აგერ გამათანაბრებელი მე-20 საუკუნე, რომელიც, ალბათ, თავისთავად, უმტკივნეულოდ, უსისხლოდ, ისევ და ისევ ევოლუციის გზით – გადაჭრის კულტურულ ევროპაში ამ პრობლემებს. ანუ: თანასწორი იქნებიან: ნიჭიერი და უნიჭო, საქმიანი და უქნარა, უნარიანი და უუნარო და ა.შ. – ამ გრძელ ტირადას რომ ვამბობდი, უცებ ისევ ილიას სიტყვები ამომიტივტივდა გონებაში: „სისხლი და მახვილი ვერაფერი წამალია ქვეყნის და ხალხის ცხოვრების განკარგებისათვის. ამისთვის კაცობრიობამ მოიგონა უკეთესი საშუალება – წარმომადგენლობითი მმართველობა!“

ილია ევროპულ დემოკრატიულ პარლამენტარიზმზე ოცნებობდა! და განა ილიამვე ახალი სული არ შთაბერა ჯერ კიდევ ანტიკურ ხანაში დიდი განმანათლებლების მიერ შემუშავებულ ჭეშმარიტად ჰუმანურ, პროგრესულ მოძღვრებას – ბუნებითი სამართლის შესახებ! ვისთვის, რისთვის გაისარჯა? ესენი – მარქსისტულ ბროშურებზე აღზრდილი რუსეთუმეები, უნიგნურნი და უვიცნი – შეისმენდნენ განა ამას? აკი დარჩა კიდევ ილიას ხმა ხმად მლაღადებლისა უდაბნოსა შინა! ეჰ, ილია! ილია!

– ესეც არ იყოს – სისხლი სისხლით არ მოიბანება! – წამიერი დუმილის შემდეგ დავიძინე, ცოტა არ იყოს გაოცებულმა იმით, გაგულია პირში რომ არ მეცა ჩვეულებისამებრ. – ხვალ უწინდელი ლაბარტყავას ადგილზე მყოფი ფალავას თუ დადემქელიანის ნამიერი – არავინ უწყის, რას მოიმოქმედებს, რადგან ამჯერად ის იქნება უპოვარი და დაჩაგრული.

ამიტომაც, ყოველ რევოლუციას მარტოდენ უსაზმნო, უაზრო სისხლის-
ღვრა, ადამიანების განუკითხავი ხოცვა-ჟლეტა, მორალისა და ზნეობის
დაცემა როდი მოაქვს მხოლოდ – არამედ ისედაც არასრულყოფილი ადა-
მიანის ბუნების გაველურებას, ფსიქიკის გადაგვარებას ინვესს, ამიტომ...

– არაა ეს სწორი! – შემანყვეტინა გაგულიამ, ალბათ თვითონაც გაკ-
ვირვებულმა იმით, ამდენ ხანს რომ მაცალა: – შეცდომაა ეს! – თქვა და
ქამარი კვლავ გაისწორა წელზე, გაიარ-გამოიარა ოთახში გამარჯვებუ-
ლი კაცის გატოტოჩებული იერით: – ჩვენი რევოლუცია გონებასაც შეცვ-
ლის, ადამიანის ბუნებასაც და ფსიქიკასაც, და საერთოდ, სუყველაფერს.
ჩვენი რევოლუცია შექმნის სრულიად ახალ ადამიანს, ძველთან რომ
არაფერი ექნება საერთო – ისეთს! ყველა ქვეყნის მუშები შეერთდები-
ან ერთ ძმურ ოჯახში. აღარ იქნება არც წოდებები, არც განსხვავებანი
ეროვნებათა შორის. ყველანი იცხოვრებენ შეხმატკბილებულად, ბედ-
ნიერად! – რიხიანად, თავის სიმართლეში ღრმად დარწმუნებული კაცის
კილოთი წარმოთქვამდა სიტყვებს გაგულია. შემდეგ ფეხებგაჩაჩხული,
წელზე დონჯშემოდგმული დამიდგა წინ. აბა, ახლა თუ ბიჭი ხარ, შე-
მეკამათო – მაქვებდა თითქოს გამომწვევად. ვაცალე, დამტკბარიყო
თავისი მოჩვენებითი გამარჯვებით, მერმე ერთობ უცოდველი, მიამიტი
გამომეტყველებით შევეზრახე:

– კეთილი და პატიოსანი, ჩემო ბატონო. დამყარდა, ვთქვათ, ეს ნანატ-
რი, საამური ცხოვრება ანუ კომუნისმი. გაიმარჯვა სამართლიანობამ –
ანუ საყოველთაო თანასწორობის იდეამ! მაგრამ... რა ენაზე ილაპარა-
კებენ ასეთი უეროვნო ადამიანები – ერთმანეთში? ხომ საინტერესოა
ფრიად!

გაგულია ანაზდად შეცბა. ეტყობოდა, საშინლად არ ეჭაშნიკა ეს
კითხვა. სახე უნებურად მოექუფრა. დაიღმიჭა. ცხვირი წამიერად ინ-
დოურივით ჩამოუშვა, მაგრამ მყის მოეგო გონს და:

– იქნება რაცხა საერთო ენა... – მომიგო ნაძალადევი დაუდევრობით,
არხეინი კილოთი და ვითომც აქ არაფერიო, კვლავ გაიარ-გამოიარა
მამლის გაფხორილი იერით.

– მართალი ბრძანდებით, ჩემო ბატონო. რაკი თქვენს რევოლუციას
ყველაფერი შენაძლება თურმე – ერების და ენების პრობლემასაც იო-
ლად გადაჭრის ალბათ. ბოლოს და ბოლოს, სულაც ექსპერანტოზე ილ-
აპარაკებენ სუყველანი... თუ გაჭირდა. მაგრამ მანამდე? სანამ მსოფლიო
პროლეტარიატი ერთმანეთს შეეთქვიფება, სანამ ძმურად გადაეფ-
სკვნებიან ერთიმეორეს და სანამ ერთ ენაზე აჭიკჭიკდებიან, ერთი სიტყ-
ვით, სანამ ამქვეყნიური სამოთხე დამყარდება, მანამდე ხალხები ხომ არ
დამუნჯდებიან? ხომ უნდა უთხრან რაცხა ერთმანეთს?

გაგულიას ხაფანგში მომწყვედი ვირთხასავით გაუხდა თვალე-
ბი. მე გონს მოსვლა არ ვაცალე და მივაყოლე: – თუმცა, რა საკითხა-
ვია? ნოლელი გლეხი, მაგალითად, სარატოვის ან ლიეჟის სოფლებში
მცხოვრებ გლეხებს უენოდაც გაუგებს, რაკილა – ერთი კლასის – გლეხო-
ბის წარმომადგენლები იქნებიან. ასევე, ბათუმელი და ჩიკაგოელი მუ-
შისთვის რა დიდი ბედენაა, ვთქვათ, ტერიტორიული, კულტურული,
ნაციონალური, ენობრივი ანდა ფსიქიკური განსხვავებულობა? რაკილა
მუშები არიან, უამყველაფროდაც ადვილად შეეთვისებიან ერთმანეთს,
და ერთ სულ და ერთ ხორც იქნებიან!.. თუ არადა... აგერ არაა რუსული
ენა? აბა, სანამ ალთქმული სამოთხე დადგება, ორი მილიონი ქართველი
ას მილიონ რუსს ქართულად ხომ არ დაუნყებს მუსაიფს კომუნისმის
იდეალებზე? რომც დაუნყოს რა, ვინ მოუსმენს? ანდა... ეგება სჯობია,
სანამ გვიან არაა, დაფიქრდეთ, თუთიყუშით ბრმად რომ იმეორებთ
სხვათა ნათქვამს, თქვენს დასაკლავ დანას თვითვე ხომ არ ჩხრეკთ?
მტრის წისქვილზე ხომ არ ასხამთ წყალს სხვათა წაბაძულობით, მტრი-
სას, რომელსაც ახალი, უფრო მოხერხებული ნილაბი აუფარებია თავისი
მგლური ბუნების დასაფარავად? ეგებ აჯობებს მოუხმოთ კეთილგ-
ონიერებას და მიხედოთ თქვენს საკუთარ თავს?

გაგულია აიზღარბა. როგორც ჩანს, წამიერმა დაბნეულობამ გაუარა:
სიმკვირცხლეს და მოსაზრებულობას ვერ წაართმევდი ამ ბლენძია, მა-
მალივით გაფხორილ ყოყლოჩინას:

– ჩვენ მტრებად მხოლოდ ბურჟუაზიისა და თავადაზნაურობის
კლასებს ვთვლით! – მოსჭრა ცივად გაგულიამ და სახეზე მრისხანე,
მკაცრი გამომეტყველება აისახა.

– ჰოო... ანუ ხალხის ნახევარს!.. მაგრამ მეორე ნახევარს, უფრო სწო-
რად – უმრავლესობას რას უშვრებით? მით უმეტეს თუ არ ვცდები...
შენც ვგონებ, აზნაური ხარ! – შევასხენე ვითომდა მორიდებული ხმით.

– მე... ყოფილი აზნაური ვარ! – წყენანარევი ხმით გამიტრიზავა გაგუ-
ლიამ, – ე.ი. წარმოშობით ვარ აზნაური! – შეასწორა ნათქვამი: – ხოლო
ახლა – რევოლუციონერი გახლავართ და სოციალიზმის იდეალებს ვემ-
სახურები, როგორც რიგითი ჯარისკაცი!

„ტერორით, პროვოკაციებით, ძარცვა-გლეჯით, უზნეობით, არა“?
– გამიელვა თავში, თან ამ „რიგითმა ჯარისკაცმა“ უნებლიე ღიმილი
მომგვარა:

– მაგრამ მარტო შენ ხომ არა ხარ ყოფილი აზნაური? – უკვე ჟინა-
ტანილი, არ ვეშვებოდი. მტყუანს ტყუილის კარამდე უნდა მიყვეო, ისე
იყო ჩემი საქმე: – ბევრი სხვადაცა რევოლუციონერი ანდა თანამგრძნობი
თავად-აზნაურთა წრიდან. მაშასადამე, ეს წოდება მოსასპობი კი არა,

ხელიხელ საგოგმანებელი ყოფილა შენისთანას და შენნაირებს რომ უზრდის რევოლუციას, და რაღას ერჩით? რას აშავებს? მადლობის მაგიერია? – უცებ სიცილი ამიტყდა. არ ვიცი, რა დამემართა, მაგრამ სიცილს ველარ ვიკავებდი. რაც უფრო მეტ ხანს ვიციხნოდი, მით უფრო და უფრო იბოლმებოდა გაგულია – რევოლუციონერთა ანუ ყაჩაღთა რაზმის ბელადი. თვალეები უვიწროვდებოდა, სახე ესხიპებოდა. ჩემს თავში კი ფიქრები ელვის სისწრაფით ენაცვლებოდნენ ერთმანეთს: „ვაი ჩვენი ბრალი, ვაი ჩვენი ბრალი! ჭერი გვექცევა თავზე! სხვები, უცხოტომელები ეპატრონებიან ჩვენს მინა-წყალს, ჩვენს სარჩო-საბადებელს, ლუკმა-პურს გვაცლიან, პირიდან ენას გვეღვანენ, გვანიოკებენ, სულში გვაფურთხებენ – ესენი კიდე – მსოფლიოს ხალხთა და კაცობრიობის ბედზე ფიქრით თავს იკლავენ ვითომ, მსოფლიო პროლეტარიატის ჭირ-ვარამი არ ასვენებთ და მათდა საკეთილდღეოდ, საცა მიუწვდებათ, წინილებივით თავს აცლიან საკუთარი ერის შვილებს!.. ვისაც თავისი არ სტკივა, სხვისი როგორღა ეტკინება?.. და შემდეგ: უკუდო ხარი თავისთვის არ იყო, სხვებს ბუზებს უგერიებდაო – ისეა ამათი საქმე! ნუთუ ამ გუდამშიერი აზნაურების მიერ დაზუთხული უცხოური „თეორიებით“ უნდა ისაზრდოს ჩვენმა გაუბედურებულმა ხალხმა?.. ვაი, ჩვენი ბრალი. ახავაი!“

გული რომ ვიჯერე სიცილით, ხაზგასმული თავაზიანობით დავემშვიდობე დამხვდურებს, ყბა რომ მოქცეოდათ სიბრაზისაგან და თვალეები გადმოცვენაზე რომ ჰქონდათ: – აპა, არა? თავიანთ ბუნაგში დავცინე, მასხრად ავიგდე ეს სახელგანთქმული „ვაჟკაცები“ – შიშის ზარს რომ სცემდნენ ახლომახლო სოფლებს და მთელს დასავლეთ თუ აღმოსავლეთ საქართველოს! ...და ამას მონელება არ უნდოდა?

კარში რომ გავდიოდი, უცებ მოვუტრიალდი გაგულიას, სიძულვილით მონკურული თვალეებით რომ მაცილებდა: – ჰო... დამავინყდა კინაღამ... ჩემი იარაღი დამიბრუნეთ, თუ შეიძლება!

– დაგიბრუნებენ... დაგიბრუნებენ... როცა საჭირო იქნება! – ჩაიბურტყუნა ერთბაშად მზერადახრილმა და უაზროდ ააფათურა ხელეები მაგიდაზე: არ ესია მოვნა, რომ დავიჭირე მისი ავი მზერა.

...სანამ კარს გამოვიხურავდი, გავიფიქრე გუნებაში გულცივად: აი ახლა, ან ახლა დამახლიან ზურგში ტყვიას-მეთქი. ამ აზრს უკვე შეგუებულ ვიყავი. – და რატომღაც სრულიად მშვიდად აღვიქვამდი საფრთხეს. ჩემი მისიკვილება სრულებითაც არ წარმოადგენდა ამათთვის რაიმე პრობლემას. „ღმრთისა არ მეშინის და კაცთაგან არა მრცხუნისო“, – ამათთვისაა ზედგამოჭრილი.

თითქოსდა, რა საერთო უნდა ჰქონდეს დოსტოევსკის პერსონაჟს ამ კუდაბზიკა, მარქსისტული ბროშურებით „განსწავლულ“, ვითომდა

განათლებულ (ეს ვითომცდა განათლებული ხომ ყველაზე საშინელი რამაა!) მეგრულ აზნაურ რევოლუციონერთან, არადა, ჩემდაუნებურად ამეკვიატა სმერდიაკოვის ფრაზა: „ა კოლი ბოგა ნეტ, ზნაჩიტ, ვსიო დოზვოლენო“. „თუ ღმერთი არ არსებობს, მამასადამე – ყველაფერი დასაშვებიაო!“ დიახაც, რომ აქვთ საერთო: აკი, ამ ურწმუნო მანიაკებს მიაჩნიათ, რომ მათთვის ყველაფერი ნებადართულია, დასაშვებია, ოღონდაც მიზანს მიაღწიონ. ანუ: ვითომდა საზოგადო სიკეთის სახელით! სინამდვილეში კი – პირადული კეთილდღეობისა და ერთპიროვნული ბელადობისთვის ანუ ტირანიისთვის რომ იბრძვიან ასე თავგამოდებით!

ჩემთვის ნათელი შეიქმნა ილიას მკვლელობისა და მომავალ უბედურებათა მიზეზ-სათავე. სულით და ხორციტყუარალები ანუ ექსპროპრიატორები, როგორადაც თავიანთ თავს ვითომ კულტურულად უწოდებენ – ეს სამშობლოდაკარგული, გაბოგანოებული, მაგრამ ამასთან პატივმოყვარეობის ჭიით დაღრღნილი უკუდო ამპარტავნები (ყველაზე დიდ უბედურებად მიმაჩნია ამპარტავნობა და კერძოდ – ქართული – შეზავებულ-შენივთებული უმეცრებასთან და მათ ფეხის ხმას აყოლილი უტვინო, ჭკუანალრძობი ანდა ლამაზი ფრაზებითა და ლოზუნგებით მოტყუებულ-ნაცთუნები, ბრიყვების გუნდი), თუ ესენი სახელმწიფოს სათავეში მოექცნენ: შაჰ-აბასის თუ თემურ-ლენგის შემოსევები სანატრებელი გაუხდება ხალხს.

არადა, ყველაფრიდან ჩანს, რომ ახლანდელი მარცხის მიუხედავად, ეს უტიფარი მოძალადეები ჩაიგდებენ ხელში ძალაუფლებას, რადგან უსათუოდ გამოიყენებენ ხალხში დაგროვილ უკმაყოფილებას, არსებული რეჟიმის მიმართ გაუცნობიერებელ თუ გაცნობიერებულ სიძულვილს, ამასთან, ამათი მოკავშირე იქნება: ხალხის საყოველთაო უმეცრება, ჩამორჩენილობა, რელიგიური რწმენის დაკარგვა, რაც მეთოდურად განახორციელა ჩვენში რუსეთის იმპერიამ, დაამკვიდრა კაცთა მოდგმის ყველაზე ბნელი და ქვედა ინსტიტუტები: შური, სიხარბე, სისასტიკე, სიბნელე, თავხედობა და მსგავსი მანკიერებანი, ხოლო მეგზურად წაიძლევარებენ ალოგიკურ, „აბდაუბდა, გადასკუპდა“ – თეორიას, ანუ ბრბოს გასაბრიყვებელ, ურცხვ და დემაგოგიურ, ფარისევლურ და ცრუმეცნიერულ „მოძღვრებას“ – კაცთა ვითომდა თანასწორობის, ძმობისა და თავისუფლების დროშა რომ აუფრიალებიათ.

ლამაზ ლოზუნგებს ამოფარებულ ამ ყაჩაღთა ხროვისათვის საყრდენი სწორედ ეს ბნელი, უნიგნური, უკულტურო, ყრუ ბრბო იქნება, რომლის ველური გახლება და უსაზნო სისხლისღვრა ხელს აძლევთ მათ, რათა უფრო ადვილად ჩაიგდონ ხელში ძალაუფლება. ეს ხროვა იმათი ნაშიერი, საკუთარი ქვეყნის შვილებს რომ ჰყიდდნენ გადამთიელებზე, თავის

რჩეულ გოგო-ბიჭებს ხშირად ნებაყოფლობით რომ აგზავნიდნენ ფემქა-შად სულთნებისა და შაჰების ჰარამხანებში, წინ რომ მიუძღოდნენ ქვეყნის ასაოხრებლად წამოსულ ველურთა ურდოებს, ესენი იმ „დიდკაცთა“ მოდგმაა, თავიანთი პატარა სამშობლოს სარბიელი რომ ეცოტავებოდათ ხოლმე და დიდ ასპარეზს ეძებდნენ სახელის მოსახვეჭად: დიდ გემებს ხომ დიდი ოკეანე თუ ზღვები სჭირდება! რა საკადრისია, აბა, ჭყუმპ-ალაობა პატარა, ციცქნა მდინარესა თუ ლელეში, როცა არსებობს ვეება სივრცეები. – ნიჭიერებას ხომ სჭირდება ფართო ასპარეზი! – არადა, ნიჭის ნაკლებობას მართლა არ განიცდიან!... ესენი, სხვათა კარზე დანი-ნაურებული დიდი დომესტიკოსების, ყულალასარებისა და ვეზირების შთამომავალნი არიან, დიდის გულმოდგინეობითა და ერთგულებით რომ ემსახურებოდნენ თავიანთი ქვეყნის დაუძინებელ იმპერიებს.

დღევანდელი ე.წ. მომავალი დიდი „მოღვაწენიც“ პირადი განდიდებისთვის მზად იქნებიან დაუნდობლად, უმონყალოდ, კოკებით დაქციონ (და აქცევენ კიდევ) სისხლი თანამემამულეთა და ყოველივე ამ სისაძაგლეს და უკეთურობას მონათლავენ მათგან გაუბედურებული ხალხისადმი სიკეთისა და სიყვარულის გრძნობით.

ილიას მკვლევლებმაც აკი „ხალხის სასიკეთოდ“ მოაშთვეს „გლესთა დამჩაგვრელი, სასტიკი მემამულე“, ანუ მოაშთვეს საქართველოს რაობისა და ყოფიერების წმიდათაწმიდა სიმბოლო, მისი სიცოცხლის დვრიტა, მისი საფუძველთ-საფუძველი. ესენი, ეს ფანატისკოსები, ყველაფერს, ყოველგვარ ბოროტებას გაამართლებენ ამ ე.წ. კლასობრივი ბრძოლის თეორიით; ამ ლოზუნგის ქვეშ მზად იქნებიან ამოჟუჟონ მთელი ერი – ყველგან, ყველა ქვეყანაში! – და დაიყვანონ იგი თუნდაც ერთ კაცამდე – და ეს ბარბაროსობა მოხდება ისევ და ისევ სამართლიანობის, ძმობის, თანასწორობის, ინტერნაციონალიზმის, დემოკრატიისა და თავისუფლების სახელით! – აი, ესაა სწორედ თავშესაქცევი ამბავი დღევანდელ თუ იმ მომავალ სისხლიან მარულაში, რომელიც უნდა გაიმართოს. გურიის ტრაგედია მხოლოდ შესავალია მომავალი სისხლიანი მასკარადისათვის.

...ორი კაცი გამოაყოლეს ფალავას „გასაცილებლად“ ყაჩაღთა ბანაკიდან. წინ მიმავალ ბეხრენ მამაკაცს სახე თითქმის მთლიანად დაეფარა ყაბალახით. მხოლოდ ყუყასავით შავი თვალები, ცხვირის ჭვინტი და შავი უღვაშები მოუჩანდა. თოფ-იარაღში ჩამჯდარი, იგი ზანტად მიითრედა ვეება ტანს. მეორე, ფალავას უკან რომ მოჰყვებოდა თითქმის კვალდაკვალ, გამოკვანწული ახალგაზრდა იყო, კოხტა აღნაგობის. მასაც ცხვირ-პირილა მოუჩანდა თავზე ნაკრული ყაბალახიდან. და თითქოს ჩახმახივით შემართული, გაფაციცებულ მზერას არ აცილებდა მათ შუა მიმავალ, უიარაღო და ამჯერად რატომღაც თვალაუხვეველ „სტუმარს“.

კარგა გვარნიანად რომ გამოსცდნენ იმ ალაგს, სადაც გაგულისას რაზმი დაბანაკებულიყო – უცებ განვიმდა. ჯერ კანტი-კუნტად, თითო-ოროლად მოდიოდა წვეთები. მერმე მოუხშირა. ელვამ გაჰკვესა და მოკუპრული ცის თალი გაანათა. დაიგრგვინა. წამიც და კოკისპირულმა წვიმამ დასცხო. განუწყვეტილ ელავდა და გრუხუნებდა — ცას თითქოს სარქველი მოეხსნაო, თქიშინით ჩამოდიოდა ნიაღვარი. სამინელი ჭექა-ქუხილის ხმა აყრუებდა იქაურობას. უსიერი ტყე ავისმომასწავებლად გუგუნებდა.

წამისწამში გაილუმპნენ, თუმცაღა უზარმაზარი მუხის გადმობარჯლულ ტოტებს შეაფარეს თავი. ფალავას მხლებლები შიშს აეტანა და აცახცახებულნი, ისე მიკვროდნენ ხის ტანს, თითქოს შიგ შეძრომას ლამობენო.

ფალავა უძრავად იდგა თავანეული და სახე მიეშვირა თქრიალით მომავალი წვიმისათვის: ელვა წამდაუნუმ შოლტავდა ხეთა კენწეროებს. ცას გუგუნ-გრიალი გაუდიოდა. ფალავამ თვალი შეასწრო, რომ მისმა უფრო ახალგაზრდა მხლებელმა რამდენჯერმე სწრაფად, ქურდულად გადაინერა პირჯვარი. „გაგიჭირდა, ბიძიკო, და ღმერთი გაგახსენდა, არა?“ – გაუელვა ნიშნისგებით და გესლიანად ჩაიღიმღილა. თავად მუხისაგან მოშორებით მშვიდად და წარბმეუხრელად სველდებოდა, რადგან მშვენივრად უწყოდა, არანაირი ხშირი ფოთლები და ვარჯები ვერ დაიფარავდა ახლა მას ამ მერეხისგან.

თითქოს მეორედ მოსვლა იწყებოდა. შეუძლებელი იყო ბურუსში გარჩევა, სად იყო ცა და სად დედამინა. მოულოდნელად ამოვარდნილმა ქარბორბალამ ხეებს ლანალუნი აუყენა.

თავით ფეხებამდე გალუფხული, თავშიშველი თითქოს გულგრილი ცნობისმოყვარეობით, მშვიდად აყურადებდა გამძვინვარებულ სტიქიონს, თითქოსდა სულერთი გამხდარიყო მისთვის, თითქოსდა სრულე-ბით არ ადარდებდა – ღვართქაფი წალეკავდა აქაურობას და მასაც

მოიყოლებდა ყარაულებიანად, თუ გადაურჩებოდა ამ საშინელ მეხ-თატეხას.

ისეთი შეგრძნება დაუფლებოდა, როგორც სხვიმის არაერთგზის მოსვლია ეს გემზე, ოკეანის უდაბურებასთან პირისპირ მყოფს.

...თითქოს აღარაფერი არსებობდა ამ ცისქვეშეთში გემის ბაქანზე ერთადერთი არსების კიდევან. თითქოს მოირღვა ქვეყნიერების სამანები. ცისა და ოკეანის უკიდევანობაში ჩაიკარგა ადამის ძე, მარტოდმარტო დარჩენილი, ეული.

ვინა ხარ? სადაური? რა ჯიშის, რა ჯილაგის?

რა მნიშვნელობა აქვს ახლა ამას მარადისობისთვის? და რა ციცქნა, რა ნამცეცა ჩანს ყოველი შენი სატიკვარი თუ საზრუნავი, ფიქრი თუ დარდი, ოცნება თუ იმედი – ამ უსასრულობის წინაშე, შენს ჩანთქმას რომ ლამობს!

შიში გეძალბება... უძლურების შიში გიპყრობს... და გენანება. რალაცა გენანება. რა, რა გენანება?

ა, ა, არ გინდა ამ სამზეოდან ნახვიდე პატარა, უსახელო კაცად?

მაგრამ თუ ნასვლა გარდაუვალია – აქვს კი აზრი იმას, რა ბარგი-ბარხანით ნახვალ აქედან – ცარიელით თუ სავსეთი? სახელიანი იქნები თუ უსახელო? ვთქვათ და, მოგიხვეჭია სახელი – რა მერე? სახელით დაიჭერ განა იმას, რაც ულმობლად გენვევა, როცა... ჟამი დადგება? ჰმ! მაშინ ნახეთ სიმუხთლე ჟამისა! და „ვისაც გრძლად ჰგონია, მისთვისცა არის ერთისა ნამისად“!

...შიში თანდათან ქრება. დნება თოვლივით. უჩინარდება ნისლივით და წამსვე თავისუფლდები ამქვეყნიური ბორკილებისგან – უჩუმრად და შენდაუნებურად რომ ატარებ გაჩენის დღიდან. თავისუფლდები ყოველგვარი ჭირ-ვარამისგან თუ სვე-კეთილობისაგან;

...შეუზღუდავია შენი თვალსანიერი, შემოუფარგლავია ადგილ-სამყოფელი და ბინადარი ხდები მიღმიერების, უსაზღვროების! სიხარულატანილი, ფრთავაშლილი მიელტვი ცის იისფრად მოლადანე უსასრულობას, რამეთუ შენ თავად განუყოფელი ნაწილაკი ხარ ამ უკიდევანო სივრცის. დღეს იქნება თუ ხვალ, საბოლოოდ შეუერთდები მას, შეერწყმი და შეენივებები სამყაროს, რათა მერე ისევ დაუბრუნდე ამ სამზეოს, ვინ იცის, რაგვარი სახით, და არც არავინ უნყის, სად იქნება შენი დედულ-მამული, დედამინის რომელ კუნჭულ-ალაგს დაგისაზღვრავს საცხოვრისად არსთა გამრიგე. მაგრამ მთავარია – შენ ისევ დაუბრუნდები ამ ცისქვეშეთს – განახლებული, განწმენდილი – ფრთებშეუკვეცავი სურვილებითა და დაუოკებელი ზესწრაფვით სინათლისკენ.

...მინამდე იხრებიან დევით ხეები, ლინინ-ლინინით იმსხვრევიან

დიდრონი ვარჯები. ჩაჟამებულ-ჩამობურუსებულ ირგვლივით ხანგამოშვებით ნკეპლავენ ელვის შოლტები. არ წყდება გუგუნ-გრიალი. ის კი არადა, უფრო და უფრო ძლიერდება – „ნამდვილი ტროპიკული ავდარია!“ – გაივლო გულში ფალავამ და მხარზემით გადმოხედა თავის მხლებლებს – თვალდაჭყეტილები, ფერწასულები რომ მიკუნჭულიყვნენ ხის ძირში და საწყალობლად, უჩუმრად ყურყუტებდნენ.

ეჰეი! სადაა შენი ძალი და ღონე, ქადილი და გულზვიადობა მზვაობარო, ქედმაღლო ძეო ადამისაო? სადაა შენი ზარბაზნები, თოფ-იარაღი, ტყვია-ნამალი, რომ გაუმკლავდე ამ ღვარცოფს, ამ დელემას? შეაჩერო ეგება ეს მეხთატეხა! ჰა?

რალას უდგახარ? მიდი, დასცხე. შეუტყე. შეერკინე. შეეხე. რალას აყოვნებ-მეთქი? ნუთუ შიშმა შეგიპყრო, შიშმა წავახდინა, დაგაბეჩავა, წაგართვა ჭკუა-გონება, დაკარგე ნიჭი და უნარი ყოველგვარი? ნუთუ ეგ ზომ უმნეო და უსუსური ხარ სტიქიონის წინაშე? მაშ, მარტოდენ ერთმანეთთან ჭიდილსა და კინკლაობა-ჩხუბში ბრძანდებით უშიშრები, დიდგულები? ურთიერთთან ცუდმედიდობით მხოლოდ და მხოლოდ? ვაგლახ! რა მალე, რა სწრაფად განქარდა თქვენი შემართება, ამპარტავნობა და მედიდურობა, უდიერობა და უტიფრობა ზღვარდაუდები?

აბა, ჰე! დააძრეთ მაუზერები და ესროლეთ ცას-მეთქი! შეაკავეთ ეს ლემქერი, წინაღუდექით-მეთქი ზეცის რისხვას, თავს რომ დაგვატყდა ეგ ზომ უცაბედად, ეგ ზომ მოულოდნელად – ალბათ ცოდვათა გამო ჩვენთა!

ჰო, რალას უცდით? რად აყოვნებთ-მეთქი? ვერა ხედავთ განა, რომ ვიხრჩობით და ვიღუპებით! ნუ ახანებთ! ატეხეთ განგაში. ჩქარა, ჩქარა, თქვე საცოდავებო, თქვე უბადრუკებო, თქვე ჭია-ღუებო – სანამ კიდევ არაა გვიან!

ახ, თქვე ვიგინდარებო, აღარ ძალგიძთ განა ხელის გატოკება?

ეჰეი! ამქუხარდი, აგრგვინდი ცავ და მიწავ! აზვირთდი, მძლავრო სიმფონიავ ბეთჰოვენისა! აყალყდი, აამთავორე ტალღების რემა და მილენ-მოლენე, მიანგრ-მოანგრიე ზათქით და დგანდგარით – აქაურობა! გადმოსკდით და გადმოზვავდით ფაფარაშლილო ზვირთებო ენგურისა და გადათქერეთ აქაურობა! მიასწ-მოასწორეთ ეს დამყაყებული, აშმორებული ქვეყნიერება!

აბა, ჰა. აბა, ჰე!

საოცარი ის იყო, რომ მას პირადად თითქოს არ ეხებოდა სტიქიონის მძვინვარება. თითქოს თავად შეუვალი გახლდათ ყოველგვარი ხიფათისაგან და მხოლოდლა შორიდან მეთვალყურეობა დაკისრებოდა ამ წარღვნასა და მერეხში!

იდგა და თითქოს ნიშნს უგებდა ამ გასაცოდავებულ, უცებ დაგლახ-

ავებულ და დაპატარავებულ არსებათ და... თან, ვერც უგებდა, რამეთუ... თავისდაუნებურად შეპარვოდა სიბრაღის გრძობა ან უკვე ყოველმხრივ გაბითურებულ – ყოფილ ბლენდია და სასტიკ მოძალადეთა მიმართ!

ერთი პირობა გაიფიქრა, გავაფრთხილებ, ხის ძირში ნუ ხართ ჩაყუნცული-თქო, მაგრამ... ენა ვერ მოატრიალა პირში, ხმა აღარ დაემორჩილა. ისევ დაიგრუხუნა. თითქოს ათასმა ზარბაზანმა ერთდროულად მისცაო ბათქი. ირგვლივ შეზანზარდა ყველაფერი. მერე ისევ იღვავა და... ნყვდიადი ჩამოდგა.

გონს რომ მოვიდა, პირველი, რაც გაიფიქრა იყო: „ნუთუ დაგვარტყა?“ და მყისვე: „გადავრჩი?!“

ფრთხილი მზერა განზე გააპარა. დამეხილი მუხა ხრჩოლავდა. გოგირდის და ნატისუსალის სუნი იდგა გარშემო. ქარიშხალი ჩამდგარიყო. ცა ზანტად ცრიდა წვიმის წვეთებს. ჯანლი შეთხელებული ჩანდა.

კარგა ხანს განძრევას ველარ ბედავდა. შიშობდა, ვაითუ წართმეული მაქვს მოძრაობის უნარიო. მერმე ნელ-ნელა გაატოკა ჯერ ერთი ფეხი, მერე – მეორე, შემდეგ ხელებიც...

თითქოს ყველაფერი რიგზე იყო. არაფერი დაშავებოდა. მხოლოდ ეგაა: თავი უბრუოდა და სხეულიც ნაცემ-ნაბეგვივით ჰქონდა. წყლით გაჟღენთილი, დამძიმებული ჩოხა-ახალუხი ყინულის ჯავშანივით შემოსალტვოდა ტანზე. შეაჟიჟინა რამდენჯერმე.

„რა დროა, ნეტავ?“ – რატომღაც დროით დაინტერესდა. გაგულისას ბუნაგიდან რომ წამოვიდნენ, შუადღე იყო. ახლა, ალბათ, საღამოა, გაიფიქრა. „ჰო, მართლა, სად არიან ჩემი ყარაულები?“

ახლალა მოაგონდა თავისი მხლებლები. წამოინია. უნებური შიშნარევი მზერით კვლავ გახედა აბოლებულ, შუაზე გადაჩეხილ, ვარჯებ-დალენილ მუხას. მერმე აიზეზეურა და თითქოს პირველად დგამსო ნაბიჯებს – ტაატით, ნელა გაემართა ნამეხარი ხისკენ.

მხლებლებიდან ერთს – ძონდროხას – სული გაეცხო. დასახიჩრებულ-დანახშირებული მისი გვამი მუხის შორიახლოს ეგდო. მეორე, ახალგაზრდაც დამწვარ-გაშავებული გაშხლართულიყო. საშინელი ტრუსის სუნმა ცხვირში უსიამოდ შეულიტინა. რამდენჯერმე დააცემინა. მერმე გულზე ყური დაადო ახალგაზრდას. სუნთქავდა. აღარ დაუხანებია.

ძლივსძლივობით მოიკიდა ყმანვილი ზურგზე და... ჟამგზაკვალდაკარგული, ალაღბედზე გაემართა იქითკენ, საითკენაც გუმანი ენეოდა.

ქმენა-ხვენით მიაბიჯებდა ჟალტამში, ხან ეკალ-ბარდებში იხლართებოდა და გაჭირვებით, წვალებით მიიკვლევდა გზას. ბიჭი ჟამიდან ჟამზე ყრუდ კვნესოდა. არაქათგამოცლილი, ოფლში გახვითქული

– ძირს დებდა ყმანვილს სულის მოსათქმელად, მერმე ისევ მოიგდებდა ზურგზე და, რის ვაი-ვაგლახით და ჭაპან-წყვეტით მიაბოტებდა ჭანჭყრობში – არ კი იცოდა, საით! შავი დევებივით შემორტყმოდა გარშემო ბუმბერაზი ხეები. მართალია, წვიმამ და ჭქეა-ქუხილმა გადაილო, მაგრამ უკვე ღამდებოდა და საშიში სიჩუმე ისადგურებდა უღრან ტყეში.

...მიდიოდა ბორძიკით, სვენებ-სვენებით, ხვენება-კვნესით და თითქოს დასასრული არ უჩანდა გზა-სავალს. ეს რაღაც მოჯადოებულ წრეში ტრიალს ჰგავდა, საიდანაც თავის დალწევა შეუძლებელი ჩანდა. თითქოს მთელი დასაბამიერი ცოდვა – საკუთარი და სხვათა – მოეკიდებინა ზურგზე და ტალად დამდგარი – გარშემო უვლიდა უდაბურ კარავს.

ხშირად სიზმრებია ბავშვობაში: გზაბნეული, უთავბოლოდ დაბორილობს ლიანებითა და ხვიარებით გახლართულ ტყის ტევრში. ეცემა, დგება. უნდა გაიქცეს და ვერა და, ველარ ახერხებს. ველარ გამოდის ამ უდაბურეთიდან, თუმცა როგორ არ ნვალობს, როგორ არ ცდილობს; ამაოა ყველაფერი! საშველი არ ჩანს. გული ამოვარდნაზე აქვს და... სიმწრის ოფლში გაღვარულს – ეღვიძება. მერმე დიდხანს, დიდხანს ვერ იძინებს ძილგამკრთალი. ან არადა, ზის ზღვის პირზე და უყურებს, როგორ ბორგავს ზღვა, როგორ მოათამაშებს ტალღების გორებს და ბრაზიანად ახლის ნაპირს, მერმე ნამსხვრევებად ქცეული, დაშლილ-დალენილი, ხრიალით იხვეს უკან, მერმე ისევ ქაფმორეული, გაავებული აწყდება ნაპირს და აი, ერთბაშად, წამოიძვრათა მთატალა: დაიგრავნა, აიფოფრა და საზარელი ზათქითა და ღრიალით გამოექანა მისკენ. – გული გაუცივდა; იხვეს და ველარ დგება, უნდა იყვიროს, მიშველეთო და ხმა აღარ ამოსდის ყელიდან. საშინელების მოლოდინში თვალებს ხუჭავს და... იღვიძებს, ფხიზლდება.

თითქოს ახლაც გრძელდება ის გრძელი, გაუთავებელი, კომპარული სიზმარი. ისევ ისე იწელება დრო, ბოლო აღარ უჩანს სატანჯველს, მაგრამ გაკერპებული“. ჯიუტად, დაჟინებით მიიწევს წინ, აღარ ეპუება შიგნიდან, სულის შორეული კუნჭულებიდან დაძრულ სასონარკვეთის გრძობას. რაღაც უნდა დაუჯდეს, უნდა გააღწიოს აქედან, უნდა გაიყვანოს ეს ბიჭიც სამშვიდობოზე. თავის თავს უკვე აღარ დაეძებს – მთავარია, ბიჭი გადაარჩინოს. მორჩა და გათავდა. სხვა ყველაფერი წყალსა და მეწყერს ნაუღია. უკვე თითქმის იმედგადანურულს და სასომიხდილს, მოციალე შუქი აუკიაფდა.

...მღვიმეში თავი შეეფარებინათ მონადირეებს, ერთი მათგანი ფალავას ძიძიშვილი გამოდგა.

გაგულისას რაზმელი – ხუხუტია ახვლედიანი – გადარჩა. იგი ფალავას ძიძიშვილის სახლში დამალეს და შინაური წამლებითა და მალამოებით

მოუშუშეს დამწვრობა. წასვლის დრო რომ დაუდგა, სთხოვა მასპინძლებს, ჩემს გადამრჩენელთან შემახვედრეთო.

„...ოთახში შევედი თუ არა, ბიჭი მყისვე წამოხტა გამწე ტახტიდან. ჟანგარა სახეზე თვალები უცნაურად უბრწყინავდა. მარცხენა ხელი შავი ნაჭრით ჰქონდა ჩამოკიდებული, მარჯვენათი კი შავი ფერისვე ბლუზის ლილ-კილოებს აწვალებდა. „ველარ აუვალ ახლა ამის მადლობებს-მეთქი“, – გავივლე გულში რატომღაც უსიამოდ, ამრეზით. ამ შეხვედრაზე თავდაპირველად უარი განვაცხადე, მაგრამ ისე შემეხვევნა ჩემი ძიძიშვილი, ხათრი ვერ გავუტეხე და დავთანხმდი პაემანზე. ხუხუტია ახვლედიანმა ყოველგვარი სალამ-ქალამის, მადლობების, ბოდიშებისა და შესავლის გარეშე, უცებ უბიდან ამოიღო მაუზერი და გამომიწოდა:

– ეს თქვენია, ბატონო, ინებეთ!

დავხედე იარაღს, მერე დაკვირვებით, გულისყურით გავსინჯე. მართლაც ჩემი იყო. ყაჩაღს გაცვებით მივაშტერდი. სიმართლე რომ ვთქვა, ჩემი მაუზერი არც მომგონებია მთელი ამ ხნის განმავლობაში, უფრო სწორად, ჩავთვალე, რომ იგი გაგულიამ დაინარჩუნა. საკვირველია პირდაპირ! მთელ იმ დავიდარბაში, რაც თავს გადაგვხვდა იმ დღეს – ეს მაუზერი როგორღა გადარჩა? როგორ არ დაიკარგა? ან... ამ ბიჭთან საიდან აღმოჩნდა იგი-თქო, გავიფიქრე გაცვებულმა.

– აი, ამ მაუზერით... უნდა მოგვეკალით თქვენ – მე და უჯუშისა! – თვალდახრილმა, მღელვარებამოკიდებული ხმით მითხრა ნითელ-რაზმელმა. შევხედე კვლავ: რას ჩმახავს ეს ბიჭი, რას მიედ-მოედება-მეთქი – გამიელვა თავში.

ამიხსნა: როცა სოფელს დავუახლოვდებოდით, წინ მიმავალი უჯუშია თურმე მოულოდნელად მომვარდებოდა, გამაკავებდა, ხუხუტია ახვლედიანი კი საფეთქელში მომადებდა ჩემს საკუთარ მაუზერს, გაგულიამ რომ ჩაუდო უბეში და... გამათავებდა.

თვითმკვლელობის იმიტაცია? კი მაგრამ, რატომ, რისთვის იყო საჭირო ეს? თუ სიკვდილი გადამინყვიტა გაგულიამ, უფრო უპრიანი არ იქნებოდა განა იქვე, ბუნაგში გავესალეზინე, ან არადა, ტყეში მივესიკვდილებინე, ან სულაც სადმე უფსკრულში გადავეჩხე. ვინ მიპოვიდა? ვინ იყო გამკითხავი? რომც ყოფილიყო ვინმე, ტყეში ათასი ფათერაკი ხდება ახლანდელ დროში, მით უმეტეს, მარტოკა რომ დაყიალობ. მე შენ გეტყვი და, მოწმე გამოგიჩნდება ვინმე თუ რა? რომ გამოჩნდეს კიდეც, მის მოსყიდვას რა დიდი ამბავი უნდა? რალაც გროშზე სულს არ მიჰყიდის ეშმაკს, თუ რა?

მაგრამ, არა. თურმე არც ისე მარტივად და იოლად ყოფილა საქმე, როგორც მე მეგონა. ადვილი შესაძლებელია, არ დამალულიყო ჩემი

„ვიზიტის“ ამბავი გაგულიასთან: ტყეს ათასი ყური და თვალი აბია. ესეც არ იყო, ფალავა უთუოდ შემთხვევითი სტუმარი არ იყო გაგულიასი. მაშასადამე, სიფრთხილეს თავი არა სტკივავო, ნათქვამია. ჰოდა, გაგულიას და მის რაზმელებს არ უნდა დაბრალებოდა იულონ ფალავას უცაბედი გაქრობა-გაუჩინარება. ამჟამად ხელს არ აძლევდა ეს ამბავი გაგულიას და იმიტომ! ყველაზე უპრიანი იყო – თვითმკვლელობა, გაურკვეველი მიზეზით. ვინ იცის, რამ შეუჩინა ტვინში 12-13 წელიწად გადაკარგულ ადამიანს, ან რა ცოდვამ უწია? ჰოდა, იმტვირიონ მერმე თავი – რატომ და რისთვის ჩაიდინა ეს საქციელი!

შესაძლოა, იჭვისმაგვარმა გრძნობამ მაინც გაიჩურჩუნოს ზოგ-ზოგის თავში, მაგრამ რა ბედენაა, ვინ რას გაიფიქრებს? ანდა, რა ანგარიშგასანეგია მავანთა და მავანთა ეჭვი? ხოლო ვინც მაინც არ დაიშლის კირკიტს, თავში ქვა უხლია და მუცელში სამართებელი. მთავარია, ხელჩასაჭიდი საბუთი არავის არაფერი ექნება; ჰოდა, თუ არ დაიჭერ – ქურდი არ არის. მორჩა და გათავდა. მაშასადამე, ეს გველხოკერა ფალავა უნდა გაქრეს.

ამგვარი ფანდ-ხრიკებით მათთვის უსიამო ადამიანების შავეთში გასტუმრება თურმე ნაცადი ხერხი ყოფილა გაგულიასა და მისთანებისთვის. ხუხუტია ახვლედიანის ნაამბობიდან:

„ახლაც მთელი ბანძა დარწმუნებულია, ბატონო, რომ ბოჯო პაპასკირმა თავი ჩამოიხრჩო. სინამდვილეში კი, ჩვენ... მე და უჯუშისამ ვქენით ეს საქმე. ის უბედური ბოჯო პაპასკირი ნამეტანი ენაკვიმატი ყაზახი იყო. ხალხში, საჯაროდ ამასხარავებდა ნითელრაზმელებს: იცოცხლეთ, კაი რამაა, გლეხებს რომ მიწებს დაურიგებენ და მუშებს – ფაბრიკა-ქარხნებს, მარა... მოსავალი ვის დარჩება – აგია საკითხავი: მუშებსა და გლეხებს თუ... მუშურ-გლეხურ მთავრობასო! ანდა: აქვს იმას მნიშვნელობა, ვინ გაძარცვავს სანყალ ყაზახს: მემამულე, ბურჟუაზია თუ მუშურ-გლეხური მთავრობაო – ყბას გვიქცევდა რევოლუციონერებს. კომუნებს რომ ააშენებენ – ყველაფერი საერთო ექნებათ თურმე კომუნისტებს. ცოლებიც საერთო იქნებაო, იძახიან. ჰოდა, ცხონებულა ზოგ-ზოგი ყაძახის სული და ეგაა: ვისაც ვინ მოუნდება, მიუნვება კიდეც იმას – თუნდაც ბელადის ცოლიც იყოსო.

ამგვარად ლაზლანდარობდა და აცინებდა ხალხს ის უბედური ბოჯო. ლამაზი ცოლი ჰყავდა ბოჯოს. გაგულიამ, არავინ იცის, რაფერ მოახერხა ეს, მარა ბოჯოს ცოლი საყვარლად ქე გაიხადა. ისე, ამგვარ რამეებში ნამეტანი... გაიმასქნებული კაცია გაგულია. თუ გულში ამოიჭრა ვინმე – არავის დაინდობს. ერთხელ, ერთი ჩვენი ერთგული ყაზახის ქალიშვილი შეაცდინა. ნამეტანი ფინთი ვინმეა ასეთ რამეებში. მაშინ ძლივს დაიძვრინა თავი, ერთ ჩვენს რაზმელს შეასალა გაბახებული ქალი. ერთხელ

კიდევ თავისი ახლობლის თლად წყინტი ბალანა გააუპატიურა. მაქედან-
აც მშრალი გამოვიდა, თუმცა ბევრი ფული კი დაუჯდა. ფულით, ჩემო ბა-
ტონო, ახლანდელ დროში გუბერნატორის ცოლსაც იყიდის კაცი ჩვენში.
ჰოდა, ბოჯოს ამბავს გიყვებოდით... ჯერ კიდევ ხუთი წლის გამოსვლე-
ბამდე მოხდა მაგი ამბავი. ერთ ღამეს ბოჯოს ცოლს ჩუმად გააღებინა
კარი გაგულიამ.

ჩვენ, მე და უჯუშია შევიპარეთ სახლში. უჯუშიამ მძინარე ბოჯო მო-
გუდა ბალიშით, მერე გამოვათრიეთ გარეთ და მის ეზოში, ვაშლის ხეზე
ჩამოვკიდეთ საკუთარი თოკით. გაგულია მას მერეც აკითხავდა ჩუმად
ბოჯოს ქვრივს. მერე ბოჯოს ცოლმა თავი მდინარეში დაიხრჩო... თუ
დაახრჩვეს, ვერავინ ვერაფერი გაიგო დანამდვილებით. მარა, ვიცი მე
– გაგულიას საქმე იყო მაგი. არ უნდოდა, ალბათ, მოწმე ჰყოლოდა: ქა-
ლების ამბავი მოგეხსენებათ, ენაჭარტალები რომ არიან ნამეტანი“.

ახლაც არ ვიცი, რატომ მიაშობო ყველაფერი ეს ხუხუტია ახვლედიან-
მა. უჯუშიას საშინელმა სიკვდილმა შეზარა თუ... სინანულმა გაიღვიძა
მის გულში და თავის, ასე ვთქვათ, გადამრჩენელთან გადანყვიტა გულის
ამოფერთხვა და ცოდვების მონანიება? ერთ რამეშიც გამიტყდა ხუხუ-
ტია: აქედან გადაკარგვას რომ აპირებდა საერთოდ და დღეის ამას იქით
არასდროს დავუბრუნდებო ამ მხარეს და არც გაგულიას და მის რაზმს
გავეკარები ახლოს ოდესმეო. არც ის დაუშალავს, თავდაპირველად რო-
გორ მოხვდა გაგულიას რაზმში.

დედამისს წვრილი ბავშვები დაეყარა და თავის სახლის ამშენებელ
ხუროსთან ერთად გაქცეულიყო სოფლიდან. საგულისხმოა ის ამბავი,
რომ ქალმა არა მარტო ქმარ-შვილი მიატოვა, არამედ ხალხის თვალში
უფრო უარესი, საძრახისი საქციელი ჩაიდინა: ექვსიოდე თვის წინ მკვ-
დარ ძმაზე ძაძები რომ ემოსა, ისე გაიჩინა საყვარელი. ძმის სიკვდილი
კი, მოგეხსენებათ, რა უბედურებად ითვლება ჩვენში და როგორი გლოვა
იციან ძმამკვდარმა დებმა. ჰოდა, ვითარცა მოსალოდნელი იყო, იმ ხუ-
როს მალე მიუტოვებია ქალი და ბავშვებს კი სამუდამოდ დამლად დარ-
ჩათ კახპა დედის შვილობა. ჩანს, შინაგანად გაბოროტებულ-დაბოლმილი
ყმანვილი სიძულვილის და შურისგების გრძნობამ მიიყვანა ძალადობის
ბუნებაში – გარეგნულად თანასწორობის, ძმობის, ერთობის დროშას რომ
აფრიალებს – უმეცართათვის თვალში ნაცრის შესაყრელად! სხვათა შო-
რის, როგორც შემდგომში შევიტყვე, უმეტესად ასეთი დაკომპლექსებული
ახალგაზრდებით ივსებოდა და ივსება თურმე ამჟამადაც გაგულიას-
ნაირთა წითელი რაზმები.

...ასეთი ახალგაზრდებისთვის ძალმომრეობა, სისხლისღვრა და სი-
სასტიკე, კომპენსაციაა უთუოდ თავიანთი არასრულფასოვნებისა:

სოციალური, ან გონებრივი თვალსაზრისით. ხშირად იარაღისადმი
ტრფიალი და მისი უქონლობაც განაპირობებს თურმე რაზმში შესვლას,
ანდა შური და სიხარბე, ანდა პირადი ანგარიშები და რაც მთავარია, ურ-
წმუნობა და უმეცრება, სულიერი სილატაკე და უზადრუკობა უბიძგებს
ხოლმე მათ დაადგენ ტერორიზმის, ანუ რევოლუციის გზას და ამით
გასაქანი მისცენ სისხლში ჩაღებულ, მემკვიდრეობით გადმოცემულ წი-
ნაპართა ცოდვა-ბრალს.

ნათქვამია, გამოსაშვები სისხლი უნდა გამოიშვასო. ჰოდა, უშვებენ
კიდევ ბლომად და თავად, არცთუ იშვიათად, იზიარებენ ხოლმე ხვედრს
თავიანთ მსხვერპლთა!.. საზოგადოდაც ხომ ადამიანში მხეცი უფრო
ზის, ვიდრე ანგელოზი. ჰოდა, როცა სარბიელი მიეცემა, ეს სიმხეცე ხან
რა ბოროტების სახეს იღებს და ხან რანაირს...

სენეკა შენიშნავს ერთგან, მოსწრებულად – ჩვეულებრივ ცხოვრე-
ბაში ყოველი მკვლელი ისჯება კანონით, მაგრამ ჯარისკაცის ტანსაც-
მელს თუ ჩაიცვამ, მიდი, უუჟე რამდენიც გინდა და რამდენიც შეგიძლია,
თუნდაც მთელი ხალხი ამოჟლიტე – არ მოგეკითხება, პასუხს არავინ
მოგთხოვს. პირიქით, გმირადაც შეგრაცხავენო. წითელი რაზმელებიც
რევოლუციის ჯარისკაცებად თვლიან თავიანთ თავს და ამიტომაც, რო-
გორც უნდათ და რამდენიც სურთ, – იმდენს ხოცავენ. ხოცავენ ყველას,
ვინც არ მოეწონებათ, ვინც ეწინააღმდეგება მათ შლეგურ აზრს, ან არ
ეთანხმება, ისე, უბრალოდ – კლასობრივი თანამომე იქნება ის, თუ არა-
კლასობრივი – რა მნიშვნელობა აქვს? მთავარია, რაც შეიძლება მეტი
სისხლი უნდა დაიღვაროს. მე შენ გეტყვი და... „განათლებული“ საფრან-
გეთის რევოლუცია არა ჰყავთ მეგზურად, იაკობინელები არ აქეზებენ,
არ უნათებენ გზას თუ – რა! კლავენ მაშინაც, როცა არ ეთანხმებიან
ერთმანეთს, კლავენ ამის გამო, იმის გამო, ანდა სულაც ისე მოუნდება
სისხლის დაღვრა, სისხლში ხელის დაბანვა და ღვრის და იბანს ხელებს
სისხლში, ანდა: დაღვეს კიდევ სისხლს, ჭიქით იქნება თუ სხვა რამ ჭურ-
ჭლით. ნაკუნ-ნაკუნ აჩეხავს კიდევ მსხვერპლს და ა.შ. მიზეზ-საბაბს რა
დაუღვეს მკვლელად დაბადებულს, ვის ძარღვებშიც მოედინება დასა-
ბამიერი ცოდვის მღვრიე დურდო, მხეცის ქვეცნობიერი თუ ცნობიერი
ინსტინქტები: მთავარია – გული მოიოხოს და დაიკმაყოფილოს კაც-
თაკვლის ჟინი, გაძღეს ვით სვაჯი-მძორით. სვაჯს, აბა, ვინ ჰკითხავს –
სისხლს რადა სვამ, სვაჯო, რადა ხარ სვაჯიო? სხვათა შორის ადამიანი,
როცა ნადირობს, ეტყობა, მაშინაც ამ მოკვლის ჟინს იკმაყოფილებს: ასე
მგონია მე; შინაურ საქონელს თუ ფრინველს როცა ყელსაჭრის, ჩანს,
სისხლის წყურვილი ამოძრავებს მაშინაც ქვეცნობიერად. მოგვწონს თუ
არა, ასეა ეს, ჩემო ბატონო და ჰე, მოიკალი თავი თუ გინდა!

ფალავა გაჩემდა. თავჩაქინდრული რემა თავის ხელებს დასჩერებოდა დაჟინებით და დუმდა. ხანგრძლივი პაუზის შემდეგ ფალავამ განაგრძო ყრუ, მოგუდული ხმით:

– მე თითქმის მოვიარე ჩვენი ყველა კუთხე-კუნჭული, ჩემო რემა. ბევრი რამ ვნახე, მოვისმინე, შევიცანი... ვიფიქრე, ვიჭყლიტე ტვინი და წინანდელ დასკვნამდე მივედი:

ჩვენ, როგორც ჩანს, ცოდვებით დამძიმებულები ვართ, დიდად შემცოდენი უფლის წინაშე. ნუ დავაბრალებთ ყველაფერს სხვას, თუმცა მომხვედურთა ნაკლებობას არასდროს განვიცდიდით. ჩვენ ეტყობა: დავიმსახურეთ ჩვენი ხვედრი ამპარტავნობის, ცუდმედიდობის, მუცელმერთობის, შურიანობის და სიხარბის გამო. ჩვენი ცოდვის საზღაურია-მეთქი მეტწილად ჩვენი ხვედრი. და ამაში მე თავად დავრწმუნდი – ჟამთააღმწერელის დაუხმარებლად! შორს სადმე წასვლა არც იყო საჭირო – ჩემიანების, ჩემი უმცროსი დის და სიძის, ჩემი ნათესავების, ახლობლების, ნაცნობების ოჯახებიც კმარა სამაგალითოდ, რომელთათვის ერთადერთ საზრუნავად ქცეულა მხოლოდ სამსახურში დანიშნაურება ანუ კარგი გასამრჯელო, წინ-მედლები ანუ კაი ცხოვრება, თავისი ნაშეიერების უზრუნველყოფა სარჩო-საბადებლით, რაც შეიძლება ბლომად, მაძღრისად მუცლის ამოყორვა და ა.შ.

რიგიანი ცხოვრება, რასაკვირველია, სულაც არაა საძრახისი. პირიქით, ადამიანმა სწორედ ღირსეულად უნდა იცხოვროს თავად და აცხოვროს თავისი შთამომავლობა, ოღონდ... არა სულიერი დაკნინება-გალატაკების ხარჯზე, არა ზნეობრივი კომპრომისების ხარჯზე – რაგინდარა საშუალებებით მოპოვებული კეთილდღეობის ანგარიშზე! კაცი პურსა სჭამს იმისათვის, რომ კაცურ კაცად აცხოვროს თავისი შთამომავლობა – ფუჭი, უმაქნისი სიტყვებია ამ მუცელმერთა ლუ-არსაბ თათქარიძეებისთვის. ალბათ, მეტყვი, ამ უბადრუკი რევოლუციონერების „უტყუარ“ და „წყალგაუვალ“ საბუთებს: ეს ყველაფერი ე.წ. მაღალი საზოგადოების მანკიერებანია, თვარა, რაც შეეხება ჩვენს გლეხებს, მუშებს და საზოგადოდ, დაბალ ფენას, ისინი ხომ ფრთიანი ანგელოზებია ლამის!..

აქედან მოშორებით სოფელია ერთი „სახელგანთქმული“ ავაზაკებით, საქონლის, ცხენის ქურდებით, ზოგ მათგანს სულაც არ ეთაკილება ხოლმე თავისი „ხელობა“. პირიქით, თავი მოაქვთ კიდევაც ზნედაცემულობით, რამეთუ – თავისებურად, თავიანთი გაგებით – ინახავენ ოჯახს! მერე რა, რომ ნაპარავ სარჩო-საბადებელს ეზიდებიან თავიანთ ფაცხებ-სა თუ ჯარგვლებში... გამართლება? გაჭირვება და სიღატაკე. კი. არის ეს არგუმენტი, ვინაიდან მონტესკიეს თქმით, კუჭზე მზრუნველ ადამიანს

ვერ მოსთხოვ მაღალ იდეალებსო, მაგრამ... უმთავრესი მაინც – ასე მგონია, – უღმერთობაა, ურწმუნოებაა, თუმცა... საზოგადოდაც, როგორც ზემოთაც ვთქვი, ადამიანთა მოდემის უმეტესობას – ჩვენში იქნება თუ სხვაგან – ძვალ-რბილში გასჯდომია ბინიერება და უკეთურობა, რომელიც ყოველ ხელსაყრელ მომენტში ზვავივით მოსკდება და წალეკვით ემუქრება ხოლმე ყოველივეს... სულიერს და ამაღლებულს: ძველ იტალიურ თუ ინგლისურ, თუ სხვათა ქრონიკებშიც რომ ჩაიხედო – იმდენი ბოროტება და სიგლახეებია აღნუსხული, რომ... მოკლედ, ესენი ეტყობა, ზოგადკაცობრიული მანკიერებანი არიან-მეთქი.

აკი ყველა დრისა და ყველა ეპოქაში მდაბალი სანჩო-პანსები სძლევდნენ ამაღლებული სულის დონ-ციხობებს? ხოლო მარკუს ავრელიუსის ხსენებაზე უსათუოდ ამოტივტივდება ნერონი თუ კალიგულა. დავით აღმაშენებლის ხსენებას უთუოდ მოჰყვება ბაღვაშთა სახელები და ა.შ. ანუ: მუხთალი და ცრუ ნუთისოფელი მიწყვი ავის მქნელია! ანუ: სიკეთის და სიყვარულის ჯვარზე გაკვრა – არ ახალია – ძველია!

როგორც ჩანს... ადამიანის დასაბამიერი ცოდვისშვილობაც თითქოს გამამართლებელ საბუთად გამოდგება, მაგრამ... ეს ხომ, საერთო ჯამში, ნუგეში არ არის?..

...ძველ კოლხ-ბერთა დიდების – ქუჯი ერისმთავრის, ფარნავაზის, გორგასლის, დავით აღმაშენებლის თუ თამარის, გუბაზის, გიორგი ჭყონდიდელის, ცოტნე დადიანის, თევდორე მღვდლის, თუნდაც სამასი არაგველის, დიდგორის თუ ბასიანის, ხრესილის თუ კრწანისის გმირთა და სხვათა და სხვათა – ამ გამორჩეულთა სახელების მოხმობა ვერაფერი ნუგეში მგონია!. ჩემი აზრით... პირიქით, ეს ერთხელ კიდევ ამტკიცებს იმას, რომ ზეკაცები, ნიციშეს თქმითაც, – უფლის მიერ არიან ხელდასხმულნი, როგორც დიდი ზიარებულნი და უფლის ნებითვე და საკუთარი ძალისხმევითაც წარმართავენ ცხოვრების მდინარებას მათთვის დასაზღვრულ ფარგლებში და მართოსულებად რჩებიან ამ უსაშველოდ ბნელ მასაში, მდაბიორთა ჯოგში, ხელჯოხის ანუ იარაღის მეშვეობით რომ უნდა მოიყვანო თურმე უსიტყვო მორჩილებაში...

მაგრამ ...საოცარი და საკვირველი ისაა, ასეთი საყოველთაო უზნეობის და უღირსობის ფონზე, – კუდი რომ ყავარზე გვაქვს გადებული! მავანთა და მავანთა უკუდო ამპარტავნობას და კოკობზიკობას ხომ საზღვარი არა აქვს!..

სულ არ მჭირდება მეცნიერების გამოკვლევა იმისთვის, რომ დავინახო ზოგადად ადამიანში ბინიერი, პატარა ტირანუკა რომ ზის: ოჯახში იქნება ეს თუ გარეთ – სხვაზე მბრძანებლობის ჟინი უსათუოდ უნდა მოიკლას. ხოლო, თუ გარეთ საამისო სარბიელი მიეცა, იცოცხლეთ –

გაიხარებს, და მერე როგორ გაიხარებს მისი მძლავრობისკენ მიდრეკილი გენი და პატივმოყვარეობით დაღრღნილი გული!.. რასა იქმს ამ დროს ჩვენში ხალხის სულიერი მწყემსი, – სამღვდელოება?.. რასა იქმს და, წლითინლობით იზრდება „ქუაბ-ავაზაკთა“ რიცხვი. სოფელში ჩვენს მღვდელთან ინახავდნენ თურმე წითელრაზმელები – იარაღს. დიახ, დიახ „სოციალისტი“ მღვდელი მფარველობდა ამ ყაჩაღთა ბანდას, გიორგი ფალავას ოჯახის ანიოკებასა და სახლ-კარის გადანვაშიც ედო თურმე თავისი წილი.

ასეა, ჩემო ბატონო. შემთხვევითი არც ისაა, ჩვენი ტფილისის სემინარია ლამის რევოლუციონერთა ანუ მოძალადეთა სამჭედლოდ რომ იქცა! რა მოხდა, რანაირადო – რიტორიკულ კითხვას სვამს ზოგ-ზოგი. ის მოხდა, რომ არ შეიძლება ყმანვილების, მოზარდების სულში პროტესტის გრძნობა არ დაბადოს ამ რუსულმა, ორთოდოქსალურმა, დოგმატურმა, სქოლასტიკურმა „პრავოსლავიემ“, რომელიც რუსულ სახელმწიფოებრიობასთან ერთად, ბიზანტინიზმის – ამ ფარისეველი, ვერაგი, ცბიერი იმპერიის, იდეოლოგიის მემკვიდრეა.

ბიზანტიაში ხომ, და მისი ნაბაძვით რუსეთში, მძლავრობასა და უსამართლობაზე აგებულმა სახელმწიფომ აკი მეტწილად დაიქვემდებარა რელიგია, იგი თავისი ბინძური პოლიტიკის ინტერესების სამსახურში ჩააყენა, ლამის აკურთხებინა და გზა დაულოცა ძალმომრეობას, იმპერიულ ზვიადობას. დღევანდელი ზოგიერთი ჩვენი „სულიერი მამა“ პირველსავე ხელსაყრელ შემთხვევაში აბეზღებს ხელისუფლებასთან მათთან აღსარებაზე მისულ უბირ მორწმუნეთ, ისე, ვით ხდებოდა ეს ბიზანტიაში და ხდება დღემდე „ერთმორწმუნე“ რუსეთში. დასავლეთის კათოლიკურმა სარწმუნოებამ, ინკვიზიციის თუ იეზუიტიზმის გამოვლით, ასეა თუ ისეა, თითქოს ამ მხრივ რაღაც ბალანსი შეინარჩუნა. თუმცა... მე არ ვარ ექსპერტი ამ საქმეში და ვერ ვიტყვი ცხადია, დაბეჯითებით, რომელი დოგმატია უფრო სწორი და მართებული – მე რომ მკითხოს კაცმა, ქრისტეს და სახარების სიყვარული უნდა იდგეს მაღლა ყოველგვარ დოგმატზე. ვიცი ის, რომ რუსული ყაიდის, ბიზანტინიზმთან ნაჯვარი „პრავოსლავიე“ – დიდმპყრობელური შოვინიზმისკენ, რუსული მონარქიზმის გაღმერთებისკენ რომ მიისწრაფვის, მას უკმევს გუნდრუკს... აბა, ერთი მითხარი, სად მოსკოვის სამთავრო და სად კამჩატკა თუ კურილიის კუნძულები? სად კავკასია, ციმბირი თუ ურალი და სად რუსეთის მოსკოვია? აკი არც მალავენ თავიანთ დერჟავულ პრეტენზიებს! ვლადივასტოკიო, ვლადი კავკაზიო და სულაც: ვლადიმირიო!

ჩვენი ყმანვილები ან ამ ე.წ. რუსული ყაიდის მართლმადიდებლობას უნდა გაჰყვნენ, რადგან ყოველივე ქართულის იგნორირების ანდა დევნის

ვითარებაში სხვა გამოსავალი არაა, ან უნდა დაკარგონ თავისთავადობა, გამოლენდნენ, გამოთაყვანდნენ. ანდა: უნდა იქცნენ ისევ და ისევ რუსული ყაიდის ფანატიკოს-დოგმატიკოსებად, ვთქვათ, დუხოზორებად ანდა სტაროვერებად ანდა პროტესტის სხვა, უფრო „რევოლუციური“ ანუ მახინჯი ფორმა უნდა მონახონ! ჰოდა, მონახეს და... მივიღეთ კიდეც სემინარიელი ყაჩაღები და „სოციალისტი“ მღვდლები...

ჩვენი სულიერი გადაგვარების ნიშნად აკი გუგუნებს კიდეც ჩვენს ეკლესიებში – რუსულ ჰანგსა და რუსულ ენაზე – „ჩვენი ხელმწიფე იმპერატორის“ და მისი ძღვევამოსილი მხედრიონის სადიდებელი!.. „ჩვენს ხელმწიფე-იმპერატორს დღევრძელობა და სიცოცხლე მრავალჟამიერ“. „ჩვენი ხელმწიფე-იმპერატორის ბრძანებით“... „ხელმწიფე-იმპერატორის ნება-სურვილით“, „ჩვენი ხელმწიფე-იმპერატორი“...

ვინ ჩვენი ხელმწიფე-იმპერატორია, კაცო?

როგორ თუ... ვინ? რას კადრულობთ, ბატონო ჩემო? ჩვენი მირონცხებული ხელმწიფეა!.. (ხელმწიფე-იმპერატორის ჩინ-მედლებით მოსყიდულთა უკიდურესი აღშფოთება).

– როგორ, კაცო? რუსთა იმპერატორი განა ჩვენი ხელმწიფეა? მაშ, ვინლა არიან ბაგრატიონები? – საპასუხო კითხვა!

– რა დროს ბაგრატიონებია, ბატონო ჩემო? მათ უკვე კაი ხანია, მოჭამეს თავისი დრო, აკი ნათქვამია, დრონი მეფობენო... ახლა ჟამი რომანოვებისაა, ანუ ჟამი რუსთა ზეობისა! რაო, რაო, ბაგრატოვანთა წინაშე ჩადენილი ცოდვა არ შერჩებათ რუსთ ხელმწიფეებსო? როცა იქნება, ამ ე.წ. რომანოვების ანუ ფონ-ფონების დინასტიას სასტიკად მიეზღვება ამ ცოდვის გამოო?..

როგორ გეკადრებათ? ყოველი მონარქი, მით უმეტეს – რუსეთის – ღვთისგანაა ნაკურთხი – ჯერ ერთი! ხოლო, ჩვენი ვალია, მივსდიოთ მათ გზას. ასეა ეს, ჩემო ბატონო!

„ჩვენი ხელმწიფე-იმპერატორის“ ჩინ-მედლებით მოსყიდულ ამ საცოდავ მონებს დავინყნიათ საკუთარი დედ-მამა და დედინაცვალსა თუ მამინაცვალზე, ლოცულობენ! დაუვინყნიათ ღვთივკურთხეული ქართული ენა...

როგორ თუ ჯვრით ხელში შემოვიდა ჩვენში სატანა და უარესი გვიქნა ვიდრე თემურ-ლენგმა, შაჰ-აბასმა? როგორ თუ სარწმუნოების ანკესზე ნამოვეგეთ! ჩვენს ეკლესიას ავტოკეფალია წაართვის? კი, შესაძლოა, ეკლესიები გაგვიძარცვეს, უზარმაზარი განძი, ქონება გაზიდეს რუსეთში, ეპარქიები დაგვიხურეს, ფრესკები გადაგვითეთრეს, რუსული წირვალოცვა შემოიღეს და ამით ხალხისთვის უცხო გახადეს ღვთისმზაურება.

მერე რა? ალბათ, ასე იყო საჭირო, ბატონო!

რუსულმა ეკლესიამ დააკანონა მონობა, განდევნა ქართული ენა და აკურთხა თვითმპყრობელობაო?

გენაცვათ, ერთა შერწყმისა და ინტეგრაციისკენ მიისწრაფვის ახლა მთელი მსოფლიო. რა დროს კუთხურობა და ნაციონალიზმია! ჩვენ სულით რუსები ვართ უკვე – და ეს ასეც უნდა მომხდარიყო. პატარა ერის ხვედრია – დიდმა უნდა შეიფაროს და... შეითვისოს იგი: ეს ბუნებრივი პროცესია, ჩემო ბატონო. ამას ვერაფერი შეაჩერებს. შერწყმით, ანუ ასიმილაციით ყველა „ინაროდეცი“ და „ნაცმენი“ – ველიკორუსად იქცევა! მოიშლება ყოველგვარი განსხვავებულობა, ყოველგვარი ზღვარი ჩვენსა და მათ შორის და ეს უდიდესი მონაპოვარი იქნება საერთოდ კაცობრიობისათვის და მით უმეტეს – ჩვენთვის! ამით ყოველგვარი კონფლიქტები, ომები, უკმაყოფილება ერთა შორის – მოისპობა. აკი უკვე ვერ ბედავენ ჩვენზე თავდასხმას – მავანნი და მავანნი? ჰოდა, ამაზე დიდი ბედნიერება შეიძლება რაიმე იყოს ჩვენი ხალხისთვისო?

ისე, საინტერესო არ არის განა მარქსისტული მოძღვრებისა და რუსული იმპერიული კონცეფციების ერთგვარობა? რა შესანიშნავად ავსებენ ისინი ერთიმეორეს, როგორადაც არ ასავსავონ ხელები ორივე მხარემ ცალ-ცალკე?

რალაც დიდი, სატანისეული საიდუმლოება დევს ამ ებრაელის მიერ შექმნილ „ფილოსოფიაში“, მუდმივი არეულობისკენ რომ უბიძგებს კაცობრიობას! თალმუდისტთა თუ სიონისტთა თეორიებიც – ებრაელთა განსაკუთრებულობასა და „გოიმებზე“ ებრაელთა მსოფლიო ბატონობის უამის მოახლოებაზე რომ ქადაგებს – ფრიად საგულისხმოდ მეჩვენება მე, და მიმატებული ნიცშეს მიმდევართა რასიზმი და ფანატიზმი – ყოველივე ამის მსხვერპლი იქნება, ალბათ, მეოცე საუკუნე!.. იგი მსხვერპლი იქნება ამ სატანისეული ექსპერიმენტებისა, ანტიქრისტიანული ალბეგებას რომ გამოიწვევს და საერთოდ, ჩემი აზრით, რუსული და საერთოდ ყოველგვარი იმპერია – თავისი არსით – სწორედ რელიგიურობის, ქრისტიანული ქრისტიანობის წინააღმდეგაა მიმართული, იგი ნაღდი ქრისტიანობის ამოძრკვის საუკეთესო საშუალებად მიმანჩია მე!

მაგრამ... მივყვით ჩვენი რუსეთუმეების მსჯელობის ხაზს თანმიმდევრულად: ნამეტანი აიშვეს თავი გლეხუჭებმა, ჩემო ბატონო! გაგონილა მაშა, საქმეა განა, გუშინდელი ჩვენი ყმები თავს რომ წამოგვასხდნენ?.. ბუნტოვშიკები... ყაჩაღები... არამზადები... სათითაოდ უნდა ჩამოჰკიდო ისინი სახრჩობელაზე. დახვრიტო. გადაასახლო ციმბირში – სამუდამოდ! მოსპო და გაანადგურო ერთიანად. დიახ, აღვირახსნილობა მოიტანა, ჩემო ბატონო, ე.წ. ლიბერალიზმა და დემოკრატიასთან გადამეტებულმა ლოლიავმა.

ავსუს, ძველო დროო! ვაჰ, დრონი, დრონი, ნაგემნი მტკბარად... ხოლო უფრო სიღრმეში თუ შევიჭვრიტებით, საუკუნეების სიღრმეში – ვაჰ, თურქეთის თუ ირანის, ეგვიპტის თუ ერაყის ბაზრებში გაყიდულო გოგო-ბიჭებო! ავსუს, რა დრო იყო!.. მაგრამ... ამასთან, ხომ გავაკეთილმობილეთ, თურმე როგორც უცხოელები ამბობენ, — ახლო აღმოსავლეთის ხალხთა სისხლი! აბა, თუნდაც დღევანდელი თურქი ის ველური სელჯუკია, რამდენიმე საუკუნის წინ რომ იყო? მერე რა, რომ სამაგიეროდ, ჩვენ გადავვიშდით? ულამაზესი რასა — ვიქეციო — ნახირად! ასეა ეს, ჩემო ძამია... — სამწუხაროდ ჩვენდა!.. — ანუ: ასე იტყვის... ზარათუშტრა! — ფალავამ უგემურად, თავისებურად ჩაიცინა-ჩაიხვიხვინა, მერე ჩანყვეტილი ხმით განაგრძო: — დიახ, ასეა, ჩვენი საქმე: გადაშენების პირზე ვართ-მეთქი მისულელები — სხვათა „დამამშვენებლები!“ და ვიმეორებ: არა მხოლოდ გარეშე, მოძალადე მტრების წყალობით!.. ნაცარქექიას ჭკუა და მოხერხებაც რომ დავკარგეთ? ანუ: „დასრულდა ჩვენი ამბავი, ვითა სიზმარი ღამისა!.. და...“ „განგებასა ვერვინ შეცვლის, არ საქმენელი, არ იქმნებისო“. მით უმეტეს — თუ ფურთხის ღირსიც ხარ!

და რაც მთავარია კიდევ: სიძულვილი თანამოძმეთა მიმართ... სიძულვილი უსამველო, უნაპირო. სიძულვილისგან დამახინჯებული სახეები. მოღრეცილი ღრანჭები, გადმოკარკლული თვალები. ღორის ტილს რომ ფეხზე დაისვამ... ვაჰ, დრონი, დრონი!

სიყვარული? სიყვარული მოყვასისადმი?

ვინაა, ბატონო, ჩემი მოყვასი? უნიფხვო კაკულია?

ვაჰ, დრონი, დრონი...

სიყვარული მამულისადმი?

რომელ მამულზეა, ჩემი ბატონო, საუბარი? მტკაველ-მტკაველ რომ ვყიდით უცხოტომელებზე? ოღონდაც დღეს გავახაროთ ჩვენი გულის ქია? დღეს ამოვიყოროთ მუცელი?

„მამულის ხსენებაზედ ეხლანდელს ქონდრისკაცს თავისი ნეხვდაყრილი სახნავი მიწა წარმოუდგება ხოლმეო“, — აკი ბრძანებდა ილია.

ეჰ, ილია, ილია!

მართლაცადა, სადღაა მამული? ანდა ერი? ერი შეიძლება უწოდო ამ შარახვეტია ქარაქუცებს, რომელთა თვალსანთიერი საკუთარ ნეხვმოყრილ მიწას, საკუთარ ვინრო ორლობეს, საკუთარ ნაჭუჭსა და სტომასქს რომ არ გასცილებია?.. კი, ერი შეიძლება მონობაში მოხვდეს, მაგრამ სულიერად დაუმორჩილებელი, ამაყი დარჩეს!

ეჰ, სულკურთხეულ ილიაზე უკეთ, აბა, ვინ უწყოდა – რანიცა ვართ ახლა, რად ვიქეციო, რას დავემსგავსეთ! მართლაცადა, ჩვენისთანა ბედნიერი განა არის სადმე ერი? ყველა ყრუი, ყველა ცრუი, ორპირი და მანკი-

ერი... მართლაცდა, სად იპოვი დედამინის ზურგზე ეგზომ ამპარტავან, კუდაბზიკა შემოდგომის აზნაურებს – სასტიკსა და დაუნდობელს ერთიმეორის მიმართ, ხოლო ქედნახრილსა და თვინიერს – სხვათა წინაშე! დაიცა... აგერ მაგიდაზე მიდევს აკაკის ლექსი, მომისმინე:

„...მე ის მალონებს, დღევანდელ ქართველს ძველი ანდერძი რომ ავიწყდება და ეროვნების მაგარი ციხე შეუგნებლობით შიგნიდან ტყდება.“

მტერი იძახის: ვინ გაიგონა

ახლანდელ დროში ეროვნებაო?!

მხოლოდ ერთია „მუშათ საკითხი“

გულს დაიბეჭდეთ მარქსის მცნებაო.

ამას ჩვენ გვირჩევს და თავისათვის

კი – სულ სხვანაირად გაიყურება.

სცდილობს კისერი მოგვატეხინოს

და მით თავის ერს ემსახურება.

ჩვენს ქართველებს კი „მეცნიერების

უკანასკნელი სიტყვა“ ჰგონიათ

და მიაჩნიათ ჭეშმარიტებად,

რაც კაჭკაჭივით გაუგონიათ!

მტერს ის უნდა: მოტყუებულ ერს

უფრო ადვილად ჩაიგდებს ხელში

და ღონემიხდილს შინაურ ბრძოლით

ადვილად მაგრად ნაუჭერს ყელში.

სულს მოიბრუნებს ჩვენს ნაოხარზე

ჩვენი დაჩაგვრა მისთვის ღმერთია!

ყველა მათგანი, სიტყვით ბულბული

საქმით იგივე „ტიმოშკინია“!

სიტყვა სხვა არის, საქმე სულ სხვაა...
სულ სხვა აქვთ გულში მათ დაფარული —

ხრიკია მხოლოდ პოლიტიკური

ძმობა, ერთობა და სიყვარული.

მაგრამ არ სჯერათ ეს უბრალო რამ

დღეს მეთაურად გამოსულებსა...
იმას არ ეთქმის „ადამიანი“

ვინც აღიარებს მარტო თვის ერსა

და სხვა ტომებს კი ისე შეჰყურებს

ჩასაყლაპავად, როგორც მტერი მტერს.

დეე სუყველამ იბედნიეროს

თვის სამშობლოში, თავის მხარეში,

რომ მოძმე იყოს ერთი მეორის

და არა მონა, ყმა და ფარეში.

ვისაც არ ესმის ეს წმინდა მცნება

და სხვის დაჩაგვრა გულში აქვს მარად,

უნდა ავიღოთ მასზე მახვილი.

და მოვიხმაროთ... მაგრამ კი ფარად.

ვაი! ეს რჩევა დღევანდელ ქართველს

ვერ შეუგნია... არ ეყურება!

ჰგონია თავს დებს სამშობლოსათვის

მისივე მტერს კი ემსახურება.

აი ეს არის მე რომ მალონებს

ძველი ანდერძი რად გვავიწყდება?

და ეროვნული ქართული ციხე

შეუგნებლობით შიგნიდან ტყდება!“

უკეთ ვერ იტყვი, რაც გვჭირს!.. — ფურთხის ღირსზე ნაკლები არ არის მე მგონი... მაგრამ... მაგრამ... ამ სიძულვილში რაოდენი სიყვარულიაო — არა, ჩემო რემა? ვიცი ასე იტყვი შენ! არადა ეს ლექსი მართლაც სკოლის მონაფესავით — უცებ დავიზუთხე, დიახ, როგორც ყოველთვის — ჩვენი აკაკი სწორუპოვარია! როგორი მართებული სურათია დახატული ჩვენი დუხჭირი ყოფიერებისა! ვერა, ვერანაირი „ქვათა ღალადი“ ველარ გვიშველის მეთქი განწირულებს. ყოვლანმინდა ღვთისმშობელმაც ჩვენი ცოდვებისა და უგუნურების გამო — როგორც ჩანს, ჩვენს მფარველობაზე თავის წილხვედრ ქვეყანაზე, ანუ როგორც აკაკი ამბობს — თავის საუფლისწულოზე ხელი აიღო! ხელი აიღო ალბათ თავის სისხლით ნათესავ-ბაგრატიონებზეც!.. ასეა ეს, ჩემო ძამია, ასეა!.. არ მითხრა ახლა, გარეშე მტრების გამო ვართ ასეთ ვითარებაშიო. უამისობაც არაა ცხადია. მართლაც ვიყავით და ვართ დღესაც ხიდად გადებული აღმოსავლეთსა და დასავლეთს შორის, ჩრდილოეთსა და სამხრეთს შორის — მაგრამ... ჩვენში ერთსულოვნება რომ ყოფილიყო-მეთქი, ასეთ უბედურ დღეში არ ჩავვარდებოდით. კარგ შვილებსაც შევიგუებდით, შევიფერებდით — ვაჟას სიტყვებით რომ ვთქვა. ანუ: რაც მოგივა დავითაო... მოკლედ, რაც დავთესეთ პრინციპში — იმას ვიმკით!..

... მოკლედ... განძი მიწაში ჩავმარხე. მასაც, ჩემთან ერთად, მიწა შეჭამს. მე კი აქ, ამ უღრანი ტყის მახლობლად, ზღვის ნაპირზე დავიდე ბინა, რათა დარჩენილი სიცოცხლის წლები აქ, განმარტოებულად დავასრულო. როგორც ხედავ, გამოვერიდე ადამიანებს, გულზიდვა მენწყება მათი უმეტესობის დანახვაზე, რადგან ამ ე.წ. ჰომო საპიენსს შეუძლია იყოს ყველა პირუტყვზე უფრო უარესი პირუტყვი...

ჰოდა, ვმკვიდრობ აქ, ჩემთვის, მარტო, მაგრამ, რაც მთავარია, თავს თავისუფლად ვგრძნობ! ბერობა-ჩემი საქმე არ არის! მონოზნურ განდგომილებას მე ვერ შევძლებ! ამისთვის სხვანაირი სულიერებაა საჭირო: მე არა მაქვს პრეტენზია საამისოდ, თუმცა... არანაირი ვალდებულების ჯაჭვი არ მაკავშირებს არავისთან – არც ნათესავებთან, არც ახლობლებთან და საერთოდ, არც ერთ სულიერთან. მაქვს რამდენიმე ქცევა მინა: ვხნავ, ვთესავ, ვინევ ჩემ სამყოფ მოსავალს. მოვაშენე ოჯალეში, სხვათა შორის, შენ ჩემს დაყენებულ ღვინოს მიირთმევ. მყავს შინაური და გარეული ცხოველები, რავარც შენ თვითონ ნახე. ჰო, აქედან ოციოდე ვერსზე სოფელია ერთი მივარდნილი, მიყრუებული. ბევრი ცუდი ხალხი ცხოვრობს-მეთქი მაქ, გითხარი წელან.

ერთხელ მეც დამიპირეს გაქურდვა. ჩემმა ნაგაზებმა კუდიტ ქვა ასროლინეს.

ამ კუთხის სოფლებში ეკლესიებიც აქვთ, ზოგი ძალიან დიდი ხნის წინ ნაგები. მერე რა? რუსთ-ხელმწიფე იმპერატორზე ალაველენ იქაც ლოცვებს მათთვის გაუგებარ ენაზე (რა თქმა უნდა, გაბრიელ ეპისკოპოსისნაირთ არ ვგულისხმობ, ღვთის რჩეულნი რომ არიან)...

საუბედუროდ ჩვენდა, თურმე მარტო სახელმწიფოებრიობა არ დაგვიკარგავს!.. რელიგიური ფანატიზმი, იცი ეს შენ, საერთოდ უცხოა ჩვენთვის. გემზე მეზღვაურთა შორის, სხვადასხვა რჯულის მიმდევარნი იყვნენ. მათთან ურთიერთობისა და სიახლოვის მთავარი საზომი ჩემთვის ყოველთვის კაცობა იყო და არა ის, თუ ვინ რომელ ღმერთზე ლოცულობდა. ყოველთვის მძაგდა და მძაგს ახლაც დოგმატიზმი და მათ შორის, რუსულიც — უფრო სწორად, მათი სინოდი და ეგზარხოსები – დერჟიმორდა მღვდელმთავრებიანად – ერთ-ერთმა მათგანმა აკი ამბიონიდან დასწყევლა კიდეც ქართველი ერი – უპრეცედენტო ამბავი მსოფლიო ისტორიაში! აკი ამას შეეწინა კიდეც ერთ-ერთი ჩვენი რჩეული მამულიშვილი – დიმიტრი ყიფიანი! ხოლო როგორ გაძარცვეს ივერიის ეკლესიები და რა განძი გაზიდეს აქედან „ერთმორწმუნე“ ბარბაროსებმა – ამას ხომ ვინ დათვლის!... რასაკვირველია, მათაც ჰყავთ რადონეჟცები, საროველები, ჭეშმარიტი მართლმადიდებლები, მაგრამ, სამწუხაროდ, ეს საერთო სავალალო სურათს ვერ შეცვლის...

ეკლესიის მსახურთა უმეტესობა ისე შორსაა ქრისტიანობისა და მაცხოვრის სულისაგან, როგორც ცა და დედამიწა!.. და საერთოდაც, ჩემი აზრით და ღრმა რწმენით, ქრისტიანობა უფრო მომავლის სარწმუნოებაა – უფრო სრულქმნილი ადამიანისა და საზოგადოებისა, რადგან, როგორც ჩანს, ამ ორმა ათასმა წელმა – უფალმა რომ უწყალობა კაცობრიობას – ველარ განკურნა ადამის ძეთა სულიერი ნყლულები, ველარ

სცხო ზეგარდმო მაღლი და ნიჭი ჩვენს თხრამლიან, სახიჩარ ყოფიერებას და საზოგადოდ, ამ დედამიწაზე, ალბათ, არც არასდროს მიიღწევა ადამიანის სრულყოფილება, – მით უმეტეს, სოციალური კეთილდღეობა ისე, რომ სულს არაფერი ევნოს, სული არ დაკნინდეს და არ გადაგვარდეს... ანუ: „ქვეყანასა ზედა მშვიდობა და კაცთა შორის“ სათნოება ჩემი აზრით, ჯერ – შორსაა კაცობრიობისგან, ერთობ შორს! იგი ოცნებად თუ რჩება მხოლოდ...

სასუფეველი ცათა შინა თუ არსებობს, მხოლოდ რჩეულთათვის ალბათ! რადგან: კაცთა მოდგმის ბინიერებას საზღვარი არა აქვს აქ, დედამიწაზე-მეთქი. ხოლო გონისმიერი ბინიერება – საშინელი რამაა! ბინიერ გონს ძალუძს, არამცთუ მარტოდენ წარმოდგენა ყოველგვარი სისაძაგლისა, სიბინძურისა არამედ მისი ხორცშესხმაც. და რაც ყველაზე ამაზრზენია, ეცდება კიდეც გაამართლოს თავისი გარყვნილება ანუ სიკეთედ წარმოსახოს ბოროტება და უკეთურობა...

... ჰო, ამ ბინიერ გონს შეუძლია-მეთქი გაველურების, განადირების, უზნეობის გზაზე წაიყვანოს არა მარტო ცალკეული პირები, არამედ მთელი ხალხები და ქვეყნები და საბოლოო ჯამში – კაცობრიობა, და ჩაძიროს იგი ბოროტების ჭაობში, საიდანაც სისასტიკის, სიძულვილის, ძალადობის, გარყვნილების ლპობაშეპარული, ზინზლიანი მცენარეთა ყლორტებია ამოიყრის თავს. ასე იყო ეს დასაბამიდან: უპირატესად — სწორედ ეს ბინიერი გონი მართავდა და მართავს ხოლმე დღემდე მეტწილად ქვეყნებისა და ერების ბედ-იღბალს... და საერთოდ, მე რომ მკითხოს კაცმა, კაცობრიობის მთელი ისტორიაც სისხლიანი მარულაა მხოლოდ, ურთიერთხოცვის, დაქცევის და აოხრების. აკი ამბობს კიდეც დანტე თავის „ღვთაებრივ კომედიაში“: „გამუდმებული მტრობის, დაუსრულებელი სისხლისღვრის ადგილია კაცთა საცხოვრისიო“. ჭეშმარიტად. ასგზის მართალია დიდი იტალიელი... მხოლოდ აქა-იქ უდაბნოში ვით ოაზისი, გამოკრთება ხოლმე სიკეთის მარცვალი, მაგრამ რა პატარაა, რა უსუსურია იგი და უმნიშვნელო იმ ოკეანესთან – ბოროტება რომ ჰქვია!..

... ინდონეზიაში ყოფნის დროს მიაბზეს იქაურებმა: არსებულა რაღაც სექტა, რომლის წევრებიც როკვით ექსტაზში შესულები, წინასწარ საამისოდ შეგულვებულ თანამოძმეს, რასაკვირველია, – ამ უკანასკნელის სრული თანხმობით და მზადყოფნით, – ამოაჭრიან ხოლმე ცოცხლად გულ-ღვიძლს და მერმე ჯერაც ოხშივარადენილს, იქვე, ნაწილ-ნაწილ გლეჯენ მენადებვიით და იქვე მიირთმევენ: ამ გზით ცდილობენ, თურმე, „ეზიარონ“ – უზენაესს! ამის შემდეგ ეძლევიან ერთმანეთში, ცხადია, განურჩევლად – სქესობრივ ორგიებს, ჯგუფურ სექსს და არა მხოლოდ

იქ ხდება ასეთი ამბები... ესენი სულაც არ არიან რომელიმე ველური ტომის წარმომადგენლები. უმეტესობა თეთრკანიანი, ე.წ. ცივილიზებული ერების შვილები გახლავან თურმე!.. და ვინ იცის, კიდევ რამდენი ასეთი კაციჭამია სექტებია გაბნეული დედამიწის ზურგზე! სხვადასხვა ნიღბით ანდა სულაც უნიღბოდ რომ სჩადიან შავბნელ საქმეებს! რამდენი ველურობა და ვანდალიზმი მკვიდრობს ჯერაც ამ, ვითომდა ცივილიზებულ ცისქვეშეთში – უფლის მიერ ბოძებული თავისუფალი ნების გამოისობით თუ მისი სახელით!.. თუ – უმისოდაც! ერთი რამ ცხადია, ჩემო რემა: ხალხებს, რასებს, სხვადასხვა რელიგიებს, სექტებს თუ კასტებს — საშინლად სძულთ ერთმანეთი, ვერ იტანენ ერთმანეთს და მხოლოდ ხელსაყრელ ჟამს ელოდებიან – გადმონათხიონ ეს ბოღმა და სიძულვილი ანუ როგორც არაერთხელ ყოფილა წარსულში – დაერიონ და ამოხოცონ ერთმანეთი. – უნებურად მოგაგონდება ხოლმე დიდ იმპერატორთა და საერთოდ, კაცთა მოდემის ერთი უბრწყინვალესი და ურჩეულები წარმომადგენლის – მარკუს ავრელიუსის სიტყვები: – მის თანამედროვეთა მიმართ თქმული: „ბილწი ნახე – როგორ თვქლეფენ, ხვრეპენ, მრუშობენ, გაზეხსა და განავალს გამოჰყოფენ და ასე შემდეგ. და მერე როგორ მზვობენ, მრისხანებენ ან რა ზიზლით დაგყურებენ მათი ბრიყვილი სიმაღლიდან – შენ! ბილწი. ცოტა ხნის წინათ მონური მორჩილებით ემსახურებოდნენ რამდენს! მერედა, რა ფასად და... რად იქცევიან ცოტა ხნის შემდეგ!“ ამაზე არა ნაკლები სარკაზმი როდია გენიოსი მათემატიკოსისა და მოაზროვნის პასკალის სიტყვებში: „რა საზარელი ქიმერაა ადამიანი! რა ენიგმა, რა ურჩხული, რა ქაოსი, წინააღმდეგობების როგორი ხლართი, რა სასწაული! სამყაროსეულ არსთა მსაჯული, მინის ბრიყვი მატლი, ჭეშმარიტების საცავი. ეჭვებისა და შეცდომების ალუვსებელი საწყაული. სიბილწის ბუდე, სამყაროს დიდება, ბუნების უბადრუკი ნაშთი და წარჩენი“. აკი, ჩვენი რუსთაველის თქმითაც: „გული კრულია კაცისა, ხარბი და გაუძღომელი, გულია ჟამ-ჟამ ყოველთა ჭირთა მთმო, ლხინთა მდომელი, გული-ბრმა, ურჩი ხედვისა, თვით ვერას ვერ გამზომელი, ვერცა ჰპატრონობს სიკვდილი, ვერცა პატრონი რომელი!“ ანდა: „ვინ არის იგი, ვის თვის გული ერთხელ აღევსოს და რად მიედოს ერთხელ ნატვრით, ისი ეკმაროს“-ო, ეს კი რუსთაველის დიდი შთამომავლის დასკვნაა. ხოლო ერთი აღმოსავლელი პოეტის აზრით: „ამ წუთისოფლის დაწყევლილ კვანძებს ვერ ახსნის ბრძენთა გონი და ენა“-ო. „ნახეთ, რარეგად ერთმანეთი შეგვძულდება! ჩვენ აღარ ველით შეწყალებას და შევრდომობას, „ვინაიდან დანტესვე აზრით: „ცოცხლად შთენილნი დღენიდაგ სჭამენ ურთიერთს, თავად ისინიც, საერთო ციხეში რომ ცხოვრობენო“.

სამწუხაროდ, ასე იყო ეს უწინარეს საუკუნეებში, უხსოვარ დროს და

ასეა — ახლაც, დღესაც! ვინაიდან: „რა ქნან? ასეთია მათი ბუნება. და თუმცა ხანდახან მაინც ცდილობენ საერთო, საზოგადო საქმეს დაუქვემდებარონ თავიანთი ანგარება, ყველა ამნაირი ცდა სხვა არაფერია, თუ არა პირფერობა, გულმონყალობანას თამაში, ყალბი ქველმოქმედება, ვინაიდან თავი და თავი – მაინც ურთიერთსიძულვილია“, პასკალის ამ სიტყვების, ამ მოსაზრების დაგვირგვინება მასზე ბევრად ადრე ნათქვამი დანტეს სიტყვებია, წელანაც რომ გავიხსენე: „გამუდმებული მტრობის, დაუსრულებელი სისხლისღვრის ადგილია კაცთა საცხოვრისი“-ო და ყველაფრის სათავე: ანგარება და სიხარბეა ანუ: შენი-ჩემიას-საზრისი!..

აბა, თუ კაცი ხარ, მითხარი: რას გვერჩოდა, ვთქვათ, ჯალალ-ედინი – სხვა მტარვალებს რომ თავი დავანებოთ: – ცხრა მთას იქით გადაკარგულს – მივუარდი, ნავგლიჯე რამე? ან: დედ-მამა მოუკალი, ან ახლობელი, სისხლის ზღვაში რომ აბანავა ასი ათასი თბილისელი! რას გვერჩოდა-მეთქი, თუ არა სურვილი – სხვისი ქონების, სხვისი სარჩო-საბადებლის დასაკუთრების? და რამდენი ასეთი ჯალალ-ედინები, თუ ჩინგის-ხანები, თემურ-ლენგები, და სხვანი და სხვანი – დასავლეთელი თუ აღმოსავლეთელი დამპყრობი ახსოვს ისტორიას? აკი ადამიანის ამ გაუმაძღრობაზე, მის დაუოკებელ პატივმოყვარეობაზე ჩივიან თვით ქრისტეს მოციქულებიც! აკი მოციქული პავლე ასე მიმართავს თავის მონაფეებს: „ნუ კბნთ ერთმანეთს, ფრთხილად იყავით – ერთმანეთი არ მოსპოთო!“ აკი თავის ბრწყინვალე ქადაგებებშიც ოქროპირი ჩივის: „ვერაფერს ვაღწევთ ვედრებით. ვერაფერს – რჩევებით და დარიგებებით, ამიტომ მხოლოდ ტირილი გვმართებსო“. აკი ამიტომაც: „იგი მიენდოს სოფელსა, ვინაც თავისა მტერიაო“, აკი ჩვენი ვაჟაც, ლამის სილატაკებში რომ აღმოხდეს სული, ჩივის: „ფლიდია ესე სოფელი, ფლიდთა საყრელი ხელისა, კარგებსა ჩაგრავს, უმსგავსთ კი – კალთას აფარებს, შველისა!“ ამიტომაც იქნებ სჯობდა: „წვიმად მოვსულიყავიო!“ გესმით თქვენ, ადამიანებო, როგორი ტრაგედიულია ეს ნატვრა!.. – დიახაც, დედამიწა თუხთუხებს ამდენი ცოდო-ბრალისგან. და არავინ უწყის – როდის გასკდება უსასრულოებაში მოზრიალე ეს პანანკინტელა ბურთი? ან გეგულება იქნებ ვინმე დავით აღმაშენებელივით დამწერი: „გალობანი სინანულისანისა?“

ზოგჯერ, სიმართლე რომ გითხრა, თვით ღმერთის არსებობაშიც მეპარება ხოლმე ეჭვი, ჩემო რემა! არავითარი კანონზომიერება – ყველაფერი ქაოსია!.. არავითარი ისტორიზმი – ყველაფერი განქარვებადია... ალოგიკურია... და საერთოდ: რისთვის გაჩნდა ამქვეყნად ამდენი ხიჭუ-მაჭუ, ამდენი ერთმანეთის მოძულე, ერთმანეთის სისხლისმსმელი

ხალხები? ნუთუ მხოლოდ დედამინის სტომაქის გასაძლომად-მეთქი? მის გასაპოხიერებლად?

ანდა, ვითლა ითმენს უფალი თავის გაჩენილში ამდენ სიბილწეს და სისაძაგლეს! ხატად თვისადო?! ჰმ!.. ნუთუ, ბერბიჭაშვილის თუ გაგულიას-ნაირნი არიან ხატად ღვთისად გაჩენილნი, კაცო?.. ძველი რომაელები ამბობდნენ – ადამიანი ადამიანისთვის მგელიაო. ვიცი, შენ შემეპასუხები: იგივე რომაელმა სენეკამ თქვა – ადამიანი ადამიანისთვის წმინდაო. რომელმა გადანონა? ვისი სიტყვები შეისმინა კაცობრიობამ? იქნებ – მაცხოვრის?

...იულონ ფალავა ხან სვენებ-სვენებით, თითქოს ყლუპ-ყლუპით სვამსო წყალს, ისე წარმოთქვამდა სიტყვებს, ხანაც ნაკადულივით რაკრაკით – შეუსვენებლად მოედინებოდა მისი ბაგე-პირიდან სიტყვების ნიაღვარი – ათასში ერთხელ თუ შეეპასუხებოდა სმენადქცეული რემა, თორემ სხვა მხრივ, იულონ ფალავას მჭევრმეტყველურ მონოლოგს არაფერი არღვევდა და თუმცა ყალიონის წარამარა ქაჩვით, ხანაც ბოლთის ცემით გარეგნულ მშვიდ იერს ინარჩუნებდა, მაინც ჩანდა მისი ვერდაოკებული შინაგანი მღელვარება, ვერდაუნჯებული გონის ბორგვა და შფოთვა-წყვეტება.

...საწოლის თავით დაკიდებულ ილიას სურათთან შემდგარი, მცირე ხანს მდუმარებას მისცემოდა, მერმე ისევ შეირხა, რემას მოხედა მხარს ზემოთ და განაგრძო შეწყვეტილი საუბარი:

– აი, ამაზე, ნამდვილად ვლოცულობ, როგორც ღვთის შვილზე, რომელიც რაღაც გაუგებრობის ნიადაგზე მოევილინა მე-19 საუკუნის უბადრუკ, დაჩიავებულ ე.წ. საქართველოს... დავით აღმაშენებლის სული განსხეულდა-მეთქი ილიაში, ვთქვი წელან და როგორც მოსალოდნელი იყო, ვერ შევიფერეთ „ბედნიერი“ ერის შვილებმა: ამაოდ ჩივის და წუნუნებს კიდევ ერთი ჩვენი დიდკაცი: „თუ ვერ ვიგუებთ, ვერ შევიფერებთ, კარგი შვილები რად გვებადება, ჩემო სამშობლოვ, ჩემო სიცოცხლე, არ გეკადრება, არ გეკადრებაო“! არ გეკადრებაო. არადა, სწორედ ისე მოხდა, როგორც ეკადრებოდა ამ დუხჭირ ქვეყანას!..

რაც დრო გადის, წმინდანის შარავანდედით იმოსება ჩემთვის ილიას სახე, ყოველ შემთხვევაში, ჩემთვის იგი მარად დარჩება წმინდანად, შერაცხავს თუ არა მას ოდესმე წმინდანად ქართული ეკლესია... და იცი კიდევ რას ვფიქრობ, ჩემო რემა? არ სტყუოდა ის ბრძენი გერმანელი ფილოსოფოსი: კავკასიურ ანუ ქართულ გონს ძალუძს ახალი ცივილიზაციის შექმნაო, რომ ამბობდა. განა ილია მსოფლიოს გამგებლად არ გამოდგებოდა — თავისი სიბრძნით, გონიერებით, შრომისმოყვარეობით, სამართლიანობით, ანუ კაცური კაცობით? ის კაცი იყო, ვით შე-

ჰფერის კაცსა კაცობაო — განა ილიასნაირებზე არაა ზედგამოჭრილი? დიახაც, ილისნაირებს ძალუძთ სწორედ ქვეყნიერების მართვა, ოლონდ... მანამდე თუ შინაურმა მენადებმა არ დაფლითეს, არ დაგლიჯეს, თუ საკუთარ ქვეყანაში ბღღვირი არ აღინეს — უჩემოდ ვით იმღერაო!.. რა ილიას შესადარებელია თავისი ზნეობით, მაგრამ აკი პეტრე პირველმა-ბაგრატიონმა — სლავების, სკვითების, სელჯუკებისა და მონღოლთა ნაშიერებს — ამ მომთაბარე ტომებს — არ შეუქმნა განა უზარმაზარი იმპერია“ ჩვენდა სავალალოდ და საუბედუროდ? და რამდენი მისნაირი „ამშვენებდა“ ირანის თუ ერაყის, ეგვიპტის თუ ავღანეთის და სხვათა და სხვათა სასახლეებს? მერე ჩვენ რა? — წამიერი ღუმილის შემდეგ ისევ ალაპარაკდა ფალავა:

თეთრი ირმის ამბავი გეცოდინება... ილიას მკვლევლობის ადგილზე რომ მივიდა თურმე, მონადირეთაგან სასიკვდილოდ დაჭრილი!.. ილიას ანგელოზი იყო უთუოდ! და... მოიკლა ისიც – ილიასთან ერთად!.. ალბათ ამ თანადროულობაში – არ იყო ილიას ღირსი ჩვენი ქვეყანა და.. ღმერთმა წაართვა იგი უღირს შვილებს, თავისთან წაიყვანა, გაარიდა ცოდვის ნაშიერთ ერთი დიდი, ჭეშმარიტი ქართველი! „ჩვენი საწყლობის მოზარე, მანდ დაისვენო ეგება?!“

დიახ. ქართველობის უკანასკნელი მოჰიკანი დაკარგა მომაკვდავმა საქართველომ – იბერიულ-კოლხურმა მოდგამამ! საერთოდ კი: თუკი ოდესმე არსებობდა და რაიმეს წარმოადგენდა საქართველო, თუკი მართლა ზეობდნენ დავითი და თამარი, ჩემი აზრით, უწინარესად იმიტომ, რომ ძლიერი იყო ქართლი. დიახ. ქართლი აღუღაბებდა, ქართლი აკავშირებდა მტკიცედ, ქართლი აერთიანებდა სხვადასხვა ნათესავ ტომს – თავისი მაღალი სულიერებით, თავისი ენით, რელიგიით, კულტურით, თავისი გულგებობით, სინდრფელით, კაცთმოყვარეობით. გახსოვს, ბალობაში რომ ვმღეროდით: „ქორთუ, ქორთუ, ეკუმხაშე მორთუ, ართი თხირიმ გურ უღუდდო, თით ჩხოროშა გორთუ! – ქართველი, ქართველი, აღმოსავლეთიდან მოსული! ერთი თხილის გული ჰქონდა და ისიც ცხრად გაყო!..

როცა მოირღვა ქართლი, როცა მოიშალა და დაძაბუნდა მისი კულტურა – მოირღვა და დაძაბუნდა სრულიად საქართველო, ქრისტიანნი ანუ — ქართველნი! საცა ჟამი შეინირვისო... ამა ენასა შინა დამარხულ არსო...

ჩემი აზრით, ქართლი არ არის მარტოდენ ტომობრივი, კუთხურობის შემცველი ცნება: არა იგი უსაზღვროა, შორს განფენილია, სამყაროსეულია, კოსმოგენიურია... ანუ: იბერიულ-კოლხურია! ანუ ქალდეურია!

ჰო, ილია ხანდახან გრიგოლ ხანძთელადაც წარმომიდგებოდა ხოლმე,

მაგრამ, ვაგლახ, გაუბედურებულ, ზღუდეებმორღვეულ, დაუძღურებულ ქვეყანას ველარ უშველა, ველარ უნინამძღვრა ისე, როგორც იყო მონოდებული იმიტომ, რომ, დიდი ქართლი აღარ არსებობს. ისევე, როგორც არ არსებობს დიდი იბერია და კოლხეთი! გრიგოლ ხანძთელის დროს კი – არსებობდა! არსებობდა იბერიის ანუ ქალდეის დიადი სული და ამიტომაც შეძლო ფიზიკურად ჯერაც დაქსაქსული ტომების სულიერი გაერთიანება...

დასავლეთ საქართველოს ქართველობას – ანუ აფხაზებს, ანუ ჭანმეგრელებსა და სვანებს მიიჩნევენ საქართველოს გაერთიანების მოთავეებად ადრეულ შუა საუკუნეებში. კი ბატონო, მასე! თუმცა... არანაირი გაერთიანება არ მოხდებოდა, რომ არა ქართული ენა, ქართული ქრისტიანობა, ქართული კულტურა. ვერც ბაგრატ მესამე, ვერც დავით აღმაშენებელი იქმნა რამეს, რომ არა ეს მყარი საძირკველი! ჩემი აზრით, შემდეგმა ისტორიულმა მოვლენებმაც აკი დაადასტურეს ეს ქემმარიტება!

...თემურ-ლენგის რვაგზისმა გამანადგურებელმა შემოსევამ ხერხემალში გადატეხა ქართლი და, მამასადამე, სრულიად საქართველოც. ველარ გაუძღვლით ეტყობა ამდენ მეხთატეხას, სისხლის წვიმებს, ველურთა გავეშებულ შემოტევებს... უფლის გზას ავცდით, ალბათ, და იმიტომ! სხვები კი, ჩვენსავით მცირერიცხოვანნი თუ მრავალრიცხოვანნი ერები ევროპისა გადაურჩნენ ამ ქარტეხილებს და აღმშენებლობის და აყვავების გზაზე შემდგრებმა, უკან მოგვიტოვეს დიდი ხანია. თუმცა ერთი ევროპელი მეცნიერის თქმით, თემურ-ლენგი თუნდაც ერთხელ რომ შემოსეოდა ევროპის ნებისმიერ ქვეყანას — იგი ფეხზე ვერ დადგებოდაო საუკუნეების განმავლობაში — ჩვენ კი რვაჯერ გადაგვიარეს! თამარის დროინდელი 12 მილიონიანი ერი — მაშინ საფრანგეთში 2 მილიონ ნახევარი მაცხოვრებელი თუ იყო — ახლა შენც ქე ხედავ — სულსა ვლაფავთ, მარტოლა ფიზიკურ არსებობას განვაგრძობთ, ისიც დიდი ვაივავალახით. ოღონდ სანამდე? არავინ უწყისს!

...რასაც ფალავა ხმამალლა არ ლაპარაკობდა, ის მის წარმოსახვისა და გონების დაფაზე აღიბეჭდებოდა ხოლმე. ზღვის სიახლოვეს ცხოვრება კი იმიტომ ირჩია, რომ იმთავითვე იზიდავდა გამლელი სივრცე. ხევ-ხუვებში სული მეხუთებო იტყოდა ხოლმე. ამიტომაც იყო, მთის მწვერვალისგან გადმოხედვა უსაზღვრო სიამოვნებას რომ ანიჭებდა: მთის თხემიდან ვით ხელისგულზე, ისე იშლებოდა უსაზღვროება ველ-მინდვრებისა... თავის ფელუკას ხშირად დაატარებდა ალმა-დალმა. ჰორიზონტს მიღმა

ყოველთვის იყო რალაც შეუცნობი, იდუმალი, ასე ძალუმად რომ იზიდავდა მის სულს. ჰორიზონტი კი, არასოდეს მთავრდებოდა და მამასადამე, დაუსრულებელი იყო ლტოლვაც. ხმამალლა არ უთქავამს ისიც, რომ შველი ჰყავდა მოშინაურებული. წინა ზამთარს კარს მოადგა გზა-კვალარეული. შეიკედლა. კოლხური ხობხები და კაკები ლამის სახლში შემოჭროდნენ. გრძნობდნენ, რომ აღარ ერჩოდა მათ სახლის პატრონი, რადგან ნადირობაზე დიდი ხნის წინათ აელო ხელი. სხვები, იცოცხლეთ, არ ინდობდნენ ამ მშვენიერ ფრინველებს, მაგრამ, საბედნიეროდ, ჯერჯერობით აქ ისეთი მასშტაბური სახე არ მიელო ნადირ-ფრინველთა ხოცვა-ჟლეტას, როგორც სხვაგან. თუმცა, უწყოდა ფრიად კარგად, აქაც რომ შემოაღწევდნენ ადამიანები თოფ-იარაღით და მიჯგე-მოჯგეავდნენ და მოსრავდნენ აქაურობას, სულ მალე აქაც გააქრობდნენ მათ სახსენებელს.

დილაობით კონცერტებს უმართავდნენ ხოლმე შაშვები და მაფშალიები, თითქოს ერთმანეთს ეჯიბრებიანო გალობაში. ლამლამობით კი ტურების კვილი და მგლების ღმუილი ართობდა. თითქოს მართლაც „ფალურად“ ცხოვრობდა აქ, რადგან თავს თავისუფლად და ლალად გრძნობდა. ევროპაში ყოფნისას ვერ ეგუებოდა ჰაერში გამოკიდებულ, მინას მონყვეტილ, თითქოსდა მხეცთა გალიებისაგან შემდგარ მრავალსართულიან სახლებს, ვერ ეწყობოდა პიჯაკებს, ჰალსტუხებს, ფართხუნა შარვლებს. ჩვენებური ჩოხა-ახალუხი ბევრად უფრო პრაქტიკული და კოხტა ეჩვენებოდა. თავდაპირველად, ვერ ხვდებოდა ამ თავისი სულიერი ნუხილის მიზეზს. შემდეგ და შემდეგ გაიაზრა ის გარემოება, რომ ადამიანი მონყდა დედამინას, ძალა დაატანა თავის სულს, თავის ნებასურვილს და ცივილიზაციის სახელით, ნებისთ თუ უნებლიეთ, მოთხარა, ამოგლიჯა ნიადაგიდან თავისი ფესვები. რაც დრო გავა, ალბათ, უფრო შეგვიპყრობსო გაუცხოების გრძნობა ერთმანეთის და დედაბუნების მიმართ — ფიქრობდა სინანულით. ის, რაც ევროპაში უკვე თვალნათელია, ჩვენშიაც იჩენს თავს უთუოდ და მაშინ ეგების გვიან იყოს უკვე თითზე კბენანი. რაკილა ბუნებას ბრძოლა გამოვუცხადეთ, რაკილა დაუნდობლად ვასახიჩრებთ მას, ანუ თანდათანობით ვანგრევთ იმ საძირკველს, რომელსაც ვეყრდნობით, უეჭველად დავისჯვებით ამის გამოც სასტიკადო. არ გვაპატიებს დედაბუნება ამ ძალადობას მის მიმართ. შურს იძიებს უცილობლად ამ უგუნურ, ყოყლოჩინა ჰომო — საპინესზეო.

– შეიძლება შენც მკითხო ზოგიერთივით — მარტო რაფერ ძლებ, არ გებზრდება მარტოობაო. და გულშემატკივრულად მიჩიო ეგება ცოლის შერთვა. მგონი, გაგიელვა კიდევ თავში ასეთმა აზრმა, ჩემო რემა! ხომ მართალია? დუმილი დასტურის ნიშანია. ჰოდა, უნდა მოგახსენო

გულწრფელად და პატიოსნად: სრულებით არ მანუხებს მარტოობის გრძობა. თავადაც ხედავ, რამდენი მეგობარი მახვევია გარშემო ჩემი უტყვი ცხოველების სახით. ამ პოინტერს რომ უყურებ, ზოგ ადამიანზე უფრო გონიერი და ერთგულია. ჩემს ვილის ისე ვესაუბრები ხოლმე, როგორც მეგობარს და მასაც ყველაფერი ესმის, მიგებს და მითანაგრძობს კიდევ.

შემდეგ... ეს წიგნები მინევენ ადამიანების მაგივრობას. ესენიც ერთობ უღალატონი და ერთგულები არიან. და, რაც მთავარია, ბუნებასთან სიახლოვე ისე მივსებს სულს და გულს, სხვა აღარაფერი მომინდება ხოლმე. ჩემში უთუოდ გაიღვიძა ატავისტურმა გრძობამ... მიწას რომ ხელით ვეხები, უზომოდ მსიამოვნებს, მსიამოვნებს მისი სურნელი. მსიამოვნებს ფეხშიშველა სიარული... მიწასთან სიახლოვე საერთოდ...

ხომ ასე განდეგილად ვცხოვრობ თითქოს, მაგრამ არასოდეს მიფიქრია-მეთქი ბერად შედგომა... ალბათ იმიტომ, რომ ბერად შემდგარს იმ პირუტყვებისთვისაც უნდა მელოცა, ვითომ ადამიანები რომ ჰქვიათ! მეორეც, არანაირი სურვილი არ გამაჩნია-მეთქი დავთრგუნო ჩემში, ანდა ვებრძოლო ჩემს ბუნებრივ მოთხოვნილებებს.

აქაც ილიას მიმდევრად მიმანია ჩემი თავი, მისეული განდეგილის მრწამსს ვიზიარებ... ისე, საერთოდ, სულიერად მდიდარი ადამიანი, – მე კი ასეთად ვრაცხ ჩემს თავს, – ყოველგვარი მოჩვენებითი თავმდაბლობის გარეშე – შეუძლებელია მარტოობას განიცდიდეს, მით უმეტეს ასაკში რომ შედის. თუ არ ვცდები, დაახლოებით ამასვე ამბობს შოპენ-ჰაუერი: სიბერისა და მარტოობის სულით დატაკებს უნდა ეშინოდეთო...

სხვათა შორის, სულიერი სიმდიდრისათვის სულაც არაა აუცილებელი მოიარო მთელი ქვეყნიერება კიდით კიდემდე! თუ სულით მწირი და დუხჭირი ხარ, ასეთად დარჩები თუნდაც მსოფლიონავალი იყო...

როგორც ამბობენ, ჟიულ ვერნს, მგონი, ფეხი არ გაუდგამს თავისი კაბინეტიდან, მაგრამ ბევრ მოგზაურზე უკეთ შეიცნო, სხვაზე რომ არაფერი ვთქვა – და გაითავისა მრავალი ქვეყნის ზნე-ჩვეულება და ბუნება და, რაც მთავარია, შეძლო სხვებისათვის დაენახებინა თავისი შინაგანი მეთი დანახული და აღქმული ქვეყნიერება... რასაკვირველია, ღვთით მომადლებული ნიჭის წყალობით! და საერთოდ, გულახდილად რომ ვთქვა, მე ჩემი დამოკიდებულება მაქვს უზენაესის მიმართ. ქედს ვიხრი, ცხადია, მისი ყოვლისშემძლეობის, დაუსაბამობისა და უსაზღვროების წინაშე, მაგრამ ჩემი არარაობის მიუხედავად, მიუხედავად იმისა, რომ მშვენივრად ვუნცი, ამაოებათა ამაოა ყოველივე ამ ცისქვეშეთში, რომ მიწა ვარ და მიწადვე მივიქცევი, ვუნცი, სიმუხთლე ჟამისა და ისიც, წუთისოფლის სტუმრები რომ ვართ, ჩვენ ნავალთ და სხვა დარჩება, რომ

ღამის სიზმარივითაა ესე სამყოფელი კაცთა, რომ ჭია-ლუა ვარ მხოლოდ და ასე შემდეგ და ასე შემდეგ. ყოველივე ამისდა მიუხედავად, მინდა, რომ აქ, დედამიწაზე სანამ ვარ, სანამ სული არ გაცლია ჩემს სხეულს და სხვა სამყაროში არ გადახვენილა, მინდა ვიყო ისე, როგორც მე მსურს, როგორც მე მნადია – რასაკვირველია – შეძლებისამებრ! ანუ ვიყო ჩემი თავის უფალი – გესმის? თავისუფალი, თუნდაც იმ სიკვდილ-სიცოცხლის დასაზღვრულ ფარგალში – უზენაესმა რომ დამინესა...

ხოლო სახელმწიფო – მონარქიული იქნება ის თუ რესპუბლიკური – ის მაინც მოძალადეა პიროვნების, ასეა თუ ისე – მაინც დამთრგუნველია, რასაკვირველია, მეტ-ნაკლებად (სხვათა შორის, ქართულ ენაში მშვენივრადაა ასახული კიდევ ეს გარემოება: ძალა-უფლება, ე.ი. ძალის უფლება, ხელის უფლება!).

... ჩემი ადრინდელი უსაზნო სწრაფვა და ლტოლვა საქართველოს... უკაცრავად, ე.წ. საქართველოს თავისუფლებისკენ – ახლა მესახება, როგორც ერთგვარი მონობის გამოვლენა, მისი ნაირგვარობა. დიახ, დიახ! იდეის ფანატიკური მიმდევარი ხარ თუ საკუთარ გულისთქმათა თუ სურვილების – ეგ სულერთია. იგი გარკვეულწილად მონობაა მაინც პიროვნებისა, მისი შინაგანი მეობის დაკაბალება, თუნდაც რაგინდარა კეთილშობილური მიზანი არ გამოძრავებდეს...

არადა, ადამიანს, თუნდაც მონობაში დაბადებულს, უნდა შეეძლოს იყოს არა მხოლოდ საკუთარი ქვეყნის, არამედ სამყაროს და მსოფლიოს მოქალაქეც, უნდა ძალუძდეს ამ სააქაოშიც ეზიაროს ზესთაზენურ სიბრძნეს, მისწვდეს ტრანსცენდენტურს, შეიმეცნოს ყოფიერების ჭეშმარიტი არსი და კოსმიური საიდუმლოებანი... ისე რომ, მინიერი არ უარყოს და მშობლიურსაც არ მოწყდეს! მოკლედ, მინდა ვირწმუნო, რომ თავი ჩემი მე მახლავს და რაკი ასეა, ღარიბად არ ვიხსენები...

საერთოდ, ამ ბოლო დროს სულ უფრო ხშირად ვფიქრობ რუსთაველზე... ალბათ, მართლაც მე-12 საუკუნის საქართველოში თუ იყო შესაძლებელი შობილიყო ასეთი ზეგენიალური პიროვნება!..

მისი გმირები არც ერთ ერს არ განეკუთვნებიან. აქაც მართალი იყო ილია და ტყუილად ედავებოდა მას ჩემი საყვარელი პოეტი აკაკი. რუსთაველის გმირები ყველასია, რადგან ისინი ზოგადკაცობრიულ იდეალებს ესწრაფვიან. ავთანდილი ვითომ არაბია, ტარიელი – ინდოელი, მაგრამ ტარიელი რომ არაბი იყოს, ხოლო ავთანდილი ინდოელი – ამით არაფერი შეიცვლება მათ ხასიათში, მათ სულიერ წყობაში. ასევე, ჩააცვი თუ გინდა მათ ქართული სამოსი, მაინც უცვლელნი იქნებიან, რადგან ისინი მსოფლიოს მოქალაქენი არიან და არა რომელიმე კერძო ქვეყნისა – თავიანთი რაინდული თუ მდაბალი ბუნებით. დიახ, მდაბალი

– რადგან ადამიანური სისუსტეები არც მათთვის – ამ რაინდული კასტის წარმომადგენელთათვისაა უცხო – თუნდაც ქალის დავალებით მიპარვით მოკვლა მძინარე კაცისა რად ღირს! ასეა... ასეთია ბუნება მინის შვილისა და რუსთაველიც, ჩემის აზრით, იმიტომაცა ზე გენიოსი, რომ თავის რჩეულ გმირებსაც არ ინდობს და პიროვნულად წარმოაჩენს მათ ღირსება-ნაკლოვანებას.

სხვა საქმეა, პოეტი რა საძირკველზე აგებს თავის გმირთა სახეებს, რა საფანელს უდებს მათ – ეს პოეტის, ასე ვთქვათ, ლაბორატორიაა. ჩემი აზრით, ეროვნული ჩარჩო ასეა თუ ისეა, რამდენადმე მაინც ზღუდავს ხოლმე შემოქმედს და საერთოდ, პიროვნებასაც.

ეგებ ეს ამბავი სხვებზე უკეთ სწორედ თავად შემოქმედმა უწყის, მაგრამ... ვერ გაქცევია სისხლის ყვირლს, ხან ძალუმად, ხანაც ქვეცნობიერად რომ ხმაურობს მის ძარღვებში. რუსთაველმა სძლია ამ შემბოჭავ არტახებს, ალბათ იმიტომაც, რომ... მართლაც ბედნიერი ერის შვილი იყო! მას არ სჭირდებოდა თავისი ქართველობის მტკიცება: მან ეს თავისი უბადლო, სწორუპოვარი ლექსით ანუ ქართული ენით შეძლო! ესაა სწორედ ჩემი აზრით, მისი ეროვნულობა და ზეგენიალურობაც. მსოფლიო ლიტერატურაში მისი ბადალი არავინ არ მეგულება მე პირადად... ისევე როგორც ჩვენი ვაჟა – დიახ, ვაჟა-ფშაველა გახლავთ მსოფლიო უნიკუმი!

ისე კი – ჩვენ, უბრალო მოკვდავთ, – გაუბედურებულ-დაგლახავებული ქვეყნის ნაშიერთ აბა, რა გვეთქმის!.. ისე, ვცადე მეც ვითომ დამეწყვიტა ამქვეყნიური ყოველგვარი ბორკილები, მაგრამ... როგორც ხედავ, ვერ შევძელი ბოლომდე: ისევ ისე ამ ე.წ. მშობლიური ანუ მაინც საყვარელი მიწის ნაგლეჯი ვირჩიე უკანასკნელ ნავთსაყუდელად!..

...და თუმცა ცეცხლს იყო მიფიცხებული, რამდენჯერმე მაინც შეაჟრჟოლა რემას. ეს გულ-ღვიძლიდან დაძრული სიცივე გახლდათ, სხეულს ყინულოვან ნაკადებად რომ უვლიდა. ასეთ დროს ლოცვა შეელოდა ხოლმე, გულში უჩუმრად, უხმოდ წარმოთქმული ლოცვა, მაგრამ ახლა რატომღაც ვეღარ მოეგონებინა ვერც ერთი მათგანი. დაფანტულ-გალაღლულიყვნენ ისინი გონების არედან და დაცარიელებული სულიდან. კარგა ხანს გაგრძელდა მძიმე დუმილი. მერმე, დიდი ხნის მერმე შეძლო რემამ აზრების მოკრება და ხმის ამოღება. მუხლებზე ხელებდაბჯენილი, ნაღვერდალს მიჩერებული, შეესიტყვა იგი მასპინძელს თავისი წყნარი, მშვიდი ხმით.

– მე ამაღამ იმდენი რამ მოვისმინე... ისეთი რამეები გადაგხდენია

თავს, იმხელა სულიერი ტკივილები გადაგიტანია, რომ... არც კი ვიცი, რა გითხრა... ერთი რამ კი ნათელია ჩემთვის, რომ შენ, ნუ კი მინყენ, იუ, და მაინც მეტისმეტად დრამატულად აღიქვამ ისედაც დამძიმებულ ვითარებას... თუმცა... მარტო შენ არ მოგდის ეს!.. ეტყობა, ჩვენ, საზოგადოდ, ძალიან ემოციურები ვართ და, ალბათ, ამის ბრალიცაა ეს გარემოება... ხოლო რაც შეეხება შენს განდგომას: ჩემის აზრით, ესეც ჩვენი საერთო სენის – ამპარტავნობის თავისებური გამოვლენად მიმაჩნია იგი: ღვთისადმი დაუმორჩილებლობის, განგებისადმი პროტესტის ერთგვარი ფორმაა იგი. შენი თქმის არ იყოს, ჩვენ ხომ მოჭარბებულად მოგვდგამს ეს თვისება. ჩვენი ამირანიც ხომ ქედმაღლობის გამო მიაჯაჭვეს კლდეზე!

– ამირანი ღმერთთან მებრძოლი გმირია!

– ჰოდა, შეიძლება ამიტომაც დაისაჯა-მეთქი! ეს გოროზობა – შერწყმული პატივმოყვარეობასთან ხომ ხშირად ქცეულა კიდეც ჩვენი უბედურების მიზეზად. როგორც ჩანს, ქრისტიანობამაც ვერ გვიშველა მაინცდამაინც, ვერ განგვკურნა ამ სენისაგან, იმიტომ რომ, ეტყობა, ძალიან მაგრად ზის იგი ჩვენს არსებაში, ღრმად აქვს ფესვები გადგმული...

– მეც მაგას ვამბობ, ქრისტიანობამ, როგორც ბევრგან სხვაგანაც, ეტყობა, ჩვენშიც ვერ შემოაღწია“, ღრმად, მკვეთრად!... არ ვგულისხმობ, ცხადია, ჩვენს წმიდა მამებს, ქრისტეს რჯულისთვის თავშენირულებს

– მაჰატიე, მაგრამ მაგაში ვერ დაგეთანხმები, ჩემო იუ.ილიას თქმითვე, აკი ქრისტეს რჯულისთვის თავშენირული ერი ვართ!.. იმდენი წმინდანი და მოწამე, რამდენიც ჩვენ გვყავდა, ალბათ არ დაიძებნება სხვაგან არსად — დედამიწის ზურგზე! ჩვენი უბედურება — ურიცხვ მტერთა გამანადგურებელი შემოსევების გარდა, სხვა რამე მგონია...

– რა მაინც?... რატომ გაჩუმდი?

– ჰო, აი, რა უნდა მეთქვა: მე მგონია, ჩვენი ხალხის გასაოცარი ნიჭიერების და სიცოცხლისმოყვარეობის წყალობით, სიცოცხლის უძლები წყურვილის გამო ვერა და ვერ შევგუბივართ, ეტყობა, ამოებას ამა სოფლისას – ვერასდიდებით!.. ამიტომაც ალბათ მეტწილად ღვთის მიმართ მორჩილების კი არა, ხშირად მეამბოხის სულს ვატარებთ ხოლმე... ჩვენი ამირანივით – შეიძლება, ჩვენდა უნებურად, ქვეცნობიერადაც კი! არადა...

გენიალურმა ქართულმა სიტყვამ – წუთისოფელმა – უკვე დაიბია მთელი სიგრძე-სიგანით ჩვენი ნაშიერი ყოფიერების – რინას – არსი ამ მზისქვეშეთში. უფრო მეტიც: წუთისოფლის სტუმრები ვართო და ამით თითქოს მოგვიჭრა მეტისმეტად თავგასულობის თუ თავმოთნეობის ნადილი – რაკილა დროებით მოვლენილები ვართ ამ მიწაზე, რაკილა უფლის ნებით მოვექცით დაბადება-სიკვდილის ფარგალში ანუ დასაზ-

ღვრულ დროში და რაკილა მოგვეცა ნების თავისუფლება – ჩვენზეა დამოკიდებული – რას ავირჩევთ: სიკეთეს თუ ბოროტებას. კაცის გულში კი, აკი, ორივე ბუდობს, ბუდობს დასაბამიდან, გაჩენის დღიდან – დღემდე!

ჰოდა, ამდენად ბინიერი გონის გვერდით უსათუოდ არსებობს ნათელიც, კეთილიც. იმთავითვე ერკინებიან ისინი ერთმანეთს. ამ ჭიდილში ხან ერთი იმარჯვებს – ხან მეორე. კეთილის ნიადაგზე სიყვარულის ყვავილი აღმოცენდება ხოლმე, ბოროტისაზე – სიძულვილი და მტრობის შხამიანი ლენცოფა.

ბოლოს და ბოლოს, შენც კარგად უნცი ეგ, ჩემო იუ, თუ თვით ადამიანის გული რომაა ჯოჯოხეთის და სამოთხის ადგილსამყოფელი! დამონებულ ერში კი, როგორც ჩვენია, ცხადია, ბოროტი უფრო ჭარბობს. ჰოდა, ასეთ ვითარებაში სიკეთის მატარებელმა შეძლებისდაგვარად უნდა იბრძოლოს იმისათვის, რომ სიკეთის მხარეზე დააყენოს სხვაც, მით უმეტეს – კაცთა საკრებულო ანუ მთელი ხალხი, მთელი ქვეყანა! მოგაგონებ იოანე მინჩხის სიტყვების: „უამში ჩემნი ვითარცა რაი სიზმარნი განქარდებიან და დღითიდღე მოაკლდებიან რიცხვსა აღრიცხულთა დღეთა ჩემთასა, და ყოვლისავე დამხსნელ არს სიკვდილი, ან ვიღვანოთ, მოსვლამდე მისსაო!“

ვიღვანოთო, გესმის? მით უმეტეს თუ ის ერის წინამძღოლია, უნდა აკეთოს ის, რასაც ილია აკეთებდა და... რაც არ დააცალეს, სამწუხაროდ ჩვენდა...

– საქმეც ეგაა, რომ... არ დააცალეს! და ვინ არ დააცალა, ეს ხომ შენც მშვენივრად მოგეხსენება! ამიტომაც ვამბობ: არ არსებობს შეგნებული ბრბო. თუნდაც ე. ნ. თავისუფალი ქვეყნის ბრბო იყოს იგი. – უცებ მოჭრა ფალავამ და ჰაერი ხელის მკვეთრი მოძრაობით გააპო:

და შემდეგ განაგრძო: შენ რომ კაცთა საკრებულოს ეძახი, ჩემო რემა, იგი მხოლოდ სიავისთვისაა გაჩენილი-მეთქი. ბრბოს მხოლოდ სისხლი სწყურია... ბრბომ ჯვარზე უნდა გააკრას სიკეთე – „ჯვარს აცუ ეგე, ჯვარს აცუ ეგე!“ – ესაა მისი მოწოდება და დანიშნულება ამქვეყნად. ცხოველური, ქვენა ინსტინქტებით შეპყრობილი ბრბო სასტიკი და დაუნდობელი-მეთქი დასაბამიდან დღემდე!.. ერთი პატარა ნკიპი, ერთი პატარა ბიძგია საჭირო, რომ მრავალთა თავყრილობა ერთბაშად იქცეს ველურთა ხროვად-მეთქი!

ამ სულით პლებებმა არ აჩეხეს განა ღვთაებრივი პითაგორა! არ დაფლითეს ორფეოსი? სიცოცხლე არ მოუსწრაფეს სოკრატეს? უმონყალოდ არ დევნეს პლატონი? განა არ გვემეს და ჯვარს არ აცვეს მაცხოვარი – მათი სულის გადამრჩენელი-მეთქი? ყაჩაღი ბარაბა არ არჩიეს

ქრისტეს?

ჰოდა, ამიტომაცაა ალბათ დღემდე ავაზაკური გზით მიედინება მისი ცხოვრება, ერთი ფილოსოფოსის თქმის არ იყოს! იქითკენაც ჰქონია გზა! კანონზომიერი იქნება დასასრულიც... მე მგონი, შორს აღარაა-მეთქი აპოკალიფსისი!.. მანამდე კი, მანამდე ეს უმეცარი, ხარბი, შურთან, რეგენი და ბნელი ბრბო მომავალი მიწიერი სამოთხის ამენების ილუზიით უნდა კვებონ მავანთა! დიდებულად, შესანიშნავად მოფიქრებული აზრია სატანის მიერ, ვერაფერს იტყვი!.. ვინაიდან: „მეძავ არს სოფელი ესე და სიყვარულსა ერთისა თანა არა დაადგრების“ ეს ე.წ. დღევანდელი ცივილიზაცია, ფლობერის თქმით, აკი სანდომიანი კახპაა! და ამაოა მოწოდება მავანთა: „ადამიანებო, იყავით ადამიანი!“ ვინაიდან... ყველაფრის ქვაკუთხედი, მისი თავი და ბოლო — ეშმაკის ოქროს კვერთხია — რუსთაველის თქმით ანუ — ოქრო, ფული განაგებს მსოფლიოს!

საერთოდ კი — ყველა დროის ტირანიებისა და დემაგოგებისათვის საყრდენი ყოველთვის ეს ბნელი ბრბო გახლდათ და არა – პიროვნებანი! – საჩვენებელი თითი მაღლა ასწია ფალავამ თვალებაკვესებულმა: – ისე, კაი სანახავი იქნება, მე და ჩემმა ღმერთმა, მკრეხელთა და მძარცველთა, გონებით მწირთა და დუხჭირთა, ცრუთა და ორპირთა, ფარისეველთა და მანანალათა, ლატაკთა და მედროვეთა, ქარაქუცათა და ბოგანოთა მიერ – კაცთა ძვლებზე აგებული – სამოთხე!

ფალავას სიცილი აუვარდა ანაზად, იცინოდა ხმის ჩახლენამდე – ავად, ნიშნისმოგებით. მერე უცებვე შეწყვიტა სიცილი, ბუხარში შეანიტა და მცირე ხნის სიჩუმის შემდეგ განაგრძო: – ზოგიერთი „კეთილმოსურნი“ წელან გითხარი, ცოლის მოყვანასა და შვილების გაჩენას მირჩევს-მეთქი. ჰმ! ჰმ! თურმე მესამე ანდა მეოთხედასელებს – ეს სულერთია – უნდა გავუზარდო – საკბილო! ნურას უკაცრავად! არ გავუზრდი-მეთქი გლადიატორების სისხლიან არენად ქცეულ ქვეყნიერებას, სვავებივით სისხლმონყურებულ მსოფლიო მაგნატებს – საკბილოს ანუ: საზარბაზნე ხორცს-მეთქი! იმათ, რომლებიც ვერა და ვერ ძლებიან სიმდიდრით, სხვათა უბედურების ფასად რომაა მოხვეჭილი – ნურას უკაცრავად, ჩემო ბატონო! ნურას უკაცრავად! არ გახლავართ მაგ ჭკუაზე. ეგ საკენკი სხვებს დაუყარონ. მე კი... მშვენივრად ვუნცი, დღეს იქნება თუ ხვალ – მენშევიკების თუ ბოლშევიკების თუ მათთა მსგავსთა – წერა რომ გახდება ეს ე.წ. საქართველო და, არა მარტო საქართველო. მსოფლიო მოიმკის იმას, რაც დათესა და რისი ღირსიცაა და ახიც იქნება! ხოლო ილიას მკვლელ ქვეყანას უკეთესი ხვედრის მოლოდინი არც უნდა ჰქონდეს-მეთქი. ჰოდა, არც ვაპირებ გავახარო სალახანები ჩემი შვილების დახოცვით,

ვერა, ვერ ეღირსებიან მაგ სიამოვნებას ეგძალთაპირები, ეგ პირსისხლიანი ოლიგარქები!

– ისე გამოდის, ჩემო იუ, რომ ყველანი, შენს გარდა და მეც მათ შორის, ბრიყვი და სულელი ვყოფილვართ? – მშვიდი ხმით შეეპასუხა რემა და უღვაშებში ჩაიღიმია: – მით უმეტეს, მე მთლად წყალწაღებული გამოვდივარ! საკუთარს გარდა, სხვის ბავშვებსაც რომ ვზრდი!

– სხვისას ზრდი?!

– ჰო. ჩვენი სოფლის ობოლი ბიჭია ერთი, ხოლო მეორე... არ ვიცი, რუსისაა თუ უკრაინელის – მიტოვებული ბალანაა... მაგრამ ეს არაა მთავარი, მთავარი სხვა რამ გახლავთ... – შეჩერდა წამით.

– შენ... შენ ხომ ამ სოფლის არა ხარ, ჩემო რემა! შენ ეს – ზოგადად ცხოველები... ადამიანებად რომ არიან წოდებულნი – გიყვარს და... გეცოდება! ეჰ, აბა, რა უნდა გელაპარაკო! – თავი გადააქნია ფალავამ სინანულით. – მე კი, შემჯავრდნენ-მეთქი, რადგან მათი უმრავლესობა მიწის მდილებადაა მართლა გაჩენილი, მხოლოდ მიწის გასანაყოფიერებლად დალოდავენ ეს სახელოვანი თუ უსახელო ჭიაღუები – მეტი არაფერი! – კვლავ შეაპურჭყა ბუხარში ფალავამ მერე ჩაიციინ-ჩაიხვიხვიანა თავისებურად და განაგრძო: – ისე კი, მე რომ მკითხოს კაცმა, ადამიანი მარტო ლუკმა-პურის საშოვნელად არ უნდა იბადებოდეს ამ ქვეყნად...

... ჰო, მართლა, ადრე ამ გასაცოდავებულ ე.წ. საქართველოს ბრბო მაინც არ ჰყავდა, ყოველ შემთხვევაში, გამოკვეთილი ბრბო. ავი იყო თუ კარგი, აქ ძირითადად მაინც პიროვნებანი იბადებოდნენ. ახლა კი... ახლა ყველაფერ სიკეთესთან ერთად – ახლა საკუთარი ბრბოც გაგვიჩინდა-მეთქი, ასე ვთქვათ, მშობლიური, ეროვნული, უკაცრავად... ინტერნაციონალური ბრბო – რუსეთუმე სოციალ-დემოკრატების თუ სხვათა და სხვათა გულის გასახარად და მათ საამებლად! – ისევე აიტეხა სიცილი ფალავამ. მერმე სავსე ჭიქა ღვინო ერთბაშად გადაუშვა პირში. დინჯად, აურქარებლად მოინმინდა ბაგე ხელისგულით, მერმე ტაბლაზე დადებულ ყალიონს გადაწვდა კვლავ და თან ცერად გახედა ხმაგაკმენდილ რემას: თითქოს ურუმრად ინვევდა ისევე საპაექროდ.

რემამ მშვიდად ჩამოისვა თავის ჭალარა, მოკლე ნვერზე ხელი, შემდეგ მშვიდადვე გაისწორა უღვაში და ფიქრიანი ხმით თქვა:

– და მაინც, ყველაფრის მიუხედავად, მე ღრმად მწამს და მჯერა, იუ, რომ საქართველო ღირსია და უნდა გადარჩეს კიდეც, როგორც კაცობრიობის ერთი პატარა, მაგრამ უმშვენიერესი სამყოფელთაგანი, მისი თვალ-მარგალიტი, მისი ფუძე და ძირი: რადგან...

– დაიცა, დაიცა, თუ ღმერთი გწამს! – კვლავ შეანწყვეტინა სიტყვა ფალავამ: – ვინაა, კაცო, გადარჩენის ღირსი? ქვეყანა, ვის წიაღშიც

ილიასნაირთა მკვლევები იბადებიან? არ შემშალო ახლა! – ფალავამ ჰომერული სიცილი აიტეხა ისევე. დიდხანს, დიდხანს იცინოდა ხრინწარეული ხმით. მერმე ხველება აუვარდა. როგორც იქნა, მოიბრუნა სული, თან ხელისგულით ამოინმინდა ცრემლმოდენილი თვალები და ზიზღნარევად ამომარცვლა:

– ერთი ეს გამაგებინე, თუ კაცი ხარ: რა შავ ქვად და ცხელ ნაცრად უნდა გადარჩენა ამ ე.წ. საქართველოს, თუნდაც იბერიის ან კოლხეთის მემკვიდრე იყოს იგი? ვთქვათ და, უფალმა მოილო წყალობა და, შენი თქმით, გადაარჩინა მართლა – რაკი თვითონ არაფერს ღონობს საამისოდ. ვის რად არგია ამისთანა ხალხის ყოფნა-მეთქი? ქართველთა ბუნება ორგულ არსო, ვინა თქვა?... რას შესძენს ისედაც ურიცხვი ცოდო-ბრალით დამძიმებულ კაცობრიობას ამ ერთი მტკაველა დაქსაქსულ-დაკორტნილი და დაძიძგნილი, ბოროტებაში ჩამხრჩვალ ქვეყნის არსებობა?

ან ამ არაკაცობრიულ, ეფემერულ, წინასწარ დადგმულ სპექტაკლებში მისი მონაწილეობა? რა როლი უნდა შეასრულოს მან? სტატისტიკის თუ... სატანის?

– იუ, მაპატიე, მაგრამ... შენ მგონი გაბოროტება გალაპარაკებს ასე! – კვლავ ნირშეუცვლელად შეესიტყვა რემა: – შენი თქმით, ამ კაცობრიულ, წინასწარ დადგმულ სპექტაკლში ხომ სულ რამდენიმე ხალხის ნაღვან-ნაშრომი იმსახურებს კაცობრიულსავე ყურადღებას: შუმერების კულტურა, ვედებისა და ავესტის შემქმნელი, ჩინელობა და ძველი ეგვიპტე. ხოლო მრავალრიცხოვნება რომ სულაც არ ნიშნავს სიდიადეს – ეს შუმერულმა, იგივე, კოლხ-იბერიულმა ცივილიზაციამ, ებრაელობამ, ძველმა ბერძნებმა და რომაელებმა დაამტკიცეს. ათენში, მე მგონი, სულ ოცდაათათასამდე მაცხოვრებელი თუ იყო, მაგრამ სხვებს რომ თავი დავანებოთ, მარტო პლატონი ეყოფათ ათენელებს თავმოსაწონებლად. ებრაელობას რაც შეეხება, ამ ერთმა მუჭა ხალხმა ჯერ კიდევ ჩვენს წელთაღრიცხვამდე მ-II საუკუნეში მწყემსი მეფის ბაგიდან ილაღადა უკვდავი ფსალმუნის, სხვას რომ თავი დავანებოთ!

– ებრაელობა თავის თავს მიხედავს! აი, ჩვენ კი, ჩვენ ვერანაირი კონცეფციები თუ თეორიები ვერ გვიშველის-მეთქი, რადგან... ერთობ სუსტნი და უძლურნი აღმოვჩნდით განსაცდელის წინაშე, წერა-მწერალმა რომ მოგვივლინა. თან გასაოცარია, კაცო, ჩვენი ამბავი: თვით ტომას მორსაც არ სჯეროდა თავის უტოპიური სოციალიზმის. ჩვენ კი რომის პაპზე უფრო კათოლიკეებად მოგვაქვს თავი! „ვიდრემდის, უფალო, დამივიწყებ მე სრულიად! ვიდრემდის გარე მიიქცევ პირსა შენსა ჩვენგან?“ – ამაო ღალადისია, რადგან უფალმა მართლაც „გარემიიქცია პირი“ ჩვენგან... სამუდამოდ, ვითარცა უღირს შვილთაგან. ასეა ეს, ჩემო ბა-

ტონო, მოგვწონს თუ არ მოგვწონს ეს ამბავი!

– ცდები-მეთქი და თან საშინლად მკერეხელობ, იუ!.. ერმა, რომელ-მაც...

– მოიცა, თუ ძმა ხარ! – უკმეხად შეატეხა კვლავ სიტყვა ფალავამ, – მოიცა ერთი. შევეშვათ ამ მაღალფარდოვან სიტყვებს: ერმა, რომელმაც შვა პეტრე იბერი, დავით აღმაშენებელი, თამარი, შოთა რუსთაველი და ა.შ. ვიცით ბატომო ეგ! აკი ჩვენს გონზეც ითქვა ეს! მერედა, ხალხი რა? რას მატებს ხალხს გამორჩეულთა დიდება? ეს ერთხელ კიდევ ცხადყოფს-მეთქი ზეკაცთა – ამ რჩეულთა და ზიარებულთა კასტის ერთადერთობას და მართოსულობას. მართალია ნიცშე: მთელი კაცობრიობა, ალბათ, სწორედ ამ ზეკაცებისთვის და ღვთისშვილებისთვის შეიქმნა – მათდა სანამებლად და სატანჯველადვე. სხვა დანარჩენი – გინდ სახელიანი იყავი, გინდ – უსახელო – მიწის მლილები და ჭიანჭველები ვართ-მეთქი, მხოლოდ ნიადაგის გასაპოხიერებლად გაჩენილნი-მეთქი ამ ქვეყიერებაზე. ანუ: გრ. ორბელიანის მუშა ბოქულადის თქმით: „სიცოცხლისვე დროსა დავიწყებული!“ მორჩა და გათავდა!

– იუ, მაპატიე, მაგრამ, გარდა იმისა, რომ შენ მკერეხელობ, ივიწყებ, აგრეთვე, რომ ჩვენმა ერმა, სხვას ყველაფერს რომ თავი დავანებოთ – შექმნა მსოფლიოში ერთ-ერთი უძველესი და უსრულყოფილესი დამწერლობა: თანაც – სამი! და წელან რომ ვთქვით – ის მრავალხმიანი, პოლიფონიური, მართლაც კოსმიური, ღვთაებრივი სიმღერები და ცეკვები, რომელსაც ჯერ კიდევ წარმართობის ხანაში მღეროდნენ-მეთქი ჩვენი წინაპრები. – რემა ხმადაბლა, მშვიდად, დაბეჯითებული კილოთი ლაპარაკობდა:

– ეს სიმღერები, საგალობლები და ცეკვები სასწაულია, იუ და თუ მართალია ის, რომ სიმღერა ერის სულის, მისი ფსიქიკის გამომხატველია, მაშინ უზარმაზარი, ზესთაზენური სამყაროს სიდიადე და უსაზღვროება ამ ჰანგებში განფენილი...

ამას წინათ, ჩვენი გუნდის რამდენიმე წევრი და მე – გურიაში გახლდით-მეთქი, სიმონიშვილებსა და ერქომაიშვილებთან. კახეთიდან იყვნენ-მეთქი სტუმრები... ყველამ ჯერ ჩვენ-ჩვენი კუთხის ვიმღერეთ, მერე – ერთმანეთის...

ეს განუმეორებელი, ზღაპრული საღამო იყო, იუ! ქართლურ-კახურ „მრავალჭამიერების“, „შენ ბიჭო ანაგურელოს“, „ჩაკრულოს“, „წინწყაროს“, „შავო მერცხალოს“, სვანური „ლილეს“, მეგრული „ოდიოას“ თუ „ჩელას“, გურული „შავი შაშვის“ და „ხასანბეგურას“ და მრავალ სხვათა მსგავსი არაფერი მეგულება ამქვეყნად.

ამასთან, ჩვენში ხომ სუფრა მხოლოდ ჭამისთვის არ იშლება. ეს შენც

კარგად მოგეხსენება. ჩვენი სუფრის წეს-ყაიდა ხომ ათასწლეულებში გამოვლილი რიტუალია – სიცოცხლის სიყვარულით, ერთმანეთის სიყვარულით – გაჯერებული და ასეთად რჩება იგი დღემდე – თამადობის იერარქიით დამშვენებული! – მიუხედავად მისი ერთგვარი დაკნინებისა!

ამ სასწაულ, უბადლო სიმღერებსა და ცეკვებს ხომ ჩვენი ხალხის შვილები ქმნიდნენ-მეთქი, იუ! ამას დაუმატე ჩვენი ხალხური თუ კლასიკური პოეზია, ხუროთმოძღვრება, ჩვენი სასულიერო თუ საერო ლიტერატურა... ამაზე ხომ ვილაპარაკეთ კიდევ და შენც ხომ დამეთანხმე ამაში!

– პიროვნებანი, ყოველივე ამას პიროვნებანი ქმნიდნენ და არა – ბრბო-მეთქი! „მრავალ არიან გამოჩინებულ და მცირედნი რჩეულნიო“, აკი სახარებაც ამას ქადაგებს!

– დიახ, რჩეული პიროვნებანი! მაგრამ ისინი, ის პიროვნებანი ხომ ჩვენი ხალხის ხორცი-ხორცთაგანი და სისხლი-სისხლთაგანი იყვნენ, იუ! ერთი შეხედვით, არც გამოირჩეოდნენ შეიძლება სხვებისაგან არაფრით და ამ დროს მათი პოეტური ზემთაგონება სადინარს ეძებდა, რომ გადმოღვრილიყო და... გადმოიღვარა კიდევ ცალკერძ – ღვთაებრივ სიმღერებში, ცალკერძ – ლექსებში... „იქნება ვეფხვის დედაი, ჩემზედ მწარედა სტირისა, მივიდე, მეც იქ მივიდე სამძიმარ ვუთხრა ჭირისაო“... გაგიგონია მსგავსი რამ სადმე?

ჩვენი სიმღერების, ლექსების, ცეკვების, ხალხური პოეზიის ბადალი, მართლაც რომ ბევრი არ დაიძებნება-მეთქი დედამინის ზურგზე – თუ საერთოდ უნიკუმი, განუმეორებელი არ არის!.. ეს ხომ შენც იცი იუ? ისიც იცი, რომ მე ურპატრიოტიზმი არ მალაპარაკებს ამას... მართალია, შენსავით მსოფლიონავალი კაცი არა ვარ, მაგრამ სამიოდე წელი ტარტუს უნივერსიტეტში ვისწავლე და მოვასწარი რალაც-რალაცების აღქმა. ე.წ. „ვეროპის ფანჯრიდან“! ჰოდა, თუ თავისუფლება ეღირსა ჩვენს ხალხს, იუ – არადა, თავისუფლების ღირსია ყოველი სულდგმული ამ ცისქვეშეთში – ის დაუმტკიცებს ქვეყნიერებას, რომ ძალუძს უძველეს კოლხიბერიულ, წარმართულ კულტურაზე დამყნობილი, მეორე სახარებისეული „ოქროს ხანა“, მეორე მე-12 საუკუნის მსგავსი კულტურა შექმნას, ღვთის წყალობით და მადლით! მე ღრმად მწამს და მჯერა-მეთქი ეს, იუ, ღრმად მწამს და მჯერა ისიც, რომ ჩვენი სულიერება, ახლა ღრმად დაფარული და გაიდუმალებული – იპოვის თავის სარბიელს... და სადინარს.

ჩვენ, მართალია, ინდო-ევროპული რასა არა ვართ, რომლის აღზევების ყამია ახლა, მაგრამ ზოგი მეცნიერის ვარაუდით, აკი კავკასიურმა რასამ, კერძოდ, ქართველურმა დაუდო თურმე სათავე თეთრ რასას... და საერთოდ მერწმუნე, კავკასია ერთ-ერთი უიდუმალესი ადგილია დედამინის ზურგზე!

ჩვენ ძველი, ერთობ ძველი ერი ვართ, იუ. ჩვენს ძარღვებში ორმოცი საუკუნის, თუ მეტის არა, – სისხლი მოედინება – ხანდახან თავში რაღაც დამარტყამს ხოლმე, თითქოს დავრეტიანდები უცებ – ახლა ეს სიტყვები რომ წარმოვთქვი, დაახლოებით ორმოცი საუკუნის წინათ ჩემი შორეული წინაპარიც ხომ ასევე მეტყველებდა-მეთქი!..

არა, ჩვენ არ დავბერებულვართ, არ დავშრეტილვართ სულიერად, თუმცა... ფიზიკურად ბევრჯერ მოგვსპეს და გაგვანადგურეს, იუ. ჩვენი პოტენცია, ესეც ალბათ სასწაულია, მაგრამ არ ამოწურულა. შემონახულია იგი ჯერაც და ელოდება თავის ჟამს, რომ ხელახლა გამოვლინდეს სრულყოფილად და თუ სიკეთისკენ წარიმართება მისი გზა-სავალი – ჩვენ კიდევ ვიტყვი-მეთქი ჩვენს სათქმელს, იუ! შესაძლოა, მეორე არგონავტული მითიც შეიქმნას – ვინ იცის! დაფარულ არიან გზანი უფლისანი...

ხოლო ჩვენს ამჟამინდელ მდგომარეობას რაც შეეხება... დიახ, ჩვენ დასნებოვნებული ვართ, კაი ხანია. მართალია ისიც, რომ სულიერწყობა-დაშლილი ჩვენი ხალხის უმრავლესობა ეგუება ძალმომრეობას – მორჩილი და თვინიერი ხდება ძალის წინაშე – დათვი რომ მოგერევა, ბაბა დაუძახეო, ესეც ჩვენი ხალხის მიერაა ნათქვამი, რადგან გაჭირვება აღმართს გახნევიანებს...

დიახ, ჩვენ დაავადებული ერი ვართ ამჟამად, იუ, მაგრამ... თუ ორგანიზმის რომელიმე ნაწილი დასნებოვნებულია, ვით შეიძლება ჯანსაღი იყოს მთელი სხეული? თუ კაცობრიობის რომელიმე ნაწილს სტკივა და იტანჯება, განა მთელიც შენუხებული არ უნდა იყოს? რადგან ჩვენი იაკობის თქმის არ იყოს, ერის გადაგვარება და გაქრობა მარტო მის კერძო უბედურებას როდი შეადგენს, იგი ნამდვილი დანაკლისია თვით კაცობრიობისთვისაც, რომელსაც აკლდება ერთი თავისი ნაწილი, ანუ ნევრი, უშრება ერთი წვეთთაგანი, რომელნიც ავსებენ შეერთებულად კულტურის მსოფლიოს ზღვას... და მერე – როგორი ნევრი?...

თავისუფალი პიროვნებისთვის, ისევე როგორც თავისუფალი ქვეყნისთვისაც, სხვისი თავისუფლებაზე საკუთარივით ღირებული და პატივისცემი უნდა იყოს! აქეთკენ ისწრაფოდა და ისწრაფის დღესაც ევროპული ინდივიდუალიზმი და დემოკრატია. თუმცა ჩვენ, ჩვენი ბედუკუ-ღმართობის წყალობით, ჩამოვრჩით ამ პროცესს... რადგან კარგა ხანია აგონიაში ვიმყოფებით და იმიტომ! – განაგრძობდა რემა რბილი, მშვიდი ხმით და ნაღველნარევი ღიმილით იგრეხდა დროდადრო უღვაშს – ექვსი საუკუნეა აგერ სისხლში ვფართხალებთ, ვწვალობთ და ვიტანჯებით უზარმაზარ იმპერიებს შეჭიდებულნი – ჩვენ ხომ თანასწორ ძალებთან არასოდეს გვქონია მეტოქეობა!.. და არავინ, დედამიწის ზურგზე არავინ

აღმოჩნდა ჩვენი მშველელი, მფარველი მაშინ, როდესაც ყველას – ტომით ნათესავი თუ არა, კაპიტალი მაინც ჰყავს დამცველი. ჩვენ, პირიქით, ყველამ – მცირემ თუ დიდმა, ყველამ მართლა წაგვკრა თითო ხიშტი... ყველამ გვიბიძგა უფსკრულისკენ...

ჩვენი დაღმართი კი – მეცამეტე საუკუნიდან დაიწყო: ჯერ მონღოლებმა, შემდეგ ოსმალებმა და სპარსელებმა გადაუკეტეს გზა ჩვენს ბუნებრივ განვითარებას, ჩვენს აღმასვლას. არადა, ხომ გვექონდა ჩვენც „ოქროს ხანა“-მეთქი – ხომ იყო სახარებისეული საქართველო, რომელიც კაცობრიობის კულტურის, მაღალგანვითარების უბადლო ნიმუშს წარმოადგენდა გარსმოჯარულ სიბნელეში. აკი შენი თქმითაც რუსთაველის ბადალი უნივერსალური, ზეგენიოსი პოეტი და მოაზროვნე მსოფლიოში თითო-ოროლა თუა! – ვაჟაზე რომ არაფერი ვთქვათ!

განვითარების უმაღლეს დონეს მიღწეული, ჩვენი დასავლური ყაიდის პატრონყმობა უნდა გადაზრდილიყო იმ ურთიერთობაში, რამაც თითქოს ერთმანეთის მოქიშპე და მაინც ერთიანი ევროპა ეგ ზომ დაანინაურა. ჩვენ არ დაგვცალდა, არ დაგვაცალეს, თორემ... თორემ...

ჩვენც ხომ ამ გზით მივდიოდით და ვუსწრებდით კიდევ დასავლეთს!.. მონღოლების შემდეგაც გვექონდა პატარ-პატარა გამონათებები, კარგად იცი ეს შენ...

ხოლო ის ჩვენი მონად გაყიდული გოგო-ბიჭები შენი თქმითაც, ხომ ხშირად ეგვიპტის თუ ერაყის მბრძანებლებად და დედოფლებად გვევლინებოდნენ. იანიჩრების თუ მამლუქების არმია ხომ უმთავრესად ჩვენი სისხლით და ხორციით იკვებებოდა – ჩვენდა სამწუხაროდ! კარგად მოგეხსენება ისიც, რომ ნაპოლეონის წინააღმდეგ რუსეთის მხარეზე მარტო 12 ქართველი, ბრწყინვალე გენერალი იბრძოდა, პეტრე ბაგრატიონის ჩათვლით!.. ხოლო თავად რუსეთის დიდი სახელმწიფოს ანუ საშინელი იმპერიის სულისჩამდგმელი პეტრე პირველი ხომ შენივე თქმით, ბაგრატიონი ბრძანდება, კერძოდ, კახთ ბატონის ერეკლე I-ის ანუ ნაზარლი-ხანის ნაშიერი. ხოლო ჩვენს კონდოტიერ ბეგლარ-ბეგებს, ყულარალასებს, ფაშებსა თუ ვეზირებს – ვინ დათვლის!..

უმშვენიერესი, უღამაზესი რასა, რომელმაც მართლაც გააკეთილშობილა, ახლო აღმოსავლეთის ხალხთა სისხლი – განა ასე არ მოიხსენიებენ ჩვენს წინაპრებს ჩვენში ნამყოფი თითქმის ყველა ევროპელი მოგზაური, მისიონერი-ბერი, ისტორიკოსი, ფილოსოფოსი თუ მწერალი...

ახლა, თურმე, ზოგი ჩვენი მტერ-მოყვარე მეზობელი ევროპული ენციკლოპედიებიდან ამ შეფასების ამოღებას ცდილობს – დიდი თანხის გაღებით!..

ნუ შემანყვეტინებ, ძალიან გთხოვ, იუ, ამას სრულიადაც არ ვამბობ

იმით, რომ ჩვენი თავი ფრთიან ანგელოზებად დავსახო. არა, მაგრამ ხომ ფაქტია ისიც, რომ ყველაფრის მიუხედავად, არ გავბოროტებულვართ სხვათა მიმართ! არ დაგვიკარგავს შეწყნარების, ლმობიერების უნარი და, ბოლოს და ბოლოს, კვლავაც დავრჩით – სტუმართმოყვარენი — სისხლის წვიმების დროსაც, მაშინ, როდესაც სხვა რჯულის ხალხები საკუთარ სისხლში გვაბანავენდნენ, გვითქვამს: „ყველა ადამის შვილი ვართ, თათარიც ჩვენი ძმა არისო“.

– სამაგიეროდ, ერთმანეთი ხომ დავჭამეთ? სიძულვილი, შური და ბეზლობა – აი, რა შემოვირჩინეთ წარსულიდან. მერედა, რა უღმობლად, რა სასტიკად ვუსწორებთ ხოლმე ერთმანეთს ანგარიშს – სულ მცირე რამის გულისთვისაც! რა სიამოვნებით ვახრამუნებთ ერთიმეორეს! ხოლო თუ ჩავთვალეთ, რომ რომელიმე ჩვენებური, თუნდაც ძმა – გველობება საკუთარი კეთილდღეობის გზაზე – მტრისას! შხამიანი, გესლიანი მორიელი მონაგონია ჩვენთან. ამასთან... საგულისხმო ისაა, ვითომ საზოგადო ინტერესების დამცველის ნიღაბს ოსტატურად რომ ვირგებთ – სინამდვილეში საკუთარი კუჭისათვის, ულუფისათვის ანუ როგორც ძველი მემატინე იტყოდა, როჭიკისთვის ვიბრძვით ასე გააფთრებით!..

ასეთი შეუწყნარებელი რომ ვყოფილიყავით სხვათა მიმართ – ქვეყანა ბაბილონის გოდოლივით არ დაგვექცეოდა და შიოს მარანი არ გახდებოდა და ყველა გამვლელ-გამომვლელს ხიდად არ გაედებოდა-მეთქი.

ისტორიულად მოგვდგამს-მეთქი, კაცო, ერთმანეთის გაუტანლობა, ორგულობა, ღალატი, შური, ბეზლობა. გარნისი განა ივანე ათაბაგის შურიანობამ არ წაგვაგებინა – შემდგომ დიდი ტრაგედიის დასაწყისად რომ იქცა? შადიმან ბარათაშვილი? ბაზალეთი? კრწანისი? 32 წლის შეთქმულება? ხომ არ დაგველიენ-მეთქი ზოგ-ზოგი ფალავანდიშვილის, ყორღანაშვილის, მათ შორის აშორდიას – მსგავსნი? არ გვეყავდნენ განა მოლალატი ათაბაგი, ჯაყელი, დადიანი თუ გურიელი – ზოგი სხვისი და ზოგი ჩვენი სისხლისა?

განა მონღოლებთან პირველი დამარცხება ათაბაგისა და ლაშა-გიორგის დამსახურება არ იყო? ანუ: სამეფო კარის უნიათობისა, დაუდევრობისა და ყოყლორინობის შედეგი? ხომ საგულისხმოა ისიც, რომ დავით აღმაშენებლის აღმზრდელი გიორგი ჭყონდიდელია, ლაშასი კი – ივანე მხარგრძელი, ის ივანე, ვინც ათაბაგობა გამოსძალა თუ გამოსტყუა თამარ მეფეს?... ნუგზარ ერისთავის დროსაო, სისხლში წვიმების დროსაო – ვინ თქვა? როცა საზოგადო საქმე ეწირება პირადულს, როცა მება აღზევებული ჩვენზე, როგორც ილია ბრძანებს – იქ მარცხი გარდაუვალია.

„რა ვქნა ცოდვილმა? გულსა და სულს ცეცხლი მედება, როს საქართველო დანგრეული მომაგონდება“-ო, თითო-ოროლა ვახტანგ თუ

ალექსანდრე ორბელიანი, თუ დიმიტრი ყიფიანი ველარ უშველის უზნეო, უღირსებო საზოგადოებას – ქვეყანას – მძარცველების, მომხვეჭელების ბუნაგად რომ ქცეული!

„ჩვენი ივერი მშვენიერი არს სისხლის კალო, გმირთა აკლდამა, გულთსაკლავი და სავალალო“!

ასეა ჩვენი საქმე! ვერაფერს იზამ-მეთქი.

– თემურ-ლენგის რვაგზის შემოსევას, შენი თქმითვე, ერთი პატარა ქვეყანა კი არა, მთელი ქრისტიანული ევროპა ვერ გაუძლებდა! ჩვენ კი – ასეა თუ ისეა, გავეუძელით-მეთქი, გადავიტანეთ მრავალი თემურ-ლენგი, შაჰ-აბასი და მართალია, ტანჯვით, წვალებით, მაგრამ მაინც მოვალნიეთ მეოცე საუკუნის კარიბჭემდე!..

– ჰოდა, რისთვის მერე? მეც ამას ვკითხულობ სწორედ? არ სჯობდა საერთოდ ალგვილიყავით პირისაგან მიწისა!.. ღმერთო, დიდებულო! ამას თუ გადარჩენა ჰქვია!

– უფალმა უკეთ უწყის, ვის რა ბედი არგუნოს. ეტყობა, ჩვენ, ტანჯვა-წამების გზით დაგვაკისრა შეგვესრულებინა ჩვენი ძირითადი მისია ამქვეყნად!

ახლა რემაც წამოდგა, ოთახში ბოლთის ცემას მოჰყვა. თვალეები ანთებოდა.

– რა მისიაა მაინც ეს? საინტერესოა ფრიად, მე და ჩემმა ღმერთმა! – კვლავ გვერდულად ჩაიღიმოდა ფალავამ, ცოტა არ იყოს, გაოცებულმა რემას ასეთი ფერისცვალებითა და კვლავ ყალიონის ტენვას შეუდგა მოჩვენებითი სიღინჯით.

– სიყვარულის მისიაა ეგ, ჩემო იუ, სიყვარულის!..

– სიყვარულისაო?.. ჩვენ?!

– დიახ, ჩვენ. რადგან... ყველაფრის მიუხედავად, არ გავბოროტებულვართ-მეთქი სხვათა მიმართ, თუმცა ხშირად ერთმანეთს ვმტრობთ, – არ დაგვიკარგავს-მეთქი ტოლერანტობის უნარი, სხვათა შეწყალების გრძნობა. და, საერთოდ, უნდა გითხრა, არა ვართ მარტივი ბუნების და ფსიქიკის ხალხი. რადგან ათასწლეულების სიმძიმე გვანევს ზურგზე – ქვეცნობიერად – თავისი სიავით თუ სიკარგით, ცხადია, უფრო სიავით... კი, მართალია ისიც, რომ ბოროტება უფრო ჭარბობდა ამ გრძელ გზა-სავალზე, სისხლის წვიმები და იავარყოფა უფრო მეტი იყო, იყო სრულიად გაქრობის საფრთხეც და... რამდენგზის მერე! დღესაც ამ საფრთხის წინაშე ვიმყოფებით. და სწორი ხარ იმაში, რომ დღეს იქნებ უფრო მეტადაც, ვიდრე ოდესმე!.. აკი ილიას თქმითვე – საშინელი უფსკრულის პირას ვდგავართ! ჩვენს ფსიქიკაში დაილექა უთუოდ სისხლიანი, ავბედითი წარსულის უკეთურობა და ჭირ-ვარამი. ამ ხანგრძლივმა —

მძიმე და მწარე დრო-ჟამმა, ჩვენმა გეოგრაფიულმა მდებარეობამაც, აღმოსავლეთსა და დასავლეთს შორის ხიდად გადებამ შენი თქმის არ იყოს სიკეთესთან ერთად – უამრავი უბედურებაც მოგვიტანა. დიახ, ბედის უკუღმართობამ თავისი დამლა დაგვასვა-მეთქი, თავისი ტვიფართი ალგებეჭდა! რა დასამალია და ქვესკნელში ძრომა გვასწავლა და ზესკნელშიც ფრენა და მაინც, ყველაფრის მიუხედავად, ჩვენ – იმერნიც და ამერნიც – ქრისტიანული სულისა და კულტურის მატარებელი დავრჩით – ალბათ უძველესი კულტურის დანაშრეგებით და ეგებ – მისი ნყალობითაც, რამეთუ, ჩემი აზრით, უზარმაზარი წარმართული კულტურის საფუძველზეა დამყნობილი ჩვენში ქრისტიანიზმიც.

ამდენად, არ შეიძლება გავინიროთ და კიდევ: როგორი უცნაურიც არ უნდა იყოს, სოციალ-დემოკრატთა ნიჰილიზმისა და შენი აზრების თანდამთხვევა საქართველოს მომავლის თუ ანმყოს მიმართ – თქვენ სუყველას გავინყდებთ ერთი „პატარა“ რამ: სახელდობრ ის, რომ არსებობს ღვთიური განჩინება, რომ... მეორე იერუსალიმად წოდებულ მცხეთაშია დაფლული უფლის კვართი, ღვთისმშობლისა კი – ხობში, რაც სულ არ მიმაჩნია შემთხვევით ამბად, რომ გრაალის ბარძიმი აქ ინახება, რომ არსებობს მისტიური სული და დანიშნულება კოლხ-იბერიისა ანუ გეორგიანელთა, რომ საქართველო დიახაც რომ წილხვდომილი ქვეყანაა ღვთისმშობლისა და მას მისი მადლი და წმიდა გიორგის მახვილი იფარავს და იცავს, ამდენად, კოლხ-იბერიას უფალმა ყველაზე დიდი მისია დააკისრა-მეთქი ამ ქვეყნიერებაზე – სიყვარულის მისია!

– ნეტარ არიან მორწმუნენი! – კვლავ გვერდულად ჩაიღიმია ფალავამ: – სხვას თუ არა, მესამედასელებს ხომ შევძენთ კაცობრიობას!

– არა უშავს რა, იუ. არა უშავს! ნყალნი წავლენ და წამოვლენ, ქვიშანი დარჩებიანო, ნათქვამია.

– თუ დარჩა რამე – კი, ბატონო. მაგრამ მე მიყვილია აგერ, მამლისა არ იყოს და...

– შენ მართალი ხარ იმაში, რომ დამონებულ ერში განსაკუთრებით იჩენს თავს მიდრეკილება როგორც მორჩილებისაკენ, მონობისაკენ, – ისე მძლავრობისაკენ. რადგან მძლავრობა ანუ ტირანია და მონობა – მედლის ორი მხარეა. შენ მართალი ხარ იმაშიც, როცა ქართლის მეწინავე როლზე ლაპარაკობდი.

მეც ბევრი მიფიქრია ამაზე. დიდი კოლხური ანუ იგივე იბერიული ცივილიზაციისათვის ქართლს უნდა ეწინამძღვრა და ასეც მოხდა. და როცა ქართლი მოირღვა-დაიშალა – დაქუცმაცდა ერთიანი, მძლავრი ქართული სახელმწიფოებრიობა და კულტურაც, თუმცა... საოცარი ისაა, რომ ჩვენი ბუნების მრავალფეროვნება, ჩვენი კუთხეების თავისებურება

და განუმეორებლობა გადარჩენის პირობებსაც ქმნიდა წარსულში და ქმნის დღესაც: როცა ერთი კუთხე მოსწორდებოდა მიწასთან, იცი შენ ეს, მეორე ინახავდა იავარქმნილ სულიერ სიმდიდრეს, მის საუნჯეს და ასე, თითქოს, მორიგეობით ენაცვლებოდნენ ერთი მეორეს... დღესაც; ილიას, აკაკის, ბარათაშვილს, ყაზბეგს, გოგებაშვილს რომ თავი დავანებოთ, – ერთმა პანანკინტელა კუთხემ ქვეყნისამ შვა-მეთქი ვაჟა-ფშაველა – ეს უნიკუმი კაცობრიული კულტურის საგანძურისა – ჯერაც შეუსწავლელი, შეუცნობი, არდანახული რომ არის მსოფლიოს მიერ მისი – დღეს დამცრობილი სამშობლოს – პატარა სივრცის გამო!... ამიტომაც ვერ აღქმული, ვერ დანახული კაცობრიობის მიერ! და ასევეა ეს ჩვენშიც-მეთქი, სამწუხაროდ ჩვენდა! – წამით ისეც დადუმდა რემა, შემდეგ განაგრძო მღელვარება შეკიდებული ხმით:

– შენ წელან მაძლარი და თვითდაჯერებული ევროპა ახსენე. დიახ, დღეს მატერიალურად, ტექნიკურად ბევრად დანინაურებულია დასავლეთი ჩვენზე და ეს მისმა ბედნიერად აწყობილმა ისტორიულმა განვითარებამ მოუტანა მას. ჩვენ ახლაც შეგვიძლია მატერიალურად ასევე დავინაურდეთ, თუ ხელი გამოვიღეთ და თუ ბედმაც გაგვიღიმა. მაგრამ, ჩემი აზრით, ეს არ არის მთავარი...

დასავლეთის ცივილიზებულ ქვეყნებს, როგორც პარადოქსულად არ უნდა ჟღერდეს ეს, მოუწევს ბევრი რამ შეიძინოს და შეითვისოს „ჩამორჩენილი“ კავკასიისაგან, კერძოდ, ჩვენგან, ქართველებისგან. და საერთოდ, ქართული ენა, ჩემი და არა მარტო ჩემი აზრით — სამყაროს ერთ-ერთი საოცრებათაგანია, კოსმიურ ძალებთან წილნყარია... იყო და არა იყო რაო, წუთისოფელი, სანუთროო, გარდაცვალებაო და რომელი ერთი ვთქვა; გეგულება სადმე მსოფლიოში თუნდაც... ოთხპირიანი ზმნა? მითარგმნე რომელიმე ევროპულ ენაზე ერთი სიტყვით — ამაშენებინა, შემომელანძღა, შემომაკვდა, და ა.შ. და რამდენია ასეთი მარგალიტები მომობნეული ამ მართლაც ღვთიეკურთხეულ ენაში?

დიახ, დიახ, შენი სარკასტული ღიმილის მიუხედავად – ეს ასე გახლავს-მეთქი! ჩვენი უძველესი კულტურა, ჩვენი ცხოვრების წეს-ყაიდა, ჩვენი ნათესაური, მეზობლური თუ მეგობრული ურთიერთობა და კავშირები, ჩვენი ნათელმირონობა, ჩვენი ძუძუმტეობა – ჩვენი სითბო და სიყვარული, ჩვენი ასმათობა და ტარიელობა – ქალ-ვაჟის ეს წმინდა ქართული დამძობა, რომლის მსგავსი სხვაგან არსად მეგულება, ყველაფერი ეს – ჩვენს სიმღერებსაც თუ გავითვალისწინებთ მეთქი – ინდუსტრიული ქვეყნების გამოფიტული სულისთვის, ზესახელმწიფოების პრაგმატული და ვაჭრუკანული არსისთვის – სულიერების ანკარა წყაროდ დარჩება, და უნდა არ უნდა, მოუწევს მომავალში დაენაფოს მას, რადგან

შენ წარმოიდგინე, ამჟამად ერთ ციციქნად ქცეული ქვეყნის არსებობის მაგიური ძალა – სიყვარულია-მეთქი, ისევ ვიმეორებ ღვთით ბოძებული ეს უდიდესი მადლი! მე ასე მნამს და ასე მჯერა, ჩემო იუ!..

აკაკის „გამზრდელში“ და ვაჟას „სტუმარ-მასპინძელში“ აღბეჭდილი ჩვენი ზნეობრივი კოდექსების და საერთოდ, ქართული ფენომენის შესწავლა – მომავლის საქმედ მიმაჩნია. შესასწავლია ჩვენი პოლარული ხასიათებიც, უალრესი კეთილშობილების ფონზე უალრესი ზნედაცემულობა... ხოლო თუ გავიწირებით, ესეც ღვთით იქნება: „რაცა ღმერთსა არა სწადდეს, არა საქმე არ იქნების“-ო, ბრძანა ჩვენმა ზეგენიოსმა პოეტმა...

თუმცა... ამ ზოგად ლაპარაკს ეგება სჯობდეს... – რემა გაჩუმდა ერთბაშად. ფალავაც თითქოს ენაჩავარდნილი იჯდა განუძრევლად და თვალმოუშორებლად შესცქეროდა აღელვებულ რემას.

მერე იგი შეირხა და ისე, თითქოს ზმანებაშიაო, თქვა:

– შენ თუ იცი, იუ, ჩემი უფროსი ვაჟი, კოკი, თხუთმეტი წლისა რომ დამელუპა ამ რამდენიმე წლის წინათ...

ფალავა შეტოკდა, სახეზე ჩრდილმა გადაუარა.

– არა... არაფერი გამიგია...

– თუმცა, საიდან გეცოდინება? ეს შენს ჩამოსვლამდე მოხდა, 1906 წელს... მე მიინდა ახლა გიამბო...ჭრილობა ჯერაც პირშეუკრავია, მაგრამ მეც მიინდა გული გადაგიხსნა, ამაღამ ძილი მაინც არ გამეკარება, ჰოდა... – იყუჩა ისევ. თითქოს გაქვავდაო, თვალეები გაუშტერდა.

– თუ გიმძიმს, არ გინდა, ჯიმაია...¹ სამწუხაროდ, არაფერი ვიცოდი...

– ფალავას ხმასა და კილოში დაუფარავმა სიტბომ და თანაგრძნობამ გამოჟონა. თვალეებში თითქოს ერთბაშად გაუქრა სუსხი და ყინული.

– არა, – თავი გაიქნია რემამ, თითქოს აბეზარ ჩვენებებს იშორებსო, თვალეებზე მოისვა ხელისგული: – არა, ამაღამ სჯობს! სხვიმის ეგებ ვერ შევძლო!

რემამ ბოლთის ცემა შეწყვიტა და ბუხართან ნებიერად განოლილ პოინტერს თავზე გადაუსვა ხელი. ძაღლმა არ იუცხოვა მისი მოფერება. პირიქით, გაიტრუნა, კუდი წელა გააქნია სიამოვნების ნიშნად – თავის პატრონის გასაკვირად!

მერე წელში გაიმართა ისევ და კვლავ ბოლთის ცემას მოჰყვა ოთახში, თითქოს გაფანტულ აზრებს იკრებდა. შემდეგ ჩუმად ამოიხვნეშა, სამფეხა სკამი მისწია ბუხართან ახლოს, ჩამოჯდა და...

რემამ უამბო ფალავას ის, რაზეც ის ლაპარაკს გაურბოდა საზოგადოდ, რის გახსენებასაც თავს არიდებდა წლების განმავლობაში, თუმცა, რალა გახსენება უნდოდა იმას, რაც დღემუდამ ღრღნიდა მის სულს, რაც

სამუდამო ტკივილად ჩაკირულიყო მის არსებაში და მხოლოდ გულის ძგერის შეწყვეტასთან ერთად თუ ეწერა გაქრობა.

...თხუთმეტი წელი ის-ის იყო შეუსრულდა კოკის. მამის ნაყიდი ახალი ჩოხა-ახალუხი ჩაიცვა იმ კვირა დღეს. მამაპაპეული ქამარ-სატევარიც პირველად შემოირტყა ბეჭედივით წვრილ წელზე და ცხენს ნიავივით მოევლო გახარებული. ისედაც თვალტანადი, კიდევ უფრო დაამშვენა ამ ახალმა სამოსმა. მამის სისხარტე და მოქნილობა გამოჰყვა ყმანვილს და დედის სიტბო და სინაზე. ზნეკეთილი და ზრდილი, დიდსა და პატარასთან თავაზიანი, გულჩვილი და უემშაკო – იგი ყველას უყვარდა. ყველა, დიდი და პატარა შეჰხაროდა და შენატროდა ამ ცოცხლად ხორცშესხმულ ღვთაებრივ სილამაზეს. ვის შეიძლებოდა კოკი გაემეტებინა სასიკვდილოდ? რომელ სულიერ არსებას, თუ არა ადამიანის სახემიღებულ ურჩხულს, სატანას?

ყმანვილი მიიჩქაროდა „ჯარალუაზე“, ხატობის შემდეგ რომ იმართებოდა წმ. გიორგის ეკლესიის ეზოში. ბიჭმა, გზა რომ შეემოკლებინა, ტყით არჩია სიარული, თუმცა საშიში დრო იყო და ყაჩაღობა და ძარცვა-გლეჯა, ერთობის სახელით, არც ისე იშვიათი ამბავი გახლდათ.

ტყეში, ბილიკზე მიმავალ კოკის სამი თავით ფეხებამდე შეიარაღებული რაზმელი გადაუდგა ანაზდეულად და ყმანვილმა თვალის დახამხამებაც ვერ მოასწრო ისე ჩამოაგდეს ცხენიდან, გახადეს ჩოხა-ახალუხი, აართვეს მამაპაპეული, ვერცხლით მოსევადებული ქამარ-სატევარი, ნიხლებიც ჩააზილეს და ასე შერცხვენილ-დამცირებული, სულის სიღრმემდე შეურაცხყოფილი, დააგდეს გზაბანარზე.

ბიჭმა ხელის ფათურით მოიძია იქვე ახლომახლოს დაგდებული ქვა, მოიქნია და ზურგში მოახვედრა იმას, ვინც იმ სამთაგანში ყველაზე უფრო მახინჯი იყო გარეგნულად, ვინც ყველაზე უფრო მეტს ბილწსიტყვაობდა და ვინც ყველაზე მეტს გულმოდგინებას იჩენდა ბიჭის შეურაცხყოფაში, წამდაუნუმ ვინც დედის სულს უტრიალებდა, და ისედაც თავმოყვარეობაშელახულ და გამწარებულ ყმანვილს — კიდევ უფრო ასწორებდა მიწასთან.

ეს იყო, რასაკვირველია, ღირსებაშეგინებული ყმანვილის ბუნებრივი, ანგარიშიშუცემელი, გულისმოსაოხებელი ქმედება, მაგრამ ეს თითქმის უაზრო, ბავშვური თავგამოდება სიცოცხლის ფასად დაუჯდა კოკის. ყაჩაღი მოუტრიალდა, გამოქანდა და ხანჯალი ჩასცა გულში უმწეო, უიარაღო, თითქმის შიშვლად დარჩენილ ყმანვილს. და განა ერთხელ? რამდენჯერმე...

დანარჩენმა ორმაც იმარჯვა და... მსხვერპლი ლამის ნაკუნ-ნაკუნ აჩეხეს...

¹ ძამია

...ამ დროს მეზობელი სოფლიდან შინ ბრუნდებოდა მაყრიონი. ცოტაც რომ დასცლოდა, ზედ გადაანყებოდნენ კიდევ ყაჩაღებს და იქნებ ბიჭიც გადარჩენილიყო, მაგრამ ასეთი ყოფილა ბედისწერის უღმობელი განჩინება: კოკის არ უნდა ეცოცხლა. ხალხის თქმით, ასეთ სრულყოფილ მშვენიერებას ღმერთი დიდხანს არ აჩერებს ჭუჭყიან, ბინძურ დედამიწაზეო. კოკი საამქვეყნიო არ იყოო, დასტიროდნენ ყმანვილს შემდეგ უზომოდ დამწუხრებული თანასოფლელები.

მთელი სოფელი ფეხზე დადგა – დიდინ-პატარიანად. მდეგრებმა, რომელთა შორის უმეტესობა მაყრიონის ხალხი იყო, მალე მოუჭრეს ყველა გასაქცევი გზა ყაჩაღებს, ისინი ალყაში მომწყვედნენ, უთავბოლოდ ისროდნენ და ამაოდ ცდილობდნენ თავი დაეღწიათ ხაფანგისთვის.

ელვის უსწრაფესად მოედო გაღმა-გამოღმა გორაკებზე შეფენილ სოფლებსაც ეს საზარელი ამბავი. რისხვით შეპყრობილი ხალხი თავქუდმოგლეჯილი მორბოდა რემა გეგეჭკორის სახლისაკენ და როცა შეიტყვეს, ავაზაკები გაუკოჭიათ მდეგართო, ერთმუშტად შეკრული დაიძრა მათ შესახვედრად.

რემას შეატყობინეს ეს საზარელი ამბავი. იგი იმ დროს მივიდა ავაზაკებთან, განრისხებულ ხალხს ფეხქვეშ რომ მოექცია ისინი და უმოწყალოდ ზეპავდნენ: ვისაც რა მოხვდებოდა ხელში, იმას ურტყამდა; ზოგი ფეხებით ზედმედგომას ცდილობდა თავისსავე სისხლსა და ნარწყევში მოფხარკალე ავაზაკების სხეულზე. ამაოდ ცდილობდნენ მოთავებები მოგერიებინათ გაცოფებული ხალხი.

რემას დანახვაზე ზედახორა მსწრაფლ დაიშალა, წამით გაქვავდნენ ადგილზე, მერმე უსიტყვოდ, უხმოდ გაინ-გამოინიეს და გზა დაუთმეს უბედურ მამას.

...პირველი გრძნობა, რაც დაეუფლა რემას, როცა ძირს, მიწაზე დაყრილი, გაბანრული ავაზაკებისკენ მიდიოდა, იყო უკიდევანო, ზღვარგადასული სიშმაგი, აულაგმავი, მოუთოკავი სურვილი, ყანყრატოში წვდომა და სათითაოდ სამივეს და საკუთარი ხელებით მოეხრჩო-მოეგუდა.

და როცა თვალეზზე ბინდგადაკრული, თითქმის უგონოდ ქცეული, აკრეფილი ნაბიჯებით ნელა მიიწევდა ყაჩაღებისაკენ, ეს სურვილილა ამოძრავებდა მხოლოდ – შურისგების წრესგადასული, უნაპირო სურვილი. სხვა ყველაფერი წკვარამში ჩანთქმულიყო. ეს იყო ჯოჯოხეთური სატანჯველი, არნახული, არსმენილი. ასეთი გრძნობის არსებობას აქამდე ვერასოდეს წარმოიდგენდა: ენამოსწრებული, მხიარული, კაცთმოყვარე და ცოტათი დაუდეგარი რემა გეგეჭკორი ახლა გააფთრებულ, დაკოდილ ნადირად ქცეულიყო, რომელიც პირისპირ უნდა შეყროდა გულში დამჭრელ თავის დაუძინებელ მტრებს.

„რემა! რემა!“ – მოულოდნელად რალაცამ დარეკა მის გულში. შეჩერდა. იგრძნო, თვალეზში სინათლე დაუბრუნდა თითქოს, დანისლულ-დაბინდული გონება ნელ-ნელა გადაენმინდა. წამიც და: აყალყებულ მხეცს, მის სულში რომ მჯდარა და ამის თაობაზე აქამომდე წარმოდგენაც რომ არ ჰქონდა, თითქოს სწვდა ქეჩოში და ძალუმად მოუგრინა კისერი, მერმე მიწაზე დაანარცხა თავქვე და... ზედ ფეხით შედგა.

ამ წამიერი დაბნეულობით თუ შეყოვნებით, ეტყობა, ისარგებლეს ყაჩაღებმა და ორმა მათგანმა არაადამიანური, განწირული ხმით იბლავლა: – ჩვენ არ მოგვიკლავს ბიჭი, ამან, ამ წუპაკმა მოკლაო, და ხელი მიაშვირეს შავწვერულვაშა, ზღარბივით თმაჯაგარა და ცემისაგან სახედალი-ლავებულ გონჯ კაცს, ახლა ნელმონწყეტილი უხსენებელივით რომ იკლავებოდა მიწაზე და სისხლს ანთხევდა პირიდან.

„მე უნებურად სახეზე ავიფარე ხელები და ზურგი შევაქციე სამთავეს.

– უხ, თქვენი!.. – კვლავ იხუვლა აქამდე გასუსულმა, ხმაგაკმედილმა ხალხმა და ყაჩაღებს მიესია ისევ.

– შეჩერდით! – ეს ჩემი ხმა იყო და არც იყო თითქოს. მერმე ამ „სხვა“ ხმამ ყრუდ, ძლივსგასაგონად განაგრძო: – გაუსამართლებლად არ შეიძლება ამათი დასჯა... ესენი უნდა გავასამართლოთ, როგორც ჩვენი წესი და რიგია...

– მე... მე არ მომიკლავს, გეფიცები ღმერთს... ამან... ამ შეჩვენებულმა, ამ წყეულმა აჩეხა ბალანა... – თითქოს გული მოეცათო, იღრიალა კვლავ ორმა ყაჩაღმა, უწყალოდ დაჟეჟილ-დაბეგვილი, სისხლს რომ აფურთხებდნენ პირიდან და ხელებს შურლაიასკენ იშვერდნენ.

– ღმერთს გეფიცებითო, გესმით, ხალხნო? ღმერთს გეფიცებითო... ღმერთის ხსენებასაც ბედავენ ეს გარენრები, ეს უწმინდურები... ჩავქოლოთ ეს ურჯულოები, გავუჩქოთ თავი უხსენებელივით...

– შეჩერდით-მეთქი, ხალხო, გამიგონეთ... სამსჯავროს... სამსჯავროს უნდა გადავცეთ ესენი-მეთქი!

– რა სამსჯავრო უნდათ ამათ, ამ უწმინდურებს, ამ გარენრებს? ამ ღვთის გარეგანებს?! რას ბრძანებ, რემა ბატონო? ეს ნადირები აქვე უნდა ჩავხოცოთ, ტყიურებს რომ შეეფერებათ, ისე! – აყაყანდნენ აქეთ-იქიდან მკვლავებდაკარნახებული, სამოქმედოდ გახაზირებული კაცები, ზუსტად ისეთი იერით და გამომეტყველებით, როგორითაც საქონელს წამოაქცევენ ხოლმე მიწაზე, რათა მოხერხებულად გამოსჭრან ყელი.

– ხალხო... გთხოვთ... არა მაქვს ყვირილის თავი... – მერმე ხმადაბლა, თითქმის ჩურჩულით დაეუმატე: – ჩვენც ხომ არა ვართ მხეცები... ესენი უნდა გასამართლდნენ ჩვენი, კაცური, ადამიანური კანონებით-მეთქი!

ხალხი უხალისოდ, უკმაყოფილო ბუზღუნ-ბუზღუნით, მაგრამ, ბო-

ლოს და ბოლოს, დაჰყვა ჩემს ნებას, რადგან... მამა ვიყავი და, მამასა-
დამე, გადამწყვეტი სიტყვა მე მეკუთვნოდა. ოღონდ... ერთ რამეში მეც
დავუთმე მათ: სასამართლო უნდა ჩატარებულიყო ჩვენი, ხალხური,
ოდითგან მიღებული ადამ-წესით და არა რუსული, ანუ ოფიციალური
კანონებით! და მართლაც, ბავშვის დასაფლავების შემდეგ სამ დღეში
ჩვენი სოფლის მახლობლად, გორაკზე შეფენილ ტყეში, ვეებერთელა
ცაცხვის ძირში შედგა ეს სამსჯავრო — ასე ვთქვათ, ადგილობრივი მთავ-
რობის დაუკითხავად. ხალხმა ძველებური წესისამებრ, აირჩია „სხუნუ –
რჩეულთა შემადგენლობაში“ – ჩვენს მხარეში პატიოსნებით, ჭკუით და
სიმართლისმოყვარეობით ცნობილი პირები. თავის მხრივ ამ „სხუნულმა“
– კათამ¹ აირჩია დუდკოჩი² – ბერა ნადარაია – 80 წელს მიტანებული,
მთელს ჩვენს კუთხეში გონიერებითა და პატიოსნებით სახელგანთქმული
გლეხკაცი და „აღმასხუნეები“³, ასევე ხალხისგან პატივდებული პირები.

ასეთი თავყრილობა, ალბათ, შენც მოგეხსენება, ოდითგანვე ცნობი-
ლია ჩვენში, მაგრამ რუსული მართლმსაჯულების წყალობით იგი მივიწ-
ყებული და უგულვებელყოფილია და ძალზე იშვიათად, განსაკუთრებულ
შემთხვევებში თუ მიმართავენ მას; ამბობენ, უტუ მიქას ლაშქრობა ასე-
თი „სხუნილი კათას“ მიერ იყო გადაწყვეტილი. ამ აღმასრულებელი
ორგანოს და მისი თავკაცის მიერ მიღებული განაჩენი შეუცვლელი და
საბოლოოა.

„სხუნუმ“ საქმის დანვრილებითი და ყოველმხრივი შესწავლისა და
გარჩევის შედეგად გამოარკვია, რომ ყაჩაღები პირადად არ იცნობდნენ
კოკი გეგეჭკორს და არც მის მშობლებს, არანაირი პირადული, მამა-პა-
პათაგან გადმოსული მტრობა არ ყოფილა ამ გვარებს შორის. დადგინდა,
რომ მხოლოდ და მხოლოდ გაძარცვის მიზნით დაესხნენ რაზმელები
ყმანვილს და ამ ქმედების დროს ერთ-ერთმა ყაჩაღთაგანმა, კერძოდ, მა-
ჟარა შურლაიამ ხანჯლით აკეპა უდანაშაულო ბიჭი. სხვათა შორის, არც
კოკის მიერ ნასროლი ქვა დარჩენიათ ყურადღების მიღმა. თავისთავად
ამ მეტად საინტერესო პროცედურის აღწერისგან ახლა თავს შევიკა-
ვებ, თუმცა მეტად ჭკუისასწავლია და სამაგალითოა იგი მართლმსა-
ჯულების თვალსაზრისით, იმის ნათელსაყოფად, თუ რა მიუდგომელი,
სამართლიანი და გონივრულია ხალხის სამსჯავრო...

„სხუნუმ“ ყაჩაღების მეთაურს – მაჟარა შურლაიას სიკვდილის განა-
ჩენი გამოუტანა – ჩამოხრჩობით, ორ დანარჩენ ავაზაკს კი – მარჯვენა
ხელის, ცალი ყურის ჩამოთლა და სამუდამო გაქცევა მშობლიური

კუთხიდან“...

...თავიდან სამსჯავროს არ დასწრებია რემა. ველარ შეძლო. მაგრამ
ბოლოს მაინც არ მოუთმინა გულმა და იმ დროს მივიდა ცაცხვის ძირას,
როცა განაჩენი ის-ის იყო გამოაცხადეს.

მანამდე, გზად მიმავალმა, შეიტყო, რა მოხდა სამსჯავროზე.

...უცებ, თითქოს რალაც ძალამ ხელი ჰკრაო, რემა პირდაპირ გაემარ-
თა იქითკენ, სადაც შურლაია იდგა, მცველებს შუა მოქცეული.

...სიკვდილისჯილ ყაჩაღს რომ უახლოვდებოდა, ანაზად მომაკვდა-
ვი შვილის სახე აეფარა წინ და საშინელებამდგარმა თვალებმა შემოჰ-
კვილა:

„რისთვის?.. რატომ?“

...ასე ეჩვენა, უსაშველოდ დიდხანს მიდიოდა ხელებგაკრულ, თავ-
ჩაქინდრულ და დაჩქვილი ავაზაკისკენ, რომელმაც რემას დანახვით
გამონვეული ჩოჩქოლის გამო თავი ასწია და... გაქვავდა.

ყურებში შიშინი გაჰქონდა სიჩუმეს, გულ-ღვიძლიდან დაძრული ცივი
ნაკადული ძარღვებში ჟრიალ-ჟრიალით უვლიდა. მომაკვდავი შვილის
ხილვით განცდილი ჯოჯოხეთური სატანჯველი ხელახლა უნდა გამო-
ველო: „ღმერთო ჩემო!.. რა დავაშავე? რა ცოდვებისთვის? ნუთუ რაიმე
ცოდვამ მინია?

მაგრამ... შენ რათა შვილო? მე, მე მწეოდა ეს ხვედრი მე! პირადად“!..

რალაც წარმოუდგენლად საშინელი წამის მოლოდინში ხალხს სული
გაენაბა. სუნთქვა მოეპარა თითქოს ცაცხვის მარადშრიალა ფოთლებ-
საც. გალურსულიყო ყოველი სულდგმული, მთელი არემარე.

...რემას დავინროებულ თვალთა არეში მხოლოდ მკვლელის გაბი-
ჟვინებული სახე მოჩანდა, რომელიც ყოვლისმომცველ, ყოვლისწამლე-
კავ შიშს რალაც საზარელი ცხოველის ნილბად ექცია.

ყაჩაღისგან შორიახლოს შედგა, სატევარზე ხელდადებული. მკვლე-
ლი უკვე მთელი სხეულით ცაცხახებდა, პირუტყვეული შიშით შეპყრობ-
ილს, შეშლილი თვალეები აცა-ბაცა გაურბოდა.

რემამ კიდევ ერთი ბიჯი წარდგა წინ და სახეზე დააშტერდა ყაჩაღს.
ახლა, ამ ნუთას აუცილებლად, უსიკვდილოდ, ყოველ მიზეზს გარეშე
უნდა სცოდნოდა, ჰქონდა რაიმე ნასახი ადამიანისა – მკვლელს, თუ...
ხორცმესხმული ურჩხული, კაცის ორანში განსხეულებული სატანა იდგა
მართლა მის წინაშე?

მკვლელს უცებ თავი მოწყვეტილივით ჩამოუვარდა. ისედაც ჩია ტა-
ნის – მუჭივით დაპატარავდა, დაჩუტული ბურთივით ჩაიფუშა. „შეიცან
თავი შენი“-ო – უცებ, მოულოდნელად გაურბინა თავში ამ აზრმა რემას!
რემამ უფრო ახლოს მიინია მისკენ:

¹ დარჩეული ხალხი

² თავკაცი

³ გვერდში მდგომნი (სიტყვა სიტყვით) ანუ ნაფიცი მსაჯულებივით

– გეშინია, ხომ? – ძლივს გასაგონი ხმით ჩაჰკითხა კანკალატანილი, სახეარეულ მკვლელს: – ჰო, თუ არა?.. მიპასუხე!

ყაჩაღმა თავი დააკანტურა და უფრო მეტად აძაგდა. კბილს კბილზე აცემინებდა, განუწყვეტილვ კშუტუნებდა და ტუნტყლს და ნერწყვს ერთად ყლაპავდა.

– საზარელი ყოფილა სიკვდილის შიში, ხომ? – კვლავ ძლივს გასაგონად ჩაეკითხა რემა და სახე სახესთან მიუტანა ლამის.

ყაჩაღის ხშირ-ხშირი სუნთქვაც და კბილების კანკანიც ესმოდა ახლა გარკვევით, თავის გულის ბაგაბუგთან ერთად.

– ჰო, თუ არა, გეკითხები!

კვლავ თავი დააქნია ყაჩაღმა უანგარიშოდ, ინსტინქტურად და თან ტუნტყლს ისე იჭამდა, სისხლი ნურნურით გადმოსდიოდა უანგარა ბაგეპირიდან. სისხლიც შავი ფერის მოეჩვენა რემას რატომღაც, შავი სისხლი... ჰმ!

– როცა ყამას¹ უყრიდი გულში... ბიჭს, და ჩეხავდი მაშინ, მაშინ თუ გაიფიქრე, – იმისთვისაც... ვისაც სიცოცხლეს ართმევდი – საშინელი რამ იყო სიკვდილი?

პაუზა ისევ:

– მიპასუხე!

– ააარა... არ მიფიქრია... არ მიფიქრია! – იბღავლა ანაზღად ყაჩაღმა არაადამიანური ხმით და... ძირს დავარდა, მინაზე კოტრიალი იწყობდი. თავს მინას უხატუნებდა, ზმუოდა, ხრიალებდა, პირიდან სისხლს და დუჟს ერთად ანთხევდა.

მცველები მისცვივდნენ. ფეხზე წამოყენება სცადეს. აღარ ნებდებოდა, კვლავ დასაკლავი პირუტყვივით საზარლად ღმუოდა, თავს მინას უხატუნებდა კვლავ, თითქოს მისი გაჩეჩქვა სწადდა, ისე, ვით შხამდაკარგულ გველს სჩვევია ხოლმე ეს. და რალაცნაირი საარაკო, ველური ძალა ჩასდგომოდა თითქოს დასხირპულ სხეულში.

შეეშვითო, უბრძანა რემამ გამკავებლებს მოღლილი, მოსავათებული ხმით, და გამოტრიალდა.

... საშინელი ბორგვისა და ღრიალის შემდეგ ყაჩაღი თითქოს დაშოშმინდა და მინაზე პირქვედამხობილს, არაქათგამოცლილს, უილაჯოს, დროდადრო თუ შეაძაგდაგებდა კონვულსიური ტოკვა.

შურლაიას ორი ამხანაგი სახეგამტკნარებული, მოკუნტულ-მოზუზული იდგა და აცახცახებულთ, მზერა ვერ მოეწყვიტათ ამ ამაზრზენი სურათისთვის – ნუთუ ეს იყო მაყარა შურლაია – თავზეხელაღებული, ქვისგამხვრეტი მზერის მქონე, უშიშარი, სასტიკი და დაუნდობელი შურ-

ლაია, – ნუთუ ეს იყო მათი მეთაური და წინამძღოლი, რომლის შიშით თვით მისსავე ამხანაგებს და თანამდგომებს სული ეპარებოდათ ხოლმე და რომლის ბარობაზე, ზღაპრის არ იყოს, ცაში ფრინველი ვერ გაჭაჭანებულყო და დედამინაზე „ჭიანჭველა“?

ახლა, მთელი ამ ზღვაკათას წინაშე ეს მრისხანე, გულქვა ყაჩაღი ნაცემ-დათეთქვილი მინაზე ფორთხილობდა უკანასკნელ ვიგინდარასავით, ფრჩხილებითა და კბილებით ფხოჭნიდა ნიადაგს, და ზმუოდა შიშატანილი – ვითარცა სულდგმული კაცი კი არა, არამედ ვითარცა ტყეიური, ველური მხეცი, რომელიც სასიკვდილო რაგვში მომწყვდეული, მოახლოებული აღსასრულით ზარდაცემული და გონდაკარგული – იკრუნჩხებოდა მათ თვალწინ.

დიახ. ენით აუნერელი სანახაობა იყო. ზოგს გულზიდვა დაანყებინა, ზოგს კიდევ თვალი აერიდებინა ყაჩაღის ამ სიკვდილისწინა აგონიისთვის და ელდნაცემი, სადღაც ზევით, სივრცეს მიშტერებოდა, ზოგი კიდევ გულშეღონებული, განსაკუთრებით ქალები, ჩუმად მიიპარებოდნენ, რათა არ ემზირათ ადამიანის ესოდენ წახდენისათვის, მისი არარაობად ქცევისათვის.

რემაც ერთხანს იდგა ცნობანართმეული, აზრშერყეული, განადგურებული. თავში სრული სიცარიელე ჰქონდა, სულშიც. მერმე ნელ-ნელა დაუბრუნდა მოსაზრების უნარი, ძალა მოიკრიბა და „სხუნუს“ თავკაცს, ბერა ნადარაიას მიმართა აღელვებისგან ჩახრინწული ხმით:

– ბერა ბატონო! ეს კაცი ისედაც დასჯილია, რადგან... ბოროტ მკვლელად გაუჩენია იგი არსთა გამრიგეს! დღევანდელი დღე კი – ტანჯვად და წამებად ეყოფა სიცოცხლის ბოლომდე... ჩემი თხოვნა იქნება თქვენთან და პატივცემულ „სხუნუს“ ნევრებთან – გაუშვათ ესენი, დაე, თავიანთი ცოდვა, როგორც მძიმე ჯვარი, ისე ზიდონ სიკვდილამდე. მათ სასჯელად ესეც ეყოფათ.

სამარისებურ სიჩუმეში რემას სიტყვები ზარის რეკვასავით გახმინდა. ხალხი ჯერ შეტოვდა, შემდეგ განცვიფრების ღრმა ამოოხვრა აღმოხდა. შემდეგ ისეთი დუმილი ჩამოვარდა, თითქოს სიჩუმის ანგელოზებმა ჩამოიარესო.

ყველას მზერა მიესო ბერა ნადარაიას.

თავკაცმა – ბერა ნადარაიამ – თოვლივით თეთრთმიანმა და თეთრივე ნვერულვამით დამშვენებულმა დარბაისელმა, ახოვანმა მოხუცმა, რომლის ჭკუა-გონება, სიღინჯე, სამართლიანობა, მიუკერძოებლობა და კაცთმოყვარეობა, საარაკოდ იყო ქცეული მთელს იმ მხარეში, ყველასათვის მოულოდნელად, მხარი დაუჭირა რემა გეგეჭკორს და განაცხადა: – რადგან ამას დალუპულის მშობელი ითხოვს, ჩვენი ვალია, ანგარიში

¹ ხანჯალი

გავუწიოთ მასო.

ხალხმა სიტყვის დამთავრება არ აცალა მას და ატყდა საშინელი აურზაური. ყველამ ერთად ამოიღდა ენა, ყველა ერთხმად აყაყანდა.

როგორ? „სხუნუ“ თავის გადანყვეტილებას ცვლის? მამ, ეს მკვლევლები და ავაზაკები დაუსჯელად უნდა გავუშვათ? რომ კიდევ იპარპაშონ თავისუფლად და კვლავ ჩაიდინონ დანაშაული? დახოცონ, გაძარცვონ ადამიანები, გააუბედურონ ოჯახები? რემა ხომ არ შეიშალა? ეტყობა, უბედურებამ გონება აუბნია, თავგზა დაეკარგა... თვითონაც არ იცის, რას ლაპარაკობს. მაგრამ „სხუნუ“ იმის „სხუნუა“, რომ სამართლიანად განსაჯოს ყოველივე. რემა ამ ქვეყნისა არაა. იგი ცაში დაფრინავს, მაგრამ ჩვენ, ჩვენ ხომ არა ვართ ანგელოზები? არც წმინდანები. რაკი ჩვენ ჩვეულებრივი, უბრალო მოკვდავები ვართ, ჩვენი კაცური კანონით, მამა-პაპათაგან დადგენილი – უნდა ვიმოქმედოთ. ჩვენ, აქ თავშეყრილი კათა, მოვითხოვთ სხუნუს მიერ ერთხელ გამოტანილი განაჩენის აღსრულებას და ამას წინ ველარაფერი დაუდგებო.

ყველას კარგად ახსოვდა ის ამბავი, რაც არცთუ ისე დიდი ხნის წინ მოხდა ამ მხარეში. სადღაც რუსეთში, ჩხუბის დროს მოკლული ბიჭის მამამ, რაკი უშუალო მკვლელი ვერ მოიხელთა, ამ ჩხუბის ერთ-ერთი თვითმხილველი, თავისი შვილის ამხანაგი — საშინელი წამებით მოკლა შვილის საფლავზე იმ მოტივით, თუ იქ იყავი, რატომ არ მიეშველე ჩემს ბიჭსო. ეს შემზარავი მკვლელობა შერჩა გვილავას, რადგან... პოლიციის ოფიცერი იყო.

ეს ამბავი ხალხის ხსოვნაში სამუდამოდ აღიბეჭდა, როგორც შურისძიების ნიადაგზე არაკაცობის უსაშინელები გამოვლინება, რომელიც ფულის და გავლენის წყალობით – დაუსჯელი დარჩა, თუ, რასაკვირველია, არ მივიღებთ მხედველობაში იმას, რომ არსებობს ღვთის სასჯელი, რომელსაც ძე-ხორციელი ვერსად გაექცევა თავისი ნაგრამით თუ მოდგმის მოდგმით. აქ კი, ახლა...

კი ბატონო, არის შემთხვევები, რომ უნებლიეთ მამას შვილი შემოკვდომია და შვილს – მამა. არის მკვლელობა მესისხლეთა შორის. ისიც მართალია, რომ ადამიანები ომში ხოცავენ ერთიმეორეს, მაგრამ ისე, ტყილუბრალოდ გასწირო ღვთისშვილი, დაუნდობლად მოუსწრაფო სიცოცხლე ადამიანს, მით უმეტეს, უცოდველ ყმანვილს – არაფრის გამო, რადგან სიცოცხლესთან შედარებით არაფერია სამოსი, ქონება, ოქრო-ვერცხლი თუ სხვა რამ განძი, რაც შეიძინება – ეს ნიშნავს, რომ დაბადებითვე ბოროტი მკვლელის მღვრიე სისხლი მოედინება შენს მურტალ, ბინძურ ძარღვებში. ამიტომ ასეთი არაკაცი, სხვათა სიცოცხლის ხელმყოფი უნდა ცოფიანი ძალღივით მოისპოს, რათა კიდევ რამე უბე-

დურება არ დამართოს სხვებს და დანარჩენებმაც რომ ჭკუა ისწავლონ, და მერე... სად გაგონილა, ვის სმენია „სხუნუს“ გადანყვეტილების შეცვლა? ეს ხომ რუსის სამართალი არაა!

ეს ნაძირალა უკვე მკვდარია, ხალხნო, სულიერად. ისლა დარჩენია, ნავიდეს და თავის საფლავი თვითონ გაითხაროსო, შეეცადა რემა ხალხის გადარწმუნებას, მაგრამ რაკი არაფერი ჭრიდა, ხალხი თავისას არ იშლიდა, – რემამ უკანასკნელ საშუალებას მიმართა: შავი ნაჭერი, თავზე რომ ჰქონდა ნაკრული გლოვის ნიშნად, ერთბაშად მოიძრო და ძირს დააგდო: თუ ჩემს მწუხარებას სცემთ პატივს, უნდა შემისრულოთ, რასაც გთხოვთო.

მუცელში ჩაუფარდა ენა სუყველას. გაშრენ. გაშეშენ — ამ თავშეშველი კაცის განსპეტაკებული სახის შეხედვაზე.

მერმე, კაი ხნის დუმილის მერმე, გამოერკვნენ. რაკი არ იშლის რემა, დაე ისე იყოს, როგორც მას სურს, ოღონდ... სხეულისმიერი სასჯელი ორ დანარჩენზე ძალაში დარჩესო, მოითხოვეს, მაგრამ რემამ აქაც თავისი გაიტანა.

...ორი დღის შემდეგ სოფლის მახლობლად, ტყის პირზე იპოვეს ხეზე ჩამოკიდებული მაჭარა შურლაია. მის ამხანაგებს ფანქრით აჩხაბაჩხად მიეჯღაბნათ ქალაქის ნაგლეჯზე: ხალხის განაჩენი სისრულეში მოვიყვანეთ, ხოლო ჩვენ ამიერიდან სამუდამოდ გადავიკარგებით ჩვენი კუთხიდანო.

ფალავამ ღვინო ჩუმად გადააქცია მჭადზე: ღმერთმა გაანათლოს კოკის სულიო... ჩაიდუდუნა და თასი ბოლომდე გამოცალა. წამით უაზროდ, არაფრისმხედველი თვალებით მისჩერებოდა აბარბალებულ ცეცხლს, მერმე ღრმად ამოიოხრა და ჩაიბუტბუტა.

– ყოველნი წარვალთ და... განვიბნევით!.. მცირე ხნის დუმილის შემდეგ დაუმატა: – და მაინც, ასე მიმანია: – მთავარია ვინ მართავს ბრბოს თუ... ხალხს!

...ფალავამ მინავლებულ ნაღვერდლებს მაშით შეუჩუჩხურა, მერმე შეშის პატარა ნაჭრები შეუკეთა. ისევე აბრიალდა ცეცხლი. ფიქრებში წასული ორი ჭარმაგი მამაკაცი უხმო გარინდებით მისჩერებოდა მოცეკვავე ცეცხლის ენებს. დღემდე აუხსნელი რჩება ადამიანზე ცეცხლის ზემოქმედების საიდუმლო, მისი მაგიური მიზიდულობის ძალა. მას ძალუძს გამოიხმოს ადამიანის გულში, მის ღრმა კუნჭულებში მიმალული ნაირგვარი, ბუნდოვანი, ზოგჯერ საგანგებოდ ნაცარმიყრილი ხსოვნა, და ნაზი სევდითა და იდუმალი ნუხილით შეაფერადოს ისინი.

ფალავამ ისევ ამოიღგა ენა. ნანყვეტ-ნანყვეტ წარმოთქვა:

– იცი, რაზე ვფიქრობ ახლა, ჩემო რემა, ეტყობა, მე მართლაც შენი თქმის არ იყოს, ერთობ დრამატულად ვუყურებდი და... ვუყურებ ამჟამადაც იმ ტაკიმასხარაობას, ცხოვრებას რომ ეძახიან. არადა, იმთავითვე, ბავშვობიდანვე დამჩემდა ეს ე.წ. სერიოზულობა. ალბათ, ღმერთმა გაჩენისთანავე გამწირა და იუმორის გრძნობა არ მარგუნა. არადა, ვისაც მასხრობის უნარი გააჩნია, ვინც, ასე ვთქვათ, იუმორისტულადაა განწყობილი თავის გარშემო მყოფთა და უწინარესად, საკუთარი თავის მიმართ, მისთვის ეს ცხოვრებისეული ჯახხირი და ჭაპან-წყვეტა ბევრად უფრო იოლია და ადვილად ასატანი. ის კი არადა, მე და ჩემმა ღმერთმა, სულაც მასხარად დაიბადო სჯობია, რომ ეს ხანმოკლე სანუთრო ლხენა-შექცევასა და ხუმრობა-ლაზღანდარობაში გალიო... როგორც შეეფერება სწორედ წუთისოფლის სტუმარს...

შეისვენა და მერე ისევ განაგრძო:

– რაც შენ არ გაგაჩნია, სხვაში ის უფრო გიზიდავს ადამიანს. ამიტომ მიყვარდა, ალბათ, პატარაობიდანვე იუმორისტული წიგნების კითხვაც... ის კი არადა, ცოდვა გამხელილი სჯობია, ზოგჯერ ცოტა მშურდა და მეხარებოდა ხოლმე კიდევ იმათი ბედი, ვინც იმპერატორების თუ პატარა მეფეების სასახლეებში პამპულაობდნენ, მთელ თავიანთ სიცოცხლეს ჯამბაზობაში ატარებდნენ, სამაგიეროდ, პატივი და წყალობა არ აკლდათ ძლიერთა ამა სოფლისათა, მაშინ, როდესაც მავანნი და მავანნი – მათი თანამედროვენი თუ თანამომძენი – გილიოტინაზე ადიოდნენ სწორედ იმიტომ, რომ ბერიკაობის ეს ნიჭი და უნარი არ ჰქონდათ ღვთის მომადლებული.

ისე, თუ გახსოვს, ანეკდოტი რომ ანეკდოტია, იმასაც ისე უხეიროდ ვყვებოდი ხოლმე, რომ ერთხელ ბესო ზამბახიძე შემეხვეწა კიდევ... თუ ძმა ხარ, შეეშვი ამ ანეკდოტებს. არაა შენი საქმე მათი მოყოლაო. მაგრამ, სამაგიეროდ, თუ გახსოვს, როგორ მიყვარდა სხვათა, ნაღდ ენაკვიმატთა მოსმენა!.. განსაკუთრებით, ბესო ზამბახიძისა და შენიც, თუმცა, იშვიათად თუ ამოიღებდი ხმას, მაგრამ თუკი იტყოდი, ისე მოსწრებულად და თან ისეთი მშვიდი, სერიოზული სახით, რომ სიცოცხლისაგან ვიგუდებოდი ხოლმე...

...ეჰ, კარგა ხანია, გადავეჩვიე ასეთ სიცილს. ზოგჯერ, იშვიათად, ნასვამს თუ შემინჩიკინებს რალაც ჭინკის მაგვარი და ისიც ძაან მცირე ხნით... თუმცა, ამას წინათ ბესო ზამბახიძე მესტუმრა აქა და ბევრი მაცინა... ისევ ისეთი დარჩენილა, როგორიც იყო, – ანგალი, ენამახვილი, ლაზღანდარა... სადღაც რუსეთში, გუბერნატორადაც კი ყოფილა ერთხანობა;

ვიციო, თავი დაუქნია ღიმორეულმა რემამ.

ჰოდა, ისე მომიყვა თავისი უცაბედი გაგუბერნატორობის ამბავი, რომ... ჩავბჟირდი. ქვეშევრდომნი რომ შემოდიოდნენ ჩემთან კაბინეტში და ლამის შუბლს ურტყამდნენ იატაკს, თუმც გარეგნულად ვიფერებდი ვითომ ამგვარ პატივს და თავყანებას – სინამდვილეში გულში ვხარხარებდი და მზად ვიყავი, პანლური ამომერტყა თითოეული მათგანისთვის... ერთ ადგილას, მაგრამ არ ვშვრებოდი ამას იმიტომ, რომ ვიცოდი, მეც მარიონეტი ვიყავი „ვილაცის“ ხელში და ამდენად, თამაშის თანამონაწილეცო... სულ მიკვირს და გამკვირვებია ზოგი ჩვენი თანამემამულის გაბლენძილობა და ამპარტავნობა, მეტისმეტად სერიოზულად რომ აღიქვამენ ხოლმე თავიანთ როლს ამ საერთო საცირკო წარმოდგენაში, „ზემოდან“ დანერილი წესით და რიგით რომ მიმდინარეობს; ამ ვითომ ერთი შეხედვით, ჩიტირეკია, ჭკუამხიარულმა კაცმა – განმაცვიფრა. თავისი ცხოვრების დრამატულ მომენტებსაც საოცარი იუმორის გრძნობით ყვებოდა... ჰო, სხვათა შორის, შენც გახსენა, გახსოვსო, როგორი სიცილი იცოდა რემამო, ხშირად იმისთვის, რომ რემას რაკრაკა, გულიანი სიცილი გამეგონა, ათასგვარ მაიმუნობას ვიგონებდიო, – თქვა. კაცი, რომელსაც გულიანი სიცილი არ შეუძლია, არ იქნება ბოროტი რომ არ იყოსო... ჩვენცო, ქართველები, შესაძლოა, იუმორის გრძნობამ ასეა თუ ისეა... მოგვიყვანა აქამომდეო.

ეგება მართლაც ასე იყოს... თუკი ყოფნა ეთქმის ჩვენს სულის ღაფვას, ცხადია!..

ხშირად ჩვენებურის შემყურეს გამივლია კიდევ გულში, რა აცინებს ამ უბედურს, კურკლი უხმება-თქო... არადა, მართლაც საიდანაა, კაცო, ეს შენი არ იყოს – უჩვეულო სიცოცხლისმოყვარეობა, უძღებობა, უბოლოო სწრაფვა არსებობისადმი – თუნდაც დუხჭირი და უბადრუკი იყოს ეს არსებობა?.. მართლაც საოცარია პირდაპირ...

– და საიდანაა თუნდაც ეგ ზომ დიდი ნიჭიერება – თუნდაც წამიერად მაინც შეალამაზოს, შეაფერადოს თავისი უღიმღამო ყოფა-ცხოვრება, არა?

– ჰო, კაცო, საიდან?

– ეგებ ეს ჩვენი ბედოვლათობაც, გულარხეინობაც, ზოგჯერ ჭკუამხიარულებაც და ყოყონობაც – სისხლში დალექილი – მემკვიდრეობაა – გამოყოლილი იმ დროიდან, როცა ბედსვიანი, უზრუნველი ყოფიერება გვექონდა?

– შეიძლება. შეიძლება მასეცაა, თუმცა... მე მაინც მგონია, რომ „ის“, ვინც ზემოდან დამზერის ჩვენს ქოთქოთ-ფუსფუსს – სარკასტულად ეღიმება ალბათ ჩვენს ამაოებაზე, ვითარცა ჩვენ გვგვრის ხოლმე ღიმოლს

ჭიანჭველათა რია-რია... ისე, მხიარულად თუ ჭმუნვით გაივლი ამ წუთი-სოფლის გზა-შარას, თუ გზანვრილს, რა ბედენაა? ბოლო მაინც ერთია: მინა ხარ და მინადვე მიიქცევი. რაც მთავარია, დასაზღვრულია შენი ამქვეყნიური არსებობის სამანი, – ჰოდა, რაკილა არც მოსვლას გეკითხება არავინ და არც წასვლას – ამ ორ თარიღს შუა დარჩენილ მონაკვეთში ქენი რაც გინდა, რაც გსურს – კისერი და კინჩხი გიტეხია თუ გინდა – მაინც არაფრის შეცვლა ძალგის ბედისწერის უჩინარ წიგნში, წერამწერლის მიერ გამოტანილ განჩინებაში. „განგებასა ვერვინ შეცვლის, არ საქმნელი არ იქნებისო“... ერთადერთი, რაც შეგიძლია ალბათ ესაა – ეცადო – გაახარო შენი გულის ჭია. მორჩა და გათავდა. სხვა ყველაფერი თავის მოტყუებაა!

– ვითომ?... მაგრამ რადგანაც კაცნი გვეყვან, შვილნი სოფლისა...

– ოჰ, ეს შეგონებანი... მომკლეს ამ შეგონებებმა, ისევ ისე ყოფიერების სერიოზულობისკენ რომ მოგინოდებენ! სერიოზულად უნდა აღიქვა თურმე, შენი როლი ამ საყოველთაო აბსურდულ თეატრონში, კაცობრიული ცხოვრება რომ ჰქვია. სერიოზულად უნდა ითამაშო დიდი იქნება თუ პატარა – როლი, რათა კარგად მოატყუო მაყურებელიც და, რაც მთავარია, საკუთარი თავი. ჰმ!.. ჭეშმარიტად, დიდი მისია გვაკისრია, ღვთის მადლმა... მაგრამ სად წაუხვალ ეკლესიასტეს ცნობილ შეგონებას: ამაოება ამაოთა და ყოველივე ამაო არს?

– მანამ, სანამ აქა ვართ, თუნდაც დროებით, მანამ სანამ გადავალთ სხვა განზომილებაში! რადგან, წმინდა მამების მოძღვრების თანახმად, ამქვეყნიური არსებობა სხვა არაფერია, თუ არა კაცის გამოცდა – მომავალი – სხვა არსებობისათვის! აკი სიკვდილი დასასრული კი არა – გარდაცვალებაა მხოლოდ, ჩვენი დალოცვილი ქართულის თანახმადაც! მამასადამე, სიკვდილი რალაც სხვად ქცევია!..

ამიტომ... ვიდრე აქა ხარ, ეტყობა, უნდა ემზადო მთელი შენი ცხოვრებით, იმ სხვა არსებობისათვის ანუ სხვა განზომილებაში გადასასვლელად...

ხოლო, ვინ როგორ გაივლის ამ გამოცდას – ეს უკვე ალბათ თვითონ პიროვნებაზე დამოკიდებული... ყოველ შემთხვევაში, მე ასე მგონია, ჩემო იულიანე!

ირიჟრაჟა. რემას თვალეხს კი რული არა და არ ეკარებოდა. პირაღმა ინვა გამოტილი და შინაგანად აფორიაქებულ-ანრიალებულს, განძრევა ვერ გაეხედა, გვერდი ვერ მოენაცვლებინა იმის შიშით, ვაითუ მასპინძელს ძილი დაუფრთხოო. ცდილობდა, სუნთქვაც კი მოეპარა.

სანამ ლოგინში ჩანვებოდა, რემა აივანზე გავიდა მცირე ხნით. თეთრი ღრუბლების ფთილებით მოჩითულ ცაზე აქა-იქ გაბნეულიყო ბარჩხალა ვარსკვლავები. სავეს მთვარე ირმის ცურვით თიმთიმებდა. მოშორებით კი ძილმორეული ზღვა საამოდ ფშვინავდა. „ღმერთო ჩემო! რა ენით აუნერელი სილამაზეა!“ – გაიფიქრა რემამ და გარინდული, ხარბად შესცქეროდა თვალწარმტაცად ამოქარგულ ცის თაღედს. ასეთი ცა სხვა დროს არასდროს უნახავს.

ღმერთო!

ალბათ, ამ წუთებისთვისაც ღირს ამქვეყნად სიცოცხლე! ამგვარი მშვენიერების ხილვამაც ათქმევინა ალბათ გენიოს პოეტს, წამო, შეჩერდიო!

და ანაზდად, გულის უშორესი მღვიმიდან დაიძრა საკრალური სიტყვები ლოცვისა: „მამაო ჩვენო, რომელი ხარ ცათა შინა“...

მერმე, უკვე ლოგინში მწოლიარეს, კვლავ აეშალა ფიქრები. ნელანდელი, სულში ჩაღვრილი ღვთიური სიმშვიდე და უდრტვინველობა ისევ დაერღვა, ისევ აენენ-დაენენა აზრები. წარსულის სურათები, ზოგი გადავინწყებული, ზოგიც საგულდაგულოდ მიმალული გულის უშორეს კუნჭულში, – ერთბაშად მოზღვავედა და ერთბაშადვე ჩაითრია თავის მღვრიე მორევეში, ააბურთავა, ააგორავა. ელვისუსწრაფესად ენაცვალებოდნენ ისინი ერთიმეორეს ხან ჩახლართულ-ჩაბურდულეები, ხანაც გათითოებულნი, ერთმანეთისგან გაცალკეებულნი. ზოგ მათგანზე უფრო ხანგრძლივად ჩერდებოდა მისი გონების მზერა, ზოგსაც უცებ გადაურბენდა წამიერად, მეყსეულად. მრავალწახნაგოვანი და მრავალფეროვანი იყო წარსულის სურათები და ამ სიმრავლიდან ხამუშ-ხამუშ ხან ერთზე შეჩერდებოდა მისი მზერა და დაკვირვებით ჩაუკირკიტდებოდა ხსოვნის ფსკერიდან ამოტივტივებულ და თვალწინ დატრიალებულ ამ ფერადოვან ნაგლეჯს ერთი მთლიანი ხატოვანი სურათისა, ხანაც მეორეს. მთელ ამ დაბურდულ თუ გადახსნილ გორგალში ახლა, რატომღაც, ერთი ეპიზოდი უფრო ეძალებოდა, რატომღაც ამ ერთ მკვეთრად, ცხადად წარმოსახულ მონაკვეთს წარსულისას ჩაშტერებოდა დაჟინებით.

...რემას მეზობელი გლეხები კვირტია და მალაზონია სამკვედრო-სასიცოცხლოდ გადაკიდებოდნენ ერთმანეთს. მტრობა კი დაწყებულიყო იმის გამო, რომ კვირტიას ღორი შეჩვეოდა მალაზონიას ბოსტანს და ცხადია, არ სჯერდებოდა მარტო ღობის განგრევას. ერთ მშვენიერ დღეს გაგულისებულმა, წონასწორობადაკარგულმა მალაზონიამ თოფით მოკლა მეტისმეტად თავგასული და უდიერი ღორი. აი, აქედან ატყდა ვაი-უშველებელი. დღე ისე არ გავიდოდა, რომ მზეობლებს ჩხუბი არ მოსვლოდათ. იყო ერთი განევ-გამონევა, ლანძღვა-გინება, მუქარა.

ანოკებული იყო მთელი სოფელი და განსაკუთრებით ის უბანი, სადაც კვირტია და მალაზონია ცხოვრობდნენ. ვინ არ ჩაერია მეზობლების დავა-ჩხუბში – სოფლის უხუცესნი, მღვდელი თუ პოლიცია – არაფერმა გაჭრა. პირიქით, რაც დრო გადიოდა სულ უფრო და უფრო მწვავედებოდა მდგომარეობა.

შვილმკვდარი რემა გარიდებული იყო სოფლის ყოველგვარ რია-რი-ას, იგი თითქმის არ გამოდიოდა სახლიდან და განმარტოებული, ფიქრსა და დარდს მისცემოდა. მაგრამ მეზობლების გაუთავებელმა ჩხუბმა მის ყურამდეც მიაღწია.

ერთხელ, დაბაში, ეკლესიაში მიმავალი, მოულოდნელად გადაეყარა კვირტიას და მალაზონიას მაშინ, როცა ისინი ორლობეში შეყრილ ხალხის წინ ერთმანეთზე მიიწვედნენ სარებით.

რემა შეზარა და ადგილზე გააქვავა არა იმდენად მათმა ლანძღვა-გინებამ, არამედ მოჩხუბართა გამხეცებულმა სახეებმა: ისეთი სიძულვილი ენთო ორთავეს თვალებში, ისე გააფთრებულნი უტევდნენ ერთიმეორეს, ისე საშინლად მოქცეოდათ ღრანჭები, რომ აშკარა იყო, ხელი არ აუკანკალდებოდათ, რათა ახლა, ამ წუთას ყელი გამოეჭრათ ურთიერთისათვის, აი, ამან, ამ სიძულვილმა – უსამველო, წრეგადასულმა, ველურმა სიძულვილმა გააქვავა რემა. რისთვის, რატომ სწირავდნენ ასე უწყალოდ, ასე გამეტებით ერთმანეთს გუშინდელი კეთილი მეზობლები, ნუთუ ერთი ღორის გულისთვის? ხოლო მათი ცოლები იმის ნაცვლად, დაემოშმინებინათ, დაენყნარებინათ, პირიქით, მწარე ენით აქეზებდნენ და აგულიანებდნენ თავიანთ ჭკუიდან გადასულ ქმრებს, ანუ ცეცხლზე ნავთს ასხამდნენ აშკარად და დაუფარავად – თავიანთი ნიოკობით და კაპასობით. ზოგიერთი ე.წ. გამშველებლის თვალებში მოჩვენებითი თანაგრძნობის მიღმა, იქნებ გაუცნობიერებლად, ბოროტი წადილი ილანდებოდა, რომ ბოლოს და ბოლოს – დაეცხოთ ერთმანეთისთვის! ანუ დაღვრილიყო სისხლი. ბევრი კი, უბრალოდ, სეირის საყურებლად შეგროვილიყო მოჩხუბართა გარშემო.

რემა შინ მიბრუნდა მყისვე და თავის ხელით გამოიყვანა ბოსელი-დან მოზვერი და კვირტიას მიჰგვარა თავისივე ხელით: ეს ჩემგან მიიღე საჩუქრად მოკლული ღორის სანაცვლოდო, – უთხრა ისეთი უწყინარი, მშვიდი კილოთი, რომ კვირტიას ენა მუცელში ჩაუვარდა. გაშტერდა. მალაზონიამაც, ამის გამგონემ, კარგა ხანს დაკარგა მეტყველების უნარი.

სირცხვილისა და უხერხულობის გრძნობამ, რემას საქციელით გამოწვეულმა, შეარიგა მოძულე მეზობლები ერთმანეთს. ამ შემთხვევამ რემაც გამოიყვანა კარჩაკეტილობიდან. სოფლიდან განდგომილი, ძა-

ლაუნებურად ისევ ჩაერთო მის ყოველდღიურ საქმიანობაში. ამავე შემთხვევამ ხელახლა მიიყვანა იგი თამუნისთან. თუმცა... მანამდეც ესტუმრა მას ერთი-ორჯერ, მაგრამ ახლა თამუნისას სახე და მასთან შეხვედრის სურათი მეყსეულად დაჩრდილა მეუღლის დაფეთებულ-გაფართოებულმა თვალებმა. ეს თვალები ახლა ყველა დანარჩენ წარმოსახულ ჩვენებებს ფარავდა და მთელ ამ ლამისეულ ნყვეტება-ბორგვაში ბარათიდან ის სიტყვები იმარცვლებოდა გონებაში, ქორწინებამდე რომ გამოუგზავნა რემას: „სხვაზე მათხოვებენ. თავს არ ვიცოცხლებ. მე უშენოდ არ შემიძლიაო“.

რემამ უკვე იცოდა სიკვდილის „ფასი“ და მისგან მოგვრილი სიმწრის „გემო“, რადგან არცთუ დიდი ხნის წინ დაკარგა საყვარელი არსება. უეცრივ, ტვინის ანთებით გარდაიცვალა უმშვენიერესი მზეხა ჩიქოვანი – რემას დანიშნული! ჯერაც არ მოშუშებოდა ჭრილობა, ჯერაც ღია იყო იარა და აი, ეს ბარათი... რემას გულმა განგაშის ზარი ჩამორეკა და მოსალოდნელი უბედურების ასაცილებლად ისწრაფა... უნდა გადაერჩინა სიცოცხლე, როგორც თავად ფიქრობდა მაშინ. შემდეგ კი... ვერაფერი უშველა თავის პირმშოს. კოკის სიცოცხლე თითქოს შეინირა ოდესღაც დედამისის გადარჩენილმა სიცოცხლემ. ჰმ!.. რატომ აეკვიატა ეს აბსურდული აზრი ამაღამ? აეკვიატა ჯიუტად. დაჟინებით...

შენ, რაო თამუნია? რა უნდა მითხრა? რას შემომცქერი სევდანარევი მზერით და ნალვლიანი, ძლივს შესამჩნევი ღიმილით? რაო, ჩემო? რა უნდა მეზრახო?

– აღარ გეძინება, არა, რემა?

რემა გაიტრუნა. სული განაბა.

– ტყუილა ნუ იმძინარებ თავს, არ დაგვეძინება ამაღამ მე და შენ!

– ჰო... ალბათ, ეგრეა. იუ! ეტყობა, მართლაც ვერ დავიძინებთ ჩვენ ამაღამ. თუმცა... რაღა ღამეა, ინათა უკვე...

წამიერი დუმისის შემდეგ რემამ ისევ წამოიწყო: – ჩემი მამიდაშვილი თამუნია მხეიძე თუ გახსოვს შენ, იუ?

– თამუნია მხეიძე?... როგორ არ მახსოვს, კაცო! თამუნიაზე მგონი, მთელი ჩვენი კლასი იყო შეყვარებული. მეც ელეთმელეთი მომდიოდა ყოველ მის დანახვაზე!.. ეგეთი იშვიათი სილამაზე არსად შემხვედრია სხვაგან... რაზე გაგახსენდა ახლა მხეიძის ქალი, რემა?

– იცი, თამუნია სენაკის დედათა მონასტრის ილუმენიაა... მაგას საქმრო მოუკვდა ადრე. შენ მაშინ უკვე ევროპაში იყავი. ჰოდა, მონაზვნად აღიკვეცა. ძალიან უყვარდათ მას და საცოდავ ვანიკო ერისთავს ერთმანეთი... იბადებიან თურმე ასეთი ადამიანები, გედივით ერთხელ რომ შეუძლიათ მხოლოდ სიყვარული და მაინც... ამისდა მიუხედავად... თა-

მუნიას რომ ვუყურებდი, მენანებოდა, ძალაუნებურად მენანებოდა... არ მემეტებოდა მისი მშვენიერება მონასტრისთვის, მომიტევოს უფალმა და... ახლაც არ მემეტება ასე დაჭკნობისთვის, თუმცა... კაციშვილმა არ იცის დანამდვილებით, ჭკმარიტად რა სჯობია ამქვეყნად!..

ჰო, იმას ვამბობდი, ბიჭი რომ დამელუპა, ერთხანს ვფიქრობდი ბერად შედგომაზე. ავედი თამუნიასთან მონასტერში რამდენჯერმე. ვსუბრობდით. არ მითქვამს მისთვის ჩემი განზრახვის შესახებ. თამუნია შეიძლება ხვდებოდა, მაგრამ არ იმჩნევდა... ისე ვლაპარაკობდით საერთოდ, ამა სოფლის ამაოებაზე, ნუთისოფლის უხანოებაზე, ღვთის სიყვარულზე... უფრო სწორად, თამუნია ლაპარაკობდა უფრო, მე ვუსმენდი და ძალაუნებურად ისევე მიწინააღმდეგავდი გულს ძველი სევდა. თუმცა თამუნიას წყნარი, თითქოს არამქვეყნიური ხმა სიმშვიდეს მძენდა, სულს მიაამებდა და მაინც, ის ძველი ნაცნობი სევდა გულს მიწურავდა, ისევე ისე მაფორიაქებდა.

თამუნიას ნაადრევად დამზრალ-დამჭკნარი სილამაზე, მისი გადაყვითლებული სახე, გამხდარი, გრძელი, ოდესღაც მშვენიერი თითები, კრიალოსანს რომ მარცვლავდა – უსაშველო სევდით მივსება გულს... გახსოვს, წელან რომ თქვი შენ, არ მსურს დავთრგუნო ჩემში ბუნებრივი მიდრეკილებანიო, – მენიშნა შენი სიტყვები, მაგრამ მაშინ არაფერი გითხარი... მონასტერში ველაპარაკებოდი აგრეთვე ახალგაზრდა ბერ-მონაზვნებსაც...

ზოგჯერ, მათ რომ ვუყურებ, არაბუნებრივი მეჩვენება ხოლმე ბრძოლა საკუთარ თავთან, ჩახშობა ყოველივე იმისი, რაც თვით ღმერთმა გააჩინა ამ ცისქვეშეთში ადამიანის ხანმოკლე, წამისწამისიერი არსებობისათვის... არადა, ღმერთთან მიახლოება, სულის განწმენდა-განსპეტაკება... ხომ თავისთავად დიდებული რამ არის!..

ჰო, მაგრამ ჩემის აზრით, ეს უნდა ხდებოდეს თავზე ძალდაუტანებლად, ბუნებრივი სურვილით და მოთხოვნით. ასეთი კი, ასი ათასიდან ერთი თუ იქნება გამორჩეული. დანარჩენები? შველის დანარჩენს ლოცვები, მარხვა, ხორცის გვემა გაუთავებელი?.. წყლის ნაყვა ხომ არ არის-მეთქი ეს ყველაფერი? ხშირად მიფიქრია, ის ხორციც ხომ თავისებურად მშვენიერია, განუმეორებელია, თუმცა ბევრს იგი ჭუჭყიან, ბინძურ ჭურჭლად მიაჩნია, მაგრამ სხეული ადამიანისა ხომ როგორც ბილნი, ისე ამაღლებული სულის მატარებელიცაა? სულის ჭურჭელიცაა? თუმცა გონებით, ტვინით მწამს, რომ ყოველივე ამაოა, წარმავალია ამქვეყნად, შენი თქმის არ იყოს – ამაოებათა ამაოება და ყოველივე ამაო არს, და მაინც, ვიდრემდის აქა ხარ, ამ საწუთროში, ამ სამზეოში, – რისთვის უნდა დაიხშო ყური და დაიბრმვაო თვალი ამ მიწიერი მშვენიერების

აღსაქმელად? რუსთაველის თქმით – ამ უთვალავი ფერებით შემკული, სოფლის შესატკბობად-თქო, – ვფიქრობდი და ტვინს ვიჭყლეტდი, ვაზრობდი...

ჩემს თავზე დატეხილი უბედურება აღვიქვი, როგორც ღვთის რისხვა, წინაპართა ცოდვის შედეგი და ამდენად გარდუვალი, ბედისწერისეული... და მაინც... გამიჭირდა, ძლიერ გამიჭირდა ამ უბედურების გადატანა... ამისდა მიუხედავად, მაინც გადამძლია ნუთიერმა, წამისწამისმა ცხოვრებისეულმა მოვლენებმა, მისმა ყოველდღიურმა ჭირ-ვარამმა თუ ლხინმა, სიყვარულმა სიმღერისადმი, მცირე თუ დიდმა საზრუნავმა, თუნდაც ჩემს აფთიაქზე, სოფელში რომ გავხსენი და გაჭირვებულები უფასოდ რომ იძენენ ხოლმე წამლებს... მოკლედ, ამ სოფლიურმა საც-თურმა გადამძლია და... დავრჩი ერისკაცად. ვერ შევდგი ფეხი სასულიერო ძმობაში, ვერ აღმოვჩნდი ამ დიდი პატივის ღირსი, ალბათ, ჩემი გულწამცეცობისა თუ სიხარბის წყალობით.

ეს ყველაფერი იმისთვის გავიხსენე, ჩემი იუ, რომ ერთხელაც, თამუნიასთან, უფრო სწორად ილუმენია ანასთან სტუმრობის დროს, სხვა მრავალ სატკივართან ერთად, ველარ დავმალე ბევრი ჩემი მკრეხელური აზრიც და გავანდე თამუნიას.

თამუნია, ჩვეულებისამებრ, გულისყურით მომისმინა და მერმე დამშვიდება დამინყო და სხვათა შორის, მითხრა, რომ ამქვეყნად ყოველ ადამიანს თავისი დანიშნულება აქვს ღვთითო. შენ უნდა აკეთო ის, რისი მონოდება და მისწრაფება გაქვს და რასაც გული და გონება გაკარნახობსო, უნდა აკეთო შენი საქმე პატიოსნად, წრფელად, უანგაროდ და ასეთი საქმე ყოველთვის კურთხეულია უფლისაგან, ყოველი კეთილი საქმე სულიწმინდის მადლით არის მოფენილიო.

მოკლედ, მარტივად, უბრალო ენით მელაპარაკებოდა ისეთ რამეებს, რაც თითქოს მეც კარგად ვუნყოფდი, რასაც თითქოს მეც მშვენივრად ვხვდებოდი, რაზეც მეც ასევე მიფიქრია, მაგრამ... თამუნია-ანასგან ნათქვამი მაინც სხვანაირად, რაღაც განსაკუთრებული მნიშვნელობით აღვიქვი, სხვანაირად აჟღერდა ჩემთვის მისი სიტყვები.

მე მორწმუნე კაცი ვარ, ცხადია, მაგრამ ჩემი წინაპრებისაგან განსხვავებით, ბევრად უფრო ნაკლებადა ვარ განსწავლული და ჩახედული საღმრთო, წმიდა წერილებში...

ჰოდა, თამუნია-ანა ჩემთვის თავისი ცხოვრებითაც და განსწავლულობითაც დიდი ავტორიტეტია და არა მარტო ჩემთვის... ან ძალიან რომ მიყვარს, იმიტომ უფრო თუ იმოქმედა მაშინ მისმა ნათქვამმა, არ ვიცი... ეგება, ასეცაა!..

ჩვენი საუბრის ბოლოს თამუნია მითხრა, შენ თუ იცი, ჩვენს მონ-

ასტერში რომ გადმოვიდა დაი ანასტასია-დარია მარშანიაო. ვერ მოვ-
ისაზრე უცებ, ვინ დარია იყო. აი, შენი გიმნაზიისდროინდელი მეგობრის,
იულონ ფალავას ყოფილი საცოლეო. მართალი გითხრა, არც ის ვიცოდი,
თუ დარია შენი დანიშნული იყო და არც ის – მონაზვნად რომ აღიკვეცა.
შენ რომ ბერობა ახსენე ნუხელ, მინდოდა ამის თაობაზე მეკითხა და თავი
შევიკავე. მაგრამ ახლა ყველაფერი ერთბაშად მომეძალა და ეს კითხვაც,
მაპატიე და, მოსვენებას არ მაძლევს! – რემა დადუმდა. დუმდა ფალავაც.
რემას უხერხულობის გრძნობა დაუფლებოდა და უკვე ნანობდა თითქ-
მის, რომ აჰყვა გულისთქმას თუ ცნობისნადილს და შესაძლოა, ძველი
იარა გაუხსენა იუს. ხანგრძლივი სიჩუმის შემდეგ ფალავამ, დაბეჭილი
ხმით წარმოთქვა:

– ჰო, იყო მასე... კაი დიდხანს გვექონდა მიწერ-მონერა – მე და დარ-
იას... მერე... რომ შევატყვე, მიჭიანურდებოდა ჩამოსვლა, მოვწერე,
ნულარ მელოდები-თქვა. – გაყურდა ისე ფალავა. სამარისებური სიჩუმე
ჩამოწვა. ორთავე მძიმე ფიქრებს მისცემოდა.

– ასე რომ, შეიძლება ერთი ადამიანის ბედნიერებაც შეინირა ამ ჩემმა
ენ. ეროვნულმა განძმა! – დუმილის შემდეგ დასძინა თავის ნათქვამს
ფალავამ და უამურად ჩაიციხა. მცირეოდენი ყოყმანის შემდეგ დაამატა:
– თუმცა... ვინ უწყის, ვისთვის რაა ბედნიერება!... საკითხავი – აი, ეს
არის!

...მღვიმიდან გამოსულს, განთიადსა და სიგრილესთან ერთად ერთ-
ბაშად შემოეგება უცნაური მდუმარება და სიჩუმე, ირგვლივ რომ
გამეფებულებოდა. შედგა ღამენათევი, ხილვებსა და ჩვენებებთან ჭიდილ-
ით გასავათებული. მღვიმის შესასვლელის ძვიდეს მიეყუდა წამიერად
და თვალმილულულმა, საკუთარ გულის ცემას მიაყურადა. მტრების
გუნდით ისე წამოეშალა ფიქრები. უღონოდქმნილი – უსუსურად,
უხალისოდ იგერიებდა მათ, თავის მორევში ჩათრევას რომ უპირებდნენ
კვლავაც.

ანაზდეულად მარცხენა მხარზე რაღაც ფაჩუნის მაგვარი შეიგრძ-
ნო, თითქოს უხილავი, პანია არსება შეასკუპდა ზურგზე და ბუქნაობას
შეუდგა.

„ძვებრალე!“ – გაუელვა მყისვე თავში და ერთი ხელის დაკვრით გაუ-
ქრა მოთენთილობა. შინაგანად შეიმართა, დაიძაბა, სახე დაესხიპა, სა-
პაექროდ თუ საბრძოლველად შეემზადა თავისდაუნებურადვე.

„მაშ, არ იშლი შენსას, არა?... ადინარ ხომ მწვერვალზე?“

„ავდივარ!.. ეს ერთი აღმართილა დამრჩა მგონია და...“

„ჰი, ჰი, ჰი, ერთი აღმართიო, ჰი, ჰი, ჰი... არავინ უწყის, რამდენია დარ-
ჩენილი სინამდვილეში...“

„ეგება მასეცაა, ეგება მართლაც უსასრულო და უბოლოა იგი და
მანც...“

„მანც ადინარ, არა?“

„კი. ასე მაქვს განზრახული“...

„მე კი გირჩევ „გაბრუნდი! სანამ დროა, სანამ ჯერ კიდევ გვიან არაა,
გაბრუნდი უკან!“

„ვერა. ველარ ვიზამ ამას. ეს ხმა... მიხმობს ისევე ისე, თავისთან მეძა-
ხის... იქ, ქვემოთ ველარ, მოვისვენებ, სანამ...“

„რატომ შეჩერდი?... ჰი, ჰი, ჰი... ტანჯულის ხმა აღარ დაგაყენებს მშ-
ვიდად არა, თავად – ტანჯულს? ეს გინდოდა გეთქვა? სწორად მიგიხვდი
თუ არა?“

„ეგება ასეც იყოს!“

„ყველას ტანჯვის მოზიარედ რად მიგაჩნია შენი თავი? ვინა ხარ, ბო-
ლოს და ბოლოს?... რად იღებ შენს თავზე ამოდენა პასუხისმგებლობას?
ვინა ხარ-მეთქი შენ – ამისთანა?“

„მე იგი ვარ, ვინც იცის ტანჯვის ფასი ამქვეყნად!.. დიახ, მე ბევრი
ვიტანჯე ამ ნუთისოფელში, ბევრჯერ მოვკვდი და... ისევე გავცოცხლდი,
მაგრამ... ჩემი ტანჯვა რა მოსატანია იმასთან... იმის ტანჯვასთან“...

„ტანჯვა-ტანჯვაა, – დიდია იგი თუ მცირე... შენ კი... თუმცა ეგების
ხმამალა არ ამბობდი, მაგრამ გულის სიღრმეში მანც ემდუროდი ბედს,
ხომ ასეა, ჩემო რემა?“

„კი. ასეა. ცხოვრებაში არაფერმა არ გამიმართლა-მეთქი, ვფიქრობდი
ხოლმე ერთ ხანს“...

„უიღბლო კაცად მიგაჩნდა შენი თავი, ხომ? ოღონდ ეგაა – არაფერს
იმჩნევდი, გარეგნულად ვერ შეგატყობდა ადამიანი, რომ... „ეს გული
მკვდარია, რომ სიცილი ბევრჯერ ცრემლზე მწარეაო“. არა? გიყვარდა
შენ ეს გამოთქმა, ხომ მართალია?“

„მართალია. საერთოდ, მიყვარს აკაკი... მისი დიდებული პოეზია!“

„ჰოდა, რა არის – ეს? ამპარტავნობის თუ... ქედდადრეკილობის ნი-
შანი?“

„ამპარტავნობის – არა!“

„მაშ, სიამაყის?... მორჩილებასთან წილნაყარისა?... გაჩუმდი, არა? ესე
იგი...“

„შესაძლოა, ორთავე იყოს... არ ვიცი...“

„ჰმ, ჰმ... მაშ, შესაძლოა... შესაძლოა... გამაგებინე, რად დაუმაღლე შენს
ძველ მეგობარს ზოგი რამ? ესეც სიამაყის ბრალი ხომ არაა? ან ხომ არ

ითვალთმაქცე?“

„არა. არ მითვალთმაქცია... ჩავთვალე, რომ მამაკაცს არ შეშვენიის ჩივილ-წუხილი და წუნწინი. არადა, შესაძლოა, ასე გამოსულიყო სხვის თვალში, – თუნდაც მეგობრის...“

„იმ ღამეზეც კრინტი არ დაგიძრავს... გახსოვს ის ღამე, გაუნძრევლად რომ ინექი ოთხი დღე და ღამე, ჭერს მიშტერებულნი?“

„რა დამავინყებს იმ ღამეს! მე მაშინ მეორედ მოგვკვდი, ჩემს კოკისთან ერთად!“

„პირველად?..“

„პირველად... მზეხა რომ წამართვა განგებამ, მაშინ...“

„სწორია. მასეა. შენი პირველი სიყვარული... როგორ გიყვარდა!.. პირველად მაშინ გესტუმრე მეც, გახსოვს?“

„არა, პირველად მაშინ არ მობრძანებულხარ, ძვაბრა! შენ ცრუობ!“

„ჰო... მართალი ხარ... პირველად გენვიე, ჰო, მართლა, როდის გენვიე პირველად?... ველარ ვიხსენებ ახლა. ნუ იღიმები დამცინავად. ნამდვილად არ მახსოვს. მომაგონე, თუ კაცი ხარ?“

„უნივერსიტეტი რომ მივატოვე“...

„ჰო, ჰო. გამახსენდა. ძალიან განიცდიდი, მახსოვს. ეს პირველი დარტყმა იყო, მგონია, ცხოვრებამ რომ მოგაყენა... ძალიან გინდოდა ექიმობა, ო, როგორ გინდოდა!“

„მინდოდა, კი!“

„ის იყო მესამე კურსი დახურე და... მამაშენის გარდაცვალების ამბავი მოგივიდა... სალ-სალამათი, ახალგაზრდა კაცი გამოეცალა ოჯახს...“

„ეს მართლაც პირველი, მოულოდნელი დიდი უბედურება იყო. ჩემთვის, პირველი მძიმე დარტყმა!..“

„და იძულებული გახდი აკადემიური შვებულება აგელო. მაშინ გეგონა, რომ...“

„მეგონა, დავბრუნდებოდი ისევე ტარტუში, მაგრამ“..

„არა მარტო უსახსრობამ და ოჯახურმა სიდუხჭირემ შეგიშალა მაშინ ხელი...“

„მახსოვს, შენი მეშვეობით, მირჩევდნენ გაბესკირიას ქალის შერთვას, მდიდარიყო ძალიან!“

„არ ინდომე, რომ მოგეყვანა გაბესკირიას ქალი. არადა, ხომ ენეოდი სანადელს, ექიმი გახდებოდი: არ ინდომე! წვალეების გზა ირჩიე. დედის და უმცროსი და-ძმის მზრუნველობა მარტომ იკისრე თითქმის – უქონელმა, უპოვარმა.“

გაბესკირიას ქონება ხელ-ფეხს გაგიხსნიდა: არ ინდომე. ეს იყო შენი პირველი, დიდი შეცდომა, – მეორე შეცდომა ჩაიღინე მაშინ, როცა სი-

ბრალულის გრძნობით შეპყრობილმა, ლატაკი გლეხის ქალი სიბრალულის გამო შეირთე ცოლად, ანუ უსიყვარულო ცოლქმრობა ირგუნე თავად, შენივე ნებით. არც მაშინ დამიჯერე. ჰოდა, რა მოიგე საბოლოოდ?... სულ ერთიაო, ჩემი გული მზეხას შემდეგ მაინც მკვდარიყო და სხვას მაინც გავახარებო, – არწმუნებდი საკუთარ თავს, გახსოვს?... ჰი, ჰი, ჰი... სხვის გახარებას ცდილობდი, მაშინ, როდესაც შეგეძლო უწინარესად, საკუთარი გულის გახარებისთვის გეზრუნა. აკი ამ სხვათა სიბრალულმა, ჭაპან-წყვეტაში გაგატარებინა მთელი ცხოვრება. რა მოიგე-მეთქი? ერთხელ არ გაგიხარია. ერთხელ არ გალაღებულხარ. მირჩევნია, მე მომაყენონო ტკივილი, ვიდრე მე მივაყენოო სხვას, მირჩევნია მე მომატყუონო, ვიდრე მე მოვატყუოო... და ასე შემდეგ“...

„არც ასეა საქმე... ჩემი ცოლი ისეთი ღირსეული ადამიანი გამოდგა, რომ მე იგი – შემეყვარდა.“

„ჰმ... ჰმ! როგორ ოცნებობდი ევროპის უმაღლეს სასწავლებლებზე, როგორ გინდოდა მოგველო ქვეყნიერება, ცოდნით და სიბრძნით აღჭურვილიყავი!.. რას მიაღნიე?... მიყრუებულ სოფელში ჩაიმარხე და შენი ჯანი და უნარი შეალიე სხვების სამსახურს, უფასო აფთიაქიც კი გახსენი.“

„რათა სხვების?... ჩემიანების“...

„ჰი, ჰი, ჰი, შენიანების? შენიანებად მიგაჩნია შენ ყველა ამ ცისქვეშეთში! რა მერე? ვინ დაგიფასებს?“...

„არა დაფასებისთვის...“

„ვიცი, ვიცი... ყველაფერი ვიცი, რა მერე? შენ რა-მეთქი? ტანჯვის მეტი რა შეგხვდა?... მე ხომ ვუნყი, მე ვერ მომატყუებ და თვალს ვერ ამიხვევ: დანყლულეზულ-დაიარებულ გულს დაატარებ მკერდში და რა წუთში გიღალატებს იგი – არ იცი!“

„ასე უწერია ჩემს წერა-მწერალს. განგებას ვერ გადაუხვალ... მე არ ვდრტვინავ, არ ვჩივი. შევეგუე ბედისწერის განჩინებას და ვაკეთებ მხოლოდ იმას, რასაც გული მკარნახობს!“

„ბედისწერა, ბედისწერა... თავად ადამიანი ქმნის თავის ბედისწერას“...

„კი, ამაში გეთანხმები: ადამიანის ხასიათში, მის ბუნებაშია ჩადებული მისი ბედისწერა“.

„მით უმეტეს: აწი მაინც გამართებდა მიგეხედა შენი „ხასიათისათვის“. შენ კიდევ რაღაც აფთიაქი და ხალხური წამლების შესწავლა დაიწყე! მანამდე – მომღერალთა გუნდი შექმენი თუ რაღაც ობროდობა აიკვიატე და ახლა ამას ალვე შენს ჯანსა და უნარს. თუ მაინცდამაინც უსიმღეროდ ვერ ძლებ, იმღერე შენთვის რამდენიც გინდა, ვინ გიშლის? მარა ეს დავი-დარაბა და წინ და უკან სირბილი სხვადასხვა კუთხეებში — რაღად აი-

ტეხე? რისთვის? ვინ გეტყვის მადლობას-მეთქი!“

„მაშინ, იმ ოთხ დღე და ღამეს, უგონოდ რომ ვიყავ და ყველას გადადებულ რომ ვეგონე, ვიხილე ჩვენება... ჯვარიდან ჩამოხსნილი მაცხოვრის ფეხებთან დამხობილი ღვთისმშობელი... მისი განამებული და მაინც არაამქვეყნიური ნათლითმოსილი სახე და... თითქოს ჩამესმა, გამაგრდი, უბედურებას არ გაეტეხვინოო, რამეთუ... შენ სხვათა მშველელის და მკურნალის დანიშნულება გეძლევა ამიერიდანო. ეს იყო მესამე ღამეს... დილით გამოვიხედე. წამოვდექი და უცებ... მოულოდნელად თითქოს წიგნი გადამეშალაო ჩემს თვალწინ... სიტყვა-სიტყვით აღვადგინე დიდი ხნის წინ გარდაცვლილი ბებიის – ან მივიწყებული ნათქვამი, ანუ აღვიდგინე იმ ბალახების სახელები და მათი მომზადების წესები, რითაც ის მკურნალობდა სხვადასხვა სენით დაავადებულთ... ღვთის ნებით მოხდა ეს და, იცოდე, ვერანაირი ეშმასეული ძალა ვერ გადამიბირებს, ვერ გადამძალავს...“

„მაშ, გამოდის, რომ შენი არ იკმარე და ახლა სხვათა ტანჯვა-წვალებაც აიკიდე ზურგზე!“

„ეს ჩემი ბედისწერისეული განჩინებაა-მეთქი, გიმეორებ. ასე იწება უთუოდ უფალმა!.. შეძლებისდაგვარად უნდა ვუნამლო სხვათა გულის თუ სულიერ იარებს, ბალახ-ბულახით იქნება ეს თუ სიმღერებითა და საგალობლებით. ეს უწინარესად ჩემთვისაცაა შეება, ნუგეში. სალბუნი დანყლულებული გულისა!“

„მახსოვს, როგორ გძაგდა ყოველგვარი ძალადობა და როგორ ოცნებობდი გეცხოვრა სამართლიანი, თავისუფალი ძმობისა და ერთობის ქვეყანაში!“

„მართალია. ვოცნებობდი ამაზე ადრე და ახლაც... ვოცნებობ!“

„ვინაიდან... ადამიანი ყველაზე მეტად უსამართლობას ვერ იტანსო...“

მერედა, ოდესმე ყოფილა სამართლიანი ხანა? მჩაგვრელისა და ჩაგრულის გარეშე არსებულა კაცობრიობა – მიწყვი დასაბამიდან-დღემდე? მიუხედავად იმისა, რომ ბედმა ანუ შენი თქმით, ბედისწერისეულმა განჩინებამ გიმტყუნა და გარგუნა მონობასა და მუდამ განსაცდელში ყოფნა – შენ მაინც არ იშლი შენსას! როდემდის?“

„უფლის შეწევნით და მისივე ნებით – არავის ძალუძს, ძე-ხორციელს, დაიმონოს ადამიანის სული!“

„დაე, ეგრე იყოს, რაკილა ასე გნამს და გჯერა!... მაგრამ... ზემოთ, მაღლა ნულარ ახვალ!.. ეს ერთი რჩევა მაინც მიილე ჩემგან. ერთხელ მაინც დამიჯერე შენს სიცოცხლეში. ცოდვის კითხვის მეტს სხვას ვერაფერს იხილავ იქ, მაღლა. გონს მოეგე-მეთქი, დაფიქრდი. ადამის ყოველი ძე ატარებს საკუთარი ტანჯვა-წვალების ტვირთს. ყველანი აკი

საკუთარ ჯვარს ზიდავენ ხოლმე-თქვენი უფლის ნება-სურვილით. შენ კი... არ კმარხარ არამცთუ შენი და გარშემომყოფთა ჯვარის ზიდავას, გნადია, შეეჭილო მოურევველს... კაცთა საზრისისთვის მიუწვდომელს, შეუტნობს!.. შეჩერდი-მეთქი გეგეს ყმავ, სანამ ჯერ კიდევ გვიან არაა!..“

„გვიანაა უკვე შენი ყოველგვარი შეგონებანი, ძვაბრავ! ისარი ნატყ-ორცნია – უკან ველარ დააბრუნებ!“

IV თაჰი

მწვერვალზე

გოლიათი ფართო გამოქვაბულის შესასვლელთან, უზარმაზარი ქვის სავარძელში იჯდა გაუნძრევლად და მზერა წინ გადაშლილი სივრცისათვის მიეშტერებინა.

იაზრა წამით, რომ ქონდრისკაცისა და ბუმბერაზის შეხვედრას ჰგავდა ახლა ეს სურათი გარეშე თვალისათვის. არადა, სწორედ მისი მეორე „მე“ ქცეულიყო ამ გარეშე, უცხო მეთვალყურედ და გულდასმით, კრიტიკულად აღნუსხავდა გონების უხილავ დაფაზე ყოველივე იმას, რაც მისი თვალსაწიერის არეში ხდებოდა. წამიერად ისიც გაიფიქრა, სიზმარი ხომ არააო, რასაც ვხედავ და ხომ არ აღვიქვამ ერთი იმ უჩვეულო ხილვათაგანს, არაერთხელ რომ მზმანებია სხვა დროსაცო.

პირველი, რაც თვალში მოხვდა მაშინვე, ეს იყო გოლიათის ვეება ხელის მტევნები და მათზე უსურვაზივით შემოჭდობილი მსხვილი ჯაჭვი.

ჯაჭვი რკინისაა, ალბათ, აბა, სხვა რა უნდა იყოსო, – გაივლო გუნებაში. „ნუთუ თვალებიც საცრისოდენა აქვს? ოქროს კბილი თუ უჩანს ღიმილის დროს?... გოშია, გოშია სადღაა?... ეგება მართლა სიზმარში ვარ, ან არადა... ტვინი მეღრძო და... შევქანდი!“

– მოხვედი? – მოესმა ანაზდეულად, მოულოდნელობისაგან შებარბაცდა. მერმე დამფრთხალი მზერა მიაწყვიტა დევკაცს. იგი კვლავ შეურხევლად იჯდა. სახე ისევ ისე ნახევრად მიბრუნებული ჰქონდა და თვალმოუშორებლივ გასცქეროდა მის წინ გადაჭიმულ უსასრულო სივრცეს.

– გელოდები, კარგა ხანია! – გაისმა კვლავ თითქოს საიდანლაც, ქვესკნელიდან თუ ჯურღმულიდან ამოსული ხმა. ისევ შეტორტმანდა წამიერად... ცივმა ჟრუანტელმა თხემით ტერფებამდე დაუარა. გაქვავდა. მერე ნელ-ნელა დაუბრუნდა ცნობიერება და ამასთან, გარემოს აღქმის უნარიც. ყურადღებით მიაცივდა დევკაცის თითქოს ბრინჯაოსგან ჩამოსხმულ სხეულს. ნამდვილად ქვის ქანდაკებას ჰგავდა იგი, სწორედ

ისეთს, მუზეუმში რომ უნახავს. განიერი მკერდის მოძრაობითა თუ შეატყობდი, რომ ეს უშველებელი ქვის ძეგლი – სუნთქავდა და, მამასა-დამე, ცოცხალი არსება გახლდათ და არა ლოდის ნატეხი. საბერველივით აუდიოდ-ჩაუდიოდა მძლავრი, შიშველი გულ-მკერდი.

– მე... მე მეკითხებით? – ბოლოს ამოიღო ხმა და ასე მოეჩვენა, სა-დღაც კატის კნუტმა დაიკნავლაო. ჩუმად ჩაახველა. ყელი ჩაინმინდა.

– ხომ არ დაილაღე ძალიან?

– მე... მეკითხები, ჩემო ბატონო?

– ჰო, შენ. განა სხვა ვინმე არის კიდევ აქ? ან ეგება არ გესმის ჩემი სიტყვები?

– როგორ არა... მესმის, ჩემო ბატონო...

– დაილაღე-მეთქი... ხომ არ გაგიჭირდა ამოსვლა?

– ო, არა, არა. სულ არ გამჭირვებია... პირიქით, თითქოს ფრთები გამომესხა...

– კარგია, კარგია. ეგრეც ვიცოდი.

გოლიათი გაჩუმდა. კარგა ხანს გაგრძელდა დუმილი. ამასობაში რე-მამ შესძლო თავს დაუფლებოდა, დაეოკებინა ერთბაშად მოვარდნილი მღელვარება. არც ხელები და მუხლები უკანკალებდა უნინდებურად. ცნობისმოყვარე, ფრთხილი მზერა მიმოატარა ირგვლივ.

თვალშეუდგამი, ლურჯ-მოიისფრო მთები ნახევარკალად შემორ-ტყმოდა კლდეში გამოკვეთილ ვეება გამოქვაბულს. ჩახრამული ფლა-ტეები, ცადაწვდილი ქარაფოვანი კლდეები, უშველებელი ლოდების ხორგები. ღარტაფები. მთის ორნოხებში ჩაღვრილი რძისფერი ბურუსი. პიტალო კლდეთა უფსკრულისკენ დაქანებული ზეთავები. თოვლის სა-ბურავით შეჭაღარავებული თხემები. მოკრიალებული, ღალანა, ღიღი-ლოსფერი ცარგვალი – ეს ღვთაებრივი სილამაზე და დიდებულება ენით აუნერელი იყო, ამის განცდა თუ შეიძლებოდა მხოლოდ.

ღმერთის საუფლოში ვარ? – გაუელვა თავში წამიერად და ამ ზესთა-ზენურ გარინდებაში, არაამქვეყნიურ მდუმარებაში საკუთარი გულის ცემადა ესმოდა გარკვევით. მერმე მზერა გოლიათზე გადაიტანა. იგი კვლავ შეურხხველად იჯდა და მდუმარებდა. მხრებზე ჩამოღვრილი თავ-თუხისფერი თმების ტევრს ნიავი ურხხვედა ოდნავ.

– მე... ცოტა სხვანაირი მეგონე, ამირან ბატონო! – აღმოხდა თავის-დაუნებურად და თვითონაც ეოცა თავისი სითამამე. პატარა ბავშვივით აილენა. მზერა ძირს დაიღო.

– ჰოო?... რანაირი მაინც?

– რა ვიცი... უფრო სხვა... – ენა დაება, გაჩუმდა, თუმცა შინაგანად გაბედულება მომატებოდა. გრძნობდა ამას და ვერ აეხსნა მიზეზი. ეგება

კეთილგანწყობის თუ რალაცნაირი სიტბოს კილოს რომ იჭერდა გოლია-თის ოდნავ ჩახლეჩილ, ბოხ ხმაში, ეს ჰმატებდა სიმხნევებს? ეგეც არ იყოს, რაკი ეკითხებოდა, მამასადამე, საუბარს უბამდა, მამასადამე, თავს უყ-ადრებდა...

– რაო, რა გეგონა, რემა ჩემო? ასე გეძახიან, ხომ იქ, ქვემოთ?... არნივი გულ-ღვიძლს მიკორტნიდა, ხოლო გოშია ჯაჭვს მილოკავდა, არა?

– დიახ. მასე მეგონა სწორედ, ამირან ბატონო!

– ჰე, ჰე... – ჩაიცინა მოულოდნელად გოლიათმა, თითქოს გაბზარულ-დანჯღრეულმა ზარმა გაიჭლრიალაო ახლოს. მერმე დუმილი ჩამოდგა ისევ, მძიმე, ხანგრძლივი. რემაც გალურსულიყო. ხმა გაეკმინდა. თითქოს ერიდებოდა, ხელი არ შეეშალა გოლიათის ფიქრთა დინებისთვის. ბო-ლოს ამირანი გატოკდა, ერთი ღრმად ამოიხვნეშა და:

– რასა იქმთ, იქ, ქვემოთ, რემა ბატონო? როგორ სუფევთ?

– ვართ... ვცოცხლობთ, ჩემო ბატონო, ვჯახირობთ, ვცოდვილობთ რალაცას...

– მაშ, ცოცხლობთ... ჯახირობთ... ჰე, ჰე... – დაიჭლრიალა ისევ გაბზა-რულმა ზარმა.

– დიახ, ჩემო ბატონო. გვიდგია სული ღვთით... ჯერჯერობით!

– მაშ, გიდგიათ სული, ჰე, ჰე... – გოლიათმა სიცილი შეწყვიტა და უეცრივ ხელები შემართა: – ამ ჯაჭვს თუ ხედავ, რემა ჩემო? – ჰკითხა კვლავ პირმოუბრუნებლად.

– როგორ არა. ვხედავ, ამირან ბატონო!

– უყურებ ხომ, რა სისქეა?

– ძალიან სქელია, ამირან ბატონო! ძალიან სქელი.

– რა გგონია, რაა ეს, რემა ბატონო? რადა მაქვს დადებული ორსავე ხელზე ეს ჯაჭვის ბორკილი, თუ იცი?

– მე... მე ასე ვუნყი, ამირან ბატონო, რომა...

– ჰო, თქვი, თქვი. რატომ შეყოვნდი?

– სასჯელია იგი ღვთისგან...

– ჰე, ჰე.. – აჭლრიალდა ისევ ჟანგინი ზარი, თითქოს ქვესკნელიდან დაიბუყბუყა საზარელმა ხმამო.

„ო, ღმერთო დიდებულო! ზეციურო მამავ! ღვთისმშობელო ქალწუ-ლო! წმინდა გიორგი! რა შეგცოდეთ ამისთანა?“

– მოინიე ახლოს, რემა ბატონო. ჩემს ფეხებთან დადექი. მასე. ნუ გე-შინია, კაცო! გული გაიმავრე და... გადაიხედე ძირს. რას ხედავ იქ, ქვე-მოთ?

ქვემოთ უსაზღვრო, უნაპირო სივრცე იშლებოდა – ლივლივა, მოცის-ფრო ნისლით ამოვსებული. სული შეუგუბდა ერთბაშად. ჭირის ოფლმა

დაასხა შუბლზე. თვალთ აუჭრელდა.

– ფართოდ გააღე თვალი, რემა. ნუ ფრთხები. დააკვირდი კარგად: რას ხედავ ახლა?

სუნთქვაშეკრული, გაოგნებული იდგა რემა ერთხანს და თვალბდაჭყეტილს, გული ამოვარდნაზე ჰქონდა. ტანზე ბენვი აშლოდა.

– ნუ ლელავ. დამშვიდდი, რემა. მე შენს გვერდით ვარ. ნურაფრის გეშინია. დააკვირდი და მაუწყე, რას უმზერ იქ, ქვემოთ?

– ქვემოთ... ოჰ, ღმერთო ჩემო! წმინდა გიორგი! შენ შემენიე, ჯეგე მისარონო! – პირჯვარი გადაისახა სასწრაფოდ რამდენჯერმე.

– აბა, ჰე! მომასხენე ახლა, თუ არჩევ რამეს?

– ღმერთო... ღმერთო... რა სასწაულია...

– გეგეს ყმავე! აბა, თამამად, უშიშრად!

– ჩემს ქვევით... მთელი დედამინაა, ბატონო, მრგვალი... უზარმაზარი ბურთი! დია, ღმერთო!

– არც ისე უზარმაზარია ეს ბურთი, რემა ჩემო! აბა, ჰე, განაგრძე: ხმელეთს თუ არჩევ? ნყლებს?

– ო, დიას, დიას, ბატონო... ზღვები... ოკეანეები... მთები... მატერიკები... კუნძულები... ოჰ, რა დიდებული სანახაობაა... ღმერთო ჩემო! რა დიდებული!..

– დააკვირდი აბა, კარგად! ნუ აჩქარდები... მოძებნე ამ ბურთზე შენი ქვეყანა!

– ჩემი ქვეყანა? ოხმე! ჩემი ქვეყანა?

– ჰო, შენი ქვეყანა, რემა, შენი ქვეყანა. და თითოთ მარჯვენე!

– ჩემი ქვეყანა? ჩემი პანანკინტილა ქვეყანა ამ უშველებელ ბურთზე? ღმერთო ჩემო!

– არც ისე დიდია-მეთქი ეს ბურთი. აბა, ჰე, მოძებნე!

– ეს... ეს ევროპაა, მგონია, ბატონო! ეს – აზიაა! – თითქოს უფრო ახლოს მოსწია რაღაცა ძალამ ბურთი, რომ მისი თვალთახედვის არეში ადვილად მოქცეულიყო ყველაფერი, რაც მასზე იყო მონიშნული.

– ნუ დაიბენი, რემა. მოძებნე ყველაზე მაღალი მთები ორ ზღვას შუა.

– აგერ! აგერ ვნახე, ბატონო! ვნახე აზიასა და ევროპას შუა გამყოფი ზოლი... მთები ორ ზღვას შუა!.. ოჰ, რა სილამაზეა!.. აგერ, აგერ, ჩემი ხელისგულა ქვეყანაც... ამ უმშვენიერესი მთების ფერდობებზე შეფენილი.

– დაადე თითი, რემა!

რემამ თითი გაბზიკა შიშნეული სიხარულით:

– აგერ, აგერაა, ბატონო, ჩემი პატარა საქართველო!

– კეთილი, რემა! კეთილი. – ნამით იყუჩა გოლიათმა და მერმე ისევ

დაიბუხუნა: – მამ, შენ იძახი, პატარააო, არა, შენი ქვეყანა?

– ჰო, ჩემო ბატონო! მაღალი მთებია, მწვერვალებია გასაშტერებლად ლამაზი და ცად აზიდული. მიწის ციდა მტკაველი – ზურმუხტისფერია... ჰოი, ეს ვეება ბასტიონები იდრიკებიან თითქოს, ირწევიან, ქანაობენ, ისევ იზნიქებიან წელში, მერმე... იმართებიან კვლავ და ცის ლაჟვარდისკენ მიიწევენ – თავად ცისფერები და ლაჟვარდოვანები!.. გუგუნი მესმის, მძლავრი, დიდებული... „მრავალჟამიერს“ გუგუნებენ თითქოს მთები, „მრავალჟამიერის“ ჰანგები ეფინება ირგვლივთს. საოცრებაა! საკვირველია!.. მაგრამ, ჰოი, უცებ დამენშო ყურთა სმენა... ველარაფერს ვისმენ, ვერც ვერაფერს ვხედავ...

ოჰ, ღმერთო ჩემო! თითქოს ყველაფერი აირია ერთმანეთში, აითქვიფა, აიზილა, აიჭრა... დავკარგე, დავკარგე ჩემი ლურჯი მთები, ჩემი მიწის ნაგლეჯი, ზურმუხტისფერი, ველარ ვხედავ. ვერაფერს ველარ ვხედავ!..

– აბა, ახლა დააკვირდი. კარგად შეხედე და მითხარ, რაა ეს?

– ჰოი, საკვირველებავ! უზარმაზარი, უშველებელი კუნძულია გადაჭიმული, კუნძული კი არა, მთელი კონტინენტი ამერიკასა და ევროპას შუა, ოკეანეში... მაგრამ... ასეთი კუნძული არ არსებობს რუკაზე. საიდან გაჩნდა იგი აქ?

– გეგეს ყმავე! სული ნუ გისწრებს. მოითმინე. ცოტა ახლოს მოვნიოთ იგი. ახლოდან შეხედე. უფრო ახლოს. ჰო, მასე. კარგია. ახლა, მეზრახე, რას ხედავ?

– ჩემო ბატონო!.. ნარმტაცი ნალკოტია ირგვლივ. ბალნარი ედემის. ოჰ, რა ხეები იზრდება გარშემო! არასოდეს მინახავს მათი მსგავსი... რა საუცხოო ყვავილნარებია, რა ხატაურა ფრინველები... ჩვენს ხობებს წააგავენ ცოტათი...

– მერე? მერე?

– ოჰ, დია, ღმერთო!.. რა ბრწყინვალე სასახლეებია: თეთრი, ვარდისფერი, ცისფერი, მწვანე მარმარილოსაგან ნაგები ტაძრები... ოჰ, ნუთუ არსებობდა ოდესმე ეგეთი ქვეყანა?

– ნუ ჩქარობ, რემა! დააკვირდი ყურადღებით. ადამიანებს თუ არჩევ?

– ოჰ, როგორ არა. აგერ ადამიანებიც!.. ვხედავ, კარგად ვხედავ მათ!

– ამინერე... ნუ ჩქარობ ოლონდ. სული მოითქვი. დაწყნარდი. გონება მოიკრიფე...

– აგერ ბატონო... ვხედავ ყოველისფერს. მალღები არიან. ორმეტრიანები. რა ლამაზი სახეები აქვთ, ღმერთო ჩემო!.. ყირმიზა, თეთრი... — ნაბლისფერი, ქერა, ხორბლისფერი თმები... ცისფერი, ლურჯი, მწვანე, თაფლისფერი თვალები... სწორი ნაკვთები. მოგრძო-მომრგვალო სახეები, აღნაგობა – სხარტი, მოქნილი მიხრა-მოხრა... ოჰ! ღვთის შვილები

¹ გეგემ-ჭყორი, ანუ გეგეჭკორი ნიშნავს წმ. გიორგის ყმას მეგრ.

არიან უთუოდ!

– კი. მზის შვილები გახლავან ისინი. მზის თესლიდან აღმოცენებული უფლის მიერ!

– ოჰ, რა სილამაზეა!.. რა ლალად, მოხდენილად მთარხვევენ სხეულს... ისე, ვით ბუნების ჭეშმარიტ შვილებს შეეფერებათ!

– ამ კუნძულს უძველეს დროში აიაია ერქვა, ღვთაება კირკეს წილხვედრი ქვეყანა იყო იგი. მისი საგამგებლო. შემდეგ... მას სხვა სახელს ეძახოდნენ სწავლულები...

– აიაია? კირკე?... ნუთუ?..

– მოთმინება იქონიე, რემა! დამშვიდდი. დაწყნარდი და – უყურე!.. ბედნიერი ხალხი ჩანს. არა, რემა? თითქოს მხოლოდ სიყვარულისა და სიკეთისთვის გაჩენილნი ამ სამზეოში, და სწორედ სიყვარულისა და ღმერთების დიდი დედის – ცის დიასახლისის, ანუ უზენაეს დედოფალ ნანას ეთაყვანებოდნენ ესენი უწინარესად. შემდეგ მზეს და სხვა მნათობებს...

უმზირე! თითქოს ერთი ერია, მზის თესლის ნაყოფია სუყველა მათგანი და მაინც... ვით განსხვავდებიან ერთურთისგან... სხვადასხვანაირად აცვიათ, სხვადასხვანაირად მღერიან, ცეკვავენ!.. და მაინც... ერთნი არიან. ერთი მოდგმის, ერთი ჯილაგის და ჯიშის.

ამათ არ უწყოდნენ, რა იყო სნეულება, სიდუხჭირე, ხელმოკლეობა. ხედავ, ბევრი მათგანი სამოსს თითქმის არ ატარებს. ფეხშიშველანი დადიან. განა არა აქვთ და იმიტომ!.. ასე მიაჩნიათ საჭიროდ. მიწას ღვთაებრივად მიაგებენ პატივს, მიწის ძალა და სურნელი უნდათ უკეთ შეიგრძნონ ამ შიშველი ფეხებით.

ბუნების ნიაღში ბუნების განუყოფელ ნაწილად მიაჩნიათ თავიანთი თავი, რამეთუ ბუნების ყოველი სულდგმული თუ უსულო სხეული ღვთაებრივი და სათაყვანო იყო ამათთვის... წელან გითხარი, აიაიელებმა არ უწყოდნენ-მეთქი სნება და ვაება. დილა-სალამოს, შინ თუ გარეთ მღეროდნენ და გალობდნენ ღვთაებათა სადიდებელს, იღვწოდნენ და მუშაკობდნენ ძალდაუტანებლად, ნება-ნება, ისე, ვითარცა ეხალისებოდათ, ვითარცა სიამოვნებდათ ეს, რამეთუ უხვი ბუნების წყალობით და აგრეთვე ბრძენი ქურუმების მეცადინეობით, თავზე საყრელად ჰქონდათ ყველაფერი, რასაც ისურვებდნენ.

და ყველამ იცოდა თავ-თავისი ადგილი და მოწოდება – დედაკაც-მაც და მამაკაც-მაც, დიდმაც და პატარამაც, ცხოვრობდნენ ცალკეულ სახლეულებად და... წარმოდგენა არ ჰქონდათ სახელმწიფოზე, ანუ ძალადობაზე, ჯარზე, ომზე, სისხლისღვრაზე. გესმის ჩემი სიტყვები, რემა? ხმადაბლა ხომ არ ვუბნობ?

– არა, ბატონო, ყველაფერი კარგად მესმის. ძალიან კარგად.

– კეთილი. ჰოდა, იმას გეზრახებოდი, საერთო საქმეს წყვეტდნენ საერთო თავყრილობებზე, ერის მიერ არჩეული უხუცესთა წინამძღოლობით. უხუცესები გამგებლობდნენ გარკვეული ვადით. ამ ვადის გასვლის შემდეგ ისინი იცვლებოდნენ სხვებით. ჰყავდათ ტაძრების ბრძენი მსახურნი.

ქურუმი შეიძლებოდა გამხდარიყო მხოლოდ ის, ვინც გაივლიდა განსწავლის საფეხურებს წლების განმავლობაში და მხოლოდ ამის შემდეგ იღებდა ხელდასხმას. ქურუმი სულიერად სპეტაკი, ზნემაღალი, გონიერი უნდა ყოფილიყო. ტაძრის მსახურნი წვდებოდნენ ზენაარს. ისინი ნათელმხილველნი იყვნენ და ღვთიურ ძალთა მფლობელები... კირბისის ანუ სიბრძნის წიგნის წყალობით.

გოლიათი გაჩუმდა. რემა რეტდასხმული, სულთქმაშეკრული, გაბრუებულ-განცვიფრებული უსმენდა მას და თან მზერა ვერ მოეცილებინა იმ საოცარი სურათებისთვის, მის თვალწინ ელვის უსწრაფესად რომ ენაცვლებოდნენ ერთმანეთს.

– ღმერთო! რა ბედნიერი ქვეყანა და ერია!.. სად, სად გაქრნენ, ბატონო, ისინი? სად დაიკარგნენ? – აღმოხდა ბოლოს რემას და ოხვრას თითქოს გულიც ამოაყოლაო.

გოლიათი დუმდა – ჩაძირული თავის ფიქრებში. ამასობაში რემა უჭვრეტდა კუნძულელთა ყოველდღიური ცხოვრების ფრაგმენტებს. აგერ, მოსიყვარულე ქალ-ვაჟი ყვავილნარში სხედან. ვაჟი უკრავს უჩვეულო ჩანგზე და მღერის. გოგონა მზერადახრილი უსმენს, მოწყვეტილ ყვავილს დროდადრო ყნოსავს და მომხიბლავი ღიმილი უტოკებს ბაგეს... აგერ, გაჭენებული ცხენების რემა! მოხდენილი, ნახევრადშიშველი მხედრების ყიჟინა. მობურთავე ბავშვების ჟრიაშული. მოცეკვავე გოგობიჭები ფერხულში ჩაბმულნი – მღერიან. მხიარულობენ. სიცილ-ტკარცალი, თამაში და ჭიდაობა...

აგერ, უცნაური, ბრინჯაოსფერი მფრინავი ხალიჩები თუ რალაც მანქანები.

ხოდაბუნები. ზვრები. მოშრიალე ყანები. უცხო მცენარეები – ნაყოფით დახუნძლულნი.

ზღვის მოლივლივე ტალღებზე მოქანავე კობტა, აფრებიანი ორჩხომელები, ნუშები, ოლეჭკანდერები, გემები, დრომონები – დიდი და მცირე. დარბაისელი, გრძელ, თეთრსამოსიანი მოხუცები, საჩრდილობელში დამსხდარნი თუ მარმარილოს ღია თაღედის ქვეშ მომუშაიფენი...

თვალის დახამხამებაში ცვლიან ერთმანეთს სხვადასხვანაირი სურათები. რემა ძლივს ასწრებს მათ აღქმას, გონების დაფაზე ცდილობს,

მათ აღბეჭდვას. უნდა არაფერი გამორჩეს მხედველობიდან, ყველაფრის შეცნობასა და გათავისებებს მიეღტვის თითქოს და... ველარ ასწრებს, ველარ მისდევს კვალდაკვალ თითოეულ ჩვენებას.

– რამ, რამ გადააშენა ეს დიდებული ერი და ქვეყანა? – კვლავ ამოთქვა კვენსასავით, თუ ხმამაღლა გაიფიქრა აზრშერყეულმა რემამ.

გოლიათმა ამოიგმინა. ეს იყო ის „ხმა“, იქ, ქვემოთ, მიწაზე რომ ჩაესმოდა რემას ჟამით-ჟამამდე“, გულშემძვრელი ოხვრა-კვენესა!

რემამ მსწრაფლ მოხედა გოლიათს. დაბლიდან მაღლა შეაცქერდა ნამით. დარდით და ვარამით დასერილ სახეზე მართლაც საცრისოდენა თვალები – ლაჟვარდში ამოვლებული, – თითქოს გაჰყინვოდა. ისინი ხანდახან რკინის ცივ მზინვარებას გამოაფრქვევენ და მერმე ისევ გაშტერებით იმზირებოდნენ, ერთ ადგილზე მიჯაჭვულნი.

– დიდებული ერი იყოო, იძახი შენ რემა და... მართალი ხარ! – ამომარცვლა გოლიათმა სვენებ-სვენებით: – დიდებული იყო, მაგრამ... კაცი მაინც კაცია – გულნამცეცა, ხარბი, სულმოკლე... ათასწლეულები ცხოვრობდნენ სვებედნიერად, მაგრამ... ველარ გაუძღეს ჟამის გამოცდას... ნამეტანი გალაღებულ-გაზულუქებულებმა თავისუფლებით და კაი ცხოვრებით, თანდათან იწყეს ღვთაებათა აუგად ხსენება, ანუ გაამპარტავდნენ, თავის გატოლება მოინდომეს უზენაესთან: აკი ჩვენც ყველაფერი და ყოველივე ხელგვენიფება, ძალგვიძს ყოველივეო... თითოეულმა მათგანმა მოინადინა ქურუმობა და ზიარებულთა გუნდში შეღწევა – იყო თუ არა ამის ღირსი და ფლობდა თუ არა სიბრძნეს კირბისისეულს.

თავად ქურუმებშიც შეიპარა ხრწნის ჭია და ჩუმ-ჩუმად იწყეს კუნძულიდან გაპარვა და კაციჭამია, ველურ ტომებში იმ ცოდნის გაბნევა, რისთვისაც ჯერაც უმნიფარი იყო მათი გონება. იფქლის ნაცვლად ღვარძლი და ლენცოფა ამოდიოდა მათ ყამირ გონებასა თუ გულში... ერთხელაც, შურით და სიხარბით აღბორებულნი, მიეტივენ ისინი კუნძულს და თუმც მრავალჯერ სასტიკად დამარცხდნენ და იწვინეს თავიანთი უგუნურობის ნაყოფი. მაინც აღარ იშლიდნენ თავდასხმებს. ეგ კიდევ არაფერი: თავად კუნძულელებს შეუჩნდათ ქედმაღლობის, გულზვიადობის და ურთიერთმეტოქეობის და ქიშპის გრძნობა, თითოეული მათგანი ჩემულობდა პირველობას...

ზოგმა მოინდომა არაგონებისმიერი, არამედ ძალისმიერი უპირატესობის დამკვიდრება ერთიმეორეზე, მოინადინეს ძალადობით აღზევებულიყვნენ დანარჩენებზე, და ბოლოს, გათავხედებულნი და გაკადნიერებულნი ეგ ზომ, ერთიმეორეს დაერივნენ და... დატრიალდა ცოდვის კითხვა კუნძულელთა თავზე. განრისხდა არსთა გამრიგე ფრიად. აღარ

გასჭრა დიდი დედოფლის, ნანას ხვენწა-მუდარამ, შეინყალე უგუნურონიო. ნარღვნა მოუვლინა კუნძულს, რათა სამუდამოდ აღხოცილიყო ამ უდიერთა და ღვთის ურჩთა სამყოფელი და წაშლილიყო სამუდამოდ კაცთა ხსოვნაში მათი სახსენებელი. უმზირე!..

– ოჰ-ოჰ, ახავაი, ახავაი! – თვალებზე ხელები აიფარა რემამ – შეძრწუნებულმა.

– უმზირე-მეთქი! შეხედე კარგად და მეზრახე, – რას ხედავ?

– ქარ-ბორია ამოვარდა... მდინარეები ადიდნენ უზომოდ. ოკეანემ მოიმატა და მოასკდა ნაპირს გამძვინვარებული. ამთავორებული ტალღების ზათქი და ბორგვა... წყალმა დაფარა დიდებული სასახლეები, ტაძრები, ვეება ხეები მოთხარა და ზვირთებზე მოიგდო აყირავებულნი... ოჰ, ოჰ, ახლა ცეცხლის წვიმა წამოვიდა საზარელი. უკვე იავარქმნილ, ნაოხარ კუნძულს ცეცხლის დელგმამ გადაუარა...

– მერმე? რა მოხდა მერმე?

– კუნძული... კვერცხით გასკდა შუაზე, ბატონო, და ჩაძირვა იწყო... ოხმე, რა საშინელებაა! ღმერთო ჩემო! ღმერთო ჩემო!

– შემდეგ? რა მოხდა შემდეგ?

– ჩაიძირა კუნძული, ბატონო, ოკეანეში, მაგრამ... აგერ, ნავებს ვხედავ, კუნძულის მოშორებით... შიგ ადამიანები სხედან. გამწარებით უსვამენ ნიჩებს, გარბიან იმ ადგილიდან, სადაც... კუნძული იყო აქამდე – სულ რამდენიმე წამის წინ!

– ეგენი კუნძულის მცხოვრებთა მცირე ნაწილია, ისინი, ვისიც გადარჩენა ინება უფალმა. შემდეგ, რას ხედავ შემდეგ, რემა?

– გზებს... უამრავ გზებს ვხედავ, ჩემო ბატონო, მიიკლაკნებიან ეს გზები უდაბნოებსა და ტრამალებზე, ხევ-ხუვებსა თუ ტყე-ღრეებში და ამ გზებზე მოაბიჯებენ ისინი... გადარჩენილი კუნძულელები – ამაყი, ქედმოუხრელი იერით.

– შემდეგ?

– უდაბნოში თითქოს მწვანე ნაკადები შეიჭრაო, განტოტებული ნაკადები, დანანევრებულნი!.. თითქოს წვიმამონყურებულ, დამსკლარ დედამინას წყლის არხები მოეფინო ერთბაშად...

– გაადევნე თვალი, რემა, ამ ნაკადების მდინარებას... რა ადგილებია ისინი, რემა?

– ორ უზარმაზარ მდინარეს ვხედავ, ბატონო... მგონი, ევფრატი და ტიგროსია ისინი.

– ეგრეა. შემდეგ?

– დაიძრნენ ისევ დანარჩენები... აი, ნაწილი შეჩერდა მცირე აზიასში... სხვებმა განაგრძეს სვლა... გადალახეს სრუტი... თითქოს უკანვე

ბრუნდებიანო, საიდანაც წამოვიდნენ უხსოვარ დროს... უცნაურია... აი, ჩრდილო აფრიკა, ხმელთაშუა ზღვის აუზი... ბალკანეთის, აპენინის ნახევარკუნძულები, პირინეები... ევროპის სამხრეთ კიდურებს იკავებენ თანდათანობით... ერთი ტოტი ბრიტანეთის კუნძულებისკენ მიემართება... ო, ო, ამერიკის კონტინენტსაც უნია ნაწილმა. სასწაულია, პირდაპირ სასწაული!

– კმარა!.. ახლა ისევ მცირე აზიას და ვუბრუნდეთ, რემა!

– აქედან თვალნათლივ ჩანს... კავკასიის ქედებისკენ მიედინებიან ჯგუფ-ჯგუფად... ნაწილ-ნაწილ... გზადაგზა ჩერდებიან... იშლებიან... იფანტებიან... ერევიან დამხვდურებს.

– განკაცების გზა... განკაცების გზა... – ჩაიდუდუნა თავისთვის გოლიათმა. მერმე ხმამაღლა წარმოთქვა: – შემდეგ, რა ხდება რემა, შემდეგ?

– წინა აზიაში შეჩერებულთ, თავს ესხმიან ველურნი – იგერიებენ. მერმე... მოინევენ ჩრდილოეთისკენ ბრძოლით, წვალებით... ეცემიან... დგებიან ისევ.

– აქ, ამ დიდ მთებს კავკასიონისას შეეხიზნა მცირე ნაწილი მათი, ანუ თავიანთ პირვანდელ საცხოვრისს დაუბრუნდნენ... ოდესღაც, უხსოვარ დროში სხვადასხვა მხარეს განფენილები! აქედან წასულები!.. დიახ, – მე მოვუძღოდი მათ აქეთკენ, თავინთ პირვანდელ სამშობლოში და ამ ძნელ გზა-საგალზე, მე ვიყავი მათი მეთაური და მეგზური ერთდროულად, მოვუძღვებოდი ოდინდელი სამყოფლისკენ-მეთქი – მზის ქვეყნის შვილებს, რომელთაც, დიდი ნაწას ლოცვა-კურთხევასთან ერთად, მოჰყვებოდათ ღვთის წყევლა-კრულვაც, თავს რისხვად რომ დაატყდათ თავიანთი ცოდვებისთვის. შიში და საშინელების გრძნობა ერეკებოდა მათ თავდაპირველად მიუვალ ხევ-ხუვებისკენ, მღვიმეებისკენ...

და თან მოჰქონდათ მინის სიყვარული, ცის და მზის სიყვარული და მცირეოდენი ნატეხი – კუნძულებლთა და ძველ წინაპართა იმ უზარმაზარი ცოდნისა, რაც კირბისში იყო ჩანერილი და რაც საუბედუროდ, ჩადირულიყო დავინყების უკუნეთში! – შეისვენა წამით გოლიათმა და განაგრძო მერმე თავისი დანჯღრეულ-დაგუდული ხმით: – ჰოდა, დაემკვიდრნენ აქ და შეუდგნენ ხვან-თესვას, პურის მოყვანას, ვაზის მოვლას, ტაძრების მშენებლობას...

გადიოდა დრო. საუკუნეები ცვლიდნენ საუკუნეებს. ნელ-ნელა წელში იმართებოდა თავის უძველეს სამშობლოში აიაიელთა მოდგმა, რომელთაც ხან იაფეტელთა, ხან თუბალ-კაინის, ქალდეველების ანუ მოსოხების თუ კოლხ-იბერთა სახელით იცნობდა დანარჩენი კაცობრიობა. თანდათანობით, ნელ-ნელაობით უშუშდებოდათ წარსულში თავს გადახდენილი უბედურებათა ქრილობები.

და აი, მოაწია კვლავაც ჟამმა და ინება არსთა გამრიგემ, ებოძებინა წყალობის წიგნი ტომთა და ერთა წინამძღოლთათვის – მათი დამსახურებისამებრ.

ჰოდა, შევიკრიბენით ღვთის მოციქულის ბრძანებით ყველა ტომის მეთაურნი და ქურუმთუხუცესნი. ზოგს ებოძა წიგნი იგი, ზოგს – არა. ჩემი ჯერი რომ დადგა, წავდექი მოციქულის წინაშე და მოვითხოვე წყალობის წიგნი.

– შენ, ამირანი?! პრომეთეოს?! – ფრიად გაიკვირვა ღვთის მოციქულმა, – შენ, ვინც ესოდენ ეურჩე უფლის ნებას და ამით თავსა და შენს ერს დაატეხე ღვთის რისხვამ? წყალობას ითხოვ?

– დიახ. მე ვითხოვ ჩემი შერისხული და დასჯილი ერისთვის ღვთის წყალობის წიგნს, თუმცა, როგორც შენ ბრძანე, ოდესღაც ეგ ზომ გავკადნიერდი, რომ წინ აღვუდექი უფლის ნება-სურვილს და აკრძალული სიბრძნის – კირბისის წიგნი მოვპარე მამა-ზეციერს, რათა... გამენათლებინა ჩემი ერი.

– დიახაც, რომ ეგრე იყო! ახლა რა საფუძვლით, რა სარჩულით ითხოვ წყალობის წიგნს?

– მიბოძეთ წიგნი და თუ ჩემი ერი აღარ იქნება ღირსი და ამჯერადაც ველარ გაამართლებს ნდობას უფლისას, მე ვიღებ ყველა მის ცოდვა-ბრალს და მზად ვარ ნებისმიერი სასჯელისთვის-მეთქი – მოვახსენე მოციქულს ღმრთისას, ხოლო რაც შეეხება „საფუძველს და სარჩულს“...

ღვთის მოციქულის ნებართვით დავინყე თხრობა:

„ერთ სოფელში, სადაც ახალგაზრდა, ხელმოკლე ცოლ-ქმარი ცხოვრობდა, გამოჩნდა დაჭრილი, სამოსშემოდარცული, დევნილი უცხოტომელი. მან თავშესაფარი სთხოვა ახალშეუღლებულთ. ცოლ-ქმარმა თავის ჯარგვალში უყოყმანოდ დააბინავა გადამთიელი. რადგან... მისი მოდგმა ყოველთვის მზად იყო გაჭირვებულთა, დევნილთა დასახმარებლად. ახლაც ასე მოიქცნენ: მოუარეს. მოარჩინეს. ფეხზე დააყენეს. მოძმესავით შეითვისეს უცხოტომეული.“

ერთ დღეს ახალგაზრდა კაცი სანადიროდ წავიდა მახლობელ ტყეში, მაგრამ შუაგზიდან მობრუნდა უცებ, რამეთუ გადავიწყებოდა ცოლისთვის დაებარებინა საჩქარო საქმე. იმ დროს შევიდა ქოხში, როს შემოხიზნული ძალით ცდილობდა დაემორჩილებინა დიასახლისი, ქალი თავგანწირულ წინააღმდეგობას უწევდა მოძალადეს.

ქმრის დანახვაზე დევნილი ქალს შეემვა და გაშმაგებული იქვე, კედელზე ჩამოკიდებულ საომარ ცულს მივარდა, ჩამოგლიჯა და მასპინძლისკენ გამოქანდა დასარტყმელად, მაგრამ ქმარმა დაასწრო და ხელიდან გააგდებინა ცული. ხიზანი ახლა კბილებით ჩააფრინდა მასპინძელს,

რათა ყელი გამოეგლიჯა მისთვის. შეშლილი, ჭკუიდან გადასული კაცი არ ეპუებოდა არაფერს, მაგრამ როს მიხვდა, ველარ ერეოდა მასპინძელს, მყისვე მის ფეხებთან მიწას განერთხო და საპასუხო დარტყმის მოლოდინში, თავზე ხელები დაიფარა.

მასპინძელმა ააყენა შემოხიზნული მოძალადე, გამოიყვანა გარეთ უხმოდ, უსიტყვოდ. ასევე უხმოდ გადაატარა ეზო-ყურე, გაულო ჭიშკარი და ხელით უჩვენა – გამეცალეო. თავჩაქინდრული, თავლაფდასხმული ხიზანი ლასლასით გაუყვა იმ გზას, რომლითაც მოვიდა ამ სოფელში, სადაც შეიფარეს სასიკვდილოდ დაჭრილი და განწირული უცხოტომელი, სადაც მოარჩინეს და ახლობლად მიიჩნიეს შვეინროებული“.

შემდეგ: „ცხოვრობდა ერთ სოფელში სახელგანთქმული, ახალგაზრდა ოქრომჭედელი – თავის საქმის ოსტატი, რომლის ნახელავს აღტაცებაში მოჰყავდა ხალხი. ხელობა მისთვის თავისი გულისწადლის ასრულების საშუალება იყო მხოლოდ, ვინაიდან შრომის საზღაურს არავისგან იღებდა და თუ აიღებდა, იქვე, თავის თანასოფლელებში ხარჯავდა ქეიფებში. თავისთვის არაფერს იტოვებდა.

ერთ დღეს ოქრომჭედელმა გადაწყვიტა მოენახულებინა სხვა ქვეყნები, რათა ენახა, როგორ ცხოვრობდა იქ ხალხი და თუ შემთხვევა მიეცემოდა, გასჯიბრებოდა კიდევ იქაურ დიდოსტატებს. იარა. იარა. მრავალი ქვეყანა მოიარა და ამ ხეტიალ-ხეტიალში დასაფლეთის ერთ სახელმწიფოს მიადგა. ოდესღაც ძლიერი და ღონიერი ეს ქვეყანა ახლა უცხოელებს დაეპყროთ და გაევერანებინათ. ამ ქვეყნის ხელმწიფეს ერთი მზეთუნახავი ასული ჰყოლია, რომელსაც უარი უთქვამს მტრის უფლისწულის ცოლობაზე. ქალი ტყვედ წაუყვანიათ და ცხრაკლიტულში დაუმწყვედვიათ. დაპყრობილ ქვეყანას ყოველწლიურად თავისი რჩეული გოგო-ბიჭები უნდა ეძლია ხარკის სახით მომხდურთათვის. ერი დრტივინავდა, მაგრამ იძულებული იყო, შეესრულებინა მტრის ნება-სურვილი, რამეთუ თავს ზევით ძალა არ იყო.

მოძალადეები კი დღითიდღე თავს გადიოდნენ და ახალ-ახალ გადასახადებს უწესებდნენ გატანჯულ და გასაცოდავებულ ხალხს. ხელოსანმა ამ ერის უბედურების ამბავი პირველსავე დუქანში შეიტყო.

რას შვრება თქვენი ხელმწიფე, რად არ შეებრძოლება უცხოელებსო, იკითხა. რა ქნას, რამდენჯერაც შეება, იმდენჯერ დამარცხდა და ახლა ემინია, სულმთლად არ ამოგვყუყონ, მით უმეტეს, მისი ასული მიეკვლად ჰყავთ წაყვანილიო. ამ უმწეო, საცოდავი ხალხის გაჭირვებამ გული მოუნვა ოქრომჭედელს. აღშფოთდა მოძალადეებზე და გადაწყვიტა, დახმარებოდა ამ ბედკრულებს. ადგა და პირდაპირ უცხოელების ბანაკში მივიდა, ორთაბრძოლაში გამოიწვია მათი რჩეული ვაჟკაცი. უცხოელებმა

თავიანთ თვალებს არ დაუჯერეს, ვით ბედავს ვილაცა გადამთიელი ასეთ თავხედობას, ანდა ვით ესარჩლება ამ ბეჩავ და დედალ ხალხსო.

ჯერ სასაცილოდ აიგდეს. მერმე შეპყრობა განიზრახეს და სამაგალითოდ დასჯა. ის იყო მისცვივდნენ კიდევ, რომ გაეკოჭათ, მაგრამ ანაზ-დად ოქრომჭედელმა დააძრო თავისი სატევარი და დაერია უცხოელებს. ოქრომჭედლის სატევარი ჩვეულებრივი არ გახლდათ – ის უცნაური თვისების იყო: ცეცხლის ნაპერწკლებს აფრქვევდა ყოველ მოქნევაზე და საკმარისი იყო, თუნდაც ერთი ნაპერწკალი მოხვედროდა ვინმეს, მყისვე ეკიდებოდა ცეცხლი და მერე აღარაფერი შველოდა – ცოცხლად უნდა დამწვარიყო – აბრიალებული.

ამ საშინელ სანახაობაზე უცხოელები ისე დაფრთხნენ, რომ მათი ბელადები პირქვე დაემხნენ ოქრომჭედლის წინაშე და ვითარცა ღვთაებას, პატიება და შენდობა სთხოვეს.

ოქრომჭედელმა უბრძანა მათ დამწყვეთი ხელმწიფის ასული გაეთავისუფლებინათ და თავად სასწრაფოდ გასცლოდნენ ამ ქვეყანას.

მეტი რა ჩარა იყო, შეასრულეს მისი მოთხოვნა. გახარებულმა ხელმწიფემ თავისი მზეთუნახავი ასული მიათხოვა ოქრომჭედელს და სულ მალე თავისი ტახტიც გადაულოცა.

ასე და ამგვარად, უბრალო ხელოსანი გახდა დიდი, მრავალრიცხოვანი ხალხის და ქვეყნის მეფე და ისე მართავდა სახელმწიფოს, თითქოს დედის მუცლიდან გამოჰყოლოდა გამგებლობის უნარი. სამართლიანი და კეთილი გამოდგა ახალი ხელმწიფე და ამიტომ ერთნაირად შეიყვარა იგი უბრალო ხალხმაც და წარჩინებულებმაც. მზეთუნახავმა დედოფალმა ოქროსქორიანი ქალ-ვაჟი უშვა თავის მეუღლეს და ასე ბედნიერად და სიამტკბილობაში გადიოდა დრო. ოქრომჭედელს გადაავიწყდა თანდათანობით თავისი ქვეყანა, თავისი დედ-მამა, და-ძმანი და სახლ-კარი.

ერთხელ ესიზმრა, რომ თავის მშობლიურ სოფელში იყო, თავის ეზო-ყურეში და... ბრონეულს შეექცეოდა.

გამოღვიძებისთანავე მოითხოვა, მიერთმიათ მისთვის ბრონეული. იმ ქვეყანაში ბრონეული არ ხარობდა, მაგრამ საყვარელი ხელმწიფისთვის, აბა, ვით დაიზარებდნენ და დაუყოვნებლივ აფრინეს ხალხი სამხრეთის ქვეყნებში და ჩამოუტანეს ბრონეულის ნაყოფი. შეჭამა ერთი. მეორე, მესამე. მაგრამ არც ერთის გემო არ მოეწონა. ეს ის არ არისო, დაიჩივლა ხელმწიფემ ნაღვლიანად, სიზმარში რომ ვჭამდი, იმას სულ სხვა გემო ჰქონდაო... საშინლად დაღონდა. შენუხდნენ სახლეულებიც: ცოლი, შვილები, მაგრამ, აბა, რას უშველიდნენ?.. ის დღე იყო და ის...

დარდის ჭია შეუჩნდა გულში და მახრასავით დაუნყო ღრღნა ნელ-ნელა.

რაც დრო გადიოდა, ნაღველი უსივდებოდა. გული ეხურებოდა. ფერ-ხორციც დაკარგა. აღარაფერი სიამოვნებდა უკვე. არც მზეთუნახავი ცოლი ახალისებდა და არც თვალმახარა ბავშვები. არადა, რასაც მოინაღინებდა, ყველაფერი მის ხელთ იყო, ოღონდ მშობლიური სოფლის ბრონეულივით გემრიელი და ტკბილი აღარაფერი აღმოჩნდა. რაც დრო გადიოდა, უფრო და უფრო სტანჯავდა და აწამებდა სურვილი. და აი, ერთ მშვენიერ დღეს გადაწყვიტა, დაბრუნებოდა თავის ქვეყანას, სადაც ხარობდა მთელს ქვეყნიერებაზე ყველაზე გემრიელი და საამო ბრონეულები. გამოემშვიდობა სასახლეს, ხალხს, თავის ვრცელ სამფლობელოს... დედოფალმა თქვა, საცა ჩემი მეუღლე იქნება, მეც იქ უნდა ვიყო, მოხვია ხელი შვილებს და უკან გამოუდგა ქმარს. ბევრი წვალებისა და ტანჯვის შემდეგ, ცოლშვილიანად ჩააღწია თავის ქვეყანაში, მაგრამ იქ საშინელი ამბავი დახვდა: მტერს აეკლო მისი სამშობლო, მისი სოფელი გადაეხურა და არავინ უნყოდა, გადარჩა თუ არა ვინმე მისიანი.

თავზარდაცემული დაეცა მიწაზე და: აქვითინდა. მაშინ, როდესაც ის სხვა ქვეყანას და ხალხს შველოდა, მისი მამულ-დედული თურმე მტერს აეოხრებინა, მშობელი ხალხი ამოენყვიტა!

პატიება სთხოვა თავის ღმერთებს და ღმერთების დიდ დედას, ღვთაება ნანას და ალუთქვა, ამიერიდან მარტო იმისთვის იცოცხლებდა, რომ თავის ხალხისთვის შვება მოეტანა და სამაგიერო მიეზლო მისი მტარვალებისთვის.

ქვეყნის მეფეს თავი შეეფარებინა მაღალ მთებში. ხელმწიფეს მცირე-ოდენი ჯარი მოეგროვებინა და მტერს შებმას უპირებდა. ოქრომჭედელი იმ დროს ეახლა მეფეს მთაში, ლხინ-შექცევა რომ ჰქონდათ. სამინლად გაუკვირდა: რა ემღერებათ და ეცეკვებათ, როცა თავზე ჭერი ენგრევათო – გაიფიქრა, მაგრამ მერმე მიხვდა, რომ მის ერს არ შეეძლო უსიმღეროდ და უცეკვოდ გაძლება, რა გაჭირვებაშიც არ უნდა ჩავარდნილიყო. იგი თითქოს მოლხენისთვის გაჩენილიყო ამქვეყნად და მხოლოდ გარემოება აიძულებდა, იარაღი აეღო ხელში თავდასაცავად და არა სხვათა დასახოცად. მაგრამ... ამისდა მიუხედავად, მომხდურებს ყოველთვის მამაცურად ებრძოდა და ხშირად კუდიტ ქვას ასროლინებდა კიდეც მათ. ჰოდა, ამ გაუთავებელ ომიანობაში თურმე სიმღერა შველოდათ ძალიან და მღეროდნენ კიდეც ბრძოლის დაწყების წინ თუ დამთავრების შემდეგ. მღეროდნენ მაშინაც, როცა არ ემღერებოდათ. და ამით ერთიანიად აოცებდნენ... მტერსაც და მოყვარესაც.

ოქრომჭედელმა თავისი დახმარება შესთავაზა მეფეს. მტერი განდევენს და ეს გამარჯვება ოქრომჭედელის დიდი დამსახურება იყო, ვინაიდან მისი სასწაულთმოქმედი იარაღი შიშის ზარს სცემდა მომხ-

დურებს და მუსრავდა მათ ერთიანად.

ბრძოლას რომ მორჩნენ, ოქრომჭედელმა თავისი სატევარი ჩააბარა მეფეს და თვითონ სოფელში დაბრუნდა, რათა მიეხედა ნაპარტახალი სახლ-კარისათვის და მოეძებნა გადარჩენილი დედმამისშვილები.

...შემოდგომა იყო. ეზოში ბრონეულის ტოტები იზნიქებოდნენ დამსკდარი ნაყოფისაგან. ოქრომჭედელმა დაიჩოქა, ემთხვია ჯერ მიწას, სადაც ეს ხეები იზრდებოდა. მერმე ნაყოფს ეამბორა და შეჭვიცა ღვთაებას, რომ ამის იქით ამ ნაყოფს მიათმევდა ყოველ წელს... საკურთხეველზე, როგორც საღმრთოს, ვინაიდან ამ ნაყოფმა მოაგონა მას მიტოვებულ-მივიწყებული თავისი ქვეყანა, ვინაიდან ამ ნაყოფმა გაუღვიძა მას ისევ მიწაველებული სიყვარულის გრძნობა თავის კუთხისადმი.

ეს ამბავი თქმულებასავით დარჩა ხალხში და ამადაც არის, ჩვენებურები სხვა ქვეყანაში ძნელად თუ ძლებენ ხოლმე. მათ თავიანთი ქვეყნის ბრონეულები უხმობენ თითქოს უკან, მამულისაკენ“.

და კიდევ ერთ მაგალითს მოვიტან და ამით დავამთავრებ-მეთქი, მოვახსენე ღვთის მოციქულს და გავაგრძელებ თხრობა: „ერთი წარჩინებული ქვრივი დედაკაცი, ქმარი მტერთან ბრძოლაში რომ დაღუპვოდა, ერთადერთ შვილს ზრდიდა მარტოდ დარჩენილი. ქვრივს ამ ბავშვზე ამოსდიოდა მზე და მთვარე. ეს ბიჭი იყო მისთვის სიცოცხლის წყარო, თვალისჩინი, მისი არსებობის უმთავრესი მიზანი. ამ ქვრივს ბავშვობისდროინდელი მეგობარი ქალი ჰყავდა ერთი, რომელიც აგრეთვე ქვრივი იყო და მასაც ერთადერთი ვაჟი ებადა მხოლოდ ამქვეყნად. ქალებს ძლიერ უყვარდათ ერთმანეთი და შეძლებისდაგვარად, ეხმარებოდნენ კიდეც ერთიმეორეს. და აი, უეცრად მეგობარი ქალი მძიმედ ავად გახდა. სიკვდილის მოახლოება რომ იგრძნო, დაიბარა თავისი ყრმობისდროინდელი დობილი და უთხრა, ვიცი, მალე მოგკვდები, ის აქლემი, ვატყობ ჩემს კართან სულ მალე დაიჩოქებსო. ჰოდა, ჩემს ბიჭს შენ გიტოვებ და აბა, შენ იცი, როგორ მიმიხედავო. ქვრივმა პირობა მისცა, შენს ბავშვს ნამდვილ დედობას გაუწევ, ჩემს საკუთარ შვილში არ გამოვარჩევო. და მართლაც, მეგობარი ქალის სიკვდილის შემდეგ წამოიყვანა თავისთან პატარა ბიჭუნა და ღვიძლი შვილივით უვლიდა და პატრონობდა.

ქვეყანას კვლავ შემოესია მტერი, ააოხრა, ააწიოკა მოსახლეობა, მიწასთან გაასწორა ყველაფერი და ამავე დროს მძიმე ხარკი დაადო. ხალხს. ამასაც აღარ დასჯერდა და მოითხოვა – ყოველი წარჩინებული სახლეულიდან თითო-თითო ყმანვილი მძევლებად. რა უნდა ექნა დამარცხებულ მეფეს? იკისრა ეს მძიმე ხარკი და მძევლებიც ალუთქვა მტერს. და აი, მეფის მიერ გამოგზავნილი შიკრიკები ეახლნენ ქვრივსაც. მას ბევრი არ უფიქრია, თავისი საკუთარი შვილი გაატანა მეფის გამოგზავნილებს,

თუმცა, არავინ უნყოდა, რა ბედი ენეოდა მძევლებს უცხოეთში.

ქვრივმა გარდაცვლილი მეგობრისთვის მიცემული სიტყვა არ გატეხა და ბოლომდე უერთგულა მას. აი, ასეთია ჩემი ერი, ასეთი ზნე-ჩვეულება აქვს მას და ამიტომ ვუდგები თავდებად-მეთქი“.

გოლიათი გაჩუმდა. რემას ისეთი შთაბეჭდილება შეექმნა, უშველებელმა დარდმა თითქოს ბეჭებში მოხარა დევკაცი — დადუმებულს, გაუნძრევლად მყოფს, მკერდილა აუდიოდ-ჩაუდიოდა ძალუმად.

რემაც შეეპყრო უჩვეულო, ჯერარგანცდილ, საოცარ გრძობას. მერმე კვლავ ფრთხილად, თითქოს ქურდულად მიმოავლო ირგვლივ მზერა. გარშემო ხრამებს, ღარტაფებსა და უფსკრულებს დაეხინათ ხახა. ბივრილისფერი ცის გუმბათი თავზე დამხობოდათ და ისე ახლოს ჩანდა ცის თავანი, რომ საკმარისი იყო ხელი გაეშვირა და... მიწვდებოდა კიდევ მის მოსარკულ ზედაპირს — აქა-იქ იალკილით დაფარულს. ოლონდ ეს კია: მნათობები არსად ჩანდნენ და ველარ გაერკვია: საღამოს ბინდბუნდი იყო, რიბირაბო თუ... უმზეო დღე!

ჰაერი ისეთი მსუბუქი და გამჭვირვალე გახლდათ, გაჯერებული რაღაც ენით უთქმელი და აუხსნელი სურნელით, ისე თავისუფლად, ღრმად და შვებით სუნთქავდა — თითქოს უხორცო, უწონო არსებად ქცეულიყო, რომელმაც საკმარისია ხელები გაშალოს, რომ ცისიერში გაფრინდეს.

თავი გოლიათისკენ შეაბრუნა. იგი კვლავ გახევებულ-გარნინდებულ — მდუმარედ იჯდა. ამ გაშეშებულმა ფიგურამ შეახსენა წამით ატაცებულ-აფოფინებულ რემას, რომ უჩვეულო, საოცარ, თითქოს სიზმრისეულ ზმანებებსა თუ ხილვაში იმყოფებოდა. ან ეგება...

— ეჰ, ცოდო-ბრალმა გადანონა მაინც სასწორი — ცოდო-ბრალმა!

შეკრთა რემა. შებარბაცდა. ასე ეგონა, გოლიათი ღრმა ძილსა თუ საგონებელში იყო ჩაყვინთული და აღარც ახსოვდა რემას არსებობა. მისმა ხელახლა ამტყვევებამ გონს მოიყვანა, გამოაფხიზლა რემა — თუ ფხიზლობა ეთქმოდა მის ამჟამინდელ მდგომარეობას. ტვინი დაეძაბა, გონება მსწრაფლ ამუშავდა და ელვის სისწრაფით იწყო ყოველივეს აღნუსხვა და აღქმა, თითქოს ელექტრონათურები ინთებოდნენ და ხანაც ქრებოდნენ წამდაუნუმ მის თავში.

— ვხვდები რაღაცას, ამირან ბატონო, და ვერც ვხვდები... ნუთუ ისევ განმეორდა კუნძულელთა ამბავი?

— ახლოს მოიწი, ჩემო! ყური მომიგდე კარგად. ღვთის მოციქულის მიერ ნაბოძები წყალობის ანუ სიბრძნის ნიგნი გადავეცი მაშინ ჩვენს ტომებს შორის ყველაზე უფრო დანიანურებულ კოლხთა — იგივე იბერთა სამეფო სახლის ძე-თურებს. მას მერე ბევრმა წყალმა ჩაიარა...

კოლხ-იბერთა სამეფო სახლის დიდი დინო¹ კეთილად და გონივრულად უძღვებოდა ქვეყანას და ერს წყალობის ნიგნის და წინაპართა მიერ გადმოცემული წმინდა კირბისის, აიიას კუნძულიდან წამოღებული ეტრატების მეშვეობით, სადაც სხვა მრავალთა შორის უწმინდესი ანბანი იყო აღბეჭდილი — ის ასო-ნიშნები, რითაც ზიარებულთ შეედლოთ კოჭიმელს მისწვედნოდნენ, მეოთხე ცის სიმაღლიდან დაენახათ ბორჩხალა მზე... ეს ეტრატები ინახებოდა ვითარცა წმიდათაწმიდა განძი, კოლხთა ყველაზე დიდ და სათაყვანო ტაძარში, ქალღვთაება ნანას სამლოცველოში, რომელსაც უვლიდნენ ზანკოჩები — საგანგებო მცველნი სამლოცველოსი.

დრო მიდიოდა. კოლხეთი სულ უფრო და უფრო წინაურდებოდა. სოფლები და დაბები ხვავით და ბარაქით ივსებოდა. ერი კმაყოფილი იყო და ბედნიერი. მართლაც რომ ჰყვავდა ცხოვრება. ამ საყოველთაო კეთილდღეობას უმაღლიდნენ ღვთის ნიგნს და კირბისებში თავმოყრილ სიბრძნეს, თაობიდან თაობას რომ გადაეცემოდა უზენაესი ღვთაებისგან ზიარებული და ხელდასხმული ქურუმების წყალობით. და აი, ერთხელაც...

— ნუთუ კვლავ უკუღმა დატრიალდა ჩვენი ბედის ჩარხი? — შეჰბედა ანრიალბულ-აფორიაქებულმა, უკვე საქმეში ჩამხვდარმა რემამ წამიერად დადუმებულ გოლიათს.

— ოლონდაც... ოლონდაც... ჩვენვე დავატრიალეთ ეშმას მეცადინეობით და ხელშეწყობით!

— ვაი, ჩვენი ცოდვა, ვაი!

— უყურე, რემა! კარგად შეხედე ყველაფერს!

...იმ რაღაც უხილავმა ძალამ ისევ მოსწია, ახლოს მოუტანა მზერის არეში ის დაფა დროის ბრუნვისა, რომელზეც აღბეჭდილი იყო გარდასულ ამბავთა მდინარება, ვითარცა პალიმფსესტებშია ეს.

...წალკოტ ბაღნარში, ბექობზე დგას მარმარილოს ჰაეროვანი თაღედებით დამშვენებული ტაძარი — თუთარჩელას სხივებში თეთრ-მოვერცხლისფრად აელვარებული. ტაძრისკენ ამავე ბილიკს შესდგომიან თეთრსამოსიანი მახვამური ქალები და კაცები. მათ წინ მიუძღვით მთავარი ქურუმთ-ქურუმი, დიდი დია უფლისაგან ხელდასხული, გრძნეული მენცარი და ბრძენი მესიაკონი, ნათელმხილველი და ზიარებულთა შორის უპირველესი და გამორჩეული ასული აიეტისა.

რემას ჩუმი დვრინი — საამო გალობის ხმა ჩაესმა მლოცველთა. და აი, ერთბაშად, მოულოდნელი ანაზდეულობით გაიხსნა თითქოს ზეცის კარიბჭე და... უბოლოო, უსასრულო სილურჯე გადმოიღვარა

¹ საგვარეულო

ჩქერალეზად ცის გუმბათიდან. ამ ქათქათა ნათლის სხივებში იძირებოდა და ცურავდა ირგვლივ ყოველივე: ცაც და ხმელიც, მთაც და ზღვაც, თითოეული სულდგმული თუ უსულო სხეული და საგანი. თითქოს სამყაროს დიდმა დედამ იისფერი ფართო კალთა გადმოაფარა თავის ნაშიერთ: ურიცხვ ვარსკვლავთ, ოქროსფერ, ცხრათვალეზა მზეს და თერთროსან მთვარეს, ყოველ ციურ თუ მინიერ არსებათ.

– უყურე, რემა! როგორ უგალობს აიაიას მოდგმა ცის მეუფეს და მის ნაშობთ: დილა-ოდილას, დილის ციაგს-შავდილას, დილა ვორგილს და ჰარირას, ჰარალეს და რაშოვდას, რაევოს და ორერას, ლილეს და ჩხანა ბარჩხალას, ბარბალს და ბადრ მთვარეს და თუთარჩელას. შეხედე: ფაზისის შესასვლელ კარიბჭესთან დგას ქალ-ღვთაება ფასიანეს ქანდაკება. მის ფეხებთან წვანან ლომი და ვეფხვი. მას წინწილა უჭირავს ხელში. იგი მინის და ნაყოფიერების ღვთაებაა – დიდი გეა!..

ქალღვთაება მზე კი უშურველად აფრქვევს თავის სხივებს ქი-ანნას (ცას და მინას), თავის მხურვალეობით ანაყოფიერებს, სიცოცხლეს ანიჭებს სამზეოს ბინადართ. ბორჯღალა მზეა ამოტვიფრული კოლხ-იბერთა სალოცავებზე. ცის ასონიშნებით იწყება ანბანი მათი: ანი – ცაა, დონი – მზე.., ორიონი – მზის ამოსვლა და მისი შუქის მოახლოება – ერისიონი – ცისფერი, მთის თავს ზეითია, ციაგი, ცის-მშვილდი – ცის-არტყელაა, მზის ცა – კოჭიმელია, ღვთის კარი – ცის კარია, რიჟურაჟუა, რიბი-რაბოა, აისია, განთიადია, ალიონი – იალონია...

მზე დედა ჩემი, მთვარე მამა ჩემიო – შეჰლაღადებენ, ხვირა-ხვირა ვარსკვლავები და-ძმანია ჩემიო. დიდება მზესა და იმის მიმყოლ ანგელოზებსო! დიდება მზის ყველა ანგელოზსაო! – ილოცება დიდი და პატარა.

ბარჩხალა მზის ამოსვლას ერთად ეგებებიან მახვამურები – განწმენდილ-განსპეტაკებულნი მარხვითა და ლოცვა-ვედრებით. ბჟალარა-ბარბალი დაამწყალობებს თავის ძე-თურებს: კოლხ-იბერთა ნაშიერებს. გაუნათებს და გაუსინათლებს ცხოვრების გზა-სავალს.

– ღმერთო!.. რა თვალისმომჭრელი სილამაზეა! – გაბურსალეზული ბუტბუტებს თვისთვის რემა. ან ეგება თავის ნაჩუმათევ თუ ნაოცნებარ ფიქრებს თუ ზმანებას ეხმიანება უნებურად. ქუთუთოებზე ხელს იფარებს. ველარ უძლებს ამ საოცარ სანახაობას მისი თვალეზი.

– შეხედე, რემა!.. რა დღესასწაულია!.. რამოდენა კათას მოუყრია თავი ზეიმზე!.. რა მხიარულებაა, რა ცეკვა-თამაშია, რა სიმღერა-გალობაა!.. შეხე – რა სახეებია – ბედნიერი, ლალი, კმაყოფილი!.. ნეტარების ღიმილით გაცისკროვნებული!..

ამ მზეთამზე ასულსაც შეხედე! კარგად უმზირე!.. თითქოს თავად ბჟალარა განსხეულებულა, კოლხთა მეფის მშვენიერ, ნორჩ სხეულში!..

ვაგლას! უმზირე-მეთქი. ნახე, როგორ ჩუმად, მალულად, მიპარვით გამოაქვს წმინდა წიგნი ტაძრიდან, რომლის ქურუმთ-ქურუმი და მესიაკონი, თვითონ არის!..

...ლაქარდიანი ენით მოხიბლული და გაჩხიბული, საკუთარი ხელით აბარებს უწმინდეს განძს, თუმც ოდესღაც თვისტომელს – აიაიას ერთერთი შტოსის შთამომავალს, მაგრამ ან უკვე გაბერძნებულ პელაზგს, რომელიც კორინთოში, აიეტიანთა სამფლობელოში, ჰელიოსის მოდგმის სამკვიდროში ეპატიჟება მეფის ასულს, რათა მან – მისი დახმარებით, – დაიბრუნოს დაკარგული ტახტი და ამ გზით ისევ აღადგინოს პელაზგთა ღირსება და დიდება.

ნუ ფრთხის მედეა, ნუ შიშობს. იგი ხომ თავის მამაპაპეულ სამფლობელოში ბრუნდება, თვისტომთა მისაშველებლად, რამეთუ უწყის მეფის ბრძენმა და მესიაკონმა ასულმა, რომ იაზონის ძარღვებშიც მოედინება სისხლი ჰელიოსის მემკვიდრეთა. დიახ. ასე უნდა ირწმუნოს აიეტის ასულმა.

ასე უფრო ადვილია გაამართლო ლალატი მამულისადმი, დედ-მამის და და-ძმისადმი. ჰოი, სიყვარულის სახელით ნებისთ თუ უნებლიეთ ჩადენილო ბოროტებაც!.. რამდენგზის აუხვევ თვალებს და აუბნევ გზაკვალს მოდგმას კაცთა! ჰოი, მენცარო და მაზაკვალო! შენი წყალობით მთელმა ერმა უნდა იწვინოს ნაყოფი გადამთიელთა ვერაგობისა და ცბიერებისა!

– ვაი, ჩვენი ცოდვა, ვაი!

– აიაიას მოდგმის ნაშიერში ალბორგდა სისხლი მაყივნებელი, ბილნი და მრუში, რამაც ძირს დასცა კოლხთა დიდება და ძლიერება... განადგურების პირამდე მიიყვანა დედა უფლისგან ნაკურთხი სამეფო სახლი და თვით ერიც... მერმე, ვითომ სცადა მოლორებულმა — თვისი დანაშაულის გამოსყიდვა, მაგრამ... გვიანდა იყო ან სუყველაფერი, გვიანდა იყო თითზე კბენანი. წამხდარ საქმეს აღარა ეშველა რა! ეს თქვენც იცით უკვე... იცით თქმულებიდან...

– დიახ, ჩემო ბატონო. ეს ამბავი ისევ ბერძნებმა შემოინახეს...

– ჰო, ეგრეა!.. ოლონდ ესაა: განძი ანუ საიდუმლო სიბრძნის წიგნი. კირბისი – დაკარგა კოლხ-იბერთა მოდგმამ – ჯერჯერობით!

გარნა... ეგეც განგებისმიერია, ჩემო!.. აგრეც უნდა მომხდარიყო... კოლხთა მეფის ასული აირჩია განგებამ თავის ბედისწერისეულ განჩინებაში – ყველაზე ბრძენი, გრძნეული და ნათელმზილველი, რჩეული რჩეულთა შორის, დიდი ნანას ხელდასხმული!.. დიახ, კოლხ-იბერთა ანუ გეორგიანელთა სიბრძნე, უფლისგან ბოძებული – იგი უნდა განფენილიყო-მეთქი სხვადასხვა ტომთა შორის... განკაცების გზა უნდა გამოეგლოთ

სხვათაგან... სიბრძნე უფლისეული უნდა აეთვისებინა იმას, ვინც სხვებზე უკეთ შეიძლება მინიერ ყოფიერებაში აღზევებას, სხვათა ბალავრობას და... უფლის საღვთო სიტყვის უკეთ გაღვივებას – მერმისში!..

ხოლო ეს ყოველივე უნდა მომხდარიყო-მეთქი კოლხ-იბერთა დაცემის ხარჯზე... ოლონდ... ის მთავარი, დიდი წიგნი არ დაკარგულა!.. იმაზე თვით მედეასაც არ მიუწვდებოდა ხელი!.. იგი ჩვენი მთების ერთ-ერთ საიდუმლო გამოქვაბულში ინახება დღემდე!.. და თავის ჟამს ელოდება. მე კი...

...მე ამოველ აქ, ჩემის ნებით, პირობის თანახმად. ვიტვირთე ცოდვა-ბრალი ჩემი ერისა – დედაჩემის სამკვიდრო ქვეყნისა, რამეთუ... უკვდავთა სწორის, ღვთაება დალის პირმშოს, ღვთისგან ხელდებულს და თავადაც უკვდავს, ერის უხილავ და თანამდეგ სულს, პასუხი უნდა მეგო უზენაესისთვის ცოდვების გამო, რაც მზის საუფლისწულოში დაატრიალა თავისიანების მიმართ იმ გრძნეულმა ქალმა! და ... ბევრმა სხვათაგან!

– ვაი, ჩვენი ცოდვა! – დაიგმინა ისევე რემამ და შუბლზე შემოირტყა ხელი.

– მისმინე, რემა!.. ყური მომაპყარ... რაც დრო გადიოდა, სქელდებოდა და სქელდებოდა ეს ჯაჭვი, რამეთუ მატულობდა ცოდვა იქ, ქვემოთ, დედამინაზე, ჩემს ერში... მძიმდებოდა ცოდვა-ბრალი-მეთქი სულ უფრო და უფრო. და არა მარტოდენ ჩემი ერის!.. თითქოს მთელი კაცობრიობა შედგა ყალყზე. ქვეყნები, ხალხები, ტომები ეომებოდნენ ერთიმეორეს სამწუხაროდ და სავალალოდ, ეომებიან დღესაც ერთმანეთს – გაუთავებლად, დაუსრულებლად!.. აღარ იყო მშვიდობა დედამინაზე და კაცთა გულებში!.. მღვიმეებსა და გამოქვაბულებს მიაშურეს ბრძენთა-ბრძენებმა და წმინდანებმა.

მაღალი მთები იფარავდნენ და იცავდნენ მათ ველურთა და მომხვედურთაგან. უზენაესისგან ადრე მოვლენილმა წარღვანამ ქკუა ვერ ასწავლა, ველარ დააშოშმინა კაცთა მოდგმა...

დადგა სისხლის წვიმების დრო. სისხლის ზღვაში ცურავდნენ მთელი ხალხები, ქვეყნები. ილენებოდა ხმალ-აბჯრები, შუბები, ფარები... იღვრებოდა უსაზმნოდ სისხლი ბრალეულთა თუ უბრალოთა, ცოდვილთა თუ უცოდველთა, მართალთა თუ უსამართლოთა... აღარსად იყო შეწყალება და მიტევება... ბოროტს დაესადგურებინა კიდით კიდემდე!

მცირე ხანს თითქოს კეთილი იმარჯვებდა ბოროტებაზე, მაგრამ ერთობ უდღეური და უსუსური იყო ჟამი ესე და მაინც... რამდენი კეთილი საქმის შემომქმედი, დვრიტის დამდეგი, ბალავრის ჩამყრელი აღმოჩნდა ეს მცირე ჟამი მშვიდობისა. კაცობრიობისათვის! რამდენი ხუროთმოძღვარი, მელექსე და აღმაშენებელი იშვა ამ მოკლე ხანში.

გარნა... არ ცხრებოდა კვლავაც ბოროტების თესლი, ჩაბუდებული კაცთა გულებში, ახალ-ახალ ძალებს იკრებდა იგი შეტევისთვის და ჯიქურად ეტოტებოდა ყოველივე მშვენიერს, ამაღლებულს, ნათელს და დიადს. არ ცხრებოდა-მეთქი ბოროტი ეშმა, რათა თავისი უკეთური ნება და სურვილი თავს მოეხვია სხვადასხვა ტომისთვის: წაეკიდებინა, გადაემტერებინა ისინი ერთიმეორისთვის და თავად ეზეიმა გამარჯვება დამონებულთა ზედა!

სისხლის ნაკადულმა უნია ზესკნელს და... ისმინა უზენაესმა ვედრება და მუდარა ბრძენთა-ბრძენებისა, წმინდანთა და უცოდველთა და... სასოება და იმედი მოუვლინა ცოდვილ, სისხლში ჩამხრჩვალ კაცობრიობას, მოუვლინა გადამრჩენელი – მაცხოვარი – ძეი უფლისა და სიტყვა ღვთისა!

მოვიდა უფალი დიდი და იტვირთა კაცთა მოდგმის ცოდვები და თავისი წმინდა სისხლით გამოისყიდა შეცოდებანი ადამის ძეთა! და ცოდვით დამძიმებულ კაცობრიობას ამგვარი გზით მიეცა საშუალება ხსნისა და გადარჩენისა! – გოლიათმა თითქოს შეგუბებული სული ღრმად მოითქვა და თავისთვის ჩაიბუტბუტა მოგუდული ხმით – ო, მოდგმავ კაცთა, უღირსო და უმადურო! ვერ შეიფერებ შენ ხსნის და შველის გზას! კვლავაც ეშმაკს გაუხსნი სულის ბჭეებს!

გოლიათმა ზეცას ახედა მჭმუნვარე სახით. წამით თითქოს კრიჭაშეკრული, კრინტს არ ძრავდა. მერმე რალაც სინათლის შუქმა გადაურბინა სახეზე და პირველად შეუტოკა ღიმილმა მკაცრად მოკუმული ბაგე-პირი:

– ჩემს ცოდვილ და მაინც სულით მაღალ, განანამებ ერსაც ერგო გზა ხსნისა, რამეთუ მან თავად აირჩია მაცხოვრის გზა, ანუ ბოროტების სიკეთით ძლევის გზა; მასაც ამიერიდან უნდა მოჰფენოდა ღვთიური ნათელი იესო ქრისტესი!

და, აი... გამოჩნდა ის... განმანათლებელი, კაპადოკიელი ანუ ჩვენი-ჭან-მესხთა მოდგმის ასული! დიახ, სწორედ ჩვენი გვარ-ტომის! შეხედე: დედამ უფლისამ უბოძა მას ჯვარი ვაზისა, რამეთუ წმინდა ქალწულმა იტვირთა ცოდვანი კოლხ-იბერთა შთამომავლობისა, უწინარესად, თავისი შორეული წინაპარი ქალის – შეცოდებათა გამოსასყიდად. დედაკაცს ერგო წილად ყოფილიყო ერის განმანათლებელი, სწორედ დედაკაცს უნდა ეზიარებინა მთელი ერი – ნათელისთვის!

ჩვენი ქვეყანა ერთადერთია მთელს მსოფლიოში რემა, ქალწულმა თავისი თმით შეკრული ვაზის ჯვრით რომ მოაქცია ერი, რამეთუ... საქართველო ღვთისმშობლის წილხვედრია!

„არა არს რჩევაი მამაკაცისა, არცა დედაკაცისა, რამეთუ თქუენ ყოველნი ერთ ხართ ქრისტე იესოს მიერ“, „გიყვარდეს მოყვასი შენი, ვი-

თარცა საკუთარი თავით“.

დიდი ნანას და შემდგომ... მზის მოთაყვანე კოლხ-იბერიელთათვის თანხმდებოდნენ აჟღერდა ესე მოძღვრება, რამეთუ ჩვენი მოდგმის სულის-მიერ სწრაფვას გამოხატავდა იგი ზეალსავლისკენ...

ანდრია მოციქულის მატათას, და სვიმონ კანანელის მიერ ჩაყრილი კეთილ მარცვლებს ჟამი დაუდგა აღმოცენების.

„ნახვედ სიმხნით და უშიშრად უქადაგე ჭეშმარიტება... ამით ნიშთა სძლო ყოველთა მანქანებითა ეშმაკისათა და წარგემართოს ქადაგება შენი და თანაშემწე გეყო და არა დაგიტეო შენ“.

ჰოი, ღვთისმშობელო, შენი ძალი და მაღლი იფარავს ამ ნორჩ კაპადოკიელ ქართველ ქალწულს, უშიშრად რომ მიემართება ჩრდილოეთით, თავის მონათესაე ტომელებთან, სადაც ეგულება კვართი უფლისა, სადაც ელოდება მას სული უკვდავი, მარადიული და ...ბარძიმი უფლისა!

შეხედე: მოდის თითქოს უსუსური, უძლური ქალწული მარტოდმარტო, ტყესა და ღრეში, ასპიტა და იქედნეთა შორის, თოვლსა და წვიმაში და ფარად მარტო მზის ანუ ვაზის ჯვარი აქვს და მხურვალე სიყვარული ქრისტესადმი.

ეს ხატება სათნო ქალწულისა ვაზის ჯვრით ხელში, სამუდამოდ, სამუდამოდ ჩაიკირება ქართველი ერის მეხსიერებაში-მეთქი. იგი იქცევა წმინდათაწმინდა სიმბოლოდ თავად ქართველობისა, მისი არსებობის ნიშანსვეტად. ამიერიდან ეს ღვთაებრივი ხატება წარუძღვება წინ ერის ზესწრაფვას ამაღლებულისკენ, სინათლისკენ, ზეციური ციაგისკენ, ცათა სასუფევლისკენ, რამეთუ იგი, ეს ხატება გადაეჭდობა უბრწყინვალეს ხატებას ღვთისმშობლისას, რომლის სათნო სახე, უმანკო თვალების ქართული მზერა გახდება ზეშთაგონების უშრეტ, უღვეველ წყაროდ და სათავედ. და თუმც დიდი განსაცდელი ელის მას, ამ ხატებას მომავალში, თუმც... მაგრამ ამაზე შემდეგ...

მოდიოდა უშიში, ვითარცა ლომი, დედალი ორბი, ისწრაფოდა იქით-კენ, სადაც ეგულებოდა-მეთქი კვართი უფლისა და... ბარძიმი წმიდა, და... მცხეთის საუფლო – წმიდა ალაგი მომავალ საკვირველებათა, ხსნისა და გადარჩენის სამკვიდრებელი!..

გარნა ...არ ეძინა კვლავაც ეშმას, ძილფხიზლობდა სატანა. ჟამიდან ჟამით ეძგერებოდა იგი გაათკეცებული ძალით სიკეთეს, მშვენიერებას და... ამსხვრევდა და ღენავდა ირგვლივ ყოველივეს.

ხანდახან... დგებოდა ჟამი, როს ჯაჭვი ესე ჩემი წვრილდებოდა, მისი განყვეტა ადვილად შემეძლო კიდეც, მაგრამ... მოვალედ ვრაცხდი ჩემს თავს, კვლავაც ბოლომდე მეტვირთა ჩემი ერის ყოველი ცოდვა-ბრალი. სანამ არსებობდა თუნდაც ერთი უკეთური ერისკაცი, მანამდე მე ვერ

ვიგრძნობდი შვებას, ვერ მივეცემოდი ნეტარებას, სულიერ განცხრომას და სიამეს ზესკნელში, უზენაესის ზემთა საუფლოში.

დრო მიდიოდა. საუკუნეებს ცვლიდა საუკუნეები. ჟამით ჟამამდე გული ველარ ითმენდა და... ღვთის ნებართვით, ავინყვეტიდი ხოლმე ზოგჯერ თავს და...

მაშინ ჩასახლდებოდა ჩემი სული ერის ზნესრულ, მამაც და უშიშარ პიროვნებაში. და მე მათთვის ვიყავ ხან ფარნაოზი და ქუჯი ერისმთავარი, ხანაც ვახტანგ მეფე და გუმბაზი, დავით კურაპალატი და ბაგრატი. ხან წმინდა გიორგი და წმინდა გობრონი, ხან წმინდა ილარიონი და ძმები – დავით და კონსტანტინე, გრიგოლ ხანძთელი, გიორგი, ექვთიმე მთაწმინდელები, მიქელ მოდრეკილი და გიორგი მერჩულე, დავითი, თამარი, დიმიტრი, ცოტნე, გიორგი ბრწყინვალე, ქეთევანი... ხანაც სულმნათი რუსთაველი.

...სამწუხაროდ, კაცთა მოდგმას სწყურია სისხლი – ჟამით ჟამამდე! სწყურია ძალადობა და მსხვერპლი. სწყურია სიავე – სიკეთის წილ, სიბნელე – სინათლის წილ, ზვიადობა და ამპარტავნობა – სიმდაბლისა და კრძალულობის წილ, ზვაობა და სისასტიკე – სათნოებისა და სიმშვიდის წილ.

და... კვლავაც აღარ იყო მშვიდობა ქვეყანასა ზედა და კაცთა შორის სათნოება!

მე ჩემი ერის გამო, ვითარცა იერემიას, მოთქმა-გოდება მარგუნა არსთა გამრიგემ. შეხე! აიიას ნაშიერთ – რა მიუზლო ბედისწერამ! ვით დაილია და დაიშრიტა საცხოვრისი მისი! შეხედე!

რემა, როგორც ჯადოქმნილი, უდრტვინველად, მორჩილად ასრულებდა გოლიათის ნება-სურვილს.

ახლაც თვინიერად გადაიხედა.

– უმზირე კარგად!.. სისხლიან ნაჯახს თუ ხედავ?

– კი, ბატონო! ვხედავ!.. უზარმაზარი ნაჯახია!.. ოჰ, ღმერთო ჩემო...

– უყურე-მეთქი, გეგეს ყმავ! ნუ იფარებ თვალებზე ხელს. ხედავ? ის ნაჯახიანი ხელი ნაკუნ-ნაკუნ როგორ გლეჯს და აჭრის ქვეყანას მის ნაწილებს, ქვეყანას, ოდესღაც დიდი საქართველო რომ ერქვა – კოლხ-იბერთა სამკვიდროს!.. ხედავ? ერთი ციციქნალა დარჩა. ჩამოათალა სამხრეთი, ჩამოათალა აღმოსავლეთი. დასავლეთი. მოურღვია გარშემო ბჭენი! ვით ყასაბი საქონელს, ისე ათლის ნაჭრებს. ხედავ? ერთი ციციქნალა დარჩა. ერთი ფიორი. ერთი ქინცა...

– ვხედავ, ჩემო ბატონო, ვხედავ და ნეტამც აღარ ვხედავდე, აღარ უყურებდეს ყოველივე ამას ჩემი დასავსები თვალები! ვაი, ჩვენს მოსწრებას! ახავაი, ჩვენი ბრალი!.. ძლივსლა ფეთქავს დახლეჩილ-დაფლეთი-

ლი... ნითლად შედებილი... ძლივსლა! ნუთუ... ნუთუ აღარ არის ხსნა და საშველი?

– რემა! საშინელი ხვედრი ელოდება კვლავ ამ გულისხელა მიწის ნაფლეთს...

– კიდეც, ბატონო? ნუთუ კიდეც?.. აღარ გვეყო, საკმარისი არ არის, განა?

– ჯერ სადა ხარ, რემა!.. არნახული, არგაგონილი უბედურებანი დაატყდება თავს ამ სვეგამნარებულ ხალხს, ბედდამწვარ ქვეყანას!

– რატომ, ბატონო?.. რა დავაშავეთ ამისთანა?.. ნუთუ არ კმარა, რაც ვინწინეთ ათასგვარ მომხვედურთა და ურჯულოთა გამოისობით?

– რემა! უყურე დაკვირვებით. ვინ არის ეს კაცი? ხომ არ გეცნობა?

– ეტლიდან ნამოიძარათა: ილია ვარო!.. ოჰ, ოჰ, აღარ გაბედოთ!.. თქვე ნადირებო, გარეწრებო! არ ისროლოთ! გესმით, თქვე ნადირებო!..

ვაი... ისროლეს მაინც! ...იგრიალეს თოფებმა! ვაი, ჩვენს დღეს უბედურს – შუბლიდან სისხლი თქრიალით გადმოსდის, ახავაი!.. ჩვენი სათაყვანებელი ღმერთკაცი... ოჰ! მკვდარსაც არ ინდობენ – ძარცვავენ ეს სალახანები... ქალს... მანდილოსანსაც არ ეპუებიან, კონდახით სცემენ... ვაგლახ! ვაი ჩვენს თავს!

– გეცნო, რემა? ეგება... არ არიან ჩვენებურები?

– ვაგლახ. ჩვენებურებია ეს ღვთის გარეგანნი! ეს წყეულები... შეჩვენებულები!

– შეხედე, რემა, ამას ყოველივეს და... დაიხსომე ეს სახეები! — ...მიპარვით, ქურდულად რომ ჰკლავენ ღვთის შვილებს! კარგად დაიხსომე!.. ახლა ამათ ხომ ღვთის კაცი მოჰკლეს – ამათ მეც მესროლეს. ამათ ჩემი სიკვდილი სწადიათ!.. დაიხსომე ეს სახეები, რემა! შეხვდები შენ კიდეც იმათ!

– ვაგლახ! ნუთუ...

– ლალატის და სულმდაბლობის ფესვი არ ამოძირკვულა ჩვენში, ჩემო! პირიქით. უფრო ღვივდება და იზრდება ეს შხამიანი თესლი, ღვივდება და ეძებს... სადინარს. და იზოვის კიდეც. გაუგონარი ამბები დატრიალდება იქ, ქვემოთ, ამ ცის ქვეშ, ჩემო რემა! შეემზადე!.. ჩვენი სისხლი და ჯილაგიც დაიდებს წილს ამ არგაგონილ, არსმენილ ბოროტებაში.

– ღმერთო დიდებულო, მამა ზეციერო! რა უნდა იყოს იმაზე მეტი, რაც მოხდა?

– გაჩვენებდი, მაგრამ... არ მინდა წინასწარ დაგიკოდო გული. ისედაც ბევრი რამ ნახე, და განიცადე, შე საბრალოვ! გარნა... უნდა იცოდე: ეს შენი, ბედისწერაა! მომისმინე. ახლა უნდა გაჩვენო ის, თუ ვინ იყო შენი წინაპარი ათასწლეულების წინ.

– ჩემი?

– ჰო, შენი. აი, შეხედე!..

უხილავი დაფა სადღაც შორეთიდან კვლავ დაიძრა და ნელ-ნელა მოცურდა მისი თვალთახედვის არეში. გრაგნილივით, ერთიმეორის მიყოლებით ისევ ისე გადაიშალა მისი გაფართოებული მზერის წინაშე უცნაური, საოცარი სურათები...

– შეხედე, გეგეს ყმავე! ეს – იათნანაა. დღევანდელი-კვიპროსი! იყო ოდესღაც ასეთი ქვეყანა ეგეოსის ზღვის კუნძულზე. შეხედე მშვენიერ ამორძალებს – ამ საუცხოო ქვეყნის მკვიდრთ – რა უმონყალოდ, რა მხეცურად უსწორდებიან შემოსეული მტრები! ხედავ, როგორ უღმობელნი, სასტიკნი არიან მომხვედურები! დაჭრილთაც კი აღარ ინდობენ – ნაკუნ-ნაკუნ ფლეთენ, კეპავენ მათ სხეულთ გააფთრებულნი, სისხლმონყურებულნი! კაციჭამიათა გემი გაღვიძებულა იმათში, ვინც თავიანთ თავს სხვებზე, „ბარბაროსებზე“ მაღლა მდგომად მიიჩნევენ... ამ ჯაგარაშლილ ნადირთა ხროვაში თუ ამჩნევ ერთ ყმანვილ კაცს, ხორბლისფერკულულებიანს, პირთეთრას – უნდილად, უნადინოდ რომ იქნევს ხმალს? ნახე, როგორ თვალთმაქცობს, რა ეშმაკურად არიდებს თავს ამ უღვთო ჩეხვა-კუნვას? ჰე, ჰე, ჰე... აი, დაჭრილი – ბორძიკობს, ეცემა... და ვეღარ დგება ვითომ... ეგ შენი შორეული პელაზგი წინაპარია-მეთქი!...

აი, ისიც – მომხვედურთა მსხვერპლი – ნორჩი ამორძალი, საკუთარი სატევრით რომ იგმირავს გულს, ოღონდ მტერს ცოცხალი არ დანებდეს, და რომელსაც დასდგომია – ჭირისუფლად შენი წინაპარი – თავზარდაცემული! აი, იჩოქებს ანაზდეულად და შუბლზე ეამბორება თვალცრემლიანი ამ უბედურ გოგონას...

ჰო, ამგვარი ცრემლი მიწყვი ამშვენებდა ხოლმე ვაჟკაცს. ამგვარი ცრემლი წმინდა გულის ნაჟურია. იგი კამკამაა, წყაროს წყალივით, გარსმომდგარ შმორიან ჭაობში ნაკური წვეთებია ნაკურთხი წყლის! ხედავ: აპოლოს დიდებულ, თეთრ ტაძარს და თეთრსამოსიან ჭაბუკ ქურუმს, საყდრის თაღებქვეშ ლოცვად ხელაპყრობილს?.. იმ ზოცვა-ჟღერის შემდეგ, იათნანაზე რომ მოხდა, იმ სასაკლაოს შემდეგ ატროვებულმა ხვადაგებმა რომ გამართეს, იგი გაეცალა მათ და სინათლის ღვთაებას შეუდგა... თუმცა, ვხედავ. ენა ჩაგვარდნია, სარგადაყლაპულივით გაშეშებულხარ – გაოგნებული! მესმის. მესმის შენი. რაღა თქმა უნდა, დაუჯერებლად, ზღაპრულად გესახება ყოველივე ის, რასაც შენ ახლა უყურებ. გარნა... ასე იყო, ჩემო! ყოველივე ეგრე გახლდათ... და უპოვარის მოქომაგე, სინათლისა და მშვენიერების მეტრფე და მოთაყვანე – გაცოცხლდა წმ. გიორგის მსახურთა მემკვიდრეში.

ის ქურუმი კი, დროთა ვითარებაში, დაიმკვიდრებს ბრძენთა-ბრძენის

სახელს არა მარტო თვის თანატომელთა შორის, არამედ შორს, საზღვრებს მიღმა, სხვადასხვა ქვეყნებში განითქმება სახელი მისი. მრავალ ქვეყანას მოივლის იგი და თანაბრად ძვირფასი და პატივდებული იქნება მისთვის სხვადასხვა გვარტომის სიბრძნის საუნჯე, რამეთუ თავადაც დაიუნჯებს ყოველივე იმ სიკეთეს, რაიც მაშრიყთ მალრიბამდე, ჩრდილოეთით სამხრეთამდე, ხმელზე მოფენილ ტაძრებსა თუ სამლოცველოებში დავანებულიყო და რასაც ზიარებულთა და ხელდასხმულთა რჩეული საძმო ფლობდა მითაჟამიდან. ზეციურ სფეროებს მისწვდება გონების მზერა მისი, გარნა რჩეულთა ხვედრს ვერც ის გაექცევა...

დასაბამიდან მოაქჟამამდე ნიადაგ ზეცისკენ, მალლა ახედებდნენ მინის შვილთ, ნიადაგ კაცთა მოდგმის ერთობის და მშვიდობისკენ მოუწოდებდნენ, გარნა... ამაოდ. ამაოდ რეკს დღესაქამომდე ზეციური ზარი სულიერი მშვიდობისა. ყრუა და ჩლუნგი ცოდვის შვილთა ყურთასმენა მის აღსაქმელად.

რამეთუ შურს, სიძულვილს, მტრობას, სიხარბეს, ბოროტებას დაუსადგურებია კაცთა მოდგმაში.

შეხედე: სისხლმონყურებულმა, ანუ გავეშებულმა ბრბომ, ჯვარს აცვა ის, ძე ღვთისა, ვისთვისაც ეგზომ მახლობელი გახლდათ ყოველი სულდგმული, გარეშენი თუ შინაურნი, ნათლით მოსილნი და უნათლონი, განკაცებულნი და ჯერაც ტყიურნი, ლატაკნი და მდიდარნი, უჩინონი და ჩინებულნი, ვისთვისაც დიაცი და მამაცი – ერთ ტვიფარს ატარებდა ზესთაზენურს – სიყვარულს — დაუსაბამოს, უსაზღვროს, უბოლოოს — კაცთა მოდგმის მიმართ!

აჰა, დამთავრდა ესე სახილველიც! ისევ ისე დაიგრაგნა ეტრავი ათასწლეული, რამეთუ ბედისწერის ბორბალი კოსმიურ ციურ ციკლში ტრიალდება და ზეცაში არის ტვიფარდადებული.

ამსოფლიური ცხოვრების მდინარება უწყვეტია, ერთს ენაცვლება მეორე, მეორეს მესამე და ასე შემდეგ, სანამ კვლავ არ დაუბრუნდება თავდაპირველ კოსმიურ საზრისს სამყაროს უსასრულობაში, არ დაუბრუნდება პირვანდელ საწყისს ამ მინიერი არსებობისა, ანუ რინასი, ვინაიდან წარუვალა, მარადიულია მხოლოდ შინაგანი არსი მისი ანუ სიყვარული, გარნა ის, რაიც ძველ ზიარებულთა და ხელდასხმულთათვის ესოდენ ნაცნობი და სისხლხორცეული იყო იმთავითვე – მიუწვდომელი, გაუგებარი და შეუმეცნებელი რჩება გონებით მწირთა და დუხჭირთა, გულით და თვალთ ბრმათათვის მინყივ — დასაბამიდან დღემდე!

ხანგრძლივი პაუზის შემდეგ ისევ ამეტყველდა გოლიათი:

– მისმინე, რემა ჩემო! ამჯერად სიტყვიერადლა გამცნობ ზოგ რამეს, რაც უნდა მოხდეს ახლო მომავალში, რაის თვითმხილველი და თანდამ-

სწრე იქნები შენ თავად. სულ მოკლე ხანში ჩვენი ქვეყნის სვეუბედური არსებანი მინასთან მოასწორებენ მამა-პაპათა სალოცავებს, საფლავებიდან ამოთხრიან წმინდანთა ნეშტებს და ძალღებს გადაუგდებენ საჯიჯგნად. მოკლავენ თვის სულიერ მამას — კათალიკოს-პატრიარქს, დახოცავენ მღვდლებს! დაანგრევენ და დაამხოვენ ღვთის სახლებს, ცეცხლსა და წყალს მისცემენ საღვთო ნიგნებს, ხატებს ტყვიებით დაცხრილავენ, მონამეთა ნაწილებს ძალღებს გადაუგდებენ, სისხლიან კალოს გაუმართავენ საკუთარი ერის შვილებს... დამკვეთთა და დამპყრობთა გულის გასახარად! საშინელი, საზარელი ჟამი დაუდგება მცხოვრებთ ამ პატარა მინის მტკაველზე, მინისა, ოდესღაც კოლხ-იბერთა სამკვიდრებელი რომ იყო. ოდესღაც საქართველო რომ ერქვა და არა მარტო მათ დაატყდებათ თავზე უბედურებანი...

– ნუთუ... ჩემი ხალხი ჩაიდენს ამ ბოროტებათ? ნუთუ აღარ იკმარებს უზარმაზარ ცოდვას – ილიას დაქცეულ, წმინდა სისხლს? ნუთუ... თავად იქნება თავისი თავის მტარვალი?

– თავად იქნება. გახდება. გახდიან: ზოგს ნებსით, ზოგს იძულებით, ხელის უფლების ანუ ძალის უფლების მეშვეობით! აიძულებენ, შეაფურთხონ და შეაგინონ სინმინდეები, ყელი გამოსჭრან საკუთარ დედას, ღვიძლ შვილებს... ზოგი ნებაყოფლობით იკისრებს-მეთქი ჯალათობას, ზოგიც სიმხადლით და „გარემოებათა გამოისობით“ დაიდებს წილს თავის ქვეყნის დაქცევასა და გაუბედურებაში. ზოგი უმეცრებით და სიბნელით, ზოგი შურით – მოდგმითი მოდგმით გადმოცემული ამ ქვენა გრძნობით – ანგარიშს გაუსწორებს თანამოდმეს თვისას, რამეთუ შური არს სათავე ყოველგვარი ბოროტებისა. შურის გამო მოიკლა ის დიდი კაციც... განადგურება სულიერად და სხეულითაც ქვეყანა ესე, საქართველოდ სახელდებული. და არა მხოლოდ საქართველო – მსოფლიოს ხალხები იცურავებენ სისხლში!..

– ვაიმე, რათა? რისთვის? – დაიგმინა რემამ და სასოწარკვეთილი ჩაიკეცა მინაზე.

ამირანი: – შეხედე, რემა ჩემო, წარსულის ამ დაფას, ახლოს მოტანილს უსასრულო სივრცის თვალჩაუნვდენი სიღრმეებიდან. შეხედე: თუ ცნობ ამ სახეს?

რემა: ვერა, ვერ ვიგონებ, თუმცა... როგორ არა, მომაგონდა. ჩემი თანასოფლეელი მგონი. ვიცნობ, სალმით ვიცნობ.

ამირანი: ჰოდა, ამ კაცმა გააქეზა ე.წ. ნითელრაზმელები, რომ გადაეწვათ შენი კარ-მიდამო. შეეშალათ და შეცდომით გადაბუგეს შენი მეზობლის და მოგვარის, ნიკო გეგეჭკორის სახლი.

რემა: რისთვის, ჩემო ბატონო, რა დამიშავებია ამ კაცისთვის?..

ამირანი: არაფერი, ჩემო რემა, არაფერი დაგიშავებია. გარნა შურმა აღძრა იგი ბოროტების საქნელად.

რემა: შურმა?.. საიდან, სადაო? ამ შორეულ კაცს რა უნდა შეშურებოდა ჩემი? რა მქონდა საზიარო?

ამირანი: არც რა. მაგრამ შურმა არ იცის ახლობლობა თუ შორელობა, არც მანძილი და საზღვარ-მიჯნა... ამას შენი სახელი შურდა, შურდა შენი სიმღერა და წარმოიდგინე, შენი გარეგნობაც! შურდა, შენი განსწავლულობა და რაც მთავარია, შენი კაცობა, რაიც ყოველი სულით მდაბიოსთვის, და არაკაცისთვის დიდი ნუხილის მიზეზია ხოლმე.

რემა: საიდან ამდენი სიგლახე და სიავე იმ ერის შვილებში, შენ რომ თავდებად დაუდექი, ჩემო ბატონო?

ამირანი: ო, ო, დასაბამიერია კაცთა მოდგმის ცოდვები-მეთქი, ეს შენც კარგად უნცი, რემა ჩემო, ხოლო... ჩვენი თვისტომისათვის უკვალოდ არ ჩაუვლია წარსულ საუკუნეთა სისხლიან სრბოლას... უძღურების სიმწარემ, ნეკა თითის განუწყვეტელმა კბენამ, ვერ მორევის ბოლმამ, ამდენმა წაჭრილმა თავებმა, დაქცეულმა ზღვა სისხლმა უმანკოთა და უდანაშაულოთა, მტარვალთა გაუთავებელმა ბოროტებამ, ხმლის ამდენმა ქნევამ – თავისი ბნელი საქმე ქმნა, რემა ჩემო! ერის სულში დაილექა სისასტიკე, ძარღვებში ჩაგუბდა და ჩაჭაობდა თხრამლი და ბალღამი, ერთმანეთში აირია, აითქვიფა და გასასვლელს ძებნა დაუნყო და... ო, დიდი ცოდვის კითხვა დატრიალდება, დიდი ცოდვის!.. და არა მარტო ჩვენში-მეთქი – საყოველთაოდ იზეიმებს ბოროტი სული, ბელზებელი, სატანა... და არა მარტოოდენ აქ-მეთქი! ბევრგან ქვეყნიერების კიდით-კიდემდე — დაიღვრება კოკებით სისხლი ადამიანთა და განა ერთგვის!.. სისხლის ნიაღვარი, სისხლის მერეხი ნალექავს ქვეყნებს, ხალხებს. ჩვენი ჯიშიც და ჯილაგიც დაიდებს-მეთქი ნილს, სამწუხაროდ, ამ სისხლის-ღვრაში! ეგებ... უნებურადაც! იქნება მცირე... ხანმოკლე გამონათებაც... ნიჭიერებისა! — ჩვენი მოდგმისათვის!

მდულარე ცრემლი გადმოსკდა რემას თვალთაგან. კვლავ მიწაზე დაემხო გულამომჯდარი.

ამირანი: ახლა ხომ ხვდები, გეგეს ყმავე, ჩემი გმინვისა და ნუხილის მიზეზს?... აი, რამ ამოგიყვანა შენც აქ, ამ მწვერვალზე. აი, რა გენეოდა შენ აქეთკენ! გარნა... ამით არ მთავრდება შენი გზა-სავალი...

რემა: არ მინდა, ჩემო ბატონო, ასეთი სიცოცხლე... ნამდვილად არ მსურს ვიცოცხლო. მინდა აქვე მოკვდე, აქ დავლიო სული და აღარ ვიხილო ჩემი ქვეყნის უარესი გავერანება.

ამირანი: არ ეგების ეგრე, რემა ჩემო! ეგრე არ უწირავს შენთვის – განგებას. შენ იქ, ქვემოთ მოგიწევს ყოფნა დიდხანს. შენ შენი თვალით

იხილავ ყოველივეს, გარნა... უფლის ნებით თმის ბენვი არ ჩამოგვარდება თავიდან. თავად უჩინარი და უხილავი, აღნუსხავ შენი გონების დაფაზე ყველაფერ იმას, რასაც იხილავს შენი მზერა და მოისმენს შენი ყური.

რემა: რისთვის, ვისთვისაა საჭირო ყოველივე ეს, ჩემო ბატონო?

ამირანი: შენ ახლა გაგიჭირდება ჩანვდე განგების ნებას-მეთქი, რემა ჩემო, გარნა... ჟამი მოვალს და მაშინ...

რემა: ჟამი მოვალს?

ამირანი: ჟამი მოვალს-მეთქი, რემა ჩემო, ჟამი რისხვისა და წყალობისა, ჟამი დაცემისა და აღდგინებისა, ჟამი ღირსთა და უღირსთა განკითხვისა, ჟამი განწმენდისა და აღორძინებისა, ჟამი მიღმიერი და ამქვეყნიური თანაწყობისა, ჟამი სამყაროსეული, კოსმიური წონასწორობისა, ჟამი თავგანწირვისა და თავდადებისა! ჟამი მაცხოვრის მეორედ მოსვლისა!

ჟამი...

ჟამი ირეკს!

იფიზღენითო, განიწმინდენითო. განუმზადენითო სული თქვენი და გული თქვენი უფალს. წრფელი და წმინდა ზრახვით იყვენით და შეიყვარენითო ურთიერთი და ისე შეეგებენითო უფლის მობრძანებას. უწყოდეთ, რამეთუ ღმერთი – სიყვარულ არსო! ამიტომაც შეიყვარენით ერთმანეთი და... გადარჩებითო!

ჩვენი ქვეყანაც ანუ საუფლისწულო ღვთისმშობლისა – გადარჩებაო, უფლის მადლით გაბრწყინდებაო! რამეთუ... ამა ენასა შინა დამარხულ არსო საიდუმლოებაი ქვეყნიერებისო, რამეთუ... ლაზარე უნდა აღსდგესო!

... დუმილი ჩამოვარდა. სამარისებური დუმილი. აღარ ქუხდა გოლიათის ჟღრიალა ხმა. აღარ სცვიოდა გრდემლს ნაჭედი სიტყვის ნატეხები. აღარ რეკდა ზარი სამრეკლოსა.

რამდენ ხანს გასტანა სიჩუმემ, აღარ ახსოვს რემას. გონს რომ მოეგო, იგივე ცარგვალი დამხობოდა თავზე – უვარსკვლავებო, კაშკაშა, ნათელი. ველარ გაარკვევდი ოლონდ: სალამოს ბინდბუნდი იყო, რიბირაბო თუ... უმზეო დღე!

თავადაც ისევ ისევ იმ ალაგას იდგა მთის მწვერვალზე, ოლონდაც... არც გოლიათი ჩანდა სადმე და არც გამოქვაბული. იისფერი ნისლით თუ ღრუბელთა ფიფქინა ქულეებით ამოვსებულიყო უსასრულო, უნაპირო სივრცე, გარს რომ შემორტყმოდა იდუმალი, ჩუმი და მთრთოლვარე გარინდებით.

დუმდა ლოდინით დამუხტული უსაზღვრო ირგვლივეთი.


დუმდა და...

ელოდა – ნანატრ ჟამს!

P.S. ნუთუ... ეზმანა ეს ყოველივე რემას? ნუთუ მოლანდება იყო – გულის უშორეს კუნჭულებში გადამალული? და რომელმაც, მისდაუნებურადვე, თავი აინყვიტა და... გამომზეურდა? ვინ იცის...

1998 წ.

**სიყვარული სიკვდილის შემდეგ
ანუ: „შენი რაშები ჭიხვინებენ,
აქილევს!“**



„რამეთუ ძლიერ არს ვითარცა სიკვდილი სიყვარული,
ფრთე მისი ფრთე ცეცხლისა.“
შუმერული „ქებათა-ქება“

მოქმედი პირნი:

წამყვანი ქალი

ცისია – იგივე პენტესილეა – ამორძალთა დედოფალი

მზეონა – ცისიას გამზრდელი დეიდა

კასანდრა – ტროას მეფის, პრიამოსის ასული

პარისი – ტროას უფლისწული

ელენე – მისი მეუღლე

აქილეუსი – მირმიდონელთა უფლისწული

ბრისევსი – აქილეუსის საყვარელი

ავთომედონტი, მერინოე, ალკინევსი, ოთომესი – აქილეუსის მეგობრები

ოდისევსი

აიანტი

ამორძალთა ასისტავები

თერსიტე

წამყვანი ქალი: – აგერ უკვე ათი წელია ოქრომრავალი, სახელგანთქმული ილიონი თავს მედგრად იცავს დანაეღთა შემოტევისგან. ურიცხვი ჯარი გარს შემორტყმია ციხე-ქალაქს, ათი წელია უკვე მძვინვარებს ეს არნახული, სასტიკი ომი, ბევრი ვაჟკაცის სიცოცხლე რომ შეიწირა ორივე მხრიდან. დაუნდობელი ომის საბაბად ქცეულა სპარტის მეფის მენელაოსის ცოლის, მშვენიერი ელენეს მოტაცება ტროის უფლისწულის – პარისის მიერ! დიახ, საბაბად იქცა-მეთქი, რადგან მძლავრს და დიდად მზვაობარს სხვათა ქვეყნის დასაპყრობად მიზეზ-საბაბი არ დაეღევა! ათი წელია ტროას ერი, რიცხვით მცირე, უმკლავდება ჯარს არგიველთა, ასიათასზე მეტს რომ მოითვლის. პატარა ტროა ქედს არ იხრის, თუმცა ნელ-ნელა იშრიტება და იფიტება მისი ძალები. შიმშილის ზღვარზე მისულნი და ქანცგანყვეტილნი, მაინც გამირულად იბრძვიან და არ ნებდებიან თავგასულ მომხდურთ, სიმართლისათვის მებრძოლთა ნილაბს რომ ატარებენ ურცხვად, უტიფრად:

რაკილა ძალით ვერ ერევა, მტერი ცდილობს მზაკვრობით, ხერხით, გადაიბიროს ილიონელი წარჩინებულნი, ჩამოაგდოს უნდობლობა ციხე-

ქალაქის დამცველთა შორის და ამით ურჩი ერის მტკიცე ნება დაასუსტოს, რომ ბოლოს მაინც აისრულოს გულისწადილი – გაანადგუროს სახელოვანი ილიონი, მოსპოს ამაყი ტროელების სახსენებელი, რამეთუ ტროა ზღვისპირეთის უძლიერესი კარიბჭეა, მისი კლიტა. ამდენად მისი დაუფლება გზას უხსნის ბერძენთა ტომებს მცირე აზიის, პონტოს ქვეყნებისა და კოლხეთის დასაპყრობად! მათი ურიცხვი განძის ხელში ჩაგდება კი ახალ-ახალი დიდი ომების საწინდარია.

უნყის ყველამ, მშვენიერად უნყის, ბედისწერის განჩინებას ვერვინ ნაუვა, ვერვინ დაიხსნის თავს მსჯავრისაგან ნერა-მწერალის: განწირული – განიწრება, გადასარჩენი – გადარჩება და მაინც... არც ერთი მხარე არ ყრის იარაღს: ბრძოლა ბოლომდე, გამარჯვებამდე – ასეთია მათი სურვილი და მოწოდება.

აი, ციხე-ქალაქი ილიონიც-სარბიელი ვნებათა ლელვის, სათამაშო თეატრონი მსახიობელთა, კაცთა მოდგმას რომ ეძახიან: მოვლენ და ნავლენ საუკუნენი, მარადისობის მდინარე კი ისევე ისე მიედინება, ხოლო ამაო მიზნებს და ზრახვებს მიწისშვილთა – ბოლო არ უჩანს.

მაშ, მოდით კაცნო, მივუგდოთ ყური გულისცემას გარდასულ დროთა! ხსოვნის ფსკერიდან, ათასწლეულთა მიღმიეთიდან გამოვიხმოთ უტყვენი აჩრდილნი ჟამთა სრბოლისა, მოვუხმოთ ლანდებს წარმავალ ხანის-ეგზომ მშფოთვარეთ და აღბორგებულთ! და შენც ჩამოჰკარ, მეის-ტორიევ, ზარი ხმიანი, ჩაჰბერე სული ფერფლადქცეულ უხანო სხეულთ, ოდესღაც მძლავრად, ძალუმად მფეთქავ და აღტკინებულთ უზომო ნდომით და წყურვილითა.

ვინყოთ თამაში, როკვა და მღერა, ვითარცა შვენის ეს კაცთა მოდგმის მსახიობელთ, ბედისწერისგან დალდასმულთ და დრო-ჟამის მსახურთ.

ჩამოჰკარ ზარი, მემატიანევ, აღმწერელო ჟამთა სიავის თუ ბედკეთილობის, სიყვარულის თუ სიძულვილის აღმწუსხველო, მოუსყიდველო თვალო ფხიზელო!

ჩამოჰკარ ზარი!

მოქმედა ა

სცენა პირველი

(კარავში თავს იყრიან ამორძალთა ასისტავები. ისინი ჯგუფ-ჯგუფად დგანან და საუბრობენ ერთმანეთში)

– ნუთუ ცისია დედოფალმა გადაიფიქრა? უკან გვაბრუნებს?

– არა მგონია. აკი გადაწყდა აქ დარჩენა? ბრძოლა ბოლომდე!

– დებო, ეგების მართლაც ფუჭია და უსარგებლო ჩვენი აქ ყოფნა? ეგების მართლა დამარცხება უნერია ბედკრულ ტროას? და თავგანწირვა ჩვენი ამაოა?

– ეჰ, რა დროს დაიღუპა გმირი ჰექტორი!...

– აი, დასტურ — ვის ეწვოდა გული თავის ერისთვის! დანარჩენები — შარახვეტია უფლისწულები იბრძვიან მხოლოდ ტახტისათვის!

– საკუთარ მამას მის ზურგს უკან საფლავს უთხრიან... ზოგი პარისის მხარეს იჭერს, ზოგიც — მისი ძმის — ჰელენიოსის...

– მთელი ტროა ბანაკებად დაიყო აკი!

– მერედა, ამის დროა ახლა? როცა გარშემო ურიცხვი მტერი მოჯარულა და წალეკით იმუქრებიან!

– ეჰ, რას გაიგებ, ჩემო დაია! — სასახლეში ვინ რა ქსელს ხლართავს! ჩვენი ვალია — პირნათელი ვიყოთ დიდი ნანას წინაშე. მედგრად ვეომოთ პელაზგთა მოდგმის მოძულე მომხვედურთ. სხვა დანარჩენი — თვითონ იციან!

– ოჰ, ის წყეული აქილევის! ის რომ არა, აქამდე კუდიტ ვასროლინებდით ქვას მაგ ბაქია დანაელებს!

– რად, რად არ გაუნყალდა იგი მუცელში ქალღმერთ თეტიდას! ჩვენდა

– თუმც ქალღმერთის ნაშიერია, — უფრო ნადირს ჰგავს, სისხლმწყურვალეს — გულბოროტობით, სისასტიკით ტოლი რომ არ ჰყავს!

– არც მთლად ასე უნდა იყოს, როგორც შენ ამბობ, ჩემო დაია! აკი ხელმწიფე პრიამოსი შეინყალა, გამოატანა გვამი ჰექტორის! რაც უნდა იყოს, ბრძენი ქიტონის გამოზრდილია!

– გულჩვილობა ზოგჯერ მხეცსაც სჩვევია ხოლმე!

– ვინ იცის, იქნებ პელაზგურმა სისხლმაც უყივლა — პატივი სცა მოხუც ხელმწიფეს!

– კარგი ერთი, თუ ღმერთი გნამს! აქილევისი რა პელაზგია! დანაელებს მოკავშირედ დასდგომია და ლამის არის, მათი გულისთვის, ამოჟუჟოს მთელი ტროა დედანწულიან!

– იცით, ამბობენ, მეტისმეტად მიმზიდველი ვაჟკაციაო — საუცხოო, თვალტანადი. ქალები თურმე ჭკუას კარგავენ, ისე მოსწონთ მირმიდონელთა უფლისწული, თავადაც დიაცთ მოყვარული ბრძანდება თურმე ის ვაჟბატონი!

– ეგ ჩვეულია მონა-ქალების გულის დაპყრობას, მათთან ღლაბუცს და დროსტარებას, ხოლო გულს ეგრე ადვილად ვერ მოიგებს თუნდ ამორძალის!

– ჰო, მართლა, ჩვენი კიკნა რომ არა ჩანს, სად დაიკარგა?

– მისი ამბავი მოგეხსენებათ... უსათუოდ ხიფათს რასმეს გადაეყარა...

– აი, ისიც!

(შემოდის კიკნა) — ბჭობა ხომ არ დანყებულა, გოგოებო?

– ჯერ არა. დედოფლები სასახლეში ბრძანდებიან. ველოდებით. ეს-ესაა უნდა გამოჩნდნენ. ასე რატომ დაიგვიანე?

– აქეთკენ რომ მოვდიოდი, ილიონელი მეციხოვნე აგრენტია გადამელობა...

– რაო, რაო, რა მინდაო მაგ ბედოვლათმა? რა კოშკები აგიშენა?

– რას მეტყოდა? ერთს და იმავეს იმეორებს შერეკილივით. ჩემმა გულმა მხოლოდ შენლა ამოგირჩია და უშენოდ ველარ გავძლებ, ცოლად უნდა გამომყვეო.

– მერე? მერე? (ამორძალები გარს შემოეხვივნენ კიკნას. კიკნა იცინის)

– რა მერე?.. ვეუბნები, ვით ვერ გაიგე, ამორძალები თავად ვირჩევთ მამაკაცებს-თქო, როცა ჟამი დაგვიდგება! ხოლო ტროაში ცოლქმრობანას სათამაშოდ არ ჩამოვსულვართ, არც დროის სატარებლად... მომხვედურებს ვებრძვით, ვით შეგვიძლია. სიყვარულისთვის არ გვცალიან-თქო.

– მერე რაო? დაგიჯერა? ჩამოგეცალა?

– თქვენც არ მომიკვდეთ! უფრო და უფრო ქადაგად იქცა... გაილესა ენა ფხიანი! რომ ვერ შევასმინე ვერაფერი და თანაც ხელიც რომ წამატანა...

– რატომ გაჩუმდი? დაამთავრე...

– არაფერი. ჩვენებური კვანტი გამოვსდე ერთი ისეთი... მგონი, ჯერაც ველარ ამდგარა... (ამორძალები ტკარცალებენ).

– უფ, ჩემო კიკნა, შენ გენაცვალე!.. მამ რა ეგონა?.. როგორ გაბედა?

– ნეტავი, ამათ ვინ ვგონივართ?.. რით ვერ შეიგნეს, ამორძალები ჩვეულებრივი დიაცები რომ არა ვართ? რომ ჩვენი ნება თუ არ იქნა, ხელს ვერავინ ვერ დაგვაკარებს, ვინც უნდა იყოს, თუნდ ღვთისშვილი ბრძანდებოდეს! ხოლო ჩვენი შეშინება და მით უმეტეს მორევა აბა, ვის ძალუძს ძე-ხორციელს დედამინაზე! ჩვენ ხომ ისეთ ფანდებსა და ხრიკებს ვფლობთ დაბადებითვე, ამ მკვებარა, ყოყლოჩინა მამლაყინებს სიზმრადაც რომ არ მოელანდებათ, თუმც პელაზგთა მოდგმისანი ბრძანდებიან!

– ისე, გული ხომ არ დაგწყდა, ჩემო კიკნა? ჰა? გამოტყდი!.. აკი ბაიაც ამგვარადვე ჭიკჭიკებდა, ბაქიბუქობდა თავდაპირველად, მაგრამ ბოლოს მაინც გვიგანა, იმ ვირგლაზე გაგვცვალა და დაგვემშვიდობა!

– ჩუმად! დედოფლები მობრძანდებიან!

(კარავში შემოდიან ცისია და მზეონა, დამხვედურები და მოსულები თავდახრით ესალმებიან ერთმანეთს).

დედოფალი ცისია: – მგონი ყველანი აქა ბრძანდებით. მამ, ნუღარ ვყოვნით. დასხედით, დებო. ბჭობას შევუდგეთ იმ საქმის გამო, რისთვისაც მოგინვიეთ ასე სასწრაფოდ! (ყველანი სხდებიან მათთვის განკუთვნილ სავარძლებში).

დედოფალი ცისია: – ჩემო მამაცო ამორძალეხო, ჩემო დობილნო! თქვენ ყველამ უნყოთ, დეიდაჩემი, დედოფალი, ჩემს შესაცვლელად რომ ჩამობრძანდა იათნანიდან. თან ჩამოჰყვა მეომრები. სურვილისამებრ, ასისტავებიც უნდა წასულიყვნენ, მაგრამ... ვითარცა მე, ასევე თქვენც, არ ინდომეთ შინ დაბრუნება, ფოთოლას გარდა, დედა მძიმე ავად რომ გახდომია.

დედოფალი მზეონა: – ჩემო ძვირფასნო და საყვარელნო, ჩემო შვილებო, იმედი კიდევ არ დამიკარგავს, გადაიფიქროს ეგებ ჩემმა დის-ნულმა და იათნანაში დაბრუნება მოისურვოს, სადაც იგი საჭიროა, ვითარცა ქვეყნის გამგებელი, სადაც დედოფალს მოელიან მოუთმენლად. ვგონებ, კმარა ის ორი წელი, შემწედ, ქომაგად რომ დაუდგა ილიონელებს.

დედოფალი ცისია: – ჩემო დეიდავ, საყვარელო ჩემო გამზრდელი! მე მგონი, უკვე გადავწყვიტეთ ეს საქმე გუშინ და დღეს შევყრილვართ სხვა რამ მიზეზით, სულ სხვა რამე გვაქვს საბაასო და საბჭობელი. ამიტომაც სუყველას გთხოვთ ყურადღებას, რომ გულისყურით მოისმინოთ, რასაც გაუწყებთ! (ყველანი კვერს უკრავენ, მზადა ვართ მოგისმინოთ).

დედოფალი ცისია: – მოგეხსენებათ, ჩემო კეთილნო თანამებრძოლნო, რომ უდიდესი საფრთხის წინაშე დგას ილიონი, ბანაკებად დაშლილი და დაქსაქსული! ჩემი მეგობრის და ძმობილის ჰექტორის წასვლამ ამა ქვეყნიდან, ჩანს, თავგზა აუბნია ილიონელებს და ლამის ციხე შიგნიდან გატყდეს. წყალში გვეყრება ამოდენა შრომა და ღვანლი, ტყუილ-უბრალოდ დანთხეულა სისხლი მოძმეთა და თავად ჩვენიც! დიახ, ცუდის ნიშანია ყოველივე, რაც ილიონში ხდება ამჟამად (შეისვენებს) განსაცდელის ჟამს ორი რამ არის მოსალოდნელი: ღმერთების ნებით უფრო მჭიდროდ იკვრება ერი და მაშინ იგი უძლეველია. ანდა ღვთის რისხვა ატყდება თავზე გზადაბნეულებს და მაშინ... უკეთური, ბილწი, ბოროტი – აღზევდება და ყოველივე ქვენა გრძნობა ზემოთ უნდა ამოტივტივდეს, ისე, ვით იცის დიდმა მდინარემ ჭუჭყისა და სიბინძურის მოგდება თავის ზედაპირზე, დიდროობის ჟამს. თუმცა... დროთა ვითარებაში ამღვრეული წყალი კვლავ იწმინდება. ხომ ასეა, დეიდავ ჩემო?

დედოფალი მზეონა: – ასეა, შვილო! ოლონდ... დრო მართლაც უნდა ამას: დრო-ჟამი კი ხშირად დია-უფლის განჩინებით, შესაძლოა, უკუღმართად შემოტრიალდეს და მაშინ, ვაი იმას, ვინც მოჰყვება ამ მორევში!

დედოფალი ცისია: – მაგრამ ისიც ხომ ნათქვამია, წყალნი წავლენ და წამოვლენ, ქვიშანი დარჩებიანო!

დედოფალი მზეონა: – ესეც სწორია, შვილო ჩემო, მაგრამ... ვაი, თუ ქვიშაიანად წაღეკოს ირგვლივ ყველაფერი ღვართქაფმა-უცებ მოვარდნილმა ან ცბიერებამ, ვერაგობამ გაუხსნას ბჭენი ილიონისა სასტიკ მომხვედურებს! რამეთუ... ნრფელად რომ გითხრათ ამ ორიოდ წლის წინ, აქ რომ ჩამოველ, სულ სხვანაირი განწყობა და სულისკვეთება იყო ტროაში, ერთსულოვნება და სიყვარული სუფევდა მაშინ! დღეს კი... ო, დია-ნანავ! რა სიძულვილი და მტრობაა ერთმანეთისა!... სასწაულია ესოდენი ფერისცვალება!

პატარა წყენას არ პატიობენ, დია, ერთმანეთს და სივდება და იბერება გული შხამით, ბალღამით და ბოღმიანობით და მცირედი ბიძგიც კმარა ალბათ იმისთვის, რომ გადმოსკდეს და გადმოპირქვავდეს ეს სიძულვილი!.. არა, აწინდელი ტროელები არ ჰგვანან ძველებს. მე ველარა ვცნობ ამ დიაცებს, – შეშლილსახიანთ და ყოყოჩა მამაკაცებს, თითქოს სხვა ტომის ნაშეიერი დამიხვდნენ აქა, – ორი წლის შემდეგ!

დედოფალი ცისია: – დიახმ ეს მართლაც ასე გახლავთ... სიძულვილი სათავეა ყოველგვარი ბოროტებისა. იგი ღვთისაგან განდგომას ნიშნავს ამავდროულად, მით უმეტეს სიძულვილი თანამოძმისა — საძრახისია და დასაგმობი!... რაიც აქა ვარ, ბევრი რამე უკეთ შევიცან და აღვიქვი, ბევრ რამეს სხვანაირი თვალთ შევხედე და მაინც... როცა შენ სახლში გივარდებიან, მოძალადე უნდა გძულდეს და იბრძოლო უკანასკნელ სისხლის წვეთამდე. დეიდა ჩემო, შენ რას იტყვი? სხვა გამოსავალს ხედავ რასმეს?

დედოფალი მზეონა: – მე ასე ვაზრობ, მხოლოდ ერთობით მოაღწია ტროამ აქამდე, ამას იქით... კი – სიმართლე რომ ვთქვა, აღარ ვიცი, რა მოხდება! ვით გადურჩება ილიონი გარეშე და შინაურ მტრობას!

დედოფალი ცისია: – სწორედ ამადაც, ამ საფრთხის გამო, შევიყარენით აქ სუყველანი. ჩემო ერთგულნო და მამაცნო თანამებრძოლნო! მოგინვიეთ, რომ გაუწყოთ ჩემი განზრახვა... ვერ დავიჯერებ, რომ უკვდავმა ღვთაებებმა ხელი ააღეს ილიონს და მის მამაც შვილებს, რომ ერთმანეთის მტრობა გონს დაუბნელებს ამ ღვთივკურთხეულ ქვეყნის წულეებს, აიაიას და მზის ნაშეირთ! რამეთუ: ზეცის ბინადრებმა უკეთ იციან, რისთვის და რატომ გააჩაღეს დანაელებმა ეს უმოწყალო ხოცვა-ჟლეტა! ღმერთებმა ისიც უკეთ უწყიან, რომ რითაც ძალგვიძს – ვეშველებით ტომით ნათესავთ, რომ გადარჩნენ და მიწის პირისგან არ აღიგავონ. მძლავრთა მიერ პატარა ქვეყნის დაჩაგვრა და განადგურება – არ ეგების, თუნდაც ტროელები ნათესავი არ იყოს ჩვენი! აი, მეც დედოფალს იათნანისა, დამიგდია ჩემი პატარა ქვეყანა და მხარში ვუდგევარ

თანამოძმეებს. მეფე პრიამოსმა და ჰეკუბა დედოფალმა არა ერთგვის შემომთავაზეს, გადავსულიყავ საცხოვრებლად მათ დიდებულ სრა-სა-სახლეში. მე-თქვენთან, ერთგულ მეგობრებთან. მოვისურვე: მოზიარე ვყოფილიყავ მათი ჭირის თუ ლხინის. უწყის, ჩვენმა ღია-უფალმა და თქვენც მშვენივრად მოგესხენებათ, რომ მე – ჩემი რიგით მეზობლთა დარად ვიკვებები – არც მეტი და არც ნაკლებით, ვცხოვრობ ისევე, ვით დანარჩენნი!..

მაგრამ... უკვე მოვიდა ჟამი, როცა უნდა მოვიქცე ისე, მხოლოდ დედოფალს რომ შეშვენის! უნდა გადავდგა ის ნაბიჯი, მხოლოდ მე რომ უნდა გადავდგა და სხვამ – არავინ! ის ნაბიჯი, რაც მიმაჩნია ილიონის სასიკეთოდ! ეს ამავე დროს, ნაცვალებზე იქნება ჩემი ძმობილის გამო (გაჩუმდება წამით).

– მაშ ასე, ჩემო თანამებრძოლნო. ჩემო ძვირფასო დობილებო და შენ ჩემო საყვარელო დეიდავ, გამზრდელო ჩემო, უდედურს დედის მაგიერობა რომ გამინიე – უნდა გაუწყოთ სურვილი ჩემი: მე – იათნანის დედოფალი – ორთაბრძოლაში ვინვევ აქილევს — ჩემი ძმობილის, ჰექტორის მკვლელს და ილიონელთა მტერს მოსისხლეს, აქილევსს, მირმიდონელთა უფლისწულს და დანაელთა მოკავშირეს! დე, იარაღმა გადანყვიტოს ჩვენი ბედი თუ უბედობა ამ ცისქვეშეთში! (ყველანი წამოცვივდებიან):

– აქილევსსო!? აქილევს უნდა შეებრძოლო, დედოფალო?

დედოფალი მზეონა: – (შეძრწუნებული) – ყურმა ხომ არ მომატყუა, შვილო ცისია! ხომ არ მომესმა? ვის ვინვევო, შემოგველე? რა ბრძანე, დია?

დედოფალი ცისია: – (მშვიდად) – აქილევს ვინვევ ორთაბრძოლაში – მეთქი! – გასაგებად ვთქვი, მე მგონია. (სამარისებული სიჩუმე ჩამოვარდება, სახეზე ყველას გაოგნება ახატია. დედოფალი მზეონა თავზარდაცემული დგას. ამ დროს კარვის კალთას შემოგლეჯს კასანდრა და კივილით მივარდება ცისიას):

კასანდრა: – არ გაბედო, არ გაბედო, არ გაბედო, დედოფალო!

დედოფალი ცისია: – კასანდრა? მეფის ასულო?

კასანდრა: – არ გაბედო-მეთქი, ცისია! (ტირილით ჩაეხვევა) – გესმის? შენ ხელი უნდა აიღო ამ განზრახულზე! გულშიც კი აღარ უნდა გაივლო მსგავსი რაიმე!.. შენ ხომ გჯერა, შენ ხომ მაინც გჯერა ჩემი? (გულამოსკვნით ქვითინებს და ეხვევა ცისიას. ცისიას წამიერი დაბნეულობა გაუვლის):

დედოფალი ცისია: – დანყნარდი, გთხოვ, დამშვიდდე, ჩემო კასანდრა!.. მოართვით ჩქარა სავარძელი მეფის ასულს... წყალიც. ცოტა მოსვი, გეთაყვანე. დაშოშმინდი, გთხოვ ძალიან.

კასანდრა: – არ დანყნარდები, სანამ კარგად არ მომისმენ... ეს იცოდე, მე ვუნყი ყველაფერი, რაც განგიზრახავს. ვაიმე, ნეტამც არ ვიცოდე!

დედოფალი ცისია: – მეფის ასულო, რას მეზრახები?!

კასანდრა: – იცი შენ, რასაც გეზრახები!.. აქილევსთან შენი შებმა არამც და არამც არ ეგების. ეგ სიშლეგეა, გეუბნები, სიშლეგე მხოლოდ!

დედოფალი ცისია: (განცვიფრებით) – შენ... ვით გაიგე ჩემი განზრახვა? მე ესაა ახლა, ამ წუთას გავაცხადე ჩემი სურვილი. ჩემს მეტმა არვინ არაფერი იცოდა-მეთქი. ნუთუ... შენ?

კასანდრა: – დიას, ჩემო დედოფალო!.. ამოვიცანი შენი გულისთქმა, ჯერ კიდევ... წუხელ! წინასწარ ვხედავ ყველაფერს-მეთქი, თუმცა მაინც ჩემი მისნობის არავის სჯერა! მე კი ვიცი უნდობლობის მიზეზ-სათავე, მაგრამ ამისათვის არ მოვსულვარ შენთან ამჟამად. შენთან პირისპირ მსურს საუბარი (ასისთავები წამოიშლებიან, გასასვლელისკენ გასწევენ).

დედოფალი ცისია: – დეიდა ჩემო, შენ აქ დარჩი! (კასანდრას) – დეიდაჩემთან მე არაფერი მაქვს დაფარული. (ცისია, მზეონა და კასანდრა მარტო რჩებიან).

კასანდრა: – მე ვიცი-მეთქი, წინასწარ ვცანი შენი განზრახვა. მოვედი, რათა დაგიშალო ეს საქციელი.

დედოფალი მზეონა: – სწორედ ახლა, შენს მოსვლამდე, კასანდრა შვილო, მეც პირველად მოვისმინე მისი სურვილი. თავზარი დაგვცა ამ ამბავმა. გვედრები, გემუდარები... ეგების მხოლოდ შენ დაგიჯეროს, ეგების ხელი აალებინო ამ უგუნურ, შლეგურ სურვილზე (მზეონას ტირილი აუვარდება).

კასანდრა: – ვის გინდა შეებრძოლო, დედოფალო? ნუთუ... ამაზე არ გიფიქრია? ვის?! სისხლით უძღებ, უღმობელ ნადირს? ვის წინაშე ძრწოდა თვით ჩემი ღვთაებრივი მამაცი ძმაი? ნუთუ არ უწყი, რომ წინასწარ განწირულია ეს ორთაბრძოლა? რომ ვეღარა ძღვე მაგ შმაგ უფლისწულს მირმიდონელთა?! მე... ღმერთების ჩაგონებით, დედა-ღვთაება ნანას სურვილით, გიკრძალავ ამ შერკინებას!

დედოფალი ცისია: (ფიქრიანად) – მაშ, დია-ღმერთის ნება გახლავს, არ შევებრძოლო ღომგულ აქილევსს?

კასანდრა: – ჰო-მეთქი, ჰო, დედოფალო! უზარობაა ეს ცისიავ, თვით-მკვლელელობაა ეს! ღმერთები, დიდი ნანა-უზენაესი ჩვენი ღვთაება, გიკრძალავენ ამ ნაბიჯის გადადგმას-მეთქი!

დედოფალი ცისია: – შენც ამას მირჩევ?.. მაშ, ვით მოვიქცე?

კასანდრა: – უნდა საჩქაროდ გაეცალო აქაურობას, ნაიყვანე შენი მხედრებიც და დაბრუნდი იათნანაზე. დიდხანს იცოცხლებ, სვებდენი-

ერად. ოპ, ცისია, დამიჯერე, გემუდარები!

დედოფალი მზეონა: – შვილო ცისიავ, ჩვენმა ქურუმთუხუცესმა შოუმაც აკი ეს დამაბარა, იათნანიდან რომ მოვდიოდი? დაბრუნდესო დაუყოვნებლივ იათნანაში! ოპ, დია-ლმერთო!

დედოფალი ცისია: (კასანდრას მიმართავს, თითქოს არ გაუგონიაო დეიდის სიტყვები), ეგების მართლა ასე სჯობდეს... მაგრამ... ისიც ხომ შეიძლება, ღვთაების ნებით, ვძლიო აქილევსს? შური ვიძიო ჩემი ძვირფასი მეგობრის გამო?

კასანდრა: (ლამის კივის) – ჰექტორი მოკვდა! ჰექტორს ვერაფერს ველარ უშველი. ველარც ტროას ეშველება შენი სიკვდილით! ტყვილა-უბრალოდ ნუ განირაგ შენ თავს, ცისია! გეხვეწები, გვედრები — გონს მოხვიდე!

დედოფალი მზეონა: – შვილო ცისია, ერთი ნამითაც ვით გაივლე გონებაში, რომ მოერევი იმ ნადირს? მართალს გეუბნება... აქილევსთან პირისპირ შებმას გაურბიან თვით რჩეული ვაჟკაცები!.. აზრსმოკლებული შენი სიკვდილი არ შეიძლება სწადდეს ღმერთებს! კასანდრას პირით გაფრთხილებენ... მეც გვედრები შენი გამზრდელი: ნუ დააობლებ შენიანებს. ნუ ჩაიდენ, მაპატიე, უგნურ საქციელს. ჩემო შვილო, შემოგველე, მასხრად აგიგდებს დიდი და მცირე, შენიანი თუ გარეშენი – ეს სულელი ვინ ყოფილაო, აქილევს როგორ შეეტოქაო.

კასანდრა: – ჩემთვის ყური რომ დაეგდო ჩემს საყვარელ ძმას...

დედოფალი ცისია: – რაო, მერე? რა მოხდებოდა? აიცდენდა კი აქილევსის ხელისგან სიკვდილს?

კასანდრა: – დიახაც! გავაფრთხილე: არ სდის-მეთქი დანაელებს გემებად. ნურც შეებმები აქილევსის მეგობარს, თვარა, შესაძლოა სძლიო პატროკლეს, მაგრამ ამით დანაელებზე განრისხებულ აქილევს ისევ შეარიგებ ჩვენს მტრებთან-მეთქი და აქილევსიც არ გაპატიებს მეგობრის მოკვლას არც შენ, არც არვის-მეთქი!

დედოფალი მზეონა: – მერე? რაო? არ გისმინა ეს ბრძნული რჩევა სვეუბედურმა?

კასანდრა: – არ მისმინა, არა-მეთქი! უფრო სწორად... გადაავიწყდა ალბათ ჩემი ნათქვამი ომის ჟინით გახელბულს. ან არადა, გათამამდა ისე ძლიერ დროებითი წარმატებით, გონივრული რჩევა და აზრი მის-ნობისა არრად ჩააგდო, თავბრუდახვეულს ალბათ შლეგურმა ჟინმა დარია ხელი, გზა აუბნია... ან არადა, ისე იმძლავრა მასში გრძნობამ ამპარტავნობის და სურვილმა მოურეველმა — დიდი სახელის მოხვეჭისა, რომ... (ჩუმდება)

დედოფალი მზეონა: – ამპარტავნობა — ეს საცთური ეშმაკისეული-

კაცთა მოდგმის რჩეულ შვილებსაც კი გონებას ურევს ხოლმე, უხშობს გულისყურს და თვალებს უხვევს!

კასანდრა: (გულდანყვებით) – ჰოდა, მაცილმაც არ დააყოვნა, ჩასაფრებულმა ბოროტმა სულმა გზა უყელა და გაანბილა! შენც პირველობის ეს საცთური თუ გიღიტინებს, ჩემო ცისია, იცოდე, მწარედ მოსტყუვდები...

დედოფალი ცისია: – არ მესმის, რაზე მეზრახები, რა სახელიო? რა პირველობაო?

კასანდრა: – შენ ხომ იცი, გულით მიყვარხარ, გამორჩეულად პატივსა გცემ... ნუ გადუდგები ღმერთების ნება-სურვილს!

დედოფალი ცისია: – მადლობელი ვარ ამ კეთილი რჩევისათვის. მეც რომ მიყვარხარ, იცი ეს შენ, გამორჩეულად, მაგრამ... ერთი რამ ვერ გავიგე და გამარკვიე... თუკი ჰექტორს აქილევსის ხელიდან მოელოდა სიკვდილი მწარე, განგების ნებით და ღმერთების ნება-სურვილით, რა აზრი ჰქონდა მაშინ გონივრულად მოიქცეოდა ჰექტორი თუ უგუნურად? ბოლო ხომ მაინც ერთი იყო? ასევე მეც: თუ სიკვდილი მიწერია აქილევსისგან, რა აზრი აქვს, გავეცლები თუ შევეყრები?

კასანდრა: – აქვს, აქვს-მეთქი. თუ მოშორდები აქაურობას, უეჭველ სიკვდილს გადაურჩები.

დედოფალი ცისია: – ჰოო... შესაძლოა ასეც იყოს! და მაინც... რომ არ ძალმიძს განზრახვაზე ხელის აღება?

დედოფალი მზეონა: – რათა, შვილო? რა მიზეზია?

დედოფალი ცისია: – ჩემო ძვირფასო! მე კაი ხანს ვფიქრობდი ამას და გადავწყვიტე: მე და ის მხეცი აქილევსი უნდა შევხვდეთ-თქო ერთი მეორეს. გთხოვ ძალიან, მშვენიერო ჩემო კასანდრავ, და შენც, ჩემო საყვარელო, სათნო დეიდავ, ნულარ ვიუბნებთ ამაზე ახლა, სხვა რამეზე ვისაუბროთ...

დედოფალი მზეონა: – შენი ამგვარი სიჯიუტე რას ნიშნავს, შვილო? რის მაქნისია ეგ უაზრო თვითშენირვა?

დედოფალი ცისია: – დეიდავ ჩემო, საყვარელო, თვითშენირვა უაზრობა არასდროს გახლავს, მას სწადიან გულის კარნახით და არა სხვათა ბრძანებით თუ ძალდატანებით. და მერე: აზრი ყოყველთვის აქვს სიმართლის დაცვას! აქ პირველობა რა შუაშია? ან სახელის მაძიებლობა?

დედოფალი მზეონა: – მერედა, ვისთანა ცდილობ სიმართლის დაცვას? იმ ურჩხულთან?

დედოფალი ცისია: – მე ჩუმი უნდა ვქნა-დანარჩენი უწყიან ღმერთთა! მათ განსაჯონ!

დედოფალი მზეონა: – თუკი სწორედ ეურჩები ცის ბინადართა ნება-

სურვილს? ნუთუ ძვაბრამ დაგიბნელა გონება ისე, რომ ველარ არჩევ-რა სჯობია პირადად შენთვის, შენი ქვეყნისთვის, ბოლოს და ბოლოს?

დედოფალი ცისია: – ეგების ეს გამონგვევა აღარც მიიღოს მირმიდონელმა? წინასწარ რისთვის ვტეხავთ განგაშს?

კასანდრა: – დედოფალო! უწყიან ღმერთთა, თუ როგორ მიყვარს მე ილიონი, ჩემი თვისტომნი, ჩემი ძმები, დები, მშობლები... მიყვარს ტროას უბრალო ქვაც კი... ეს სიყვარული ზღვარდაუდები, უბოლოო – მათევი-ინებს გრძელ ღამეებს. გული მიკვნესის, სული შფოთავს, რამეთუ არ მსურს მინის პირისგან აღიგავოს ჩემი ტროა, ასე გმირულად რომ უმკლავდება უთვალავ ურდოს. მიყვარს ამაყი, ჭირთამთმენი, სტუმართ-მოყვარე ჩემი ერი, მოლხინარი, მოცინარი, გულმონყალე, შრომისმოყვარე... (ჩუმდება გულაჩუყებული).

დედოფალი ცისია: – მე კარგად მესმის შენი, კასანდრა, მეც სიყვარულმა ჩამომიყვანა აქ, ილიონში!

კასანდრა: – არ ვიცი განა, ჩემო მშვენიერო დედოფალი, რომ შენც გიყვარს ტკივილებამდე აქაურობა, შენი ბავშვობა ხომ ილიონში გაატარე? შენთვისაც ვიცი, აქ ყოველივე მშობლიურია, მაგრამ... ყოველი ჩვენგანი მამა-პაპათა ცოდო-ბრალს ვზიდავთ ჩვენი ზურგით, მერე ვუმატებთ საკუთრივ ჩვენსას და აგრერიგად დამძიმებულნი, შევჩივით მერე ცას და ქვეყანას, გვიკვირს და დიდად გაგკვირვებია ღმერთების რისხვა! აკი სიხარბემ და სისასტიკემ პაპიჩემისამ თურმე ტროელთა ბევრი სიცოცხლე შეინირა. ახლა ჩემი ძმის პარისის უგულობა, ქარაფშუტობა გამხდარა დიდი ომის საბაბი, რამაც უამრავ რჩეულ ვაჟკაცს მზე დაუბნელა, ხოლო თავად ხომ ჩალად უღირს სხვათა სიცოცხლე, ოღონდაც თვითონ გაიხაროს და იპირველოს მთელს ილიონში, რადგან მაც ბედშავს ასე ჰგონია, ჰექტორის შემდეგ ძალაუფლება მას უნდა დარჩეს. ჰელენოსიც ხომ სწორედ ამიტომ გადაბარგდა მტრის ბუნაგში და მშობლიური ქალაქის სამტროდ თავს არ ზოგავს ის ხანდამწვარი ჩემი ძამია.

დედოფალი მზეონა: – ამ უბადრუკებს ნუთუ აღარ მოეხსენებათ, რომ დანაელნი ტროელებს არ გაახარებენ? გამარჯვებულ მოძალადეს არა სჩვევია დამარცხებულის დანდობა და შეწყალება. დანაელთა მიზანი ხომ ილიონის მოსპობაა!

კასანდრა: – ვერა, ვერა, ეს ვერ შეუგნიათ, საშინელია წარმოდგენაც კი იმისა, რომ ჩვენ ხშირად ჩვენსავე მტერს ვეშველებით, რომ მტერი ჩვენი – ჩვენივე ხელით ბოლოს გვიღებს! შორს რად მივდივართ? აგერ ჩემი ორივე ძმა ხომ ცოცხალი მაგალითია ზემოთ თქმულისა! დედაჩემი კი, დედოფალი ჰეკუბა მაინც გადაფოფვრია კრუხივით პარისს, ხოლო მე კი-სიმართლის თქმისთვის – ამომიძულეს, გამრიყეს და ველარ მიტანენ,

დამცინიან, ჩემს მისნობას მასხრად იგდებენ, შტერს და ჩურჩუტს მეძახიან. სრულ ჭკუაზე რომ იყოსო, ვით დაინუნა მისიმიელი უფლისწულიო, აპოლონის შესადარი სიბრძნით, გონებით, გარეგნულადო:

დედოფალი ცისია: – ჰო, დეიდავ, შენ ალბათ აღარ უწყი, რომ კასანდრამ უარი თქვა ცოლობაზე მისიმიელთა დიდებული უფლისწულისა!

დედოფალი მზეონა: – ჩემო კარგო, თქვენებური უფლისწულები ხომ ცოლს არ ირთავენ, არც თხოვდებიან — სიყვარულით.

კასანდრა: – დიახ, დიახ, განა არ ვიცი გარემოების და ვითარების მიხედვით რომ ქორწინდებიან მეფის წულები-აკი ერთობ ძვირად დაუფრ-დათ ილიონელებს პარისის ტრობა წრესგადასული! ჰოდა, რაკილა ან-გარიში არ გავუწიე ამ მოსაზრებებს, მოლაღატედ ჩამთვალონ ღამის. ის კი აღარ უწყიან, რომ მე აღარ ძალმიძს განშორება ჩემს ტროასთან, რომ ილიონი ძვირფასია და საყვარელი ჩემი სულისთვის, რომ ძვირფასია ჩვე-ნი ენა, სიმღერები, ცეკვა-თამაში, ჩვენი წესი და ჩვეულება, – თუნდაც სხვათათვის მიმზიდველი არ იყოს იგი!

მე მსურს აქ დავრჩე სიკვდილამდე, ჩემიანებთან, მაგრამ... შენგან ჩემო ცისია, ამოდენა მსხვერპლის გაღება?... არა, არ ძალმიძს ამის ატა-ნა... თუმც ვაგლახ მე, ჩემო დღეო! ამას რას ვხედავ... (კასანდრა ტრანსში ვარდება... მერე გულწასული ეცემა ძირს. მზეონა და ცისია მისცვივდები-ან, წყალს ასხურებენ, მოასულიერებენ. კასანდრა ყლუპ-ყლუპით სვამს წყალს და თან ბუტბუტებს: – მხოლოდ მცირე... მხოლოდ მცირე ნაწილი გადარჩება, ვაიმე! – დუმილი ჩამოვარდება ერთ ხანს. კასანდრა თავს ას-ნევს, ვედრებით შეხედავს ცისიას)

კასანდრა: – ჩემო მშვენიერო დედოფალო! ღმერთების რისხვა გარ-დუვალია, ცოდვათა გამო ჩვენთა! (ყრუდ ქვითინებს, ცისია და მზეონა ეფერებიან, აწყნარებენ, შემდეგ დედოფალი ცისია ტაშს შემოჰკრავს. შემოდის მოახლე).

დედოფალი ცისია: – ნაია! მიხმე ახლავ მოკონას!

(კასანდრა ტირილს შეწყვეტს, შეშფოთებით და მოლოდინით შე-აცქერდება დედოფალს, ხანაც სახეგაქვავებულ მზეონაზე გადააქვს მზერა. მზეონა დაძაბული მოლოდინით უყურებს დისწულს, შემოდის აბჯარასხმული ამორძალი),

მოკონა: – მე მიხმე, დედოფალო?

ცისია: – ჰო, მე დაგიძახე!.. დაუყოვნებლივ გაეშურე მირმიდონელთა ბანაკისაკენ, ეახელი მათ ბელადს და გადაეცი, რომ მე – ამორძალთა დედოფალი-პენთესილეა, დანაელნი თურმე ასე მეძახიან ჩემი შავი სა-მოსის გამო-ვინვევ აქილევსს ორთაბრძოლაში ხვალ, გამთენიის ჟამს, დიდ მუხასთან. თუ არ ინება მობრძანება, ჩავთვლი, რომ იგი ლაჩარია.

გასწი, გეთაყვა! არ დაახანო! (კასანდრა და მზეონა გაქვავდებიან, სახეზე უზომო შიში აღებეჭდებათ).

დედოფალი ცისია: (ორივეს მიმართავს) – ჩემო კეთილნო, ნუ დამძრახავთ, ნურც შეშფოთდებით! მე მოვალე ვარ ასე მოვიქცე! ასე მკარნახობს ჩემი გული, გრძნობა, გონება. და იმედი მაქვს, ღვთის შეწევნით, აქილევსი ჩემი ხელით გაიგმირება! ასეც არ მოხდეს-სულერთია, ბედისწერის განაჩენი ვერ შემაკრთობს, სიკვდილის შიშით ხელს ვერ ავიღებ ჩემს განზრახულზე, რამეთუ გრძნობა სიყვარულისა, ღირსების და მოვალეობის-არყოფნაზე უფრო მაღლა დგას! იგი უფრო ფასეულია, სიცოცხლეზე მეტად მიღირს და... მეძვირფასება!

მოქმედება II

სცენა II

(აქილევსის კარავი. ტაბლებს უსხედან: აქილევსი, ალკინოესი, ავტომედონტი, მერინოე, ოთომეოსი. სუფრას ემსახურებიან ქალები ბრისეისი და დიომედა. იქვე, შუაღმრთულზე ალკინოე ორკაპზე შამფურს ატრიალებს და დრო და დრო მწვადებს უმატებს სუფრას).

აქილევსი: – მოდით, მოყმენო, კიდევ ერთხელ მოვიხსენიოთ ჩვენგან უდროოდ წასულები, თესალიის მამაცნი შვილნი, ჩემი ძვირფასი პატროკლეს სული. არდავინყება იყოს მათი. სანამ ჩვენ ვცოცხლობთ, ცოცხალია მათი სახელიც (თასს ცლის).

ყველანი ერთხმად: – ეგრე იყოს! (სვამენ),

აქილევსი: – ჩემო პატროკლე, მეგობარო და ძმობილო, საიქიოში რომ განისვენებ საუკუნოდ: გნამდეს, რომ მარად გვემახსოვრები და შენს მტრებსაც არ გავახარებთ! (პაუზის შემდეგ), მოყმენო, ხომ ყველამ ვუნყით, ჩვენი მუდმივი სამკვიდრო რომ იქავეთია. ჩვენ, სააქაოს სტუმრები ვართ, წამიერად მოვლენილნი ღმერთების მიერ ამ სამზეოში. ამადაც ვართ ასე ალბათ დახარბებულნი მზეს და სინათლეს, სიყვარულს და სიამტკბილობას – ცვალებადს და განქარვებადს, ვითარცა გახლავთ სიცოცხლე ჩვენი და მაინც: მოდით დავლიოთ ჩვენი წამიერი, მაგრამ საამო საცხოვრისის სადღეგრძელო!

მეგობრები: – ეგრე იყოს!

– მზეს და სიცოცხლეს გაუმარჯოს!

– დღეგრძელი და მზეგრძელი ვიყოთ!

– ამ წუთისოფელს-მართლაც წამიერს, დე გაუმარჯოს!

ავტომედონტი: – მოყმენო, ჩვენო ძვირფასო უფლისწულო, სწორუ-

პოვარო გმირო აქილევსს! ნება მომეცით, შევსვა ფთიის სადღეგრძელო, საყვარელი ჩვენი ქალაქის, სადღეგრძელო თესალიისა, სახელოვანი ოდესლაც მხარის, ან დამცრობილის, დაკინებულის-მძღაერთა მიერ!

მეგობრები:

– ფთიას მშვიდობა და გამარჯვება!

– დიდება და გამარჯვება ჩვენს თესალიას!

– შინ მალე დაბრუნების იყოს აგრეთვე!

– პელაზგიას გაუმარჯოს, თავისუფლების

სულს დაუმცხრალს!

მერინოე: – გადამთიელნი მუდამ ცდილობდნენ წაეგლიჯათ ჩვენთვის მამული. დღესაც ამასვე იზრახვიან! რით ვერ ძლებიან ეს პირძალეები! უკვე რამდენი მიწა-წყალი დაისაკუთრეს სხვათა და სხვათა!

ავტომედონტი: – საქმე ის არის, არ სჯერდებიან მიტაცებას სხვათა მამულის, სახელიც უნდათ მიითვისონ და ბევრი სხვა რამ! და თანაც როგორ დიდგულობენ!

ალკინოესი: – რატომ გიკვირს? გამარჯვებულს განა ქადილი არ სჩვევია? ეს ხომ ძველი წესი გახლავთ, არ ახალია!

ოთომესი: – შენ მართალს ამბობ, ხომ ხედავთ: უკვე პელაზგურად საუბარსაც ვერიდებით ურთიერთშორის – თურმე დანაელთ არ ეამებათ!

ავტომედონტი: – ჩემო ოთო, ირგვლივ ყველა ეგენია, რა უნდა ქნა? მათ ენაზე ჭიკჭიკს უნდა მიეჩვიო, სხვა გზა არ არის.

მერინოე: – დამარცხებულის თვისებაა ეგ, სამარცხვინო!

აქილევსი: – კმარა წუნწუნი, ბოლმიანი გულის ვიშ-ვიში!.. ნოე, ძვირფასო, იმღერე რამე, გაგვახალისე შენებურად!

მერინოე: – მე ვიმღერო, როს აქილევსი ღვთაებრივი ტაბლას უზის?

აქილევსი: (დაიჭყანება) – რად გინდა ნოე, ეგეთური მიეთ-მოეთი!..

ხომ იცი, შენი სიმღერა რომ გულს ეფონება, თუმცა ურიგოდ არც მე ვმღერი!.. შენ სხვანაირად ახუჭუჭებ, სულის სიმებს მირხევს ხოლმე შენი ლულუნი. დაიწყე, გთხოვ.. აკა ბანს მოგცემს, დონთო, მე და ოთო შეგეშველებით!

მერინოე: – რაკი ასე გსურთ, კი ბატონო! თუმც შესაძლოა, სევდაც მოგვევაროთ ჩემმა სიმღერამ – სიამის ნაცვლად!

აქილევსი: – იმღერე ისე, ვით გემღერება. აი, კითარაც (ანვდის თავის კითარას... მერინოე იწყებს სიმღერას, დანარჩენები უერთდებიან-გაბმული ბანის ფონზე. სიმღერა სევდიანია).

მერინოე: – ო, პელაზგია, პელაზგია, მამულო ჩემო!

იავარქმნილო, ხელყოფილო მტერთა ჩვენთაგან...

სისხლით და ცრემლით დაბანილო ჩვენო მთა-ბარო,

ყორანთა მიერ დაგლეჯილო ნანო-ნანოლად,
ო, პელაზგიავ, პელაზგიავ, მამულო ჩემო!
ო, პელაზგიავ, ჩემო სევდავ და სიხარულო,
მტრისგან ძლეულო, სულით მაინც გაუტეხელო,
შენს ამაყ შვილებს, პირმშვენიერთ, მამაცთ და ზვიადთ,
ძალუდთ ისევე აღადგინონ შენი დიდება.
ო, პელაზგიავ, პელაზგიავ, მამულო ჩემო!

(სიჩუმე ჩამოვარდება. მერე აქილევსი დგება, მიდის მერინოსთან და შუბლზე ჰკოცნის).

აქილევსი: – დიდებული სიმღერა იყო! თვალიდან ცრემლიც კი დამედინა... ჩვენი ქალები სადღა არიან?... ახლა, მგონი, მათი ჯერია... როკვით, ნარნარით დაგვატკბონ და განგვიქარვონ ჭმუნვა და სევდა.

(ბრისეისი და დიომედა ცეკვავენ კითარის ხმაზე. აქილევსი და მისი მეგობრები, მერინოს გარდა, ხალიჩაზე წამოწოლილნი, უყურებენ ქალების ცეკვას. უცებ ალკინოესი წამოიჭრება, ანიშნებს მერინოს, ისიც ჰანგს ცვლის... ალკინოესი ჯერ ქალებს ეცეკვება ცერებზე შემდგარი, მერე ცალკე თავად იწყებს სოლო-ცეკვას, მას უერთდება ოთომესი, ორივენი თავდავინწყებით ცეკვავენ. უმთავრესია – ფეხების რიტმული მოძრაობა, ქართული ცეკვების დარად).

აქილევსი: (აღტაცებით) – აკა, ოთო! თქვენ გენაცვალეთ. მიდით, ბიჭებო, მიდით, ჭირიმე თქვენი. აი, ეს მესმის, ცეკვა ეს არის! (დაღლილ-დაქანცულნი ალკინოესი და ოთომესი ღიმილით უბრუნდებიან თავიანთ ადგილებს).

აქილევსი: – ჩვენს სიმღერებს და ცეკვებს განა შეედრება ამ ქვეყნად რამე?... დავლიოთ, ძმებო, სადღეგრძელო ამ ცეკვების და სიმღერების შემქმნელ ერისა!.. ყველაფრის წაგვრა შეუძლიათ ჩვენს მტერ-მოყვარეთ-ოლონდ ამ ცეკვებს და სიმღერებს ვერ წაგვართმევენ! ხომ ასეა, ჩემო მოყმენო? ჰოდა, რაკი მართალი ვარ, ბოლომდე უნდა დაილიოს ჩვენი თასები! (სვამენ), ესეც ასე! ასე მტერი დაგვეცალოს, აკა ძვირფასო! ახლა მოდი, შენებურად გამოაჯავრე იმ ძალღატაკებს. თუ ლხინია, მოდით ბარემ გულიანად მოვილხინოთ!

ალკინოესი: – ნება შენია!.. (დგება და იწყებს მონოლოგს, შეცვლილი ბოხი ხმითა და თვალების ბრიალით აგამემნონს აჯავრებს): – „ყველაზე მეტად შენ მძულხარ, აქილევსო, ბელადთა შორის, შენ მხოლოდ სისხლისღვრა გატკობს, თუმცა ძალა გამკობს, ეგეც ღვთისგან მოგნიჭებია, შენი გემებით გამეცალე. მხედრობას შენსას – მირმიდონელთა ტომს უმეფე. არად მიღირხარ, რა ბედენაა რისხვა შენი!“ (აქილევსი და მისი მეგობრები იცინიან).

აქილევსი: – მზის მადლმა, ზუსტი აგამემნონია ხმით და სახითაც. აბა, კიდევ, შენებურად გამოაჯავრე!...

ალკინოესი: – „ო, პოტევსის ძევ! ღვთაებრივი მეფის მემკვიდრევ, შენც ოდისევს, ვერაგული ნიჭითა და ხრიკით სავსეო, ნეტავ ვიცოდე, რას ელით და რას იმალებით! უპირველესად თქვენ შეგფერით გაიზიაროთ მენინავეთა ხვედრი-ფიცხელ ბრძოლაში ჩაბმა, თქვენ კი – პირველნი მობრძანდებით ხოლმე ნადიმზე, რომ არგიველთა უხუცესთა წვეულებაზე გვამებათ ხოლმე შებრანული ხორცის ნაჭერი, ღვინით შექცევა, – გულს რამდენიც გაუხარდება, აქ კი – უყურებთ სეირს ყველა, თუნდა დანაელთათი ფალანგი თქვენზე ადრე მტერს შეერკინოს“ (ყველანი იცინიან).

ავთომედონტი: – შეხედეთ ერთი! ეგ პურაძვირა აგამემნონი შებრანული ხორცის ნაჭერს და ღვინოსაც რომ ამადლის სტუმრებს!

ალკინოესი: – „ო, აგამემნონ, ეგ რა სიტყვა დაცდა შენს ბაგეს? რა უღმობელი? სჯობს ჯაბანთა ჯარს თავკაცობდე, ვიდრე შენ გვყავდე მეთაურად... ვინ ფლობს კვერთხს, ვის ჰყავს ჯარი ამდენი, აურაცხელი, რამდენიც შენ, თემისთაო არგიველთ ტომის? შენს აზრს ვუარყოფ და იმ სიტყვას, რასაც შენ ამბობ!“ (ყველანი იცინიან კვლავ, განსაკუთრებით ხმამაღლა – აქილევსი).

აქილევსი: – დია-ღმერთო! თვალს თუ დახუჭავ-ის გაქნილი მელაკუ-და ოდისევსი წარმოგიდგება იმ წუთშივე! ალი-კვალია აკა მისი — სხეულის რხევით, სახის იერით. ხმას ხომ-ნუ იტყვი!..

ავთომედონტი: – აგამემნონი? (იგუდება სიცილით), აგამემნონი ნაკლებია?

აქილევსი: – აგამემნონი ხომ არის და არის! ოჰ, როგორ მძულს ეგ ძალღატაკი, მაგრამ უფრო საძულველია ის ვითომ ბრძენი ოდისევსი, ჭკუაუღლევი ითაკელი, თავის გულში ერთს რომ მალავს, ხოლო ბავით-მეორეს ამბობს.

ავთომედონტი: – ცბიერებით და ვერაგობით განთქმულია მათი ჯილაგი!

ალკინოესი: – სიხარბით და ქვანვიობითაც. წარმოდგენილი ხომ გაქვთ, გული როგორ ეკუმშებოდა აგამემნონს და ხელები უკანკალეზდა, როს მოსაკითხს უგზავნიდა ჩვენს აქილევსს, რისხვით ანთებულს.

ოთომესი: – იძულებული გახდა, თორემ რა შვილია, ეგ საჩუქრებს მიაართმევს ვინმეს.

მერინოე: – იცით, ძმებო, რა მაკვირვებს? როგორა სძულთ ერთმანეთი, ვით ვერ იტანენ ერთი მეორეს და მაინც... ერთად რომ არიან!

ავთომედონტი: – საქმეც ეგაა! მიზნისთვის ერთად დგომა რომ შეუძლიათ, განსხვავებით ჩვენ თვისტომთაგან!

მერინოე: – ჩვენს მოდემას, როგორც გამიგია, ეს სენი მოსდგამს მითაჟამიდან!.. პელაზგია ხომ ხშირად მისი შვილების შურს და მტრობას დაუქცევია... ერთი პირი რომ გვექონოდაო-ვერც ვერავინ გვავენებდა რასმეს, ვერც ვერავინ მოგვერეოდაო. მოსისხლეობამ ერთმანეთისა, შულმა და ქიშპმა მოგვიყვანაო ამ ყოფამდე – ასე იტყვიან ჩვენი ძველები. და მეც ასე მიმაჩნია!

ალკინოესი: – ასეც არის. ლარი და ხაზი არ უნდა ამას! და ამიტომაც ვისჯებით თურმე უზენაესი ღვთაებისაგან – დიდი ნანასგან! (შემოდის აქილევსის მეაბჯრე).

აქილევსის მეაბჯრე: – უფლისწულო, ღვთის სადარო აქილევსო! სახელოვანო ჩვენო მოყმენო, მაცნე გეახლათ ილიონიდან, შენთან შეხვედრას ითხოვს მორბედი ამორძალთა დედოფალისა! (აქილევსი წელში გასწორდება) –

აქილევსი: – ამორძალთა დედოფალიო? პენტესილეას მორბედიო?

ავთომედონტი: – საკვირველია. შაოსან დიაცს, ასე რომ გლოვობს თავის ნათესავს, რა გულისთქმამ უკარნახა აქილევსთან გამოგზავნა მოციქულისა?

მერინოე: – ამბობენ, მზეს ამომავალს ედრებაო პენტესილეა, – ამორძალთა დედოფალი! მშვენიერებით თურმე ტოლს არ უდებს თვით ელენესაც, მაგ რჯულწაწყმედილს!

ალკინოესი: – ამასთან, იგი გულადიც გახლავთ მეტისმეტად, ვით საზოგადოდ ამორძალები!

ოთომესი: – დიაცი მაინც დიაცია, ამორძალიც რომ იყოს იგი!

აქილევსი: – უთხარი მორბედს, შემობრძანდეს. დედოფლის მაცნეს ხამს პატივით შევეგებოთ (შემოდის ამორძალი მოკონა. ოდნავი თავის დახრით ესალმება ფეხზე წამომდგარ მოყმეებს).

მოკონა: – უპირველესად შენ მოგიკითხავ, ლომგულო გმირო აქილევსო, ჩემი დედოფლის, ამორძალთა სახელოვანი წინამძღოლის – ცისიას ნებით. შემდეგ დანარჩენთ! (აქილევსი და მისი მეგობრები ასევე თავდახრით ესალმებიან მორბედს) – ხოლო შემდგომ უნდა გაუწყო ჩემი დედოფლის დანაბარები...

აქილევსი: – (ღიმილით შეანყვეტინებს) – თუ შენი დედოფალი შენ-ნაირი მშვენიერია...

მოკონა: (მკაცრი ხმით) – სწორუპოვარო აქილევსო, ჩვენი ღვთის-დარი დედოფალი ბრძოლაში გინვევს ხვალ-უთენია, სისხამ დილით, მუხის ძირას, სკაიას ბჭესთან!

ყველანი ერთხმად: – ე-ახ!(ერთმანეთს განცვიფრებით გადახედავენ).

ავთომედონტი: – რა ორთაბრძოლაშიო? თავი ხომ არ მოსძულეები

შენს დედოფალს, ამორძალო?

ალკინოესი: – ქალის რკინება აქილევსთან-თუნდაც ამორძალი იყოს იგი, თუნდ დედოფალი? დია-ნანავ! რას არ გაიგებს კაცის ყური!

მოკონა: – ამორძალებთან ბრძოლა ჰერაკლეს, არც არგიველთა უძლეველ გმირს თეზევს უთაკილია! ჰოდა, ალბათ აქილევსიც უარს არ ჰყოფს ამ შეტოქებას. და თუ... მაინც უარზე დადგა, მაშინ...

აქილევსი: – რაო მაშინ? რა მოხდებაო?

მოკონა: – თუ უარს იტყვის, მაშინ ორთავ მხარეს გაუჩნდება ეჭვი, უთუოდ... ნუთუ მართლა ეგოდენი უძლეველია მირმიდონელთა წინამძღოლიო? როგორც ამბობენ... მავანნიო!

ყველანი: – როგორ ბედავს?

– რა თავხედი ვინმე ყოფილა! ხედავ?

– ამ უმწიფარ ღლაპს დამიხედეთ!

– სინდისისაგან გარეცხილი ურცხვი დიაცი!

აქილევსი: – გთხოვთ დანყნარდეთ, ჩემო მოყმენო! ნუ გუღვიცხოვთ! (შემდეგ მიუბრუნდება მორბედს და შემპარავი ხმით) – მე საქმესა ვიქმ იმისთანას, რომ გადასწვდეს შთამომავლობას სახელი ჩემი, როგორც მახსოვს, სწორედ ამგვარად ბაქიბუქობდა ღვთაებრივი თქვენი ჰექტორი, ჩემს მოკვდინებას რომ გულისხმობდა უეჭველად. რაც მიიღო გმირმა ჰექტორმა – უწყის სუყველამ! ამორძალთა დედოფალსაც ხომ არ გაუჩნდა გულში ჭია განდიდებისა? ხომ არ სურს მასაც გაიზიაროს ხვედრი თავის ნათესავისა?

მოკონა: – ვერაფერს გეტყვით, სახელოვანო უფლისწულო, ამის შესახებ!

ალკინოესი: – მე ასე ვაზრობ, უფლისწულო! არასდიდებით არ მართებს თავი გაუყადროს აქილევსმა სულელ დედოფალს, ჯერაც რძე რომ არ შეშრობია ბაგე-პირზე!

ავთომედონტი: – ამორძალთაგან საკვირველი არ უნდა იყოს არაფერი! ეგენი ხომ კაცთა მიმართ სიძულვილით განირჩევიან ყველასაგან!

აქილევსი: – (ავთომედონტს ბეჭზე ხელს დაარტყამს) – ჩვენზე უფრო?... დაიოკე უფლისწურომა, ჩემო დონთო, თქვენც მეგობრებო! (მაცნეს მიუბრუნდება ხაზგასმული თავაზიანობით) – მშვენიერო ამორძალო... უკაცრავად, სახელი შენი?

მოკონა: – მოკონა მქვია მე, უფლისწულო!

აქილევსი: – მოკონა? (წამით ჩაფიქრდება) – ჰოო, მოკონა, მშვენიერო ამორძალო! გადაეცი შენს დედოფალს, რომ მე მზადა ვარ ხვალვე, დილით, სკაიას ბჭესთან გამოვცხადდე... დანარჩენი... მერე ვნახოთ!

მოქმედება III

სცენა IV

ორთაბრძოლა

(სხვადასხვა მხრიდან სცენაზე შემოდიან დედოფალი ცისია და აქილევსი. დიალოგის დროს ისინი გარშემო უვლიან ერთმანეთს და თან კენწლანობენ დრო და დრო).

აქილევსი: – სალამს მოგიძღვნი, დედოფალო!.. რაკილა მიხმე, მეც გეახელი! თუმცა რომ ვთქვა გულახდილად, დიდი სურვილი არ მქონია აქ მოსვლისა... (შეჩერდება).

დედოფალი ცისია: – მადლობელი ვარ, რომ მობრძანდი! და მაინც... ველარ ვიკავებ თავს კითხვისაგან: რა მიზეზია შენი ეგზომ უსურვილობის? ის ხომ არა, თუმცა ამორძალი, მაგრამ მაინც დიაცი რომ გინვეცს ჩხუბში?

აქილევსი: – არც უმისობაა, დედოფალო! მაგრამ მთავარი მაინც სხვაა...

დედოფალი ცისია: – გაუმხელელი საიდუმლოა?

აქილევსი: – ო, არა, დედოფალო! მთავარი შენი სილამაზეა, ეგზომ ქებული. თუმცა სამწუხაროდ, ზუჩი ფარავს სახის მშვენიერებას...

დედოფალი ცისია: – მე კი მგონია, უკადრისობ ჩემთან შეხვედრას, ვით მეომართან. ან ეგების...

აქილევსი: – ამ დავა-პაექრობას ეგების მართლა სჯობდეს ზუჩი აინიო... აკი წელან მოგახსენე, დიდად აქებენ არა მხოლოდ შენს სიმამაცეს, მზის დარიაო ღვთაება მზის შთამომავალი, — იათნანელი დედოფალი! მინდა ამაში თავად დავრწმუნდე! – ხომ ნათქვამია ძველების მიერ – ნახვა სჯობია ქებასაო.

დედოფალი ცისია: – სახელოვანო, ლომგულო მოყმევე! ჩემი რჩევა იქნებოდა – დაივიწყო შენს წინ ვინა დგას – მამრი თუ მდედრი, ლამაზი თუ უსახური. რადგან ბრძოლის დროს არავითარი მნიშვნელობა არა აქვს იმას, ვის წარმოადგენ. ჩვენი, ძველი პელაზგური წეს-ჩვეულებით, ეს ასე გახლავს!

აქილევსი: (ილიმება) – მომიტევე დედოფალო, თუმცა მამრულად აღჭურვილხარ და სამოსიც მეომრის გშვენის, ისიც ვიცი, რომ გულადი მებრძოლები ხართ ამორძალი, და მაინც უნდა გამოგიტყდე, აღარ ძალმიძს დავივიწყო, რომ... დიაცი ბრძანდები, დიაცი კი – პელაზგური ჩვეულებითაც – ალერსისათვის, მამრის სარეცლის მოზიარედ და

შვილების გასაჩენად მოუვლენია ამ სამზეოში არსთა გამრიგეს. ჰოდა, ვფიქრობ, ეგების მართლა ღირდა ეს შეხვედრა! შენ რას იტყვი, მშვენიერო დედოფალო, ამის შესახებ?

დედოფალი ცისია: – უფლისწულო, თუმცა დიაცთა გულთამპყრობელის სახელი გაქვს გავარდნილი მთელს ცისქვეშეთში, უნდა გულწრფელად მოგახსენო – ვერ დაიკვეხნი თურმე დიდი გონიერებით, გამჭრიახობით – რაკილა ყველას ერთნაირი საზომით ზომავე.

აქილევსი: – (ისევ იცინის) – მადლობელი ვარ გულწრფელობისთვის, ტყუილებსა და ცბიერებაში განაფული ქალებისათვის მართლაც დიდი ღირსება გახლავთ გულწრფელობა. მეც გულახდილად რომ მოგახსენო, უფრო იმისთვის გეახელი, რომ შენთვის, ამორძალთა დედოფლისათვის მერჩია, ბარემ ჩვენს მხარეს გადმოსულიყავ!.. აკი ზოგი ტროელი უფლისწულიც არ თაკილობს ამგვარ საქციელს. შენ მით უფრო, არ დაგაბრკოლებს ტროელობა. ჰოდა, მერე ეგებ კავშირიც კი შეგვეკრა საქორწინო? ხომ ხედავ, ზუჩის გარეშე რომ გეახელი, რათა კარგად ამნონ-დამნონო. ვინ იცის, ეგებ თვალში მოუვიდე-მეთქი.

დედოფალი ცისია: (გაგულისებით) – ყველაფრის გარდა, შენ თავხედიც ბრძანებულხარ, მირმიდონელო! დედოფალთან ლაზლანდარობას მწარედ ინანებ! (შუბს ესვრის, აქილევსი ასწრებს ფარის დახვედრას).

აქილევსი: – ვერაფრს იტყვი... ერთობ მარჯვედ ნასროლი იყო, დედოფალო!

დედოფალი ცისია: – მესროლე შენც, თუ ვაჟაკი ხარ!

აქილევსი: – სახელოვანი ამორძალი თუმცა ბრძანდები და თანაც დედოფალი – აკი წელანაც მოგახსენე – მე დიაცთან არ ვაპირებ შერკინებას-თქო. ჩემი პირობა შემოგთავაზე – შენ უტიფრობად და უზრდელობად ჩამითვალე. მზად ვარ შენიც მოვისმინო – ვიდრე მესროდე ხელმეორედ!

დედოფალი ცისია: – კეთილი და პატიოსანი. მაშ, მომისმინე, ლომგულო გმირო, მირმიდონელთა უფლისწულო: ეგების კმარა ამოდენა ხოცვა-ჟლეტა? იკმარო იქნებ უებრო გმირის, მამულისათვის თავდადებული ჰექტორის მოკვლაც? დაიცხო იქნებ შურისძიება და გაბრუნდე ილიონის კედლებიდან და შენს სამშობლოს მიაშურო? ეგებ თავად დანაელებმა შესძლონ პელაზგთა დამარცხება — პელაზგთა მოდგმის დაუხმარებლად? ხოლო სახელის მოსახვეჭად ეგებ სხვაგან მოიძიო სარბიელი? ეგების ისიც გაიხსენო, რომ შენს წინაპართ მიუძღვით წვლილი ტროის კედლების აშენებაში? მის დაქცევაში მაინცდამაინც ნუ დაიდებ წილს!

აქილევსი: – მე დანაელთა მოკავშირე ვარ! მირმიდონელთ კი არ

სჩვევიათ სიტყვის გატეხა!

დედოფალი ცისია: (თავისთვის) – „საცა სამართალია, შენ ტროელ-თა მხარეს უნდა იყო და არა ტროის დამპყრობელთა“!..

ეგ ზომ ძლიერ ნუ გამოიღებ თავს, უფლისწულო, იმათთვის, ამ მონდომების დაფასება რომ აღარ ძალუძთ, თუმც უშენოდ აღარ ვარგანან! სიკვდილის შემდეგ მაინც გათრევენ, ლაფში გაგსვრიან... ხოლო შენც რომ მოკვდავი ხარ, ეგ თავად იცი, თუმც ღმერთქალის შვილად გრაცხავენ!.. რა დღეს, რა ხვალე სათითაოდ გავუდგებით გზას მიმავალს სასულეთისკენ! ჰოდა, ეგების სჯობდეს მოგკვდეთ ღირსეულად, ვიდრე ვემონოთ გადამთიელებს!

აქილევსი: – როგორც ვატიკობ, ენაც გიჭრის, დედოფალო, თანაც შენგან მოძულეებულ დანაელოთა ენას ხმარობ ეგ ზომ ფხიანად.

დედოფალი ცისია: – შენ კი... როგორც ჩანს, პელაზგთა ენას აღარ კადრულობ!.. თუ... დაგავინწყეს?

აქილევსი: – შენ დარდი ნუ გაქვს. არავის ძალუძს ძე-ხორციელს, გადამავინყოს მშობლიური ჩემი ენა. ხოლო დიაცს, თუნდ ბრძოლებში გაკაჟებულს, თუნდაც დედოფალს მართებს — მამრთან მეტი კრძალვა და მორიდება!

დედოფალი ცისია: – ნუთუ მართლა?!. სიმართლე და ჭეშმარიტება ყველასათვის ერთი გახლავთ, მამრი იყოს, თუ გინდ მდედრი! მით უმეტეს, პელაზგთა მოდგმას, დიდი ნანას მსასოებელთ, არ სჩვევია გონებრივი განსხვავება სქესის მიხედვით. როცა მამრებმა დაარღვიეს დიდი ნანას წეს-განჩინება-თანასწორობა ორივე სქესის, როცა ინდომეს დაჩაგვრა და დამონება დიაცებისა – თავისუფლების და ღირსების შელახვისათვის იათნანიდან გააძევეს ყველა მამრი. მას მერე კი ეს კუნძული ქალებს ეკუთვნით და აქამომდე იცავენ კიდეც სამართალს და ნებას – ღვთისას!

აქილევსი: – დავა არ მსურს, დედოფალო!... თუმც... სამართალი როგორ ეთქმის მხოლოდ დიაცთა ბატონობას?... ან ღვთაების განჩინება მხოლოდ ცალმხრივად ვით აღიქმების? საყოველთაოდ მიღებული ზნე-ჩვეულების ხომ დარღვევა ცალუღელად დარჩენილთა – სამართალი?... ესეც არ იყოს, ძალიან თავს კი ნუ გამოიღებ შენი ქალობით! განა დიაცმა, კოლხმა მედემ არ განირა თვისიანები? და თუმც ერთი წარმოშობის, მაინც უცხოელთ ხომ შეეკრა? განა დიაცმა არიადნემ, კოლხი მედეას მამიდაშვილმა, არ გაუწოდა ხელი კრეტის მტერს და მოძულეს, ლაბირინთიდან თავი როგორმე რომ დაეღწია? ეს საქციელი აკი შემდგომ ძვირად დაუჯდათ კრეტელ პელაზგებს?

დედოფალი ცისია: – ორივეს ხვედრი შესაფერისი მიუზლო კიდეც

უზენაესმა ჩვენმა ღვთაებამ. არვის შერჩება – თუნდ უნებლიე – საკუთარი ქვეყნის ღალატი! ხოლო სიავეს მამრთა მიერ ჩადენილებს თუ ჩამოვთვლით, თვეები და წელიწადიც აღარ გვეყოფა! შორს სად მივდივართ? ერთი მათგანი აგერა დგას ჩემს პირისპირ და... მეღიზილება!..

აქილევსი: – მე სანყენად არ მითქვამს შენთვის...

დედოფალი ცისია: – მნიშვნელობა აქვს განა პირად ჩემს წყენინებას?... ჩემთვის მთავარი ტროა გახლავს – მისი ყოფნა თუ არ ყოფნა! ეს შავი სამოსელიც არ ჩამიცვამს მხოლოდ გმირი ჰექტორის გამო! თითოეული დაღუპული ილიონელი ჩემთვის მეტად ძვირფასია, რამეთუ ტროას თავისუფლებას ეწირება!

აქილევსი: – ჩემგანაც ხომ არ ელოდები, დედოფალო, ამგვარ გლოვას და ცრემლთა დენას?

დედოფალი ცისია: – ცრემლთა დენისთვის, როგორც შენ ბრძანებ, საჭიროა მონყალე გული!

აქილევსი: – რაიც მე აღარ გამაჩნია. ხომ ასეა, პეტესილევა?

დედოფალი ცისია: – თუმც შენზე ითქვა, იგლოვო დიდად თვისი მეგობარი, – მე არა მჯერა კაცს უგულოს — სიყვარული შეეძლოს სხვისი, თუნდ მეგობრის. ალბათ იგლოვე, რათა ეთქვათ...

აქილევსი: – რისთვის გაჩუმდი, დედოფალო?... რათა ეთქვათ, ნახეთ, უყურეთ, რა ერთგულება შესძლებია ამ ქვისგულა აქილევსაცო. შესაძლოა ასეც იყოს! ალბათ ასევე მოსაჩვენებლად გავატანე ჰექტორის გვამი მოხუც პრიამოსს!

მე მგონი, ჩვენ ამ კამათით ტყვილა დროს ვკარგავთ. ჩემი ღრმა რწმენით, რაკილა ტროას ველარ უშველი და არც არიან ისინი ღირსნი შენი შველისა და თანადგომისა, ეგების ღირდეს, რომ დაფიქრდე იმ პირობაზე, რაიც წელან შემოგთავაზე?

დედოფალი ცისია: – ტროელთა ეგ ზომ აგდებულად მოხსენიება არა ხამს შენგან, გმირო აქილევსს. შენ თავად ხედავ, აგერ უკვე რა ხანია უმკლავდებიან ტროელები ურიცხვ ძალებს გადამთიელთა. იხოცებიან, მაგრამ აღარ ნებდებიან, ფარ-ხმალს არ ჰყრიან და არც მომხვედურებს ტოლს არ უდებენ არაფერში – თითო-ოროლა მოლალატეს თუ არ ჩავთვლით! ეს საშინელი ომი აკი წამოიწყეს დანაელებმა, შენც კარგად უწყი, არა ნამუსის მოსაწმენდელად ელენესათვის, ანდა მენელაოსისათვის – ზღვისპირეთის ამ მძლავრი ბურჯის და ჩამკეტის ხელში ჩაგდებით – მათ გზა ეხსნებათ მთელ ამ მხარეში - კავკასიონის ქედებამდე, სადაც მრავალი ჩვენი ტომი განსახლებულა – მდიდარი და ოქრომრავალი კოლხეთის ჩათვლით! და ამასთან, თუ მივუმატებთ ილიონელთა ურიცხვ განძეულს... ეს ხომ ომია ნადავლისთვის... და მიწისათვის!

აქილევსი: – უეჭველია, ყველა ომს აქვს მიზეზი-საბაბი. ეს ასე იყო დასაბამიდან, ასეა ახლაც და იქნება ალბათ ასე მომავალშიაც!

დედოფალი ცისია: – ო, რა თქმა უნდა, ეს ასეა! მართალს ბრძანებ!... პელაზგთ ნაშიერთ რომ შესძლებოდათ პირის შეკვრა დანაელთაებრ... მაგრამ ვაგლახ! მუხის არ იყოს, მისი წამქცევი ისევ მისი ჯიშის ცულია!

აქილევსი: – ეგებ სჯობია, ასე დამოძღვრო ილიონელთა უფლისწულნი? განსაკუთრებით სწორუპოვარი, „ბრძენი“ პარისი, ვის გამოც ტროა ილუპება.

დედოფალი ცისია: – რა ხვითოც არის სვეუბედური უფლისწული – პარისი უწყის სუყველამ! მაგრამ შენ აბა, სათქმელი რა გაქვს? აი, გიყურებ წარმოსადეგს, ბრგეს და ახოვანს: გათამამებულს წარმატებით, და თვითდაჯერებულს ესოდენ დიდად! გიყურებ და... მიკვდება გული. ვინა ხარ შენ სინამდვილეში? არც პელაზგი ხარ, არც დანაელი! არც კაცი თითქოს, აღარც ნადირი! სახელოვანი აქილევსი! ჰმ! მერედა, რით მოიხვეჭე სახელი დიდი? კაცთა ჟღერით, დაბა-ქალაქთა აოხრებით, იმით, რომ ხოცავ განუკითხავად დიდს თუ პატარას, გაურკვეველად – ბრალეულის თუ უბრალოსი!.. ან ეგების თავი მოგაქვს უკვდავ ღმერთებთან ნათესაობით? სინამდვილეში, რითი სჯობიხარ იმ ბედოვლათ, შარახვეტია ტროელ პარისს? ან სხვა ვინმეს, „გამორჩეულს“ თავის სახელით?.. შენც ხომ ერთი პანანინა ქაფი ხარ მხოლოდ ზღვის ტალღისა, მსწრაფლ მსხვერვადის? უფრო სწორად, სვაფი ბრძანდები. სვავს კი როდი ეკითხებიან, სვაფი რათ ხარო. სისხლი სწყურია და იმაც არის სვაფი დაუნდობელი!

აქილევსი: - დედოფალო!

დედოფალი ცისია: – დიახ, გახლავარ დედოფალი და მრცხვენის დიდად, რომ მეც ვეკუთვნი სისხლმონყურებულ ჯიშსა და ჯილაგს-კაცთა მოდგმას რომ ეძახიან! ეგების კმარა! ეგების გვეყოს ხოცვა-ჟლეტა ურთიერთისა: – ეს უჯიშობა – მხეცთა სადარი! თუმცა, ვთხოვ პატიებას ტყის ბინადართ – შეურაცყოფისთვის!

აქილევსი: – არ მიკადრებია მე შენთვის, დედოფალო...

დედოფალი ცისია: (ანყვეტინებს) – რა, რა უნდა მკადრო იმაზე მეტი, რასაც სჩადიხარ? არ მითხრა ახლა — დანაელთა სიყვარულით გული გენვოდეს! ლაჩარი ხარ, სხვა არაფერი! გეშინია არგიველების და ამაც იბრძვი ასე თავგამოდებით. გეშინია, არ შეგატყონ სიმხდალე და სულმოკლეობა!

აქილევსი: – დიაცო! ენა დაიმოკლე, ერთობ გრძელი და შხამიანი რომ აღმოგაჩნდა! საზღვარი აქვს ჩემს მოთმინებას!

დედოფალი ცისია: – ნულარ ითმენ! რათ ითმენ ნეტა? სიმართლე,

ჩანს, გემწვავა და კუდი მოგენვა! აი, ბურთი და სარბიელი!.. შენ არ იყავი, კუნძულ სკიროსზე რომ დაიძალე, დიაცურად გადაცმული?

აქილევსი: – ეგ სიცრუეა!

დედოფალი ცისია: – ჰო, რა თქმა უნდა! დანაელებმა მოგიგონეს, შენთვის სახელის გასატყვად!.. ერთობ კარგად მოიგოო ქალის სამოსი, მოხდენილად! რას გეძახოდნენ სკიროსელები? ყელკისერაო, განა არა?

აქილევსი: – ეგ სიცრუეა-მეთქი, დედაკაცო, მონაჭორია!

დედოფალი ცისია: – თუმც ყელმოღერებით დარონინებდი, ქალის ტალავარს არ შეუშლია თურმე ხელი, რომ შეგეცდინა დიადემა — ასული შენი მასპინძლისა და გაგეჩინა მასთან ბუში, რომელიც ალბათ გააგრძელებს შენს გზას სისხლიანს! ნუთუ არ გახსოვს, კისერზე ლამის თოკებმული წამოგიყვანეს დანაელებმა, ხრიკებსა და ვერაგობაში ტოლი რომ არ ჰყავთ – შენ, დიაცებთან დროს ტარებით, ღვინის სმითა და არხენობით-სახელგანთქმულო, მამაცო მამრო! და რაკილა არგიველებთან ვერაფერს გახდი, ახლა უბრალო ტროელებზე იყრი გულის ჯავრს! ფუჰ, შენს კაცობას!

აქილევსი: – ეს უკვე მართლაც მეტისმეცია! ამის ატანა აღარ ძალმიძს! (იწყება ორთაბრძოლა. ქონგურებზე გადმომდგარი არიან ტროელები და ამორძალები. მათ შორისაა წამყვანი ქალი).

წამყვანი ქალი: – ერთმანეთს სამკვდრო-სასიცოცხლოდ შებმინა შეილნი მზე-ღვთებისა, აიას მოდგმის – რჩეული მდედრი და რჩეული მამაკაცი. აი, უზუჩო, უმუზარადო, მარტო ფარით აფარებული იბრძვის ვაჟკაცი გაცეცხლებული, ო, ეს ფარი! სახელგანთქმული, საოცრება, თვალისმომჭრელი! დედამისმა თეტიდამ ხომ საგანგებოდ მიუძღვნა იგი თავის პირმშოს, ჰეფესტოს მიერ ნაჭედი და ნაჩუქურთმევი – სწორუპოვარ გმირს რომ ამშვენებს ეგერიგად! ფარი, რა ფარი! ჯადოსნური, ფარი ზღაპარი! მაგრამ ნახეთ, როგორ მარჯვედ, როგორ სხარტად იგერიებს ამორძალთა დედოფალი მამრის შეტევას!.. რა შეედრება ამ მოქნილობას, ავაზასნაირს, ნიამორის სისწრაფეს და ქედფიცხელობას ვეფხვისებურს! ამორძალთა დედოფალო, რჩეულო მდედრო დიაცთა შორის! ო, რა სიმკვირცხლით და ხელოვნებით უმკლავდები ამ საარაკო გმირს, გახელებულს! (ამორძალები ხმამაღალი შეძახილებით აქეზებენ თავიანთ დედოფალს, ამხნევენ და ტაშს უკრავენ ყოველ მის მარჯვე ილეთს)

– მიდი, მიდი, დედოფალო, შენ გენაცვალე! –

– შეუტეი! ნულარ დაინდობ მაგ სისხლისმსმელს! აი, მასე!

– დაჰკარ კიდე! მიდი, მიდი – არ შედრკე, ჩვენო დედოფალო! – დიდი ნანა, უზენაესი ღვთაება ჩვენი – დაგიცავს და დაგიფარავს!

– ო, რა კისკასით უვლის დავლურს!
– რა სიმკვირცხლით აიცილინა სატევარი მოქნეული ამ ვირგლისაგან!
– მიდი, მზისდარო, მზის ასულო, დედოფალო ჩვენო! არ შეუშინდე ამ თავგასულ, გაყოფიერებულ მირმიდონელს! უფ! კარგია, შენ შემოგველე!
– ნახოს ერთი ამ წყეულმა, სახელკრულმა, რა შეუძლია ძალღონით სუსტს, ფაქიზს და ნახ დედაკაცს, ამორძალად დაბადებულს!

ნამყვანი ქალი: – ბედისწერისგან გაქეზებულნო! ნაცვლად იმისა, რომ შეერთდეს ორივეს ნება, მამრის და მდედრის და ერთი მოდგმის – დანასისხლად წაკიდებულნი, დაუნდობელად, უმონყალოდ, უკანასკნელ ამოსუნთქვამდე ჩეხენ ურთიერთს!

ო, ვით ახელებს მამრს დიაცის ეს სიმარჯვე, თავგამოდება, თავისუფლად დაბადებულის ურყევი რწმენა და მტკიცე ნება, შეუპოვრობა, უშიშრობა! და რაც უფრო მარჯვედ იცდენს ქალი სატევარს აქილევსისგან მოქნეულს, მით უფრო დიდად შმაგდება იგი – წონასწორობა დაკარგული! აბა, როგორ! შელახულია მამრის სახელი, მისი ღირსება! შელახულია თავმოყვარეობა ვაჟკაცისა, უკვდავის სწორის! დროა ჭკუა ისწავლოს მდედრმა, ამ თავხედმა ამორძალმაო! რაფერ ბედავს წინ აღუდგეს ძლიერებას მამაკაცისას! მერე რა, რომ უზენაესი ღვთაება ნანა და ცის მნათობი, თანაბრად წყალობს ქალსა და კაცსაც, ღვთით გაჩენილს-თუმც მართალია, რომ მზის მოდგმა თანასწორია მის წინაშე, მაგრამ ახალ, ღვთაებათა მიმდევარნი არ დაუშვებენ ძლიერი მამრის დამარცხებას უძღურ დიაცთან!.. ო, უცხო ტომთა ღვთაებანი უთუოდ სძლევენ გულმონყალე, სათნო ნანას თავყვანისმცემელთ, ცის დედოფალი დაიჩაგრება ერკემლისაგან!

დედოფალი ცისია: – ხომ ხედავ, დიდი ვერაფერიშვილია შენი ვეება ფარი ჩემს პანია ფართან შეხლისას., შენ ვერ დასრთგუნავ, ვერ მოერევი შენი სხეულის სიძლიერით ნებას ჩემსას – სუსტი დიაცის!

აქილევსი: – ვერაფერს იტყვი! განთქმულია ამორძალთა ხერხი, ხრიკები და მოქნილობა, აღარ გაკლიათ სიფიცხე და ჟინი ბრძოლისა, არც გულადობა და სიციქვიტე, გამჭრიახობა გონისა და მართვა სხეულის. მარჯვედ ისვრი ისარსაც და სატევარსაც მარჯვედ ხმარობ. და მაინც გირჩევ-გონს მოხვიდე! მეტისმეტად ნუ გაფიცხდები. უკანასკნელად გეუბნები: – იარაღი დაჰყარო ნებით! ვფიცავ ჩემს ღმერთებს, დია-უფალს, პელაზგთა მფარველს – არ მოგაკვდინო! პირიქით, დიდი პატივით და თავყვანებით წაგაბრძანებ ჩემს სამყოფელში, ვით შეჰფერის ეს დედოფალს იათნანისა!

დედოფალი ცისია: – შენი მხეველების დარად, არა? მონათა შორის რომ ვიპირველო!

აქილევსი: – მე დედოფლობას შემოგთავაზებ ჩემი გულისა! ვფიცავ, ღვთაებას, ცის ბინადარს!

დედოფალი ცისია: – ვერ ეღირსები მაგ სიამეს, მირმიდონელთა უფლისწულო! თუ ვაჟკაცი ხარ, უნდა ბოლომდე შემერკინო, მაგრამ ვატყობ, აღარ გერჩის ძველებურად მკლავი ძლიერი! მუხლებშიც ძალა გამოგლევია, შიშით ცახცახებ, ვაი თუ მძლიოს ამორძალმაო, ვაი თუ თავი მომეჭრასო ამ ცისქვეშეთში, ფერ-ფური მიგდის, გული გიკრთის, გიკანკალებს, ჰოი, შე საბრალოვ, საცოდავო!

აქილევსი: – მაშ, აღარ იმლი მაინც შენსას? კვლავ იგესლები? ენამ-ნარობ? ბედავ, ისევ შეურაცმყო, როგორც სხვიმის? მაშ, რაც მოგივია, შენს თავს მოჰკითხე, დააბრალებ შენს უტვინობას, უტიფრობას, გონის სისუსტეს! (მძლავრად მოუქნევს სატევარს, სატევარი ფარს გაგლეჯს და ქალის მხრის თავზე ჩაერჭობა. ცისია ეცემა. აქილევსი უცებ მოდის გონს. მივარდება).

აქილევსი: – ღმერთო ჩემო! ეს რა ვქენი? რა ჩავიდინე? (დაიჩოქებს, თავს წამოუწევს)

აქილევსი: – დედოფალო! ღვთის გულისათვის, მაჰატიე! შემიწვევ!.. (ცისია ცდილობს ზურის ახდას, აქილევსი მიეშველება, ზურს მოხდის თუ არა. განციფრებით აღმოხდება)

აქილევსი: – დია-უფალო! ვაგლახ მე ბედ-კრულს! მართლაც მზის-დარი, მზეთუნახავი გამიწირავს! (დაემხოთა კვლავ მუხლებზე და ცდილობს წამოუწიოს თავი, ხელები სისხლში ესვრება).

დედოფალი ცისია: – სიკვდილი შენი ხელით მწადადა! მიზანს ვენიე... აღარ ვნანობ აღარაფერს...

აქილევსი: – ო, მშვენიერო მზის ასულო, პენტესილევ! გევედრები, გემუდარები, არ დამტოვო!.. აღარ მოკვდე! შემობრალე დედოფალო!.. ნულარ გამწირავ!... (მოიგლეჯს ქიტონს და ჭრილობას შეუხვევს. მერე ხელში აიყვანს,)

აქილევსი: – შენ არ მოკვდები, მზის ასულო!.. შენ კვლავ უნდა იდედოფლო!.. ნუ გეშინია!.. ჩემი მაღამო უებარია-მსწრაფლ მოგარჩენს. აქილევსი, ვითარც ნამდვილი პელაზგი, ჯადო წამალთა მცოდნეცაა!

(აქილევსს ხელში ატატებული მიჰყავს დედოფალი, ერთ ხანს თავზარდაცემული, ქონგურებზე გადმომდგარი ამორძალები საოცარ კვილ-წივილს ასტეხენ. პირს იხოკენ, თმებს იგლეჯენ. ისმის ზარის ზუ-ზუნი, ქვითინი. ნამყვანი ქალი ხელს გაიშვერს წინ: – აღსრულდა ბედის განჩინება!... მაგრამ აქილევსს, შენც გენევა იგი ჩქარა!

აქილევსის კარავთან შეკრებილი მეგობრები მდუმარედ ეგებებიან აქილევსს. აქილევსი ცისიას ფრთხილად დაასვენებს კარვის შესასვ-

ლელთან: –

– მეტენდორს მიხმეთ! ჩქარა მოვიდეს! დაჭრილია, მხოლოდ დაჭრილი! – (აქილევსი სასწრაფოდ შედის კარავში. ავტომედონტი გარბის მკურნალის მოსაყვანად. დანარჩენები დედოფალს გარს შემოეხვევიან და გაოგნებული სახეებით დასცქერიან. ერთ-ერთ მათგანს აღმოხდება განცვიფრებით და სინანულით: – მზეთუნახავი ყოფილა მართლაც, ეს საცოდავი!

– ვინა თქვა, თითქოს ცოცხალიაო?... რომ აღარ სუნთქავს?...

– ჰო, მართლა, მგონი იგი მკვდარია!

– მშვენიერ სხეულს სული გასცლია!

– მაშ, აქილევსს რათ მოეჩვენა, ცოცხალიაო?

– ალბათ აღარ დაიჯერა... არ უნდოდა, რომ დაიჯეროს!... (უცებ საიდ-ანლაც მოვარდება დანაელი თერსიტე, გონჯი ქონდრისკაცი. გაარღვევს რკალს და დედოფალის ცხედარს მიეჭრება).

თერსიტე: – მაშ, ჩაძაღდა ჩვენი მოძულე და მოსისხლე კახპა დიაცი, კახპათა ლაშქრის წინამძღოლი! – (სატევარს იძრობს და ღრიალით დაუნყებს ჩეხვას დედოფლის სხეულს. ეს ისე სწრაფად ხდება, რომ მიდონელები მოულოდნელობისაგან განძრევასაც ვერ ახერხებენ)

თერსიტე: – მადლობა ღმერთებს და მადლობა აქილევსის მკლავს, მოურეველს და უძლეველს, რომ ეს ურცხვი ამორძალი საიქიოს გზას გაუყენა მეტად დროულად!

(ამ დროს კარვიდან გამოდის აქილევსი მალამოს ქოთნით და ძვირფასი მოსასხამით ხელში. იგი შორიდანვე თვალს მოჰკრავს ამ სურათს და გავეშებული მივარდება თერსიტეს, რომელიც სისხლიან სატევარს გამარჯვებულის ყიჟინით ატრიალებს ხელში).

აქილევსი: – ეს რა ჰქენი, შე ძაღლის გაგდებულო! მსტოვარო! გველო! ნაბიჭვარო! (წამსვე მახვილით განგმირავს თერსიტეს და შემდეგ დედოფლის სხეულს დაემხოზა ყრუ ქვითინით): – ერთხელ სიკვდილი აღარ გაკმარეთ, დედოფალო!... დაგისახიჩრეთ მშვენიერი შენი სხეულიც!

მოქმედება IV

სცენა IV

(აქილევსის კარავი, კარვის შესასვლელში დგას შუბოსანი დარაჯი – აქილევსის მეაბჯრე. შემოდინ მერინოე, ავტომედონტი, ალკინოესი).

ავტომედონტი: – ისევ ისეა?

დარაჯი: – დიახ, ისევ ისე გახლავთ. (კარვიდან გამოდის ატირებული ბრისეისი)

ბრისეისი: – ოჰ, დონთო! ნოე! აკა! აქა ხართ?

ავტომედონტი: – რაო, კვლავ უგონოა?

ბრისეისი: – სამი დღე და ღამეა უკვე, თქვენც კარგად იცით, თვა-ლახმული, მისჩერებია ჭერს გაუნძრევლად გაშტერებული. ნვეთი წყალი, ლუკმა-პური არ ჩასვლია ჯერაც პირში. არავის დანახვა არ სწადია. მეც გამომაგდო. ოჰ, რა თვალეები ჰქონდა, დია-ღმერთო! ასე პატროკლეს სიკვდილი არ უგლოვია, ოჰ, ჩემო დღეო! განა რა მოხდა უსაშველო? ერთი უცხო დიაციის სიკვდილი ნუთუ ეგზომ დიდი ჭრილობაა აქილევსისთვის?... ასე რატომ იტანჯება? აღარაფერი აღარ მესმის... აღარაფერი გამეგება (ტირის).

ავტომედონტი: – მეც ვერაფერი გამიგია, მაგრამ... აქ რაღაც სხვა ამბავია! (მეაბჯრეს) – გაგვატარე, ჩვენო კეთილო მეგობარო! უნდა ვნახოთ უსათუოდ უფლისწული!

დარაჯი: (ყოყმანით) – ნაბრძანები მაქვს... თავის გამზრდელიც არ მიიღო... ხომ ხედავთ თავად ბრისეისიც გამოისტუმრა...

ავტომედონტი: – მე-დონთო ვარ! ეს ნოეა და ეს კი-აკა გახლავს – შენც კარგად უნცი, უახლოესი მეგობრები ვართ აქილევსის! აქამდე აკი დავიცაადეთ. ახლა – კმარა! შენ რაო, ჩემო ძმაო, სიკვდილი ხომ არ გწადია შენი პატრონის? სამარცხვინო სიკვდილი თანაც – უჭმელობისგან, უსმელობისგან?

ალკინოესი: – ასე ხომ შესაძლოა, სულიც გაძვრეს?

მერინოე: – რას ვუცდიდით აქამომდე? რად დაუფუჯერეთ?

დარაჯი: – რასა ბრძანებთ! მზადა ვარ ჩემი პატრონისთვის დაუყოვნებლივ თავი გავწირო, მარა...

ავტომედონტი: – თუ მასეა... ნუღარ აყოვნებ! განზე გადექ! მიგვიმვი მასთან! (დარაჯი კვლავ ყოყმანობს. მერე გაინევს. აქილევსის მეგობრები კარავში შედიან, ნახევრადმიშველი აქილევსი პირალმა წევს გამოტილი და გაუნძრევლად მისჩერებია ჭერს, წვერ-ულვაშმოშვებული. მეგობრები ჯერ უხმოდ დგანან შესასვლელში, მერე ავტომედონტი დაიძვრება, მივა აქილევსთან ნელი ნაბიჯით, დაიხრება).

ავტომედონტი: – აქილევსს!.. შენი რაშები ჭიხვინებენ!.. შენი რაშები გიხმობენ, ჩვენო უფლისწულო!

(აქილევსი ზანტად შეირხევა, თვალეებს მიუშტერებს ავტომედონტს. კარგა ხანს მდუმარებს ასე. ავტომედონტი და დანარჩენებიც შეურხეველად დგანან და დასჩერებიან დაბალ სარეცელზე გართხმულ ვეება სხეულს. ბოლოს აქილევსი ნელა წამოიმართება. დამცინავი ღიმილით დაე-

გრიხება ტუჩ-პირი).

აქილევსი: – რაო, რა თქვი, დონთო? რა ჭიხვინებსო?

ავთომედონტი: – (უფრო თამამად) – შენი ცხენები პატრონს უხმობენ, უფლისწულო! აგერ უკვე მესამე დღეა ჭიხვინებენ გაუთავებლად.

აქილევსი: – აჰა, მამ, ჭიხვინებენ ჩემი რაშები! (აქილევსი წამოზრდილ თმებზე ორივე ხელს გადაისვამს, მერე ხელს დაავლებს დოქს, მოიყუდებს და ხარბად დაღვეს წყალს, მერე წვერ-ულვაშებზე ჩამოისვამს ხელის გულს).

აქილევსი: – რაო, დონთო, რა გვინდაო? რაზე არიან გამწარებულნი?

ავთომედონტი: – როგორც ყოველთვის, ბრძოლისაკენ მოუწოდებენ ლომგულ აქილევსს! (აქილევსი ხმამაღლა გაიციინებს ანაზდად. მერე ისევ უცებ შეწყვეტს სიცილს, წამოიმართება და კარავში ბოლთის ცემას მოჰყვება, თან თავისთვის დუდუნებს: – ჩემი რაშები მიხმობენ თურმე!...)

აქილევსი: (ხმამაღლა) – რაო, დონთო, ცოტა სისხლი დაღვარაო ჩვენმა პატრონმა? უფრო მეტია საჭირო განა? ნელამდე სისხლში ყოფნას ერჩივნოსო ყელამდე დგომა? ან ეგებ... სისხლში ჩახრჩობა უფრო მეტად სასურველია კაი მოყმისთვის?

ავთომედონტი: (დაბნევილ) – მამრის საზომი ვაჟკაცობისა მტრის გვაშების სიმრავლე იყო მითაჟამიდან! ეს შენ ჩვენზე უკეთ იცი, უფლისწულო...

ალკინოესი: – აკი ამისთვის გავჩნდით ამ ქვეყნად, რომ ვიყოთ მარად გულფიცხელი მეომრები. ჩვენს ძარღვებში ხომ ჩვენი უშიში წინაპრების სისხლი დულს და მოედინება!

აქილევსი: – მერედა, ვინ გაგვარჩინა მეომრებად, როგორც შენ ამბობ, ჩემო აკა, თან ძალგულოვან მეომრებად? ვინ-მეთქი? (მეგობრები ერთმანეთს გადახედავენ).

ავთომედონტი: – როგორ თუ ვინ?... ჩვენმა ღმერთებმა, ჩვენმა მშობლებმა...

აქილევსი: – ჩვენმა ღმერთებმა? ჰო, მაგრამ უზენაესი ღვთაება ჩვენი-დიდი ნანა გულმონყალე და სათნო ღმერთია. ის ხომ ჩვენგან არ მოითხოვს უმიზნო ზვარაკს... სისხლიანი ზორვა აკი უცხო იყო ჩვენი წინაპრებისთვის!... გადამთიელთა შემოიჭანეს იგი ჩვენში და... ჩვენც ხალისით ავითვისეთ. გადავაჭარბეთ მგონი, კიდეც ჩვენს მასწავლებლებს!

ავთომედონტი: (მხრებს იჩეჩავს) – ვერაფერი გამიგია... როგორც ვუნცი, ქსლის მბეჭველად ქალი არის გაჩენილი დასაბამიდან, მამრი-მეომრად. ხოლო მტრის მტრულად დახვედრა კი – მოყმეთ წესი ყოფილა მიწყვი დასაბამიდან. ნუთუ... შენ... შენ ასე აღარ აზრობ, უფლისწულო?

აქილევსი: – მერედა, მტერი ვინაა ჩვენი? ვინ მოგვიხტა ნეტა კარზე?

ვინ დაგვიპირა ანიოკება, ხოცვა და ჟლეტა? ნუთუ ტროელნი სჩადიან ამას?

მერინოე: – ნამუსის და ღირსების გრძნობის დასაცავად შევიყარენით ჩვენ, მე მგონი... ასე ვფიქრობდი მე აქამომდე...

აქილევსი: – ვისი ნამუსის, ჩემო ნოე?... მენელაოსის სვინდის-ნამუსის მოსაწმენდად მოვკალი განა მისიმიელთა ლომგული მეფე და დავამხე ქალაქი თებე?... ამოვხოცე მეფის ძენი – ღვიძლი ძმები ანდრომაქესი?... რაღას ვერჩოდი მეფე ტენესს? რისთვის მოვსპე პლაკის თებე? რისთვის დავხოცე უამრავი გმირი – ერთგული თავის მამულისა!, რისთვის ვქენი ეს ყოველივე?

ალკინოესი: – ეს ხომ... ჩვენი ვალი არის... მოკავშირეთა ვალდებულება!.. დანაელთ მტერი, გვინდა არ გვინდა, ჩვენი მტერიც არ არის განა?... მტერს კი უნდა ისე მოექცე, როგორც ეკუთვნის! (აქილევსი კვლავ სიცილს ატეხავს. მერე უცებ შეწყვეტს).

აქილევსი: – მოკავშირე... მოკავშირე, ჰმ!... პატროკლეს შემდეგ თქვენ ჩემი უახლოესი მეგობრები ხართ, მაგრამ ნუთუ... ნუთუ თქვენც გჯერათ, რომ ჩვენ მართლაც მოკავშირენი ვართ დანაელთა? განა მართლა მოვედით იმისთვის, რომ შუბის მტყორცნელ ტროელებს შევერკინოთ? ჩვენ მათგან გვახსოვს განა რამე ზიანი? ცხენთა რემა და ჯოგი ხომ არ გაუტაცნიათ უხვნაყოფიან და ხალხმრავალ ჩვენი ფთიიდან?

ჩვენი ჯეჯილი უთელიათ ოდესმე განა? გვაშორიშორებს ჩვენ ერთმანეთისგან მთა-გრეხილები და მოგუგუნე ზღვა. აკი ვუთხარი კიდეც პირდაპირ იმ პირძალლ აგამემნონს, ჭირივით რომ ვეჯავრები: შენდა შემხიდედ შევიკრიბეთ, მენელაოსის ნამუსისთვის ვიბრძვით ესოდენ შეუპოვრად თქვა და ხომ იცით, რა მიპასუხა მაგ ფუყეთავამ, გაბლენძილმა არარაობამ? თავიდან მომწყდი, გაიქეცი, თუ გული გერჩისო. არ გეგონოს დიდად დავლონდე, ყველაზე მეტად შენა მძულხარ ბელადთა შორის. შენი გემებით გამეცალე, მხედრიონს შენსას – მირმიდონელთა ტომს უმეფე. არად მიღირხარ. რა ბედენაა რისხვა შენიო...

ეს რა თქმა უნდა, გულის გარეთ იყო ნათქვამი. მან კარგად უწყის, რის გამო და რისთვის ვახლავარ აქ და რისთვის იღვრება სისხლი მირმიდონელთა. სხვა საშველი აღარ იყო! ნათქვამია, ძალა აღმართსა ხნავსო. (დუმილი) მაგრამ მთავარი ჩემთვის ახლა ის გახლავთ, ძმებო, რომ... (გაჩუმდება)

ავთომედონტი: – სიმართლე რომ ვთქვა... აღარ ვიცი, რა გიპასუხო.

ალკინოესი: – არც მე ვიცი!

მერინოე: – მეც დავიბენი...

აქილევსი: – მამ, მომისმინეთ: ჩვენ ვითარებამ გვაიძულა კავში-

რი ესე! და ჩაყოლა ვამჯობინეთ, ძალით ჩათრევას: მამაჩემმა – მეფე პელევსმა ასე ინება! თუმც პატროკლეც ვერ ხვდებოდა, მგონი, ამას... ვერ ხვდებოდა ზოგ რამეებს, თქვენც ასე მოგდით... (იყურებს) – ჩემთვის ახლა სულ ერთია, ვინ რას იფიქრებს, ან რას იტყვის!.. დამაღვას უკვე აზრი არა აქვს და აღარც მსურს დავფარო რამე!... (ისევ გაივლ-გამოივლის კარავში) – ამ ხელებმა გაიმეტეს სასიკვდილოდ კეთილშობილი დედოფალი იათნანისა!.. შორეული კუნძულიდან თავის სურვილით რომ ჩამოვიდა პატარა ქვეყნის მისაშველებლად. თუკი გმირობა არსებობს მართლა ამ ცისქვეშეთში – აი, ეს გახლავთ გმირობა სწორედ: გმირობა ზნემაღალი არსებისა, გულის კარნახით ჩადენილი, ხოლო მე... ნაცვლად იმისა, რომ მუხლმოყრილს პატიება მეთხოვა მისთვის ავკაცობისთვის, შუბი ვაძგერე! (ზურგს შეაქცევს მეგობრებს, მხრები უთახთახებს).

ავთომედონტი: (დაბნეული) – სწორუპოვარო უფლისწულო, ველარა გცნობთ... (აქილევსი შემოტრიალდება ისევ).

აქილევსი: – მართალს ბრძანებ, ჩემო დონთო! თქვენ, ჩემმა მეგობრებმაც არ უწყით-მეთქი, რა ჯოჯოხეთი ტრიალებს ახლა აქ, ჩემს გულში... დიახ, მე მართლა აღარა ვარ ის აქილევსი, გუშინ რომ ვიყავ!.. მივხვდი, რომ მართლაც ხვადაგი და სვაგი ვყოფილვარ თურმე, რამეთუ ჩვენ, „გონიერ“ ორფეხთ ძალგვიძს ხოლმე ასე უწყალოდ, ასე უღვთოდ ვხოცოთ ერთურთი!..

აბა, შეხედეთ ერთი ამ ხროვას, ჯარს რომ ვეძახით? სისხლით უძღებ-მა მათმა ბოტებმა საკუთარი ალაფისათვის და სახელისთვის — არ წამო-ლაღეს ისინი განა – ზოგი ძალით, ზოგიც მუქარით, ზოგიც ნებით!.. აბა, ერთი დღე სალაფავი არ ჩაახეთქე ამ საცოდავებს, რა სასტიკად დაე-რევიან ერთი მეორეს და მეც-მეფეთა შთამომავალი, ღვთით შემოსილი აქილევსი, არაფრით, გესმით, არაფრით აღარა ვარ ამ ნახირზე უკეთესი, ვითარცა ბრძანა დედოფალმა! უფრო მეტიც: მაგათზე ბევრად ავი და გულქვა გამოვედი, რამეთუ ბინიერი გონის კარნახით, გააზრებულად, მოფიქრებულად ჩავდიოდი ბოროტებას!.. მარტო თორმეტი უწვერულ-ვაშო ყმანვილი რად ღირს, ასე უღმობლად რომ დავაკალი ცხედარს მეგობრის!.. თორმეტი ნორჩი სიცოცხლე მოვსპე, ერთი ხელის მოსმით!

ავთომედონტი: – კი მარა... შურისგება ხომ წესია საყოველთაო? ასე იქცევა ყველა ოდითგან, მითაჟამიდან!

ალკინოესი: – მართლაც ხომ ასე იყო ეს ჩვენამდე და ჩვენს შემდეგაც ასე იქნება ალბათ! შენ ხომ წესი აღასრულე, შურისძიების ოდინდელი წესი!

მერინოე: – დიახაც რომ არ ეგების მტრების დანდობა: წესი-წესია!

აქილევსი: – წესი? მერედა, ვინ დაანესა ეს უღვთო წესი?.. მაგრამ

რადგანაც განვუდექით ჩვენს ღვთაებებს, ჩვენ თვითონვე დავანესეთ, დიახ, დავაკანონეთ უკეთური წეს-ჩვეულება!.. შურისძიებას მართებს იყოს პიროვნული, სამართლიანი! ჰექტორმა მოკლა ჩემი ძვირფასი ძმო-ბილი და მეგობარი არა მიპარვით — პირისპირ მოკლა იგი ორთაბრძოლა-ში, ვითარცა მოყმეს შეეფერება. შურისძიება თუკი იყო, შური ჰექტორზე უნდა მეძია. იმ თორმეტმა უცოდველმა ყმანვილებმა რა დამიშავეს? რას ვერჩოდი? მხოლოდ ის, რომ ტროელებად დაიბადნენ! მხოლოდ ამიტომ დაიკლნენ ასე უმოწყალოდ! ასე უღვთოდ! ზვარაკად შენირულნი, ისინი სულს პატროკლესას დაამძიმებენ საიქიოში!

ავთომედონტი: – აქილევსო, უშიშარო აქილევსო, იმ ძალთაპირ ტროელებზე ნუთუ დარდობ ასრერიგად? (აქილევსს რისხვით აენტება თვალები, მერე მზერას დახრის).

აქილევსი: – (ჩუმად) – ვერა. ამას ვერც თქვენ, ჩემი ახლობლები, ვე-ლარ გაიგებთ... თუმცა, მეც აკი ასეთი ვიყავ, ჯერ კიდევ – გუშინ! დიახ, მეც გუშინ თქვენსავით ვკლავდი დაუნდობლად ჩემს მსგავს არსებებს!

ავთომედონტი: – ნება მომეცი, შეგედავო... ჯერ ერთი, შენნაირი ვერ იქნებიან ვერას დიდებით, ვისაც შენ ხოცავ! შენ ერთადერთი, გამორ-ჩეული ბელადი ხარ არა მარტო დანაელთ შორის! შენნაირ ზეკაცთ სა-განგებოდ მოუვლენენ ხოლმე ღმერთები მიწისშვილებს. შენ ტიტანების მოდგმა ხარ და პრომეთეოსის შთამომავალი! შენ წინამძღოლად გაუჩე-ნიხარ არსთა გამრიგეს. ამიტომაც გეპატიება ყოველივე ის, რასაც ჩვეუ-ლებრივ მიწისშვილებს არ შეგვინდობენ! ჩვენ მართლა ჭია-ლუები ვართ, შენ კი – ღვთისშვილად დაბადებულხარ ამ ცისქვეშეთში!

აქილევსი: – ჰო, მართალი ხარ, ჩემო დონთო! ზეკაცთ ყველაფრის ნებართვა აქვთ! აკი ხალხთა დიდი ხელმწიფე აგამემნონი და მისი მს-გავსნი ამასვე ფიქრობენ, ასე აზრობენ და ამიტომაც, თვალში ნაცრის შესაყრელად, სინამდვილეში – მხოლოდ ოქროს და მიწის გულისთვის, — სხვადასხვაგვარი საბაბით, საითაც უნდათ, იმ მხარისკენ პირს უზამენ მორეკილ ნახირს ეს რჩეულები.

მაშ, ქება ვუძღვნათ სისხლის ნიაღვრებს! ქება დაქცეულ სისხლის გუბეებს, მდინარეებს, ზღვეებს, ოკეანებს! ო, რა საამო საცქერალია კაცთა დაღვრილი ცხელი სისხლი, ქაფქაფა და მოხასხასე! ქებათა-ქება სისხლში მოთხვრილ, სისხლში ნაბან ძლიერ ხელებს! ოჰ, როგორ მეჯა-ვრება ჩემი თავი, ეს ხელები – კაცთა კვლაში ეგ ზომ მარჯვენი! ამორძალ-თა დედოფლის თქმით, მრცხვენია ფრიად, რომ ვეკუთვნი ვითომ კაცთა მოდგმის ჯიშსა და ჯილაგს... მრცხვენის ფრიად, რომ მაქვს თვალები და ვუყურებ! მაქვს ყურები და გაუგონარ რამეებს ვისმენ! მძულს, მეზიზ-ღება მთელი ჩემი არსება-მეთქი, მატლი მიწისა, წამიერად მოვლენილი

ამ სამზეოში და გასაქრობად გამზადებული დღესა თუ ხვალე და მაინც...
ეგ ზომ უძლები და ფუჭი დიდების მოტრფიალე, ამპარტავანი.

ავთომედონტი: – აღარ ვიცი, რა ვიფიქრო, რა გიპასუხო...

აქილევსი: – ჰო, მართალი ხარ, დონთო ჩემო, ჯერ კიდევ გუშინ მეც არ ვუნყოფი ბევრი რამე, დღეს კი... დღეს საკუთარი არარაობის შეგრძნება მზარავს, ჩემო ძმებო, სულს მიხუთავს! იყავი თუნდაც უძლეველი გამირთა-გამირი, სახელმორჭმული აქილევსი, რაო მერე? ნამი-ნამში მოჭრილ ხესავით დაენარცხები დედამინას, ფერფლად იქცევი. ცეცხლს შეგინთებენ ახლობლები, რომ ეს ტანი, ეს მკლავები, მარდი ფეხები, მთელი სხეული-ამით რომ თავი დიდად მოგქონდა – ნახშირის გროვად გადაიქცეს! (ჩუმდება, ყველანი ხმაგაკმენდილნი შესცქერიან).

აქილევსი: (ხმადაბლა, ჩუმად აგრძელებს) – დედოფალი რომ მომყავდა დაჭრილი, პირველად თითქოს მაშინ შევიგრძენ ცხადად, აშკარად, რომ ხელში მეჭირა დასანაცრებლად გამზადებული ყვავილის ნორჩი ტოტი, ცოტა ხნის წინ რომ სულიერი, გონიერი არსება იყო, ახლა კი... დაჭრილს, ჩემი ხელისგან უსულოდქცეულს – დანახშირება მოელოდა! (უცებ ქვითინი აუფარდება, ორივე ხელს აიფარებს სახეზე. ყველანი გაოგნებულნი შეჰყურებენ)

აქილევსი: – (გონს მოეგება, ყრუ ხმით) – გიკვირთ არა, გულჩვილობა აქილევსისა? ასეა ძმებო, თურმე ტირილიც შემძლება უამრავი სიცოცხლის მომსპობს. სიყვარულიც, სიბრალულიც შესძლება მხეცს და ნადირს... აი, ესაა ჭკუიდან რომ მშლის, გონებას მიმღვრევს!.. უკვე ოთხი დღეა და ღამეა შხამი წვეთ-წვეთად მიწამლავს დურდოს, იმ მთხლეს, ოდესღაც სისხლი რომ ერქვა.

(ხმადაბლა) – და მინდა, დადგეს ღამე უკუნი, რომ შევერიო წყვდიადს, სიბნელეს... და მოვისვენო სამარადჟამოდ!

ავთომედონტი: – ნუთუ... შენ მართლა აღარ ხარ ის აქილევსი, ჩვენ რომ ასე გულით გვიყვარდა და თავყანს ვცემდით! გამირთა-გამირი აქილევსი, შიშის ზარს რომ სცემს ირგვლივ ყველას და ყოველივეს?

აქილევსი: – მოდი, შევწყვიტოთ ახლა ეს საუბარი, ჩემო ძმებო!.. ერთ რამესა გთხოვთ, მომგვარეთ აქა ბრისეისი, მასთან პირისპირ საუბარი მსურს!

(ავთომედონტი გადის. ცოტა ხნის შემდეგ შემოჰყავს ნამტირალევი ბრისეისი. აქილევსი ხელს ჩაჰკიდებს და კარვის მეორე ნაწილში გაიყვანს).

აქილევსი: – ჩემო ბრისეა, მინდა შენთან ვილაპარაკო გულახდილად, დაუფარავად... მსურს იცოდე, რომ ამორძალთა დედოფლის მიმართ ჩემი გრძნობა უბოლოა, უსასრულოა და ჩემს სიკვდილსა თუ შეუძლია

მისი სახის ნაშლა ჩემი გონებიდან. ვიცი, გულს გატკენს ეგ აღსარება, მაგრამ არ ძალმიძს ტყუილი ვთქვა, გეპირფერო, გელაქუცო!...

შენთვისაა ჩემი ნამდვილი ტრფობის საგანი გახდა, დანახვისთანავე... იგი ჩემი სულის და ხორცის მენყვილედ ვცანი, თანასწორი აზრით, გონებით, მოვლენილი დია-უფლისგან და მისგანვე ნაყვანილი ჩემ დასასჯელად!.. მის შემდეგ აღარ ძალმიძს სხვა შევიყვარო, სხვას მოვეფერო. მორჩა! გათავდა! შენ კი... მართლა მეტრალევი გულით. უწყის უფალმა, აღარ მინდა, როგორც ნადავლი, ჩემს შემდეგ ხელიდან ხელში გადახვიდე, არადა, ვიცი, შემდგომ ჩემი სიკვდილისა, ამ ხვედრს ველარ აიცილებ!

ბრისეისი: – შენი სიკვდილი? ღმერთო ჩემო...

აქილევსი: – არავინ უწყის, ჩემო კარგო, რა მომელის დღესა თუ ხვალე. ომი-ომია! მისანთა თუ ნათელმხილველთა კეთილგანწყობაც ველარ გიშველის, თუკი ღვთაებამ ხელი აგალო. ჰოდა, მე მინდა დაგიბრუნო თავისუფლება, დაუბრუნდე შენს კერიას. შენ ერთობ მშვენიერი გოგონა ხარ, – გულკეთილი, ნაზი, მოსიყვარულე. შესაძლოა, მომავალში ღირსეულმა კაცმა გითხოვოს და ოჯახი შექმნა კიდევ. ალბათ, შვილებიც გეყოლება, გაზრდი იმათაც, ვით შეჰფერის შენს ქალობას, სახლისშვილობას.

ბრისეისი: – შენთან სიკვდილი მირჩევნია სხვასთან თუნდაც მორჭმით ყოფნას. ნუ გამაგდებ, გევედრები, გემუდარები. წასასვლელი არსად რომ არ მაქვს, ეს შენც იცი, აღარავინ დარჩა ცოცხალი ჩემი სახლეულიდან.

აქილევსი: – დიახ, ვიცი, სამწუხაროა ეს ყოველივე და მაინც გეტყვი – გადარჩენილ შენთან და დუხჭირი ყოფნა უნდა გერჩიოს სხვა ქვეყანაში დედოფლობას, მით უმეტეს – მონად ყოფნას უცხო თესლისას. დამიჯერე, ასე აჯობებს შენთვის, შენი მომავლისათვის, იგივე მინდა დიომედასთვის!

ბრისეისი: – მე არაფერს გთხოვ, უფლისწულო! შენს ახლოს ვიყო ოღონდ სადმე, თუნდ-შომუნავრად. ქალის ხვედრს, აკი შინ თუ გარეთ მამრი განაგებს! ხოლო თუ მამრი ბოროტია და სასტიკი, თავადაც უწყირა მოელის ბეჩავ დედაკაცს.

აქილევსი: – ჰოდა, სწორედ ამიტომაც მსურს გადაურჩე ამ უმძიმეს ხვედრს შენ და დიომედა. ჩემი სურვილი გახლავს სწორედ — შენ იყო თავად გამგებელი შენი ბედისა. სხვა დანარჩენზე – მე ვიზრუნებ! ოქრო ბევრი მაქვს ნაალაფევი. ნუ სტირი, ჩემო მშვენიერო, თორემ მეც გული ამიჩვილდება. ცრემლები შეიმშრალე. იქნებ დაგჭირდეს ახლო ხანებში აქილევსის დასატირებლად... ჰო, კარგი, ნულარ დაფეთდები!... ბედის-

ნერას, შენც კარგად იცი, ველარავინ ველარ ნაუვა. (ნაზად ჰკოცნის თავზე) – აკი გთხოვე, სხვიმისთვის-თქო შემოინახე ამ ლამაზი თვალის ნაჟური!.. ახლა ნადი, გენაცვალე!..

მე კიდევ გნახავ, მერწმუნე, ბედის ანაბარად აღარ დაგტოვებ, რაც უნდა მოხდეს. (ბრისეისი ტირილით გადის, აქილევსი თავისთვის – საკმარისია, შე საბრალოვ, რაც იწვნიე მამაკაცთა ხვადაგობისგან!... (შემოდის მებაჯრე):

მებაჯრე: – უძლევლო გმირთა-გმირო, მომიტევე, მაგრამ ლეონტი-ასისთავი გელოდება ტყვეებითურთ, რა ხანია, შენს ბრძანებას ელოდება!

აქილევსი: – ტყვეებით? ვინ ტყვევებია?... შემოვიდნენ!

(შემოდიან ასისთავი ლეონტი და თან შემოჰყავს სამი გაბანრული ტყვე).

ლეონტი: – უძლევლო აქილევსო, სახელოვანო უფლისწულო!.. ესენი, ძაღლის გაგდებულნი, ორი დღეა ტყვედ ჩავიდეთ. ჩვენს ბანაკში აპირებდნენ შემოპარვას. უშენოდ ველარ გადავწყვიტეთ მათი დახოცვა... ეგებ თავად მოისურვოს-თქო ამათი ნახვა და დაკითხვა! (აქილევსი ჯერ ჩუმად ათვალეურებს ტყვეებს. მერე ერთ მათგანთან მიდის და ეკითხება) –

აქილევსი: – მამ, ტროელნი ხართ?

პირველი ტყვე: – დიახ, გახლავართ ტროელები!

აქილევსი: – მამ, დასაზვერად ჩვენს ბანაკში შემოიპარეთ?... მაგრამ განა აღარ უწყოდით, რომ ჩვენს მცველებს მეტად ფხიზლად უჭირავთ თავი? რამდენჯერაც სცადეთ უნინ, იმდენჯერვე აკი ჩაფლავდით? (ტყვეები დუმან) – რისი იმედი გქონდათ-მეთქი? (ტყვეები კვლავ დუმან. აქილევსი ბოლთის ცემას მოჰყვება. შემდეგ ისევ ახლოს მიდის ტყვეებთან) – ხმას აღარ იღებთ?... დუმილს არჩევთ?... გასაგებია.. ან რა უნდა თქვათ? რა უნდა გქონდეთ სალაპარაკო? (ერთ ხანს ჩუმად უყურებს ტყვეებს) – თქვენი სიკვდილი რო უეჭვოა, ეს ალბათ უწყით?... მაგრამ... მაგრამ... მე გადავწყვიტე, არჩევანი შემოგთავაზოთ (ისევ ჩუმდება, მერე აგრძელებს) – თუკი გადმოხვალთ ჩვენს მხარეზე და იბრძოლებთ ილიონის წინააღმდეგ – სიკვდილს აიცდენთ!

(ყველანი გაქვავდებიან მოულოდნელობისაგან. ბოლოს ავთომედონტი გამოდის გაოგნებისაგან).

ავთომედონტი: – ამათი ნდობა ვით შეიძლება, უფლისწულო? ესენი ხომ უნდა განყვიტო სათითაოდ... ყურმოჭრილ მონად რომც გადაიქცნენ მოსაჩვენებლად, გულის სიღრმეში ტროელებად რჩებიან მუდამ, ანუ მოსისხლე მტრებად!

აქილევსი: – მე მივმართავ ამ ტყვე-ტროელებს და ამიტომ ყველასა გთხოვთ, მეგობრებო, დამაცადოთ!.. ჯერ – ერთი, შეუხსენით ხელები ამათ! (მებაჯრე ზოზინით შეხსნის ბანრებს).

აქილევსი: – კარგია. ახლა მე მიინდა ისევ შენ გკითხო, ამ ორ ყმანვილზე უფროსი ჩანხარ... შენი სახელი?

პირველი ტყვე: – სახელს რად მკითხავ? რისთვის გჭირდება?

აქილევსი: – ჰო, კარგი, რაკი აღარ გსურს... მამ, გიმეორებ: კარგად დაუფიქრდი – სიკვდილს ირჩევ თუ... მირმიდონელთა მხარეზე ყოფნას? არა მონობას – დაუკვირდი: ნებაყოფლობით ჩვენს მხარეზე დგომას!

პირველი ტყვე: – სიკვდილს ვირჩევ, უძლევლო აქილევსო, ვიდრე ყოფნას თქვენს მხარეზე!

აქილევსი: – რა მიზეზით? სიკვდილი განა სასურველია სიცოცხლეზე?

პირველი ტყვე: – სიცოცხლეს გააჩნია, გმირო აქილევს! მე აღარა მსურს ლალატის ფასად ჩემი სიცოცხლე!

აქილევსი: – აი, თურმე რა! ლალატის ფასად! ჰმ! (გაჩუმდება, თავისთვის ჩაილაპარაკებს: – თუმცა ზოგ-ზოგი ტროელი უფლისწული არ თავილობს ჩვენთან ყოფნას! – გაჩუმდება, მერე ხმამაღლა მიმართავს ტყვეს)

აქილევსი: – კეთილი! რაკი ასე გადანყვიტე, ნება შენია! მაგრამ ეს... ორი დანარჩენი? ესენი რომელს აირჩევენ? სიკვდილს თუ... ბრძოლას ჩვენს მხარეზე?

პირველი ტყვე: – ამ ორს-დანაელთა ენა არ ესმის.

აქილევსი: – მამ, შენ უთარგმნე. გააცანი ჩემი პირობა.

პირველი ტყვე: – კი ბატონო!

აქილევსი: – სიტყვა-სიტყვით მიუთარგმნე! (პირველი ტყვე თავს უქნევს და მერე ხმადაბლა დაუწყებს ლაპარაკს ორ დანარჩენ ტყვეს. ერთი მათგანი ასევე ხმადაბლა ეპასუხება პირველს, მესამე – მეტწილად ჩუმად არის)

პირველი ტყვე: – ეს ერთი უარზეა, ჩემო ბატონო, მეორე კი – თანახმა გახლავთ თქვენს პირობაზე. იგი მზადაა ყურმოჭრილი მონად დაგიდგეთ მირმიდონელებს, ოღონდ სიცოცხლე შეინარჩუნოს.

აქილევსი: – ეს მეორე – მარტო უარს აღარ სჯერდება, როგორც ვატყობ!

პირველი ტყვე: – (შემკრთალი, ყოყმანით) – მე ასე მითხრა, უარზე ვარო...

აქილევსი: – ეგ სწორია, უარზეა, მაგრამ... თან მაგინა უშვერი სიტყვით.. ხომ მართალია?...

პირველი ტყვე: – (განცვიფრებით) – ნუთუ...

აქილევსი: – დიახ. პელაზგური მეც კარგად მესმის, თუმცა ახლა ნულარ ვიდავებთ. მთავარია, აღარა გსურთ შენ და ამ ყმანვილს ჩვენთან დარჩენა – არც თავისუფალ მოლაშქრედ და არც მით უფრო – მონად ყოფნა. რა გაენწყობა? ეგრე იყოს! – არჩევანი-არჩევანია! (გაივლ-გამოივლის, მერე მებაზრეს მიუბრუნდება) – ამ ორს ახლავე მიაცილებთ ჩვენი ბანაკის საზღვრებამდე. დაე, დარჩნენ კვლავ ტროელებად, რაკი ასე სურთ ანუ დარჩნენ ძლეული ერის ბეჩავ შვილებად, ეს მესამე კი, ყურ-მოჭრილ მონად დაიტოვეთ – რაკი სურს თავად!

(ტყვეები გაჰყავთ. აქილევსის მეგობრები გაოგნებული სახეებით უყურებენ ხან აქილევსს, ხან ერთი – მეორეს, აქილევსი ისევ გაივლ-გამოივლის, მერე კვლავ დოქს მოიყუდებს პირთან).

ავთომედონტი: – აქილევსს, უფლისწულო!

აქილევსი: – ძალიან გთხოვ, ნურაფერს მკითხავ!

ავთომედონტი: – არა... შენთვის მინდოდა მეთქვა, ეგებ ცოტა ნაგვეხემსა-თქო, ცოტა ღვინო დაგველია (აქილევსი შეჩერდება).

აქილევსი: – რატომ არა? თუკი ასე გსურთ... დავლიო, ძმებო!

(აქილევსის მეგობრები დატრიალდებიან. შეუდგებიან ტაბლის განყობას).

აქილევსი: (წინ წამოინევს) – აგერ მოვიდა, ისევ მოვიდა! უკანასკნელად გამომეცხადე სიკვდილის წინ პატროკლესი!.. რაო, დედავ, ჩემო ძვირფასო, რას მიბრძანებ? რა გსურს, რა გინდა? რად მიყურებ ასე უხმოდ, თვალცრემლიანი? ისევ ისევ იმასვე მთხოვ – შინ დაბრუნებას? ან ეგების შენც გეუცხოვე? გინდა კარგად შემომხედო-შენი შვილი ვარ თუ არა?..

მისმინე, დედი. ახლა გეტყვი იმ საიდუმლოს, რაც აქამდე არავისთვის გამომხელია... დიახ, მსურდა აქაურობას გავშორებოდი. დიახ, რისხვა ჩემი მოგონილი უფრო გახლდა და ბრისეისიც საბაბი იყო, რომ არგიველებს წავჩხუბებოდი. მაგრამ ვაგლახ, ბოლომდე ვერ შევიძელი გამოყენება ამ საბაბის, ბოლომდე ველარ გავუმჟღავნე გულისნადები ჩემს უახლოეს მეგობრებსაც. პატროკლესაც ასე ეგონა, ვითომცდა ქალის გამო ვიყავ შეურაცყოფილი, პატროკლესაც ვერ იაზრა, თუ რატომ ავუკრძალე არ ედევნა მტერი ტროის კედლებამდე, რომ აღარ უნდა შებრძოლებოდა მამაც ჰექტორს, რომ მხოლოდ ჩვენი ხომალდების გადასარჩენად გაერეკა ტროელები. ველარ გამიგო. მეც ვიდედლე. ამიტომაც დავისაჯე განგების მიერ-ჩამეფეუშა განზრახული-თესალიაში დაბრუნება! უძვირფასესი მეგობარიც დავკარგე და... სიყვარულიც ამორძალისა, ჭეშმარიტი, ერთადერთი სიყვარული, რაიც მენვია უდროო დროს, ამ გაგანია

ომის ქარცეცხლში, უნუგეშო სიყვარული, სიყვარული სიკვდილის შემდეგ – ასე მწარედ და უსაშველოდ გულს რომ მიკორტნის.

ანი ველარ დაბრუნდები, ჩემო დედილო, ჩემს სამშობლოში! აქ უნდა დავრჩე, ველარ აიცდენს ქალაქი ჩემი ილიონის ბედს! მოაოხრებენ თესალიას და სანატრელი გაუხდება ჩემს თვისტომელებს ტროელთა ხვედრი! და შემდეგ, რაიც უფრო მთავარია: აღარა ვარ უწინდელი აქილევსი, თუმცა დღევანდელ დღეს, შესაძლოა, უფრო სჭირდება ძველებური აქილევსი, ვიდრე ახალი! მაგრამ საქმე სწორედ ის გახლავს, ფერისცვალება ანუ ჩემი განკაცება – ველარაფერს ველარ შეცვლის ჩემს გარშემო: ჩემს ძველ კვალში სხვა ჩადგება – ეგებ ძველ აქილევსზე უარესი, უფრო სასტიკი. ტროელთა ალბათ დანაელნი დააქცევენ, დანაელთ – სხვები. მერმე იმ სხვათა ჯერიც დადგება, მერმე იმ სხვათა დამჯახნელნიც გამოჩნდებიან და ასე იქნება... დაუსრულებლივ!..

დადგება კი ოდესმე ჟამი ნეტარი, ზეციური? მიმსგავსებული ნეტარ კუნძულის მაცხოვრებელთა დღეკეთილობას, თურმე ოდესღაც რომ სუფევდა? თუმცა, ვგონებ, ჟამი სანეტარო დედამინაზე — აღარასოდეს აღარ იქნება!..

აკი შენც, ჩემო საყვარელო, ველარ გაუძელ მინიერ ყოფას, უსამართლობას მინისშვილთა, ქედმორჩილებას მეუღლისა უცხოთ წინაშე და... მიიმაღე, გაუჩინარდი! მე ახლა მესმის ყოველივე, ვხვდები, თუ რატომ მიგვატოვე... დიახ, სამძიმოა ცხოვრება კაცთა მოდგმაში — ღვთიურ შვილთათვის, თუმცა, როგორც ჩანს, ამას გვიანლა მივხვდი და მაინც... გადავწყვიტე აქ დარჩენა, უნდა ბედი გავიზიარო თანამოდმეთა! თუმცა, პირადად ჩემი სიცოცხლე ანი არაფრად მიღირს, ხომ გესმის, დედა?... მაშ, ნულარ სტირი, ჩემო ძვირფასო, ნულარა მთხოვ შინ დაბრუნებას, სანამ თავისკენ არ მიმიხმობს იქავეთი, მე აქა ვრჩები! (შემოდის მებაზრე, აჩრდილი ქრება).

მებაზრე: – გმირთა გმირო აქილევსო! ხალხთა მეფის აგამემნონის წარმოგზავნილნი გეახლნენ და ნახვის ნებართვას ითხოვენ შენგან!

(აქილევსი გამოფხიზლდება ბურანიდან),

აქილევსი: – დასწყევლოს ღმერთმა!... ეგენი მაკლდნენ ახლა სწორედ! (მებაზრეს) – სთხოვე, მობრძანდნენ! (აქილევსი მრავალმნიშვნელოვანი მზერით გადახედავს თავის მეგობრებს, ისინიც გამგებნიან ღიმილით თავს უქნევენ. შემოდინ ოდისევსი და აიანტი)

ოდისევსი: – მოგესალმებით სახელოვანო გმირო აქილევსს, სიამაყევი მირმიდონელთა – ხალხთა დიადი, უძლეველი მეფის სახელით და აგრეთვე პირადად ჩვენი სახელითაც! (თავის დაკვრით ესალმებიან ერთმანეთს, შემდეგ აქილევსის უხმო მონვევით სავარძლებში სხდებიან მო-

სულნი და დამხვედურნი).

ოდიხევისი: – სწორუპოვარო გმირო აქილევსი! შევიტყვეთ შენი შეუძლოთ ყოფნა. თურმე აღარვის აღარ იღებ და ჩვენც ამიტომ, ამდენი ხანი, შევიკავეთ თავი ნახვისგან. თორემ ხომ ვუნყით, შენი არყოფნა ბრძოლის ველზედ, რაოდენი საზიანოა ჩვენი ჯარისთვის! იმედია, თავს უკეთა გრძნობ...

აქილევსი: – მაღლობელი ვარ ყურადღებისთვის, თუმც კარგად ვიცი, აგამემნონს გულზე დიდად არ ვახატავარ. დიახ, მეოთხე დღეა, არვის ნახვა აღარ ძალმიძდა. დღეს კი მართლაც უკეთ ვარ მგონი და აი, ჩემი მეგობრებიც მოვიდნენ ჩემთან სანახავად. თქვენც მობრძანდით, არ დაახანეთ!

აიანტი: – თავგასულობას ილიონელთა საზღვარი არ აქვს! რაც ჰქეტიორი მოაკვდინე, ამის შემდეგაც რაფერ ბედავენ შენთან პირისპირ შებრძოლებას? ვინ ბედავს ამას? ამორძალთა დედოფალი! ქალი! დიაცი!

ოდიხევისი: – და თუმცა შენი გულმონყალება და სიქველე ცნობილია საყოველთაოდ, აკი დაინდე და გაატანე მოხუც პრიამოს შვილის ცხედარი შენ თურმე მსგავსი პატივი ეცი თვით ამორძალსაც, ორთაბრძოლაში უტიფრად რომ გამოგინვია.

აიანტი: – სიმართლე რომ ვთქვა-მე, არ მიყვარს მიკობ-მოკიბვა – ჩემთვის, ასევე ბევრი სხვისთვისაც – საკვირველი იყო, თუ ვით დათანხმდი ამ ორთაბრძოლას! და მერე... ეგზომ პატივისცემით ვით მოექეცი მაგ უსირცხვილო გომბიოს ცხედარს? საოცარია, საკვირველია მეტისმეტად!

ოდიხევისი: – თერსიტე თუმცა საძულველი იყო ყველა დანაელისთვის-ყიამყრალობით, მახეზღარობით და სიგონჯითაც, და მაინც ყველა განაცვიფრა იმ ამბავმა, რომ ამორძალის გულისათვის აქილევსმა ვით გაიმეტა დანაელი! ხომ იცი, ჩემო აქილევს, მინისშვილებს პირს ვერ აუკრავ, მით უმეტეს, როცა რჩეულ პიროვნებებს ეხება საქმე! მავანთ და მავანთ ეჩხირებათ ხოლმე თვალში სახელოვნება რჩეულისა, რაიმე ლაქას უსათუოდ მოუძებნიან და ამასთან, ჰელიოსსაც დაიმონებენ, რომ არ შეატყონ უკეთური შური და ბოღმა.

აქილევსი: (პირქუშად) – არას დაგიდე, ოდიხევი ჩემო და შენც ჩემო აიანტი, ყიამყრალთა მოშურნეობას. იფხანონ გული ქეციანი, რამდენიცა სურთ. ხოლო თახსირმა, სულით და ხორცით მახინჯმა და გაიძვერამ, თერსიტემ მიიღო ის, რაც დაიმსახურა!

ოდიხევისი: – ამორძალი ჩვენი მტერი რაკილა იყო, თერსიტესაც ეგონა ალბათ, რომ მტრის მოკვლით ანდა მოკლულის გვამის დასახიჩრებით ლომგულ აქილევსს აამებდა. მაგრამ, ჩანს აქილევსის რისხვის მიზეზი

სხვა რამ გახლავთ (ჭოჭმანით) – ბანაკში ჭორად დაირხა ხმა, აქილევსი დაატყვევაო ახალგაზრდა დედოფალმა, მშვენიერმა პენტესილემ... ამიტომაც აღარ დაინდოო, თუმც უღირსი, მაგრამ მაინც დანაელის სიცოცხლე და... ანაცვალაო იგი ამორძალთა პირმშვენიერ დედოფალსა. ესეც აღარ იკმარაო, მოკლულის ნეშტს გამორჩეული პატივით და რიდით მოეპყრო, თითქმის ისევე, ვით მეგობრის-პატროკლეს ცხედარს. ჭორად ამბობენ, სახელოვან გმირს სიკვდილის შემდეგ შეუყვარდაო მზეთუნახავი დედოფალი!

აიანტი: – ნეტავ ვიციოდე; ცოცხალი რაა და მკვდარი რაა უნდა იყოს მდედრი, დიაცი? მე არა მჯერა, სიმართლე რომ ვთქვა, ეს ზღაპარი.

ოდიხევისი: – ჩემო ძვირფასო აიანტი! ნუ გენყინება, შენ თუმც გულადი, უშიშარი მეომარი ხარ, მაგრამ დიაცთა მოყვარულებს ველარ გაუგებ! შენთვის დიაცი მხოლოდ და მხოლოდ ნადავლია, მხოლოდ ჟინის მოსაკლავად გაჩენილი ღმერთებისგან, თუმცა ჩვენ, აგერ — გონიერი კაცები დიაცის გამო, რა ხანია ილიონის კედლებს ვასკდებით და არვინ უწყის, ღმერთების გარდა, როდის ექნება ამ ხოცვა-ჟლეტას დასასრული!

აიანტი: – მაგრამ ელენე მაინც ცოცხალი ქმნილება გახლავთ, ჩემო ოდიხევი, თუმცა კი სჯობდა, საერთოდ აღარ გაჩენილიყო, იმდენი მამრის შეინირა მან სიცოცხლე!.. მაგრამ... მკვდარი დიაცის ტროფობა? არა მგონია, სახელმორჭმული აქილევსის ვნების საგნად ქცეულიყო უსულო გვამი. ეს ჭორი აქილევსის მოძულეთა მიერ უნდა იყოს დაყრილი!

ოდიხევისი: – გეთანხმები, ჩემო აიანტი, რომ დიაცი იმად არ ღირს, თუნდაც ერთი მამრის სიცოცხლე რომ შეინიროს, ჩვენს შემთხვევაში – შურისძიებამ გაიმარჯვა საღ გონებაზე, მე ასე ვფიქრობ! ამორძალთ – კი რაც შეეხება... მომაკვდავ ქალსაც ჰქონია ალბათ ისეთი ხიბლი, რომ დიაცებში ესოდენ დიდად გალაღებული გმირის გული მოინადირა! აი, ესაა გამოცანა – ქალურ თილისმის!.. თუმცა... ვცდები ეგება კიდეც და აიანტის თქმის არ იყოს, ამ ჭორებს ყრიან შენი მტრები, აქილევს ჩემო? ან ეგებ.. სულ სხვა მიზეზია და ამიტომაც დუმხარ რა ხანია? (იღიმება ეშმაკურად).

აქილევსი: (თავისთვის) – ო, ეს ცბიერი ითაკელი! (ხმამალლა) – არ ცდები, ჭკუაუღლეო და გულთმისანო ოდიხევი – ეგ შაოსანი ამორძალი – იათნანელთა დედოფალი – ჩემი ნამდვილი სიყვარულია – პირველი და უკანასკნელი!

ოდიხევისი: – ნუთუ?!.. მაშ, მართალია, რასაც ამბობენ?

აქილევსი: – სიმართლე გახლავს!

ოდიხევისი: (ფიქრიანად) – მაშ, პირველი და... უკანასკნელი?

აქილევსი: – დიახ, პირველი და... უკანასკნელი!

ოდისევსი: – მაპატიე, თავს ვერ ვიკავებ კითხვებისგან... მაშ, დეი-დამია? დიომედა? ბრისეისი? – ვისი გულისთვის მგონი დღემდე აღარ ჩამცხრალა შენი რისხვა დანაელთა მეფის აგამემნოსის მიმართ?... და... სხვანი და სხვანი? ვინლა მოითვლის მათ – ზოგს ცნობილს და ზოგსაც უცნობს? (იციინის) – შენნაირი მოყვარული აღარ გახლავარ დიაცთა სქესის, და მაინც ვეჭვობ, ასე ადვილად მომალრო! (ისევ იციინის).

აქილევსი: – ვუნცი მეც, ენამჭევრო, ჭკუაუღვეო ოდისევსო, რომ ადვილად არ მოსტყუვდები! მაგრამ რაკილა ცნობისნადილის ჭია ეგ-ზომ შემოგჩენია, რაკილა ეგზომ შეუპყრისხარ ჩემი გულის კუნჭულებში ჩახედვის სურვილს, მეც პირდაპირ და გულლიად გეტყვი: დიახ, შემძრა და შემარყია ამორძალთა დედოფალმა მთელი არსებით, ხოლო... ამ ხელით მისი დაჭრა, მერე სიკვდილი – იქცა ჩემთვის უზომო ტანჯვად, ამქვეყნიური სიცოცხლის ბოლოდ. ისე უაზროდ, ისე უმიზნოდ მეჩვენება მის გარეშე არსებობა ამ სამზეოში, რომ მიინდა... (გაჩუმდება ანაზღად).

ოდისევსი: (ფიქრიანად) – მგონი მართალნი იყვნენ, როცა ამ-ბობდნენ, პელაზგთა მოდგმის ჯადოქარმა გაჩხიბაო თავისი ჯიშისა და ჯილაგის ლომგული გმირი, თორემ... სხვაფრივ ვითლა შეეძლო სწორუ-პოვარი აქილევსის გულსი დაპყრობა ეგრერიგადდო!

აქილევსი: (ჩაიდუდუნებს თავისთვის) ვიცოდე ნეტა, როდის იყო ჯადოქარი თავად კვდებოდა თავის ჯადოსგან? (ხმამალლა) – ნეტავი მართლა გავეჩხიბე და... მომკვდარიყავ, ოლონდაც კი – მას ეცოცხლა!

ოდისევსი: – როგორცა ვხედავ, ჩემო აქილევსს, შეგყვარებია მართ-ლაც ის ქალი, დედოფალი იათნანელთა – ჭემმარიტი სიყვარულით, რაკი მზად იყავ შეგენირა მისთვის სიცოცხლე, რაკილა სიკვდილს ასე ნატრობ მის მაგიერად! მაშ, ბრისეისი... შენი რისხვა... მოგონილი რამ ყოფილა?... ასე გამოდის!

აიანტი: – (შეანყვეტინებს აღშფოთებული) – შენგან მიკვირს, ოდი-სევსო! შელახული მამაკაცის ღირსებამ და სიამაყემ განარისხა მაშინ აქილევსი, უსამართლო შეურაცყოფა ვერ აიტანა. და სწორიც იყო! აგამემნონი ვერ მოიქცა მაშინ ისე, ვით შეჭვერის ეს ხელმწიფეს, მხე-დარმთავარს და მამრს ვაჟკაცურს! ნაჰგვარა ქალი – ომის ნადავლი! ვით აიტანდა ამგვარ საქციელს აქილევსი! და არა მხოლოდ აქილევსი! მე სი-მართლის თქმა მიყვარს სწორედ – მიუკიბავ-მოუკიბავად!

ოდისევსი: (ისევ ფიქრიანად) – უნდა გამოვტყდე, შენმა სიტყვებმა მეც ფიქრები ამიშალა, ჩემო აქილევსს!... მოგონებები მომეძალა.

სიმართლე რომ ვთქვა, უკვე ყელში ამომივიდა ის ყველაფერი, რაც აქა ხდება!... ეს უბოლოო, უსასრულო ხოცვა-ჟლეტა მეც გულს

მიღონებს... უკვე სული კბილით მიჭირავს... როდის ექნება დასასრული ამ ვაებას, ცოდვის-ტრიალს?... ჩემი ითაკა მომენატრა, ჩემი მშობლები, ჩემი ცოლ-შვილი... აგერ უკვე მერამდენე წელი სრულდება, რაც მოვშ-ორდი ჩემს კერიას, მეუღლეს ჩემსას – სათნოებით, ღირსებით სავსე პე-ნელოპას, ჩემი პანია უკვე დიდი ბიჭი იქნება ალბათ – მონატრული მამის სითბოს და სიყვარულს...

ასე ამბობენ, სიყვარული გამოიცდება განშორებითო. ჩემი მეუღლე კი ვინ იცის, ახლა რას ფიქრობს, რა ალონებს, რას დასტირის... ჩვენ, მა-მაკაცებს გვეჩოთირება ხოლმე ამგვარ რამეზე ხმამალალი ლაპარაკი. თითქოს გვრცხვენია გრძნობის გამხელა... შენმა ნრფელმა აღსარებამ მეც ამაღელვა... სიყვარულს მართლაც ვერ გაუგებ ვერაფერს! ვერც გაექცევი, სადაც არ უნდა დაემალო. აღარც ის იცი, როდის გენვევა, ან როდის წავა... აი, ესაა საოცარი გამოცანა, ამოუხსნელი, თავსატეხი ნუთისოფლისა!

აქილევსი: (ლმობიერი ხმით) – ჩემო ოდისევს, მე კარგად მესმის, რისი თქმაც გინდა: ძე-ხორციელმა არავინ იცის, სიყვარულის და სიკვდილის მოსვლის დრო-ჟამი. სად არის იგი ჩასაფრებული, სად გიყვლებს, როდის დაგჭრის კაკალ-გულში? და... ივლი მერე მთელი ცხოვრება მოურჩენელი ჭრილობით და სევდით სავსე. ანდა... შეიძლება სულაც აღარ მოგინდეს იტრიალო იმ ცოდო-ბრალში, ცხოვრებას რომ ეძახიან...

(მეაბჯრე შემოვა).

მეაბჯრე: – მაცნე გეახლათ ილიონიდან, გმირთა-გმირო უფლისწუ-ლო!

აქილევსი: – მაცნე ილიონიდან? (თავისთვის) ნეტავ, კიდევ რა უნდა მოხდეს? (ხმამალლა): – შემოვიდეს! (შემოდის მაცნე. ყველას მიესალმება თავდახრით და გულზე ხელისმიდებით და შემდეგ აქილევს მიმართავს)

მაცნე ილიონიდან: – სწორუპოვარო გმირთა-გმირო, მირმი-დონელთა უფლისწულო! უფლისწული ალექსანდროსის მიერ გახლავ-ვართ გამოგზავნილი.

(აქილევსი და დანარჩენი ერთხმად) – ალექსანდროსის?

ოდისევსი: – რა უნდა ნეტავ, იმ ბედოვლათ ქალაჩუნას?

აქილევსი: – რაო, რას მითვლის უებრო მოყმე ილიონელთა?

მაცნე: – ორთაბრძოლაში გინვევს პარისი უძლეველ გმირს მირმი-დონელთა! ამ შერკინებამ გადანყვიტოსო ტროის ბედი-დაბრუნება მშ-ვენიერი ელენესი თუ... აღარ დაბრუნება (ავთომედონტი თავის მეგობ-რებს ხმადაბლა; – ამ ვირეშმაკას დამიხედეთ, როგორი დრო შეარჩია!

ალკინოესი: (ასევე ჩუმად) – ვინ ჩააგონა ამ ღვთის გარეგანს ამგვარი აზრი? ღმერთებმა თუ... დაიმონმა?

მერინოე: (ჩუმად) – აბა, ვინ უწყის, ვინ გაიგებს ბედისწერის საიდუმლოს?

ოდიხევი: – რაკი სიკვდილი მონატრებია მაგ ჯილაგამოსანყვეტს, მიიღებს ალბათ, რასაც ნატრობს!

აქილევისი: (თავისთვის) – მართლაც რომ სწყალობს ბედი ამ მასხარას, ქარაქუცას! თუმცა... ვინ იცის... ეგებ სულაც უპრიანია ღმერთებისთვის, რაც უნდა მოხდეს!

აიანტი: – პირდაპირ ვიტყვი, მიუკიბავ-მოუკიბავად: ამ ქალაჩუნამ, ჩანს, ღმერთების ჩაგონებით, განაჩენი გამოუტანა საკუთარსავე თავს!

ოდიხევისი: – ასეც უქნია, ქვა უხლია თავის თავისთვის და მუცელში სამართებელი! სიკვდილის ღირსი უნდა ჩაძაღვდეს!

აქილევისი: (მიმართავს თავის მეგობრებს) – მაშ, მოყმენო, ჩემი რაშები ჭიხვინებენ მოუთმენელად? მხედარს უხმობენ ბრძოლის ველზე? (მაცნეს) – გადაეცი უშიშარ პარისს, გამონვევა მიიღო-თქო აქილევისმა! (თავის მეგობრებს გადახედავს მრავალმნიშვნელოვანი ღმილით): – სიკვდილი უხმობს, მაშ, ერთ-ერთ ჩვენგანს. ერთი ჩვენგანის მზე დაბნელდება ხვალ სისხამ-ღილით! მაგრამ... სიკვდილს უეჭველად ის დანებდება, ვისაც სიცოცხლე არაფრად უღირს!

მოქმედება V

სცენა IV

(ტროა. ილიონი. პარისის სასახლე. დარბაზი, სადაც მოახლე ფუს-ფუსებს, სამთიობოდან შემოდის ელენე).

ელენე: – (მოახლეს) – მაცნე ხომ არ მობრუნებულა?

მოახლე: – არა, ჯერ არ ჩანს, დედოფალო!

ელენე: – ლამის მზემ შუბის ტარზე აინიოს. რად იგვიანებს ასე ნეტავი?... პარისიც არ ჩანს. დილა ადრიან გაეშურა სასახლისკენ, მშობლებს უნდა ვეთათბიროო! (ელენე ბოლთის ცემას იწყებს დარბაზში, ხან სარკმელთან ჩერდება გარინდებული, ხანაც ნიშთან მიდის, საკურთხეველთან და ჩუმად ბუტბუტებს ლოცვას).

ელენე: – (თავისთვის) – ველარ ვისვენებ... სამთიობოშიც ველარ გავჩერდი... ო, ღმერთებო! რომ არც არავინ მოდის სტუმრად, რომ გავერთო, გადავავლო გული საუბარს... აქილევისი რა შვილია უარს იტყვის ორთაბრძოლაზე – ოღონდაც კი პარისს სული გააცხოზინოს!.. აქამდე ხომ სულ გაურბოდა მეუღლე ჩემი ამ უძლეველ გამირთან შებმას! ახლა ნეტავი, ვისი ან რისი იმედი აქვს? კი, აქამომდე თითქოს წყალობდნენ ღვ-

თაებანი, მაგრამ კოკა ხომ ყოველთვის წყალს ვერ მოიტანს?... როგორ არ ვთხოვე, არ ვეხვეწე! რა არ ვუთხარი! ვერაფრით ველარ დავიყოლიე, ვერ შევაგონე, თუმცა აქამდე სულ ჩემი რჩევით დადიოდა!... ასე იმ ცრუმისან კასანდრასი როგორ ირწმუნა?... ხომ აშკარაა, სასიკვდილოდ იმეტებს პარისს, თავის ძმას რათა... ყველაფერს გარდა, შური იძიოს სწორედ ჩემზე!.. დიახ, უწინარესად, ჩემზე! – ამ ხოცვა-ჟლეტის მთავარ მიზეზად ხომ მე მივაჩნივარ ყოველ ამათგანს! იცის კარგად, უპარისოდ ბედის ანაბრად რომ დავრჩები, გარიყული ილიონში სუყველასაგან, თუმცა პირში კი მეფერება ბევრი მათგანი! მაგრამ ხომ ვხედავ, ჭირის დღესავით ვეზარები ამ ბარბაროსებს. ო, კასანდრა კი, ეს მედიდური მეფის ასული — არა თუ მწყალობს, ზედ არ მიყურებს და აღარც მალავს, რომ ვეზიზღები და ვეჯავრები, ვით უღირსი დედაკაცი – იმთავითვე ლამის ხასად და მონად მრაცხს და ვერცხვინები მე – სპარტის დედოფალი (ხმადაბლა)... თუმცა... ყოფილი!

(შემოდის კასანდრა)

ელენე: (განცვიფრებით) – ო, კასანდრა!... მეფის ასულო!... თვალები ხომ არ მატყუებს?... ნუთუ, შენა ხარ?

კასანდრა: – გიკვირს არა ჩემი სტუმრობა?

ელენე: (დაბნევით) – იცი, სიმართლე რომ ვთქვა... შენ ხომ ფეხი ამოიკვეთე ძმის სასახლიდან.. დიდი ხანია!

კასანდრა: – ნახვა მინდა ჩემი ძმისა. შინ ხომ ბრძანდება?

ელენე: – პარისი მეფე-დედოფალთან გაემართა დილა-ადრიან!... ალბათ გზად აცდით ერთი-მეორეს!

კასანდრა: – მე სასახლიდან როდი მოვდივარ... ამორძალთა ბანაკში გახლდი, ნუხელ ღამე იქ გავათიე...

ელენე: – რა საშინელი უბედურება დატრიალდა... ოჰ, საცოდავი დედოფალი!... ძლიერ მენყინა და განვიცადე ცისიას უდროო აღსასრული, მაგრამ... სიმართლე რომ ვთქვა, უფრო გამაკვირვა აქილევისი საქციელმა! რა პატივით და ღორსებით დაუკრძალავს თურმე ცისია!

კასანდრა: – ეს მერამდენე მსხვერპლია უკვე! და ვაი, რომ უარესი წინ ელოდება ბედკრულ ტროას!

ელენე: – სიკვდილს ხომ არ გულისხმობ ალბათ მეფის ასულო?... მისი შებმა აქილევისთან ხომ ისეთივე საბედისწერო აღმოჩნდება, ვით სვეუბედური ცისიასათვის!.. თუმცა... პარისის სიკვდილს აკი ბევრი ნატრობს რა ხანია. ახლობლებიც კი.

კასანდრა: – დიახ, ჩემს ძმას მე ვურჩიე ეს ორთაბრძოლა. კი არ ვურჩიე – მოვითხოვე დაბეჯითებით, რამეთუ სულაც არ იქნება ეს ორთაბრძოლა საბედისწერო პარისისათვის. პირიქით კია-აქილევისი დაილუპება

უსათუოდ, უეჭველად.

ელენე: -ო, მაპატიე, მეფის ასულო, მაგრამ... შენი მისნობის აკი ბევრს აღარ სჯერა. არ დაგიძალავ, მეც მეეჭვება შენი ნათქვამი!

კასანდრა: - ვიცი, ჩემი მისნობის მაშინლა სწამთ, როცა იგი ახდება ხოლმე!

ელენე: - შესაძლოა, ასე იყოს და მაინც... აქილევსზე გამარჯვებისა, პარისის გარდა, არავის სჯერა!..

კასანდრა: - ნუ შიშობ აგრე. გამარჯვებული დაგიბრუნდება შენი ძვირფასი თანამეცხედრე. აქილევსი განწირულია.

ელენე: - ნუთუ ღმერთებმა განირეს იგი, უბადლო გმირი ცისქვეშეთისა? ვით დავიჯერო? მე ძლიერ ვლელავ!... შეტოქება აქილევსთან – დანაელთა ბურჯად რომ იქცა?! თუმცა, გულზე არ ახატიათ იგი, დანაელთ, როგორც ვატყობ, მაინცდამაინც! არადა, უმისოდ რომ ველარ ძლებენ? ო, ღმერთებო, დიდო ზევს!..

კასანდრა: - ნუ შიშობ-მეთქი. აკი გითხარი, პარისს საფრთხე არ ემუქრება... - ჯერჯერობით! ასე რომ იყოს, განა იგი დათანხმდებოდა? ჰექტორით ანდა თუნდაც ცისიასავით, გულუშიშარი, მგონი, არ გახლავს! მაგრამ... თუნდაც უმტყუნოს ბედმა, შენ ასე ძლიერ რისთვის სწუხარ? მარტო ყოფნა ასე გაშინებს?

ელენე: (დაბნევით) - როგორ თუ რატომ ვწუხვარ? რა შეკითხვაა, - ველარ გავიგე!.. პარისი ხომ ქმარია ჩემი, თუმცა... მგონი, ზოგ-ზოგს ეჭვი ეპარება, რომ ეს - ასეა!.

კასანდრა: - მშვენიერო ჩემო ელენე! დაილუპება თუ გადარჩება ჩემი ძამიკო, შენთვის ეგ დიდად სადარდებელი აღარ იქნება. შენ ახალი - უფრო სწორად-ძველი ისევ დაგიბრუნდება. ამიტომაც ჯავრი ნუ გაქვს. შენნაირები უნუგეშოდ როდი რჩებიან. ნულარ შფოთავ, დამიჯერე!..

ელენე: - ვიცი, რომ ბევრი ველარ მიტანს... სილამაზე ნეტარ ღმერთთა ნაბოძებია და სიყვარულსაც ღმერთი გვანიჭებს... მე უბრალო ვარ... ასე ინებეს ცის ბინადართა!

კასანდრა: - ეს მართალია. შენ ბედისწერის სათამაშო ტიკინად იქეცი! (თავისთვის) მარტო შენ არა! - მაგრამ ბევრი აღარ ნებდება განჩინებას ნერა-მწერლისა, თუმც ესეც კია - ყველას ვერ მოთხოვ შეუპოვრობას. ცისიამ დანაელებს, ეგების დროებითად, მაგრამ მაინც ხომ დიდი საყრდენი გამოაცალა ფეხქვეშიდან - ოლონდ რის ფასად! ღმერთო ჩემო! (თავისთვის) -ო, ზვარაკად შეწირული, სულო დიადო!

ელენე: - აქილევსი ცოცხალია! ხომ არ მომკვდარა?... მაშ, ცისიას თავგანწირვას რა აზრი ჰქონდა?

კასანდრა: (ბანზე აუგდებს სიტყვას) - იცი, რას გეტყვი, მშვენიერო

ქალბატონო? ჩვენ, მოკვდავებსაც ხანდახან ძალგვიძს უკვდავ ღმერთთა მსჯავრის განჭვრეტა, ცის ბინადრებმა უკეთ უწყიან, ვინ ან როდის მოაკვდინონ, ვის ან როდის მიაგებონ ხვედრი ზეცისა... შენ ხომ გძულდა, მშვენიერო ასულო ლედის, მენელაოსი-სპარტის მეფე, მეუღლე შენი, სჯულიერი, კანონიერი?!.. გაიხსენე, ჩუმად დაღვრილი ცრემლების ზღვა შენს სარეცელზე, თეზევსის გამო-ვინც გიყვარდა, თავს გერჩია!.. ნუ გაიკვირვებ, გეთაყვანე, ნუ შეიცხადებ!.. მე ყველაფერს ვხედავ-მეთქი - აკი გითხარი, იქნებ ჩემდა საუბედუროდ!.. ნეტამც ეს ნიჭი ნათელხილვისა არსთა გამრიგეს ჩემთვის აღარ ებოძებინა, ბევრად უფრო ბედნიერი ვიქნებოდი, უეჭველია!

ვხედავ და მტანჯავს ყოველივე ის, რასაც ვუმზერ თვალხილულად... შენ გძულდა-მეთქი მენელაოსი, სიტლანქის გამო, უხეშობისთვის! იგი ხომ ხშირად შეგახსენებდა შენს ძველ ცოდვებს, შენგან ჩადენილს, უნებლიეთ თუ.. გნებავს-ნებისით! შენ, ჩემო კარგო, უსიყვარულოდ გაყევი სპარტელს, უფრო სწორად გაგათხოვეს ძალით მშობლებმა, ძმებმა, ისე, ვით წესად არის მიღებული თქვენს მოდგმაში. ჰოდა, როცა ხელსაყრელი ჟამი დაგიდგა, დაუფიქრებლად, უყოყმანოდ მიატოვე, გამოექეცი შენს მეუღლეს... ცხრა მთას იქით გადაკარგვა არჩიე, თითქმის უცნობ უცხოელთან, იმის იმედით, რომ სამუდამოდ დაშორებოდი საძულველ ქმარს და სასახლეს მისას. ეს ყოველივე, შენი ნებით მოიმოქმედე, შენი სურვილით! და არა მხოლოდ ღმერთთა ჩარევით. — ხომ მართალია? მაგრამ, როგორც ჩანს, ბედისწერას ვერ გაექცევი. იგი ფეხდაფეხ მისდევს ყველას, უკლებლივ ყველას, და უსათუოდ დაენევა, რა დღეს, რა ხვალე!..

ასე რომ, შენი ფორიაქიც საქმეს არ შველის! ბედის ჩარხი თუ შეტრი-აღდა, გინდა არ გინდა, შენს ძველ კერიას დაუბრუნდები, ვითარცა მეფე მენელაოსის, ღირსეული თანამეცხედრე! და სიზმარივით განქარდება ყოველივე, რაც აქ გინახავს, სიზმარივით მოიგონებ საყვარელ პარისს, ბედკრულ ტროასს, სისხლს აქ დაღვრილს რჩეულ ვაჟკაცთა, ომის მძვინვარე ღმერთს შეწირულთა. დაივინებ: ჰექტორს, ცისიას და მრავალ სხვათა... (თავისთვის) - ო, შე საბრალოვ, რა ბედი გელის - იქ, სპარტაში, დაბრუნებისას!.

ელენე: - ღვთის გულისათვის, მეფის ასულო, სხვათა ცოდვასაც მე ნუ ამკიდებ... ჩემიც მეყოფა!

კასანდრა: - შენი, აბა, რა ბრალია, ალყაშემორტყმულ დედაქალაქში თითქმის ყველა უფლისწული - ხარჭისა თუ დედოფლისგან მოვლენილი ამ სამზეოში - პირველობას არავის რომ აღარ უთმობს! და არა მხოლოდ უფლისწულები! ოლონდ როგორმე ძალაფულება ხელში ჩაიგდონ, ოლონდ განძეულობა და სიმდიდრე როგორმე დაისაკუთრონ! აი,

სწრაფვა, აი, მიზანი!

გალავანს იქეთ-თავს სწირავენ, იხოცებიან დარჩეული ყმანვილკაცები, გალავანს აქეთ სასახლეებში ღრეობენ და ურცხვად მრუშობენ, დროს ატარებენ!

ო, დიდო ნანავ! დროს... ატარებენ! მათ შორისაა შენი მეუღლე, ძმაი ჩემი, „ბედის წყალობით“, ღირსეული მეტოქე რომ გამოცალა ჰექტორის სახით (თავისთვის) – მაგრამ ო, დიდო დია-უფალო! რა ამაოა ეს ყოველივე! რა ფუჭია ეს სიხარბე, გაუძღომლობა მინის ამ მღილთა! სუყველაფერი ხომ მალე ნაცრად გადაიქცევა, განიავდება, გაცამტვერდება! ეს დიდებული სასახლეები, განძი ურიცხვი — გაიძარცვება, ოხრათ დარჩებათ ყველაფერი და თავადაც ვერ აცდებიან მინის მატლთა უბედურ სვე-ბედს!.. მაგრამ ვაი, რომ ჭკუას მაინც არ სწვალაობენ, ეს ნამიერი ცოდვის შვილები! კვლავ ახალ-ახალ სიამეებს მიეღვებიან სულ-მოუთქმელად – ვერ მხედველნი გარდუვალობის – სიზმრის შვილები, ჩრდილად ქცეულნი – დახარბებულნი ამქვეყნიურ განცხრომას და სიამტკბილობას ზღვარდაუდებელს! ზეციურ მადლს და უკვდავებას – ამ წუთიერ დროსტარებას ანაცვალებენ! (შემოდის პარისი).

პარისი: – ო, შენ აქა ხარ თურმე, დაია? სულ არ გელოდი ჩემს სასახლეში! აქ ხომ შენ ფეხი არ შემოგიდგამს, რაც დავქორწინდი ელენეზე.

კასანდრა: – მოველ, გამეგო, ხომ არ დაბრუნდა შენი მაცნე-თქო. ის კი — აღარ ჩანს!

ელენე: – მეც ამას ვჩივი! ასე რისთვის შეაგვიანდა?

პარისი: – ალბათ მალე გამოჩნდება. ნუღარ ღელავთ... შენ რატომ ჩქარობ, ჩემო დაია? რაკილა მოხველ, აღარ გაგიშვებ! დარჩი ჩვენთან პატარა ხანს. ელენესაც გაუხარდება, თუკი არ წახვალ... ხომ ასეა, ჩემო სიცოცხლე?

ელენე: – ო, რა თქმა უნდა!

კასანდრა: – მადლობელი ვარ, მაგრამ მართლაც მეჩქარება. მეორე დღეა ანდრომაქე და ასტიოსი აღარ მინახვს...

პარისი: – ვიცი, ვიცი, რომ ანდრომაქე ძლიერ გიყვარს. ჰექტორიც ხომ ყველას გერჩია.

კასანდრა: – მართალია. ჰექტორისთვის მზად ვიყავი თავი დამედო, რადგან... იგი მარტოოდენ ძმა როდი იყო! ჰექტორი ჩვენი სახელოვანი ნინაპრების ხატება გახლდათ, კეთილშობილი, დიდებული, უებრო გმირი! ტროას სინდისი, პატიოსნება! ვაგლახ, რომ აღარ არის, დავკარგეთ გმირი ჭეშმარიტი! ჩვენი ცისიაც – მანდილოსანთა მშვენება – აღარა გყავს!

პარისი: – ჰო, ვიცი, ვიცი, ყოველივე ეს მშვენივრად მომეხსენება და

გამეგება. ვიცი, ვით გენვის გული ჰექტორის ცოლისთვისაც. უცილობლად, მას ახლა მეტი ყურადღება სჭირდება ჩვენგან, ისიც ვიცი, გული შეგტკივა... ჩემს ნაცოლარზე...

კასანდრა: – მე იგი მებრალეა უმიზეზო შეურაცხოფისთვის. მაგრამ... კაცები მოიძიან იმას, რაც დათესეს (თავისთვის) – ეჰ, შენც მწარედ იკბენ თითზე, ჩემო ძამია, როცა დრო მოვა! მაგრამ უკვე გვიან იქნება, სამწუხაროდ! (ხმამალლა) – უსამართლობა ჯერ არავის შერჩენია ბოლომდე!.. ასე იყო, ასე იქნება მომავალშიც!

პარისი: – ჰო, კარგი, კარგი... რაკი ფეხი შემოგიცდა ჩვენს სამყოფელში, აღარ გაგიშვებ (მოახლეს) – აბა, შიტა, დატრიალდი შენებურად. მთართვი მეფის ასულს ტკბილი სასმელი, ხილიც და ყველაფერი, რაც გაგვანია! (მოახლე ტაბლას აწყობს).

პარისი: – შეხუთული ჰაერია, ალბათ იწვიმებს... მართლაც, რატომ იგვიანებს ჩემი მაცნე?

კასანდრა: – გატყობ, რომ ღელავ... გული ხომ არ გეთანაღრება? ხომ არ ნანობ, რომ დამიჯერე?.. ეგების... ფრთხები?

პარისი: – რომ გითხრა, გული მამაცურად მიცემს-მეთქი, ტყუილია. ხომ ყველამ უწყის, აქილევსთან პირისპირ შეყრა როგორია!.. თუმცაღა რაკი ნება-სურვილი ნეტარ ღმერთთა ასეთია, როგორც შენ ბრძანებ...

კასანდრა: – დანაელთ ლაშქარს აქილევსის მოშორებით ბალავარი მოერღვევა. ამის შემდეგ კი შესაძლოა ტროას ეშველოს, ჩარხი წაღმა შემოტრიალდეს. აკი გითხარი ეს ყოველივე!

პარისი: – მეც ამისი იმედი მაქვს, ჩემო დაია! ხოლო ამის შემდეგ გამგებელი ჩვენი ქვეყნისა – მე უნდა ვიყო და სხვა – არავინ!

ჩემზე უფრო შესაფერისი, ჰექტორის მერე, აბა მითხარ, ვინ გეგულეება?... მოხუცმა დროა, ტახტი დამითმოს, დიდი ხანია ძალი არ შესწევს იყოს ტროას საჭეთმპყრობელი. ამ დილით კიდეც მოვახსენე ეს ყველაფერი. დედაჩემი – ჩემს მხარეზეა!

კასანდრა: – როგორც ყოველთვის!.. შენ მუდამ იყავ ნებიერი, გამორჩეული დედაჩვენისთვის!

პარისი: – ჰო, მასეა!.. ბერიკაცი კი ჯერაც ისევ ჭოჭმანშია... ვერ გამიგია, ფეხს რატომ ითრევს?.. მაგრამ, როგორც ჩანს, სულმთლიანად გამორჩურჩუტდა... გონს ვეღარ არის, ვეღარ აზრობს, ვეღარცა გრძნობს, რომ დრო-ჟამი, შეიცვალა!..

კასანდრა: – ჰექტორის სიკვდილს ვერ შეეგუა ის საცოდავი!.. დარდმა გასტეხა, თორემ ჯანი არ აკლია, არც გონება!

პარისი: – (მალალი ხმით, გაღიზიანებული) – მაგრამ ჰექტორი ხომ მკვდარია!.. ნუთუ ეს ვეღარ უნდა გაიგოს?.. ხოლო ცოცხლებმა ხომ

უნდა იცოცხლონ, ბოლოს და ბოლოს!.. ნინ გადადგომას ნეტა ვიცოდე, ვინ გამიბედავს? გამიბედავს და შავ დღეს დავაყრი, გაჩენის დღეს დავანყველინებ. გავანადგურებ. აღარავის აღარ დავინდობ! ტყვილა ვგონივარ ზოგ ვინმეებს უნიათო, ძალასუსტი! ტროას მეფე მე უნდა ვიყო და სხვა – არავინ! ამას წყალი არ გაუვა!

კასანდრა: – (თავისთვის) – ჩანს, ეგ სურვილი ძალაუფლების ელენემაც გაუღვივა, ასე ხომ უფრო კარგად იგრძნობს თავს ყოფილი დედოფალი! დაქცეული ილიონის დედოფლობა! – ოჰ, საცოდავო კაცთა მოდგმავ! საცოდავო ჩემო ძამია! (ხმამალლა) – მთავარია, ერთი პირი ჰქონდეს ტროელებს, რომ როგორმე გადავურჩეთ ამ მეხთატეხას. ილიონი ხომ ისევ ისე ალყაშია, საშიშროება ციხე-სიმაგრის დაცემისა – კვლავაც დიდია. ნუთუ არ გვახსოვს ეს ყოველივე?

პარისი: – ერთი პირიო? რასა ბრძანებ, ჩემო დაია! განა არ იცი... აკი ნუხელის ის ნაბიჭვარი ანტიფო და რაზმი მისი — გაპარულან ილიონიდან და თან დიდძალი განძეული გაუტაცნიათ!

კასანდრა: – ო, დია-ღმერთო!.. მერამდენედ ხდება ესე – მომხვედურთა გულის გასახარად! ოჰ, ბედდამწვარო ილიონო! როგორღა უძლებ ამდენ ღალატს, ამდენ სიავს? ისევ შენი შვილებისგან ვით იწირები ასე უღვთოდ?! თან განძიც მიაქვთ... ოქრო-ვერცხლს და... რკინა-სპილენძს ვერ შელევინ! ოჰ, სულმდაბლობავ, საზღვარი რომ აღარა გაქვს!.. რით ვერ ძლებიან ეს უბადრუკნი! ნუთუ ვერ გრძნობენ, დროებითია ეს თავის შველა, საკუთარი ტყავის გადასარჩენად — ქვეყანას მტრობენ!.. ხოლო ისინი, ვინც აქ რჩებიან, ჯგუფ-ჯგუფებად დაყოფილნი, ლამის ყელში წვდნენ ერთი მეორეს! ანდა ჩუმ-ჩუმად საფლავს უთხრიან თანამომძმეებს განძისათვის, პირველობისთვის! ვაი, სირცხვილო!

ელენე: – ჩემო კეთილო! ვიმ-ვიში და მოთქმა-გოდება, არც შეგონება, მომიტევე, ჩალად არა ღირს, დიდი საცთურის-ოქრო-ვერცხლის ბრჭყვიანობასთან! ასეთი არის კაცთა ბუნება და რას იზამ?.. ეგებ ისინი მართალიც იყვნენ?.. და რაკი თურმე მხოლოდ დროებით მოვევლინეთ ამ ნუთისოფელს, მაშინ ეგების თუნდაც წამიერი ხსნა და საშველი სჯობდეს არყოფნას, არაფრობას? ეგების სჯობდეს ისე მოვიქცეთ, ვით მოითხოვს ვითარება, გარემოება? თუკი შვებას გვაძლევს წამი იგი მცირედი – მივეცეთ შვებას და ნეტარებას, რომ ნუთიერი ესე ყოფა გავილამაზოთ და ვინუგემოთ თავი იმითი, რომ აღსასრული არ აგვცდება – გინდ ასე იყოს, გინდა ისე!

ხომ ცხადზე უფრო უცხადესია, დღეს თუ ხვალე საიქიოში დავიდებთ ბინას სამუდამოდ – უკლებლივ ყველა! ამიტომაც, მაპატიე, შენ კასანდრავ და შენც, ჩემო თანამეცხედრევ – თუკი ამაოა ეს შერკინება უძ-

ლეველ გმირთან! ეგების სჯობდეს, თუნდაც მხოლოდ წამიერი ჩვენი ნება-სურვილით ვიცხოვროთ, თუკი ღმერთებს ასე სწაღიათ – ეგების სწორედ, დღეს უნდა მოვილხინოთ, დღეს ვისიამოვნოთ! დარდით და ფიქრით, საზრუნავით, ჭაპან-წყვეტით-ხომ ვიმოკლებთ სიცოცხლეს ჩვენსას და ვინ იცის, ხვალე იქნებ აღარც გათენდეს?

პარისი: – ფათერაკების ძებნას-სიმშვიდე, უდარდელობა, რალა თქმა უნდა, ბევრად სჯობია, ჩემი აზრითაც!

კასანდრა: – ისე გამოდის, რომ ამ ქვეყნად საკუთარი სიამისათვის მოვსულვართ მხოლოდ.

პარისი: – რატომაც არა!

ელენე: – საკუთარი გულის ჭიის გახარებას, აბა, რალა სჯობს? ყველა სულდგმულს ხო ესე სწაღია? ამასა იქმენ სუყველანი – რაც კი არსებობს ქვეყნიერება! აბა, მითხარი, საკუთარი ბედნიერება, კეთილდღეობა ვის აღარა სურს?

კასანდრა: – მაგრამ... რის ფასად?.. ესეც აღარ ვიკითხოთ განა?..

თუმცა... ზედმეტი დავიდარაბა მართლაც რა საჭიროა?.. უმჯობესია, თავდავინყებით განცხრომას მივეცეთ ლხენას, განცხრომას — თუნდაც რომ ჭერი გვენგრეოდეს თავზე რიხინით! სულ ერთი არის ისიც, თუ რა გვახურავს თავზე. ამასთანავე ის სჯობს, დავივინყოთ ღვთაებანი ჩვენი და სხვის კერპებს ვეთაყვანოთ ქედნახრილებმა! რომ ორფეხა პირუტყვებად გადავიქცეთ, სტომაქისათვის რომ იღწვის მხოლოდ!

პარისი: – მე რომ მკითხონ, ჩემო კასანდრავ, შენ სულ ტყუილად ჰკარი ხელი უცხო უფლისწულს, რადგან ქალი თუ მამაკაცი, მდედრი თუ მამრი-მდედრად და მამრად დარჩებიან, სპარტაში იყვნენ, გინდ ილიონში, გინდ ქვეყნის კიდეს (იცინის, ხელს გადახვევს ელენეს) – ასე არ არის განა, ჩემო მშვენიერო თანამეცხედრევ? (ელენე თავს მორცხვად დახრის, გაღიმებული პირით).

კასანდრა: – მაშ, სამშობლო არაფერს ნიშნავს? არც დედ-მამა, არც და, არც ძმა, არც ნათესავი, ახლობელი, მეგობარი? სახლი, კერია? არც ქალაქი მშობლიური, არც დედაენა, არც ქვეყანა საკუთარი, შენი მოდგმა, შენი ჯიში, შენი ჯილაგი? მაშ, სულ ერთია მონა ვიქნები, ან ქვეშევრდომი უცხო ტომელთა? სულ ერთია-ვარ თუ ვიქნები თავისუფალი მოქალაქე ჩემი ქვეყნისა?

პარისი: – ნულარ ამუქებ და ამწვავებ კაცთა მოდგმის ყოფიერებას, ჩემო კასანდრავ! ზეციურ ძალთა ნებითაა აკი ყოველი? ღვთის ნებითაა რაც გარს გვარტყია, სულიერი თუ უსულო და თავადაც ჩვენც ხომ უზენაესი ნებითა ვართ გაჩენილი? მამასადამე, ქვეყნიერების ყველა კუნჭული ჩემი სახლია უსათუოდ, რაკილა დიდი ნანას წინაშე სუყველანი

თანასწორნი ვართ: ქალიც და კაციც დანაელნიც, ტროელნიც, და სხვანი და სხვანიც...

კასანდრა: – (ანყვეტინებს) – მაშ, მოძალადეს, კერიაში რომ მივარდება, დავუთმო სახლი, კარი გავეულო, რაკი მისიც ყოფილა თურმე ეს საცხოვრისი! თან მივეფერო, მიველაქუცი, თავი დავუდო ჩემის ნებით, რომ ყელ-კისერი უკეთ გამომჭრას? ჩვენს შორეულ პელაზგთა წინაპართ, აიაზე რომ უცხოვრიათ, – არავისათვის არაფერი წაურთმევიათ, მაგრამ მომხდურნი არ ასვენებდნენ დასაბამიდან, იმთავითვე. რა უნდა ექნათ, შენის აზრით, ეგებ ამიხსნა!

პარისი: – აკი იბრძოდნენ...

კასანდრა: – ჰოდა, ახლა აქ მეცილება გადამთიელი ჩემს მიწა-წყალს! უცხო ქვეყნებიდან აყრილ მომხვედურებს სწადიათ ჩვენი განადგურება, უნდათ წაგვართვან სამშობლო ჩვენი, პირიდან ენა ამოგვლიჯონ. ყველა ტროელი: დიდი, პატარა, მორჩილ მონებად გადააქციონ, ან სულაც დედა-ბუდიანად ამონყვიტონ, ხოლო თავად დაისაკუთრონ ყოველივე, რაც ჩვენს წინაპრებს შრომით, ღვანლით შეუძენიათ!

მაშ, რაღას ვუცდით?.. გავხსნათ ბჭენი ილიონისა და შემოუძღვეთ მგლების ხროვას, თურმე ჩვენდა სამოყვროდ და სამეზობლოდ რომ აყრილან შორეული ქვეყნებიდან! ხოლო ჩვენ კი – ნიშნად დიდი სიყვარულისა, ვარდ-ყვავილები დავუფინოთ შარა-გზებზე!

ვინ ჰქექტორი? ან ვინ ცისია? რისი სისხლი? რა შურისგება, მოვალეობა – ვის წინაშე? ანდა რისთვის? მთავარია, მხოლოდ თურმე ჩემი სიამოვნება, ჩემი გულისთქმა, ყინი, წადილი!

ო, სულებო დაღუპულთა! ვაგლახ, დიდებავ ძველი ტროასი! უძღებ, უმადურ შვილებისგან გაყიდულო, ქალაქო ჩემო! (კასანდრა განრისხებული დგება)

პარისი: – კასანდრავ, დაო! მეც ტროელი ვარ! დანაელად რატომ შემრაცხე?.. ღმერთმანი, ასე არ მიფიქრია...

კასანდრა: – უკვე გადათქვი? ასე გჩვევია აზრის შეცვლა წამის წამში!.. მერე რა?... ხან ასე გიჯობს, ხანაც ისე — გარემოების შესაფერისად!...

პარისი: – ძალიან გთხოვ, ნუ მიბრაზდები... და ნუ დამტოვებ! შენი აქ ყოფნა ახლა ჩემთვის წამალზე უფრო უმთავრესია. განა შენ არ გამაგულისე? აქილევსთან შერკინებას ვით გავბედავდი, შენ რომ არ გეთქვა?... აი, მაცნეც! როგორც იქნა, გამოგვეცხადა!.. რას გვაუნყებ, ჩემო მამანტი? ასე რატომ დაიგვიანე?

მაცნე: – ჩვენებურებმა შემაფერხეს, მარა მაინც გამოვალნიე...

კასანდრა: – ჩვენებურებმა? ეგ რაღას ნიშნავს?

მაცნე: – მეფის ასულო, მტრის ბანაკს ბევრი ჩვენებური შეფარებია, მათ შორისაა მეფისწულბიც, მოგეხსენებათ! ნამეტანი თვალფხიზლობენ, კუდის რიკამდე ჩაგყვებიან... მაცნეც რომ იყო, არ დაგინდობენ, ოღონდ მტრების გული მოიგონ!..

საოცარი და სავალალო უფრო ისაა, რომ სიხარულით ელოდებიან იმ წამს, როცა... ილიონი დაინგრევა!.. ხელებს იფშენეტენ მოლოდინში! რას არ თხზავენ, არ იგონებენ, ოღონდ როგორმე დაამცირონ ციხე-სიმაგრის დამცველები არგიველთ თვალში!

კასანდრა: – ალბათ მასეა! საკუთარი ქვეყნის ღალატი და ორგულობა ხომ უნდა გაამართლონ რამენაირად! ეს სულმდაბალთა, ქვეგამხედვართა წესია მითაჟამიდან!

პარისი: – (მაცნეს) – აქილევსი ნახე თუ არა?

მაცნე: – მზად არის, უფლისწულო, მირმიდონელთა წინამძღოლი შენთან საჩხუბრად! ხვალ უთენია გელოდბა სკაიას ბჭესთან, დიდ მუხასთან!

პარისი: – მაშ გადაწყდა!... ხვალე უნდა შევხვდეთ ერთმანეთს!.. (ერთხანს ჩუმად არის), – თქვენ რას იტყვით? შენ ჩემო მშვენიერო თანამეცხედრეც და შენ, კასანდრავ, დაო ჩემო?

ელენე: – რაკი არ იშლი... თუმც უწყიან ნეტარ ღმერთებმა, რომ მე არ მსურს შენი შებმა იმ მძლეთამძლესთან არც ხვალ, არც როდის!

კასანდრა: – მოსახდენი უნდა მოხდეს! უნდა შეება! (თავისთვის) განგების ნებით, პელაზგთა მოდგმის ნაშიერებმა უნდა ერთხელაც შეუტიონ ერთი მეორეს! (ხმამალლა) – მით უფრო, როცა გამარჯვებას შენ გარგუნებს არსთა გამრიგე!

პარისი: – მაშ, ხვალე უნდა შევებრძოლოთ ერთიმეორეს! (მაცნეს) – შენ შეგიძლია ახლა ნახვიდე!.. თუ დამჭირდები, ისევე გიხმობ! (მაცნე გადის. პარისი აქეთ-იქით იწყებს სიარულს დარბაზში)

პარისი: – იქნება სჯობდეს გადადება ამ შეხვედრის?.. კიდევ უნდა მოვიფიქრო!..

კასანდრა: – რაო, რა ბრძანე, ჩემო ძამია? რის გადადება, რა გადადება? აკი უკვე გამოიწვიე აქილევსი? ჟამმა დარეკა. უნდა იმარჯვო – ამჯერად მაინც! ვინძლო შენი ბედოვლათობის, ქარაფშუტობის, უსულგულობის აზრი გაქარწყლდეს ამ გამარჯვებით!

პარისი: – სხვა რას იტყვის, ან იფიქრებს – სულ ფეხებზე მკიდია ეგა, ჩემო დაია! სხვისი აზრი სულ არ მადარდებს!

კასანდრა: – ღმერთების ნებით სძლევ მეტოქეს იმას, ვინც ან უსურვილო, უწადინო სხეულს დაატარებს მხოლოდ, თვით სასჯელის ნიშნად! აქილევსი ლეშია უკვე – ღმერთების ნებით! დამიჯერე! ასე იქნება!

პარისი: (აფეთქდება) – ღმერთების ნებით.. ღმერთების ნებით რომ დაიჩემე, ეგებ გიმტყუნოს წინათგრძნობამ? მაშინ რაღა ვქნა?.. თუმცა შენ, აბა, რა გენალვლება!.. ჩემს ადგილზე შენ რომ იყო, მაშინ ვნახავდი, რანაირად იჩიკტიკებდი! სხვა სხვის ომში ბრძენიყო, ნათქვამია.

კასანდრა: – მაშ, უკან იხევ? კვლავ თავს იჭრი?

პარისი: – შენ თუ გესმის, ვისთან მიწევს შებრძოლება? უძლეველ გმირთან, ქალღვთაების ნაშიერთან, ქირონის – ამ უბრძენესი ცხენ-კაცის მოწაფესთან! რომელიც... თითქმის უკვდავია! (კვლავ გამალებული ბოლთასა სცემს, მერე უცებ შეჩერდება და კასანდრას მიმართავს:).

პარისი: – ჩემს მაგივრად შენ რომ შეხვდე? ჰა, რას უტყვი? ან სხვა რომ შეებრძოლოს – თუნდ რომელიმე ჩემი ძამია – ტახტის ფლობა ხომ ყველას უნდა? ჰოდა, იკადრონ, შეხვდენ აქილევეს! მე რატომ უნდა ავიკიდო ეს მძიმე ტვირთი მაინცდამაინც?

კასანდრა: – შენს მაგივრად ისეც ბევრი შეენირა ამ დაწყვეტილ ომს. გონს მოეგე! რაებს რომავ? უკვე გულს მირევს შენი სიმზდალე!.. ადრე ხომ უფრო მამაცი იყავი, სილამაზით გამორჩეული! ახლა ასე რამ წაგახდინა?.. რა დაგემართა?

პარისი: – რა ვქნა, კასანდრავ, დაო ჩემო! შენი თითქოს უკვე არ მჯერა!... აქილევეს რომ მომერიოს?.. ჰა? მაშინ რა ვქნა?

კასანდრა: – თუ მასე შიშობ, მაშ, მაცნე რისთვის გააგზავნე აქილევესთან?

პარისი: – გაიგე, გოგოვ, გუშინ უფრო დიდ გულზე ვიყავ! ახლა კი... ისევე შემეპარა ეჭვის ჭია... სიკვდილი სწორედ აღარ მწადა! გაიგე ქალო!.. ესეც არ იყოს, მე რომ მოვკვდე, ტროას ვინლა უპატრონებს?.. ანდა ელენეს რა ეშველება?.. არა, ბატონო, სასწორზე თავი რისთვის დავდო? მე ხომ ტახტის მემკვიდრე ვარ და არა უბრალო მოკვდავი ვინმე! დაე, სხვებმა თავი განირონ ჩემი გულისთვის, ილიონისთვის! მე კი – ცოცხალი უნდა დავრჩე, თუნდაც სხვა ყველა გაიჟლიტოს: ყველა ტროელი ბოლოსდაბოლოს პარისს უნდა ეთაყვანოს, როგორც ტროას მომავალ მეფეს!

კასანდრა: – თუკი ტროა აღარ იქნება, შენ ვისი მეფე უნდა იყო, შე საბრალოვ?

პარისი: – მე და ელენე ხომ გადავრჩებით? ჰოდა, ესეც საკმარისია! ტროას, იცოდე, ესეც ეყოფა!

სხვა დანარჩენი წყალს წაუღია, თუნდაც მენყერს! აღარ დავებძე!..

არ შემედავო ტყვილა – უბრალოდ, თუ ღმერთი გწამს!

მე უკვე გადავწყვიტე და ამჯერად აღარ გადავთქვამ! მორჩა, გათავდა! (თითქმის სირბილით დადის დარბაზში, ხაფანგში გამომწყვდეული

ნადირივით).. თუმცა... იცი რა? მოდი, აქილევეს შენ... შეერკინე! ხო, შენ, კასანდრავ!..

თუმც გარეგნულად იას ჰგავხარ, სათუთს, მშვენიერს, მაგრამ ხომ ვიცი, გულით როგორი მამაცი ხარ, შეუდრეკელი!

ჰოდა, ჩაიცივი ჩემი სამოსი, აქილევესი ვედარ გიცნობს – ზუჩიანი თუკი იქნები!

ჰა, რას იტყვი? ხომ კარგი აზრი მომივიდა მოულოდნელად? ტახტის მემკვიდრის გადარჩენა – ამაზე დიდი საქმე განა რა უნდა იყოს? თუმცა... ტახტზე თვალი უჭირავთ სხვა უფლისწულთაც, მაგრამ ჩემზე ღირსეული ბოლოს და ბოლოს, რომელი გახლავს?..

ჰოდა, თუკი შენ ამას იზამ, ხალხის თვალში ხომ ამაღლები? დამარცხდები თუ გაიმარჯვებ – სულ ერთია! გმირად შეგრაჯხენ ტროელები, უეჭველია! სხვა ტომებიც! საუკუნეებს გადაწვდება შენი სახელი. რას იტყვი-მეთქი? გამოსავალი ხომ ვიპოვნე?

კასანდრა: – ხვალ უთენია გალავანზე გავიჭრები, ბუკ-ნალარას დავაკვრევი და საჯაროდ განვაცხადებ მთელს ილიონში და მის გარეთაც – რომ ლაჩარი ხარ! მთხლე! ქალაჩუნა!

პარისი: – რამდენიც გინდა დაუკარი ბუკ-ნალარა. სხვისი აზრი, ხომ გითხარი, აღარ მანუხებს. სიცოცხლე უფრო მეძვირფასება სირცხვილ-ნამუსზე!

კასანდრა: – მაშ კარგი! ახლავე გავალ ამორძალებთან და ვუბრძანებ, დაუყოვნებლივ შემოარტყან ალყა სასახლეს! აქედან ნაბიჯს ვერ გადადგამ ხვალ დილამდე! დილით მე თვითონ წაგიძღვები ორთაბრძოლაში! თუ არადა, ამას ხომ ხედავ? (უცებ დანას დაადრობს) – ამის წერა გახდები ხვალე! იცოდე, ჩემი ხელით მოკვდები! ჩვენი დინოს ამდენ შერცხვენას არ გაპატიებ!.. ახლა მივდივარ, ამორძალებს უნდა ვუხბო! (კასანდრა გადის).

პარისი: – ხომ ხედავ, როგორ დამემუქრა? თანაც დანა რომ დამიძრო? ეს რაები იკისრა, კაცო?.. მაგრამ ეს კიდევ არაფერი – ამორძალებით რომ მაშინებს თავაშვებული ჩემი დაია? ერთი უყურეთ, რა დღე-შია! ეს ალქაჯი! მისგან ყველაფერს უნდა ელოდე! მაგრამ... რაზმი განა მეც არა მყავს? ახლავე ვუხბობ ჩემს ერთგულ მცველებს!

ელენე: – ჩემო ძვირფასო, აღარ გინდა!.. გთხოვ, დაწყნარდე!

პარისი: – ნუთუ შენც? შენც მოისურვე ჩემი დალუპვა? აკი წელან სხვას ამბობდი? თუმცა... დიაცს როდის იყო, ერთი პირი რომ ჰქონდა? ან ერთგულებას ვითლა მოთხოვ?.. მიჩვეულია თავისი დღე და მოსწრება – ნადავლი იყოს გამარჯვებულის!... არც მოძალადეს გაექცევა, ძველი იქნება იგი თუ ახალი, - ეგ სულ ერთია! მხოლოდ ერთი წამის სიტკბოე-

ბით ცხოვრობს ამ ქვეყნად!

ელენე: - მე აღარ მინდა გეკამათო! შეგედავო! შეურაცყოფას ვითომ არც ვისმენ. მე მოგახსენე, რასაც ვფიქრობდი. სხვა – არაფერი.

პარისი: - მაშ, თავგასული კასანდრას ნებას უნდა დავყვე? დავემორჩილო? მე ხომ არ მინდა... უფრო სწორად... გადავიფიქრე, ნუთუ ამის ნება არა მაქვს?

ელენე: - მაგაზე მაშინ უნდა გეფიქრა, როს აქილევსთან მაცნესა გზავნიდი! მე ხომ მაშინ... დაგიშალე? სხვა დროს ყოველთვის მიჯვრებდი... მაშინ ვერაფრით დაგარწმუნე. ახლა რას იზამ? უკვე გვიანაა!.. ხალხი რას იტყვის?

პარისი: - გვიანიაო? რასა ბრძანებ?... ან რას დაგიდევ, ვინ რას იტყვის?

ელენე: - შენ ამორძალეებს, როგორც ვატყობ, მართლა არ იცნობ! შენი დაიას მონოდებით, პატარა ხანში აქ გაჩნდებიან და მთელ სასახლეს გადათქერავენ! ჯერ შენ მოგკლავენ, მერე ბოლოს მეც მომიღებენ ხომ იცი ორივე ძლიერ ვეჯავრებით მაგ მანანალებს! რაც ჯავრი აქვთ ცისიას გამო, - ჩვენზე იყრიან! ეჭვი აღარ შეგეპაროს! რაკი კასანდრაც უყვართ ძალიან, მის მონოდებას ერთსულოვნად შეხვდებიან!

პარისი: - მაგრამ მე ხომ უფლისწული ვარ? ალექსანდროსი? ტახტის მემკვიდრე? ვით გაბედავენ?

ელენე: - გაბედავენ, დამერწმუნე, გაბედავენ, ჩემო სიცოცხლევ! მათ ნინ ვერავინ ვერ დაუდგებათ, თანაც ახლა, ცისიას გამო ისე არიან გამნარებულნი! ეგენი ხომ შენ და ჩემზე კბილებს იღესენ, რა ხანია!

პარისი: - თუკი მასეა... უნდა გავიდე ხვალ უთენია სკაიას ბჭესთან! სხვა რა გზა მაქვს!

პარისის და აქილევსის ორთაბრძოლა

აქილევსი: - აი, მე და შენ შევხვდით ერთმანეთს – შენ ბედის ნებ-იერი ალექსანდროსი, მე აქილევსი, მირმიდონელთა უფლისწული! შენ, ვინც აქამდე გამირბოდი ყოველნაირად, ჩანს ღმერთებმა შთაგაგონეს ეს შერკინება და ირწმუნე, რომ სწორედ ახლა შეძლებ აქილევსის დამარცხებას! ასეა არა?

პარისი: - დიახ. აქამდე გაგიბოდი! მაგრამ ამ დილით, ღმერთების ნებით, უნდა დაბნელდეს მზე აქილევსის!

აქილევსი: - მე კი მეგონა... შენგან სიტყვას ველოდებოდი მონანიების! თურმე... მოვტყუედი!

პარისი: - მონანიება?! ვის ნინაშე?! რისი გულისთვის? სანანებელი რა უნდა მქონდეს?

აქილევსი: - თუნდაც ის, რომ შენს პირადულ სიამტკებლობას

ენირება ამდენი ხალხი! და მათ შორის შენინები, შენი სისხლის და შენი ხორცის!

პარისი: - მე ძალით არვინ გამიტაცია, ქალი წამომყვა თავის ნებით, რადგან მარჩია თავის მეუღლეს, ყოველნაირად! მიზეზი ომის სხვა რამ გახლავთ, ეს შენ კარგად მოგეხსენება. ესეც არ იყოს, საკუთარი კეთილდღეობა ამოდრავებს მიწისშვილთა უმეტესობას. თუმც, შეიძლება ერთ არ თქვან ეს ყოველივე, მაგრამ გულში ასე ფიქრობენ. მეც მათ შორის მეგულების თავი! ოლონდ მე ამას ვამბობ ხმამაღლა, დანარჩენები – გულში მალავენ, არ ამხელენ.

არა მგონია იმ სიშორიდან წამოხვედი ტყუილ-უბრალოდ, რომ სახელისა და ნადვლისთვის არ ზრუნავდე დღე-ნიადაგ! კარგად ვხედავ, სიმართლისათვის თავი არ სტკივა არც ერთ მხარეს!

აქილევსი: - შენ ერთ რამეში მართალი ხარ: სიმართლისათვის თავს არ იკლავს ბევრი ჩვენგანი!.. თუმცა, ახლა აღარ ღირს ამის გარჩევა, საამისო დრო არ არის. მაშ, მოდი ნულარ დავყოვნდებით. საქმეს შევუდგეთ, რაკი არ იშლი და გნადია ჩემი მორევა-სცადე ბედი! თუმც გირჩევდი, შენი პირადი თაოსნობით შეგენყვიტა ეს ხოცვა-ჟლეტა და ელენეც დაბრუნებოდა თავის პირველ ქმარს. მაშინ საბაბიც გაქრებოდა და ადვილად ვერ შეუტევდნენ დანაელები ტროას დამცველებს!

პარისი: - ვიშ, რა ჭკუაზე მობრძანებულხარ ამ სისხამ-დილით!... მე მირჩევნია განყდეს სუყველა, თუნდაც ერთ დღეს, ვიდრე რაიმე პირადული დავთმო ოდესმე! ვინც უნდა იყოს ტროელი თუ არგიველი – ჩემთვის ერთია! ილიონში მბრძანებელი მე უნდა ვიყო და ჩემმა ცოლმაც სიბერემდე იდედოფლოს უნდა ტროაში! მე ასე მსურს და ასე იქნება ღმერთების ნებით!

აქილევსი: - დავინყოთ, აბა! დაე, ღმერთებმა გადაწყვიტონ – ვინ ვის სჯობა – ძალით თუ ხერხით. და ვის ძალუძს მზე დაუბნელოს მოკვდავ მიწისშვილს!

პარისი: - დავინყოთ! მზად ვარ! უზენაეს ღვთაებას შევთხოვ, შუბის სროლა თუ ხმლის მოქნევა უკანასკნელი იყოს შენთვის! რომ ვერც საქვეყნოდ სახელგანთქმულმა შენმა ფარმა დაგიცვას და დაგიფაროს, რომ გულმკერდი შეგინგრიოს ჩემმა შუბმა, მარჯვედ ნასროლმა!

აქილევსი: (გულმონყალედ იღიმება) – აბა შენ იცი, უშიშარო, ნულარ ყოვნი! შენ პირველმა მესროლე შუბი! (ინყება ორთაბრძოლა ჯერ შუბებით, მერე გადადიან სატყვერებზე. აქილევსი გააგდებინებს ანაზღად პარისს იარაღს, უსატყვეროდ დარჩენილი, განბილებული პარისი სასონარკვეთით ემხოზა მუხლებზე, თავზე ხელებს აიფარებს) –ო, კასანდრავ, ღვიძლო დაო, რატომ გამწირე!

აქილევსი: – მამ, კასანდრას მიერ ბრძანდები თურმე ასე გაქეზებულნი? მამ, გამარჯვების იმედი მოგცა შენმა მისანმა, ბრძენმა დაიკომ?... მაგრამ ხომ ხედავ, ღმერთებისგან რომ გაინირე? ჩემს ხელთაა შენი სიცოცხლე!..

აქილევსის სატევრის ერთი მოქნევა კმარა, რომ თავი შენი გაგორდება აქ, ამ მიწაზე.

ხომ არ გგონია, როგორც სხვა დროს, ცის ღვთაება მოგეშველება?... მაგრამ... არა მსურს შენი სიკვდილი! აი, გიბრუნებ უკან იარაღს! წა, გამეცალე! შენ ხომ უწინაც არა ერთხელ გაქცეულხარ ბრძოლის ველიდან! ახლაც ხომ ვხედავ, როგორ ცახცახებ! სიცოცხლე როგორ გეძვირფასება! მამ გაიქეცი! თავს უშველე, ვიდრე აზრი არ შემიცვლია!.. ვინ იცის, ეგებ შემდგომში მაინც გაგიღიმოს ბედმა ტიალმა და გამოადგე შენს ქვეყანას, ვით მეომარი! ვინ იცის, ღმერთებს რა უდევთ გულში!

კეთილშობილი კასანდრაც კი ვერ მიუხვდეს ეგებ ნებას განგებისა! ჩქარა წადი! მოკურცხლე-მეთქი! ამჯერადაც შვება-ლხენა შენი მეუღლის გულმკერდზე ჰპოვე! (პარისი თანდათანობით უკან იხევს, მერე გარბის თავქუდმოგლეჯით. აქილევსს მწარე სიცილი აუტყდება).

აქილევსი: – ერთი შეხედეთ, როგორ გარბის ეს კურდღელი! უკან არც კი იხედება! აი, თურმე რა ძვირფასია სიცოცხლე მისთვის, სხვებისას კი – არას დაგიდევს! არა, მზის მადლმა, თუმც სიცოცხლე ცისიას შემდეგ, ჩალად არ მიჩანს, ამ ლაჩრის ხელით აღარ ღირდა გამოთხოვება წუთისოფელთან! თუ სიკვდილია – ღირსეულ სიკვდილს ვირჩევ-მეთქი ბრძოლის ველზე, – ვაჟკაცებთან შერკინებული! თუნდაც იმისთვის, რომ ამნაირ მხდალ კაცუნებს, ვითომც ღვთისშვილებს, სატრაბახოდ არ მიეცე თავი!..

თუმც... შესაძლოა, ერთობ ბევრმა ველარც გაიგოს საქციელი აქილევსისა. და მაინც... ჩემსას არ დავიშლი! მოსწონთ თუ არა ეს ცის ღვთაებათ, თუ მიწისშვილებს!

მამ, ასე! მტრის ჯინაზე ფარ-ხმალს არ დავყრი! ვიცოცხლო უნდა ალბათ მანამდე, სანამ სული არ გაეცლება ჩემს მოკვდავ სხეულს, სანამ ჯერ კიდევ მზეს ვფიცულობ სიყვარულის სადიდებელად!

ჩუ! ეს ნაზი ფერიები საიდან გაჩნდნენ? რამ მოიყვანა ამ კარიბჭესთან, მუხის ჩეროში? (თეთრსამოსიანი ფერიები, თავზე ყვავილების გვირგვინებით, ხელიხელჩაკიდებულნი, გარს შემოერტყმიან აქილევსს:).

ფერია: – ჩვენ გარადსულთა სულები ვართ, გმირო აქილევსს! ჩვენ დღემოკლე პეპლების სახით ვევლინებით ხოლმე მიწისშვილებს, რომ შევასხენოთ, ორასი წელიც რომ იცოცხლონ – ნამისწამია წუთისოფელი და ჩვენსავით განქარდებიან! ამჟამად შენთან ფერიებად გარდავისახეთ... ამას თუ იცნობ, ქველო აქილევს!

აქილევსი: – ნუთუ?! ცისია გამოეცხადა უღირს მამაკაცს, ვინც თვისი ხელი გაისვარა წმინდა სისხლში? – ღმერთებო!.. დიდო ნანავ!..

ცისიას აჩრდილი: – ო, აქილევს, ძვირფასო ჩემო, მე ვიცი ვით განიცდი, ვით გულწრფელად ინანიებ შენს საქციელს... და ისიც ვიცი, როგორ გიყვარვარ!

აქილევსი: – ნუთუ მართლა?! ნუთუ ჩემი გულის ნადები მართლა შეიცან?

ცისიას აჩრდილი: – ო, სულეთიდან უკეთა ჩანს გულის ზრახვანი — ცოცხალთა! დაიჯერე, რომ ეს ასეა.

აქილევსი: – ნუთუ ირწმუნე? ირწმუნე განა, რომ მიყვარხარ თავდავინწყებით, უბოლოოდ, უსასრულოდ?

ცისიას აჩრდილი: – აკი გითხარი, რომ იქავეთში არაფერი დაიმალება! ხელის გულზეა გადაშლილი ყველას გულისთქმა!

აქილევსი: – თუკი მასეა, მაშინ ვფიცავ ყველა საფიცარს, რომ მზად ვარ ახლავ, დაუყოვნებლივ სიცოცხლე დავთმო, გამოველსამო წუთისოფელს, ოღონდაც შენ კვლავ იცოცხლო და გაიხარო!

ცისიას აჩრდილი: – მე უშენოდ სამზეოში ვერ გავიხარებ, ჩემო აქილევს, რადგან შენსავით, მეც პირველი ნახვისთანავე, შეგიყვარე!

აქილევსი: – ო, ღმერთო ჩემო! ნუთუ ყური არ მატყუებს?! თუ მასეა, მერედა, რისთვის...

ცისიას აჩრდილი: – შენ გინდა მითხრა, მამ, რილასთვის შეგაკალ თავი? ჩემო ძვირფასო, ახლა ყველაფერს ველარ გეტყვი... აქ, როცა მოხვალ, მხოლოდ მაშინ საცნაური შეიქნება შენთვის ბევრი რამ, რაც დაფარულია მიწისშვილთათვის!

სამწუხაროდ, სამწუხაროდ დედამიწაზე დიდი ხნის ყოფნა არ გინერია – ჩემი არ იყოს! სამაგიეროდ, ჩემთან მოგიყვანს დიდი გრძნობა... სასულეთში სიყვარულით პოულობენ მხოლოდ ერთმანეთს! სიძულვილი, მტრობა, შუღლი – საიქიოში ვერ ბოგინობს, ველარ ძლებს და გარბის იქიდან!.. იქ სულთა მხოლოდ ზეალსვლა – სიყვარულით ნაკვებ-ნაზარდი! იქ პოხიერი ნიადაგია მხოლოდ სიყვარულისთვის!

აქილევსი: – ღმერთო ჩემო! ახლავ, ამ წუთას მოვეშურები, რომ ერთად ვიყოთ სამარადისოდ! ეს არის ახლა ჩემი ნატვრა, ჩემი ოცნება!

ცისიას აჩრდილი: – ო, არა. ჯერ არ დამდგარა ჟამი, ჩემო ძვირფასო! სამზეოში მიწისშვილნი თუმც ეცდებიან, რომ ამოგსვარონ ლაფში, ტალახში... გაუძლო უნდა! აიტანო! სიყვარული გაგაძლებინებს! ვაჟკაცთ წესია ჭირთა თმენა! მამ, შეხვედრამდე! დაგელოდები, რომ შენი გრძნობის მოზიარედ გადავიქცე მიღმიეთში!

აქილევსი: – ო, დაიცადე!.. ჯერ ნუ ნახვალ!.. შენი ნახვა ისე მომწყ-

იათნანელი ამორქალაპი..... 3

ჟამი მოვალს!..... 257

სიყვარული სიკვდილის შემდეგ ანუ „შენი რაშეპი
ჭიხვინეპენ, აქილევს!“ 417

ურდა... ისე ძალუმად მენატრებოდი, ისე მწაღდა მემზირა შენთვის... აქ, უშენობას ველარ შევძლებ! გვედრები, აღარ დამტოვო! კიდეც ცოტა ხანს მესაუბრე... მინდა დავტკეპე შენი ხმის ჟღერით... მინდა ცოტა ხანს ასე გიყურო, თუნდაც... შორიდან!

ცისიას აჩრდილი: – ო, არა. უნდა აქ დარჩე, სამზეოში და... გიყვარდე! ეგ სიყვარული კელაპტარივით აგაბრიალებს, დაგწვავს, დაგფერფლავს და... სხვებსაც ამ სიყვარულით გზას გაუნათებ!

ნახვამდის, ჩემო! უნდა დავშორდეთ ერთი მეორეს... დროებით! ეს გვირილები საჩუქრად ჩემგან!.. გელი, მშვიდობით! (ფერიები ქრებიან. გაოგნებული აქილევსის ფერხთით გვირილები ყრია. ერთს დაწვდება).

აქილევსი: – მაშ, ვიდრე სამზეოში ვიმყოფებით, უნდა ვიცოცხლო, ვიბრძოლო კიდეც! დე, ასე იყოს, ჩემო ფერიავ – სანამ იქავეთს არ ვესტუმრები შენს სანახავად, რომ მუხლმოდრეკით თაყვანი გცე, ვით ღვთაებას, ვით სიყვარულის უშრეტ წყაროს!

არა, მისანო, თუმც დაკოდილი გულით დავდივარ, თუმც ჩემს სატრფოსთან ყოფნის სურვილი არ მასვენებს დღისით, ღამითაც, — ბედისწერის განჩინებას ქედს არ მოვუხრი! პრომეთეოსის მოდგმის რაკი გახლავართ, უნდა კიდევაც ყოველნაირ ტანჯვას გავუძლო, სანამ ჯერი არ მოსულა ჩემი სულთხდომის!..

ჩემო დედილო, შენც ამაოდ ნულარ ღვრი ცრემლებს. შენი შვილი ბედნიერია, რამეთუ აღარ მოუნია ამ სანუთროში უსიყვარულოდ ყოფნა-გაძლება – თუნდაც მცირე ხანს! რა თავში ვიხლი გრძელ სიცოცხლეს! რა ბედენაა უსიყვარულოდ ამ ქვეყნად ყოფნა!

მაშ, გაემზადე, ჩემო აქილევს, შორი გზისათვის – სიყვარულის საგზლით და რწმენით – სიყვარულთან შესახვედრად!..

– ეჰეი, პარისს, „გულადო“ პარისს! როგორც ჩანს, მაინც მოგვიწევს შევხვდეთ ერთი მეორეს!

* * *

აქილევსი: მე ისევ მოველ ამ ადგილას... სადაც პირველად გნახე, ჩემო ფერიავ. ისევ ისე იმ გვირილებს დავეძებ ახლა, აქ რომ დაყარეს ჩემს ფერხთქვეშ მშვენიერმა ფერიებმა! ო, იმ ნეტარ წამს ისევ ისე ვიგონებ, და კვლავ ვესათუთები, ცისიავ, შენს აჩრდილს და... მოგონებას!

(გრძნობამორეული აქილევსი წამოწვება მუხის ჩეროში, ფეხს ფეხზე გადაიდებს და გაყურდება. ქონგურის ქიმს ჩასაფრებული პარისი უცრად ისარს გამოსტყორცნის და მოახვედრებს მისი სხეულის ყველაზე დაუცველ ნაწილს – ქუსლს.

აქილევსი კვდება.

კომპ. უზრუნველყოფა თამარ სტეფანაძე

გამომცემლობა „მერიდიანი“,

აღ. ყაზბეგის გამზ. №45

E – mail: meridiani777@gmail.com ტ. 239-15-22



მწერალი, პუბლიცისტი
ციალა არდამელია დაიბადა
საქართველოს ერთ-ერთ ულ-
ამაზეს და უძველეს კუთხეში
– აფხაზეთში, ქ. გაღში. (სამურ-
ზაყანო, ყოფილი საბედიანო).
დაამთავრა ივ. ჯავახიშვილის
სახ. თბილისის სახელმწიფო
უნივერსიტეტის ფილოლოგიის
ფაკულტეტი.

სწავდასწავა დროს მუშაო-
ბდა ჟურნალ „ცისკარში“ (17
წელი), აღმანახ „რიწაში“ (სონ-უმი), მხატვრული თარგმანისა
და ლიტერატურული ურთიერთობის მთავარ სარედაქციო
კოლეგიაში, ჟურნალ „დროშაში“.

ავტორია რამდენიმე მხატვრული და პუბლიცისტური
წიგნის, მათ შორის ორი მითოსური რომანის – „ათნახე-
ლი ამორძალები“ და „ჟამი მოვალს“, პიესის – სიყვარული
სიკვდილის შემდეგ („შენი რაშები ჭინვინებენ, აქილეეს!“),
პუბლიცისტური წერილებისა და ისტორიულ-მხატვრუ-
ლი ნარკვევების კრებულებისა: „უძღური ჭირისუფალი“,
„ბილწო არ შავეკერი ზავითა“, „საუნჯე სათნობისა“,
„ყვირილი გვმართებს დღისით, მზისით“, „ვინ იყო ქვათა
ამათა მკვეთი“, „მოდო-ნახეს“ მეცინოვანი“, „საყრდენი“.

იყო ერთგვარი მოძრაობის აქტიური წევრი.
საქართველოში პირველი არაფორმალური, ი. ჭავჭავაძის
სახ. ორგანიზაციის ერთ-ერთი დამაარსებელი.

არის რევან ინანიშვილისა და დავით აღმაშენებლის სახ.
პრემიების ლაურეატი. დაჯილდოებულია ჟურნალისტთა
საერთაშორისო ფონდის მიერ – „ოქროს ფრთით“.